

孤本元明雜劇

三

石榴園

龐探四郡

陳倉路

五馬破曹

怒斬關平

娶小喬

東籬賞菊

魏徵改詔

智降秦叔寶

四馬投唐

鞭打單雄信

慶賞端陽

登瀛洲

陰山破虜

龍門隱秀

南極登仙

浣花溪

破風詩

紫泥宣

午時牌

打董達

打韓通

曹彬下江南

開詔救忠

破天陣

十樣錦

大破蚩尤

認金梳

女真觀

女學士

女姑姑

岳飛精忠

大劫牢

開銅臺

東平府

九宮八卦陣


VISIT...

LANZAROTE
Caliente.COM



孤本元明雜劇

三



莽張飛大鬧石榴園

關名

頭折

〔冲末扮曹操領卒子上〕〔云〕少年錦帶掛吳鉤。鐵馬西風塞草秋。全憑匣中三尺劍。坐中往往覓封侯。某姓曹名操字孟德。乃沛國譙郡人也。幼年曾爲參謀之職。某自請聖人到於許都。加某爲大漢左丞相之職。見如今八方無事。四海晏然。今有呂布在徐州作亂。某領兵到於徐州。生擒了呂布。斬首於白門。有劉關張兄弟三人。某領他見了聖人。保舉他重賞加官。爲何如此。我要將此三人收留在我麾下。某虎視天下諸侯。有如翻掌。因此上將此三人厚禮相待。又賜宅舍一所。誰想此三人各有異志。不從某調。我欲要將此三人殺害了。爭奈他弟兄每英雄無比。膽量過人。時間難以擒拏。某手下有百計張遼。九牛許褚。大將夏侯惇。我不曾與他商議。小校與我喚將夏侯惇來者。〔卒子云〕理會的。夏侯惇安在。〔淨扮夏侯惇上〕〔云〕湛湛青天殺不着。躡着梯子望上瞧。兩輪日月仔細看。原來是塚裏兒糕。某乃夏侯惇是也。每回臨陣。諷的我放屁。戰策兵書。到了不濟。某佐於曹丞相麾下。爲前部先鋒之職。今日正在將臺上。我們放鶴兒。鶴兒是鶴之誤。凡即風等也。要子。不知那箇沒天理的。打了箇墜瓦兒。把鶴兒落在哈密里去了。今有小校來請。丞相呼喚。不知有甚

事。須索走一遭去。可早來到也。小校報復去。道有夏侯惇大叔來了也。〔卒子云〕理會的。喏。報的丞相得知。有夏侯惇來了也。〔曹操云〕着他過來。〔卒子云〕理會的。過去。〔做見科〕夏侯惇云。丞相呼喚老夏。有何商議。〔曹操云〕夏侯惇。且一壁有者。小校與我喚將張遼許褚來者。〔卒子云〕理會的。張遼許褚安在。〔張遼上云〕幼小曾將武藝習。南征北討慣相持。臨陣望塵知敵數。對壘嗅土識兵機。某姓張名遼字文遠。乃鴈門馬邑人也。今佐於曹丞相手下爲將。今有丞相呼喚。不知有甚事。須索走一遭去。可早來到也。小校報復去。道有張遼在於門首。〔卒子云〕理會的。喏。報的丞相得知。有張遼來了也。〔曹操云〕着他過來。〔卒子云〕理會的。過去。〔做見科〕張遼云。丞相呼喚張遼。那廂使用。〔曹操云〕張遼。且一壁有者。若許褚來時。報復我知道。〔卒子云〕理會的。〔淨許褚上云〕朝爲田舍郎。暮登張子房。出的朝陽門。便是大王莊。某乃大將九牛許褚是也。某佐於曹丞相手下爲將。今有丞相呼喚。不知有甚事。須索走一遭去。可早來到也。小校報復去。道有許褚來了也。〔卒子云〕理會的。喏。報的丞相得知。有許褚來了也。〔曹操云〕着他過來。〔卒子云〕理會的。過去。〔做見科〕許褚云。丞相。許褚來了也。〔曹操云〕您都來了也。喚您來有大事商議。〔夏侯惇云〕丞相喚俺來。有甚麼古而怪之的事。都說將來。我管情與你弄的七歇八歪的。〔曹操云〕喚您來別無甚事。頗奈劉關張弟兄三人無禮。您豈不知。當日我舉保他爲官。誰

想他三人背義忘恩。不伏某調。倒有害某之心。我今要擒拏劉關張弟兄三人。爭奈無箇計策。特喚您來商議。〔張遼云〕丞相他弟兄三人。都是虎將。便怎生拏的住。便好道有力呵力取。無力呵智取。俺這城外有一所石榴園。內有一座凝翠樓。丞相可在石榴園凝翠樓上。安排筵宴。差人請劉備。則說作賀。此人必然來赴會。樓下着七重圍子手。圍了凝翠樓。筵間羅織他些風流罪過。拏金鍾爲號。活拏了劉備。若雲長張飛知道。必然來救。憑着俺衆將英雄。他一箇來拏一箇。兩箇來拏一雙。正是翦草除根。萌芽不發。此計如何。〔曹操云〕此計大妙。張文遠。俺就去石榴園凝翠樓上。設謀排宴。暗藏甲士。許褚。你則今日持着這封請書。直至劉玄德宅上。請他石榴園赴會。小心在意者。〔許褚云〕丞相放心。我持着走一遭去。鋪謀定計已安排。丞相將令把我差。持書若見劉玄德。放心我不分星夜請將來。〔下〕〔曹操云〕許褚去了也。夏侯惇。一壁廂安排筵宴。若劉備來呵。我擒拏了此人。便是我平生願足。張文遠。暗去來。定計鋪謀智量高。石榴園內列槍刀。持書去請劉玄德。且看今番命怎逃。〔同下〕〔夏侯惇云〕丞相着我安排筵宴。小校與我喚一箇廚子來。〔卒子云〕理會的。廚子安在。〔淨廚子上〕〔云〕我做廚子慣滑熟。做生活專弄虛頭。做案酒偷了。下飯。做湯水快使香油。一碗湯着上二兩。登時間順腿直流。論剝剝了手背。論煎炒一刻胡謔。帽子裏藏了胡椒。袖子裏褪了羊頭。被本家若還拏住。醜嘴臉一似山猴。自家姓炒名皮字蓼。

花。乃油嘴出身。平昔幫閑鑽懶。批吭搗虛。專與人家燒火剝葱。抹油嘴。捧盤子。近來我當了廚子身役。今有大人呼喚。須索走一遭去。可早來到也。報復去。道有局長大叔來了也。〔卒子云〕理會的。報的大人得知。有廚子來了也。〔夏侯惇云〕着他過來。〔卒子云〕理會的。過去。〔廚子云〕大人呼喚小人。有何事也。〔夏侯惇云〕我今要安排筵會。叫你來先打箇料帳。〔廚子云〕不打緊。這兩日且是羊賤。〔夏侯惇云〕好肥羊。要多少錢一隻。〔廚子云〕好大尾子肥羊。則要一貫鈔一隻。〔夏侯惇云〕小校與他一貫鈔。則要一隻肥羊。〔廚子云〕大人着誰買。〔夏侯惇云〕着你買。〔廚子云〕老子也。成不的。成不的。這兩日羊貴了。〔外呈答云〕得也麼。就貴了。〔廚子云〕大人口說安排筵會。我比不的別人。弄虛頭。先定二十七樣好菜蔬。〔夏侯惇云〕可是那二十七樣。你數我聽。〔廚子云〕頭一樣將那韭菜切的斷了。灑上一把鹽。又爽口。又鑽腮。叫做生醃韭。〔夏侯惇云〕第二樣呢。〔廚子云〕第二樣是薑醋韭。〔夏侯惇云〕第三樣呢。〔廚子云〕是白燂韭。〔夏侯惇云〕別的呢。〔廚子云〕沒了。〔夏侯惇云〕纔三樣了。還少多哩。〔廚子云〕你不曉的。一了說三九二十七。〔外呈答云〕這厮潑說。〔廚子云〕菜蔬也不打緊。小人還有三道好湯水。〔夏侯惇云〕是那三道。〔廚子云〕頭一道是三圓五辣湯。〔夏侯惇云〕怎麼是三圓五辣湯。〔廚子云〕每一箇碗裏。安上三箇肉圓子。加上料物。是胡椒花椒生薑薑撥辣蒜。這箇便是三圓五辣

湯。〔夏侯惇云〕第二道呢。〔廚子云〕第二道判官打輪湯。〔夏侯惇云〕何爲判官打輪湯。〔廚子云〕每一碗裏安上一箇鷄彈。碗旁邊插一根羊肋支。這箇便是判官打輪湯。〔夏侯惇云〕第三道呢。〔廚子云〕第三道我不說名堂。每一箇碗裏滿滿的盛上一碗湯。上面灑上一把芝麻。〔夏侯惇云〕可是甚麼名堂。〔廚子云〕這箇是虱子浮水湯。〔外呈答云〕得也麼。去了罷。〔夏侯惇云〕兀那廚子。則要你安排的仔細美口着。〔廚子云〕大人放心。我去廚房中執料去。〔下〕

〔夏侯惇云〕一壁廂安排筵會。我回丞相的話去也。今日丞相排筵會。擒拿劉備要一場。〔同下〕

〔劉末領卒子上〕〔云〕桑蓋層層徹碧霞。織席編屨作生涯。有人來問宗和祖。四百年前旺氣家。某姓劉名備字玄德。大樹樓桑人也。二兄弟姓關名羽字雲長。蒲州解良人也。三兄弟姓張名飛字翼德。涿州范陽人也。俺弟兄三人。在桃園結義。宰白馬祭天。殺烏牛祭地。不求同日生。只願當日死。自破黃巾賊之後。除某在德州平原縣爲縣尹。後因陶謙三讓徐州與某。不想呂布領兵來侵奪了徐州。將俺困於小沛。三兄弟張飛三出小沛。問曹丞相借兵。俺兩家共破了呂布。斬於白門。曹丞相領俺弟兄三人。見了聖人。問某宗派。封某爲越殿襄王之職。二兄弟爲蕩寇大將軍。三兄弟爲車騎上將軍。賜宅一所。今兩箇兄弟教場中去了。小校門首覷者。若有人來時。報復我知道。〔卒子云〕理會的。〔淨許褚上〕〔云〕兩脚跑如飛。走了一身汗。某九牛許褚是也。持着曹丞

相的書。請劉玄德去。可早來到也。小校報復去。你說曹丞相手下九牛許褚。來見元帥。〔卒子云〕理會的。喏。報的元帥得知。有九牛許褚。來見元帥。〔劉末云〕着他過來。〔卒子云〕理會的。過去。〔做見科〕〔劉末云〕將軍。此一來有何事也。〔許褚云〕我乃是曹丞相手下九牛許褚。奉俺丞相的言語。持一封請書。一逕的來請元帥。〔劉末云〕將書來我看。〔許褚遞書科〕〔云〕元帥書在此。〔劉末看書科〕〔云〕這書中的意。我盡知也。曹丞相請某石榴園飲酒。許褚。你先行。我隨後便來也。〔許褚云〕元帥是必早些兒來。我回丞相的話去也。一見請書不作疑。言說親身來赴席。必然中計。拏住你。那其間恁時着你後悔遲。〔下〕〔劉末云〕曹丞相請某飲酒。不知爲何。我待不去來。難得丞相用心。重意相待。他是箇好雄的人。則怕他作疑我。待要去來。肯分的兩箇兄弟不在小校。與我喚將簡憲和來。我與他商議。〔卒子云〕理會的。簡憲和安在。〔正末扮簡雍上〕〔云〕某姓簡名雍字憲和。乃涿郡人氏。在於玄德公麾下爲將。今有元帥呼喚。須索走一遭去。某想玄德公弟兄三人。自到許都。曹丞相與俺元帥不睦。某料玄德公弟兄三人。忠直勇烈。端的是世之罕有。量他何足道哉也呵。〔唱〕

〔仙呂點絳脣〕暗想那董卓胡爲貪圖小利。〔云〕王允丞相與蔡邕學士。〔唱〕定下那連環計。說的那呂布心疑。可是他誅賊子。歸泉世。〔云〕因俺元帥弟兄三人。與曹操不

睦〔唱〕

〔混江龍〕曹丞相鋪謀定計。他則是奸雄狡佞使心機。誰敢道撩蜂剔蝎。俺則是裝啞裝癡。他如今爲相領軍居帥府。俺元帥封官賜賞錦衣歸。俺則待堅心兒扶持着當今帝。〔帶云〕俺玄德公。〔唱〕有仁有德。端的便秉正行直。〔云〕可早來到也。令人報復去。道有簡雍在於門首。〔卒子云〕理會的。喏。報的元帥得知。有簡雍在於門首。〔劉末云〕着他過來。〔卒子云〕理會的。過去。〔正末唱〕

〔油葫蘆〕我恰纔轉過廳來整頓衣。向前去聽仔細。我這裡急慌忙挪步上階基。〔做見科〕〔劉末云〕簡憲和你來了也。〔正末唱〕我這裡曲躬躬叉手先施禮。他那裡笑吟吟忙道權休罪。恰纔箇元帥請喚簡雍做甚的。〔劉末云〕請你來有事商議。〔正末唱〕元帥道請將來有事同商議。好教我心下轉猜疑。〔劉末云〕我有事與你商議也。〔正末云〕元帥。〔唱〕

〔天下樂〕有甚事和咱說得知。〔劉末云〕今有曹丞相。着許褚持一封書來。請某往石榴園凝翠樓上飲酒。我可是去好也。不去好。〔正末唱〕我這裡聽也波的。言就裏。想着那奸雄狡佞曹孟德。〔劉末云〕他着人持書來請。我多感他厚意也。〔正末唱〕你道他真意請。我道

他無好機。這的是釣鰲的少見識。〔劉末云〕想俺弟兄三人失徐州。被呂布圍在小沛。虧了

三兄弟張飛三出小沛。問曹丞相借兵。俺兩家共破了呂布。曹丞相又領俺弟兄三人。到於京師。舉保俺重賞封官。此是曹丞相之恩也。他今日請我飲宴。據你意如何。〔正末云〕元帥可不道筵無好筵。會無好會。元帥休去。〔劉末云〕他請我飲酒。有何歹意也。〔正末唱〕

〔金盞兒〕你道他厮央及。特請你赴尊席。他在那石榴園凝翠樓排筵會。擺列着珍羞百味。勸金杯。他埋伏着七層英雄將。顯他那八面虎狼威。我則怕你一時間難措手。那其間翻作落便宜。〔劉末云〕肯分的兩箇兄弟都不在。你等兄弟來時。說我赴會去便來也。〔正末云〕等兩箇將軍來時。元帥去。可也未爲晚矣。〔劉末云〕等我三兄弟來。你

道曹丞相重意的來請。我飲宴去了也。〔正末云〕元帥。你休要去也。〔唱〕

〔後庭花〕我恰纔勸諫到五六番。攔當到有三四起。他安排着賺將鋪謀計。他準備着瞞人打鳳機。〔劉末笑科〕〔云〕簡憲和你好多心也。〔正末唱〕我則見他喜微微。你休看做容易。那張遼有見識。你聽咱說就裏。〔劉末云〕不必多慮。我親身赴會。走一遭去。〔正末唱〕

〔青哥兒〕呀。元帥待親身親身赴會。赤緊的又無你兩箇兩箇兄弟。〔帶云〕曹丞

相。〔唱〕你若是惱犯了英雄張翼德。則將他小覷低微。直爽爽剔豎神眉。氣昂昂健勇神威。則將那烏油甲來忙披。虎眼鞭提。騎一匹豹月烏騾。丈八槍肩上擔者。直殺入曹操七重圍。則他是好厮殺的天魔崇。〔劉末云〕簡憲和不妨事。等兩箇兄弟來。着他接應我來。我領數十騎人馬并後槽緊跟着。他每都能行爽俐。簡憲和。你好生看管家中。我便來也。〔正末云〕元帥去則去。小心在意者。〔劉末云〕你但放心也。〔正末唱〕

〔尾聲〕曹丞相重意的設華筵。今日是龍虎風雲會。擺布的十分整齊。有句話我從頭說得知。元帥你是必休戀着潑灑金杯。你則是假裝着做小伏低。你若非得空偷閑便摘離。哎。你箇有仁義的玄德。用你那卑辭和氣。則要你酒筵間無事早些回。〔下〕〔劉末云〕簡憲和去了也。丞相重意相請。不敢久停久住。領十數騎人馬。石榴園赴會。走一遭去。丞相安排玳瑁筵。小官不索意懸懸。擺列頭搭乘駿馬。親身直至石榴園。〔同下〕

第二折

〔關末領卒子上〕〔云〕家住蒲州是解良。面如搗棗美髯長。青龍寶刀吞獸口。姓關名羽字雲長。某姓關名羽字雲長。乃蒲州解良人也。自曹丞相領俺弟兄三人。見了聖人。加某爲蕩寇大將軍之職。今日教場中回來。不見大哥。簡雍言道。曹丞相請俺哥哥。往石榴園凝翠樓上飲酒去也。曹

操因俺弟兄三人。不聽他調。與俺不睦。此人請將俺哥去了。必無好意。酒筵間若有些爭差。可怎生是好。某等三兄弟回來。再做箇商議。小校與我喚將關平來者。」〔卒子云〕理會的。關平安在。〔關平上〕「云」結束威嚴敢戰敵。臨軍取勝顯威儀。每回出馬功勞大。凜凜聲名四海知。某乃關平是也。乃漢壽亭侯長子。某幼習武藝。精練兵書。交兵出陣敢當先。耀武揚威能戰討。正在帳下觀看兵書。小校來報。父親呼喚。不知有甚事。須索走一遭去。可早來到也。小校報復去。道有關平來見父親。」〔卒子云〕理會的。〔做報科〕「云」喏。報的元帥得知。有關平來見。〔關末云〕着他過來。〔卒子云〕理會的。過去。〔做見科〕「關平云」父親喚您孩兒有何軍情事。〔關末云〕關平。你來了也。門首覷者。你三叔來時。報復我知道。〔關平云〕理會的。〔正末扮張飛上〕「云」某姓張名飛字翼德。乃涿州范陽人也。俺弟兄三人。自斬呂布之後。某爲車騎上將軍之職。曹丞相有心要俺弟兄三人。在他帳下聽令。某想來。俺大哥是仁德之人。豈肯在曹操麾下爲將也。〔唱〕

「南呂一枝花」俺大哥他是那擎天柱。架海梁。扶社稷。忠良將。漢朝眞傑士。主意保封疆。輔佐朝堂。〔云〕俺大哥。〔唱〕穩做了頭廳相。是男兒有紀綱。〔云〕俺弟兄三人。自從提兵之後。〔唱〕當日箇用機謀破了黃巾。到後來虎牢關戰呂布名傳四方。〔梁州〕不是這張車騎誇強說會。則我這丈人槍世上無雙。〔云〕我若臨陣呵。〔唱〕

門旗開殺氣有三千丈。〔云〕呂布侵了徐州境界。〔唱〕當日我三出小沛。端的我志氣昂昂。〔云〕某到許都借起軍來。〔唱〕曹丞相親身爲帥。〔云〕某爲先鋒。〔唱〕誰敢將我遮擋。〔云〕俺二哥用計。水淹下沛。某擒拿了呂布。〔唱〕在白門一命身亡。〔云〕曹丞相領俺弟兄三人。〔唱〕赴京都朝見吾皇。則爲俺定亂除危。今日箇做都堂。封官也那賜賞。俺大哥哥情受了越殿襄王。自思暗想。〔云〕俺弟兄三人。〔唱〕一心秉正除奸黨。行忠義。尊於上。俺則待要立漢興劉保聖皇。博一箇萬載名揚。〔云〕某教場中回來也。私宅中見兩箇哥哥去。可早來到也。關平報復去。道某在於門首。〔關平云〕理會的。〔報科〕〔云〕父親有三叔叔來了也。〔關末云〕道有請。〔關平云〕理會的。有請。〔正末見科〕〔云〕哥哥。您兄弟回來了也。可怎生不見大哥。〔關末云〕兄弟。你不知。曹丞相在石榴園凝翠樓上。安排筵宴。請將哥哥去了。兄弟也。我想來曹丞相與俺不睦。他安排筵宴。必無好意。他有害俺之心也。
〔正末唱〕

〔牧羊關〕頗奈那無端的曹丞相。將人來廝滅相。不由我怒生嗔氣。夯破我胸膛。〔云〕哥也。他那裡是請哥哥飲酒。〔唱〕安排下打鳳的機謀。準備着伏虎的智量。〔關末云〕兄弟。我聽的簡雍說。他那裡七重圍子手。大小衆將。擺布的鉄桶相似。俺怎生接應大哥去。

〔正末云〕不妨事。〔唱〕那裡怕魚鱗般排隊伍。鴈翅般列成行。〔云〕哥也。他在那裡飲酒。
〔關末云〕他在石榴園飲酒哩。〔唱〕他在那石榴園裏排宴會。〔云〕張飛到那裡呵。〔唱〕我可要番騰做惡戰場。〔關末云〕俺弟兄二人。接應哥哥去來。〔正末云〕哥哥在家看守宅院。您兄弟獨自接哥哥去。〔關末云〕兄弟。他那裡有九牛許褚。夏侯惇。百計張遼。衆將英雄。則怕你獨力難加也。〔正末云〕不妨事。〔唱〕

〔尾聲〕那裡怕埋伏敢戰英雄將。我着那許褚張遼一命亡。〔云〕我若見那夏侯惇呵。〔唱〕將我這虎眼鞭丟在那廝腦門上。〔云〕我到那裡呵。〔唱〕施逞我村沙莽撞。顯我那鞭督郵的這氣象。〔云〕曹丞相不得無禮。〔唱〕喝一聲去了那廝三魂。殺的他似翻掌。〔下〕〔關末云〕三兄弟去了也。關平速整軍裝人馬。領五千衆跟隨三兄弟去。某然後領五百校刀手。接應哥哥。走一遭去。不是我心下疑惑。則爲他做事無知。酒筵間有些好歹。我着那曹孟德一命身虧。〔同下〕

第三折

〔曹操同夏侯惇張遼領卒子上〕〔曹操云〕安排捉將挾人計。準備香餌釣鯨魚。某乃曹丞相是也。我差許褚請劉備來赴會。不知劉備來也。那許褚去了半日。可怎生不見來回話。〔夏侯

惇云「許褚此一去下書。那劉備聽的請他喫酒。必然來赴會也。」曹操云「張文遠。殺饌都有了麼。」張遼云「殺饌都完備了也。」曹操云「既然有了。小校門首覷者。許褚來時。報復我知道。」許褚上云「歡來不似今朝。喜來那逢今日。誰想玄德公一口不違。便來赴會。不敢久停久住。回丞相話。走一遭去。可早來到也。小校報復去。道有許褚來了也。」卒子云「理會的。喏。」報的丞相得知。有許褚來了也。曹操云「着他過來。」卒子云「理會的。過去。」做見科。曹操云「許褚。你來了也。」許褚云「丞相。賀萬千之喜。誰想劉玄德。聽的丞相邀請。見了請書。他忻喜來赴會也。」曹操云「此一來必然中俺之計。張文遠。若劉備到此。便着七重圍子手。圍了凝翠樓。你兩箇把住樓門。小心在意者。」許褚云「理會的。」劉末領卒子上云「今朝親身來赴會。醉盡方回。感厚情。某乃劉玄德是也。今日曹丞相。在石榴園請某赴宴。可早來到也。許將軍報復去。道有劉玄德來了也。」許褚云「理會的。丞相。有玄德公來了也。」夏侯惇云「丞相。這大耳漢果然來了。如今可是頭裡說的那話。一箇來拏一箇。兩箇來拏一雙。」曹操云「道有請。」許褚云「有請。」劉末做見科云「丞相。量某有何德能。着丞相置酒張筵。實乃小官之萬幸也。」曹操云「玄德公。蔬食薄味。不成管待。略表寸心。小校擡上果卓來者。」卒子云「理會的。」做擡果卓科。曹操云「將酒來。」玄德公滿飲一杯。劉末云「丞相先飲。」曹操云「玄德公請。」劉末飲科云「小官飲。」曹操云「

您二將且下樓執料酒殺去。〔夏侯惇云〕理會的。〔曹操背科〕云：夏侯惇許褚。你兩箇把住樓門。休放閑雜人上樓來。〔許褚云〕得令。〔曹操云〕可無人與玄德公遞一杯酒。小校與我喚將楊修來者。〔卒子云〕理會的。楊修安在。〔正末扮楊修上〕云：某楊修是也。丞相呼喚。須索走一遭去。今日丞相請玄德公飲酒。必無好意。某想玄德公是仁德之人。俺丞相要殺害他。丞相也。量你何足道哉。某到筵前。自有箇主意也。〔唱〕

〔中呂粉蝶兒〕曹丞相伏虎機籌。他待要使心術覓人歹鬪。則在這石榴園飲酒登樓。安排着那打鳳的機。牢籠智。鋪謀成就。他用這般微倖因由。我則待扶持着漢家的這宇宙。

〔醉春風〕將一箇八面虎狼威。困在這百尺的凝翠樓。〔帶云〕這裏面。〔唱〕又無箇硬衝席樊噲。顯英雄我學陳平佐斟酒。酒今日我秉正行直。安邦定國。〔帶云〕我便死呵。〔唱〕落得箇光前絕後。〔云〕將軍報復去。道有楊修在於門首。〔許褚云〕楊修來了也。

〔曹操云〕玄德公某執料酒飯去。〔劉末云〕不敢。〔曹操做出門科見正末云〕楊修。你知我喚你來的意麼。〔正末云〕楊修知道。〔曹操云〕你知道些甚麼。〔正末云〕敢是要擒玄德公一事麼。

〔曹操云〕好好好。不枉了我喚你來。替玄德公遞一杯酒。到劉備跟前滿斟十分。到我跟前淺斟。

半杯灌的劉備醉了呵。正意則是羅織他些風流罪過。你記者。〔正末云〕理會的。〔曹操做入門科〕〔云〕楊修。你與玄德公相見者。〔正末做見科〕〔云〕久聞元帥大名。如雷貫耳。今日得見尊顏。實乃楊修萬幸也。〔劉末云〕將軍恕罪。〔曹操云〕楊修。你與玄德公遞一杯酒。〔正末云〕理會的。將酒來。〔正末做遞酒科〕〔云〕玄德公。滿飲此杯。〔劉末云〕劉備不敢先飲。〔正末云〕是是是。丞相先飲。〔曹操云〕楊修。我怎生先飲。〔正末云〕丞相待客之禮。爲人生死不懼。何怕酒肉乎。〔曹操云〕楊修。這杯酒斟的滿了也。〔正末云〕丞相。君子不喫凹面鍾。〔曹操云〕楊修言者當也。〔做飲酒科〕〔正末云〕將酒來。玄德公滿飲此杯。〔曹操云〕楊修。我喫了你一滿杯酒。這杯酒如何則斟八分。〔正末云〕丞相。這杯酒雖然是八分。着玄德公十分的喫了。頭裡那一杯酒。丞相留下一半。玄德公這杯酒。雖然八分。可着他都喫了。也則一般。〔曹操云〕言者當也。〔正末云〕玄德公滿飲此杯。〔劉末飲酒科〕〔曹操云〕楊修。將那一簋兒下飯。割與玄德公食用者。〔正末云〕理會的。〔造下飯科〕〔曹操云〕玄德公。無甚麼管待。這一簋兒下飯。楊修。你當面親手製造。某多飲了幾杯酒。覺我酒上來了。我搭扶着這卓子。暫時歇息者。玄德公勿罪。〔曹操做睡科〕〔正末云〕丞相。下飯有了也。〔劉末云〕楊將軍。可怎生一隻家鵝。一隻野鴈。休說這隻家鵝。且則說這隻野鴈。你可是下窩弓射來的。可是網索上打來的。〔正末背云〕我雙關二意說着。看他曉的不曉的。

元帥。這隻野鴈。他則爲一口水食。因此上打在網裏也。〔唱〕

〔醉高歌〕他再不能穀啣蘆花紫塞優遊。他自撞在天羅裏頭。〔劉末云〕他不有六梢翎麼。〔正末云〕便有那六梢翎。雖快無門路。〔劉末云〕便怎生掣的住他。〔正末唱〕他自已傷身爲口。〔劉末云〕是好石榴園凝翠樓。時遇秋天。你看那花果凋零。花瓣也吹謝。可惜了花

紅錦繡也。〔正末唱〕

〔紅繡鞋〕你道是便可惜了花紅錦繡。俺主人家便棄嫌你葉密枝稠。待將他翦草除根不存留。〔劉末云〕我有花方飲酒。無月不登樓。〔正末唱〕你怕不待有花時方飲酒。無月不登樓。我則怕你醉時節怎的走。〔云〕野花村務酒。知味便何求。〔劉末做起身科〕〔云〕我知道了也。〔曹操醒科〕〔云〕楊修。你說甚麼哩。閑言剩語的。靠後。玄德公。某多飲了幾杯酒。有失道理。休怪。可不道筵前無樂。不成歡樂。玄德公。噤開口論閑話。古往今來。有那幾個英雄好漢。說的是。喫三杯酒。說的不是。罰三碗涼水。楊修。你做箇盟府者。〔正末云〕理會的。〔曹操云〕玄德公。且休說別的。則說漢朝誰是英雄好漢。〔劉末云〕丞相道如今誰是英雄好漢。俺想呂布是英雄好漢。〔曹操云〕呂布怎生謂之好漢。〔正末云〕丞相。那呂布他是好漢。〔曹操云〕呂布怎麼是好漢。〔正末唱〕

〔迎仙客〕那呂布他橫擔着方天畫桿戟。馬跨着南海赤鬃彪。〔帶云〕忽然間門旗開處。不刺刺戰馬相交。兩陣之間。兜住胭脂馬。叫道大將軍臨陣。〔唱〕喝一聲衆軍都待走。〔帶云〕丞相。俺漢朝聚十八路諸侯。〔唱〕虎將有五千員。無一箇便敢做他對手。威鎮了十八路諸侯。〔帶云〕休道是贏那呂布。〔唱〕得他半根家折箭難能殺。〔曹操云〕住者。他怎生做的英雄好漢。想呂布先拜丁建陽爲父。令他濯足。丁建陽左足生一瘡。必貴。呂布暗思。某足生雙痣。將某家奴看之。呂布大怒。綽金盆在手。打死了丁建陽。盜了赤兔馬。後拜董卓爲父。王允定美女連環計。呂布殺了董卓。這呂布端的姓丁。姓董。姓呂。三姓家奴。他怎生是英雄好漢。〔正末云〕說的是。丞相飲三杯酒。〔曹操云〕是。將來我喫。〔做飲酒科〕〔正末云〕玄德公輸了。喫三碗涼水。〔劉末云〕是。小官喫三碗水。〔劉末做飲水科〕〔曹操云〕玄德公。則說古來誰是英雄好漢。〔劉末云〕想古來項羽是好漢。〔曹操云〕項羽怎生是好漢。〔正末云〕是霸王。他是好漢。〔曹操云〕他怎生是好漢。〔正末唱〕

〔紅繡鞋〕那霸王馬跨着北海烏騄蛟獸。槍橫着朱纓丈八神矛。喝一聲樊妻。在這馬前休。上陣時天地慘。臨軍陣鬼神愁。端的是論英雄無對手。〔曹操云〕那項羽他怎生做的英雄好漢。當日與沛公指鴻溝爲界。先入關者王之。次後鴻門會罷。九里山大

會坡。張子房散了八千子弟兵。被韓信追至烏江。自刎身亡。爭帝國王勢已傾。八千兵散楚歌聲。烏江不是無船渡。恥向東吳再起兵。他怎生謂之英雄好漢。〔正末云〕丞相說的是。將酒來。丞相再飲三杯。〔曹操云〕這厮無禮。我說一椿。他破一椿。我說一句。他破一句。我可是麼養着家生。肖小校。擎出楊修去。與我殺壞了者。〔卒子做擎正末科〕〔云〕理會的。〔劉末云〕丞相息怒。怎生看小官的面皮。饒了楊修者。〔曹操云〕擎回來。若不看玄德公面皮。將這厮殺了多時也。小校打上四十背花。搶下樓去。〔卒子做打科〕〔云〕一十二三十四十。出去。〔許褚云〕楊修也。我說不要你多嘴多言。這裡那裡有你說的話。快走。〔正末云〕丞相。打了楊修。不打緊。你若不放玄德公回去呵。他那兩箇兄弟知道。九牛許褚。夏侯惇。你可怎了也。曹丞相也。你休小覷他弟兄每也。

〔唱〕

〔尾聲〕那關雲長武藝高。張車騎情性儻。他殺的你神嚎鬼哭悲風吼。你準備着亂攔東西望風也兒走。〔下〕〔曹操云〕張遼許褚。把住胡梯。不要放閑雜人上樓來。慢慢的飲酒也。〔劉末云〕丞相。小官告回。〔曹操云〕玄德公。今日盡醉方歸。滿飲一杯。〔劉末做飲酒科〕〔曹操云〕頭裡我與玄德公兩箇共話。被楊修打攪了。且休說古往今來的將軍。則說俺兩箇誰是英雄好漢。〔劉末云〕丞相曹劉好漢。〔曹操云〕玄德公差了也。你好漢。則說你好漢。我好漢。

則說我好漢。怎麼曹劉好漢。你待說我好漢來。恐怕某滅了你。你待說你好漢來。恐怕我怪你。我想來。漢家十八路諸侯。都不敢與我作對。惟有你敢與某作對。〔做怒拍桌科〕〔劉末做掩耳科〕〔曹操云〕玄德公你怎的。〔劉末云〕小官平生有些懼雷。〔曹操云〕你看他說謊。晴天白日。萬里無雲。那得雷來。〔夏侯惇云〕是有雷響。我也害怕。〔曹操云〕我也有些懼雷。將酒來。我再與玄德公遞一杯。〔劉末云〕小官酒穀了也。〔曹操云〕玄德公。是何道理。輕呵輕君子。重呵重小人。我歹殺者波。官拜大漢左丞相之職。不在你之下。怎生這般放肆傲慢。夏侯惇等衆將。快與某將樓門把住。着七重圍子手。圍了石榴園。休放閑雜人上樓。劉備插翅也飛不出俺這石榴園去。再傳令與樓下甲士。擺列的嚴整者。〔夏侯惇云〕得令。張遼許褚。俺傳丞相的將令去來。忙傳將令。排軍隊。圍住玄德不放回。〔同下〕〔曹操云〕玄德公你少待。某更衣去便來。〔下〕〔劉末云〕曹丞相將我困在這樓上。他推更衣去了。我怎生得下這樓去。若得我那兩箇弟兄來。可也好也。我酒上來了。方便處暫且歇息一時者。〔下〕

第四折

〔曹操同張遼淨夏侯惇許褚領卒子上〕〔曹操云〕密排七重圍子手。困住英雄怎奈何。某乃曹孟德是也。頗奈劉備無禮。某好意請他飲酒。他放肆將某傲慢。某今將此人困在樓上。不放他回。

去。小校將酒來。再與他飲幾杯。他若不從。決無干罷。玄德公安在。〔劉末上〕〔云〕丞相。小官有。
〔曹操云〕玄德公。某無歹意。我和你慢慢的再飲數杯。怕做甚麼。〔劉末云〕丞相。小官酒穀了也。
〔正末扮張飛同關末領卒子上〕〔正末云〕某乃張飛是也。同二哥往石榴園接應哥哥。走一遭
去也。〔唱〕

〔越調鬪鶴鶩〕也不索領將驅兵。又不曾披袍擐甲。不曾將虎眼鞭懸。則將這
龍泉劍插。曹丞相定計鋪謀。則我這張飛狡猾。到那裡休問他。我和他歹鬪者。
休道是許褚張遼。遮莫他天蓬也那黑煞。〔關末云〕兄弟也。那凝翠樓上。詐設筵會。其間
必有謀害之心也。〔正末唱〕

〔紫花兒序〕休道是凝翠樓安排着宴會。遮莫是虎窟龍潭。〔云〕張飛到那裡呵。
〔唱〕則我這丈人。怎肯饒他。施逞我英雄的這手段。我將那逆賊來活拏。不
是我自獎自誇。遮莫他擺列着軍兵。也則是談笑耍。我和他必無干罷。我則待
要立漢興劉。爲國於家。〔云〕可早來到也。兀那夏侯惇。你放俺兩箇上樓去。〔夏侯惇見科〕

〔云〕老三。你那裡去。有丞相的鈞旨。不敢放閑雜人上樓去。〔正末唱〕

〔調笑令〕這厮每惱者。這惡氣怎收殺。你看他放蕩行兇。將俺來壓。〔夏侯惇云〕

老三。你不能穀上這樓去。你家去了罷。你不要來這裡撞席。〔正末做打夏侯惇科〕〔夏侯惇云〕哎。約老三不要打。你上樓去罷。〔正末唱〕那去一隻手緊把咽喉掐。將這厮衣領半拏。莽拳頭望着嘴縫上打。恰便似小鬼兒撞見那吒。〔關末云〕校刀手圍了石榴園者。〔夏侯惇云〕丞相。老關和三叔來了。俺慢慢的拏他。〔正末見曹操科〕〔云〕曹丞相不得無禮。俺哥哥喫不的酒了。你怎生不放他回去。〔曹操把盞科〕〔云〕三將軍來了也。許褚將酒來。三將軍滿飲此杯。〔正末做打杯兒科〕〔正末唱〕

〔禿厮兒〕手搥了金波玉聲。誰喫您這浪酒閑茶。則這張飛故來歹鬪者。〔關末見科〕〔云〕丞相勿罪。三兄弟少要躁暴。〔曹操云〕二將軍也來了也。〔正末唱〕二哥哥當攔者。不是我村沙。〔劉末云〕兩箇兄弟都來了也。曹丞相。劉備也不是怕人的。〔曹操云〕三將軍。我也不曾有甚麼歹意也。〔正末唱〕

〔聖藥王〕不由我嗔怒發。恨轉加。掣龍泉三尺劍離匣。哎。你箇曹孟德。你可休小覷咱。我着你三魂七魄臥黃沙。〔正末做扯曹操科〕〔唱〕看今夜宿誰家。〔曹操云〕三將軍饒性命。想我有好處來。〔劉末云〕張飛休躁暴。放了丞相者。〔正末扶劉末下樓科〕〔正末云〕哥哥請先行。〔關末云〕兄弟。既然曹丞相怕了俺也。嚙回私宅中去來。〔正末唱〕

〔尾聲〕頗奈這曹公心膽有天來大。俺則待忠心兒扶持着國家。你若是再要
使心機。舉起我虎眼鋼鞭。將你箇逆賊打。〔同劉末關末下〕〔夏侯惇云〕丞相。擎一箇也。
擎兩箇。〔曹操云〕遲了我的也。用盡自己心。笑破他人口。設會排筵。凝翠樓。一心則待報冤讐。夜
臥九枕千條計。日服鴆酒飲三甌。五府宰相皆歸某。三人德性立炎劉。早知不聽吾節制。怎肯舉
薦見龍樓。

題目

曹孟德定計凝翠樓

正名

莽張飛大鬧石榴園

石榴園穿關

頭折

曹操

兔兒角幘頭
帶帶劍

補子圓領
三髭髯

卒子

紅碗子盔
兒甲搭膊

青布釘劍

夏侯惇

皮麥簷帽
掩心甲

膝欄曳撒
項帕直

纏劍

張遼

鳳翅盔
直纏

膝欄曳撒
帶帶劍

項帕
三髭髯

許褚

皮盔
項帕

膝欄貼裏

掩心甲
直纏

廚子

方巾

青衣
搭膊

劉末

麥簷帽
直纏

膝欄曳撒
帶帶劍

黃袍
三髭髯

卒子

同許褚

又上

同正末簡雍

麥簷帽

蟒衣曳撒
直纏

袍

項帕
三髭髯

第二折

關末

滲青巾
直纏

蟒衣曳撒
帶帶劍

紅袍
三髭髯

卒子

同關平

三山帽
直纏

膝欄曳撒
帶帶劍

袍

項帕
三髭髯

正末張飛

包巾
直纏

蟒衣曳撒
搭膊

皂袍
猛髯

項帕
竹節鞭

第三折

曹操夏侯惇張遼卒子

同許褚

同劉末

卒子

同正末

楊修

麥簷帽
袍

項帕
直纏

搭膊帶
帶劍三髭髯

第四折

曹操張遼夏侯惇許褚卒子同前劉末同前正末張飛關末卒子同前

走鳳雛龐掠四郡

關名

頭折

〔冲末扮周瑜領甘寧凌統卒子上〕〔周瑜云〕少年錦帶掛吳鉤。鐵馬西風衰草秋。全憑匣中三尺劍。坐中往往覓封侯。某姓周名瑜字公瑾。廬江舒城人也。幼習韜略遁甲之書。見爲東吳上將軍之職。今爲曹操占了許昌。劉關張住於新野。後被曹公追趕至三江夏口。他弟兄三人。着孔明軍師過江。問俺東吳借軍。拜某爲帥。某與先鋒黃蓋領軍。隔江鬪智。赤壁鏖兵之後。劉關張問俺借荊州爲養軍之資。到今數載之間。久占不還。欲待與他相持。有魯肅大夫勸某。爭奈他手下有孔明軍師。難以拒敵。某今與師西收巴郡。某非爲巴郡。大綱來爲圖荊州之地。某將隨處府州縣驛。盡皆收捕了。某來至巴郡也。不期某染其病疾。不能動止。等某病體痊可了。領兵取索荊州。未爲晚矣。小校轅門首覷者。看有甚麼人來。〔正末扮龐統上〕〔云〕貧道姓龐名統字士元。道號鳳雛。本貫荊陽人也。俺同龐德公司馬水鏡諸葛臥龍徐元直孟公威石廣元崔州平。乃南陽友人。皆是江夏八俊。今有周瑜西取巴郡。有收川之意。被孔明用智。三氣周瑜。抱病支持。性命將危。貧道今日親自到周瑜營中。走一遭去。我想來爲官的。不如俺出家兒清閑快活也呵。〔唱〕

〔仙呂點絳脣〕煉藥修真。樂閑守分。安身穩。自古閑人。都在蓬蒿隱。

〔混江龍〕我欲待述懷釋悶。我與這南陽八友細論文。講的是安邦手策。論的是爲國於民。不似那愚輩重才不重德。待學那聖人憂道不憂貧。看儒風變俗。爲雅。習武略溫故知新。宜四時操琴降崇。祭六丁靖禍驅神。往來無白丁俗客。談笑有上士高賓。捲簾邀一輪皓月。舞袖拂萬里清風。悅心神。琴棋書畫。養性伐伐疑狗彘鷄豚。坐間賞黃花滿地。興來飲村酒論盆。心坦蕩。性溫純。開醉眼。整閑身。拖藜杖。出柴門。我穿一領籠布袍。閑謁他這臥龍岡。尋幾塊碎石頭兒。演擺他這長蛇陣。爲甚要屠龍獲虎。指望待要附鳳攀麟。〔云〕可早來到周瑜門首也。

周瑜哀哉也。〔做哭笑三聲科了〕〔卒子云〕這箇先生無禮。看着俺元帥府。哭了又笑。我報與元帥去。〔做報科〕〔云〕喏。報的元帥知道。門首有一先生。看着俺帥府門。哭笑三聲。不知爲何。報的元帥知道。〔周瑜云〕此人無禮。爲何看着我這元帥府哭笑三聲。小校與我喚將他過來。〔卒子云〕兀那先生。俺元帥着你過去。〔正末見科〕〔云〕稽首。〔周瑜云〕兀那先生。你那裡人氏。姓甚名誰。〔正末云〕元帥。貧道姓龐名統字士元。道號鳳雛先生。〔周瑜云〕這箇鳳雛。俺江東也聞他這箇名兒。則說此人好文學。我試問他者。兀那先生。你爲何看着俺這府門。哭笑三聲。主何意。

也。〔正末云〕我笑呵。笑您江東無一箇與諸葛亮交戰的。〔周瑜云〕你哭是爲何。〔正末云〕我哭呵。哭元帥到此必休矣。〔周瑜云〕先生。你言者差矣。某則時間有疾。將息病體。痊可了正要與劉關張交戰。你怎生說這般話。先生。你有這般手策呵。可怎生不進取功名。可在這山間林下。有甚好處也。〔正末云〕元帥在上。想古來韜光晦跡的有兩說。不如俺閑居好快活也。〔唱〕

〔油葫蘆〕俺那裡山掩茅廬水遶村。端的是眼界新。那的也就中別是一乾坤。渴時節暢飲村醪盡。俺可便醉時節靜倚蒲團盹。我則待收盡心。懶進身。則俺那長安道上紅塵滾。一任教奔馬足。走車輪。〔周瑜云〕你不如俺爲官的受用。〔正末

唱〕

〔天下樂〕我則待坐看爭名奪利人。欲待跳龍也波門。却倒褪。則怕那風波場上雨露恩。〔周瑜云〕先生。各人進退。心不同也。〔正末唱〕用之行。志氣高。舍之藏。道德尊。怕甚麼儒冠多誤身。〔周瑜云〕先生你不知。想俺赤壁之後。劉關張問俺借荊州以爲養軍之資。數載不還。某今要取索荊州。爭奈他手下有諸葛軍師。敢問先生。諸葛行事如何。〔正末云〕想孔明當初未曾出茅廬時。他已安排定了也。〔唱〕

〔寄生草〕諸葛亮他向那茅廬內。他可早鼎足分。〔周瑜云〕曹操將來若何。〔正末唱〕

亂中原七十二處。力取人心恨。〔周瑜云〕俺東吳家久後怎生。〔正末唱〕占江東八十一郡。地險民心穩。〔周瑜云〕劉關張將來若何。〔正末唱〕治西川五十四郡。法正天心順。〔周瑜云〕他雖有孔明軍師。爭奈手下兵微將寡。量他到的那裡也。〔正末唱〕時下這英雄且在戰爭場。〔周瑜云〕量他怎生行的大事。〔正末唱〕那的是蟄龍未得風雷信。〔卒子云〕報的元帥知道。俺收得隨路府州縣道。被張飛盡皆奪了也。〔周瑜云〕這村夫無禮也。俺收的郡縣。他怎敢收捕了。兀的不氣殺我也。罷罷罷。我今日親率三軍。便死也和他決戰三合。〔正末云〕元帥不可與他交鋒。〔周瑜云〕我怎生不可與他交鋒。〔正末云〕元帥若去呵。必死在孔明之手。〔周瑜云〕先生差矣。獎他人志氣。滅自己威風。我怎生便死在他手裡。〔正末云〕想孔明才智。真所謂神機妙策也。〔唱〕

〔六么序〕公瑾你待要排軍陣。驅虎賁。怎當那諸葛亮知識超羣。你待要收伏蜀民。他可早追趁吳軍。他可便抄着手先立了功勳。〔周瑜云〕這村夫無禮也。俺收過的那州縣。他怎生敢占了。〔正末唱〕您奪西川一郡。他則侵一郡。他笑談間羽扇綸巾。〔周瑜云〕被這村夫氣殺我也。〔正末唱〕元帥空兩條眉鎖江山恨。軍把了來過隘口。船攔住左右關津。

〔么篇〕說的他傷神消魂。早是他病患纏身。進退無門。諸葛亮歹諫攻心。鬪引。嗨兀的不氣殺人。〔周瑜云〕他越氣的我病重了也。〔正末唱〕我則見淚灑征塵。氣按愁雲。做甚急煎煎無一箇安存。我情願相送休心困。我也非圖你那玉帛金銀。大丈夫惻隱言忠信。落一箇扶危的志氣。圖一箇仗義聲聞。〔周瑜云〕我倘若不諱呵。師父怎生保全我這屍首。可也好也。〔正末云〕元帥一頭身故。孔明便知也。〔周瑜云〕他怎生便得知。〔正末云〕他終日夜觀乾象。見你將星落了。便得知也。〔周瑜云〕師父似此呵。怎生設一計保全我這性命到江東。可也好也。〔正末云〕元帥放心。我與你祭住這將星。我送元帥到江東。意下如何。〔做意兒祭科〕〔云〕元帥。觀兀的將星復明也。〔周瑜云〕師父。俺江東多聞師父這箇美名兒。某脩一封書。將去見了魯肅大夫。必然重用師父也。甘寧凌統。我這一會兒昏沉上來。您二將扶着我。回後帳中去來。想周瑜生於天地之間。於國盡忠。於家盡孝。今拔短籌而亡。豈不是天命哉。〔死科〕〔下〕〔正末云〕元帥無了也。住住住。衆將不可發喪。則怕劉關張知道。此處有何上將。〔甘寧云〕師父有俺二將。乃是甘寧凌統在此。師父那廂使用。〔正末云〕甘寧。你防護着屍靈。小校一壁廂着船行者。〔下〕〔凌統云〕大小三軍。聽吾將令。今日元帥身亡。收拾棺槨。防護着元帥的屍靈。回於江東去。着船隻行者。〔孔明同關末領卒子上〕〔孔明云〕樂道耕鋤百不堪。臥龍醉

目視荆南。何時天配真英俊。拂袖飄飄出道庵。貧道覆姓諸葛名亮字孔明。道號臥龍先生。今朝有周瑜西取巴郡。被某料敵三氣。此人因病而亡。我觀此人將星不退。必有人厭住他將星。料別人不會止有鳳雛與貧道會厭將星。今日我在此江口等待。周瑜船隻必往此處過。有他無他。我便知道也。兀那來的。必然是周瑜的船隻。你那船隻上莫非有鳳雛麼。〔甘寧見正末云〕師父前面有孔明的船。問有師父無師父。〔正末見孔明科〕〔云〕孔明。你怎知我在此。〔孔明云〕我明知你這一來。我見將星不退。料想是鳳雛在此。〔正末云〕孔明。你這一來爲何。〔孔明云〕我想周瑜元帥赤壁鏖兵之後。助俺破曹。不想周瑜今日他身亡。我特來祭奠。小校將過那祭奠的禮物來。元帥生時了了。死後爲神。與我收了者。〔做祭祀科〕〔云〕哥哥。你此一去往那裡去。〔正末云〕孔明。我送周瑜元帥屍首往江東去也。〔孔明云〕若到江東用你呵。罷。若不用你呵。却回荆州。俺用心齊力。有何不可。〔正末云〕兄弟。你去。我自有箇主意。我知道。〔孔明云〕則今日辭別了哥哥。回荆州去也。〔下〕〔正末云〕衆將休慌。我送您元帥到江東去。好是傷感人也。〔唱〕

〔尾聲〕未立起紫髯郎。早亡了那周公瑾。可惜者波赤壁鏖兵的虎臣。見衆將一箇箇征袍淹淚痕。兀的不憂傷他手下三軍。他三十六正青春。可又早化做陰魂。想他壽短才高兩不均。這的是吳邦未穩。氣的他天年已盡。〔云〕可惜好將

軍也。〔唱〕可又早轉回頭高塚臥麒麟。〔同衆下〕

楔子

〔魯肅領卒子上〕〔云〕一片忠心貫日月。兩條眉鎖廟堂臣。虔心至意施公正。報答君王爵祿恩。小官姓魯名肅字子敬。本貫江夏鄂州人也。官拜吳國上大夫之職。今爲劉關張久占俺荊州之地。俺周瑜元帥。西取巴郡。因病而亡。小校來報。今日軍校已回。某在元帥府等候。這早晚敢待來也。〔正末扮龐統領道童上〕〔云〕貧道龐統是也。我將着周瑜的屍首。送赴江東。可早來到也。道童。你則在門外。我見魯大夫去。〔道童云〕理會的。〔正末云〕小校報復去。道有一仙長在於門首。〔卒子云〕報的大夫得知。門首有箇仙長來見。〔魯肅云〕着他過來。〔卒子云〕着你過去。〔正末見科〕〔云〕稽首。〔魯肅云〕先生。你從那裡來。〔正末云〕貧道保周瑜元帥屍靈。到於江東。見有元帥書呈。特來見大夫。〔魯肅云〕敢問先生那裡人氏。姓甚名誰。〔正末云〕貧道姓龐名統字士元。〔魯肅云〕俺周瑜元帥書上。寫着名號鳳雛。這箇可是士元。兀那先生。我封你做丹陽縣令。你且在驛亭中去。來日走馬赴任。〔正末忿怒出門科〕〔道童云〕師父。見了大夫。必然重用。加師父爲甚麼官職。〔正末云〕封我做丹陽縣令。魯肅你好不識賢也。〔道童云〕師父。偌遠的來。止望做箇大官。可怎生做了箇知縣。我到家裏。怎生回師父娘的話。〔正末云〕道童。收拾行李。嚮往荆

州去來。〔道童云〕這裡也不濟事。俺回荊州去來。〔正末云〕若見了孔明呵。必讓我上將牌印也。魯肅也。你輕我何多也。〔唱〕

〔賞花時〕着我乾往東吳行數日。我可便又索荊州登一直。你看待的我低微。我又索乘舟可便渡水。着我便空載的月明歸。〔下〕〔魯肅云〕小校。那先生去了也。〔卒子云〕大夫。那先生不曾往驛亭中去。逕直過江去了也。〔魯肅云〕既然過江去了。罷。周瑜元帥書上。寫着鳳雛來時。着我重用他。這先生可是士元。小校若有鳳雛來時。報復我知道。我復回後堂中去也。因周瑜取索荊州。至巴郡喪身失命。修書來名號鳳雛。若來時必然重用。〔同下〕

第二折

〔簡雍領卒子上〕〔云〕祖代爲官立業成。子孫榮襲受皇恩。爲臣輔弼行肱股。保助皇朝享太平。小官姓簡名雍字憲和。今除在於荊州爲太守之職。因曹操當日。被俺軍師用計。在赤壁之間。用風火燒曹操八十一萬大軍。片甲不回。此恨未雪。今曹操又領兵來至此。與俺相持廝殺。今軍師與雲長衆將領軍。與曹操拒敵去了。着小官與張飛鎮守荊州。師父臨行時曾言。我去之後。若有鳳雛先生來時。你必當重用。自師父去之後。許多時也不曾見一箇人來。小官今日無甚事。在於衙門中閑坐。左右那裡。門首覷者。若有人來時。報復我知道。〔卒子云〕理會的。〔正末領道童上〕

〔云〕貧道龐統是也。自離了江東。來到荊州也。道童。我若見了孔明。必然我做上將也。〔道童云〕師父。你又來了。你當此一日。你說東吳家必然重用你來。不想你得了箇縣令。你如今偌近遠來。又要投託荊州。知他濟事也不濟事。你依着我。則不如一竹一林。一榮一枯。守着箇姑姑。可不快活。〔正末云〕魯肅。你原來不識賢也。〔唱〕

〔中呂粉蝶兒〕我與你相送了周瑜。〔帶云〕你試算者。〔唱〕却是那往回來幾千里水路。沒來由片帆風送涉江湖。被我便傲了東吳。若是我投了玄德。也有箇安排我處。若論着經濟的權術。則被被疑這俊傑中俺達時務。

〔醉春風〕者莫是治國事。理都堂。掌軍權。領帥府。則我這聲名貫得他這弟兄。知孔明又曾許許。顯耀會疑會。定亂機謀。憑着我擎天的手策。和我這安邦心術。

〔云〕道童。你則在門首。他若見我呵。必然降階而接待我也。〔道童云〕理會的。〔正末云〕令人報復去。道有龐統在於門首。〔卒子報云〕報的太守得知。有龐統在於門首。〔簡雍云〕軍師臨行時。則說箇鳳雛。這箇可是龐統。着他過來。〔卒子云〕着過去。〔正末云〕我這一過去。必然封我上將軍也。〔做見科〕〔云〕元帥稽首。貧道特來佐於麾下。〔簡雍做傲科〕〔云〕我欲要還禮來。他又不是鳳雛。則除是恁的。〔正末云〕好輕慢人也。等問我時。我自有箇主意。〔簡雍云〕敢問先生那

裡人氏。姓甚名誰。〔正末云〕貧道襄陽人氏。姓龐名統字士元。〔簡雍云〕龐士元。當日孔明師父。則說鳳雛來。着我重用他。可是龐士元。則除是這般。敢問先生。曾習那家兵書戰策。若論爲將者。可是怎生。你說一遍。〔正末云〕爲上將者。揮劍成河。撒豆成兵。上知天甲經。下曉人和論。此乃爲上將也。〔唱〕

〔醉高歌〕夜則將神鬼驅卒。〔簡雍云〕這箇是上等將。這中等將。怎生用計。〔正末云〕爲中將者。坐籌帷幄之中。決勝千里之外。知己知彼。千戰千贏。〔唱〕晝則將軍兵調度。〔簡雍云〕這是中等將。下等將怎生。〔正末唱〕第三等下將誇勇武。〔云〕驟馬橫槍。陣前不顧死戰。〔唱〕則除是捨死忘生的勇夫。〔簡雍云〕聽他這等大話。我着幾句言語壓伏他者。兀那先生。你比俺孔明軍師如何。〔正末云〕孔明學業。出於俺先父之門下。他若見龐統也。索讓印與我。〔簡雍云〕兀那先生不知。俺三位將軍。請孔明下山。拜爲軍師。博望燒屯。燒曹操八十萬雄兵。片甲不回。你怎生似的他。〔正末背轉科〕〔云〕我則滅着這孔明。他必然重用我也。元帥博望燒屯。非孔明之功。聽龐統說一遍者。〔唱〕

〔普天樂〕當日可便意中虛。將金印向軍前賭。本則爲公讐私事。怎做的東蕩西除。一壁廂火燒着博望屯。土堰斷潯陵渡。則爲性剛暴。差着張飛去。〔云〕不是

孔明的功勞。〔簡雍云〕怎生不是俺軍師功勞。〔正末唱〕分付與夏侯惇不教拏住。〔簡雍云〕這箇是俺師父的計策。〔正末唱〕這的是你軍師的見識。不是和讐人爭戰。則待耍翼德賓服。〔云〕那的是威伏張飛來。那裡是他立的功勞。〔簡雍云〕這的也罷。想當日隔江關智。赤壁鏖兵。八十萬大軍。這的是俺軍師的功勞。〔正末云〕那赤壁鏖兵。非孔明之功。虧了黃蓋。〔簡雍云〕怎生不是俺軍師的功勞。〔正末云〕他又錯用了將也。〔簡雍云〕怎生錯用了將。〔正末云〕不合教關公趕去曹操。想當日關公在許昌。三日一小宴。五日一大宴。上馬一提金。下馬一提銀。想那般恩惠。他怎肯殺曹操也。〔唱〕

〔迎仙客〕想在先爲故友。便放了些敗軍卒。〔云〕當初若差了這箇將軍去呵。必擒了曹操也。〔簡雍云〕可是那一員將軍。〔正末唱〕則他三將軍性兒可兀的不犯觸。橫着這點鋼槍。斜兜住豹月烏。張飛把曹操攔住。〔云〕便好道曹操奸雄殺者波。〔唱〕甚法兒便飛的過華容路。〔簡雍云〕看了此人出語非俗。爭奈師父臨行時。則說鳳雛來時。着我重用他。這箇先生。可是士元。我待不用他來。則道俺不納賢士。見今未陽少縣尹。就着他去未陽做縣尹去。兀那先生。加你爲未陽縣尹。則今日走馬赴任去。〔正末做出門怒科〕〔云〕哦。又封我爲未陽縣從仕郎七品官職。您元來虛得其名。〔道童云〕師父。加你爲甚麼官。〔正末云〕着我未陽縣做縣

尹去〔道童云〕可不道讓與你軍師印也。〔正末唱〕

〔滿庭芳〕如何發付。差歸北魏。〔云〕罷罷罷。〔唱〕恥向東吳。荊州裏添一箇擎天柱。着我做泛泛之徒。沒來由獻長策。開疆展土。點周易滴露研硃。本則是一箇閑人物。注定繫麻絲分福。再休想玉帶上掛金魚。〔云〕道童你休慌。我到耒陽縣。我自
有主意。你不識賢也。〔唱〕

〔耍孩兒〕則他這幽人常愛山中住。沒來由爭名利貪圖自出。枉將韜略用工夫。學成也韞匱藏諸。既不肯驟遷龐統三公位。罷波。你可便爭得先生一卷書。却做了雲從龍風從虎。不肯向七重圍裏安頓。剗地着我去百里侯遷除。〔尾聲〕你可是躬着身請臥龍。今日箇腆着臉傲鳳雛。兀的踏枝不着空歸去。〔云〕龐統也是你的不是了也。〔唱〕誰着你身背着茅廬覓先主。〔下〕〔簡雍云〕那先生去了也。〔卒子云〕去了也。〔簡雍云〕他去了。無甚事。回私宅中去也。〔下〕

第三折

〔淨扮金全上〕〔云〕帥鼓銅鑼一兩敲。轅門裏外列英豪。三軍報罷平安喏。買賣歸來汗未消。某乃武陵太守金全是也。俺這江夏有四箇太守。長沙韓玄。桂陽趙範。零陵劉鐸。某乃武陵金全。

我手下有一員上將。姓黃名忠字漢昇。此人有萬夫不當之勇。俺這四郡太守。兵多將廣。則少箇軍師。今有龐鳳雛投於劉關張不用。此人見在耒陽做縣令。我今修一封書。着黃忠直至耒陽縣。請將他來。拜爲軍師。有何不可。小校與我喚將黃忠來者。(黃忠上)(云)人又英雄馬又韁。全憑武藝定江山。馬蹄蕩散黃河水。槍尖擲透死生關。某姓黃名忠字漢昇。乃是關西五路人氏。爲某智勇雙全。攻城野戰。所向無敵。每回臨陣。無不幹功。上陣使一口金罩刀。有萬夫不當之勇。見在武陵太守金全麾下。爲前部先鋒。正在教場操練軍馬。有小校來報太守呼喚。不知有甚事。須索走一遭去。來到也。報復去。有黃忠來了也。(卒子云)喏。報的太守得知。有黃忠來了也。(金全云)着他過來。(做見科)(黃忠云)太守呼喚黃忠。有何將令。(金全云)黃忠。喚你來別無甚事。俺這江夏四郡。兵多將廣。則少一箇軍師。今有耒陽縣有一人龐鳳雛。你持着我的書呈。請將他來。俺衆將拜他爲軍師。別人去不的。則你可走一遭去。(黃忠云)理會的。則今日直至耒陽縣取鳳雛。走一遭去。(下)(金全云)黃忠去了也。(卒子云)去了也。(金全云)若請將軍師來。報復我知道。(下)(簡雍上)(云)事有足詫。物有固然。小官簡雍是也。想當日將龐統加爲耒陽縣令。此人不理正事。終日戀酒。百姓每告狀。不問原告被告。都下在牢獄之中。我今差張飛星夜去取耒陽縣尹首級。說與張飛。疾去早來。(下)(淨主簿領張千上)(主簿云)朝爲田舍郎。暮登張子

房。將相本無種。男兒當自強。小官姓龐名直字正好。因小官廉能清幹。所除小官在這來陽縣做主簿。自到任以來。新又除將一箇縣令來。姓龐名統。自到任以來。正事不理。每日則是喫酒。但是告狀人來。不問好歹。都下在牢裏。百姓每好生難過。今日若來衙門裏。我自有主意。〔正末領道童上〕〔云〕道童。你不知。我別有箇主意。劉關張。您好不識人也。〔唱〕

〔越調鬪鶴鶉〕吐膽傾心。陳言獻策。盡節存忠。我待要擎天也。那架海。封我做升斗的這微官。幾時做省臺重宰。不能穀入廟堂。却則索隱茅齋。可怎容不得一箇賢人。怎生來養三千劍客。

〔紫花兒序〕辦着箇斗筭之器。您不肯納諫如流。兀的不屈沉殺將相之才。我這惡風波怎過。閑日月難捱。把我這醉眼睜開。正好水晶塔權妝做酒布袋。則等箇否極生泰。若是我不了掌了軍權。我可便且隱在茅齋。〔張千報科〕〔云〕有縣尹大人來了也。〔主簿見科〕〔云〕來了也。敢又醉了也。縣尹。你每日則是飲酒。明日上司知道。連累了我。我欲待要處一件事。你可是長官。你也忒無用也。〔正末云〕主簿。你的是也。〔唱〕

〔天淨沙〕教人笑這沒胸襟的縣令囊揣。我自怕這有威嚴的主簿雄乖。〔道童云〕師父。你做箇縣令。倒不如箇主簿。人皆怕也。〔正末唱〕他家裏打關節。不離了左側。

〔道童云〕師父。你雖然做箇長官。又沒人怕你。沒人送與你東西。〔正末唱〕便教他善神兒不賽。等一箇合死的自上鉤來。〔主簿云〕長官。我如今要主一件事。你可掌着印。你又不出來使印。你終有帶累我的日子也。〔正末云〕你這般說呵。有的事你肯麼。你敢呵。我便牒與你印。我則喫酒快樂也。〔主簿云〕你若是肯把這印來與我使。不問有甚事。我主張。你則喫酒去。〔道童云〕師父。你的印倒與他掌。他越法搨人錢鈔東西也。〔正末唱〕

〔寨兒令〕有的是他杖責。更怕甚麼有裁劃。我那合朋朋疑歡鄉里每日閑自在。

更教他攢下金帛。置下莊宅。我從來不羨世間財。〔道童云〕他做縣尹了。你往那裡去。

〔正末唱〕我閑遙遙遠巷巡街。我醉醺醺弄盞傳盃。將玉蛆浮的醅甕潑。把那錦

鱗作的鮓包開。〔做笑科〕〔唱〕那快哉何處得愁來。〔主簿云〕你既讓與我這印。今日大

好日辰。你說讓與我做縣令。你做主簿。則你快活喫酒。〔正末云〕主簿不索使印也。我牒印與你。

則今日你做縣令。我做主簿。我則要快樂也。〔主簿云〕便有死罪。都是我當。你則快活喫酒去。

〔正末云〕主簿一准是你了。〔主簿云〕張千。則今日着吏典來參新縣令。〔正末唱〕

〔鬼三台〕那厮行無賴。妝尊大。做多少天寬地窄。〔主簿云〕您衆人聽者。這縣令不是我要做。他要圖快活喫酒。他讓與我做。我不會要做。〔正末唱〕哎。你箇主簿有心哉。知民間

稼穡。我待去碧油幢下。怒將軍士排。我則待領兵自將陣勢擺。他則會勸課農桑。我待要調和鼎鼐。〔道童云〕你纔做了箇縣尹。怎生讓與他。〔正末云〕道童。你不知道。我自

有箇主意。〔主簿云〕大小人等。今番有的事。着我知道。我是長官哩。〔張飛上〕〔云〕某姓張名飛。字翼德。今奉元帥將令。爲因未陽縣令。每日則是喫酒。不理政事。俺哥哥差我星夜去未陽縣。取他首級。今日來到了也。左右接了馬者。我上的這廳來。那箇是未陽縣令。〔主簿云〕小官正是。

〔張飛云〕則你便是縣令。喫吾一劍。〔主簿死科〕〔下〕〔張飛云〕斬了縣令也。〔正末唱〕

〔調笑令〕嗨。做官的利害有非災。〔道童云〕師父。不如俺回去了罷。〔正末唱〕則不如安樂窩中且避乖。你觀那張將軍劍鋒吹毛般快。磕槎。可又血淥淥早躺着屍骸。你本是主簿。做了縣宰。誰教你殺人處鑽出頭來。〔張飛云〕兀那主簿。我殺的他甚麼。

〔正末云〕可更怕將軍錯殺了那。〔唱〕

〔禿厮兒〕哎。新宰公則爲你砍井蛙革。疑坐井蛙之誤怎壞了也。山梁雌雉時哉。則爲

您坑人陷人。冤業該橫死的來。不明白。好是傷懷。

〔聖藥王〕坐衙處撞着太白。犯着弔客。把一坐受官廳。生紐做大市街。興變做衰。喜變做哀。兀的般上官恰似野花開。却又早福謝一時來。〔張飛云〕如何。早是我

來哩。若是別人來呵。准殺了他好人。將那縣令的印來。你就掌了印。我不敢久停久住。將馬來。俺索回俺哥哥話去也。〔下〕〔道童云〕師父說殺我也。我見你把印讓與他。我恨不的喫了你。恰纔見殺了他。師父你真箇手段高。你是活神仙。〔正末云〕道童。你門首望者。看有甚麼人來。〔道童云〕理會的。〔黃忠上〕〔云〕某黃忠是也。行了數日。到這末陽縣門首也。小校接了馬者。報復去。道有黃忠在於門首。〔道童云〕報與師父知道。有一箇黃忠。在於門首。〔正末云〕着他過來。〔道童云〕着過去。〔見科〕〔正末云〕你乃何人也。〔黃忠云〕某乃金全手下黃忠是也。奉着太守言語。持一封書來見師父。〔正末云〕黃忠。我知道了也。則今日我便去。〔黃忠云〕師父若去呵。俺四郡太守拜師父爲軍師。〔正末云〕你看我調度你那江夏四郡軍馬者。〔黃忠云〕師父。在此爲縣令如何。〔正末云〕你則問道童。〔道童云〕將軍。恰纔一會兒。說的我尿尿直流。〔黃忠云〕師父。他也不知道。似這等貪賊壞法。嫉賢妬能。理當如此也。〔正末唱〕

〔耍三台〕我可便識進退知成敗。則我這一顆頭交連替代。〔代原誤我〕他則落的屍橫陸地。不能穀日轉千階。則爲他嫉賢妬能種禍胎。不至死也不伏燒埋。我安排着脫身利己的機謀。正中這抵死瞞生的手策。

〔尾聲〕我也算一箇有榮有辱朝中客。則這是與非教傍人鑑戒。〔道童云〕師父。

當日他不說是縣令。也不杀他。〔正末唱〕他則爲口是禍之門。〔道童云〕師父。他恰好替了你

一死。〔正末唱〕我可甚心平過的海。〔同下〕〔簡雍上〕〔云〕小官簡雍。因爲龐統未陽縣爲縣尹。

不理民事。終日則飲酒。我着張飛取他首級去了。怎生不見來。小校門首覷者。這早晚敢待來也。

〔孔明上〕〔云〕貧道孔明是也。我領雲長趙雲劉封領兵前去。要與曹操交戰。猛觀見荊州慶雲不散。必有賢士至此。收軍回還。則怕是哥哥鳳雛。來到帥府門首也。接了馬者。小校報復去。道有

軍師下馬也。〔卒子報科〕〔云〕喏。有軍師下馬也。〔簡雍云〕道有請。〔卒子云〕有請。〔見科〕〔簡

雍云〕師父。鞍馬上勞神也。〔孔明云〕元帥治軍民不易也。〔簡雍云〕師父與曹操交鋒如何。

〔孔明云〕正要與曹操交鋒。見荊州慶雲靄靄不散。必有賢士至此。〔簡雍云〕自師父去之後。並

無鳳雛。有一先生。乃是龐士元到此來。〔孔明云〕則他便是鳳雛。如今在那裡。〔簡雍云〕我着他

未陽縣做縣尹去了。〔孔明云〕俺哥哥怎生着他做縣尹。他文學不在我之下。一壁着人請去。

〔簡雍云〕師父不知。不想他到未陽縣。支疑任已罷。一莊事不曾理。終日則是喫酒。百姓累次

來告。我教張飛去取他首級去了。〔孔明云〕似此怎了。便着人趕去。〔張飛上〕〔云〕某乃張飛。到

未陽縣殺了龐士元。回哥哥話去。小校報復去。張飛下馬也。〔卒子報科〕〔云〕喏。報的元帥得知。

有三將軍來了也。〔簡雍云〕道有請。〔卒子云〕有請。〔見科〕〔孔明云〕張飛。你取首級如何。〔張

飛云「我殺了龐士元也。」孔明云「敢不是麼。」張飛云「他說道正是縣令。我怎肯錯殺了別人。」
〔下〕簡雍云「師父。你如何知道不是他。」孔明云「元帥你不知。想他是箇足智多謀的人。他知過去未來的事。如何殺的他。則怕俺哥哥一時間惱怒。投於許昌曹操麾下。委實是難敵也。」簡雍云「似此怎了也。」張千報科「云云」喏。報的軍師知道。有江夏四郡太守。拜龐鳳雛爲軍師。領兵特來索戰。」孔明云「元帥。我說此人有麼。若在四郡不妨事。元帥放心。則在貧道手中。好歹請將哥哥來。佐於元帥麾下。拜他爲軍師。」簡雍云「既然如此呵。這莊事都在師父身上。鳳雛今在那四郡爲軍師。」孔明云「是長沙韓玄。桂陽趙範。零陵劉繹。武陵金全。元帥可差四員虎將。領兵收捕這四郡太守去。」簡雍云「師父。可着那四員虎將去收捕去。」孔明云「元帥。我自有主意。將紙筆來。我寫就也。」小校與我請雲長來。」卒子云「雲長公安在。」關末上「云云」生長蒲州在解良。面如搗棗。美髯長。乘印封金爲故友。忠直英勇關雲長。某關雲長是也。師父呼喚。不知有甚事。須索走一遭去。可早來到也。不必報復。某自過去。」見科「云云」師父。喚關某那廂使用。」孔明云「雲長。我撥與你三千軍馬。你去收捕長沙太守韓玄。我與你一計。看計行兵。」關末云「我看者。攻心調引。關隱埋伏。某知道了也。則今日領軍收捕韓玄。走一遭去。」〔下〕孔明云「雲長去了也。令人喚將趙雲來者。」卒子云「趙子龍將軍安在。」趙雲上「云云」某乃趙雲是也。師父呼喚。

不知有甚事。須索走一遭去。不必報復。某自過去。〔見科〕〔云〕師父呼喚趙雲。那廂使用。〔孔明云〕趙雲。我撥與你三千軍馬。你去收桂陽太守趙範。我與你一計。看計行兵。你若解的過意。便行軍。解不過意。休行軍。〔趙雲云〕得令。師父的將令。着某收捕桂陽太守趙範。與某一計。我試看者。當親勿親。當殺勿殺。某已知也。則今日親率三軍。走一遭去。〔下〕〔孔明云〕趙雲去了也。令人喚將劉封來者。〔卒子云〕劉封安在。〔劉封上〕〔云〕某乃劉封是也。軍師呼喚。須索走一遭去。不必報復。我自過去。〔見科〕〔云〕師父。劉封來了也。〔孔明云〕劉封。我撥與你三千軍馬。收捕武陵太守金全。與你一計。看計行兵。〔劉封云〕得令。我看這計者。小心必勝。麋心有失。我知其意。則今日領兵。走一遭去。〔下〕〔孔明云〕劉封去了也。令人喚將張飛來者。〔卒子云〕三將軍安在。〔張飛上〕〔云〕某張飛是也。師父呼喚。不知有甚事。須索走一遭去。來到也。不必報復。我自過去。〔見科〕〔云〕師父。張飛來了也。〔孔明云〕張飛。我撥與你三千軍馬。你去收捕零陵太守劉繇。我與你一計。看計行兵。〔張飛云〕得令。我看者。將薄力輕。士卒不願。我解不過意來。再問師父去。師父。張飛解不過意來。〔孔明云〕張飛不解其意。你自再看去。〔張飛云〕將薄力輕。士卒不願。我知道也。則今日便領兵。走一遭去。〔下〕〔孔明云〕四箇將軍都去了也。這一去必然成功。貧道脩養性在南陽。一年三請出茅堂。若將四郡都收捕。恁時方表臥龍岡。〔同下〕〔黃忠上〕〔云〕某黃

漢昇是也。領本部下軍兵。在此等候。塵土起處。敢是關張家軍馬來也。〔劉封上〕云某劉封是也。領師父將令。着我擒拏武陵太守金全。兀的不敵軍來了。擺開陣勢。來者何人。〔黃忠云〕某黃忠是也。〔劉封云〕量你箇無名之將。到的那裡。操鼓來。〔戰科〕〔劉封云〕這老匹夫委實難敵。不中。我索與你走。〔下〕〔黃忠云〕這厮敗了也。不問那裡趕了去。〔下〕〔孔明上〕云貧道孔明是也。我差四員虎將。收捕四郡去了。聽的有雲長張飛趙雲。都成功也。未知劉封收捕金全。輸贏勝敗。今日無甚事。看有甚麼人來。〔首將上〕云某劉封手下首將是也。元帥與黃忠拒敵。被黃忠打了一鞭。正中左臂。不得動止。我去軍師那裡求救軍。來到也。報復去。道劉封差一員小將。來求救兵來。〔卒子云〕喏。報的軍師得知。有劉將軍差一首將來見。〔孔明云〕着他過來。〔卒子云〕理會的。過去。〔首將見科〕云報的軍師得知。有劉封與黃忠交戰。被黃忠打了一鞭。正中左臂。不能動止。特來求救。〔孔明云〕既然如此。傳貧道將令。着張飛趙雲。與黃忠交戰去。則今日點就本部下人馬。同雲長接應劉封。走一遭去。〔下〕

第四折

〔正末領黃忠上〕〔正末云〕貧道龐鳳雛是也。自離了耒陽。到這四郡。我就統領着這江夏四郡的軍兵。貧道今日要布陣。與劉關張家交鋒。着黃忠爲先鋒。金全爲大帥。某爲軍師。大小三軍。與

我擺開陣勢者。是好嚴整也呵。(唱)

〔雙調新水令〕白旄黃鉞兩邊垂。更有那助英雄一天殺氣。日華烘劍戟。風力動旌旗。聲動征鼙。我則見虎將鴈行般立。(云)遠遠的敢是劉關張軍馬來也。(張飛趙雲劉封同上)(張飛云)某乃張飛。奉軍師將令。着我與黃忠交鋒。遠遠的來者何人。(黃忠云)我是金全手下先鋒黃忠是也。你來者何人。(張飛云)某乃張飛是也。(黃忠云)張飛你回去。我不和你廝殺。則着你二將軍出來。我和他有響。(張飛云)你怎生和他有響。(黃忠云)他當初和我應舉去。爲他和我平日有響。他去御史臺裏插狀。告下我一篇虛詞。他後來走了。倒拏住我打了二十。罰我在本處隱跡數年。我今日要與他交鋒。你回去。我則要你二哥雲長來。(張飛云)老匹夫無禮也。怎生着我回去。三軍與我操鼓來。略關幾合。(正末云)黃忠你回來。(黃忠云)師父喚黃忠。有何話說。(正末云)這張飛是一員上將。你可小心者。我與你一計。(黃忠云)我理會的。略交戰來。(做調陣子科)(黃忠走科)(張飛迷陣科)那裡去。奇怪也。入的這陣裏來。怎生不見他一箇小軍。中他計也。(趙雲劉封跪告科)(云)師父。怎生可憐見。看玄德公孔明之面。饒過張飛者。(正末唱)

〔攪箏琶〕忙催動烏騎直撞七重圍。他將那環眼睜開。他在那垓心裏立的。則

見他昏慘慘不辨東西。哎。你莽撞的張飛休疑。我微微的略使些小見識。你纔得知我這妙策神機。〔云〕環眼漢。我且饒你這一遭疾。〔張飛云〕這早晚風定了也。我出這陣去者。〔做見科〕〔趙雲云〕三將軍。你恰纔殺入陣去。怎生不見你出來。〔張飛云〕你不知。恰纔我趕黃忠殺入去。則見黃塵靄靄。不辨東西。因此上不能出陣。〔趙雲云〕將軍你不知。恰纔你趕入陣中去。龐鳳雛先生。將那黃旗兒颺了一颺。那軍兩邊趨開。黃風偶陡迷你在陣裏。俺二將跪下告鳳雛來。他將那旗往後指了一指。那風就住了。你纔得出陣來。〔張飛云〕噯。這先生又強。不在俺孔明之下。怎麼得我二哥同軍師來。可也好也。〔孔明同關末上〕〔孔明云〕我來到這武陵郡也。兀的不是張飛軍馬。〔張飛云〕兀的不是軍師與二哥來了也。〔見科〕〔孔明云〕張飛趙雲。你與黃忠交戰如何。〔張飛云〕一箇好軍師也。〔孔明云〕怎生好軍師也。〔張飛云〕我趕黃忠殺入陣去。被鳳雛迷我在陣裏。趙雲劉封跪着告了。纔放我出來。黃忠又言道。俺二哥和他有讐。二哥他要和你交戰哩。〔關末云〕這老匹夫無禮。他想舊日之讐。我和他相持去。〔孔明云〕雲長。你且息怒。黃忠不打緊。正意要請龐鳳雛哩。〔孔明見正末科〕〔孔明云〕哥哥。當初你兄弟不在荊州。他不知道哥哥的道號鳳雛。則知表字是士元。哥哥若肯同心協力。扶立炎劉。哥哥意如何。〔正末云〕孔明。你不知道。當初到您荊州。誰想他着我做耒陽縣令。他又着張飛來殺我。早是貧

道。若是別人呵。不被他殺了也。〔唱〕

〔掛玉鈎〕你則問這行刃的將軍。管着甚的。你莫不眼昏花波張車騎。〔張飛云〕師父。你說道是縣令。〔正末唱〕誰着他鑽出頭來惹是非。正中拖刀計。他有那人己賊。着我當無頭罪。兀的是人意虧公。天眼先窺。〔孔明云〕哥哥肯佐於玄德公麾下。我將軍師印讓與你。同心協力。意下如何。〔正末云〕孔明。黃忠要與雲長交戰。關刀哩。〔孔明云〕既然如此。二將軍與黃忠交戰去。〔關末云〕得令。三軍操鼓來。我與黃忠關刀。〔做戰科〕〔黃忠出陣見正末科〕〔正末云〕黃忠勝敗如何。〔黃忠云〕罷罷罷。雲長是強。〔正末云〕你比雲長如何。〔黃忠云〕師父。論刀馬武藝。雲長世之傑也。師父。你比孔明如何。〔正末云〕你不知孔明有神鬼不測之機。善辨風雲。諳知氣色。學問不在貧道之下。俺金全比玄德如何。〔黃忠云〕玄德仁者之人。金全怎比玄德。〔正末云〕玄德公納諫如流。敬賢禮士。〔黃忠云〕我有心待要投降他。爭奈無寸箭之功。〔正末云〕比及你說。我先有心也。你真箇要降。我與你一計。請的金全太守來。〔黃忠云〕令人請將金太守來者。〔卒子云〕理會的。〔金全上〕〔云〕某乃金全太守是也。今有鳳雛軍師首將黃忠。與劉關張家交鋒。着人來請我。不知有甚事。須索走一遭去。〔見科〕〔正末云〕太守。今日黃忠要與雲長交鋒。請太守到於旗下。看黃忠交戰。〔黃忠云〕今日請太守來看黃忠

與雲長鬪刀。太守和軍師與某壓陣。看某與雲長交戰。兀那小校。擺開陣勢。雲長出馬來。「金全云」你小心在意。你若輸了。便索來尋我。「黃忠云」得令。「孔明云」雲長。黃忠又來索戰。他若敗了呵。你休趕他。「關末云」老匹夫。量你到的那裡。「做調陣子科」。「黃忠走科」。「金全云」黃忠。你勝敗如何。「黃忠云」你休問我。我特來拏你來。我與軍師要投降玄德公。無甚麼託獻。拏將你去。權當託獻。「金全云」你把我做託獻。我說弟子孩兒。買一隻羊一罈酒。送與他去。可不好也。「正末唱」

〔鴈兒落〕雖然他面皮皺。有捉將威。雖然他髭鬚白。有過人智。雖然他春秋高。有匡國才。雖然他血氣衰。有輪刀的力。

〔得勝令〕呀。常言道老將會兵機。他待要保護漢華夷。他待要除奸孽與皇家作柱石。黃忠你快疾活捉去跟前跪。休疑。你可便不降。索等甚的。「正末同黃忠降

科」。「下」。「孔明云」黃忠拏了金全也。俺請鳳雛哥哥去來。「下」。「正末上」。「云」貧道爲甚將這來陽縣免官不治。只因東吳有孫權。北有曹操。玄德公住於荊州。其勢鼎足之計。想這江夏四郡。軍兵未定。以此貧道將這四路軍馬。都教歸順玄德公。此計乃是龐掠四郡。這的先取荊州爲本。後取西川爲利。貧道在此閑坐。看有甚麼人來。「孔明同關末張飛趙雲劉封領卒子上」。「孔

明見科」〔云〕可早來到也。哥哥。您兄弟領着衆將。特來請哥哥爲軍師。就掛了印。佐於玄德公。俺同心輔佐玄德公。有何不可也。〔正末云〕孔明。這軍師牌印。貧道斷然不受也。〔孔明讓印科。〕

〔云〕哥哥不必固辭。掛了印者。〔正末唱〕

〔沽美酒〕孔明你休讓印。莫意推。〔孔明云〕哥哥。咱同心扶立炎劉。可不好也。〔正末唱〕
咱兩箇辦忠心。輔華夷。〔孔明云〕哥哥有神鬼不測之機。輔佐漢朝。穩勝磐石也。〔正末唱〕則
要俺建節英名四海知。整封疆至治理乾坤。保皇基。〔孔明云〕哥哥。俺元帥豁達大度。
納諫如流。敬請哥哥慶賀軍師也。小校擡上果卓來者。〔卒子云〕理會的。〔正末唱〕

〔太平令〕感大德排筵慶會。〔孔明云〕蔬食薄味。不堪奉用。哥哥開懷飲幾杯也。〔正末唱〕
列珍饈酒捧金杯。〔孔明云〕軍師。俺衆將都要盡醉方歸。〔正末唱〕放開懷同歡沉醉。衆
將每欣然樂意。〔孔明云〕哥哥。今日既佐於主公麾下。當施展妙策。與國家除危定亂也。〔正末
唱〕從今後顯威使機。保君王社稷永無虞。江山寧謐。〔孔明云〕哥哥不勞計較。今日

既然做了軍師。俺同心扶立漢華夷。俺主公不一時定差使命來。與哥哥加官賜賞也。〔簡雍上〕
〔云〕雷霆驅號令。星斗煥文章。小官簡憲和是也。奉聖人的命。有俺軍師將的文書來。收伏了龐
鳳雛。又有黃忠投降了。着小官與衆將加官賜賞。可早來到也。您衆將跪者。聽聖人的命。龐士元

用智如神。運籌策出衆超羣。掠四郡猶如翻掌。招勇士恰似集雲。黃漢昇英雄力健。捉金全獻俘軍門。諸葛亮誠心讓印。拜鳳雛護國安民。憑忠義除危定亂。食天祿舞蹈揚塵。今日箇加官賜賞。一齊的望闕謝恩。

題目

諸葛亮智排五虎

正名

走鳳雛龐掠四郡

龐掠四郡穿關

頭折

周瑜

三叉冠

項帕 抹額

直纏 手帕

襟衣曳撒

帶 三髭髯

袍

甘寧

凌統

鳳翅冠

直纏 襟衣曳撒

帶 袍

項帕

髭髯 卒子

紅碗子盔

青布釘

劍

正末

龐統

散巾

邊欄道袍

襟

孔明

捲雲冠

紅雲鶴

道袍 襟兒

髭髯

關末

滲青巾

襟衣曳撒

紅袍

項帕

卒子

同

楔子

魯肅

兔兒角幘頭

補子

卒子

正末

龐統

同

道童

雙髻鬚髮陀頭

邊欄道袍

襟兒

第二折

簡雍

麥簷帽

膝欄曳撒

帶 袍

項帕

三髭髯

卒子

正末

龐統

道童

同

第三折

金全

皮麥簷帽

膝欄曳撒

帶 袍

項帕

黃忠

鳳翅盔

膝欄曳撒

帶 袍

項帕

蒼白髯

簡雍

同

主

簿紗帽領角帶張千攢頂項帕圓領正末龐統道童同張飛包巾項帕蟒衣曳撒皂袍

帶猛髯黃忠又上簡雍孔明張飛關末俱同趙雲三山帽膝襴曳撒帶劍項帕


髯劉封同前黃忠張飛又上黃忠劉封孔明又上俱同首將同前黃忠

第四折

正末龐鳳雛黃忠張飛趙雲劉封同孔明關末正末龐鳳雛又上同孔明關

末張飛趙雲劉封卒子同簡雍同前

內本校錄清常記



曹操夜走陳倉路

闕名

頭折

〔沖末曹操領卒子上〕〔曹操云〕文武奇才氣質雄。干戈數戰亂縱橫。機謀有智安基業。漢祚堪堪掌握中。某姓曹名操字孟德。沛國譙郡人也。自出仕以來。與漢朝建立功勳。加某爲丞相之職。掌握軍國重事。後進爵爲魏王。加某九錫。天下諸侯藩鎮者。無不瞻仰。某手下雄兵有一百萬。戰將有二千員。頗奈劉備無禮。我在聖人前舉保他。封爲襄王之職。誰想仗諸葛之勢。二弟關張之勇。累累與某交戰。今取西川。又奪了陽平關。其志非小。我統大勢雄兵。追襲殿後。今諸葛得了陽平關。紮下營寨。未知有多少人馬。我今又收了東川二將張魯張恕。左右與我喚將張魯來者。〔卒子云〕理會的。張魯安在。〔淨扮張魯上〕〔云〕我做大將有英雄。偏能厮杀建其功。外名喚做眞僂廝。則我便是夾惱風。自家是東川張魯。今佐於曹公麾下。爲大將之職。我兵書不通。戰策不會。武藝不熟。諾般不濟。聽的厮杀。則在帳房裡推睡。今日正在帳後閑耍。曹公呼喚。須索走一遭去。小校報復去。道有張魯來了也。〔卒子云〕理會的。〔報科〕〔云〕喏。報的丞相得知。有張魯來了也。〔曹操云〕着他過來。〔卒子云〕理會的。過去。〔做見科〕〔張魯云〕主公呼喚小將。那裡使用。

〔曹操云〕張魯。如今撥與你五千人馬。一來到陽平關下觀看諸葛營寨。料他有多少人馬。二者與他交戰。小心在意。幹事成功者。〔張魯云〕得令。出的這門來。大小三軍。聽吾將令。領着五千人馬。與孔明交戰。走一遭去。領軍馬便上平陽。準備着短劍長槍。一箇箇威風赳赳。一箇箇志氣昂昂。若和他臨軍交戰。諕的我手脚慌忙。一定是去了頭盔。連鎧甲脫了衣裳。不得見我妻兒老小。又不見我父母爺娘。若還我死歸冥路。放心到陰司告他一場。〔下〕〔曹操云〕張魯去了也。我料玄德公手下。能有多少人馬。常言道。寡不敵衆。則今日整搦三軍。觀他營寨。走一遭去。馬壯人強。似虎狼。鋪謀定計。顯高強。饒你孔明多妙計。我着這大勢雄兵戰一場。〔下〕〔劉備引卒子上〕

〔云〕大樹樓桑是本鄉。織席編履姓名揚。有人問我宗和祖。四百年前帝業昌。某姓劉名備字玄德。乃大樹樓桑人也。自桃園結義之後。破黃巾賊戰呂布有功。加某爲越殿襄王。自從請軍師諸葛孔明下山。曹操統八十三萬雄兵。與俺遞相仇殺。要與某交戰。某聞知曹兵勢大。棄樊城而走。至三江夏口。某遣軍師過江。結好於孫權。拜周瑜爲帥。遣黃蓋程普等戰於赤壁之間。將曹操八十三萬雄兵。一炬煨燼。某今鎮守西川之地。量曹操不敢正目而視之。皆賴軍師二弟之能也。不想曹操今又下將戰書來。搦俺交戰。不免請將軍師來商議。小校與我請將軍師來者。〔卒子云〕

理會的。軍師安在。主公有請。〔諸葛上〕〔云〕腹隱經綸濟世才。胸中豪氣捲江淮。六月彈琴霜雪

降吟詩驅得鬼神來。貧道覆姓諸葛名亮字孔明。道號臥龍先生。自主公三顧茅廬。不以卑猥。咨以當世之策。如今天下。可謂三分已定。主公待我甚厚。委託至重。我當竭力於忠。我今統領三軍。先取荊州爲本。後圖西川爲利。今已率衆當敵。奪關斬將。頗得其意。今已收了陽平關。在此安營下寨。今日陞帳。營盤安吉地。寨棚列平川。埋鹿角挨牌弓矢。守轅門短劍長槍。急颭颭五方旗映日輝輝。八卦陣張。前後列千隊敢勇征夫。左右隨百餘箇英雄戰將。休言人敢帳前喧。鴉鵲過時不啁噪。今有主公呼喚。須索見主公去來。小校報復去。道有諸葛亮來了也。〔卒子云〕理會的。〔做報科〕〔云〕喏。有軍師來了也。〔劉備云〕道有請。〔卒子云〕理會的。有請。〔諸葛做見科〕〔云〕主公。諸葛亮來了也。〔劉備云〕軍師來了也。軍師不知。今有曹操下將戰書來。單搦俺交戰。特請軍師來商議也。〔諸葛云〕主公且少待。衆將來時。一同商議。小校衆將來時。報復我知道。〔卒子云〕理會的。〔趙雲上〕〔云〕曾向軍前敢戰敵。英雄膽量有誰及。一心忠孝扶明主。萬年簡冊姓名題。某姓趙名雲字子龍。乃眞定常山人也。我英雄膽量。志氣軒昂。佐於玄德公麾下。爲其大將之職。今俺軍師定計鋪謀。收取西川。我多得守邊之策。今已得了陽平關。今日師父陞帳。見軍師走一遭去。報復去。道有趙雲來了也。〔卒子云〕理會的。〔做報科〕〔云〕喏。有趙雲來了也。〔諸葛云〕着他過來。〔卒子云〕過去。〔見科〕〔趙雲云〕軍師。趙雲來了也。〔諸葛云〕將軍且一壁有者。

小校門首觀者。若衆將來時。報復我知道。〔卒子云〕理會的。〔黃忠上〕〔云〕志氣凌雲貫斗牛。老當益壯鬢霜秋。幾回臨陣功勞大。丹心耿耿侍龍樓。某姓黃名忠字漢昇。幼而能文。長而習武。每回臨陣。無不幹功。今佐於玄德公麾下。爲其大將之職。俺軍師用計。今已收了陽平關。安營下寨。軍師今日陞帳。須索見軍師去。可早來到也。小校報復去。道有黃忠來了也。〔卒子云〕理會的。〔做報科〕〔云〕喏。有黃忠來了也。〔諸葛云〕着過來。〔卒子云〕過去。〔見科〕〔黃忠云〕軍師。黃忠來了也。〔諸葛云〕老將軍。且一壁有者。小校門首觀者。衆將來時。報復某知道。〔卒子云〕理會的。〔糜竺糜芳同上〕〔糜竺云〕武略精熟多踴躍。相持對壘決輸贏。既食君祿當報本。留取芳名照汗青。某乃糜竺兄弟糜芳。先佐於陶謙麾下爲將。後從玄德公。今軍師支撥衆將。收其西川。今已得了陽平關。師父今日陞帳。見師父走一遭去。可早來到也。令人報復去。道有糜竺糜芳來見。〔卒子云〕理會的。喏。有糜竺糜芳來了也。〔諸葛云〕着他過來。〔卒子云〕理會的。着過去。〔二將見科〕〔糜竺云〕軍師。糜竺糜芳來了也。〔諸葛云〕將軍。且一壁有者。馬孟起將軍安在。〔卒子云〕巡邊境去了也。〔諸葛云〕少誰哩。〔卒子云〕止少三將軍張飛哩。〔諸葛云〕若來時。報復我知道。〔卒子云〕理會的。〔正末扮張飛上〕〔云〕某姓張名飛字翼德。涿州范陽人也。今俺二哥鎮守荊州。俺孔明師父統領人馬。收取西川。今得了陽平關。想俺麀兵血戰。投至到今日。非同容

易也呵〔唱〕

〔仙呂點絳脣〕則爲那漢室傾危。豪傑並起。那箇肯行忠義。那曹操待不軌謀。爲相戰鬪施權勢。

〔混江龍〕俺哥哥合當承繼。他是那漢家枝葉理合宜。孫權他仗父兄之力。曹操他竊命朝儀。我則待立國安邦扶社稷。除危定亂保華夷。想俺便結會在桃園內。俺哥哥功成名就。也是他福力相催。〔云〕可早來到也。小校報復去。道有張飛來了也。〔卒子云〕理會的。〔做報科〕〔云〕喏。報的軍師得知。有張飛來了也。〔諸葛云〕着他過來。〔卒子云〕理會的。着過去。〔見科〕〔正末云〕師父張飛來了也。〔劉備云〕軍師大小衆將都來了也。軍師怎生支撥衆將。調遣三軍也。〔諸葛云〕大小衆將您聽者。今曹操攪擾中原。生民受其殘暴。他知俺得了陽平關。統領大勢雄兵。追襲殿後。我今鋪謀定計。務要擒拏了許褚張遼。逐其曹操。務要您奮身不顧。破陣衝圍。但得太平。着您廕子封妻。自有加官重賞也。〔劉備云〕軍師此一場征戰。全在吾師神機妙策也。〔正末唱〕

〔油葫蘆〕則這曹操專征失道理。占中原廝戰敵。則他那逆天背理可鈐刈。我則待要勦除亂掠扶家國。長驅席捲安邊地。〔諸葛云〕曹兵犯着我的境界。我着他片甲

不歸。〔正末唱〕軍師你有智謀。俺可也能武藝。〔諸葛云〕想您衆將苦征惡戰。多受辛勤。

〔正末唱〕俺也曾眠霜臥雪驅軍隊。博一箇千載姓名題。〔諸葛云〕曹操手下有九牛

許褚。百計張遼。更有那足智多謀的楊修也。〔正末唱〕

〔天下樂〕你道是曹將張遼有百計。許褚爲魁有見識。楊修善觀天地理。〔諸葛

云〕則怕貧道一時不能對敵。〔正末唱〕師父你休要謙。張飛我便言最直。〔帶云〕軍師定

計。張飛出馬。〔唱〕我可便觀曹兵如垢泥。〔劉備云〕軍師聊展雄才。最曹兵何足道哉也。〔諸

葛云〕那曹操如此奸雄。爭奈俺兵微將寡。〔正末云〕軍師。俺漢家這五虎將非輕也。〔諸葛云〕

你說一遍。我試聽者。〔正末唱〕

〔那吒令〕關雲長更美。黃漢昇誰比。趙子龍志氣。有膽量見識。若論着馬孟起。

更和這翼德。俺保山河日月昌。扶助的江山麗。保炎劉穩勝磐石。〔劉備云〕三兄

弟言者當也。俺雖是兵微將寡。論五員虎將。真乃是萬夫難敵也。〔諸葛云〕想您東蕩西除。南征

北討。端的是多有功勞也。〔正末唱〕

〔鵲踏枝〕俺可便敢爭馳有雄威。一箇箇敢勇當先。撻鼓奪旗。下西川成功有

期。盡封官列鼎而食。〔劉備云〕識氣色善變風雲。支撥衆將。調遣三軍。多虧了師父一人。在茅

廬一論。今日鼎足三分也。〔正末唱〕

〔寄生草〕軍師你畫八卦安天地。定三分立業基。俺那裡糧儲足用皆全備。雄兵百萬排陣勢。他可使須知五虎忠良輩。我可也一心保護錦江山。則願俺大哥哥早早登龍位。〔卒子報科〕〔云〕喏。報的軍師得知。有曹操搦戰。〔正末云〕軍師。我與曹操對戰去。〔諸葛云〕三將軍可矣可矣。與你三千人馬。小心在意。〔劉備云〕兄弟。此一去則要你着志者。〔正末云〕哥哥放心也。〔唱〕

〔尾聲〕我可也十載苦相持。九戰雄威勢。八陣圖編排整齊。七禁令嚴乎軍令。隨六韜書妙策神機。五方旗四面週圍。天數三分已定期。兩軍對壘。殺的他忙奔回避。我則待一心扶立漢華夷。〔下〕〔諸葛云〕主公。三將軍去了也。必然得勝而回也。憑着他驍勇爲魁。領雄師耀武揚威。若是他得勝回還。就營中做一箇慶喜筵席。〔同下〕

第二折

〔淨張魯躍馬兒領卒子上〕〔云〕某乃張魯是也。大小三軍。擺開陣勢。兀的不軍馬來了也。〔正末躍馬兒領卒子上〕〔云〕大小三軍。擺布的嚴整者。〔唱〕

〔中呂粉蝶兒〕統領戈矛。鬧垓垓征驍馳驟。五方旗招展風飈。馬如龍。人如虎。

鎗刀緊簇。則見這地慘天愁。則看這張翼德不辭生受。

〔醉春風〕擒賊子在軍前。將奸臣碎鏖首。則我這一心分破聖人憂。立勳業久。我則待漢祚重興。炎劉復立。山河依舊。〔云〕那壁廂曹將來者何人。〔張魯云〕我乃

曹公手下大將張魯。爾乃何人。〔正末云〕則我是張翼德是也。〔張魯云〕你敢厮殺麼。〔正末云〕

交馬來。〔戰科〕〔正末唱〕

〔十二月〕蕩起這黃塵偶陡。則他殺氣凝眸。這厮好心粗膽大。〔張魯云〕你看我

的武藝。〔正末唱〕賣弄你武藝滑熟。快早早歸降叩首。我着他命喪荒坵。〔戰科〕〔唱〕

〔堯民歌〕呀。你便會混天術。縱地法。也難留。〔張魯云〕這環眼漢的鎗法。到有些意思。我

不濟了。把都兒救我。〔正末唱〕我着你登時鮮血便澆流。刀來鎗去幾時休。我這裡輕

舒猿臂。將戰袍揪。〔做拿住張魯科〕〔張魯云〕好老子。饒了我罷。〔正末云〕門旗下收了人者。

〔張魯云〕把都兒拿繩子來。吓倒綁了我也。〔正末唱〕怎肯道干休。便將車內囚。重寫入功

勞又。〔云〕生擒了張魯也。小校執縛了此賊。見軍師去來。〔拿張魯下〕〔劉備引卒子上〕〔云〕擒賊

捉將挾人勇。皆託軍師智量能。某乃劉備是也。昨日軍師差三兄弟擒拏張魯去。未知勝敗。小校

門首覷者。衆將來時。報復某知道。〔卒子云〕理會的。〔諸葛上〕〔云〕筆頭描出千條計。腹內包藏

七子書。貧道孔明是也。張飛與曹兵交戰去了。可早來到也。小校報復去。道有貧道來了也。〔卒子云〕理會的。〔報科〕〔云〕喏。報的主公得知。有軍師來了也。〔劉備云〕道有請。〔卒子云〕理會的。有請。〔做見科〕〔劉備云〕軍師。張飛此一去。不知勝敗若何。〔諸葛云〕主公。三將軍英勇過人。此一去必然得勝還營也。小校望者。若張飛來時。報復我知道。〔卒子云〕理會的。〔正末引卒子拏張魯上〕〔云〕小校拏着這厮。見軍師去來。可早來到也。小校報復去。道有張飛擒拏了曹將來了也。〔卒子云〕理會的。〔做報科〕〔云〕喏。報的軍師得知。有張飛下馬也。〔諸葛云〕道有請。〔卒子云〕理會的。有請。〔正末做見科〕〔云〕師父。張飛活拏將曹將來了也。〔諸葛云〕壯哉壯哉。三將軍。你說那陣上之事。我試聽者。〔正末唱〕

〔普天樂〕兩陣上緊追逐。相爭鬪。則我這鎗拖銀蟒。則他那刀法如流。門旗開處。齊操鼓。陣面上征塵驟。兩家交鋒相敵鬪。將軍兵一掃皆休。戰敗了逆賊。生擒了曹將。都將來剛做骷髏。〔諸葛云〕曹將安在。〔正末云〕小校拏過來。〔拿張魯見諸葛科〕〔張魯云〕我死也。〔做跪科〕〔諸葛云〕你是誰。〔張魯云〕則我是張魯。〔諸葛云〕莫不是東川張魯麼。〔張魯云〕然也然也。〔諸葛云〕我不殺你。放你回去。〔張魯云〕謝了軍師。〔正末云〕怎麼不殺他。〔唱〕

〔快活三〕惱的我怒忿忿冷汗流。惡狠狠在心頭。不殺了張魯甚情由。你對我
先言透。〔諸葛云〕休要暴躁。〔正末唱〕

〔鮑老兒〕我是箇越嶺爬山錦尾彪。到把我這山猿誘。則我這志氣衝霄貫斗
牛。將勳業傳之後。你道是鋪謀定計。他那裡言詞支對。〔劉備云〕兄弟。你依着軍師。

〔正末唱〕俺哥哥順水推舟。〔諸葛云〕張飛。你不知計策。〔正末云〕我看你怎生發落。〔諸葛云〕

張魯不殺你。寄一信去與曹公。小校將筆硯來。〔做寫在張魯臉上科〕〔諸葛云〕你寄到了呵。萬
事罷論。寄不到呵。再拏住你呵。碎屍萬段。〔張魯云〕既然如此。我能可寄一信去與他。在我臉
上寫了許多字。我又不肯洗臉。罷罷罷。我做將軍沒意思。不曾見這稀奇事。我又不曾做賊盜。怎
麼臉上刺着偌多字。〔下〕〔劉備云〕軍師這一計。怎生用也。〔諸葛云〕主公放心。他這一去。我
又有十萬兵來降。三將軍。你還有功勞在後哩。你準備與曹兵交戰去。〔劉備云〕三兄弟。你則聽
師父指教。〔正末云〕哥也。放心也。〔唱〕

〔尾聲〕在軍前奪一籌。註功勳萬代留。那曹兵若是軍來到。我着他綽見我容
顏望風兒走。〔下〕〔諸葛云〕主公。我務要曹操不敢犯我地界。定計鋪謀用盡心。攻城略地苦相
侵。扶危救困安天下。留取功名冠古今。〔下〕〔劉備云〕軍師去了也。安排酒餚。與軍師三兄弟慶

功飲酒去來。速備佳餚後帳中。大開筵會慶奇功。孔明略展安邦策。再整劉朝帝業興。〔下〕

第三折

〔曹操領許褚張遼卒子上〕〔曹操云〕苦征惡戰爭疆土。何日從容定太平。某曹操是也。誰想孔明真箇有神鬼不測之機。着我進退兩難。我差張魯與他交戰。被張飛活拏了張魯。某想來如之奈何。〔張遼云〕主公。非人力而爲之。乃天之數也。〔曹操云〕左右喚將楊修來者。〔卒子云〕理會的。楊修安在。〔正末扮楊修上〕〔云〕某乃楊修是也。佐於曹公麾下。今俺主公與劉玄德交戰。數年未定。何日是了也呵。〔唱〕

〔正宮端正好〕都待要分疆土。霸山川。尋戰討。相攻拒。出來的道寡稱孤。我想這貧窮富貴前生注。成敗也是天之數。

〔滾繡毬〕俺曹公用智謀。劉玄德才有餘。孫仲謀他是那當朝人物。孔明他定三分一論茅廬。一箇箇志氣迂。有見覷。俺如今遠馳途路。想赤壁間那一陣虧輸。都待要爭馳奪取荊州地。不去中原競帝都。則待要詐力奸謀。〔云〕可早來到也。小校報復去。道有楊修來了也。〔卒子云〕理會的。喏。報的丞相得知。有楊修來了也。〔曹操云〕着他過來。〔卒子云〕理會的。着過去。〔見科〕〔正末云〕主公呼喚楊修。那廂使用。〔曹操云〕楊修。

你是箇足智多謀的人。我數番與劉備交戰。不能取勝。可是如何。〔正末云〕主公雖然兵多將廣。不如諸葛一人也。〔曹操云〕諸葛便怎的。〔正末唱〕

〔偷秀才〕則他那諸葛亮有神機妙術。觀氣色呼風喚雨。善布營盤八陣圖。他可使安日月定寰區。真乃是擎天的玉柱。〔曹操云〕那諸葛如此手策。除他一人之外。再有幾箇。〔正末唱〕

〔滾繡毬〕有一箇趙子龍膽氣雄。馬孟起敢戰賭。有一箇黃漢昇你須知他名譽。張翼德驍勇誰如。當陽橋顯虎軀。石亭驛那氣舉。關雲長緊緊的輔助。這五員將收取西蜀。都是些安邦定國忠良將。扶立炎劉大丈夫。一箇箇志氣雲衢。〔曹操云〕我待要領兵而回。又怕人恥笑。〔正末唱〕

〔偷秀才〕則待要統千戈雄兵萬旅。過了些關津古渡。你則待定計鋪謀施略。武則不如收軍士早歸歟。請丞相自主。〔曹操云〕楊修且一壁有者。看有甚麼人來。〔淨張魯上〕〔云〕自家張魯的便是。我和張飛交戰。拏了我孔明師父把我放了。着俺寄信與俺曹公。來到也。小校說張魯在於門首。〔卒子云〕理會的。〔報科〕〔云〕喏。有張魯來了也。〔曹操云〕着他過來。〔卒子云〕理會的。着過去。〔見科〕〔張魯云〕主公。我被張飛拏住。孔明勸了。着我寄箇信

來與主公。〔曹操云〕將來我看。〔張魯云〕他不曾寫書。寫在我臉上哩。〔曹操云〕你近前來。〔做看科〕〔云〕霸業山河有定期。何勞將士苦相持。大將却折三十萬。始覺豪傑心已灰。〔曹操怒云〕將張魯擊下去。斬了者。〔正末云〕主公息雷霆之怒。罷虎狼之威。今張魯不幸敗師。則怕孔明使的計麼。若斬了張魯。必然受孔明之智。小將不敢冒瀆。乞主公尊鑑不錯。〔唱〕

〔呆骨朵〕告主公暫息雷霆怒。聽小將細說從初。非張魯知情。這的是孔明智謀。望免他雲陽罪。且放他還營去。〔曹操云〕為何饒他。〔正末唱〕我則怕軍中變了事情。我則怕急難回許都。〔曹操云〕不聽你言。刀斧手斬了者。〔卒子云〕理會的。〔張魯云〕罷罷罷。自我做事沒來由。不想今番惹場愁。一刀削了精腦袋。罷了。我身體安康要甚頭。〔下〕〔張恕上〕〔云〕久鎮東川氣勢雄。弟兄兩箇顯威風。近來投順曹丞相。差某催糧頗建功。某張恕是也。乃張魯之弟。我催糧草回來。見丞相去。來到門首也。聽的說殺了我哥哥。小校。怎生斬了我哥哥來。〔卒子云〕不知爲甚麼來。〔張恕云〕哥哥也。苦痛殺我也。罷罷罷。我則今日引着原來的十萬人馬。并四十萬糧草。降劉玄德去。若用了我呵。那其間報仇未爲晚矣。紛紛怒氣夯胸膛。可惜家兄一命亡。若還投降劉玄德。不報冤仇不姓張。〔下〕〔卒子報科〕〔云〕喏。報的主公得知。今有張恕領着十萬人馬。并四十萬糧草。投降劉玄德去了也。〔曹操云〕噫。人馬不打緊。可惜這四十萬

糧草似此怎了也。〔正末唱〕

〔伴讀書〕不聽我忠言語。早反了一張怨。將俺那糧草軍儲都將去。投降了西蜀。

〔笑歌賞〕他他他。見孔明先告訴。俺俺俺。軍情事機關露。是是是。這戰討何時住。我我我。請主公休暴怒。你你你。細躊躇。來來來。請心下深思慮。〔曹操云〕楊修是我一時間少了機謀。終成大怨也。〔正末唱〕

〔尾聲〕則他這交鋒戰討年年禦。怎得匆匆心意舒。知休咎存亡識時務。何日安寧罷軍旅。〔下〕〔曹操云〕楊修去了也。果應楊修之言。更待干罷。明日再與他交戰。統三軍禦備相持。爭地面各霸邊陲。展志氣龍韜虎略。與孔明鬪使神機。〔同下〕

第四折

〔劉備諸葛亮衆將領卒子上〕〔諸葛云〕安排捉將挾人智。搜盡妙策鬼神機。貧道諸葛亮是也。自俺三將軍擒了張魯。俺將他面皮上書了四句詩。寄信與曹操。必然斬了張魯。然後可破曹軍。主公。你見這一陣風麼。〔劉備云〕軍師。此風如何。〔諸葛云〕是陣信風。此風過必有一將來投降。小校轅門首觀者。但有一切軍情事。報復我知道。〔卒子云〕理會的。〔張怨上〕〔云〕惟有報冤并

雪恨。千年萬載不生塵。某乃張恕是也。頗奈曹操好生無禮。想俺弟兄二人。不得已投降了你。則合撫恤安養。今日無故。將俺哥哥殺壞。可不道恨小非君子。無毒不丈夫。我領着十萬人馬。又將四十萬糧草。投降劉玄德去。來到也。小校報復去。道有曹操手下張恕來降。〔卒子云〕理會的。〔報科〕〔云〕喏。報的主公軍師得知。有曹操手下張恕來降。〔諸葛云〕我道有降將來麼。着他過來。〔卒子云〕理會的。着過去。〔做見科〕〔諸葛云〕兀那張恕。爲何來降。〔張恕云〕主公在上。軍師聽小將說一遍。俺弟兄二人。在於東川。不得已投降了曹操。他則合撫恤安養。他無故將俺哥哥張魯殺壞。我想曹操。陰謀奸雄之輩。想那壁主公。乃漢之宗室。仁德寬厚。況軍師治政以明。賞罰最公。小將帶領十萬人馬。又有曹操四十萬糧草。特來投降。我想背暗投明。古之常理。說兀的做甚。小人一一說緣由。背暗投明。志已酬。權將糧草爲呈獻。我則待忠心竭力助炎劉。〔諸葛云〕兀那張恕。你聽者。俺主公非比曹操。乃仁德之君。你今在於麾下。務要竭力盡忠。自有重爵加封。左右一壁廂看酒飯。管待張恕。〔卒子云〕理會的。看酒飯管待新降的將軍。〔諸葛云〕主公。今曹操被張恕將此糧草獻與俺。常言道無糧不聚兵。他必然班師而回。若大營起呵。我着他終身不能回去。〔劉末云〕軍師。倘若走了曹兵。如之奈何。〔諸葛云〕主公。貧道自有小智。趙雲安在。〔趙雲上〕〔云〕軍師呼喚小將。那廂使用。〔諸葛云〕趙雲。撥與你二千人馬。你在陽平關夾道之處。

你待曹操的大營起。要你頻敲戰鼓。廣摩征旗。您一齊吶喊。與他交戰。作箇伴。賺詐敗。那曹兵大營。必然奔走。不許你追趕。則許你遠襲。你在後。偃旗息鼓。與你這箇紙帖兒。看計行兵。〔趙雲云〕小將得令。我出的這門來。則今日奉着軍師將令。埋伏人馬。與曹兵交戰。走一遭去。大小三軍。聽吾將令。我着。你逞英雄。揚威耀武。能戰將如狼似虎。則要您悄語低言。不要你語笑喧呼。隄防處。硬弩彎弓。臨陣處。闊刀大斧。推詐敗。引誘曹兵。放心試着俺偃旗息鼓。〔下〕〔諸葛云〕趙雲去了也。〔糜竺糜芳安在〕〔糜竺糜芳上〕〔云〕主公。軍師。呼喚俺二將。那廂使用。〔諸葛云〕與您二千。人馬。你在那密林裡埋伏。等候曹操至天晚。他必然紮住營寨。你到三更時分。用細作之人。入他營寨。一齊吶喊。放起信砲。那曹兵害慌。定然人蹣人。馬蹣馬。着他自傷殘害。與你這箇紙帖兒。小心在意者。〔糜竺云〕得令。出的這門來。我點就人馬。走一遭去。統領三軍。敢戰敵。人人英勇。使心機。一聲信砲驚天地。曹兵自殺不能回。〔下〕〔糜芳云〕哥哥去了也。大小三軍。聽吾將令。各守信地。不要有失。禦備交鋒。走一遭去。踴躍前征。志氣揚。三軍支撥暗埋藏。半夜一聲信砲響。人馬縱橫自毀傷。〔下〕〔諸葛云〕黃忠安在。〔黃忠上〕〔云〕軍師。呼喚小將。那廂使用。〔諸葛云〕黃漢昇。與你一千人馬。你在大道。等候曹兵人馬慌張。截殺曹兵去。與你箇紙帖兒。看計行兵。小心在意者。〔黃忠云〕得令。則今日領着人馬。截殺曹兵。走一遭去。大小三軍。聽吾將令。刀劍出鞘。併力相

攻。若有違令。決不輕恕。戰鼓敲時。可進兵。銅鑼一舉。便收營。截殺曹兵。若得勝。三軍齊唱凱歌聲。
〔下〕〔諸葛云〕主公。衆將這一去。我着曹兵四十萬。片甲不歸。〔劉備云〕倘若走了曹操。可怎了。
〔諸葛云〕主公。常言道。兵無盡殺。惟曹操他私奔而走。往陳倉路去。再差馬孟起。當住陳倉路。又要贏他一陣。我料曹操不能擒住。此非人力。乃天之數也。定計鋪謀。已建功。奈緣天數。要縱橫。管着一陣曹操喪。誰代三分魏國中。〔同下〕〔曹操同許褚張遼引卒子上〕〔曹操云〕舉意安邦。立業成。紛紛戈甲。不曾停。如今且養英雄志。何日風雲建太平。某乃曹孟德是也。自殺了張魯。誰想張恕將我四十萬糧草。獻與劉備去了。着我進退無門。如之奈何。〔許褚云〕主公則一件。俺精兵一百萬。戰將二千員。此非人力。乃天數如此。常言道。計毒無過斷糧。今糧草俱乏。怎生交戰。望主公及早班師。庶免軍士勞苦。小將不敢自專。乞主公尊鑒不錯。〔曹操云〕你也說的是。此事休要泄漏。許褚。今楊修善能料我心中之事。等他來時。看他識我之意麼。楊修這早晚敢待來也。〔正末上〕〔云〕某乃楊修是也。自俺主公。不聽我勸。斬了張魯。被張恕將俺四十萬糧草。獻與劉玄德。我料俺主公。必然班師回程也。我想來這幾年苦征惡戰。何日是了也。〔唱〕

〔南呂一枝花〕數年苦戰爭。十載干戈動。人人多踴躍。箇箇顯威風。想當日楚漢爭鋒。霸業山河貢。圖王勢已傾。那其間攘攘縱橫。到今日箇紛紛亂冗。

〔梁州〕幾時得休兵罷戰。何時國泰民豐。漢朝誰肯相尊奉。出來的英雄似虎。志氣如虹。鋪謀定計。對壘相攻。經了些戰討交鋒。聽了些鼓振金轟。則見那孫仲謀霸江東。三世疆封。劉皇叔取西蜀。四川路通。曹孟德據中原。百計奸雄。見如今南陽臥龍。則他那神機廣大。真梁棟。吟詩處鬼神動。頃刻彈琴降雨風。則他那妙策無窮。〔云〕可早來到也。小校報復去。道有楊修來了也。〔卒子報科〕〔云〕喏。報的主公

得知。有楊修來了也。〔曹操云〕着他過來。〔卒子云〕過去。〔正末做見科〕〔云〕主公。楊修來了也。

〔曹操云〕楊修。我想來。今與劉備交鋒。累累不能取勝。未知可是怎生。〔正末云〕主公。論俺雄兵百萬。戰將千員。可不能取勝。主公不解其意。〔唱〕

〔隔尾〕則他這天時人事相兼用。自從那赤壁之時。你可早運不通。〔云〕主公。你依着小將。〔唱〕緊請班師早行動。〔曹操云〕誰敢話多也。〔正末唱〕不是我話冗唧噥。

〔云〕主公。離了許都。偌遠的路途。倘若有些疎失呵。〔唱〕我則怕失了中原。你可便恁時節

恐。〔曹操云〕將飯來我吃。〔曹操吃科〕〔云〕這雞肋兒好有味也。雞肋乎。雞肋乎。吃之無肉。棄之有

味。〔正末云〕我知也。小校收拾班師。〔曹操云〕那裡這般喧鬧。〔卒子云〕楊修傳令着班師。

〔曹操云〕喚將他來。〔卒子云〕楊修。主公喚你哩。〔見科〕〔正末云〕喚小將有何事。〔曹操云〕誰

着三軍班師來〔正末云〕恰纔見主公食其雞肋。主公道。食之無肉。棄之有味。我就知丞相班師也。〔唱〕

〔隔尾〕恰纔膳食美味庖廚供。酒泛玻璃色正濃。將一塊雞肋嘗着。嗟。道。食了不中。棄之可便味充。主公你有意要班師。我可便意先懂。〔曹操云〕楊修。且一壁有者。楊修好無禮也。凡我動作。他便知道。恐久後泄漏了軍情大事。怎了。我決殺了此將。左右將水來。我洗手。〔卒子捧水盆科〕〔曹操將手巾搭在車上科〕〔正末云〕主公。小將無罪。怎生要斬了楊修。〔曹操云〕我未曾舉言。你便知道。〔正末云〕我有甚不知道。〔唱〕

〔牧羊關〕主公你洗手回身轉觀了咱。可又早變了容。〔曹操云〕你可也能料我。〔正末唱〕將手巾搭在車中。〔曹操云〕你可怎生得知。〔正末云〕主公尋思。〔唱〕是一箇斬字分明。我可辨其中可便意通。〔曹操云〕你爲何料我。不能料孔明。〔正末唱〕能料你心間事。我可便不能料孔明公。皆因是楊修限今朝。一命終。〔曹操云〕你說我聽。〔正末云〕主公不嫌絮繁。聽小將說一遍。〔唱〕

〔罵玉郎〕停噴息怒勞尊重。試聽我話從容。想當日交鋒赤壁先折重。則不如罷戰攻。軍士擁。都不如班師動。〔曹操云〕我觀劉備。何足道哉。〔正末云〕你如何近的劉備。

也。〔曹操云〕那大耳漢有何奇能。他手下有何名將。〔正末唱〕

〔感皇恩〕劉玄德漢室宗枝。諸葛亮定策施功。有一箇趙雲強。張飛勇。馬超雄。見如今陽平關路通。又收了葭萌。俺如今糧儲盡。軍馬疎。智先窮。

〔採茶歌〕你那裡氣衝衝。恨匆匆。不如班師急早到關中。須待天時人事轉。自然氣旺有興隆。〔曹操云〕更待干罷。刀斧手。將楊修斬了者。〔正末云〕罷罷罷。〔唱〕

〔尾聲〕則我這一聲長嘆。心酸痛。不想今朝命已終。半世爲人一場夢。他將我前推後擁。見他手執着刃橫。天也則我這七尺身軀。可原來葬荒塚。〔卒子斬正末〕〔下〕〔曹操云〕張遼許褚近前來。今日就統領雄兵百萬與劉備交戰去。聽號令便要回程。不須用鼓響鑼鳴。不許您語笑喧呼。夜奔馳用意擡營。〔同下〕

楔子

〔趙雲領卒子上〕〔云〕某乃趙雲是也。奉軍師將令。領二千人馬。在陽平關上。哨着夾道深溝之處。等曹兵大營起時。引戰追襲在後。偃旗息鼓。大小三軍。小心禦備。兀的曹營起也。〔曹操許褚夏侯惇同上〕〔曹操云〕大小三軍。今日起營。張遼來到那裡也。〔張遼云〕來到陽平關上。哨着夾道去也。〔曹操云〕不許大驚小怪的。與我行動些。〔趙雲云〕曹操慢來。某在此久等多時。〔曹

操云「怎了也。」夏侯惇云「主公不妨事。我與他拒敵。你看我活拏了他來。你來者何人。」趙雲云「某乃趙雲是也。你呢。」夏侯惇云「某乃夏侯惇是也。交馬來。」戰科了。趙雲云「奉軍師將令。特來與您拒敵。大小三軍走走走。」下。夏侯惇云「量他到的那裡。」曹操云「來到那裡也。」夏侯惇云「到馬盤山下也。」曹操云「張遼追兵稍退了也。天色晚了也。與我紮下營者。」夏侯惇你傳令去。刀劍出鞘。弓弩上弦。不許解衣卸甲。好生提鈴喝號。轉箭支更。待天明擡營前進。你説去。夏侯惇云「大小三軍。主公將令。都要解衣卸甲。也不要提鈴喝號。大家睡到天明。起來說話。您都得了令者。」曹操云「我歇息去者。」睡科。糜竺糜芳上。云「某乃糜竺糜芳是也。奉軍師將令。領着三千人馬。着俺二人在密林中埋伏。三更時分。入曹營劫寨去也。兄弟也。兀的不三更了也。我入的這營來。放起信砲來。」卒子放砲科。云「三軍吶喊。」卒子吶喊科。曹操云「兀的不有劫營的來了也。」張遼云「大小三軍上馬。」夏侯惇云「不好了。殺殺殺。」卒子云「殺殺殺。」卒子亂殺科。糜竺云「劫了營也。軍師行報功去來。」同下。曹操云「兀的不天明了也。我試看者。嗨。誰想傷折太半。擡營走走走。」黃忠領卒子上。云「曹操慢來。你那裡去。」曹操云「你是何人。」黃忠云「某乃老將黃忠是也。」曹操云「兀那黃忠。交馬來。」張遼云「我近不的他。主公。我又折了一陣。怎了也。」曹操云「這事不中。咱奔走陳倉路去來。」同下。黃忠云「曹操領着人。」

馬走了也。我去報功去來。〔下〕〔正末扮馬超領卒子上〕〔云〕某乃馬超是也。今俺軍師差衆將追襲曹操。着我在陳倉路口。夜至三更時分。在此等候曹兵。這早晚敢待來也。〔曹操同張遼許褚夏侯惇同上〕〔曹操云〕張遼。誰想諸葛亮定下這等計策。軍馬十分折其九分。〔張遼云〕這箇是天數如此。咱必索逃命。到於許都。領兵再與他交戰。主公行動些。〔正末云〕兀那曹兵慢來。某馬孟起久等多時也。〔曹操云〕張遼。三更時分。兀的不是馬超截住咽喉之路。可怎了也。〔張遼云〕主公。我說說的馬超回去。〔曹操云〕你小心在意者。〔張遼見正末科〕〔云〕將軍。某曹操手下大將張遼是也。小將有話。特來分訴。〔正末云〕你有何話說。〔張遼云〕公乃世之才子。名揚天下。響振京師。今俺曹公不幸。十分人馬。去其九分。喪師敗將。此乃天之數也。今俺主公與小將等兵不滿萬。知其天命。夜奔陳倉。不料遇着將軍。如虎視羊。怎生待取了救軍來。再來交戰。有何不可。〔正末云〕兀那張遼。你也說的是。想你曹操。傾危漢室。將我父母滿門良賤。誅盡殺絕。正要雪父母之仇。此言如何准信。三軍操鼓來。今日務要擒拿了曹操。衆將看俺步戰曹操。〔唱〕

〔賞花時〕則你那大勢曹兵夜過關。〔曹操云〕張遼等用意保我。〔夏侯惇云〕不妨事。有我哩。〔正末唱〕他那裡步戰交鋒何足難。〔夏侯惇云〕不濟不濟。〔正末唱〕則見他無計怎遮攔。殺的身虛膽寒。骨碌碌人頭落血斑斑。

〔么篇〕我這裡耀武揚威戰馬奔殺的他上嶺登山水灘。〔云〕小校傳令。着曹操那殘兵敗將。一箇箇都往我這鎗底下過。放他逃命。若有鬚鬚者。即是曹操。便與我拏住。〔卒子云〕得令。大小三軍。着曹操那敗殘軍將。都往元帥鎗下過。但有鬚鬚的。便是曹操。休教走了者。〔曹操驚科〕

〔云〕張遼。你听的說麼。他傳着將令。則拏曹鬚子。似這般可怎了也。我亂軍中怎得走了。可也好也。曹孟德也。我大軍四十萬。折其九分。天喪吾也。天殺吾也。罷罷罷。事到今日。我換上小軍的衣裳。更改了我這形容。將我這鬚鬚。將寶劍截斷。放在這漫汗石上。張文遠。你衆將保着我。逃命去來。罷罷罷。百萬雄師統戈矛。千員猛將盡皆休。許褚張遼成何濟。不聽郭嘉共楊修。空領雄兵一百萬。不如關張共武侯。縱有四海三江水。難洗今朝臉上羞。〔同下〕

〔卒子云〕敗殘的曹兵過盡了。漫汗石上剃下鬚鬚一綹。〔正末云〕噯。這曹賊斷鬚走了也。〔唱〕則見他丟器械。漾旗旛。我也不用前追後趕。

〔云〕衆軍校跟我見軍師去來。〔唱〕我可也先去報平安。〔同下〕

第五折

〔諸葛亮引卒子上〕〔云〕除危定亂安天下。驅兵領將輔華夷。貧道諸葛孔明是也。自收陽平關。西蜀地界。有曹操得知。統大勢雄兵。追襲殿後。貧道頗用機謀。曹操果然斬了張魯。有張郃將四十萬糧草。歸降俺主公麾下。曹操心生疑慮。又斬了楊修。曹操已見糧草俱乏。領兵起營奔走。貧

道已知曹操兵勢微弱。我支撥衆將。調遣三軍。差趙雲引戰。糜竺糜芳劫營。黃忠截殺。馬超伏路。衆將都皆成功。聞知今日班師回程。貧道奉主公之命。在此帥府。等候犒勞。衆將加官賜賞。小校轅門首覷者。衆將來時。報復我知道。〔卒子云〕理會的。〔正末馬超同黃忠趙雲糜竺糜芳引卒子上〕〔正末云〕某乃馬孟起是也。奉軍師將令。統領人馬。埋伏於各處。將曹操大勢人馬。殺的大敗虧輸。今會合趙雲黃忠糜竺糜芳衆將。班師回營。趙子龍。俺軍師行報功去來。〔趙雲云〕馬孟起將軍。端的好箇有智謀的軍師也。〔正末云〕委的好軍師。夜半時曹兵果走陳倉路。被某截住。又大殺一陣。子龍將軍。這其間曹操心中。敢有些後悔麼。〔趙雲云〕可知後悔哩。〔正末云〕曹操也。你這其間後悔遲了也呵。〔唱〕

〔雙調新水令〕殺的那敗殘軍半夜走陳倉。怎隄防率敵兵把他攔當。不刺刺催動坐下馬。足律律輪動手中槍。殺的那將士心慌。恰便似風中葉亂飄蕩。〔二云〕來到帥府門首也。左右接了馬者。小校報復去。道衆將得勝回營也。〔卒子云〕理會的。〔報科〕〔二云〕報的軍師得知。有衆將得勝回還。〔諸葛云〕道有請。〔卒子云〕理會的。有請。〔衆見科〕〔正末云〕軍師。俺衆將奉軍師將令。各領人馬。拒敵曹兵。俺得勝成功也。〔諸葛云〕呀呀呀。衆位將軍。鞍馬上勞神也。〔正末云〕軍師執掌兵權。嚴明號令。不容易也。〔諸葛云〕衆位將軍。這一場

征戰。一來是玄德公之福。二來是衆將英雄。累敗曹兵。使曹操喪膽亡魂。知俺將勇兵強。奉主公之命。在此帥府。與您論功陞賞。〔正末云〕不敢不敢。有何功勳。敢受如此重恩也。〔唱〕

〔沉醉東風〕又不曾坑趙卒長平陣上。逼重瞳自刎烏江。又不曾卽墨城縱火牛馬陵道排軍將。又不比漢將軍大鬧昆陽。止不過夜當住曹兵列戰場。〔諸葛云〕今日奉主公之命。與衆將加官賜賞。〔正末唱〕怎消的受天命加官賜賞。〔云〕軍師之智。令衆將引戰伏兵劫營。某在陳倉。曹兵敗走而來。被某截住。傳令不殺曹兵。則拏鬚賊奸雄曹操。不想他更了衣服。斷鬚而走。某若拏住。怎肯干休也。〔諸葛云〕將軍想曹操欲行竊道。曾使奸雄統無名之師。起滅漢之意。多虧您衆將引戰伏兵。劫營截殺。戰曹兵敗走陳倉。衆將鏖戰一陣。殺死者甚多。自傷其大半。我兵得勝。彼士着傷。從此他便有戰爭之心。終是懷懼怯之意也。〔趙雲云〕軍師這一場大敗。怎肯干休。擬定要整擄人馬。必來與兵攻戰也。〔諸葛云〕量他到的那裡。他若不領兵來便罷。若領兵來呵。我自有妙策也。〔正末云〕他便與師來搦戰。上有俺主公和軍師。下有俺關張并衆將哩。〔唱〕

〔沽美酒〕小可如博望坡那一場。鏖兵戰在三江。也須知能戰黃忠膽氣剛。非是我自獎。使燕趙世無雙。

〔太平令〕數百員英豪勇將。更那堪傑士關張。赤心兒扶持主上。有軍師神謀智量。〔諸葛云〕不才諸葛亮。豈能當此大事也。〔正末唱〕你端的是棟梁將相。扶持着廟廊。則願的輔聖主千年興旺。〔諸葛云〕您大小衆將。望闕跪者。聽主公的命。漢家派高帝留傳。託忠良文武英賢。繼明君二十四主。統華夷四百餘年。堪恨那奸雄曹操。仗兵權獨霸中原。陽平關出師大戰。漢軍營前後相連。先遣那趙雲引關。伏兵於夾道之前。糜竺等三更劫寨。曹將敗數十餘員。老黃忠衝圍截殺。顯英豪奮勇當先。莽張飛活挾張魯。馬孟起靜息征煙。陳倉路曹操逃難。鼎三分各處山川。五虎將盡封爲統兵之職。賜千金大設華筵。我貧道展神機復興漢室。保皇圖億萬斯年。

題目 孔明收取陽平關

正名 曹操夜走陳倉路

陽平關五馬破曹

闕名

楔子

〔冲末外扮曹操領卒子上〕〔云〕幼習韜略展經綸。除危定亂立功勳。常驅鐵甲軍百萬。官封九錫掌權衡。某姓曹名操字孟德。沛國譙郡人也。自破黃巾賊。剿除董卓。斬呂布。息平草寇。累建大功。官封大漢左丞相之職。因劉備倚關張之勇。不從某調用。論劉備兵微將寡。不足爲難。奈有諸葛亮有機謀妙策。善能調兵。某統八十萬大軍。到於新野。劉備棄城而走。被某直趕至三江夏口。劉備遣孔明過江。問江東孫權借軍。孫權遣周瑜爲帥。令黃蓋作先鋒。戰於赤壁之間。火燒某八十萬大軍。片甲不歸。有此冤恨未報。想劉備乘其勢而取荊州。又取西川巴郡。劉璋獻了西川。劉備稱主於西蜀。某今欲要統兵征伐劉備。小校與我喚將張文遠來者。〔卒子云〕理會的。張文遠安在。丞相呼喚。〔外扮張遼上〕〔云〕幼小曾將武藝習。南征北討慣相持。臨軍望塵知敵數。對壘嗅土識兵機。小官姓張名遼字文遠。某在呂布手下爲八健將。次後降於曹丞相麾下爲將。多蒙丞相顧愛。累授遷除。言聽計用。但有事便與小官商議。今有丞相呼喚。不知有甚事。須索走一遭去。可早來到也。小校報復去。道有張遼在於門首。〔卒子云〕理會的。張遼報的丞相得知。有張遼在

於門首。〔曹操云〕着他過來。〔卒子云〕理會的過去。〔見科〕〔張遼云〕丞相呼喚張遼。有何事商議。〔曹操云〕喚你來別無甚事。只因劉備倚關張之勇。仗諸葛之能。借孫權軍兵。同周瑜火燒我八十萬大軍。此恨未報。今劉備又得荊州。某欲要統兵。與他交鋒。收取西川。特喚你來商議也。〔張遼云〕丞相。劉備雖得了西川。蜀人未伏。丞相要取也容易。領兵去便可取勝。若川人稍定。諸葛乃智謀之士。則怕勞而無益也。〔曹操云〕你說得是。〔原作你不知今依蜀人雖降。反復未定。趁此機會。若不征伐。恐後難圖。〕〔張遼云〕既丞相要去。可先差一人去。把住定軍山。然後統大兵。把住陽平關。出奇兵哨瞭。若得一城守一城。蜀人若聽的軍馬到。蜀人自亂。外則兵強。內則民慌。那其間大兵齊舉。觀西川一鼓而下。有何難哉。〔曹操云〕張文遠。你說的是。我已自安排定了。我今先差夏侯淵韓溫二將。領兵先去。把住定軍山。又差傅亮楊豹。守住陽平關。某親率四十萬大軍。着曹仁爲先鋒。曹熊曹虎爲左右哨。則今日取巴郡西川。走一遭去。驛兵領將數千員。能征惡戰。敢當先。人人奮氣施英勇。放心收蜀一鼓下西川。〔同下〕〔外扮諸葛領卒子上〕〔諸葛云〕前次春花桃噴火。今日東籬菊綻金。誰似豫州存大志。求賢用盡歲寒心。貧道覆姓諸葛。名亮字孔明。道號臥龍先生。自劉玄德弟兄三人。請貧道下山。拜爲軍師。在新野樊城。有曹操遣夏侯惇爲帥。領十萬軍來收新野。貧道使倒城之計。博望燒屯。破夏侯惇十萬大軍。後曹操不捨。親率八十萬大

軍來收新野。某見他勢大。我棄却新野。至三江夏口。主公遣貧道過江。問東吳借軍。貧道與周瑜共拒曹操於赤壁之間。火燒曹兵八十萬。片甲不歸。貧道自得了荊州。主公手下又有數十員上將。貧道着關雲長鎮守荊州。某領兵取西蜀巴郡。收了西川。今有曹操差人。把住定軍山。守住陽平關。隨後曹操親率大軍前來。貧道今領十萬雄兵。十員大將。離了益州。今到定軍山不遠。某遣馬超隨後催催糧草。我今要先取定軍山。聽知的有兩員大將出馬。某差人引戰一遭去。小校與我喚將糜竺糜芳來者。(卒子云)理會的。糜竺糜芳安在。(糜竺糜芳上)(糜竺云)虎略龍韜腹內藏。臨敵取勝顯英強。曾中志氣冲霄漢。耿耿聲名四海揚。某乃糜竺。這箇將軍是糜芳。因曹操領兵前來。主公着孔明軍師。領十萬大軍。十員上將。與曹操拒敵。今日軍師呼喚。俺須索走一遭去。可早來到也。小校報復去。道有糜竺糜芳來了也。(卒子云)理會的。喏。報的軍師得知。有糜竺糜芳來了也。(諸葛云)着他過來。(卒子云)理會的。過去。(見科)(糜竺云)軍師喚俺二將。有何將令。(諸葛云)您二將來了。我今先要取定軍山。撥與你一千軍。你去引戰。那夏侯淵韓溫去。你交戰時。則要你輸。不要你贏。與你箇紙帖兒。看計行兵。(糜竺云)得令。奉軍師將令。領一千軍引戰。走一遭去。驅兵領將顯英雄。親率三軍不暫停。定軍山下先引戰。須奉軍師將令行。(二將下)(諸葛云)小校喚將黃漢昇來者。(卒子云)理會的。黃將軍安在。(正末上)(云)某姓黃

名忠字漢昇。佐於玄德公手下爲將。今有軍師呼喚。不知有甚事。須索見軍師去。可早來到也。報復去。道有黃忠來了也。〔卒子云〕理會的。喏。報的軍師得知。有黃將軍來了也。〔諸葛云〕道有請。〔卒子云〕理會的。有請。〔見科〕〔正末云〕軍師喚黃忠。那廂使用。〔諸葛云〕黃漢昇。我今先要取定軍山。我差糜竺糜芳引戰曹操去了。着他二人賺曹將下山來。你領兵一千。暗轉間道。直至定軍山埋伏。若曹將敗回。你與曹兵緊隨定一處。他若上山去。你也領軍隨他上山。就與曹兵交戰。他必然敗走下山。等他敗兵下山。你休追趕。你則占了定軍山。四面擲立起旗號。隨後貧道領兵便至也。〔正末云〕軍師放心。則今日領一千軍。取定軍山去來。〔唱〕

〔賞花時〕師父你那妙策神機難料解。端的便指示三軍能布擺。我去那山峪口暗埋伏。我將他邀截等待。穩情取活拏的他這箇逆賊來。〔下〕〔諸葛云〕黃忠去了也。貧道此一計。定然成功也。糜竺糜芳引戰爭。搗虛批吭要施逞。曹操一陣先交敗。試看我接應黃忠奪寨營。〔同下〕

頭折

〔淨夏侯淵領卒子上〕〔云〕我是軍健漢。凡事不會幹。聽的敵軍來。說了一身汗。某乃夏侯淵是也。奉曹丞相的將令。着某與韓溫把住定軍山。今有劉玄德遣諸葛亮領兵。來到此山下搦戰。小

校與我請將韓溫來。〔卒子云〕理會的。韓將軍安在。〔淨韓溫上云〕平生性兒優。上陣不騎馬。一刀砍了頭。且是倒好耍。某乃韓溫是也。奉曹丞相將令。差俺兩員上將。守把定軍山。有夏侯淵請我商議。須索走一遭去。可早來到也。不須報復。我自過去。〔見科〕〔云〕老夏勿罪。〔夏侯淵云〕將軍你來了。今有諸葛領兵。來在山下搦戰。咱怎生與他拒敵。〔韓溫云〕老夏。你則守着營寨。我與他交戰去。〔夏侯淵云〕韓大兒。既然如此。你則管去。我料着不肯失了營寨。將軍。你喫幾鍾上馬杯。〔韓溫云〕不必了。我領一千軍下山去。大小三軍。聽我撥說。槍刀魚鱗砌。弓弩兩邊排。當中留大路。輸了呵好走上山來。〔下〕〔夏侯淵云〕韓將軍去了也。這一去必然得勝。小校安排下擂木砲石。那諸葛饒他能飛。也飛不上山來。待韓溫得了勝回來。我自自有箇主意。小校跟我上山掠陣去來。〔同下〕〔糜竺糜芳驪馬兒領卒子上云〕〔糜竺云〕大小三軍。擺開陣勢者。兀那塵土起處。敢是曹兵來了也。〔淨韓溫驪馬兒領卒子上云〕〔云〕大小三軍。擺開陣勢。來者何人。〔糜竺云〕俺二將糜竺糜芳是也。你來者何人。〔韓溫云〕我乃曹丞相手下大將韓溫。〔糜芳云〕兀那匹夫。你及早獻與我這定軍山。亦無話說。你若道半箇不字。殺你箇片甲不回。〔韓溫云〕你倒說的好話兒。不與你。你敢交戰麼。〔做戰科〕〔糜竺云〕我待殺了這厮來。有軍師的將令。則索倒回干戈走走。〔一將詐敗下〕〔韓溫云〕如何。我道他不濟事。乘勢不得不趕。我索趕將去。〔趕下〕〔糜

竺糜芳再上」〔云〕賺的這歸離營遠了也。三軍倒回干戈等者。〔韓溫再上〕〔云〕兀那兩箇敗將。快下馬受降。〔糜竺云〕量你箇無名的小將。何足道哉。操鼓來。〔戰科〕〔韓溫云〕這兩箇倒利害。近不的他。我索走走走。〔下〕〔糜竺云〕大小三軍。跟着某不問那裡趕將去來。〔同下〕〔正末〕驢馬兒領卒子上。〔云〕某乃黃漢昇是也。奉軍師的將令。着我領一千軍。在這定軍山下埋伏。等待曹兵。三軍都聽着某將令也。〔唱〕

〔仙呂點絳脣〕也不用雜彩旗搖。助軍鼓操。我向這山城道。馬行似驟雨瀟瀟。俺軍師他憑戰策施韜略。

〔混江龍〕先差那二將軍前哨。這的是釣鰲魚出水鳥離巢。我將這軍兵擺布。先把那去路攔邀。准備着布網張羅擒猛獸。搗虛批吭建功勞。則見那紛紛的土雨陰雲罩。施展我挾人捉將的手段。顯耀咱這雄威猛烈的英豪。〔韓溫慌上〕〔云〕走走走。兀的不又有軍馬當住了也。〔正末云〕三軍擺開陣勢。兀那來者何人。〔韓溫云〕某乃曹丞相手下大將韓溫是也。你乃何人。〔正末云〕則我是襄王手下黃忠是也。兀那匹夫。你快獻與我這定軍山。亦無話說。你若不投降呵。我殺你箇片甲不歸。〔韓溫云〕獻與你這定軍山。你倒省氣力也。〔正末云〕三軍操鼓來。〔唱〕

〔油葫蘆〕試看我舞劍揮戈惡戰討。顯耀俺膽氣高。〔云〕交馬來。〔戰科〕〔唱〕我直殺的天愁地怒鬼神嚎。只因您那奸雄孟德行殘暴。也是你年該月值災星照。〔韓溫云〕休發大言。我和你血戰九千合。〔正末唱〕賣弄你武藝強有計較。量你箇無名小將何足道。登時間着你屍首臥荒郊。〔韓溫云〕量你到的那裡。我整整的計較了三夜三日。你跑了罷。〔正末唱〕

〔天下樂〕縱然你晝夜思量計萬條。枉受了些劬也波勞。我觀你如芥草。我若不生擒了你箇匹夫怎氣消。驟征腕衝向前。掣霜鋒如電掃。我着你半合兒一命天。〔韓溫云〕休說嘴。你敢再叫。操鼓來。和你再戰三合麼。〔正末云〕操鼓來。〔唱〕

〔那吒令〕你與我助戰威催軍的這鼓操。裂轟雷連天的這銃砲。發喊聲驟雨發箭鏢。您待要決戰敵驅軍校。我這裡縱馬橫刀。〔糜竺糜芳冲上〕〔云〕兀那匹夫。少走。〔韓溫云〕不好了。又跑出兩箇來了。〔正末唱〕

〔鵲踏枝〕他那裡痛難熬。眼見的命難逃。〔韓溫云〕敵不過他。走了罷。〔正末唱〕他待要出路尋歸。我這裡左右攔邀。你可也飛不出天涯海角。〔韓溫云〕好老叔。開箇路兒。我家去也。改日再來和你賭歡喜團兒耍罷。〔正末唱〕我和你駕雲軒同上青霄。〔韓溫云〕這

箇老兒是利害。不中。我索走走。〔下〕〔正末云〕這厮敗了。不問那裡。趕將去來。〔趕下〕〔淨夏侯淵上〕〔云〕小校覷者。則怕韓溫得勝回來。〔韓溫慌上〕〔云〕小校回頭看着。則怕他趕將來。兀那小軍兒。休放冷箭。〔正末同衆趕上〕〔云〕三軍緊跟着。踏上這定軍山去來。〔夏侯淵攔科〕〔云〕這箇老將軍。你怎生和他的軍馬混在一處。兀那老將軍。你回來。〔正末云〕你乃何人。〔夏侯淵云〕我是大將夏侯淵。怎敢侵我的境界。爾乃何人。〔正末云〕某乃大將黃漢昇。兀那夏侯淵。你快獻與我這定軍山。〔夏侯淵云〕量你何足道哉。兀那老兒。你見我手中的宣花斧麼。我着你日前見血。你快快兒的去了罷。省的我惱了。〔正末唱〕

〔寄生草〕他手持着宣花斧。輕輪金蘸刀。那裡雄威氣勢誇年少。你道我霜髯雪鬢年紀老。喏兩箇目前交戰。分箇強弱。我這裡連肩帶臂大刀。他那裡遮截架解忙哀告。〔夏侯淵敗科〕〔云〕這老兒忒利害。我近不的他。丟了營寨。望山下走走。〔下〕〔正末云〕小校鳴金。杀退了曹兵。勿得追趕。俺得了這定軍山。有軍師將令。着衆軍四面擡立起旗號。將擡木砲石。遇圍護了者。兀那山坡直下。敢是孔明軍師來了也。若來到時。報復我知道。〔諸葛領卒子上〕〔云〕貧道諸葛孔明是也。喜得黃漢昇得了定軍山。殺退曹兵。貧道同衆將來到定軍山也。小校報復去。道有貧道來了也。〔卒子云〕理會的。喏。有孔明軍師來了也。〔正末云〕

軍師來了也。我接去者。〔見科〕〔諸葛云〕黃漢昇。你建了頭功也。得這定軍山。你會依着我的計上行來麼。〔正末云〕黃忠依着軍師的計策。截住曹將。黃忠與曹兵廝殺。混在一處。走上山來。果然遇着夏侯淵。交戰不到三合。夏侯淵大敗而走。軍師將令。曾說若夏侯淵敗走。不可追趕。因此上得了這定軍山。皆是軍師之計。非小將之能也。〔諸葛云〕好好好。我便取陽平關去。喚的趙雲來者。〔卒子云〕理會的。〔趙雲上云〕幼年販馬走西戎。南征北討顯英雄。鴉脚長槍黃藤馬。則我是真定常山趙子龍。某姓趙名雲字子龍。佐於主公手下爲將。今有軍師呼喚。須索走一遭去。不必報復。我自過去。〔見科〕〔云〕師父呼喚趙雲。有何將令。〔諸葛云〕趙子龍。我撥與你三千軍馬。你取陽平關去。與你箇紙帖兒。看計行兵。〔趙雲云〕得令。某領三千軍馬。取陽平關。走一遭去。奉令親率軍校行。瑟瑟戰鼓莫消停。謹依軍師神謀算。奪關斬將顯英名。〔下〕〔諸葛云〕喚的三將軍張飛來者。〔卒子云〕理會的。〔張飛上云〕燕項槎牙獨有功。相持猶恨鐵衣輕。當陽長坂坡前立。我也曾喝退曹操百萬兵。某乃張飛是也。有軍師呼喚。須索走一遭去。可早來到也。不必報復。我自過去。〔見科〕〔云〕軍師呼喚張飛。有何將令。〔諸葛云〕三將軍。有黃漢昇收了定軍山。我今要取陽平關。先差趙雲埋伏去了。我撥與你三千軍馬。你去關下搦戰。將曹兵逗逗的離了陽平關數十里。那其間務要你成功。復奪陽平關。小心在意者。〔張飛云〕得令。復奪陽平關。

走一遭去。忙牽豹月烏驢馬。手持丈八點鋼槍。領兵親到關前去。你看我攬海翻江戰一場。〔下〕
〔諸葛云〕黃漢昇。你領三千軍。就把住定軍山。休教有失。我親取陽平關去也。〔正末云〕軍師放心。某在此緊守定軍山也。〔唱〕

〔尾聲〕俺軍師運籌策按兵書。衆將帥施謀略。憑戰討。將山寨營盤占了。劍戟槍刀擺列着。四周圍旗幟飄飄。顯英豪建立功勞。見靄靄征雲殺氣高。將敗殘軍淨掃。饒你那奸雄曹操。怎如俺神機妙策臥龍高。〔下〕〔諸葛云〕這兩員將去。必然成功也。貧道領衆將親去觀陣。走一遭去。運籌帷幄統三軍。人人忠勇逞英雄。勝如博望燒屯計。不弱赤壁立大功。〔同下〕〔淨扮楊豹領卒子上〕〔云〕帥鼓銅鑼一兩聲。轅門裏外掛燈籠。衆軍都往菜園走。拔了蘿蔔又偷蔥。某乃楊豹是也。奉曹丞相的將令。某與傅亮鎮守着這陽平關。今有諸葛亮遣張飛來索戰。我今先着傅亮與他交鋒去。小校請的傅將軍來者。〔卒子云〕理會的。傅將軍有請。〔淨傅亮上〕〔云〕馬不喫草。餓的瘦了。某乃傅亮是也。陽平關下有張飛搦戰。可早來到也。不必報復。我見楊豹去。〔見科〕〔楊豹云〕傅將軍來了也。〔傅亮云〕將軍。有張飛在關下搦戰。我便與他交戰去。〔楊豹云〕將軍要多少軍馬。〔傅亮云〕我用三千軍馬。你緊守着關。休要有失。〔楊豹云〕你休顧我。你自小心着。這張飛是一員上將。你仔細着。〔傅亮云〕你放心。我這

一去活拏將那環眼漢來。三軍跟着某拏張飛去來。〔下〕〔楊豹云〕傅亮去了也。小校緊守關口。瞭着高。休開門。有我將令便開門。無甚事。我且後山中喝冷酒去也。〔下〕〔張飛躍馬兒領卒子上〕〔云〕大小三軍擺開陣勢。兀的兵馬來了也。〔傅亮躍馬兒領卒子上〕〔云〕三軍擺開陣勢。來者何人。〔張飛云〕某乃三將軍張飛。兀那曹將。你及早下馬。獻與我這關。爾乃何人。〔傅亮云〕我是大將傅亮。你要這關。倒省氣力也。我與你決戰三合。〔張飛云〕量你箇無名小將。何足道哉。三軍操鼓來。〔做戰科〕〔張飛云〕這厮武藝高強。則兀的是休來趕。〔下〕〔傅亮云〕這大眼漢虛得其名。乘勢不得不趕。衆軍跟我趕將去。〔下〕〔張飛上〕〔云〕這厮後面眞箇趕將來了。三軍擺住陣者。〔傅亮上〕〔云〕兀那大眼漢。及早下馬受降。〔張飛云〕量你箇小將。何足道哉。操鼓來。〔戰科〕〔傅亮云〕他是利害。不問那裡逃命。走走走。〔下〕〔張飛云〕這厮走了也。三軍跟着某趕將去來。〔下〕

第二折

〔淨楊豹領卒子上〕〔云〕傅亮領兵下關去。活捉張飛得勝回。某楊豹是也。我着傅亮與張飛交戰去了。未知輸贏勝敗。小校關上瞭着。則怕傅亮的軍馬回來。〔趙雲詐打傅亮旗號上〕〔云〕某乃趙雲是也。奉軍帥的將令。着某詐打着傅亮的旗號。賺他這關去。可早來到也。關上開門。報復

去。道傳將軍得勝還營也。〔卒子云〕喏。報的楊將軍得知。有傳將軍得勝還營。〔楊豹云〕快開了關。放他進來。〔趙雲云〕三軍跟着某殺進關去來。〔卒子云〕不好了。不是俺的人馬。是諸葛亮的軍馬。殺將進來了。〔楊豹慌科〕〔云〕快將馬來。難與他拒敵。走走走。〔下〕〔趙雲云〕這廝走了也。不要追趕。小校關上城門。看有甚麼人來。〔傅亮上〕〔云〕被那大眼漢殺的我碎屁兒直流。來到關下。開門來。〔趙雲云〕兀那廝。你聽者。這關我占了也。〔傅亮云〕兀的不是諸葛亮的軍馬。占了關也。楊豹不知在何處。怎生是好。〔張飛上〕〔云〕兀那廝。快下馬受降。〔傅亮云〕他又趕將來了。不中。走走走。〔下〕〔張飛云〕這廝走了也。不必追趕。趙子龍開門來。〔趙雲云〕三將軍來了也。小校開了門者。〔見科〕〔張飛云〕趙子龍。不枉了好孔明軍師也。依着他神機妙策。果然得了關也。〔趙雲云〕三將軍。軍師說得了關。休趕殺曹兵。俺整搦軍校。軍師敢待來也。〔諸葛領糜竺糜芳卒子上〕〔諸葛云〕某着張飛趙雲取陽平關去。他二人必然成功也。來到關下也。〔張飛云〕兀那不是軍師來了也。〔二將接見科〕〔諸葛云〕你二人成了功也。〔張飛云〕多虧了軍師神機妙策。非俺二人之功。小校安排酒果。與師父賀功。〔諸葛云〕我差馬孟起西川一路催催糧草去了。若來到時。支撥您衆軍將。這一遭着曹操片甲不歸。小校馬孟起來時。報復我知道。〔正末扮馬超上〕〔云〕某姓馬名超字孟起。我父乃馬騰大夫。因與曹操不睦。俺父欲定計破曹。不想曹操

得知。夜間使奸細之人。假作強寇。將某全家老小。誅盡殺絕。某與兄弟馬岱。在西涼統二十萬雄兵。與曹操交鋒。某在渭河八戰。曹兵大敗。不想被某手下將邊章韓遂順降了曹操。裏應外合。我兄弟慌無所歸之處。來到東川。問張魯借軍。不想張魯是一夯鐵之夫。某因此上投降於襄王手下爲將。自俺收川之後。不想曹操領兵前來。要取西川。俺孔明軍師。領十萬大軍。十員虎將。先取定軍山。後破曹操。軍師着我去西川一路。饋運糧草已回。見軍師走一遭去也。〔唱〕

〔正宮端正好〕統軍馬恰西除。倒于戈還東蕩。得西川歸伏了劉璋。全憑諸葛運籌施心量。保護的帝業山河壯。

〔滾繡毬〕俺這裡將帥多軍校廣。則待要用心開創。苦孜孜臥雪眠霜。聽的道曹操離了許昌。調軍卒離了漢陽。若相逢怎生攔當。憑着俺雄赳赳志氣昂昂。都是些熊心豹膽能征將。怕甚麼虎窟龍潭惡戰場。都則要展土開疆。〔云〕可早來到也。小校報復去。道有馬超來了也。〔卒子云〕理會的。喏。報的軍師得知。有馬將軍來了也。〔諸葛云〕恰纔說罷。道有請。〔卒子云〕理會的。有請。〔見科〕〔諸葛云〕將軍鞍馬上勞神也。〔正末云〕軍師將令。着馬超催催糧草已回。來見軍師。〔諸葛云〕馬孟起。這糧草是當緊的事。我爲甚不着別人去。則怕路途上有疎失也。〔正末唱〕

〔倘秀才〕催運到軍儲草糧。沿路上心勞意攘。則怕有伏路藏塘賊盜搶。又則怕偷營寨竊邊疆。別有甚軍情的勾當。〔諸葛云〕馬孟起你不知。我頭一陣差黃漢昇。奪了定軍山。又令三將軍同趙子龍。奪了這陽平關。〔張飛云〕此一陣多虧了軍師計策也。〔正末云〕軍師只有神機妙策也。〔諸葛云〕非貧道之能。皆是您衆將之功也。〔正末唱〕

〔倘秀才〕剿捕了兇徒惡黨。衆將校封官受賞。托賴着軍師妙策強。黃漢昇定軍山施英勇。趙子龍陽平關下顯忠良。見張飛便納降。〔諸葛云〕您衆將各人準備。見今曹操統領大勢軍馬。離陽平關不遠也。他必然差人來哨探也。〔卒子云〕喏。報的軍師得知。曹操差大將張魯領軍前來索戰。〔諸葛云〕是這東川張魯。他如今新降了曹操。馬孟起。你當初會問張魯借軍。則說此人好生英雄。〔正末云〕師父。馬超當初無處投托。要與父母雪冤報讐。問張魯借軍。此人是馬超的讐敵。願與張魯交戰去。〔諸葛云〕則說張魯好生英勇也。〔正末云〕軍師。張魯則是箇夯鐵之夫。量他何足道哉。〔諸葛云〕馬超。張魯在東川。有熊虎之猛將。你小心在意者。〔正末唱〕

〔脫布衫〕也不索說短論長。也休說他弱咱強。審問道三回五次。使不着一冲一撞。

〔小梁州〕憑着我耀武揚威勝虎狼。殺敵軍似蕩散羣羊。俺是那將門累代鐵衣郎。俺祖上多名望。端的也國士世無雙。

〔么篇〕你看我雄威若到殺場上。則待要惡狠狠舞劍輪槍。我從來性氣剛。心機壯。殺的他魂消魄散。你看我則一陣定興亡。〔諸葛云〕馬孟起。我撥與你三千軍馬。

迎敵張魯去。則要你成功而回也。〔正末云〕軍師但放心。我統領三千軍馬。迎敵張魯。走一遭去。

〔下〕〔諸葛云〕馬超去了也。糜竺糜芳。你領三千軍馬。謹守陽平關。某領衆將。接應馬超。走一遭去。您箇箇揚威耀武。看人人雄如猛虎。兩陣上二馬相交。看馬超生擒張魯。〔下〕〔淨張魯領卒子上〕〔云〕久鎮東川志氣雄。挾人捉將有奇能。今朝歸順曹丞相。試看我建節封侯立大功。某東川大將張魯是也。某手下有二十萬鐵甲軍。在此東川。因爲馬超被曹丞相殺了他父母家屬。此人與他兄弟投托某借軍。某借與他十萬兵。誰想馬超背了某。他投降與劉玄德。要領兵與俺交戰。我雖有兵却無將。某想曹丞相領大勢雄兵。來征劉玄德。某領本部軍馬。投降於曹丞相。今有諸葛孔明。奪了陽平關。某奉曹丞相的將令。着某領三千軍馬。與孔明手下名將交鋒。某差人下將戰書去了。則今日統領雄兵。相持厮杀。走一遭去。軍校撥甲與披袍。活拏諸葛獻功勞。陽平關下施勇猛。你看我攪海翻江戰一遭。〔同下〕〔正末驢馬兒領卒子上〕〔云〕某馬超是也。領

兵與張魯廝殺去。遠遠的望着。是何名將出馬。〔張魯驢馬兒領卒子上〕〔云〕大小三軍。擺開陣勢。〔正末云〕來者何人。〔張魯云〕某曹丞相手下大將張魯是也。爾來者何人。〔正末云〕兀那匹夫。你認的我麼。則我便是馬孟起。〔張魯云〕我正要尋你箇匹夫。你被曹丞相殺了你父母。來投降於我。某借與你十萬軍。你要報讐。你後來却降了劉玄德。今日相見。我和你決戰千合。〔正末云〕量你箇無名之將。到的那裡。三軍操鼓來。〔唱〕

〔快活三〕則聽的春雷般銃砲響。雨點也似箭飛揚。繡旗搖動綵霞長。喊殺聲驚天上。〔張魯云〕我近不的他走走走。〔諸葛同張飛趙雲馬良馬忠馬謖馬岱上〕〔諸葛云〕衆將圍住張魯。休着走了這匹夫也。〔張魯云〕怎生是好也。〔正末唱〕

〔鮑老兒〕哎。你箇小醜無端敢廝強。休惱犯這元戎將。殺的他血海屍山人馬亡。似敗葉狂風蕩。則聽的呼兄喚弟。尋爺覓子。痛苦悲傷。恰便似截瓜砍瓠。芟蒲刈葦。無處潛藏。〔做拏住張魯科〕〔張飛云〕軍師。拏住張魯也。〔諸葛云〕兀那匹夫。你當初怎生不降俺主公。却順了曹操。今日可怎生被俺擒拏了你那。〔張魯云〕軍師可憐見。怎生饒了張魯。可也好也。〔諸葛云〕兀那張魯。你那曹操。領多少人馬來。〔張魯云〕他領四十萬人馬來。〔諸葛云〕我待殺了你箇匹夫。你則是箇執戟夫。我如今不殺你。你替我捎一封書。與曹丞相去。

〔張魯云〕休道是書。不論甚麼。我捎去。〔諸葛云〕我這軍中又無紙。兀那廝近前來。我去這廝面上寫幾行字。〔寫科〕〔云〕你休抹了我這字。着那曹丞相看。你說我上覆他。你若抹了我這字呵。我帶你拏過來碎屍萬段。小校放他回去。〔張魯云〕多謝了軍師不斬之恩。我回去見曹丞相去也。〔下〕〔正末云〕軍師可怎生饒了這廝那。〔諸葛云〕馬孟起你不知。殺他一箇。打甚麼不緊。我要破他這四十萬大軍。曹操若見了我這信字呵。他必然班師回程也。〔趙雲云〕若曹操回去了呵。怎生擒的住他。〔諸葛云〕您衆將近前。今夜晚間。曹操必然暗起營也。趙雲。我撥與你三千軍馬。你去前頭路上。密林深處埋伏。等他到時。讓他軍馬過了一半。你却篩鑼擡鼓。吶喊搖旗。跟着他軍馬便走。我與你一計。看計行兵。〔趙雲云〕得令。領三千人馬。密林中埋伏。走一遭去。〔下〕

〔諸葛云〕趙雲去了也。張飛。我撥與你三千人馬。你去陳倉路上。等着到天明。曹操必走陳倉去也。你截住曹兵。與他大殺一陣。我與你一計。看計行兵。〔張飛云〕得令。則今日領三千人馬。陳倉路上。等待曹兵。走一遭去。〔下〕

〔諸葛云〕張飛去了也。喚馬良馬忠馬謖馬岱馬超來。您五將。我先撥與您五萬軍馬。曹操這一回去。他暗傳問道。不往大路上走。必往陳倉古道去。我先着趙雲張飛埋伏去了。若遇曹兵呵。此二人必然成功也。曹兵折其大半。您五將前去那陳倉古道。接續埋伏。這一遭務要擒住曹操。您衆將看計行兵。〔馬謖云〕軍師。這一場廝殺。俺衆將必然成功也。

〔正末云〕軍師放心。想我父母之讐。這一場相持。我必然要拏了曹操也。〔諸葛云〕衆將若得了勝。都到陽平關等。則要您小心在意者。〔正末唱〕

〔尾聲〕靖邊烽四海清。捲浮雲霄漢朗。我則待扶持紅日中天上。照耀的百二山河萬民仰。〔下〕〔馬謖云〕俺衆將各領兵。陳倉古道埋伏。走一遭去。軍師妙策顯奇才。陳倉古

道暗伏埋。不弱赤壁鏖兵戰。九里山前大會垓。〔同下〕〔諸葛云〕衆將去了也。〔卒子云〕去了也。

〔諸葛云〕到來日喊殺連天古道催。搗虛批吭用心機。偃旗息鼓林中等。張飛那邀截去路緊追襲。馬超帥領五虎能征將。雪冤報恨奈相持。陳倉古道擒賊將。不放曹兵片甲回。〔同下〕

第三折

〔曹操領張遼許褚淨夏侯惇卒子上〕〔曹操云〕鋪謀定計擒蜀將。布陣排兵捉孔明。某乃曹丞相是也。頗奈這懶夫諸葛亮無禮。某令夏侯淵韓溫把住定軍山。楊豹傅亮守陽平關。不想懶夫差黃忠奪了定軍山。張飛奪了陽平關。更待干罷。某統領四十萬大軍。來到此處。離陽平關不遠也。某新收一員大將。乃是東川張魯。此人打聽的某。領本部下人馬。盡皆投降於某。我今先要取陽平關。我就差新降將張魯去搦戰去了。未知勝負如何。〔許褚云〕丞相。這張魯他是箇有名的上將。這一去必然得勝也。〔曹操云〕許褚。你不知道。若論相持對壘呵。憑着我手下雄兵百萬。戰

將千員。量那劉備。到的那裡爭奈他有這懶夫足智多謀。用兵如神。以此難敵。張文遠。我想某手下空有許多名將。無有一箇陳言獻策的也。〔張遼云〕丞相手下有許多名將。豈無箇有才智的人。丞相如今聚的衆將。到於帳下。着各人獻計。如有獻其妙計的。料的諸葛亮的人。丞相便重用他。若如此呵。必然有人物出來也。〔曹操云〕張文遠。你也說的是。小校喚將衆將來者。〔卒子云〕理會的。衆將安在。丞相呼喚。〔正末上〕〔云〕某乃楊脩是也。見在曹丞相手下爲將。今因劉玄德收了西川。不想諸葛亮差黃忠奪了定軍山。殺敗夏侯淵。遣張飛奪了陽平關。又遣趙雲連殺數陣。今日丞相聚俺衆將。俺丞相連年用兵。豈知軍士勞苦也。〔唱〕

〔中呂粉蝶兒〕見如今鼎足三分。衆英雄乘時發憤。四海內人馬紛紜。一箇他占了天時。一箇據地利。守人和的到頭來他有分。俺主公怕不待將二國平吞。這幾場輪早熊疲虎困。

〔醉春風〕赤壁下將戰船焚。更和那渭河邊軍將損。怎禁那諸葛手策會掣雲。我心下忖忖。一來是命運不通。二來是皇天不佑。三來是人心不順。〔云〕可早來到也。小校報復去。道有楊脩來了也。〔卒子云〕理會的。喏。報的丞相得知。有楊脩來見。〔曹操云〕着他過來。〔卒子云〕理會的。過去。〔見科〕〔正末云〕丞相喚楊脩。有何事也。〔曹操云〕楊脩。想您

衆將。枉做偌大的官職。請着許多俸祿。今爲因劉玄德復奪了城池。他自有霸業之志。我今親率三軍。與他交鋒。被諸葛懶夫遣將復奪了定軍山。又收了陽平關。您衆將都不肯戮力建功。致令的他好生無禮也。〔正末云〕丞相。俺衆將。〔唱〕

〔迎仙客〕誰敢將軍令違。他都待要立功勳。都則待要報國盡忠立大功。俺若是遇着敵軍。對着陣門。誰敢道畏避私奔。衆將校竭力皆前進。〔云〕我想劉備手下有數員虎將。端的是好英雄也。〔曹操云〕有那幾員虎將。你試說一遍者。〔正末唱〕

〔普天樂〕關雲長善排軍。張翼德能衝陣。馬孟起勇如奔電。趙子龍氣若凌雲。老將黃漢昇。他論武藝多英俊。諸葛亮換斗移星。將機策運。更那堪劉玄德是仁德之人。〔曹操云〕想劉備他挾詐而取益州。自有興霸之志也。〔正末唱〕見如今威伏郡國。聲傳宇宙。端的是名播乾坤。〔曹操云〕若論劉備關羽張飛。衆將雖勇。全憑懶夫諸葛也。

〔正末云〕論行兵布陣。神謀睿算。一人而已。〔唱〕

〔石榴花〕諸葛亮在臥龍岡際遇會風雲。他可使揮羽扇。戴綸巾。〔曹操云〕則說這諸葛亮。知前後之事也。〔正末唱〕他笑談間知前後定三分。算陰陽有准。盡按着遁甲奇文。他可使玩周天躔度。知時運。端的是今古絕倫。揮寶劍呼風雨。雷霆震。

操瑤琴六月雪紛紛。

〔關鶴鵲〕煞強如陶朱公霸越傾吳。不弱如姜呂望興周滅殷。〔曹操云〕這諸葛再有何能。〔正末唱〕有仁人君子的心胃。有英雄慷慨慷慨的量品。有義士忠臣節存。我聊將他那出處分。用之行宰割山河。舍之藏修真隱遁。〔曹操云〕楊脩某差張魯與諸葛亮交戰去了。小校門首覲者。等張魯來時。報某知道。〔淨張魯上〕〔云〕自家張魯便是。我拾了箇性命。好孔明軍師。他放回我來了。見丞相走一遭去。來到營門首。報復去。道有張魯來見。〔卒子報科〕〔云〕理會的。喏。報的丞相得知。有張魯來了也。〔曹操云〕着他過來。〔卒子云〕理會的。過去。〔見科〕〔曹操云〕張魯。你回來了也。你勝敗如何。〔張魯云〕孔明差馬超與小將交鋒。被諸葛四面埋伏。將我活拏住了。若依着馬超呵。那裡得我那性命來。好箇孔明軍師也。〔曹操云〕怎生好箇孔明也。〔張魯云〕孔明軍師道。休殺了他。我放你回去。你上覆你那曹操。你替我捎紙書去。又無紙。他在我這臉上寫了幾行字。他着我休抹了。若抹了他一箇字呵。他拏住我碎屍萬段。我所以以上不敢動。我着這手帕兒遮着。丞相看者。〔曹操云〕你去了那手帕。我試看者。〔做念科〕〔云〕赤壁鏖兵敗。渭河八戰輸。陽平關下死。空留孟德書。〔曹操做忿怒科〕〔云〕頗奈諸葛亮無禮。他那裡是上覆我。他故意的羞辱我。刀斧手。把這厮推出轅門。斬訖報來。

〔卒子云〕理會的。〔張魯云〕我趕了攔頭。撞見稅務。早知道是這等。我在孔明手下喫一刀。可不乾淨也。〔卒子做斬科〕〔下〕〔曹操云〕頗奈懶夫。將這等言語下將來。似此怎生與他拒敵。我待要進兵來。這懶夫截了我這糧草。好着我進退兩難也。令人將茶飯來。我食用。〔許褚云〕小校將茶飯來。丞相食用者。〔卒子托茶飯雞上〕〔安下科〕〔許褚云〕將酒來。丞相滿飲此杯。〔遞酒科〕〔曹操云〕我不用酒。〔曹操做喫雞肉科〕〔云〕雞肋乎。雞肋乎。食之無肉。棄之有味。〔做丟骨頭科〕〔云〕罷罷罷。〔正末做出門科〕〔云〕着三軍收拾準備。丞相要班師回程也。〔夏侯惇云〕傳令着三軍收拾準備回程。〔卒子云〕理會的。〔曹操云〕三軍爲何這等喧譁炒鬧。張遼。你看去。〔張遼云〕理會的。三軍爲何炒鬧。〔夏侯惇云〕三軍收拾軍裝。丞相要班師回程也。〔張遼云〕誰着三軍收拾起程來。〔夏侯惇云〕是楊脩說來。〔張遼云〕我回報丞相去。〔見科〕〔云〕丞相。三軍收拾軍裝。說丞相要班師哩。〔曹操驚科〕〔云〕誰傳令說我要班師來。〔張遼云〕小官聽的夏侯惇說。是楊脩說來。〔曹操云〕喚將夏侯惇來。〔張遼云〕理會的。夏侯惇。丞相呼喚。〔夏侯惇云〕喚我做甚麼。敢着我廝殺去。我肚裏害頭疼。痞疾發了。我見丞相去。〔見科〕〔云〕呼喚夏侯惇。有何事。〔曹操云〕夏侯惇。你怎敢着三軍收拾什物班師也。〔夏侯惇云〕丞相。不干我事。是楊脩說來。〔曹操云〕喚將楊脩來。〔夏侯惇云〕理會的。楊脩。丞相喚你哩。〔正末做見科〕〔曹操云〕楊脩。

你不曾得我的言語。敢詐傳軍令。〔正末云〕丞相息怒。聽楊脩說一遍者。〔唱〕

〔上小樓〕我見丞相羅列八珍烹飪異品。〔曹操云〕我喫茶飯。不曾有將令也。〔正末唱〕將鷄肋食之無肉。棄之有味。比及評論。小官可便對衆軍號令伸行。裝整頓。我一時間弄聰明。可便失於稟問。〔曹操云〕你見我喫鷄肋。你料我有班師之意。〔正末云〕是楊脩料丞相有班師之意。〔曹操云〕你既如此聰明。你料的過諸葛麼。〔正末云〕丞相。諸葛有神鬼不測之機。用兵如神。楊脩不能料也。〔曹操云〕你原來則能料我。不能料諸葛。似你有何用。你比諸葛如何。〔正末唱〕

〔么篇〕諸葛亮非列仙非鬼神。他善能幹運造化。指落星辰。撥轉乾坤。動不動有八卦行八門圖成八陣。我這斗筭才怎和他比論。〔曹操云〕你這等箇聰明的人。如何料不的諸葛亮。〔正末云〕丞相。休說楊脩。方今之世。天下英雄。也都不及諸葛之機謀也。〔曹操云〕你是我手下的人。我着你料諸葛。你道天下英雄。都不能料諸葛。你原來則能料我。這等人要你何用。刀斧手。與我推轉楊脩。斬訖報來。〔張遼云〕衆將跪者。丞相息怒。楊脩一時間違了軍令。失於稟問。依軍法理合該斬。俺如今見與劉備相持。未見勝負。先殺一員上將。做的箇於軍不利。怎生且饒免他一死。則杖子裡教道。張遼不敢自專。望丞相尊鑑不錯也。〔曹操云〕據這厮

的罪犯。怎生饒的過。他扇惑我軍心。詐傳我軍令。本待斬首。罷罷罷。看你衆將之面。拏過那厮來。
〔夏侯惇云〕拏過楊脩來者。〔正末見科〕〔曹操云〕據你這厮。詐傳我的將令。本當斬首。某看衆將之面。且寄頭在項。洗剝了打四十背花。〔卒子打正末科〕〔云〕二十三十四十。〔夏侯惇云〕打的好。再來休多口。〔曹操云〕這等人我也用不着他。與我搶出去。〔正末做出門科〕〔云〕頗奈奸雄無禮。我好意勸他。倒要殺壞了我。若不是張文遠同衆將哀告。險被這奸雄殺了我。打我這四十曹賊也。你若中諸葛亮的計策。那其間悔之晚矣。〔唱〕

〔尾聲〕你是箇刻薄跋扈的賊。他須是賢良忠孝的臣。則我這忠言逆耳懷讐恨。直殺的你人慌將遁。你久以後到頭來歸向聖明君。〔下〕〔曹操云〕張文遠。我想這懶夫。端的是能。某親自率領雄兵到此。不會得他半根折箭。枉來這一遭。勞而無功也。〔張遼云〕張遼曾勸丞相來。休領兵馬。劉玄德新得了西川。人心稍定。手下兵雄將勇。不可征伐也。〔曹操云〕張文遠。我如今要班師回程。你衆將如何。〔張遼云〕似丞相這等說呵。不如且班師回程。操兵練士。再領兵來。與劉備交鋒。未爲晚矣。〔曹操云〕你說的是。夏侯惇。便傳我的將令。今夜晚間。初更時分。不許喧譁。着各枝兵暗暗的起了營。爲何如此。則怕諸葛亮那懶夫知道。投至天明呵。可不走百十里地也。夏侯惇傳將令去。〔夏侯惇云〕得令。大小三軍。收拾什物。不許人語馬

嘶。快埋鍋造飯。喫了便要起營哩。快都喫了罷。不喫飯的。喫些炒麵也罷。且收拾鞍馬。各擎兵器在手。聽着號頭。但一聲鑼響。便走。聽着聽着。〔吹號頭三軍起營科〕〔夏侯惇回報科〕〔云〕丞相三軍起了營也。〔曹操云〕起了營。俺星夜走走。〔同下〕〔趙雲驢馬兒領卒子上〕〔云〕某乃趙雲是也。奉軍師的將令。領兵在此林瑯。〔鄭原抄不明趙校改疑誤下文同〕裏埋伏。等曹操的軍馬過了一半。與我篩鑼搥鼓。吶喊搖旗。等他軍馬走盡了。後面趕殺。小校與我看者。這早晚曹操的軍馬。敢待來也。〔曹操同衆將驢馬兒領卒子上〕〔曹操云〕張遼。此計大妙。這懶夫可被我瞞過了也。他豈知我起了營也。〔夏侯惇云〕那諸葛亮。他那裡知道。這早晚他正好睡哩。〔趙雲云〕兀的不曹操的軍馬來了也。放一半過去。三軍與我篩鑼搥鼓。吶喊搖旗。〔卒子云〕理會的。〔衆做篩鑼搥鼓吶喊科〕〔夏侯惇云〕不好了。後面有追兵來了。他若趕上。怎麼了。〔曹操云〕不中。俺走走。〔同下〕〔趙雲云〕這曹操走了也。三軍與我搥鼓篩鑼。吶喊搖旗。趕將去。〔下〕〔張飛驢馬兒領卒子上〕〔云〕某乃張飛是也。三軍擺開陣勢。兀的不曹操的軍馬至也。〔曹操同許褚張遼夏侯惇曹虎驢馬兒領卒子上〕〔曹操云〕許褚張遼夏侯惇曹虎快走。〔做見科〕〔云〕張遼。俺又中這懶夫的計。被他追殺了一夜。前面又有軍馬攔住去路也。〔張飛云〕曹操慢來。某久等多時。下馬受降。免你一身之禍。〔曹操云〕兀的不是張飛。又攔住去路也。〔夏侯惇云〕丞相放心。我和他交戰。操

鼓來。〔張飛云〕量你箇久敗之將。何足道哉。〔戰科〕〔曹操云〕不中。走走走。〔同下〕〔張飛云〕這賊走了也。趕將去來。〔下〕

楔子

〔正末扮馬超同馬良馬忠馬謖馬岱驪馬兒領卒子上〕〔正末云〕某乃馬超是也。奉軍師的將令。着俺午時與曹操相持廝殺。大小三軍。擺開陣勢者。遠遠的塵土起處。敢是曹操的軍馬來了也。〔曹操同四將驪馬兒領卒子上〕〔曹操云〕這懶夫好狠也。埋伏下軍馬。追殺我一夜。我兵折其大半。衆將俺領着軍馬。往這陳倉路上走走走。〔正末云〕曹操慢來。快下馬受降。〔張遼云〕丞相前面有馬超攔住去路。丞相他是讐人。他兵勢大。俺怎生與他拒敵。〔曹操慌科〕〔云〕張遼。我脫了這袍鎧。與曹虎穿着。將小軍的衣服我穿。曹虎。你穿上我的袍鎧者。〔曹虎穿科〕〔云〕父親放心。我與他拒敵。〔張遼云〕丞相。我出馬與他打話。兀那馬超。你讓俺小歇小歇。再和你交鋒。〔正末云〕這匹夫來我跟前下說詞。三軍圍住者。休着走了曹操也。〔唱〕

〔賞花時〕一壁廂傳令分兵。四下裡攻我。則見殺氣征塵將日色籠。〔曹虎云〕兀那馬超。量你到的那裡。〔正末唱〕忙操鼓便交鋒。俺這裡爭先也那鬪勇。〔曹操云〕俺近不的他。衝開陣走走走。〔同下〕〔馬岱云〕走那裡去。〔做拏住曹虎科〕〔云〕哥哥。曹操走了。拏住他手。

下一員上將也。〔正末唱〕怎麼來打鬧裏走了奸雄。

〔么篇〕見一箇小將無名在陣中。〔云〕掣住的是誰。〔馬謖云〕是曹虎。〔正末唱〕擒掣住張慌生怕恐。〔云〕小校與我下在囚車中。〔馬忠云〕把這厮執縛了也。〔正末唱〕下在那囚車內緊監封。防護着前遮也。那後擁。俺向那元帥府可兀的獻奇功。〔下〕〔馬良云〕掣住曹虎也。軍師跟前獻功去來。〔同下〕

第四折

〔諸葛領卒子上〕〔云〕發號指路驅軍校。運籌帷幄掌元戎。貧道諸葛孔明是也。我差衆將往陳倉路上埋伏。等待曹操去了。衆將必然成功也。小校轅門首觀者。等衆將來時。報復我知道。〔趙雲上〕〔云〕某乃趙雲是也。奉軍師將令。着某去林瑯中埋伏。殺敗了曹兵。得勝回營。見軍師去。可早來到也。報復去。道有趙雲得勝還營。〔卒子云〕理會的。喏。報的軍師得知。有趙雲得勝還營。〔諸葛云〕着他過來。〔卒子云〕理會的。過去。〔見科〕〔諸葛云〕趙雲。勝敗如何。〔趙雲云〕趙雲依師父的將令。果然到那箇時候。曹操領兵來。被趙雲埋伏軍馬。趕殺了他一陣。得勝還營也。〔諸葛云〕且一壁有者。張飛敢待來也。〔張飛上〕〔云〕某乃張飛是也。得勝還營。見軍師去。可早來到也。報復去。道有張飛得勝還營也。〔卒子云〕理會的。喏。報的軍師得知。有張飛得勝還營也。

〔諸葛云〕着他過來。〔卒子云〕理會的過去。〔見科〕〔諸葛云〕張飛勝敗如何。〔張飛云〕張飛依軍師將令。在前頭路上。等待曹兵。果然曹操領的敗軍來。不枉了好師父。被張飛大殺了一陣。曹操打關裏撞陣走了。張飛收軍回營。來見軍師。〔諸葛云〕不枉了好將軍。且一壁有者。小校轅門首覲者。馬超等衆將來時。報復我知道。〔正末扮馬超同馬良馬忠馬護馬岱領卒子上〕〔正末云〕某乃馬超是也。俺五虎將痛殺了曹操一陣。生擒了曹虎。得勝還營。見軍師獻功。那走一遭去也。〔唱〕

〔雙調新水令〕列旌旗排隊伍凱歌回。助威風滿天殺氣。盡忠扶社稷。竭力定華夷。從今後肅靖邊陲。我這裡忙下馬叩堦砌。〔云〕左右接了馬者。報復去。道有馬超同衆將得勝還營也。〔卒子云〕理會的。喏。報的軍師得知。有馬超同衆將得勝還營也。〔諸葛云〕着他過來。〔卒子云〕理會的過去。〔諸葛云〕您五虎將都成功也。馬超。您怎生與曹操交鋒來。你慢慢的說一遍。我試聽者。〔正末唱〕

〔沽美酒〕非是俺能對壘。虧軍師定神機。依師父佈陣排兵在五下裡。曹丞相心忙意急。他見俺五員將怎生支持。〔諸葛云〕您五虎將圍住了曹操。他可怎生得逃命走了那。〔正末唱〕

〔太平令〕曹丞相混戰中脫袍換騎。解不迭鎧甲頭盔。俺殺的他更衣改袂。競殘生脫身之計。俺可便逢賊戰敵。施逞我這虎威。俺擒曹虎。輸情來納罪。〔諸葛云〕曹操害慌。亂陣中脫袍換騎走了也。您擎的曹虎安在。〔馬良云〕見在轅門首。小校將曹虎擎過來。〔卒子擎曹虎上〕〔見科〕〔諸葛云〕兀那厮。你便是曹虎。擎去殺壞了者。〔卒子擎曹虎下〕〔諸葛云〕小校轅門首覷者。看有甚麼人來。〔外扮使命上〕〔云〕萬里雷霆驅號令。一天星斗煥文章。小官乃尚書鄧芝是也。奉玄德公之命。爲因孔明軍師與衆將大破曹兵。差小官直至陽平關。與衆將加官賜賞。走一遭去。可早來到也。小校報復去。道有使命來了也。〔卒子報科〕〔云〕喏。報的軍師得知。有使命來了也。〔諸葛云〕小校裝香來。〔卒子云〕理會的。〔諸葛云〕道有請。〔卒子云〕理會的。有請。〔見科〕〔使命云〕軍師。小官奉命至此也。〔諸葛云〕大人鞍馬上勞神也。〔使命云〕軍師。坐中軍不易也。因衆將殺退曹兵。復奪定軍山。取了陽平關。累建大功。小官特來與您加官賜賞也。〔正末唱〕

〔殿前歡〕今日箇望彤闈一齊的揚塵舞蹈。拜丹墀托賴着宗堯祖舜居天位。見如今九五龍飛。拜金鑾拱紫微。保日月光天德。今日箇宴享昇平世。則願的山河寧靜。萬萬歲洪福天齊。〔諸葛云〕您衆將破了曹操。斬了曹虎。關山寧靜。理當慶賞也。

〔使命云〕您衆將望闕跪者。聽聖人的命。則爲那曹孟德領將驍兵。下西川強霸相吞。黃漢昇英雄老將。定軍山先建頭功。殺敗了曹兵大將。加你爲定遠侯護國將軍。張翼德奪關斬將。封你爲安漢侯車騎將軍。趙子龍權謀掌計。加你爲寧遠侯驃騎將軍。馬孟起生擒曹虎。封你爲興漢侯驍勇將軍。因衆將陳倉路大敗曹將。趕曹操單騎獨身。您四將各受官職。都着您列鼎重裯。聖明主加官賜賞。一齊的望闕謝恩。

題目

陳倉路十將成功

正名

陽平關五馬破曹

五馬破曹穿關

楔子

曹操

兔兒角幘頭
帶帶劍

補子圓領

卒子

紅碗子盔
兒甲

青布釘劍

張遼

鳳翅盔
直纏

膝欄曳撒

帶

帶劍

三髯

諸葛亮

捲雲冠
三髯

紅雲鶴道袍

羽扇

卒子

同

糜竺

糜芳

鳳翅盔
直纏

膝欄曳撒

帶

帶劍

三髯

正末黃忠

鳳翅盔
直纏

膝欄曳撒

袍

項帕

蒼白髯

頭折

夏侯淵

皮盔

膝欄曳撒

掩心甲

卒子

同

韓溫

皮盔

膝欄貼裏

掩心

糜竺

糜芳

卒子

韓溫

卒子

又上

糜竺

糜芳

又上

韓溫

又上

正末黃忠

卒子

韓溫

又上

前

糜竺

糜芳

又上

夏侯淵

又上

韓溫

又上

同

正末黃忠

衆

又上

諸葛

卒子

趙雲

三山帽

蟒衣曳撒

袍

項帕

張飛

包巾

蟒衣曳撒

皂袍

項帕

竹節鞭

楊豹

同

前

夏侯

卒子

同

傅亮

同

韓溫

張飛

卒子

又上

傅亮

卒子

又上

張飛

又上

同

傅亮

又

上前同

第二折

楊豹卒子

前同

趙雲

傅亮旗號

詐打

傅亮張飛

前同

諸葛

糜竺糜芳

卒子

前同

正末馬

超

鄉磕腦盔
直纏襖膊

蟒衣曳撒

袍

項帕

飛翅

張魯

前同

卒子

正末馬超

卒子

張魯

卒子

又上前

同諸葛

張飛

趙雲

又上前

同馬良

馬忠

馬謖

馬岱

前同

第三折

曹操張遼

卒子

前同

許褚

前同

夏侯惇

皮麥簷帽

甲

項帕

膝襠曳撒

掩心

劍

正末楊脩

帽

蟒衣曳撒

帶

項帕

直

張魯

前同

卒子

茶飯雞

托

趙雲

卒子

曹操

衆將

張飛卒子

前同

曹操

許褚

張遼

夏侯惇

卒子

前同

曹虎

前同

夏

楔子

正末馬超馬良馬忠馬謖馬岱卒子

前同

曹操

四將

卒子

前同

第四折

諸葛卒子趙雲張飛

同前

正末馬超馬良馬忠馬謖馬岱卒子卒子拏曹虎


同前

使命

一字巾

補子圓領帶三髯髯

乙卯五月廿三日校內本清常道人



壽亭侯怒斬關平

關名

頭折

〔冲末扮簡雍領卒子上〕〔簡雍云〕幼小曾將儒業攻。後習呂望六韜文。正判都堂爲太守。行兵帷幄掌三軍。小官姓簡名雍字憲和。自中甲第以來。頗有政聲。所除荊州太守之職。想當日玄德公弟兄三人。自臥龍岡請孔明先生來拜爲軍師。博望燒屯。赤壁鏖兵。勦捕四郡五虎。收川之後。今玄德公坐於西川。三將軍張飛居於閬州。俺元帥雲長鎮守荊州。今因五月十三日是元帥生辰貴降之日。有玄德公命孔明軍師衆將來至荊州。與俺元帥做生日。今日已回也。元帥命小官在此驛亭中排宴。與軍師衆將餞行。令人請命多時。不見到來。小校門首覷者。若來時。報復我知。道。〔卒子云〕理會的。〔外扮張飛同馬超趙雲黃忠上〕〔張飛云〕燕項槎牙多有功。上陣只嫌鐵衣輕。當陽橋上橫槍立。我也曾喝退曹家百萬兵。某姓張名飛字翼德。涿州范陽人也。大哥哥姓劉名備字玄德。大樹樓桑人也。二哥哥姓關名羽字雲長。蒲州解良人也。俺弟兄三人。自桃園結義。五處收川之後。大哥哥玄德公。坐於西蜀。某居於閬州。俺二哥哥雲長。鎮守荊州爲大帥。今因俺二哥哥五月十三生辰貴降之日。俺大哥玄德公。命孔明軍師并俺衆將。與俺二哥哥做生日。今

日已回。有簡雍太守在此驛亭中排宴。與俺軍師并衆將餞行。可早來到也。小校報復去。說張飛與衆將在此。〔卒子云〕理會的。〔報科〕云。喏。報的太守得知。張飛同衆將來了也。〔簡雍云〕道有請。〔卒子云〕理會的。有請。〔四將同見科〕。〔張飛云〕量張飛與衆將有何德能。着太守如此置酒張筵也。〔簡雍云〕小官奉俺元帥的命。在此驛亭中安排酒殺。與衆位將軍餞行。將軍請坐。小校門首覷者。孔明軍師來時。報復我知道。〔卒子云〕理會的。〔正末扮諸葛亮上〕云。貧道覆姓諸葛名亮字孔明。道號臥龍先生。瑯琊陽都人也。寓居襄陽隆中。自從劉關張弟兄三人。一年三顧。請貧道下山。拜爲軍師。統領三軍。自博望燒屯。赤壁鏖兵。勦捕四郡五虎。收川之後。羣雄各據其境。玄德公坐於西川。張翼德居於閬州。雲長公鎮守荊州。因二公子生辰貴降之口。衆將與貧道同做生日。今日要回於西川去也。有簡雍太守在於驛亭中。與貧道餞行送路。須索走一遭去。想貧道未出茅廬時。在臥龍岡上。修真養性。煉藥燒丹。如此幽哉。倒大來清閑快活也呵。〔唱〕

〔仙呂點絳脣〕我本待要煉性修真。一心待樂閑釋悶。他將我三番請。今日箇統領三軍。我可也不比蓬蒿隱。

〔混江龍〕見如今八方寧靜。我則待盡忠輔佐保朝廷。託賴着一人有慶。見如今萬姓安寧。普天下官清詞訟減。慶豐年民樂賀昇平。皆因是法正天心順。民

安國泰。海晏河清。〔云〕可早來到也。小校報復去。道有貧道來了也。〔卒子云〕理會的。報的大人得知。有孔明軍師來了也。〔簡雍云〕道有請。〔卒子云〕理會的。有請。〔正末做見科〕〔簡雍接科〕〔云〕師父。小官奉俺元帥將令。與師父餞行送路。左右擡上果卓來者。〔卒子云〕理會的。〔擡果卓上〕〔云〕果卓在此。〔簡雍云〕將酒來。〔卒子云〕理會的。〔正末云〕量貧道有何德能。着太守如此般用心也。〔簡雍云〕師父。蔬食薄味。不堪供用。滿飲此杯。〔正末云〕太守飲。〔簡雍云〕師父請。〔正末飲科〕〔簡雍云〕衆將軍都飲一杯者。〔衆做飲科〕〔張飛云〕量張飛與衆將。有何德能。着太守如此般置酒張筵也。〔簡雍云〕師父。想簡雍當日。還不曾佐於俺雲長手下。則聽的人說。玄德公弟兄三人。相訪師父。怎生請師父下山來。師父說一遍。簡雍試聽者。〔正末云〕將軍不知。聽貧道慢慢的說一遍。〔唱〕

〔油葫蘆〕若不是三謁茅廬將貧道請。我則在臥龍岡隱姓名。我在那茅庵中。說道德。講黃庭。若不是區區不避三番請。怎能般氣昂昂執掌黃金印。〔簡雍云〕自師父下山來。習兵練士。定計鋪謀。多虧了師父也。〔正末唱〕見如今將帥賢。您休誇諸葛能。則他這八方四海干戈定。他每都排畫戟。列簪纓。〔云〕若不請下貧道來呵。〔唱〕〔天下樂〕這其間耕種南陽過一生。若論行也波兵。可也非自能。我便習六壬。

畫八卦通九經。我驅的是水火風。我可便請的六丁。我端的祭風雷將賢聖請。

〔簡雍遞酒科〕〔云〕左右將酒來。〔卒子云〕理會的。〔簡雍云〕師父請飲一杯。〔傲風起科〕〔簡雍云〕好是奇怪也。簡雍與師父把着這杯酒。忽然起一陣風。師父這風主何意也。〔正末云〕此一陣風過。您衆將聽者。無一時有來下戰書的來也。〔張飛云〕師父差矣。自三分已定。俺弟兄各處鎮守。見如今八方寧靜。四海晏然。再有甚麼征伐戰討也。〔卒子報科〕〔云〕喏。報得軍師得知。今有江夏張虎張彪二人。領兵來索戰。〔張飛云〕哦。卦兒還靈哩。〔黃忠云〕師父既然今日索戰的來了。軍來將敵水來土堰。某親率三軍收捕兩員賊將去。〔趙雲云〕哥。您不必去。憑着趙雲坐下馬。手中槍。有萬夫不當之勇。量那兩箇賊寇。到的那裡。小將趙雲我收捕去。〔馬超云〕也不必兩箇將軍去。憑着馬超兩柄飛撾。百步能取上將首級。我觀那兩員賊將。如掌上觀紋。探囊取物。師父放心。某擒拏走一遭去。〔張飛云〕也都不用您去。那割雞焉用牛刀。某領十八騎烏馬長槍。直至江夏。活拏此賊。我若拏不住呵。輸我這六陽會首。〔正末云〕您四位將軍都休去。量這張虎張彪。則是箇賊寇之將。不用您上將去。〔黃忠云〕因何不用五虎將去。〔正末云〕可以差五箇小將軍去。〔黃忠云〕軍師他每年幼。怎生去的。〔正末云〕不妨事。貧道自有箇主意。你與我喚將五箇小將軍來。〔黃忠云〕既然軍師要他每去。不敢有違。五箇小將軍安在。〔關平同馬忠張苞趙

冲黃越四將上。〔關平云〕泰山頂上刀磨缺。北海波中馬飲枯。男子三十不立名。枉做堂堂大丈夫。某乃關平是也。今有俺父親鎮守着荊州。爲大元帥之職。這箇將軍。是俺翼德叔父之子。乃是張苞。這箇將軍。是俺漢昇叔父之子。乃是黃越。這箇將軍。是俺子龍叔父之子。乃是趙沖。這箇將軍。是俺孟起叔父之子。乃是馬忠。俺弟兄五箇。做學俺父親三人。桃園結義。一在三。一亡三。俺弟兄五箇。一在五。一亡五。俺弟兄五人。正在教場裏習兵練士。掙劍磨刀。演習武藝。有小校來報。道有軍師呼喚。須索走一遭去。可早來到也。不須報復。俺自過去。〔關平同四將見黃忠科〕〔關平云〕叔父呼喚您孩兒。有何事分付。〔黃忠云〕今有張虎張彪作亂。軍師將令。着您五人勦除此寇去。您可敢去麼。〔關平云〕叔父。俺弟兄五箇。託衆叔父虎威。您孩兒每逐朝每日操練成武藝。量那兩員賊將。到的那裡。則今日俺弟兄五箇。擒拏此賊。走一遭去。〔黃忠云〕軍師有小五虎將來了也。〔正末云〕着五箇小將軍過來。〔關平領四將見正末科〕〔云〕軍師喚俺弟兄五員小將。那裡使用。〔正末云〕您五箇將軍近前來。今因江夏小寇張虎張彪作亂。撥與您五千人馬。擒拏賊寇。則要您得勝還營。您近前來。聽貧道說與您行兵之法也。〔趙雲云〕師父。則怕小五虎將敵不住那賊將麼。〔馬超云〕哥哥言者當也。俺則今日上馬。擒拏賊將。不強似着這小將軍去。〔正末云〕不索您老將軍費力。這五箇小將軍去。內中有一箇將軍喫驚。〔黃忠云〕師父。

不知那箇將軍喫驚也。〔正末云〕不必您上將每去。我觀戰討之氣。必然成功。得勝而回也。〔簡雍云〕四位將軍放心。既然師父堅意要這五箇小將去呵。必有箇主意。〔正末云〕您將軍每不知。聽貧道慢慢的說一遍者。〔唱〕

〔節節高〕貧道我坐簾帷幄。你與我密排軍陣。咱與那賊兵戰討。您道是教誰去和他決勝。〔馬超云〕師父。馬超走一遭去。〔正末唱〕也不用馬孟起。〔簡雍云〕師父。着俺元帥去中麼。〔正末唱〕也不要雲長戰。〔張飛云〕張飛走一遭去。如何。〔正末唱〕也不用翼德征。〔趙雲云〕軍師。趙雲與黃忠走一遭去。可乎。〔正末唱〕呀。也不用趙子龍黃忠漢昇。

〔云〕五箇小將軍近前來。〔唱〕

〔元和令〕正當年敢戰爭。你休違拗我的軍令。憑着他氣昂昂。年小正崢嶸。保山河。建大功。但見他相持戰討。便交鋒。則要您敢當先。敢戰爭。〔張苞云〕師父。俺十入般武藝。無有不通也。〔正末唱〕

〔上馬嬌〕你將這武藝逞。軍校領。都休得暫消停。〔張苞云〕俺則待盡忠報國也。〔正末唱〕盡心兒報國須忘命。你可便應萬古要標名。〔張苞云〕俺上陣處。活挾猛將。智殺羣英也。〔正末唱〕

〔遊四門〕馬忠張苞情性狠。英勇有關平。則要你臨陣各將軍校領。你是花根本豔。源清流淨。端的不虛名。〔張苞云〕俺五箇將軍。端的是將門之子也。〔正末唱〕

〔勝葫蘆〕黃越英雄與趙冲。一箇箇敢相爭。您是那虎體鵠班將相孫。則要你懸鞭掛劍。人人英勇。箇箇顯威風。〔張飛云〕張苞。您五箇小將軍近前來。師父的將令。着您五箇將軍。收捕兩員賊將去。若得勝回還。萬事罷論。你若有些兒疎失。你見我這竹節鞭麼。我將您一鞭一箇。您則小心者。〔正末云〕您衆將小心在意。觀賊兵如掌上觀紋。擒拏了時。就來帳前報功來。〔唱〕

〔尾聲〕則要您廝殺處立功勳。排隊伍傳嚴令。則您那強將手須無箇弱兵。出氣力當年敢戰爭。則要您爲頭兒陣面上交鋒。您去的也不消停。便索長行。我到來日等報功。貧道緊等。則要您鞭敲金鐙。單等您這衆將軍齊和凱歌聲。〔同張飛等四將下〕〔關平云〕師父去了也。俺弟兄五箇。奉着師父將令。擒拏張虎。走一遭去。大小三軍。聽吾將令。甲馬不得馳驟。金鼓不得亂鳴。不許交頭接耳。不得語笑喧譁。但有違令者。必當斬首。一刃刀。兩刃劍。齊排鴈翅。三股叉。四楞鋼。密砌魚鱗。五方雜綵旗。遮天映日。六沉槍。銀纏桿。耀日爭光。七叉寶雕弓。三石力大。八楞檀子棒。打碎天靈。九股索結紅繩。挾人捉將。列十層人和。

馬好鬪偏爭。俺這裡十次九相持。偏能廝殺。正是俺大將軍八面威風。七層圍刀斧手擺成陣角。六韜書依呂望盡按天文。有五百把斬馬刀。在帳前帳後。四周圍挑燈弩箭。列三軍。兩棒鼓震春雷。行營起寨。一聲鑼如霹靂。動地驚人。到來日。衆將軍統領戈矛。將領着五百貔貅。奉着俺軍師將令。直拏住張虎張彪。〔同四小將下〕〔簡雍云〕小五虎將去了也。我覷了五箇小將軍。他那刀馬武藝。不在他父親之下。若到江夏。必拏了兩員賊將。小官不敢久停久住。則今日回俺元帥話去。衆賊將心驚膽大。五虎將直至江夏。若拏住張虎張彪。您那其間却來回話。〔同下〕

第二折

〔淨張虎同張彪上〕〔張虎云〕我做將軍實是能。相持廝殺世不贏。領出三千人馬去。我剩回一箇不是人。某乃張虎是也。這箇是我兄弟張彪。自從龐鳳雛收俺四郡之後。教俺二人無處安身。趨於江夏。落草爲寇。今有關雲長占了荊州。我有心待取荊州去。爭奈關雲長鎮守。不敢惹他。他手下兵多將廣。人強馬壯。你看我手下的軍人弱馬瘦。他那邊使槍的。使刀的。使斧的。我這裏的軍見了呵。一箇箇騎的騎。扒的扒。休言人敢帳前喧。便有那鴉兒過時不則聲。我數日前裏下將戰書去了。單奈關雲長出馬。與某交戰。則今日點就本部下歪揣豆腐老幼軍。與他相持廝殺。走一遭去。大小三軍。則今日瘦馬不得馳驟。破鼓不得亂鳴。三通鼓罷。拔寨而起。都要哈密裡廝等。

但違令者都罰去光祿寺揀聚兒。擺開陣勢。兀那塵土起處。來者不知是何人也。〔關平領四將躍馬兒上〕〔關平云〕某乃關平是也。大小三軍。擺開陣勢。看有甚麼人來。來者何人。〔張虎云〕某乃張虎張彪是也。你來者何人。〔關平云〕某乃關平是也。〔張虎云〕我戰書上寫着單索你老子與我交戰。原來你父親怕我。不敢來。着你箇無名的小將來。你怎敢與我交戰。小校操鼓來。〔做調陣子。拏住張虎張彪科〕〔關平云〕拏住兩箇賊將也。您隨後來。我先去軍師前獻功。走一遭去。俺五虎小將氣冲冲。今朝得勝顯英雄。把張虎張彪擒拏住。軍師跟前獻頭功。〔下〕〔張苞云〕關平去了也。執縛住二賊兒。俺師父。走一遭去。今朝一日統干戈。全仗軍師智量多。馬離江夏敲金鐙。人望荊州唱凱歌。〔同衆下〕〔李老兒扮王榮領卜兒。俵兒上〕〔李老兒云〕急急光陰似水流。等閑白了少年頭。月過十五光明少。人到中年萬事休。老漢是這集賢莊人氏。姓王。是王榮。嫡親的三口兒家屬。婆婆李氏。老漢七十五歲也。止有一箇孩兒。喚做福住。年十一歲也。孩兒天性聰明。今春應過嬰童舉。加做天下小解元。這荊州城中。有他箇姑姑。是我的妹子。我一來呵賣弄我這孩兒去。道俺這鄉村裏出了箇小解元。我領着孩兒慢慢的行。〔關平躍馬兒上〕〔云〕某乃關平是也。將二賊子一鼓而收。師父跟前報喜。走一遭去。催動這馬者。〔做撞倒俵兒科〕〔云〕薄倒了箇小的。我行動些。走走走。〔下〕〔李老兒云〕兀的不躡死我孩兒也。天也。老漢眼睛

一對臂膊一雙。則覷着這箇孩兒。恰纔這箇騎馬的。不知他是箇甚麼人。躡死我孩兒。兀的不痛殺我也。〔做哭科〕〔張苞同趙冲黃越馬忠上〕〔張苞云〕某乃張苞是也。俺弟兄五人。將二賊子一鼓而下。關平先去師父跟前報功去了。俺慢慢的行。路傍邊一箇小孩兒的屍首。一箇老子守着啼哭。兀那老子。這小的兒怎生亡了來。〔李老兒云〕告的將軍得知。老漢是集賢莊人氏。姓王。是王榮。我則有這箇孩兒。又應過嬰童舉。是天下小解元。恰纔不知是甚麼人。也和將軍一般披掛。他馬躡死了我的孩兒。我不知他名姓。可教誰與我做主也。〔張苞背云〕三箇兄弟。您聽的麼。馬躡殺這小的。正是踏關平來。〔馬忠云〕踏休管他。踏班師回程去來。〔同衆將下〕〔李老兒云〕踏死我這孩兒的。我知道他名姓也。恰纔那四箇將軍。背地裏說來。說是關平躡殺我孩兒。我也不索久停久住。將我這孩兒的屍首。在路傍淺土兒培埋着。我去荊州城裏大大的衙門裏。我則告關平去。孩兒也。則被你痛殺我也。〔卜兒同下〕〔淨扮官人領令史張千排衙上〕〔官人云〕官人清似水。令史白似麵。水麵打一和。糊突做一片。小官是本處州判。自我到任以來。戶口增。詞訟減。家家不關門睡。如常的着人偷了沙鍋去了。〔令史云〕恰濟事。〔官人云〕今日陞廳。坐起早衙。張千喝擯箱。〔李老兒上〕〔云〕老漢是王榮。來到這荊州衙門首也。我叫一聲冤屈也。〔官人云〕是甚麼人。拏過來。〔張千云〕理會的。過去當面。〔李老兒見官人跪科〕〔官人也跪科〕〔云〕請起。

〔令史云〕相公。他是告狀的。你怎麼還他禮。〔官人云〕你放屁。他是告狀的。都是嗜衣食父母。〔令史打科〕〔官人云〕但有告狀的。我則不知。全憑着你。〔令史云〕相公你放心。都在我身上。張千。你把那老子提向前來。你說你那詞因。我試聽者。〔李老兒云〕老漢集賢莊人氏。是王榮。年七十五歲。我孩兒福住。年十一歲。係是應過嬰童舉的。我領着往城中探他姑姑去。來到半路上。撞見一箇年小的將軍。躡死我的孩兒。告的大人得知。與老漢做主者。〔令史云〕這厮可無禮也。你倚仗着人強馬壯。躡死平人。更待干罷。你說那人的名字。我替你拏去。〔李老兒云〕躡死我孩兒的。是荆王之子。是關平來。〔令史驚科〕〔云〕這箇顏老子。你別告一箇。我也好替你整理也。你告着關平。誰敢拏他去。〔官人云〕外郎。這老子告着誰。你便替他整理也。〔令史云〕相公。他告着關平哩。我則不敢整理他。我則攢造文書去也。〔下〕〔李老兒云〕相公與老漢做主者。躡死我的孩兒了也。〔官人云〕噯。老兒也。關平躡死你的孩兒。休道是踏死你的孩兒。便躡死我的老子。我也不敢近他。我自家去也。〔李老兒扯官人科〕〔云〕相公。好歹與老漢做主者。〔官人叫冤屈科〕〔云〕冤屈也。老兒告狀不好。關平將軍走了。你來我行告狀。我罵你箇村漢夾腦。〔下〕〔李老兒云〕原來這等大衙門裏。近他不的。我告天來天高。告地來地厚。我往家中收拾些盤纏。我揀着那大大的衙門裏告他去。老漢出的這城來。我尋思來。這等大衙門裏。不敢整理。又近不的他。我

那裡告他去。我到家中。怎生見我那婆婆去。我去那池塘邊大樹底下。我痛哭一場。尋一箇自盡。我來到這樹下也。看有甚麼人來。〔正末扮關西同曳刺牽馬上〕〔正末云〕酒家是箇關西漢。與壽亭侯元帥。喂着這匹兒馬。今日好天氣。衆兄弟每。嚙去這馬去來。一塊兒好馬也呵。兩耳桃花朶。四蹄胭脂抹。行動映山紅。勒住一團火。〔唱〕

〔南呂一枝花〕這些時刷飽的戰馬。空閑的精神旺。顏色似火炭赤。皮毛似潑油光。〔曳刺云〕爲這塊子馬呵。細切草。爛煮料。多曾辛勤也。〔正末唱〕巴到昏黃。我細切草槽頭放。煮料將硬軟嚼。我先試了這溫涼。一和和親自拌上。〔曳刺云〕哥哥用心。

刷飽的潑油也似光。案板也似肥。喂的犇牛也似劣。〔正末唱〕

〔梁州〕俺喂着這將軍戰馬。看待的不比尋常。俺若是刷飽皆能養。豈不聞狗有展草。馬有垂韁。刷飽了驥尾。洗渲了胸膛。他去那鏡波中來往晃蕩。〔曳刺云〕哥也。把這塊子馬牽上岸去。柳陰直下。慢慢的刷飽者。〔正末唱〕我與你忙牽在裏金線堤岸垂楊。〔曳刺云〕哥。嚙將這塊子馬。再洗渲一洗渲者。〔正末唱〕我着這兩隻手洗渲了皮毛。他案板也似平鋪着脊梁。恰便似出水蛟立古岸滄浪。〔曳刺云〕哥也。那馬他去那樹上搶痒。則怕傷着他皮毛麼。〔正末唱〕那馬害痒向樹上。他靠不着。則把這身軀來

搶。這馬更精神又好生相。按月關着喂馬賞。無甚麼商量。〔云〕俺這裡慢慢的遛馬。

〔李老兒做哭科〕〔云〕我那屈死的孩兒也。〔曳刺云〕哥也。那裡這般啼啼哭哭的。一箇老人家。你爲甚麼煩惱。〔李老兒云〕哥哥。您每不知道。你休問我。你則遛你那馬去。〔曳刺云〕哥也。兀那老人家煩惱。我問他爲甚麼。他不肯說。哥也。你問他去。〔正末云〕我問他去。兀那老人家。你爲甚麼煩惱也。〔李老兒云〕你休問我。我有冤屈的事。要告狀哩。〔正末云〕你告誰。我試猜你者。

〔唱〕

〔隔尾〕你告着的莫不是掌朝綱領頭廳相。〔李老兒云〕不是。〔正末唱〕他怎生顯耀威風情性剛。〔李老兒云〕也不是。〔正末云〕你本告着誰。〔李老兒云〕你也猜不着。我說與你者。我告着小將軍關平。他躡殺我的孩兒來。〔正末唱〕則一句關連着五虎將。〔云〕老的也。你多大年紀也。〔李老兒云〕老漢七十五歲也。〔正末唱〕莫不是年紀大混忘。休說的緊口忙。〔李老兒云〕正是關平躡殺我的孩兒。我不口忙。〔正末唱〕我則怕不是俺關平。你慢慢的想。〔李老兒云〕正是關平來。我怎肯說的差了。〔正末云〕你告不的他。〔李老兒云〕小人告官吏每都近不的他。我懷中揣着這紙狀子。我向這柳陰直下。尋箇自盡處。我死後有那解我的人來。見了我懷中的狀子。道是關雲長的孩兒關平。馬躡殺我的孩兒。又逼了他父親性命。見了這箇狀

子。着他萬代做罵名。〔正末云〕兀那老的。你告他去來不會。〔李老兒云〕我會告他來。官吏每不敢近他。說他是壽亭侯之子哩。〔正末唱〕

〔賀新郎〕更做道你馬如飛。戰討在殺場。你不肯千戰千贏。你則去人身上。一衝一撞。我看你怎麼結這一場官司狀。端的便也有一箇悞殺悞傷。小將軍那一場身做身當。你則合鑼鳴處披鎧甲。你則合鼓響處用刀槍。誰着你驟征驍飛走。你不肯擡頭望。你枉做箇虎體鵠班。卿相種。你本是花根本。豔鐵衣郎。〔李老兒云〕老漢敢動問哥哥麼。這箇關雲長將軍。平生一世。他那性體若何。老漢待告他去。看着他孩兒相持戰討纔回來。則怕饒了時。教老漢可怎了也。我敢去告他麼。〔正末云〕我說與你者。

〔唱〕

〔牧羊關〕俺將軍他生的九尺二神威像。性忠直有紀綱。更生的貌堂堂。志氣昂昂。瀟陵橋退却曹兵。刀挑袍威懾了衆將。他也曾誅了文醜。他也曾刺了顏良。他也曾襲了車胄。他也曾鼓三聲斬了蔡陽。〔云〕你告元帥去。〔李老兒云〕哥哥。你說的是也。老漢捨了這箇老性命。我告他去也。〔正末云〕你不會見俺那老將軍秉性忠直。慷慨英雄。你告去。你告去。〔李老兒云〕老漢知道了也。〔正末唱〕

〔尾聲〕你告着馬躡殺七步才。親生子三魂喪。你試看八面威將養親兒一命償。俺將軍性忠直有氣像。舉諸直錯諸枉。有胸襟有膽量。不管那有功勳能相持慣戰討。威風英勇將。則論那人死在路傍。則與那嬰童的命償。俺將軍怎肯道饒了關平便休想。〔同曳刺下〕〔李老兒云〕老漢不敢久停久住。直到城中元帥府下。告關平走一遭去。〔下〕

第三折

〔張苞同趙冲黃越馬忠上〕〔張苞云〕某乃張苞是也。與三位兄弟得勝已回。誰想關平先走透了消息。那苦主家要入城來告狀。若是伯父知道呵怎了。俺四位將軍。遠着這城中衙門左右。但尋見那苦主家。我多與他些金銀。圓和此事。休着俺伯父知道。便是俺平生願足。不問那裡。尋着那老的。走一遭去。〔同衆下〕〔正末扮雲長領卒子上〕〔正末云〕某姓關名羽字雲長。蒲州解良人也。俺大哥是大樹樓桑人也。姓劉名備字玄德。三兄弟涿州范陽人也。姓張名飛字翼德。俺弟兄三人。在桃園結義之後。兄弟張飛。今在閬州鎮守。某爲荊州大帥。見今八方寧靜。四海晏然。今有草寇張虎張彪。柰俺相持。奉軍師將令。差小五虎將擒拏去了。某今等候報功。俺想掌軍權帥府。也非同小可也。〔唱〕

〔中呂粉蝶兒〕俺可便居住中華。捲征旗盡皆都罷。俺也曾戰討征伐。往常我列刀槍。排戈甲。我可便常穿披掛。今日箇列簪纓大纛高牙。太平年勝添禾稼。〔醉春風〕這些時穩收着三停刀。塵蒙了一副甲。則我這腰懸寶劍不離匣。常則是插插。我閑時節看一會春秋。講一會左傳。並無那半星兒牽掛。〔云〕小校門首覷者。則怕有報功的來也。〔卒子云〕理會的。〔李老兒上云〕老漢來到帥府門首也。好冤屈也。〔卒子云〕甚麼人叫冤屈。拏住者。〔李老兒云〕哥哥。我見元帥自有說的話。〔卒子云〕你則在這裡。我報復去。〔見正末科〕〔云〕報的元帥得知。門首有一老子。特來告狀。〔正末云〕着他過來。〔卒子云〕理會的。〔做出門科〕〔云〕兀那老子過去。〔李老兒做見正末科〕〔卒子云〕當面。〔李老兒跪科〕〔正末云〕兀那老的。我見你那中珠模樣。必是銜冤負屈的也。〔李老兒云〕不枉了是掌軍權的元帥。老漢委實冤屈也。〔正末唱〕

〔紅繡鞋〕必定踏踐了秋田禾稼。〔李老兒云〕不是有人躡殺我的孩兒也。〔正末唱〕却原來傷損了他親生的子。後代根芽。〔云〕關西准備着。〔唱〕便把那欺壓良民的這逆賊拏。〔李老兒云〕元帥。他說是權豪之家。十分利害。〔正末唱〕者莫他是三公位。者莫他是五侯家。他不合把平人馬踐殺。〔云〕你說你那詞因來。我試聽者。〔李老兒云〕大人可憐

兒聽老漢慢慢的說一遍者。告元帥停嘆息怒。聽老漢從頭分訴。我本是集賢莊人氏。嫡親的三口兒家屬。老漢名本是王榮。俺孩兒喚做福住。他長年一十一歲。應過了嬰童文舉。和孩兒城中探親。正行到半路其途。見一箇年小的將軍。他生的一表非俗。跨下騎劣馬一匹。踏孩兒一命身死。老漢忙向前打聽。說關平是他名目。我年老無人侍養。眼睜睜滅門絕戶。告你箇性忠直慷慨的元帥。與俺這無倚無靠王榮做主。〔正末云〕兀那老的。你一壁有者。等關平來時。某與你親身自問。小校門首覷者。若關平來時。報復我知道。〔關平上〕〔云〕某乃關平是也。收捕了二賊將已回。軍師行報了功也。見俺父親。走一遭去。來到也。接了馬者。小校報復去。道關平得勝已回也。〔卒子云〕理會的。〔做報科〕〔云〕喏。報的元帥得知。有關平來了也。〔正末云〕與我拏過來。〔卒子云〕理會的。〔做拏關平見正末科〕〔關平云〕父親。您孩兒擒拏二賊將回來也。〔正末云〕關平。你知罪麼。〔關平云〕您孩兒不知罪。我則有功勞。無有罪犯。〔正末云〕關平。你好無禮也。你刻的推不知哩那。〔關平云〕父親。您孩兒入的城來。那百姓每見了您孩兒這等披掛。說孩兒與父親一般威風也。〔正末唱〕

〔石榴花〕你怕不戰袍可襯錦團花。〔關平云〕父親說您孩兒好武藝。〔正末唱〕你道你那武藝衆人誇。則你那寶雕弓飛魚袋可堪拏。走獸壺將箭插。劍不離匣。見敵

軍立在門旗下。〔關平云〕論您孩兒相持廝殺。對壘迎敵。敢戰千合。並無懼怯之心也。〔正末唱〕你道你戰千合並不身乏。〔關平云〕您孩兒聽的廝殺呵。便有精神也。〔正末唱〕你道你相持廝殺精神大。你不怕戰法亂如麻。〔關平云〕父親。您孩兒爲將已來。也多曾建功也。〔正

末唱〕

〔關鶴鵠〕你不肯撞陣衝軍。你可便臨崖勒馬。〔云〕你會馬。驢死人家小的來麼。〔關平云〕您孩兒不會驢死人家小的。〔正末云〕小校着那老的過來。試認他者。〔卒子云〕理會的。兀那老的。着你過去認他哩。〔李老兒做見關平認科〕〔云〕大王。正是這箇將軍。驢殺我孩兒來。〔關平云〕我道是誰。原來是那官道傍邊蕩倒那小孩兒的父親。父親。不干您孩兒事。是那馬犇劣。您孩兒因報喜信。蕩倒他來。〔正末唱〕你道是馬硬難騎。你可不用心戰伐。你今日便驢死尋常百姓家。兀的是你的罪麼。那孩兒他在官道上橫屍。關平也。你索去雲陽赴法。〔張苞同趙沖黃越馬忠上〕〔張苞云〕某乃張苞是也。誰想入的城來。尋不見那告狀的人。不想他告了俺伯父前。則怕見關平的罪麼。俺四將見伯父。走一遭去。可早來到帥府門首也。不必報復。我自過去。〔四將見正末科〕〔張苞云〕伯父。您孩兒得勝回還也。誰想關平驢殺這老子的孩兒。伯父見關平罪。論着這相持廝殺。對壘迎敵。也將功折過也。〔正末怒云〕噤聲。可比我那誅文

醜刺顏良爭多哩也。(唱)

〔上小樓〕若題起我那相持廝殺。則我那一身披掛者。莫他戰將千員。敵兵百萬。敢我觀的他冷笑呷呷。猛聽的戰鼓搥。喊聲發。號敵軍心驚膽怕。關平也。你端的可便枉生在俺這大將軍門下。(云)關平你聽者。無故躡殺平人。怎肯干罷。願別却啗父子之情。當可與人償命。(關平云)事到今日。是您兒之罪。望父親息怒者。(正末云)小校。便與我拏下關平者。道不的箇酒肉穿腸喫。王法依正行。(唱)

〔尾聲〕那老兒怨哀哀來告你。不由我氣撲撲怒轉加。你正是欺良民。無道理。傷風化。(云)你躡殺人不償命呵。(唱)枉惹的巨眼目高人將我來唾罵殺。(衆同下)

第四折

〔黃忠同馬超張飛趙雲領卒子上〕(黃忠云)歡來不似今朝。喜來那逢今日。某乃黃忠是也。誰想五箇小將軍。領軍擒拏張虎張彪。馬到處一鼓而平收。某甚是歡喜。小校轅門首看者。若孩兒每來時。報復我知道。(卒子云)理會的。(張苞同馬忠黃越趙冲上)(張苞云)某乃張苞是也。今有伯父要斬關平。衆弟兄每。怎生是好。俺今日見了父親。報了喜信呵。說關平之事。可早來到也。不必報復。俺四將自己過去。(張苞同三將做見科)(張苞云)父親。您孩兒將二賊寇一鼓而平。

收。今日回程。特來報功也。〔黃忠云〕孩兒每也不枉了。壯哉壯哉。〔張苞同三將跪科〕〔黃忠云〕孩兒每。您有何話說。〔張苞云〕父親不知。因俺得了勝也。着關平先來父親跟前報喜。誰想路途中。躡殺人家小的。不期那苦主家來告狀。如今伯父見怒。要殺壞了關平。父親。怎生搭救關平。可也好也。〔黃忠云〕您都起來。我若見了你伯父。我自有主意。〔馬超云〕哥哥。這小將每如今建了功勞。若是二哥斬了關平。怎生是好也。〔趙雲云〕三位哥。既然要搭救去。則除是三哥救的關平。〔張飛云〕兄弟。我怎生救他。〔趙雲做打耳暗科〕〔云〕則除是恁的。〔張飛云〕哥哥兄弟您放心。要救關平。都在張飛身上。俺四將也不用披袍擐甲。也不索統領雄兵。衆將到元帥府下。看張飛搭救關平。〔同下〕〔王夫人上〕〔云〕天下人煩惱。都在我心頭。妾身乃壽亭侯的王夫人是也。有關平孩兒。因征西去得勝。回來報功。馬躡殺平人性命。那苦主人家。告到俺壽亭侯跟前。壽亭侯要將關平孩兒殺壞了。與那苦主家償命。便好道腸裏出來腸裏熱。我如今與孩兒送一頓飯與孩兒喫了呵。以表俺子母每心腸。〔曳刺上〕〔云〕夫人。喚曳刺做甚麼。〔夫人云〕曳刺。喚你來別無甚事。下次小的每將來。曳刺。你將着這酒飯。直至法場上。與關平孩兒送去。這飯是長休飯。這酒是永別杯。關平孩兒若喫了呵。你可來回我的話。關平孩兒也。則被你痛殺我也。〔下〕〔曳刺云〕奉夫人的言語。將着這長休飯永別杯。不敢久停久住。直至法場上。與小將軍送

飯。走一遭去。老夫人說的叮嚀。淚盈盈思憶關平。將酒飯親身自送。方表他子母之情。〔下〕〔姜維上〕〔云〕祖父艱辛立業成。子孫榮襲受皇恩。爲臣輔弼行肱股。保祚皇朝享太平。小官姜維是也。自中甲第以來。累蒙擢用。今佐於玄德公麾下。在此西蜀。爲其太守之職。因五月十三日。是二將軍雲長生辰貴降之日。俺主公命孔明軍師并衆將。直至荊州。與雲長做生日。有孔明軍師言說。江夏二賊寇故來索戰。軍師差小五虎收捕二賊寇。一鼓而平收。有關平先回報喜。行至半途。馬蹏殺人家一箇小孩兒。如今雲長要將關平殺壞了。小官奉命。一者爲軍情之事。二者將功折過。小官不分星夜。直至荊州。搭救關平。并加官賜賞。走一遭去。我不分星夜到荊襄。小官親身見雲長。將他這蹏殺平人罪饒過。免教關平赴法場。〔下〕〔正末領張苞馬忠黃越趙冲卒子做拏關平上〕〔正末云〕衆關西與我拏過關平來者。〔卒子云〕理會的。〔做拏關平跪科〕〔關平云〕父親。是您孩兒不是了也。可憐您兒者。〔正末云〕關平。噲則一時一刻相見。見今可是你的不是了也。〔關平云〕父親。本是您孩兒的不是了也。〔張苞同三小將做跪科〕〔張苞云〕伯父。怎生將功折過。適間拏過關平來。滿城裏人人垂淚。箇箇發悲。世人尙然如此。伯父想父子之情。怎生饒過了關平者。〔正末云〕姪兒每。您說的差了也。〔唱〕

〔雙調新水令〕你道是滿城人無一箇不悲啼。你道是鐵石人見了呵垂淚。

〔三〕他則是乾替他煩惱。〔唱〕淚不淹丹鳳眼。惱的我緊皺定臥蠶眉。〔張苞云〕伯父。今日天色怎生陰暗也。〔正末云〕您小將軍每試看。〔張苞云〕伯父。可看甚麼那。〔正末唱〕你試看那霧慘雲迷。〔云〕他不是雲霧。〔張苞云〕可是甚麼那。〔正末唱〕都是那心頭怨。肚中氣。

〔張苞云〕怎生饒過關平者。〔正末云〕他的罪犯饒不過。〔趙雲上〕〔云〕某乃趙雲是也。俺二哥果然要斬關平。我索搭救小將軍去者。可早來到也。不必報復。我自過去。〔做見正末科〕〔云〕哥哥。小將軍多有功勞。汗馬看您兄弟面。饒過小將軍者。〔正末云〕逆了面皮也罷。我不饒他。〔馬超上〕〔云〕某乃馬孟起是也。搭救關平。走一遭去。不必報復。我自過去。〔做見正末科〕〔云〕哥哥。看您兄弟面皮。饒了關平者。〔正末云〕兄弟。我決然不饒他。〔馬超云〕可怎生不見黃忠來。〔黃忠上〕〔云〕某乃黃忠是也。二位兄弟。先去搭救關平去了。三兄弟。你且慢慢的來。我見二將軍去。不必報復。我自過去。〔做見正末科〕〔云〕哥哥。想關平有如此一件功勞。你怎生堅意的不饒他。〔正末云〕我饒不的也。〔唱〕

〔鴈兒落〕則您這衆將軍來勸伊。想當日四海皆兄弟。有馬孟起趙子龍。有黃漢昇少張車騎。〔黃忠云〕看三位兄弟面。怎生饒了關平者。〔正末云〕休道是您勸我。〔唱〕

〔掛玉鉤〕便跳出俺七代先靈勸不得。〔趙雲云〕二哥。想這場廝殺相持。非同小可。便饒

殺平人也。則因報喜信來。他又不曾私已走馬。便躍了呵。打甚麼不緊。〔正末云〕您衆將休鬧。他來報功。躍殺平人。比我昔日魯子敬請我如何。〔唱〕我當日箇獨自赴單刀會。我又不曾袖得春風馬上歸。我更喫的醺醺醉。我尙且慢慢行。緊緊的提着金轡。我也不曾蕩倒箇平人。事到今日。〔衆將齊聲云〕哥哥饒了關平者。〔正末云〕我斷然饒不的他。我若是饒了他呵。惹人談論我。兀那老的說見麼。着俺這關平與你那孩兒償命。刀斧手。與我斬了關平者。〔卒子云〕理會的。〔曳刺送飯冲上〕〔云〕匹直性快關西漢。跟隨官長効慇懃。洒家關大王府中一箇曳刺的便是。奉老夫人的言語。與關平小將軍送飯。可早來到也。〔做見關平科〕〔云〕兀那不是小將軍。〔關平云〕關西你來做甚麼。〔曳刺云〕我奉着老夫人的言語。將着這長休飯永別杯。着小將軍喫些兒者。〔正末云〕關平。你母親與你送酒飯來。孩兒也。你喫些兒。你喫了這長休飯永別杯。俺父子便是別離了也。〔關平悲科〕〔張飛冲上〕〔云〕某乃張飛是也。搭救關平。走一遭去。可早來到法場上也。〔曳刺卒子慌走科〕〔張飛云〕你那裡去。住者。〔做打倒衆卒子科〕〔云〕我這裡手批夜叉枷。忿氣逞雄威。丟了長休飯。漾了永別杯。我這裡裸袖忙那步。手扯豹旗。將那關西都打散。誰敢勸張飛。哥哥。你差了也。想瞞桃園結義。宰白馬祭天。殺烏牛祭地。對天盟誓。俺一在三。一亡三亡。他小弟兄五箇。一在五。一亡五亡。他四箇若不着關平來報喜呵。

怎道的躡殺人。將劍來。俺休勸哥哥。咱各自殺各自的。張苞跪者。來受死。我着你一亡五亡。
〔黃忠云〕張飛也說的是。俺弟兄四人。將這四箇小將軍。都殺壞了罷。與關平一處死也。
〔正末云〕這一場怎了也呵。
〔唱〕

〔川撥棹〕衆將軍叫如雷。見張飛怒從心上起。乍開髭髻。剔豎神眉。按不住風火般雷霆性體。說的俺刀斧手魂魄飛。

〔七弟兄〕您都走到這裡。一齊的鬧起。使些狂威。
〔張飛云〕比我那摔袁祥。鞭督郵。當陽橋上喝退曹兵。可如何。但有來勸的。吓我着他一人喫我一鞭。
〔正末唱〕你道當陽橋曾喝的曹兵退。摔袁祥。鞭督郵。那雄威。你氣狠狠走出石亭驛。

〔梅花酒〕你可便怒些甚的。
〔張飛云〕這老子他欺負張飛也。
〔正末唱〕你不是人善人欺。便努目騰眉。都唱叫揚疾。且守定波張翼德。我勸趙雲再商議。老黃忠且住者。馬孟起咱好相識。我倒將您勸不的。咱好商量便依隨。

〔喜江南〕呀。你勸我倒教我死。及他遭刑犯法待推誰。
〔張飛怒云〕我扯了這豹纛旗。
〔正末唱〕他不由咱扯了豹纛旗。您衆人住者。我饒不饒。心下在疑惑。
〔趙雲云〕二哥若不饒了關平呵。俺將這四箇小將軍都殺了。與關平一處身亡。
〔正末云〕您衆弟兄

每面皮須有。爭奈這箇原告主家。不肯取和也。〔張飛云〕狀頭在那裡。與我拏過來。〔卒子云〕理會的。〔卒子拏李老兒上〕〔云〕當面。〔李老兒跪科〕〔云〕將軍。則老漢便是原告。〔張飛揪住李老兒科〕〔云〕兀那原告。你近前來。你若息了詞。你肯饒過我姪兒關平。我與你千兩黃金。你若不息詞呵。你見麼。我則一鞭就打殺你。我着你死無葬身之地。你尋思者。〔李老兒云〕老漢情願息詞。〔張飛云〕您衆人聽的麼。他饒了關平。息了詞也。可不是我唬嚇他也。〔姜維冲上〕〔云〕小官姜維是也。可早來到荊州也。兀的不是法場斬關平哩。左右接了馬者。且留人。您一行人聽聖人的命。則爲您五虎小將。擒拏賊子。多有功勳。有關平班師回程。驢殺平人。一來軍情之事。將功折過。將這苦主家賜黃金百兩。免本處差役。您衆將聽者。則爲您護國顯忠良。捨命保朝綱。今日箇收捕二賊子。苦戰在殺場。張苞是擎天白玉柱。馬忠是架海紫金梁。趙冲是赤心扶社稷。黃越是英勇世無雙。一箇關平功勞大。免教赴法場。今日箇加官并賜賞。一齊的望關謝吾皇。

題目 集賢莊王榮告狀

正名 壽亭侯怒斬關平

怒斬關平穿關

頭折

[illegible]

第二折

張虎	皮簑簷帽	膝欄曳撒	掩心	張彪	皮盔	膝欄曳撒	掩心甲	關平	四將	同前
甲	項帕	直纏	襜膊	劍	項帕	直纏	襜膊	劍	關平	四將
李老兒	王榮	一字巾	茶褐直身	卜兒	塌頭手帕	眉額	襖	俅兒	銀錠	青衣
繼兒	蒼白髯	拄杖	兒	裙兒	布襪	鞋	俅兒	項帕	襜膊	

關平又上同前 張苞趙冲黃越馬忠同前 官人紗帽圓領角帶 令史吏巾圓領 張千

攢頂圓領項帕 孝老兒又上同前 正末關西曳刺白氈帽錦襖項帕法墨氈直纏襖膊行纏猛髯牽馬

第三折

張苞趙冲黃越馬忠同前 正末關雲長滌青巾蟒衣曳撒紅袍項帕 卒子同前

孝老兒同前 關平同前 張苞趙冲黃越馬忠又上同前


第四折

黃忠馬超張飛趙雲卒子同前 張苞馬忠黃越趙冲同前 王夫人場頭手帕眉額

兒膝襖裙布襪鞋 曳刺白氈帽補納直身項帕襖膊猛髯 姜維一字巾補子圓領帶三髯 正末關雲長張苞馬

忠黃越趙冲卒子同前 關平小帽手帕藍直身綿布氈帶枷鎖 趙雲又上同前 馬超又上同前 黃

忠又上同前 曳刺又上同前 張飛又上同前 卒子孝老兒同前 姜維又上同前



周公瑾得志娶小喬

闕名

頭折

〔冲末扮孫權領卒子上〕〔孫權云〕虎略龍韜膽氣雄。人強馬壯顯威風。三分其地傳天下。威名獨霸占江東。某姓孫名權字仲謀。乃吳郡富春人也。孫武之後。祖乃孫鍾。父乃孫堅。兄乃孫策。自父堅起義。兄策嗣業。某承祖志。建國武昌。遷都建業。某威鎮江東八十一郡。錦繡江山。某手下雄兵百萬。戰將千員。掌東吳之地。聞知喬公所生二女。乃是大喬小喬。此二女子。皆有國色。善曉兵書戰策。通達文理。美貌過人。某下財禮娶大喬做夫人。今選吉日良辰。娶親過門。排筵慶會。豈不樂乎。某無甚事。且回後閣去也。異品時新設大筵。笙歌絃管樂聲喧。新親慶賀成姻眷。滿堂和氣喜團圓。〔下〕〔外扮喬公領淨家童上〕〔喬公云〕白髮刁騷兩鬢侵。老來灰盡少年心。等閑贏得食天祿。但得身安抵萬金。老夫姓喬名玄字仲華。江東吳國人也。自漢建寧中曾爲司空太尉之職。因老夫年邁。致仕閑居。夫人劉氏所生二女。皆有國色。名號曰大喬小喬。深通文墨。頗看詩書。聰明智慧。今有吳侯下財治禮。娶大喬爲妻。老夫甚喜。選吉日良辰。過門婚配。家童着梅香轉報後堂中。請將兩箇小姐來者。〔淨家童云〕理會得。梅香。後堂中請出二位小姐來。〔二旦扮大喬

小喬淨梅香上。(大喬云)蘭堂畫閣玳瑁排。繡裙飄蕩拂香堦。金縷仙裳宜禁步。寶髻雲鬟金鳳釵。妾身大喬。妹子小喬。俺姊妹二人。多蒙父母嚴教。久習文墨。頗看詩書。今有江東吳侯。下財治禮。娶妾身為妻。選吉日良辰。配合過門。有妹子未曾婚配。俺正在繡房中看書。梅香來報。父親呼喚。須索走一遭去。(小喬云)姐姐。父親呼喚。咱姊妹二人。則爲姐姐這門親事未完也。(大喬云)妹子說的是。(淨梅香云)您姊妹二人。大喬姐姐有了親事了。則有二喬姐姐未曾有親事哩。也則在早晚看梅香幾時是了。如今天道冷了也。要箇溫腳的。(淨家童云)梅香。你不棄嫌。家童情願與你溫腳罷。(大喬云)兀那家童。你怎敢多言。(淨家童云)我在下家童不敢。(大喬云)報復去。道有俺姊妹二人來了也。(淨家童云)理會的。有二位姐姐來了也。(喬公云)着兩箇孩兒過來。(淨家童云)理會的。二位姐姐。着你過去哩。(做見科)。(大喬云)父親。喚您孩兒來。有甚事也。(喬公云)喚您來別無甚事。自從吳侯下財治禮。娶你做夫人。老夫不勝之喜。止有小喬未曾婚配。老夫務要尋箇對門。方許成親。我自有箇主意。吳侯擇吉日良辰。娶親過門。着下次小的每。便安排筵席。與孩兒慶喜宴會。(小喬云)父親一壁收拾妝奩。陪送姐姐。選吉日良辰過門。您孩兒的事。父親不必憂慮。想姻緣婚配之理。豈非偶然也。(喬公云)孩兒說的是。老夫自有箇主意。您二人且回繡房中去。(大喬云)妹子。俺回繡房中去來。月下老前生注定。天配合今世姻緣。

婚姻事非同小可。遵典禮上古流傳。〔同小喬淨梅香下〕〔喬公云〕兩箇孩兒。回繡房中去了。老夫想來。郎才女貌。兩相相宜。婦貴夫榮。福祿齊。美滿姻緣。天注定。開筵慶賀。捧金盃。〔同淨家童下〕

〔正末扮周瑜上〕〔云〕小生姓周名瑜字公瑾。廬江舒城人也。幼習先王典教。後看韜略遁甲之書。學成文武兼濟。爭奈時運未遂。因此布衣之中。因遊學到此。江東有一故友。乃魯子敬。此人才德兼備。常與小生談話。想周瑜空學成滿腹文章。何日是我那蟬噪發達的時節也呵。〔唱〕

〔仙呂點絳脣〕則爲我幼習慇懃。頗蒙師訓。行忠信。善武能文。兀的不困殺周公瑾。

〔混江龍〕雖然是高談闊論。不能彀趁鵬搏九萬步青雲。空受了些齏鹽歲月。閑居在白屋寒門。我則怕老了這渭水磻溪姜呂望。誰肯似尊賢好士信陵君。好教我無投奔。想着那蕭丞相三番舉薦。那箇學漢高皇捧轂推輪。〔云〕小生無甚事。看幾行詩書。看有甚麼人來。〔外扮魯子敬領淨興兒上〕〔魯子敬云〕頗看先賢遁甲書。胸懷志氣有誰知。異日時來當奮發。方顯男兒大丈夫。小生姓魯名肅字子敬。本貫江下臨淮人也。幼習先王典教。頗曉呂望之書。祖宗積德。頗有錢財。小生平昔之間。有一故友。姓周名瑜字公瑾。此人文武兼濟。爭奈時運未通。小生常與公瑾談話。結爲昆仲之交。今日無甚事。探望賢弟。走一

遭去。可早來到也。無人報復。自己過去。〔做見科〕〔正末云〕哥哥來了也。哥哥請。〔做施禮科〕
〔魯子敬云〕公瑾兄弟。您哥哥無甚事。特來探望賢弟也。〔正末云〕哥哥。量兄弟有何德能也。哥哥請坐。〔魯子敬云〕兄弟也。似這等清貧自守。何不求其舉薦。但得一官半職。可不強似你在於布衣之中也。〔正末云〕哥哥。您兄弟怕不要爲官。無人舉薦。焉能自進也。〔魯子敬云〕憑兄弟文武全才。必有嶄嶄之日也。〔正末唱〕

〔油葫蘆〕您兄弟才已包含德潤身。況時乖歲月緊。〔魯子敬云〕自古以來。則不兄弟受貧。至如齊國管仲。在於布衣。多虧鮑叔舉薦也。〔正末唱〕想着那齊國管仲受清貧。那裡取鮑叔薦引多才俊。〔魯子敬云〕您哥哥爲兄弟功名未遂。拳拳在念。未曾放懷。兄弟俺二人比漢順帝時雷義陳重。有何差別也。〔正末唱〕嗒做學那陳雷膠漆相親近。〔魯子敬云〕可惜埋沒了兄弟文武之才也。〔正末唱〕空學的三略法。枉廢了孔聖文。爭柰我時乖運拙難前進。幾時能穀朝帝闕受君恩。〔魯子敬云〕想伊尹長於空桑。後來耕於有莘之野。湯聘之爲相。您哥哥想來。似你學成將相之才。必有顯達之日也。〔正末唱〕

〔天下樂〕想當時伊尹甘貧耕有莘。到後來殷也波湯就將基業新。他可便受阿衡相佐居上品。扶持的日月安。輔助的天下穩。不枉了立功勳。作大臣。〔淨與

兒云〕我說子敬老官兒。你則勸別人做官。你也是白衣人。前日悞了巡夜。兵馬司着牌子弓兵。拏你。誑的碎屁兒直流。〔魯子敬云〕這厮靠後。兄弟。便好道奮發有時。見今吳魏劉招賢納士。三分天下。各有文武賢才輔佐。且待時守分。異日必有崢嶸發跡之日也。〔正末云〕哥哥也說的是。〔唱〕

〔那吒令〕您兄弟自忖。爲功名事緊。一會家暗忍。奈窮途受窘。空教我暗哂。奈天公未允。〔魯子敬云〕見今三國爭雄。何愁進身乏術也。〔正末唱〕見如今吳魏劉各霸國。據州郡。我道來須有箇安身。〔淨與兒云〕休說公瑾叔。我與兒也要做箇總甲。怕難吹噓之力。等周叔做了官。與兒替周叔夾鞍籠頂道。〔正末唱〕

〔鵲踏枝〕劉先主。漢宗親。曹孟德。是奸臣。見如今吳國孫權。當代爲君。我若是但進身功名事准。你看我立吳邦龍虎風雲。〔魯子敬云〕兄弟。您哥哥聞知喬公有二女。大喬小喬。二女皆有國色。大喬嫁與吳侯孫權。止有小喬未曾招嫁。據兄弟文武英才。何不娶小喬爲妻也。〔正末云〕哥哥說差了。〔魯子敬云〕可是爲何也。〔正末唱〕

〔醉扶歸〕我怕不文武多才俊。爭奈我貧苦受艱辛。我怎做的攀高接貴人。〔魯子敬云〕見今吳侯娶了大喬。據兄弟娶小喬。有何不可。〔正末唱〕教人道怎敢教魚龍混。〔魯

子敬云：「您哥哥舉此一樁美事。兄弟如何不納也。」〔正末唱〕：「非是我心中未肯。我則怕弄巧番成空。」〔淨興兒云〕：「公瑾叔也說的是。常肯便好。若不肯時。羞的不如偷鹽的。」〔魯子敬云〕：「靠後。兄弟但若允納。您哥哥不才。願成此一樁事。兄弟意下如何。」〔正末云〕：「既然如此。多謝了哥哥。」

〔淨興兒云〕：「你原來假乖弄虛頭。草繩兒你休拽脫了。」〔正末唱〕：

〔金盞兒〕：「哥哥你肯爲人。您兄弟已消魂。我則怕乾支刺未肯成秦晉。」〔魯子敬云〕：「兄弟但放心。您哥哥自有箇主意也。」〔正末唱〕：「哥哥你心懷妙策善經綸。」〔魯子敬云〕：「若喬公但言財禮。您哥哥一面承當也。」〔正末唱〕：「哥哥你志高如周公旦。量寬似孟嘗君。果然是姻親同配偶。恁時節答報你箇大恩人。」〔魯子敬云〕：「兄弟放心。您哥哥到來日。親自到於喬公宅上。問這門親事。論兄弟文武才能。必然允納。那其間您哥哥助三千斛麥與兄弟。必然成其配偶也。」〔正末云〕：「多謝了哥哥。此恩必當重報也。」〔魯子敬云〕：「兄弟但放心。」〔淨興兒云〕：「好好好。別的不打緊。一表好人物。」〔魯子敬云〕：「你在那裡見他來。」〔淨興兒云〕：「你不知。那一日家裏小姐。着我問大喬討鞋樣兒去。我到的大喬房裏。他姊妹兩箇。正搭伏着肩膀看書哩。」〔魯子敬云〕：「這廝胡說。」〔正末唱〕：

〔尾聲〕：「從今後打疊起腹中憂。空着我怙題着心頭悶。全憑着月下老慇懃配。」

准。休教這紅線錯拴了脚後跟。〔魯子敬云〕兄弟。您哥哥這一去。必然成就了這門親事。〔正末唱〕您兄弟又不犯寡宿孤辰。有一日配紅裙酒泛金樽。那其間畫閣春深蘭麝熏。〔魯子敬云〕兄弟。若成了這門親事。久後吳王必有重用也。〔正末唱〕久後若身驅着大軍。腰懸着金印。恁時節意慇懃。須報你箇大恩人。〔下〕〔魯子敬云〕兄弟去了也。恰纔談論之間。說起小喬一事。小生必索盡心竭力。幹此一件事。今日且還家中。到來日親至喬公宅上問親。走一遭去。小生舉意去求親。女貌郎才作對門。未遇之間成配偶。久後當爲人上人。〔同下〕

第二折

〔喬公領淨家童上〕〔云〕老夫喬公是也。自從將大喬嫁與吳侯。過門之後。官員人等將老夫國老之稱。止有小喬孩兒。未曾許聘他人。今日無甚事。在於私宅中閑坐。家童門首覷者。看有甚麼人來。〔淨家童云〕理會的。〔魯子敬上〕〔云〕小生魯子敬是也。去喬國老宅上。與周公瑾題親。走一遭去。可早來到也。家童報復去。道有魯肅特來拜見。〔淨家童云〕理會的。〔做報科〕〔云〕報的國老得知。有魯肅特來拜見。〔喬公云〕道有請。〔淨家童云〕理會的。老官看有井。〔魯子敬云〕敢是有請。〔淨家童云〕你倒說的是。〔做見科〕〔魯子敬云〕國老支揖哩。〔喬公云〕子敬勿罪。有勞

貴步降臨也。〔魯子敬云〕不敢。小生此一來別無甚事。今有周瑜。央浼小生前來。所求小姐這門親事。未知國老意下如何。〔喬公云〕老夫聞知周瑜有經濟之才。文武兼備。久後必有崢嶸之日。老夫將次女小喬。許聘此人。豈不聞先功名而後妻室。等周瑜爲官之後。方可成親也。〔魯子敬云〕謝了國老。既然許了這門親事。小生告回。與周瑜說知。走一遭去。〔喬公云〕子敬。可以與他說知也。〔魯子敬云〕國老胸懷志量高。周瑜年少顯英豪。今朝許聘爲姻眷。待他平步上青霄。〔喬公云〕魯子敬去了也。誰想周瑜來求親。老夫爲何允納。此人久後。必然爲官。老夫陪緣房斷送。準備慶喜筵會。小子周瑜非等閑。今朝許聘結姻緣。異日昇騰時必遂。自然獨步上青天。〔同下〕〔正末上〕〔云〕小生周公瑾。央浼魯子敬哥哥。到喬國老宅中間親去了。未知如何。雖然如此。着小生放心不下也。〔唱〕

〔中呂粉蝶兒〕我如今活計煎熬。又攪下不明白這場焦燥。則被這陋巷中困殺英豪。往常我論黃公。習呂望。乾休了龍韜虎略。爭奈我命蹇緣薄。幾時得配鸞凰一雙年少。

〔醉春風〕空耽了雲雨夢巫山。虛傳了桃源謁故交。爭奈我一貧如洗困紅塵。弄甚麼巧。巧。這的是天地栽培。也是俺弟兄情分。須有箇姻緣着落。〔云〕小生在

此閑坐。則怕哥哥到來。〔魯子敬領淨興兒上〕〔魯子敬云〕小生魯子敬爲周公瑾娶小喬一事。到於喬公宅上。求此一門親事。不想喬公欣然許諾。喬公所言。論周瑜文武全才。必有崢嶸之日。時間未成就。等周瑜爲官之後。方纔許聘。小生不敢久停。報與兄弟得知。可早來到也。無人報復。我自過去。〔見科〕〔正末云〕哥哥來了也。這親事如何。〔魯子敬云〕兄弟也。賀萬千之喜。您哥哥已見了喬公。說此一樁事。甚是允諾。兄弟。皆因你有秦晉之喜也。〔淨興兒云〕叔叔且喜且喜。興兒聽的說了。喜不自勝。聖人有言。子張學趕鹿。爲人何不捉兔兒。〔魯子敬云〕興兒靠後。〔淨興兒云〕我周叔喜的臉兒一掇沙糖。則在鼻子尖兒上。〔魯子敬云〕興兒休胡說。〔正末唱〕

〔迎仙客〕聽言罷說。就裏我心下自量度。這姻緣偶然間難配却。〔魯子敬云〕喬公所言。先功名而後妻室。料着兄弟功名不遠也。〔正末唱〕投至的跳龍門脫浪濤。我則待乾老了班超。〔魯子敬云〕兄弟。你的功名有哩。奈時間未遂也。〔正末唱〕我想這名與利。是人之所好。〔淨興兒云〕老叔。你放心。老喬他也有眼。憑着老叔文武兼濟。又生得這等人才。又會唱雜劇。必有高官貴職。我說周叔。你若擡手做了官。你則休忘了我們爹和區區興兒。〔魯子敬云〕靠後。兄弟休憂心。自古以來。則不你一人受窘也。〔正末唱〕

〔醉高歌〕哥哥。你將前賢仔細評跋。能解釋周瑜意錯。好教我迷留沒亂傷懷。

抱幾時得朝帝闕丹墀拜表。〔魯子敬云〕兄弟乃英才美士。何必魯肅多言。想古者賢人。至
於傳說版築之間。孔子厄於陳蔡。陳平宰社。韓信垂釣。後來官居極品。位列都堂。大剛來奮發有
時也。〔淨與兒云〕老兒。你道說與他。等到那箇時兒纔好。子丑寅卯。則要機巧。嫌子過門。方纔是
好。〔正末唱〕

〔石榴花〕哥哥你談今論古說根苗。我這裡一一鑑分毫。想着那大賢人版築
受劬勞。殷高宗夢覺。圖彩丰標。遇賢人國祚興王道。立殷商六百其高。〔魯子
敬云〕孔宣聖陳蔡絕糧。後爲魯國司寇。誅殺少正卯。爲萬代帝王之師也。〔正末唱〕若說着宣尼
孔聖興儒教。見如今文業輔清朝。〔魯子敬云〕至如陳平受窘。到後來扶立漢朝爲相。韓信
垂釣。封爲三齊王之職。後來都皆顯達也。〔淨與兒云〕執迷人難勸。我說周先兒。你喫鹽多似我
喫米。這功名富貴。妻財子祿。前生注定的。娶過小喬來。成了親事。周叔必然爲官。那其間纔是功
成名就。俺大家喫喜酒兒耍子。〔正末唱〕

〔鬪鶴鶩〕若說着漢國陳平。更和那韓侯重爵。到後來漢祖登基。項籍項籍喪
却。想着世態榮枯的緣分。教把平生勲業考。〔魯子敬云〕兄弟。要功成名就。可謁託於人。
求其舉薦。待時運亨通。自有顯達之日也。〔正末唱〕我若是得志爲官。須索要伏低做小。

〔云〕哥哥。既喬公所言。將小喬許與小生爲妻。須索爲官之後。方成此事。況小生貧寒。便怎生得這財禮來。〔魯子敬云〕兄弟勿憂。你若成這門親事。您哥哥無甚麼。助三千斛麥。與兄弟做財禮。意下如何。〔正末云〕索是多謝了哥哥。〔淨興兒云〕興兒無甚麼。娶親時出二斗黑豆。與老叔攔門祭五路。〔魯子敬云〕這厮靠後。〔淨興兒云〕是靠後。爹出三千斛麥。興兒沒什麼孝順。我就與嬌子擡轎罷。〔正末唱〕

〔耍孩兒〕哥哥你疎財仗義行仁道。量寬洪囊中是少。投至的碧桃花下鳳鸞交。直等的趁鵬搏直上青霄。那其間洞房花燭成連理。方顯這御酒淋漓宮錦袍。添歡樂。霓裳歌舞。沉醉酩酊。〔魯子敬云〕小生想來。兄弟功名不遠也。〔淨興兒云〕周叔的功名也則在眼前了。我興兒定來討喜錢。喫喜酒兒。〔魯子敬云〕兄弟放心。定有高官貴爵也。〔正末唱〕

〔尾聲〕雖然是官祿興。也須要命運招。則他這貧窮富貴天之道。〔云〕小生異日得志呵。〔正末唱〕輔助的吳國江山太平了。〔下〕〔魯子敬云〕兄弟去了也。據兄弟文武韜略。久後必然大用。小喬婚姻之事。如掌上觀紋。有何難哉。小生無甚事。且回私宅中去。兄弟這文武全才。曉六韜。異日亨通品位高。三千斛麥成鸞偶。穩取風光配小喬。〔下〕〔淨興兒云〕俺子敬爹

去了也。我無甚事。光祿寺門前咽骨頭去也。〔下〕

第三折

〔孫權領卒子上〕〔云〕文習孔孟傳天下。武講孫吳韜略書。某乃孫仲謀是也。俺吳國新收一員上將。姓周名瑜字公瑾。此人文武雙全。乃智謀之士。深通三略。廣看六韜。某封爲吳國兵馬大元帥。此人娶小喬爲妻。選吉日良辰。排筵慶賀。某今差四將。押解金銀珠翠。表裏段疋。與周元帥賀喜。有何不可。小校與我喚將魯肅來者。〔卒子云〕理會的。魯肅安在。〔外扮魯肅上〕〔云〕將軍馬跨赤鬚蛟。遇水逢橋不憚勞。揚威耀武英雄漢。四海聲傳把姓標。某乃魯肅是也。幼習戰策。頗看兵書。佐於東吳主公麾下爲將。小校來報。主公呼喚。不知有何事。須索走一遭去。可早來到也。小校報復去。道有魯肅來了也。〔卒子云〕理會的。〔報科〕〔云〕喏。報的主公得知。有魯肅來了也。〔孫權云〕着他過來。〔卒子云〕理會的。過去。〔做見科〕〔魯肅云〕主公呼喚魯肅。有何將令。〔孫權云〕你且一壁有者。小校喚將呂蒙來者。〔卒子云〕理會的。呂蒙安在。〔外扮呂蒙上〕〔云〕鐵馬將軍武藝高。六韜三略頗曾學。排兵布陣依孫武。對壘相持膽氣豪。某乃呂蒙是也。佐於江東吳侯麾下爲將。小校來報。主公呼喚。不知有甚事。須索走一遭去。可早來到也。小校報復去。道有呂蒙來了也。〔卒子云〕理會的。〔報科〕〔云〕喏。報的主公得知。有呂蒙來了也。〔孫權云〕着他過

來〔卒子云〕理會的着過去〔做見科〕〔呂蒙云〕主公呼喚呂蒙。那廂使用〔孫權云〕你且一壁有者。小校喚將韓當來者〔卒子云〕理會的。韓當安在〔外扮韓當上〕〔云〕習演黃公三略法。會議呂望六韜文。出馬迎敵常取勝。英雄敢戰大將軍。某乃韓當是也。正在演武場中操練軍士。小校來報。主公呼喚。不知有甚事。須索走一遭去。可早來到也。小校報復去。道有韓當來了也。〔卒子云〕理會的。〔報復科〕〔云〕喏。報的主公得知。有韓當來了也。〔孫權云〕着他過來。〔卒子云〕理會的。着過去。〔做見科〕〔韓當云〕主公呼喚韓當。有何將令。〔孫權云〕你且一壁有者。小校與我喚將程普來者。〔卒子云〕理會的。程普安在〔外扮程普上〕〔云〕手搭鵬翎鵲書弓。咆哮戰馬勝彪熊。迎敵對陣分強弱。忘生捨死逞威風。某乃程普是也。操兵練士以回。主公呼喚。不知有何將令。須索走一遭去。來到也。報復去。道有程普來了也。〔卒子云〕理會的。〔報科〕〔云〕喏。報的主公得知。有程普來了也。〔孫權云〕着過來。〔卒子云〕理會的。過去。〔做見科〕〔程普云〕主公呼喚程普。有何將令。〔孫權云〕喚您四將來。別無甚事。今日周瑜元帥娶小喬爲妻。您四將押解金銀珠翠。表裏段疋。與周瑜元帥賀喜。便索前去。不可延遲。某且回後堂中去也。慶喜排筵滿畫堂。郎才女貌正相當。紅鸞天喜生前注。今朝夫婦願成雙。〔下〕〔魯肅云〕俺四將奉主公將令。將此金銀綵段。直至周元帥宅上賀喜。走一遭去。周瑜守分樂甘貧。胸懷豁略武和文。恩榮勅賜當酬賀。

東吳方表重賢臣。〔同下〕〔正末領卒子上〕〔云〕某乃周瑜是也。自從喬國老將小喬許某爲妻。某發憤嵴嶙。棄文就武。官封吳國大元帥之職。先功名而後妻室。選吉日良辰。娶小喬過門。周瑜也。誰想有今日也呵。〔唱〕

〔越調鬪鶴鶩〕我今日位列都堂。受着這元戎帥職。更那堪一品高官。眞乃是三台氣勢。駿馬雕鞍。擺列着戈矛劍戟。隨從嚴處候齊。託賴着聖主寬恩仁慈大德。

〔紫花兒序〕住的是蘭堂畫閣。繡幙珠簾。錦帳羅幃。若不是恩人惠濟。仗義施爲。無及。這其間寂寞孤窮在這陋巷裏。也是我奮發在貧寒之際。皆因是運限通達。仁德扶持。〔云〕小校門首覷者。看有甚麼人來。〔卒子云〕理會的。〔魯肅同呂蒙韓當程普領卒子擎表裏上〕〔魯肅云〕某魯肅是也。今因周瑜元帥。娶小喬爲夫人。某奉主公之命。着某同三位將軍。押解金銀珠翠。表裏段疋。與元帥先來慶喜。可早來到也。小校報復去。道有魯肅等四將。奉主公命。齎賀喜禮物在此也。〔卒子云〕理會的。〔報科〕〔云〕喏。報的元帥得知。有魯肅等四將。奉主公命。齎賀喜禮物在此。〔正末云〕小校裝香來。道有請。〔卒子云〕理會的。有請。〔魯肅同衆將做見科〕〔魯肅云〕元帥望闕跪者。聽聖人的命。因爲你娶小喬爲夫人。某等奉命。齎持

金銀珠翠表裏段正等物。先來與元帥慶喜。謝了恩者。〔正末做拜科〕〔云〕感謝聖恩。〔呂蒙云〕元帥。主公之恩非輕也。〔正末云〕量周瑜有何德能也。〔唱〕

〔小桃紅〕我這裡遙瞻北闕。跪在堦基。寶鼎焚香細。頓首誠惶盡忠義。〔韓當云〕聖人之恩。如泰山之高。元帥須要忠誠報國。效力慇懃也。〔正末唱〕我道來不輕微。設若便捐軀殞首當出力。〔程普云〕元帥。聖主所賜羅錦段正金銀珠翠。慶賀元帥也。〔正末唱〕勅賜與錦繡段正金銀珠翠。〔魯肅云〕聖人與元帥姻親之禮。自然當受也。〔正末唱〕你道是戚畹理當宜。〔云〕將軍請坐。小校看酒餚來者。〔卒子云〕理會的。〔呂蒙云〕不必飲酒。元帥。賀萬千之喜。某等四將。便索回主公話。走一遭去。〔正末唱〕

〔調笑令〕您雖然賀喜莫空回。俺須索蔬酒三盃權當禮。〔韓當云〕元帥尊意。某等四將。豈敢輕慢。某等不敢久停久住。便索回主公話。走一遭去。〔正末唱〕您可便因公遣差無私意。某應當執蓋擎盃。也不索謙辭太過不做美。〔程普云〕元帥。某等四將。乃元帥治下。何勞如此動意。〔正末唱〕我須索做小伏低。〔云〕小校擡果卓來者。〔卒子云〕理會的。〔做擡果卓上科〕〔正末云〕小校將酒來。〔卒子云〕理會的。〔魯肅云〕元帥。某等斷然不敢飲酒。便索回主公話去也。〔正末唱〕

〔禿廝兒〕又無甚孟嘗君珍羞玳瑁。公孫弘東閣筵席。〔呂蒙云〕俺四將乃元帥治下。焉敢受其席面。〔正末唱〕某雖然官居重職。須用禮。我欽敬理當爲。須要誠實。〔韓當云〕元帥厚意。某等須要分箇尊卑次序也。不敢延遲怠慢。便索回奏主公去也。〔正末唱〕

〔聖藥王〕這一箇心意歸。那一箇疾便回。恰便似風吹勁草不停息。〔魯肅云〕元帥某等不敢怠慢。要回報主公哩。〔正末唱〕這一箇去路慌。那一箇行色催。猶如那雲中鴈影去如飛。〔程普云〕元帥休見俺四將之過。便索回去也。〔正末唱〕我和你目下各東西。〔魯肅云〕元帥俺四將回了主公話。來日國老必然送夫人過門。俺衆將准備花紅羊酒。表裏金銀。專賀元帥也。〔正末云〕您四將休怪。某來日安排酒餚慶賀。謝主公賞重之恩也。〔唱〕

〔尾聲〕到來日錦堂佳宴香風細。列一派簫韶韻美。〔呂蒙云〕今日君聖臣賢。士馬永息。三國永無爭戰也。〔正末唱〕今日箇龍虎會風雲。則願的吳國清平萬萬里。〔下〕〔魯肅云〕元帥回去了也。俺四將送賞已畢。不敢久停久住。回主公話。走一遭去。排筵設會。捧金甌。慶賞風光美眷酬。今朝贈賞周公瑾。四人回報見吳侯。〔下〕

第四折

〔外扮諸葛瑾領卒子上〕〔諸葛瑾云〕直正堅心立汗青。於民潤國掌權衡。三分天下民歸順。保

助吳邦享太平。小官諸葛瑾是也。輔佐江東吳王麾下。官拜宛陵侯之職。昆仲三人。弟乃諸葛亮。佐於劉玄德麾下。官封丞相之職。次弟諸葛誕。佐於曹操麾下。官封司空之職。某想吳主乃孫武之後。自父堅起義。兄策嗣霸。權藉餘烈。建國武昌。後遷都建業。已酉稱帝。國號東吳。勇鷲剛果。自孫策卒。主上繼之。俺主公有雄兵百萬。戰將千員。衆將皆爲股肱之臣。卒成鼎峙之業。有喬公曾在漢朝爲司空太尉之職。今因年邁致仕。閑居在此江東。他有二女。皆有國色也。大喬聘與吳王。止有小喬。今聘與周公瑾。成其配偶。今日會親筵宴。有周公瑾舉薦魯子敬有文武全才。今奉聖人的命。差某直至周公瑾宅上。與他三人加官賜賞。走一遭去。則爲這周公瑾志氣軒昂。懷輅略智勇難量。聖明主擢才選用。保吳國地久天長。〔下〕〔喬公領淨家童上〕〔喬公云〕歡來不似今朝。喜來那逢今日。老夫喬國老是也。自從將第二箇女孩兒與周瑜爲妻。未曾婚配。誰想此人棄文就武。官拜吳國大元帥之職。自從選吉日良辰。老夫陪奩房斷送。配與周公瑾。可早數日光景。周元帥安排慶喜筵席。請某赴會。須索走一遭去。〔淨家童云〕老相公且喜且喜。家童聽的嫁與周元帥。欣喜兒無限。〔喬公云〕家童跟隨老夫走一遭去。〔淨家童云〕疏黃裏少了疥藥。〔外云〕得也麼。顛倒了。〔喬公云〕令人將馬來。直至周元帥宅中飲酒。走一遭去。排筵慶會設佳餚。列鼎重裯顯貴豪。喜酒相迎當痛飲。拚却沉醉樂醕醕。〔下〕〔正末同小喬領卒子上〕〔正末云〕某周

公瑾是也。自從娶夫人過門。不覺數日光景。今日安排慶喜筵會。我在聖人跟前。所言魯肅贈三千斛麥。此人文武雙全。才德兼備。當可陞用。聖人必有封官賜賞。周瑜我今日功成名就。正當慶賀也呵。〔唱〕

〔雙調新水令〕今日箇賀巫山神女會。襄王。準備下翠模糊繡幃錦帳。真乃是芸窗生瑞氣。畫閣靄祥光。若不是國老賢良。妻宮運不承望。〔小喬云〕元帥似你官高極品。位列三公。妾身與你配合姻眷。享如此富貴。俺正是夫妻福齊也。〔正末云〕某若不是夫人。豈有今日也。令人門首覷者。等魯子敬哥哥來。報復我知道。〔卒子云〕理會的。〔魯子敬上〕〔云〕小生魯子敬。今日周元帥安排慶喜筵會。小生慶賀。走一遭去。可早來到也。小校報復去。道有魯子敬來了也。〔卒子云〕理會的。〔報科〕〔云〕喏。報的元帥得知。有魯子敬來了也。〔正末云〕道有請。〔卒子云〕理會的。有請。〔做見科〕〔正末云〕哥哥。有請有請。〔魯子敬云〕元帥今日大開筵會。小生特來赴席。理當慶賀也。〔正末唱〕

〔沉醉東風〕若不是大恩人寬洪大量。枉教這窮書生半世乾忙。〔魯子敬云〕論元帥奮發有時。今日夫婦團圓也。〔正末唱〕慶賀風流美眷姻。早成就了國色嬌模樣。今日箇謝仁兄匹配鸞凰。〔魯子敬云〕元帥休如此說。皆因你官祿妻宮顯達也。〔正末唱〕今

日箇命運亨。通當顯揚。畢罷了眠思夢想。〔云〕小校門首覷者。岳丈來時。報復我知道。

〔卒子云〕理會的。〔喬公領家童上〕〔喬公云〕二喬國色成佳配。一門好事自天來。老夫喬公是也。自從將小喬配與周瑜。誰想他做了兵馬大元帥。老夫甚是歡喜。今日周瑜安排慶喜筵席。請老夫并魯子敬飲酒。可早來到也。小校報復去。道有老夫來了也。〔卒子云〕理會的。〔報科〕〔云〕報的元帥得知。有國老來了也。〔魯子敬云〕呀呀呀。國老來了也。〔正末云〕道有請。〔卒子云〕理會的。有請。〔正末接科〕〔云〕某親自迎接岳丈去。〔見科〕〔喬公云〕周元帥。老夫來了也。〔正末云〕岳丈請府堂中坐。〔喬公云〕小喬。老夫特來赴宴也。〔小喬云〕父親。您兒若不是父親。豈有今日也。〔拜科〕〔喬公云〕魯子敬。周公瑾這一樁親事。多虧你圓美也。〔魯子敬云〕國老。非干魯肅之事。皆是國老才德深厚。量寬似滄海。仁厚如泰山也。〔喬公云〕不敢不敢。老夫特來慶賀也。〔淨家童云〕理當理當。下次小的每。把酒醞熱着。〔正末唱〕

〔慶東原〕多謝這老泰山臨宅院。〔喬公云〕非干老夫之能。皆是吳主之旨。重用你文武也。〔正末唱〕託賴着聖明君選棟梁。〔喬公云〕這一樁親事。多虧了子敬用心也。〔正末唱〕則俺這大恩人用心施才量。〔喬公云〕皆因聖主仁慈。子敬寬厚周給。老夫趁此良姻。須當配合也。〔正末唱〕一來是聖恩慈紀綱。二來是感尊兄顯昂。三來是託泰山周方成就。

了十年苦用工夫。方稱了一世兒成名望。〔云〕左右擡上果卓來者。〔卒子云〕理會的。

〔擡果卓科〕〔正末云〕左右將酒來。〔卒子云〕理會的。〔小喬云〕妾身執壺。元帥行酒。〔淨家童

云〕我捕菜兒罷。〔斟酒科〕〔正末云〕一壁廂動着樂者。〔動樂科〕〔正末云〕這一盃酒。岳丈先

飲。〔喬公云〕先從子敬大人來。〔正末云〕岳丈先飲。〔淨家童云〕這麼箇好女婿。喜酒兒正好喫

三鍾。〔飲酒科〕〔正末云〕再將酒來。〔小喬云〕理會的。〔斟酒科〕〔正末云〕這一盃酒。哥哥飲。

〔魯子敬云〕小生理會的。〔魯子敬飲酒科〕〔云〕小生回元帥一盃者。〔淨家童云〕是爹喫一鍾

好熱酒。家童也吃一鍾。〔遞酒科〕〔正末云〕小官飲。〔飲酒科〕〔云〕再將酒來。〔斟酒科〕〔正末

云〕這一盃酒。夫人飲。〔小喬云〕妾身理會的。〔淨家童唱科〕笑吟吟的慶喜。〔外云〕得也麼。這

厮。〔小喬做飲酒科〕〔正末云〕再將酒來。〔小喬云〕理會的。〔斟酒科〕〔正末云〕岳丈再飲一盃。

〔喬公云〕老夫理會的。〔做飲酒科〕〔云〕看了如此受用。非比其餘也。〔正末唱〕

〔喬牌兒〕看了這畫堂筵會爽。更和這春色美佳釀。拚今朝痛飲寬洪量。聽簫

韶音韻響。〔云〕慢慢的飲酒。看有甚麼人來。報復某知道。〔卒子云〕理會的。〔諸葛瑾上〕〔云〕爲

臣輔弼行肱股。保助皇朝享太平。某諸葛瑾是也。奉聖人的命。直至周公瑾宅上。加官賜賞。走一

遭去。可早來到也。左右接了馬者。〔卒子云〕牢鑒。〔諸葛瑾云〕小校報復去。道有諸葛瑾奉命

加官賜賞來也。〔卒子云〕理會的。喏。報的元帥得知。有諸葛瑾奉命加官賜賞來了也。〔正末云〕左右裝香來。道有請。〔卒子云〕有請。〔正末見科〕〔云〕有請有請。〔做見科〕〔諸葛瑾云〕元帥。某奉聖人命。特來與你加官賜賞也。〔正末唱〕

〔滴滴金〕我這裡款下地基。躬身叉手。忙施謙讓。怎消的聖主賜周郎。擺列着畫燭明眸。沉檀細裊。遙瞻北向。託賴着仁勝堯唐。〔諸葛瑾云〕元帥。您衆人望闕跪者。聽聖人的命。〔正末同衆跪科〕〔諸葛瑾云〕魯肅因爲你才德兼備。文武雙全。周瑜舉薦你。封你爲吳國上大夫之職。周公瑾。封你爲兵馬大元帥。護國大將軍。你妻爲賢德夫人。喬國老賜御拄杖一條。每月支三品俸祿。養老。您聽者。公瑾英才苦志勞。威名膽氣有誰學。官封兵馬都元帥。畫戟門排氣勢豪。舉保魯肅爲太宰。紫袍金帶作臣僚。每人賜金三千鎰。綾羅段疋一千條。重裊列鼎食天祿。大纛高牙爵位高。文英武烈安天下。永祚皇圖萬萬朝。

題目 魯子敬仁厚助英賢

正名 周公瑾得志娶小喬

娶小喬穿關

頭折

孫權

麥簷帽 蟒衣曳撒 袍

項帕 三髭髯

卒子

紅碗子盔 青布釘 劍

喬公

一字巾 茶褐 直身 緋兒

蒼白家童

紗包頭 青 衣 褡膊

大喬小喬

花箍 襖兒 裙 兒 布襪 鞋

梅香

鬚髻箍兒 比甲 襖兒 布襪 鞋

正末周

瑜

散巾 補納直身 緋兒 三髭髯

魯子敬

一字巾 圓領

興兒

同家 童

第二折

喬公

兔兒角幘頭 補子 圓領 帶 三髭髯

家童魯子敬正末周瑜魯子敬興兒又上前

第三折

孫權卒子

同前

魯肅呂蒙韓當程普

鳳翅盔 膝襴曳撒 袍 直纏 褡膊 帶 帶劍

項帕 三髭髯

正末周瑜

麥簷帽

蟒衣曳撒 袍 直纏 褡膊 帶 帶劍

項帕 三髭髯

魯肅呂蒙韓當程普卒子

同前 表裏

第四折

諸葛瑾

兔兒角幘頭

補子

卒子喬公家童正末周瑜卒子

同前

小喬


髻髻頭面
補子圓領

膝襴裙
布襪鞋

魯子敬喬公家童又上諸葛瑾

同前

乙卯孟秋十有一日校內本清常記



陶淵明東籬賞菊

闕名

頭折

〔冲末扮檀道濟領張千上〕〔云〕肅振兵威氣量洪。每施巧計立奇功。欽承重任專戎務。夙夜區區報聖躬。小官姓檀名道濟。祖居檀丘人也。自幼頗習儒業。博通經史。方今晉朝天下。謝聖恩可憐。先徵某爲江州刺史之職。因某指劃奇計。頗立戰功。累官至鎮軍建威參軍。夫爲將者。唯三略最通於道。可以立功而保身。非孫吳之比也。蓋孫吳之書。知有權詭而已。可用之於危。不可用之於安。可用之於暫。不可用之於久。然其利近而效速。後世談兵者必先焉。若夫三略之書。則其旨遠而理深。柔和而德化。則在兵戈而無傷。在太平而無曠。可謂善始善終。非三略而無以爲也。今訪得潯陽隱士陶淵明。有經天緯地之文章。定亂除危之謀略。璫玉致美。不爲池隍之寶。桂椒信芳。而非園林之實。豈其樂深而好遠哉。蓋云殊性而已。故無足而至者。物之藉也。隨踵而立者。人之薄也。若乃巢由之抗行。夷皓之峻節。菁華隱沒。芳流歇絕。今之作者。人自爲量。而首路同塵。輟塗殊軌。豈所以昭末景。泛餘波。淵明弱不好弄。長實素心。學非稱師。文取指達。在衆不失其寡。處言每見其嘿。少而貧苦。居無僕妾。井臼弗任。蓼莪不給。母老子幼。就養勤置。惟田生致親之議。悟

毛子捧檄之懷。初辭州府。後又召爲主簿。此人道不偶物。棄官從好。遂乃解體世紛。結志區外。定迹深棲。於是乎灌畦鬻蔬。爲供魚菽之祭。織絢緯蕭。以充糴粒之費。心好異書。性樂酒德。簡棄煩促。就成省曠。殆所謂國爵屏貴。家人忘貧者歟。好廉克己之操。行矩無愆。有詔徵聘。此人堅意不就。職甘分親耕於野。以給日用。方今之世。得此人爲官。誠乃生民有福也。某數次尋訪。奈此人胸次高傲。不以富貴移其心。不以声名奪其志。累造其門。稱疾偃臥。不肯放參。某以言勉之曰。賢者處世。天下無道則隱。有道則仕。今子生於文明之世。何自苦如此。此人言曰。何敢望焉。志不及也。某饋梁肉而歸。今經數載。適聞此人言曰。聊欲絃歌。以爲三徑之資。觀此言有爲官之意。某今一不負朝廷之委託。一不屈隱逸之大才。小官則今日奏知聖人。便行徵聘淵明。走一遭去也。具奏臨朝不暫停。淵明素日有聲名。薦賢舉善存忠信。方顯男兒志節清。下正末扮陶淵明上。三小官姓陶名潛字淵明。乃潯陽柴桑人也。荆妻翟氏。犬子五人。俺曾祖陶侃。曾授當朝大司馬之職。小生平日之間。酷好詩書。博通經史。沉靜簡默。不慕榮利。鎮日以酒自娛。一飲必醉。幼稚盈室。瓶無儲粟。當日親老家貧。曾起爲州祭酒。自醉而歸。後又召爲主簿。小生不曾就職。情願耕耘於野。以給日用。今日早晨間也。小生去那打稻場中執料去者。況值這暮秋天氣。好一派秋景也呵。

〔唱〕

〔仙呂點絳脣〕天淨雲收。曉霜清晝。鳴疎柳。蕩漾金飈。喜的是農富秋成後。

〔混江龍〕我將這年光窮究。轉雙輪。鳥飛兔走不停留。恰纔見春花似錦。早梧桐葉落。歸秋。方纔箇綠鬢朱顏。青春子。不覺的暗中白了少年頭。光陰彈指。歲月如流。韶華易老。暮景云周。上古時鴻荒混沌。無極而太極玄幽。伏羲時巢居穴處。神農時開闢田疇。軒轅時製衣冠。舟車網索。鑄九鼎。辨風俗。財貨通流。五帝時傳聖統。德稱堯舜。三王時美疆封。至大成周。戰國來尙縱橫。朝更暮改。至楚漢誅暴秦。大業歸劉。魏蜀吳三分鼎足。傳大統。晉世悠悠。朝中宰相。金屋王侯。秦宮衰草。漢闕荒丘。功名逝水。勲業浮漚。似這等流光迅速。轉頭空。則不如醉蓬窗。一枕黃昏後。我伴的是山妻稚子。瓦鉢磁甌。〔云〕我來到這打稻場中。此時正是秋景時候。你看這柴草成堆。新稻滿地。怎生不見做活的人來也。〔淨扮沙三同伴哥上〕〔沙三云〕我做莊家貌美。人人都叫我做油嘴。把別人攬掇的去做活。我躲在柳樹底下調鬼。〔伴哥打扮科〕〔云〕這廝是箇行院莊家。〔沙三云〕小可人乃沙三是也。這箇是伴哥。俺兩箇都與這陶先兒家傭工做活。如今正是秋成時候。我這主人家。還有些稻子。不會上園。柴草沒曾堆垛哩。俺去見陶先兒去來。〔伴哥云〕沙三。俺兩箇與這陶先兒家做活。好便好。則是聽不上他那

酸文假醋的。動不動便是詩云子曰兒。那箇奈煩那。〔沙三云〕可便是。我也聽不上他。噯兩箇見他去。看他說甚麼。〔二人做見科〕〔沙三云〕陶先兒支揖。俺兩箇來了也。〔正末云〕你兩箇怎生這早晚纔來。可不道懶惰難成事。風流不立身。想俺祖公公陶侃。爲廣州刺史之時。每日早晨間。運一百箇甕子於齋外。至晚間運入齋內。恐怕縱放了身體。後果爲征西大將軍。都督荆襄四州諸軍事。似你二人。與人家傭工做活。當的早起晚眠。方能度日。怎生這早晚纔來也。〔伴哥云〕哥我說麼。那裡聽的他咬文嚼字的。〔沙三云〕主人家。你不要這麼瑣瑣碎碎的。我們兩箇弟兄。昨日晚夕。在我們丈母家喫滿月酒。多喫了一盃兒酒。所以今日來遲了些兒。主人家休怪。恕我沙三之罪也。〔正末唱〕

〔油葫蘆〕自古道成人的不自由。您可休信口謊。〔伴哥云〕不說謊。委的昨日多喫了兩盃兒酒。來遲了些兒。可便也罷了。〔正末唱〕你做著箇雇工人勤力最爲頭。則要你耕耘處不放閑蓬柳。你則合挑新畦填壠不停手。〔沙三云〕有甚麼活。教我們做些兒罷。不要這麼嘮叨了。〔正末唱〕你灌蔬園親桔槔。種麥麻滾碓軸。端的是細鋤鉋。勤努力。頻耕耨。方能穀衣蓋體。飯充喉。〔沙三云〕謝指教。謝指教。如今着俺二人做甚麼生活。〔正末云〕如今秋成時候。你將那打下的稻子。與我囤將起來。把那些柴草。與我堆垛的好着。這

箇是一年的過活哩。〔沙三云〕理會的。伴哥。方纔主人家說。將那稻子囤將起來。柴草堆垛的好着。俺兩箇做生活去來。〔伴哥云〕可又來。有甚麼生活做便罷了。那裡聽的上他那之乎者也的。〔二人做堆垛糧草科〕〔正末唱〕

〔天下樂〕這的是那富足莊農米麥熟。倒大來清幽。〔沙三云〕我說老先兒。據着你如此般大才。何不出仕爲官去。可在這裡做莊家。有甚麼好處。〔正末云〕你那裡知道那。〔唱〕休得要誇強口。我則待趁西風五陵年少遊。〔伴哥云〕老先兒。你這做莊家。有甚麼快活處。〔正末唱〕凝秋霜紫蟹肥。出新醅酒滿篋。到大來千自在。百自由。〔云〕沙三伴哥。你將那糧食堆放的好着。看有甚麼人來。〔沙三云〕老先兒。都堆垛的停當了。就是如今下盆傾甕漚的大雨。可也不怕。看有甚麼人來。〔淨家童引僮兒五人上〕〔家童云〕逐朝來往走田園。兩脚如梭世不閑。早起晚眠聽使令。思量只爲二文錢。小人家童的便是。俺主人家稻場上堆垛糧食哩。有他的這小哥兒每要來看。他的母親着他跟着我。見他父親去。你不去便罷也。〔大僚云〕我乃陶儼是也。這四箇兄弟。乃是陶俟陶份陶佚陶佟。有俺父親在場中堆垛糧食。我們着家童引着。看俺父親去來。〔家童同衆僮做見科〕〔云〕老爹。這小哥兒每啼天哭地的。要來看你。家裏妳妳。着我送他來也。〔正末云〕這孩兒每誰着他來。你來做甚麼那。〔家童云〕哦。我纔則說來。是家裏妳

妳着我送他來。〔正末云〕好無道理也。偌老遠的。你將這孩兒每引將來。〔家童云〕他要來。誰要引他來。又不是我的兒子。〔正末云〕小生家道寒微。有這數子愚頑。怎生是好也。〔家童云〕老爹也。這大哥可是如何也。〔正末唱〕

〔那吒令〕若論着長子呵。懶攻書好遊。〔沙三云〕這二哥可是如何也。〔正末唱〕若論着次子呵。豈尊賢敬友。〔沙三云〕老先兒。這三哥到好箇資質也。〔正末唱〕若論着三子呵。不知箇八九。〔沙三云〕這四哥和五哥還小哩。〔正末唱〕這兩箇小業廝。不識箇香和臭。則待要覓菓尋榴。〔云〕我對着村壠之間。何不作詩一首。以寬懷抱也。家童將紙筆來者。〔家童做將紙筆科〕〔云〕紙將在此。〔正末做作詩科〕〔云〕我詩就了也。〔家童云〕老爹也。你既寫就了。你表白一遍者。〔正末念科〕〔云〕白髮被兩鬢。肌膚不復實。雖有五男兒。總不好紙筆。阿舒已二八。懶惰故無匹。阿宣行志學。而不愛文術。雍端年十三。不識六與七。通子垂九齡。但覓梨與栗。天運苟如此。且進盃中物。〔家童云〕老爹。俺奶奶說來。着你把大哥二哥學的書。背他一背哩。〔正末云〕兀那陶儼。你過來。你讀甚麼書哩。〔大傑云〕父親。你孩兒讀的是孝經。〔正末云〕你讀到那一章上。試念來我聽。〔大傑做念科〕〔云〕曾子曰。若夫慈愛恭敬。安親揚名。則聞命矣。敢問子從父之令。可謂孝乎。子曰。是何言歟。是何言歟。昔者天子有爭臣七人。雖無道。不失其天下。

諸侯有爭臣五人。雖無道。不失其國。大夫有爭臣三人。雖無道。不失其家。士有爭友。則身不離於令名。父有爭子。則身不陷於不義。〔正末云〕孩兒也。你省的書中意麼。〔大僚云〕孩兒也不知道。父親試說一遍者。〔正末唱〕

〔鵲踏枝〕從父令是何由。從君令是何由。冒斧當戈。諫爭如流。父爭子士有爭友。他每都雖貧賤。不苟貪求。〔大僚做拜科〕〔云〕多謝了父親。〔正末云〕陶侯孩兒過來。你讀甚麼書來。〔二僚云〕父親。你孩兒讀的是論語。〔正末云〕你讀到那一篇上。背念來我聽。〔二僚做念科〕〔云〕里仁第四。子云。里仁爲美。擇不處仁。焉得智。〔正末云〕孩兒也。你省的書中意味麼。〔二僚云〕您兒不知道。父親試說一遍者。〔正末唱〕

〔寄生草〕處仁邦。隨王化。居惡黨。成下流。豈不聞三移孟母。非虛謬。鶴隨鸞。鳳冲霄。透蓬生。蔭內枝梢秀。豈不聞三人行。必有我師焉。則要你擇其善者爲親友。〔二僚做謝科〕〔云〕多謝了父親。〔使命上〕〔云〕親授天符下玉京。一封丹詔自持行。皇恩四海霑恩命。風雨調和樂歲登。小官高密是也。幼專儒業。頗習詩書。自擢甲第以來。累官至司空之職。今有江州刺史檀道濟。奏知聖人。訪得潯陽隱士陶淵明。有經天緯地之才。補完天地之手。聖人大喜。就封爲彭澤縣令。可早來到也。問人來。就在這村莊裏住。家童報復去。道有天朝使命至也。

〔家童報科〕〔云〕理會的老爺。外面有天朝使命至也。〔正末云〕呀呀呀。使命至也。我索接待去。
〔使命云〕兀那陶淵明。望闕跪者。聽聖人的命。〔正末跪科〕〔使命云〕今有檀道濟。保汝賢能。封你爲彭澤縣令。則今日促裝起行。走馬到任。不可延遲也。〔正末云〕大人。小生才疎性懶。不堪任職也。〔使命云〕賢士。朝廷聖命。你敢違宣抗勅也。〔正末唱〕

〔六么令〕怎敢道違宣召。惹罪尤。這其間去就難留。〔使命云〕淵明先生。官你爲官。着那佳人捧臂。壯士擎鞭。喫堂食。飲御酒。可不受用也。〔正末唱〕你道是女貌嬌羞。我則道樂意忘憂。不愛他麒麟殿萬載名留。把名疆利鎖都參透。題起來膽戰心愁。〔使命云〕陶先生。俺聖人寬仁厚德。納諫如流。你因何畏懼。忠臣不怕斧鉞之誅也。〔正末唱〕利名場志不甘生受。怕的是金瓜鐵錮。闊劍長矛。〔使命云〕陶先生。爲官者腰金衣紫。奢華受用。你在这村鄉裏。有何樂處也。〔正末唱〕我則待休休遊遊。他道是御酒金甌。淺酌低謳。錦袋吳鉤。拜相封侯。喫的是美甘甘肥羊法酒呀。這場兒無所求。〔使命云〕據先生松柏之操。歲寒之心。所欲何事也。〔正末唱〕我則待納被蒙頭。一枕齁齁。樂林泉縱意淹留。將離騷魯史閑窮究。共田翁樵子相酬。趁閑身落魄依園囿。受用足綠槐風細。更和這翠柳陰稠。〔使命云〕陶淵明先生。你聽了聖旨也。則今日走馬到任。不可延

遲也。我回聖人話去也。奉命傳宣到異鄉。徵才聘德豈非常。知君堪任當推舉。表得清名萬古香。
〔下〕〔正末云〕使命去了也。家童請將夫人出來者。〔家童云〕奶奶有請那。〔卜兒上〕〔云〕持身
荆布甘貧賤。并日親操保節名。妾身翟氏是也。與我夫主同耕於野。不忘耒耜之功。我正在家中
織紵緯蕭。有陶大人在稻場上。說有天朝賜命。宣他爲官。我須索走一遭去。可早來到也。不必報
復。我自己過去。〔見科〕〔云〕陶大人。喜得美除也。〔正末云〕大嫂。你在家與幼子五人。整理家事
也。〔卜兒云〕陶大人。翟氏謹領也。〔正末云〕我則今日收拾行裝。辭別妻子。去彭澤爲縣令去也。
〔卜兒云〕陶大人。你這去做官。未知幾時回來也。〔正末唱〕

〔尾聲〕收拾起舊犁鋤。畢罷了村朋友。暫別了覆短牆堤邊五柳。〔沙三云〕老爺。
你今日爲官也。我們都跟去走一遭。也得些錢物也。〔正末唱〕噤聲。我則待獨立清名萬古
秋。〔云〕豈不聞國以民爲本。民以衣食爲本。衣食以農桑爲本也。〔唱〕我則待勸農桑職業當
脩。審荒圯開闢田疇。〔云〕陶嚴。您子母每守着這田園。也般你用度也。〔唱〕則要您謹守田
園莫妄求。哎。兒也常則是書不釋手。言不虛謬。則要你龍門一躍占鰲頭。〔下〕
〔卜兒云〕陶大人去了也。俺子母每在家。理料家事。孩兒俺一同回家去來。長天鎮日掩柴扉。犬
吠深垣雞亂啼。今日夫爲彭澤令。甘貧守節樂怡怡。〔同僚兒家童六人下〕〔沙三云〕我說伴哥

道。看不出陶先兒來。終日家這麼之乎者也。朝廷宣他爲官去了。俺兩箇還在這裡。依舊做農。論我沙三。也讀了些書兒。講的顛倒爛熟的。〔伴哥云〕沙三。你讀的是那幾本書。你數一數我聽。〔沙三云〕百家姓。千字文。大學。小學。毛詩。禮記。春秋。我五經四書。一覽貫通。〔伴哥云〕沙三。你講之又謬。我則聞的春秋出孔子聖人。後來孟子他便通五經。尤長於詩書。我則說孟子雖通五經。則是詩經書經熟哩。你說你五經四書。一覽貫通。我且問你。千字文上一句史魚秉直。可是怎麼說。〔沙三云〕你問我史魚秉直。我說與你。子曰。先生死也。你買棺材。我買紙也。〔伴哥云〕不是了。〔沙三云〕不是了。我就問你怎麼講。〔伴哥云〕我不知道。〔沙三云〕傻弟子孩兒。我也不知道。我說咱們纔見那陶先兒有才學。我氣不過。鬪你要子。俺如今把這詩云。子曰。都丟開。偷些稻子。換些酒兒。俺兩箇打上三壺去來。因陶潛廣有才能。俺兩箇一對棍精。偷稻子換了酒喫。若醉了打丁利丁。〔下〕

第二折

〔淨扮外郎上〕〔云〕青衣藍縷破頭巾。每日跟官受苦辛。若是有人來告狀。只憑說謊騙金銀。小人姓張名智。當着這彭澤縣的吏典。人口順。都叫我做張外郎。若論我。半箇字也不識。若說道抵換官物。盜使印信。東誑西騙。天下絕魁。但是選將來的縣令老爺。都和我打做一家。也是我這會

兒星辰不順造物低。如今選將這箇陶老爺來。好箇儻古東西。官司裏錢物。分文不取。只是依公合道。清廉正直。自從到任。有兩箇月多。我就不曾賺一箇錢兒。性兒又利害。今日清晨早間。打掃的廳堂乾淨。縣令大人。敢待來也。〔正末扮孤引祇候阜隸上〕〔云〕小官陶淵明是也。自從檀道濟舉薦。加小官爲彭澤縣令。光陰迅速。可早八十日也。你看這四海紛紛。中原雲擾。何日得平定也。〔唱〕

〔南呂一枝花〕我則見煙迷白玉樓。霧鎖黃金閣。宮花空向日。渠柳盡蕭條。暮暮朝朝。積儻成愁容貌。我正是志高來福不高。幾時得殄除了胡虜戎羌。平定了中原雲擾。〔云〕方今晉朝傳統。綱紀崩摧。五胡僭亂。甚日清平也。〔唱〕

〔梁州〕我一心待相伴着詩朋酒友。我其實不愛您紫綬金貂。今朝這黑沉沉宦海風波惡。朝爲卿相。暮處兒曹。蜂蟻作陣。燕雀爭巢。實坯坯舞劍輪刀。亂紛紛不辨清濁。您您您有那等假撇清巧語花言。是是是喬公道爭頭鼓腦。來來來乾支刺做大裝么。荒荒炒炒。則我這樂閑心是有天知道。不是我心慷慨。志驕傲。都只爲玉璞空勞獻楚朝。因此上捺不住籠豪。〔云〕可早來到這衙門中也。吏典都來全了。也不會。〔外郎云〕老爺六房吏典。都來全了。止有縣丞老爺沒會來哩。〔正末云〕祇候

入門首望着。若縣丞老爺來時。報復我知道。〔祇候云〕理會的。〔淨扮縣丞上〕〔云〕小子生的倜倻。暴論錢財分文不要。日頭紅坐起早衙。喚張千即時放告。我也不看詞訟情由。也不管清紅白皂。我東首裡吊起張三。西首裡拶着原告。千連人胡敲亂打。炒蛤蟆一齊都叫。且休題罪犯高低。我則圖衙門裏熱鬧。學兒是這彭澤縣一箇縣丞。近日選將這箇陶縣令來。十分兜搭。我試見他去。兀那祇候人。報復去。道學兒來了也。〔祇候云〕理會的。喏。報的老爺得知。有縣丞老爺來了也。〔正末云〕道有請。〔祇候云〕理會的。有請。〔見科〕〔淨云〕老大兒支揖。學兒來了也。〔正末云〕既然同僚來了。俺陞聽坐衙者。〔淨云〕老大兒。咱們如今既是同僚。廝商廝量的。你也放些和氣。衙門裏舊例。出產的錢量兒。拏些兒家去。怕做甚麼那。〔正末唱〕

〔隔尾〕你道是庫中金帛如山嶽。你教我潤屋肥家足富饒。〔云〕爾俸爾祿。民膏民脂。下民易虐。上蒼難欺。〔唱〕豈不聞天網恢恢有昭報。覩黃金草茅。建清名聖朝。則我這義膽忠肝上天曉。〔淨云〕老大兒。你也忒古儼。但是縣令大兒來做官。都帶將家小來。喫的用的。都是衙門裏的。你怎麼這等好難爲人也。〔正末云〕我雖做着這箇縣令。則是應有的俸祿。我盤用一半。留一半上庫公用。既然這等兀那吏典。這扶持我的從人。有幾箇也。〔外郎云〕但有來的縣令老爺。都是二十名阜隸。除了四名答應老爺。別的都納銀子與家裏奶奶買菜喫。

〔正末云〕哦。別的縣令使二十名從人。當該司吏。如今與我退了十七名。我只用三名。着兩箇扶持我。送一箇家去。與吾兒陶儼作伴。將紙筆來。我寫一封書去。〔外郎云〕紙筆在此。〔正末寫科〕吾兒旦夕之費。自給爲難。今遣此隸候。助爾薪水之勞。此亦人子。可善遇之。〔云〕我寫就這書也。祇從人將着這書呈送這隸候家去。叫那從人過來。我分付他。〔隸候云〕老爺分付。小人理會的。〔正末唱〕

〔牧羊關〕你伴吾兒修書史。就明師莫憚勞。你教他禮賢才善與人交。侍萱親你教他夏清冬溫。守儒風峨冠布袍。理舜謨。習堯典。溫六藝。誦離騷。休教他仗父兄心嬌情。則要他守乾乾。莫縱驕。〔云〕兀那從人。我分付你的話。你牢記者。〔隸候云〕理會的。〔正末云〕祇候人。你直至我五柳莊去。疾去早來者。〔隸候云〕理會的。則今日便往潯陽五柳莊上。走一遭去。縣令親差豈敢違。持書前去若星飛。前途路遠心忙急。送至家鄉得信回。〔正末云〕祇從人去了也。吏典有甚麼合行的文書。將來我看。〔外郎遞文書科〕〔云〕這紙文書。是上司下來的。有當今聖人的命。所在郡縣。各舉孝廉一人。量才進用。〔正末云〕哦。這紙文書。是舉孝廉的。兀那吏典人等。便與我城市山林。探訪賢士。這舉孝廉非同易也。〔淨云〕老先兒。我也不曾讀書。我則聽的那打談的說。武王立天下。尋訪着孟津老姜。人所皆知。不知老先兒知也不知。

知哩〔正末唱〕

〔隔尾〕感吾皇至德如天道。尋訪賢才輔聖朝。厚禮卑辭降丹詔。讚成周渭老。播清風卞毛。則他這忠節名兒四方曉。〔外郎云〕這一紙文書。是勸農桑的。這是不要荒了田土也。〔正末云〕方今聖人親訪賢士。偃武修文。愛民如赤子。復勸以農桑。禁之以奢靡。使黎民不飢不寒。永享雍熙之治也。〔淨云〕老大兒。怎麼是農桑。學兒不知。大兒細說一遍者。〔正末唱〕

〔賀新郎〕聖明仁德似唐堯。特地來勸課農桑。則要您務經營合道。託當今遵典謨施仁孝。見如今躬耕在帝郊。供蠶事聖母親繅。則要您百姓每常溫飽。不違時莫逍遙。常則是麥盈積米穀如山嶽。謝神天處處風雨時。樂昇平戶戶足豐饒。〔云〕這紙文書要緊。便與我行於該管地方。勸課農桑。再行稽考。你再有甚麼文書。將來我看。

〔外郎云〕老爺。這一紙文書。是本郡刺史。遣督郵至。稟的老爹知道。〔正末云〕這督郵來便能也。你稟我怎的。〔淨云〕老大兒。你恰好不知道。這督郵是刺史老爺差來的官。老大兒。你是箇縣令官兒。應東帶見之。行禮接待去。〔正末云〕噤聲。我豈爲這五斗粟。折腰於鄉里小兒也。〔唱〕

〔紅芍藥〕聽說罷烈火上心苗。不由人忿怒難消。〔淨云〕老大兒。你我本是箇小官兒。該與他行禮。你可惱的是些甚麼。〔正末唱〕則我這青雲志氣素英豪。斗粟縈身懶折

腰。〔外郎云〕就與他行箇禮兒也罷了。〔正末唱〕則我這疎狂性豈屈下僚。〔淨云〕我說這箇縣令官兒做着也罷了。你還要做甚麼大官那。〔正末唱〕湫洼處怎養鯨鰲。青鸞矢志趁鴉巢。棟梁材不隱蓬蒿。〔淨云〕老大兒似你如今錦繡宮袍。峨冠博帶。美酒堂食。紅圍翠遶。你直待要怎的也。〔正末唱〕

〔菩薩梁州〕不戀你這宮袍。不戀你這宮袍。不簪你這烏帽。不戀紅圍翠遶。甘心守陋巷得志簞瓢。〔淨云〕放着官兒不做。可要去簞瓢陋巷。熬盡受淡。我看你也不是一箇有福的。〔正末唱〕聽不上搖唇鼓舌絮叨叨。正良臣佞士難同爵。不圖您金紫銀青樂。拜別了紫綾卓。忽流抽身向草茅。倒大來志氣清標。〔外郎云〕似老爺這等攀今攬古的。正好做官哩。可怎麼棄職而歸也。〔正末云〕我情願納下我這靴笏欄袍。則今日回我那五柳莊去也。〔唱〕

〔尾聲〕酌別了堂堂官府高縣縣。去我那小小衡門謁故交。靸芒鞋。着布袍。冠葛巾。繫紵緋。弄瑤琴。品玉簫。共山翁。伴野樵。執絲竿。釣巨鰲。綠水青山景物饒。稚子山妻任歡笑。趁紫蟹紅蝦時正遭。賞紅葉黃花遶四郊。把酒友詩朋鎮日邀。分韻詩題清興高。出水魚鮮五味調。村釀新醅渾帶糟。閑採黃花莫憚勞。醉

飲狂歌風落帽。忙倩家童扶策着。疎柳柴門帶月敲。喜秋清。樂意逍遙。常則是弄月搏風。快活到老。〔下〕〔外郎笑科〕〔云〕你看他真箇就去了。則做了八十日官兒。如今可怎麼了。〔淨云〕吓。你好不濟事。他去時着他去。有我哩。憑着我們兩箇。這縣裏多少事來。不弄壞了。縣令方纔八十日。只因性急就辭官。今番管事輪着我。豈不閒拔了蘿蔔地皮寬。〔同外郎下〕

第三折

〔外扮王弘上〕〔云〕總制江州委任隆。練兵祐國勸桑農。赤心輔佐專吾職。仰報皇朝盡厥躬。小官王弘是也。幼習儒經。頗諳武事。方今晉室。謝聖恩可憐。加某爲江州刺史之職。某平日之間。厚於賓客。信於朋友。今訪得五柳莊陶淵明先生沉靜簡默。不慕榮利。有古君子之風。某欲往見之。爭奈此人胸次高傲。恐一時不肯放參。某想來他有箇同堂故友。是龐通之。和他交往甚厚。某則今日往龐通之家中。央浼他同會淵明先生一會。討論古今。笑談一會。乃平生之願也。禮士親賢。急訪求。卑辭枉駕。會儒流。相逢談笑情舒暢。半紙功名水上漚。〔外扮龐通之引琴童上〕〔云〕衡門鎖日無車馬。茅屋時聞鳥亂啼。一首新詩歌未徹。比隣呼我了殘碁。小生性龐名通之。本貫潯陽人也。幼習儒業。涉獵羣書。癖性疎懶。無意功名。隱居柴桑里。以農耕爲業。小生有一故友。是陶淵明。此人廣覽詩書。博通今古。曾爲彭澤縣令。辭職而歸。筆瓢陋室。以詩酒文章自娛。與小生

爲林下友。今日無甚事。琴童柴門首觀者。有人來時。報復我知道。〔琴童云〕理會的。〔王弘上〕
〔云〕暫辭五馬三公府。來訪山間林下人。小官江州刺史王弘是也。今欲與陶淵明一會。訪得龐
通之與他交的甚厚。小官一人一騎。敬來探望他。令人接了馬者。問人來則道。箇便是龐通之家。
中家童報復去。道有江州刺史王弘。在於門首。〔琴童云〕理會的。報的大人得知。有江州王刺史
在於門外。〔龐通之云〕呀呀呀。小生是箇寒儒。這王刺史管領着俺這一郡的軍民。偌大的官位。
我須索接待去。〔見科〕〔云〕早知大人枉顧。只合遠接。接待不着。勿令見罪也。〔王弘云〕久仰尊
兄大名。如雷灌耳。今日特來拜謁。乞勿見拒也。〔龐通之云〕小生才疎德薄。敢勞大人下降。真乃
蓬華生輝也。〔王弘云〕不敢不敢。今有一事和煩。小官欲會淵明一面。訪知先生與淵明至厚。今
特來拜謁。倘不棄轉達淵明先生。得會一面。決不忘先生之德也。〔龐通之云〕不敢不敢。大人
不棄微賤。下降寒儒。雖赴湯火。亦不敢辭。但此人胸次高傲。恐一時不肯放參。尊意將如之何也。
〔王弘云〕小生正爲此來。望先生裁處也。〔龐通之云〕小生有一計。這陶淵明嘗往廬山遊翫。此
時正是秋暮間。天道青山綠水。紅葉黃花。他必然遊翫去也。到來日小生預備酒餚。在於半路栗
里之間。邀之飲酒間。大人走到跟前。做一箇不期而會。他方不嫌疑也。〔王弘云〕此計大妙。到來
日先生整治酒餚於半路。邀之飲酒間。小官相遇一會。不必賜茶。小官回去也。樂志清閑智轉增。

世間良友讚賢英。來朝林下逢賢士。談笑春風樂世情。〔下〕〔龐通之云〕王大人去了也。下次小的每。疾忙收拾酒餚。到來日栗里之間。邀請淵明一會。收拾齊整者。收拾餚饌與瓊漿。王弘敬意訪賢良。黃花滿眼堪宜賞。邀請淵明醉一場。〔下〕〔正末引家童上〕〔云〕小生陶淵明是也。自休官以來。以詩酒自娛。此時正是重陽天道。今往廬山登高賞翫一遭。你看這一川紅葉。三徑黃花。是好秋景也呵。〔唱〕

〔正宮端正好〕一天灝氣淨浮雲。滿川清露澄秋水。蕩金颺輕透羅衣。新涼偏喜遊人意。值佳節重陽日。

〔滾繡毬〕你看那綻蘆花恰便是柳絮垂。墜楓林紅雨飛。碧荷枯翠盤無力。秀清霜禾黍成實。則聽的韻悠悠砧杵敲。冷颼颼風力微。聳吟肩一天爽氣。趁良時莫負佳期。因此上不求蝸角蠅頭利。則和那紅葉黃花作故知。鷗鷺忘機。〔云〕可早來到栗里之間也。你看那青山綠水。紅葉黃花。是好秋景也。我將這菊花採的滿盃香案。只是無酒也。〔龐通之引琴童挑酒樽食器上〕〔龐通之云〕小生龐通之是也。可早來到這栗里也。兀的不是淵明。淵明支揖。〔正末云〕龐先生。幸得此間相會。尊兄因何至此也。〔龐通之云〕聞知淵明。每逢重陽之日。遊翫廬山。小子略備酒餚。與尊兄共飲數盃。以賞重陽佳節。〔正末云〕

多謝尊兄盛意也。〔龐通之遞酒科〕〔云〕家童將酒來。仁兄滿飲此盃。〔正末接酒飲科〕〔家童云〕走到這裡。正採了菊。想酒喫。撞見酒肉。好造物也。〔正末唱〕

〔倘秀才〕感吾兄傳盃進食。我和你林下友情如膠漆。〔龐通之云〕淵明。你自休官以來。所爲何事也。〔正末唱〕傾蓋歸來無所爲。花前三盃酒。燈下一枰碁。是吾生樂矣。〔正末飲酒科〕〔云〕家童將酒來。我與龐先生回一盃。先生滿飲此盃者。〔王弘上〕〔云〕今日宴

賞重陽節。要會高才大德人。小官江州刺史王弘是也。與龐通之約下。在栗里之間。欲會淵明一面。可早來到也。兀的不是二人正飲酒哩。我向前相見者。〔見科〕〔云〕龐先生支揖哩。〔龐通之云〕呀呀呀。王大人至此也。你與淵明先生相見者。〔王弘云〕此位是那箇淵明先生。〔龐通之云〕則這箇便是潯陽五柳莊上陶淵明先生。〔王弘云〕呀呀呀。久仰先生大名。如雷灌耳。今幸一會。實乃小官之萬幸也。〔正末云〕大人尊姓。所居何職也。〔王弘云〕小官姓王名弘。忝任江州刺史也。〔正末云〕喜得美除也。〔王弘云〕先生之名。遍滿天下。今幸一遇。皆賴龐先生相攜。這龐先生與吾。乃同窗故友。如不相棄。借先生的酒。王弘的手。與淵明先生奉一盃。家童將酒來。〔王弘遞酒科〕〔云〕淵明先生。滿飲此盃。〔正末云〕陶潛有何德能。敢勞刺史遞酒也。〔王弘云〕先生之德。禮當王弘家聊備蔬酌之敬。奈偶爾一會先生。俺今日宴於龍山。登高應節。正是長天寂靜無

塵垢。碧色秋雲樂歲亭也。〔正末唱〕

〔叨叨令〕宴龍山斟菊酒。登高會做羅幃。收紈扇浮雲霽。〔王弘云〕陶先生。你看那鴈寫長空。寒蟬鳴砌。一派秋光。俺正當喜樂無窮。沉醉而歸也。〔正末唱〕你看那寫長空來。征鴈聲嘹曬。助秋光。蛩韻切。鳴堦砌。兀的可不喜殺了人也麼哥。兀的可不喜殺了人也麼哥。我直喫的月兒東。紅日落。醺醺醉。〔龐通之做遞酒科〕〔云〕家童將酒來。我與王大人遞一盃。大人滿飲此盃。〔王弘云〕龐先生。小官多擾盛設也。〔龐通之云〕蔬食薄味。不堪供用也。〔正末云〕二位先生。俺在此對景開懷。看有甚麼人來。〔外扮顏延之引祇候上〕〔顏延之云〕參理戎卒職所當。公心不苟。豈非常。每因好靜求閑退。豈慕功名紙半張。小官姓顏名延之。幼習儒書。頗諳武事。今爲劉柳後軍功曹之職。某平昔之間。有一故友。乃潯陽柴桑里五柳莊陶淵明。此人讀書尙禮。不慕榮利。與小官爲金石之交。某今日過潯陽。探望淵明。走一遭去。來到這栗里之間。兀那山坡下。叢菊之中。有數人飲酒。莫非敢是淵明麼。我向前看者。〔見科〕〔云〕兀的不是淵明。小官正欲登府拜謁。不料此處相逢。不期而會也。〔正末云〕仁兄間別無恙也。與二位仁兄先生相見。這位是江州刺史王大人。這位是龐通之先生。〔顏延之見科〕〔云〕二位尊兄。恕生面也。〔王弘云〕不敢不敢。〔正末與顏延之遞酒科〕〔云〕家童將酒來。仁兄滿飲此

盃〔王弘云〕陶先生今日與顏先生偶然間相遇。正是他鄉遇故知也。〔正末唱〕

〔白鶴子〕間別來經數載。夢魂裏故人稀。〔王弘云〕衆位先生趁此景之美。菊蕊堆金。茱萸墜錦。當賞重陽也。〔正末唱〕趁着這撒黃金菊花天。宜共把香茱佩。〔龐通之云〕今日是重陽節令。滿目黃花。得會公等數人。乃千載之奇遇也。〔正末把菊置酒中科〕〔云〕你看這砌邊黃菊。我採得這一枝。散於酒中。我與顏大人奉一盃。仁兄滿飲此盃。〔顏延之云〕不敢不敢。遇此佳景。堪可忘懷稱意也。〔正末唱〕

〔白鶴子〕趁黃花滿眼開。飲數盞莫辭推。共戲馬上高臺。遂白髮書生意。〔顏延之云〕對着這紅葉黃花。正好飲幾盃也。〔正末把菊科〕〔云〕花也。我和你數載忘情。心同膠漆也。〔王弘云〕陶先生。此菊花比並那繁花之媚。可是不同。繁花之媚。乃出春間。焉有奇異。難比菊花也。〔正末唱〕

〔紅繡鞋〕花也則爲你不與那繁花爭媚。〔王弘云〕陶先生。比桃李可是如何也。〔正末唱〕花也則爲你不同他桃李爭輝。〔王弘云〕陶先生。自古道璫機玉衡。非爲池隍之寶。桂椒信芳。非爲園林之寶。此菊花有君子之風。因此先生深愛也。〔正末唱〕花也你端的有君子之心。淡淡若寒灰。花也我和你心相愛。我和你似陳雷。花也我和你意相合。魚

共水。〔家童云〕我倒笑了。放着官兒不做。則是愛這菊花。不知有甚麼好處。〔王弘云〕古語云。此菊花乃君子者也。有冷淡之趣。以此先生重之。請問先生。此菊花。再有何好處也。〔正末云〕大人。問此菊花的好處。大人不嫌絮煩。小生試說一遍者。〔王弘云〕乞望先生鑑教。小官洗耳願聞也。

〔正末唱〕

〔快活三〕入藥餌神農費品題。〔王弘云〕哦。此菊花神農皇帝嘗百草時。就入於藥餌。可治

何病也。〔正末唱〕清人目。最當宜。〔王弘云〕哦。這菊花清人眼目。可再有何好處也。〔正末唱〕

當年甘谷作服食。致令的入聖境超凡世。〔王弘云〕南陽有菊潭。又有甘谷泉。人飲其水。

皆得益壽延年。有此許多好處。淵明先生。俺對着這菊花。橫飲幾盃者。〔正末云〕衆位大人。豈不

聞古詩云。人世難逢開口笑。菊花須插滿頭歸。將這菊花。每人簪一枝。以應佳節也。〔正末同王

弘龐通之顏延之做簪菊花科〕〔正末云〕花也。我爲你棄了靴笏襴袍。辭了彭澤縣令。不爲你

別。〔王弘云〕先生爲菊花之意。含蓄多矣。敢問先生。爲這菊花。可有幾樁也。〔正末唱〕

〔鮑老兒〕我爲你棄功名。撇了俸給。因此上不戀彭澤官位。〔王弘云〕先生此花應

節而開。不失其候。遊人愛賞。三徑霜寒。堪咏堪題也。〔正末唱〕則爲你應候開時。遠徑蹊。偏

趁俺遊人意。愛的是秋香晚節。霜叢露蕊。玉盞金盃。他在那窗前戶右。籬邊三

逕堪詠堪題。

〔顏延之云〕淵明先生愛菊者。爲有相得之意。媚色嬌花。乃易壞難久之物。惟此花

堅操篤行。有隱逸之風。故先生愛焉。俺今日幸遇諸公。莫辭盃酒。先生滿飲此盃者。〔正末云〕仁兄。小生醉了也。〔淨家童云〕不喫罷。再歇會兒。倒在這裡。我則扶不動你。看你怎麼家去。〔正

末唱〕

〔古鮑老〕想人生百年能幾。感諸公置酒設筵席。翫青山錦屏四圍。〔龐通之云〕

蔬食薄味。不成管待也。〔正末唱〕擺紅蝦碧藕件件齊。見放着黃鷄嫩。紫蟹肥。則這尊

魚膾。啗剖金橙眞味美。漉新酒不惜巾幘。一任他紅日西山墜。〔王弘云〕對着這

三徑黃花。都要沉醉而歸。大開懷抱也。〔正末云〕家童將琴來。我撫一曲。以適酒興也。〔淨家童

做遶琴科〕〔云〕呵呵。我到笑了。一箇琴上又無絃。可彈些甚麼。老爹琴在此。〔王弘云〕淵明

可怎生這琴上無絃。何以作聲也。〔正末云〕豈不聞但識琴中趣。何勞絃上聲。〔做弄琴科〕〔唱〕

〔柳青娘〕長天似水。撫瑤琴弄金徽。靠着這巔崖怪石。歌南風少人知。則這新

腔古調。理趣微。傳心事相如已矣。奏流水還憶鍾期。則這對秋光乘佳興。乘佳

興賞東籬。〔王弘云〕淵明。你看那楓林古木。紅葉黃花。四面週圍。恰便似錦妝成的一般。是好景

致也。〔正末唱〕

〔道合〕黃葉紛飛。黃葉紛飛。深紅淡紫錦成堆。遶週圍滿山滿山如鋪翠。綵雲綵雲添佳麗。齊斟上茱萸酒盈盃。賞龍山排筵會。採黃花金英綴。把菊把菊常相對。呼童斟酒莫教遲。把菊把菊常相對。西山影落紅輪墜。共飲徘徊。醉已忘歸。收拾樽罍。這喫的倩人扶。冰輪出。冰輪出。玉玉山顏。〔顏延之云〕淵明今日對

秋光開懷歡笑。古人道勝事難逢。何不吟一首詩以賞重九佳辰也。〔正末做醉科〕〔云〕小生醉了。吟不的這詩也。〔顏延之云〕先生太謙也。〔正末做吟詩科〕〔云〕我論道幾句者。故人賞我趣。挈壺相與至。班荆坐松下。數斟已復醉。父老雜亂言。觴酌失行次。不覺知有我。安知物爲貴。悠悠迷所留。酒中有深味。〔顏延之云〕好佳作也。〔正末云〕我醉了。家童你扶着我。回我那五柳莊去也。〔淨家童做扶科〕〔云〕我教你少喫。你不聽我說。直喫的這麼鼻塌嘴歪的。可怎麼了。〔正末唱〕

〔耍孩兒〕趁西風有意乘鶴背。上青天雲程萬里。〔做落帽科〕〔淨家童云〕吊了帽子了。我看你沒有帽子。怎麼家去。〔龐通之做拾帽戴上科〕〔云〕淵明風落了帽也。〔正末唱〕狂來落帽爲詩魔。況人生有限之期。今朝尙想明朝醉。趁着這三徑黃花望眼迷。不是我心偏僻。愛則愛秋容慘淡。花萼清奇。〔顏延之做贈錢科〕〔云〕淵明先生。我和你今日

相別又不知何年相會。這的是二萬錢。聊助詩酒之費。萬乞笑留是幸也。〔正末云〕多謝了仁兄。家童將這二萬錢。都付與賣酒人家。以給日費也。〔淨家童云〕真箇是箇傻瓜。二萬錢都與了賣酒的也。不留幾箇與我們買條兒糖喫。〔正末云〕

〔尾聲〕感仁兄賜萬錢。盡歡娛日已西。前合後偃酩酊醉。〔帶云〕衆大人勿罪也。

〔正末唱〕我直睡到日轉蓬窗。恁時節起。〔淨家童扶下〕〔王弘云〕淵明去了也。今日得遇一面。果然胸襟灑落。篤信存仁。有君子之風。信不虛矣。龐先生多擾盛席。另日酬謝。顏大人俺同一去來。淵明氣量果清奇。愛菊能詩衆所知。黃花紅葉真堪賞。共樂秋光事事宜。〔同顏延之龐通之家童下〕

第四折

〔檀道濟上〕〔云〕奉勅傳宣出禁城。徵才聘德事非輕。賢良舉世無常有。因此芳名萬古清。小官檀道濟是也。某平日之間。親賢信友。舉善薦賢。前者在聖人前。曾保奏潯陽隱士陶淵明。聖人就封爲彭澤縣令。不期淵明在彭澤縣。止做了八十日官。辭官封印。願歸田里。小官想來。此人乃廟堂之器。棟梁之材。怎肯屈於下僚。今日小官又奏知聖人。聖人言曰。此人有如此大材。何不早說。爾今即便直至淵明家中。加官賜賞。以養終身。以彰國家作養人才之道。就差小官親爲使命。小

官不敢久停久住。則今日齋着詔書。直至潯陽。褒賞淵明。走一遭去。賢才抱德隱田園。格古通今。衆所傳。今番詔取爲官後。保祚皇圖億萬年。〔下〕〔正末引淨家童上〕〔云〕小生陶淵明是也。自從辭官之後。每日伴着那酒友詩朋。參今酌古。如今對著這暮秋天氣。你看這紅葉紛飛。好一派秋景也。〔唱〕

〔雙調新水令〕遍郊園桑葉錦妝成。亂紛紛不分苔徑。填合了陶令宅。平鋪了子雲亭。揮去還盈。紅葉兒則被你攬掇殺賞秋興。〔云〕家童。你聽的寒蛩唧唧。塞鴈呀呀。是好清幽也。〔淨家童云〕老的也。甚麼寒蛩塞鴈。直要窮的怎麼也。〔正末唱〕

〔駐馬聽〕露冷風清。雲外呀呀寒鴈鳴。田廬幽淨。悠悠促織韻秋聲。西風絡緯映疎櫺。家家砧杵相連併。心自省。趁花朝月夕當嘉慶。〔云〕家童。你看這秋光滿眼。我和你去那東籬下遊玩一遭去來。〔淨家童云〕飯也沒的喫。還要遊玩哩。沒奈何官差跟着他。

〔共做行科〕〔正末云〕來到這東籬下也。你看那黃花遍野。丹桂芬芳。是好秋景也。〔唱〕

〔喬牌兒〕蕩香風丹桂零。綻黃金菊花盛。滿東籬秋色連三徑。對長天開畫屏。〔云〕趁着這東籬之下。叢菊之中。家童。你取些酒果來。賞玩一會。以應佳節也。〔淨家童云〕要酒果。那裡得那酒果來。前番那箇顏老爺。留與你二萬錢。你都與酒店裏。成日家醉而復醒。醒而

復醉。一會子都喫掉了。你如今問我要酒。又無錢買。又賒不出來。那裡生那酒來。沒有酒。沒有酒。
〔正末云〕你便與我當去。〔淨家童云〕拏甚麼當去。有的則是沿身的衣服。如今當了。着我披着樹皮走。〔王弘同龐通之引琴童挑酒果上〕〔王弘云〕秋色秋光望眼迷。攜樽載酒賞東籬。爲尋知己酬佳節。拚却酩酊飲數盃。小官王弘是也。這位是龐通之先生。時遇三秋之景。喜的天色晴朗。同龐通之送酒與陶淵明去。對菊飲數盃。家童挑着酒饋。俺一同去來。〔龐通之云〕王大人。俺送酒與陶淵明去。可不知他在家不在家也。〔王弘云〕俺同去來。〔做見科〕〔云〕兀的不是淵明。淵明支揖。〔正末云〕二位尊兄。敢勞下降也。〔龐通之云〕淵明。今日節遇重陽。黃花滿眼。俺二人特來送酒也。家童排下酒饋。將酒來。〔家童云〕酒在此。〔龐通之做遞酒科〕〔云〕淵明。借王大人的酒。龐通之手。你滿飲此盃。〔正末做接酒科〕〔云〕敢勞仁兄送酒。何以克當也。〔唱〕

〔水仙子〕白衣送酒意非輕。〔龐通之云〕蔬食薄味。不堪所用也。〔正末唱〕同賞黃花樂歲登。〔王弘云〕俺今日盡醉方歸也。〔正末唱〕向東籬共飲乘佳興。喜三秋風露景。〔王弘云〕淵明。無甚麼好菜蔬。請用些兒也。〔正末唱〕見放着洗愁煩醪酒香馨。甜膩膩紅菱白芡。香馥馥龍團鳳茗。美甘甘綠橘黃橙。〔王弘云〕淵明。你看這東籬之下。叢菊盛開。俺正好飲幾杯也。〔正末云〕二位尊兄。雖然這東籬下菊花盛開。都不如這一叢菊花。委的盛茂。

也。〔王弘云〕陶先生此菊栽培。秉中央之氣。灌溉宜時也。〔正末唱〕

〔折桂令〕則他便秉中央正氣而生。戊己精華。后土威靈。〔王弘云〕這菊有迎霜之

色。欺芳顏。

脫誤

桃李之容。助詩人之佳趣。入藥餌清心。因此先生懷故也。〔正末唱〕另巍巍傲露迎

霜。獨芳孤操。吐萼含英。則你便助詩狂。東籬暮景。益仙翁服餌延齡。〔王弘云〕先

生因菊有傲三秋之茂。惡豔陽而喜淨景之時也。〔正末唱〕只因你玉潔冰清。因此與爾同

情。則被你牽了我肝腸。引了我魂靈。〔龐通之云〕王大人。你觀淵明酷愛此花。有何故也。

〔王弘云〕龐先生。王弘愚昧。不能會其淵明之意。望先生雅談一遍。王弘試聽也。〔龐通之云〕王

大人不嫌絮煩。聽小生試說一遍也。〔王弘云〕尊兄說一遍。王弘洗耳願聞也。〔龐通之云〕大人

不知。淵明有經濟之才。臺閣之器。不以富貴移其心。不以聲譽奪其志。不慕榮利。不事生產。甘處

於林泉之下。蔬食布衣。飲酒必醉。非嗜於酒。乃寄形於酒也。以予論之。乃人中之君子也。此菊花

有嬌媚色。重紫輕紅。不與天桃並豔。不向桃李爭芳。直待於九秋天氣。萬木蕭森。挺露欺霜。堅持

節操。與孤松並秀。向叢竹同芳。是花中之君子。以此淵明志氣相會。因而愛之。〔王弘云〕尊兄

此乃確論也。淵明小官曾聞先生所著五柳傳。倘不見外。願聞一遍者。〔正末云〕小生胡言亂

道。不足掛齒也。〔王弘云〕先生不必太謙。願聞一遍者。〔正末云〕先生不知何許人也。亦不詳其

姓字宅邊有五柳樹。因以爲號焉。閑靖少言。不慕榮利。好讀書。不求甚解。每有會意。便欣然忘食。性嗜酒。家貧不能常得。親舊知其如此。或置酒而招之。造飲輒盡。期在必醉。既醉而退。曾不吝情。去留。環堵蕭然。不蔽風日。短趙校短褐穿結。簞瓢屢空。晏如也。常著文章自娛。頗示己志。忘懷得失。以此自終。贊曰。黔婁有言。不戚戚於貧賤。不汲汲於富貴。其言茲若人之儔乎。酬觴賦詩。以樂其志。無懷氏之民歟。葛天氏之民歟。〔王弘云〕好佳作也。有太古之風。有聖賢之量。文辭灑落。氣量雄偉。真乃雄才也。〔正末唱〕

〔川撥棹〕論文辭豈當稱。敘真跡言至情。我則待傳布家聲。表記門庭。閉茅廬。烟消火冷。五柳莊隱姓名。〔龐通之云〕淵明已知平日所作文字甚多。再有何文章。願聞一遍。以開胸臆也。〔正末云〕小生自從休官後。作一篇歸去來辭。尊兄不嫌絮煩。願言請教也。〔龐通之云〕小生洗耳願聞。〔正末云〕歸去來兮。田園將蕪。胡不歸。既自以心爲形役。奚惆悵而獨悲。悟已往之不諫。知來者之可追。實迷途其未遠。覺今是而昨非。舟遙遙以輕颺。風飄飄而吹衣。問征夫以前路。恨晨光之熹微。乃瞻衡宇。載欣載奔。僮僕歡迎。稚子候門。三徑就荒。松菊猶存。攜幼入室。有酒盈樽。引壺觴以自酌。盼庭柯以怡顏。倚南窗以寄傲。審容膝之易安。園日涉以成趣。門雖設而常關。策扶老以流憩。時矯首而遐觀。雲無心以出岫。鳥倦飛而知還。景翳翳以將入。撫

孤松而盤桓。歸去來兮。請息交以絕遊。世與我而相違。復駕言兮焉求。悅親戚之情話。樂琴書以消憂。農人告余以春及。將有事於西疇。或命巾車。或棹孤舟。既窈窕以尋壑。亦崎嶇而經丘。木欣欣以向榮。泉涓涓而始流。善萬物之得時。感吾生之行休。已矣乎。寓形宇內復幾時。曷不委心任去留。胡爲乎遑遑欲何之。富貴非吾願。帝鄉不可期。懷良辰以孤往。或植杖而耘耔。登東皋以舒嘯。臨清流而賦詩。聊乘化以歸盡。樂夫天命復奚疑。〔龐通之云〕好清新言語也。淵明端所言信行。所行合言。真乃信義之士也。〔正末唱〕

〔七弟兄〕我則待隱形自盈樂吾生。恐田園將蕪迷歸逕。想昨非今是自相驚。短柴扉雖設常關定。〔檀道濟上〕〔云〕親傳恩命至潯陽。野宿風浪苦路長。褒賢養士施恩澤。萬古流芳姓字香。小官檀道濟是也。奉聖人的命。直至潯陽五柳莊上。陶淵明宅中。加官賜賞。走一遭去。可早來到也。令人接了馬者。家童報復去。有天朝使命至也。〔淨家童報科〕〔云〕理會的老爺。你還喫酒哩。有天朝使命至也。〔正末云〕呀呀呀。裝香來。俺自接待去。〔檀道濟云〕淵明。且不要施禮。小官奉聖人的命。特來與你加官賜賞也。〔正末唱〕

〔梅花酒〕呀。感吾皇聖主明。〔檀道濟云〕只因你抱德懷才。不慕榮利。聖人大喜。以此降勅褒獎也。〔正末唱〕量菲薄何能蒙恩澤非輕。誠顯耀門庭。〔檀道濟云〕是小官在聖人前

保奏你來。〔正末唱〕感仁兄憐故友。齋丹詔離神京。冒風霜踐路程。〔檀道濟云〕淵明似你這等博古知今。不肯爲官去。你所欲何事也。〔正末唱〕我則待伴山翁樂閑情。訪村叟共樵枰。着草履杖枯藤。看一帶曉山青。翫數朵野雲生。飲村酒兩三瓶。拚着箇醉而醒。〔檀道濟云〕淵明聖人加你爲官。廢子封妻。贍汝終身也。〔正末唱〕

〔喜江南〕呀。仰賴着當今仁聖意真誠。褒賢崇士播清聲。不勝惶懼至屏營。見如今太平。願吾皇萬壽永遐齡。〔檀道濟云〕淵明你望闕跪者。聽聖人的命。則爲你博學廣文。含雅量篤信存仁。樂清閑不圖榮利。守節操養性修身。愛黃菊東籬三逕。飲村酒每日醺醺。住茅屋蕭然環堵。伴簞瓢志樂天真。因此上吾皇見喜。齋丹詔獎勵家門。封你爲本處府尹。你妻爲賢德夫人。進陶儼本縣儒士。食廩膳養贍其身。賞附郭良田萬頃。賜御酒百甕長春。今日箇加官賜賞。望天朝拜謝皇恩。

題目 檀道濟舉善薦賢

正名 陶淵明東籬賞菊

內本校錄道人清常記

東籬賞菊穿關

頭折

檀道濟

領一字巾

帶三髭髯

張千

攢頂

圓領

正末陶淵明

方巾

圓領

沙三

頭紗包

布襖

布鞋

伴哥

雙簷

花手巾

布襖

布

家童

紗包頭

青

俵兒

五人

銀錠

青衣

使

命一字巾

帶三髭髯

補子圓

卜兒

場頭手帕

襖兒

鞋

第二折

外郎

吏巾

圓

正末陶淵明

紗帽

補子圓領

張千

同

縣丞

紗帽

圓

角帶

第三折

王弘

領一字巾

帶三髭髯

補子圓

龐通之一

字巾

圓領

琴童

紗包頭

青

王弘又上

同

正末

前

正末

陶淵明

折同頭

家童

同

龐通之

琴童

同前

挑

王弘又上

同

顏延之

一字巾

補


帶

帶

三髭髯
張千
前

第四折

檀道濟同前正末陶淵明家童同前王弘龐通之琴童同前挑酒果檀道濟又上同前



魏徵改詔風雲會

闕名

頭折

〔沖末扮唐元帥領卒子上〕〔云〕隋世紛紛起戰爭。區區四海結英雄。除危定亂扶明主。則某是文武雙全李世民。某姓李字世民。祖公公大元帥李虎。祖父唐國公李炳。我父乃是李淵。先爲太原留守。因爲隋失其政。以此天下豪傑並起。有六十四處煙塵。十八處僭號興兵。是那十八處。江南蕭銑。遼東李密。幽州劉季真。洛陽王世充。揚州宇文化及。梁州李軌。虢州朱燦。蘭州薛舉。明州竇建德。夏州梁師都。饒州林士弘。湖州沈法興。兗州徐圓朗。鄆州李子通。滄州孟海公。齊州輔公祐。山後劉武周。洺州劉黑闥。某自興義兵以來。大破宋老生。收伏了長安。某手下有雄兵百萬。戰將千員。別處軍兵也不打緊。則有這江南蕭銑。洛陽王世充。金墉城李密。某今先要收伏洛陽王世充。後破李密。某今聚衆將來商議此事。小校與我喚將劉文靜來者。〔卒子云〕理會的。劉文靜安在。〔外扮劉文靜上〕〔云〕文習孔孟修仁德。武演孫吳智略能。爲臣盡節存忠孝。永坐都堂享太平。小官劉文靜是也。幼習先王典教。長而頗知經史。曾爲太原府行軍司吏。因李密作亂。隋主將李密親族。盡皆殺壞。某被擒於太原繫獄。因李世民撥亂反正。交結英豪。自三鎮晉陽之後。四

方賢俊。望風而至。先得了長安。主公手下有雄兵百萬。戰將千員。今日唐元帥聚俺衆將。不知有甚事。須索走一遭去。可早來到也。小校報復去。道有劉文靜來了也。〔卒子云〕理會的。喏。報的元帥得知。有劉文靜來了也。〔唐元帥云〕着他過來。〔卒子云〕理會的。着過去。〔唐元帥云〕劉文靜。喚你來別無甚事。今各處草寇未定。別處軍兵。都不打緊。止有這洛陽王世充。金墉城李密。這兩處兵多將廣。某今要領兵收伏洛陽。若得成功。因勢而破李密。如破竹之勢。特喚你來商議也。〔劉文靜云〕元帥。此計大妙。趁今番俺軍兵氣壯。將士英雄。若統兵征伐。有如翻掌。雖然如此。也要與衆將商議者。〔唐元帥云〕文靜。你正合某心。小校與我喚將段志玄。元吉來者。〔卒子云〕理會的。段志玄。元吉安在。〔二淨扮段志玄。元吉上〕〔段志玄云〕馬鞍雕鞍。將掛袍。終朝每日。踰高橈。休言十載塞窗苦。買賣歸來汗未消。某乃段志玄是也。這箇是三將軍元吉。論我這們箇將軍。騎的劣馬。拽的硬弓。聽的上陣。就要推風。沒有買賣。新房裏賣葱。正在山頂兒上打盹。有唐元帥聚俺衆將。不知有甚事。須索走一遭去。可早來到也。小校報復去。道有三將軍同段志玄。在於門首也。〔卒子云〕理會的。喏。報的元帥得知。有三將軍同段志玄來了也。〔唐元帥云〕着他過來。〔卒子云〕理會的。着過去。〔二將做見科〕〔段志玄云〕元帥。劍甲在身。不能施禮。喚俺二將那廂使用。〔唐元帥云〕今日聚您衆將來。不爲別。今有洛陽王世充。與李密兩家。臨俺相近。我今要統

領軍兵。收伏洛陽王世充。後襲李密。您衆將意下如何。〔元吉云〕哥哥。既然要收伏洛陽。您兄弟願爲前部先鋒。〔段志玄云〕我老段也走一遭去。〔唐元帥云〕既然如此。小校與我請將軍師李靖來者。〔卒子云〕理會的。軍師元帥有請。〔正末李靖上〕〔云〕某姓李名靖字藥師。祖居京兆三原人氏。幼習儒業。長而頗看經史。有某嫡舅。乃是韓擒虎。見某資貌魁秀。每日與某講論兵甲之書。歎曰。真乃棟梁之才也。高祖定京師。引某爲三衛。累次呈言獻策。言聽計用。每回臨陣。無不幹功。加某爲行軍總管。兼攝行軍長史。軍政亦與焉。今謝聖恩可憐。拜某爲軍師之職。今日唐元帥陞帳。須索走一遭去。想俺這爲臣子的。則要箇盡忠報國也呵。〔唱〕

〔仙呂點絳脣〕慷慨英雄。待時而動。皇家用。風虎雲龍。端的是作柱石。可便爲梁棟。

〔混江龍〕博得箇官高祿重。都則要敬於事上。要據忠。略人要立身行道。顯祖揚宗。明聖主睿算神謀。安社稷。俺大將軍龍韜虎略。展疆封。見如今萬萬歲。明聖主咸稱頌。都是那一時英俊。播一箇萬古清風。〔云〕可早來到也。小校報復去。道有李靖來了也。〔卒子云〕理會的。喏。報的元帥得知。有軍師來了也。〔唐元帥云〕道有請。〔卒子云〕理會的。有請。〔正末做見科〕〔云〕元帥。今日聚俺衆將。有何事商議。〔唐元帥云〕軍師請坐。今日

聚衆將來。不爲別。因爲各處草寇作亂。別處不打緊。則有這李密王世充兩家。虎拒於中原。某今要親率三軍。先收伏洛陽王世充。後破李密。軍師意下如何。〔正末云〕元帥要領兵收伏洛陽王世充。後破李密。元帥這洛陽與金墉城。臨境相接。李密手下雄兵百萬。戰將千員。又有二士三賢五虎七熊八彪。則怕急難收伏。不如暫且按兵。少待天時人事。那其間起軍征伐。也未爲晚矣。〔唐元帥云〕軍師想隋失其政。豪傑並起。各霸州郡城池。今日俺兵多將廣。若不征伐。恐落他人之後也。〔正末唱〕

〔油葫蘆〕則這煬帝巡遊海宇中。盜賊起似蟻蜂。見如今那豪傑吞併亂縱橫。則他那六十四處征塵動。十八處無名草寇將軍卒統。若論着爲總戎。端的是要奮勇。〔唐元帥云〕似此何時得定也。〔正末唱〕都不如施仁發政。恩威重。那的可也伐無道撫安寧。

〔天下樂〕纔能轂一統山河百二雄。衆水朝也波東。文軌同。恁時節君臣際遇成大功。〔唐元帥云〕軍師。暫爲人臣者。將何以報聖朝之恩也。〔正末唱〕君使臣以禮。臣事君要盡忠。自然的保皇圖天地永。〔唐元帥云〕住住住。軍師既然說爲臣要盡忠。俺爲臣者。當以盡忠。盡心竭力。捨死忘生。我要收捕洛陽王世充。征伐李密。軍師百般攔當。可是爲何也。

〔正末云〕元帥李靖。豈不知盡忠之理。爭奈元帥你這氣色不甚好。況兼元帥今年命運。不可移動。我觀元帥的容顏氣色。不可遠行也。〔唐元帥云〕軍師道我面色之氣不甚好。可是那些兒帶着。軍師試說一遍者。〔正末云〕元帥不信。聽李靖慢慢的說一遍者。〔唱〕

〔那吒令〕我這裡對主公論一箇始終。論始終斷一箇吉凶。斷吉凶在你那面容。〔唐元帥云〕面容上可是帶在那裡。〔正末唱〕五岳上有滯色。敢九州上無光瑩。則你那災晦重重。〔唐元帥云〕可再有何氣色也。〔正末唱〕

〔鵲踏枝〕青氣更貫雙瞳。赤色更鎖眉峯。更和那金貴天庭。黑氣如虹。〔唐元帥云〕這氣色應在幾時也。〔唱〕則他那一百日驚憂也怕恐。〔唐元帥云〕某好歹要去。〔正末唱〕你堅心待戮寶擒充。〔元吉云〕哥哥。你爲元帥。自做箇主張。聽這等言語。可不道一福能壓百禍也。〔段志玄云〕老三。正是這等說。聽他怎的。憑着我老段坐下槍。手中馬。〔卒子云〕顛倒了。〔段志玄云〕吓。顛倒了。我要怕他。就是蜜蜂兒養的。〔唐元帥云〕軍師。這陰陽術數。也不可信也。〔正末唱〕

〔寄生草〕我言語可便無虛謬。不脫空。元帥你施恩布德。可便相知重。又不是巧言令色相譏諷。又不比阿諛諂佞相搬弄。你則待要深入敵陣有災危。則不

如堅壁固守休移動。〔劉文靜云〕元帥既然軍師這般說。則怕元帥有失。小官劉文靜願與元

帥同共走一遭去。〔正末唱〕

〔醉中天〕則你箇文靜要相隨從。則你那面色一般同。使不着你暴虎憑河勇氣冲。你可便悔後成何用。
〔劉文靜云〕爲臣子當以竭力盡忠。豈怕生死也。
〔正末唱〕你道是竭力堅心盡忠。我可也則恐怕生哀痛。
〔劉文靜云〕軍師這風鑑相面。也不可信。我便去也無傷。
〔正末唱〕

〔金盞兒〕我觀氣色。察形容。你有去路。少來蹤。你道是人論風鑑言無中。豈不聞堯眉八彩。舜目有重瞳。則是這文王曾四乳。漢祖準高隆。元帥那雄威天日表。果然道安天下。定寰中。
〔元吉云〕軍師你休這般說。如今元帥要去。你說面色不好。不可去。

假似那王世充同李密領兵來呵。你也說面色不好。不和他廝殺。想當初俺在太原起義兵。東蕩西除。南征北討。收伏了宋老生。得了長安。那其間也不會着人相面。今日俺兵多將廣。虎視天下諸侯。到今日也可纔相面。此言不可信。老李休要胡說。
〔唐元帥云〕軍師這陰陽術數。也不可辯於面上。我如今要成大功。軍師你也當不住我。劉文靜軍師說你也面色不好。你不必去。與軍師緊守長安。某今親自爲帥。着三將軍元吉爲先鋒。段志玄爲合後。則今日統領十萬雄兵。先收李

密。後破王世充。某這一去。必然得勝也。〔正末云〕既然元帥堅意的要去。三將軍。你爲先鋒。聽我一計。則要你小心必勝。若膽心有失。你則休離元帥寸步。則要你小心在意者。〔元吉云〕軍師放心。放着我哩。不道有失。若輸了夾着馬先跑。〔正末云〕元帥。你去則去。小心在意者。〔唱〕

〔尾聲〕則要這將帥顯崢嶸。軍校施威猛。排隊伍前遮後擁。颭颭旌旗日色籠。左右哨合後先鋒。盡豪雄氣吐長虹。若是你得勝也。先將飛報通。〔唐元帥云〕憑

着我兵雄將勇。這一去觀敵兵一鼓而下也。〔正末唱〕則要你看虛實戰功。常言道寡不能敵衆。則要你鋪謀定計建奇功。〔同劉文靜下〕〔唐元帥云〕三將軍。你領三千軍馬爲前哨。

段志玄。你領三千軍馬爲後哨。則要您小心在意者。〔元吉云〕得令。大小三軍。聽我發放。人披人甲。馬披馬甲。有甲的披甲。無甲的披上兩塊板關。兩頭着繩子繒住。看那弟子孩兒。每怎麼拉把把。忙撻細狗背雕鞍。桑木匾擔在腰間。撞見敵兵則一下。能可折下打不彎。〔下〕〔段志玄云〕三將軍去了也。某領三千人馬爲合後。走一遭去。大小三軍。擎着燒餅涼水泡飯。肚裏頭疼。但若着陣。您推裝風。我也害病。則管發昏。敵軍過去。起來便行。騎着快馬。先報頭功。出乘超羣。段志玄。今爲合後到軍前。若還贏了。則情殺。輸了。望家一道煙。〔下〕〔唐元帥云〕二將去了也。某則今日點就三軍。親自爲帥。收捕李密。走一遭去。到來日三通鼓罷。拔寨起營。但犯違令者。按軍令必當斬。

首。頭頂金盔。腕懸鞭。驅兵領將數千員。殺氣騰騰。籠宇宙。旌旗颭颭。陣雲煙。不弱韓侯擒項羽。勝如孫子斬龐涓。拏住敵兵必殺壞。血濺東南半壁天。〔下〕

楔子

〔外扮李密領卒子上〕〔云〕祖代簪纓。姓字香。雄威忿勇。定封疆。戎兵百萬千員將。積粟如山。聚洛倉。某乃李密是也。在隋爲大將之職。因爲隋失其政。煬帝東巡。豪傑並起。某從翟讓起兵於瓦岡。爲因翟讓不仁。某殺了翟讓。遂領其衆。某在此金墉城。聚雄兵百萬。戰將千員。內中有二士三賢。五虎七熊八彪。此處糧多草廣。四方饑民。望風而至。某自號大魏王。在此金墉城。虎據於洛口。今日無甚事。小校轅門首看者。但有緊急軍情事。報復我知道。〔卒子云〕理會的。〔卒子做急報科〕〔云〕可不早說。喏。報的元帥得知。今有唐元帥。領百十騎人馬。在於西門外觀看俺城池哩。〔李密云〕頗奈李世民無禮。他怎敢偷觀俺城池。更待干罷。小校與我喚將程咬金來者。〔卒子云〕理會的。程咬金安在。〔外扮程咬金上〕〔云〕泰山頂上刀磨缺。北海波中馬飲枯。男子三十名不立。枉做堂堂大丈夫。某乃大將程咬金是也。見佐於魏公李密手下爲將。今有魏公呼喚。不知有甚事。須索走一遭去。可早來到也。小校報復去。道有程咬金來了也。〔卒子云〕理會的。喏。報的元帥得知。有程咬金來了也。〔李密云〕着過來。〔卒子云〕理會的。着過去。〔做見科〕〔程咬金

云元帥喚某有何事。〔李密云〕喚你來不爲別。頗奈唐元帥李世民無禮。他無故領兵。偷觀俺金墉城。我撥與你五百軍馬。你去城北截殺。務要擒拏將來。小心在意者。〔程咬金云〕得令。某點就五百軍馬。擒拏唐元帥。走一遭去。某親身疾便領三軍。雄威赳赳敢施呈。全憑手內宣花斧。生擒虎將顯功能。〔下〕〔李密云〕程咬金去了也。小校與我喚將裴仁基來者。〔卒子云〕理會的。裴仁基安在。〔外扮裴仁基上〕云虎將雄威運六韜。全憑武藝建功勞。提刀定亂扶仁主。萬古名揚姓字高。某乃大將裴仁基是也。佐於魏公手下。爲安虎上將軍。今有魏公呼喚。不知有甚事。須索走一遭去。可早來到也。小校報復去。道有裴仁基來了也。〔卒子云〕理會的。喏。報的元帥得知。有裴仁基來了也。〔李密云〕着他過來。〔卒子云〕理會的。着過去。〔做見科〕〔裴仁基云〕元帥呼喚小將有何事。〔李密云〕喚你來不爲別。因爲唐元帥李世民無禮。偷觀俺金墉城。某撥與你五百軍馬。出東門擒拏唐元帥去。則要你成功而回也。〔裴仁基云〕得令。某則今日統領五百人馬。擒拏唐元帥。走一遭去。傳令親身疾便行。東門哨瞭戰敵兵。軍前略展英雄手。活捉唐童李世民。〔下〕〔李密云〕裴仁基去了也。小校與我喚將蔡健得來者。〔卒子云〕理會的。蔡健得安在。〔外扮蔡健得上〕云馬鞍雕鞍將掛袍。將軍呵手撚弓梢。休言十載寒窗苦。怎比征夫半日勞。某乃大將蔡健得是也。見佐於魏公手下爲將。今日魏公呼喚。不知有甚事。須索走一遭去。可早來

到也。小校報復去。道有蔡健得來了也。〔卒子云〕理會的。喏。報的元帥得知。有蔡健得來了也。〔李密云〕着過來。〔做見科〕〔蔡健得云〕元帥呼喚小將。那廂使用。〔李密云〕蔡健得。喚你來不爲別。爲因唐元帥無故領兵。偷觀俺金墉城。我撥與你五百軍馬。出西門擒拏唐元帥。小心在意者。〔蔡健得云〕得令。某領五百軍馬。出西門擒拏唐元帥。走一遭去。人又英雄馬又韋。擁身飛上寶雕鞍。領兵若遇交鋒處。不提唐童誓不還。〔下〕〔李密云〕蔡健得去了也。小校與我喚將王伯當來者。〔卒子云〕理會的。王伯當安在。〔外扮王伯當上〕〔云〕三尺龍泉萬卷書。皇天生我意何如。山東宰相山西將。彼丈夫兮我丈夫。某乃王伯當是也。佐於魏公手下爲將。今有魏公呼喚。不知有甚事。須索走一遭去。可早來到也。小校報復去。道有王伯當來了也。〔卒子云〕理會的。喏。報的元帥得知。有王伯當來了也。〔李密云〕着過來。〔卒子云〕理會的。着過去。〔做見科〕〔王伯當云〕元帥喚某。有何事商議。〔李密云〕王伯當。喚你來不爲別。今有唐元帥領兵來。偷觀俺城池。更待干罷。某今撥與你五員虎將。各領五百軍馬出城。四面邀截。務要擒拏住唐元帥。則要你成功而回也。〔王伯當云〕得令。則今日領五百軍馬。擒拏唐元帥。走一遭去。五虎分兵四面抄。橫槍擡馬逞英豪。遇敵略展雄威力。活捉唐童見聖朝。〔下〕〔李密云〕小校。與我請將秦叔寶來者。〔卒子云〕理會的。秦叔寶安在。〔正末扮秦叔寶上〕〔云〕某姓秦名瓊字叔寶。佐於魏公李密麾下。

下爲將。今有元帥呼喚。不知有甚事。須索走一遭去。可早來到也。小校報復去。道有秦叔寶在於轅門首。〔卒子云〕理會的。喏。報的元帥得知。有秦叔寶來了也。〔李密云〕道有請。〔做見科〕〔正末云〕元帥喚某。有何事商議。〔李密云〕秦叔寶。今有唐元帥李世民欺吾太甚。某今差您五虎將。各領五百人馬。五下廂埋伏。務要擒拏將李世民來。我撥與你一百軍馬。便行中路。小心在意。務要成功也。〔正末云〕得令。則今日領着一百騎人馬。擒拏唐元帥。走一遭去。〔唱〕

〔賞花時〕俺如今領將驅兵五下裏排。唐元帥難脫這天羅地網災。喊聲起鬧垓垓。憑着俺這英雄。可使氣槩。穩情取活拏得他這箇世民來。〔下〕〔李密云〕五虎將都去了也。這一去必然成功也。若拏將李世民來。某自有箇主意。他舉意興心領士卒。偷觀哨瞭探實虛。若將世民擒拿住。我着那唐朝拱手納降書。〔下〕

第二折

〔唐元帥同元吉踰馬兒領卒子上〕〔唐元帥云〕出師遣將興戈甲。大率雄兵擺戰圖。某乃唐元帥是也。離了長安。統領十萬雄兵。收捕李密。離洛陽十數里地。安營下寨。則說李密在金墉城裏住。某今日領着百十騎人馬。與兄弟三將軍。觀看李密城池。走一遭去。〔元吉云〕元帥遠遠的望見李密城池。元帥。你看一座好城池也。〔唐元帥云〕是好一座城池也。〔段志玄慌上〕〔云〕

兀的不是唐元帥和三將軍哩。你還不走哩。〔唐元帥云〕兀的不是段志玄。段志玄。你這般慌怎的。〔段志玄云〕元帥。不好也。嚙走。〔唐元帥云〕怎麼不好了。〔段志玄云〕我見元帥三將軍來了。我隨後來接應元帥。不想李密四面八方。放出軍來。元帥。嚙走了罷。〔唐元帥云〕李密家軍兵在那裡。〔段志玄云〕兀那後面塵土起處。軍馬來了也。〔元吉云〕好箇不長進的。不妨事。放着我哩。〔唐元帥云〕嚙休走。擺開軍兵。看是何人。〔正末扮秦叔寶跣馬兒領卒子上〕云大小三軍。擺開陣勢者。〔唱〕

〔越調鬪鶴鵲〕我可便帥領中軍。調督着東西南北。旗按中央。分布着青紅白黑。殺氣征塵。遮天映日。爲將要知進退。分正奇。全憑着虎略龍韜。謹依着天文地理。

〔紫花兒序〕那元帥鋪謀定計。衆將校耀武揚威。唐元帥受困遭危。他一來是偷觀城壘。二來是打探虛實。相欺。他正是剔蝎撩蜂。尋鬪敵。便索緊緊的隄備。憑着俺將勇兵強。我直着他瓦解星飛。〔段志玄云〕元帥。兀的不敵兵至也。〔正末云〕來者何人。〔元吉云〕元帥。我與他打話。兀那來的將軍。某乃不是別人。唐元帥手下三將軍元吉是也。你何人。〔正末云〕某乃魏公手下秦叔寶是也。你那唐元帥。不得無禮。你怎生偷觀俺城池。

也。〔唐元帥云〕兄弟。你過來。我與他打話。兀那秦叔寶將軍。你認的我麼。〔正末云〕你是何人。〔唐元帥云〕你不認的我。則我便是唐元帥李世民。我也多聽的說你這箇名兒。你若肯背暗投明。降了俺主人呵。我去聖人跟前保奏過。將你重重的賜賞加官。不強似你在李密手下爲將也。〔正末唱〕

〔小桃紅〕我這裡聽說罷。憤氣吐虹霓。他小覷俺如兒戲。〔唐元帥云〕將軍。這背暗投明。古之常理也。〔正末唱〕你教我背暗投明。棄仁義。你可都便休題。你今日自撞入虎窟龍潭內。者莫你身添二翼。肩生六臂。則除是就地潑天飛。〔唐元帥云〕將軍。你不如投降了俺主公罷。〔正末云〕唐元帥。咱兩箇交戰來。〔元吉云〕哥哥。你壓着陣。我與段

志玄兩箇交戰。我着他就跑。〔段志玄元吉戰正末科〕〔正末云〕衆軍操鼓來。〔唱〕

〔鬼三台〕戰鼓凱。催兵騎。銃砲響。驚天地。不弱如大會垓。埋伏着陣勢。〔程咬金領四將上〕〔程咬金云〕唐元帥少走。有某久等多時。〔唐元帥云〕他軍兵勢大。如之奈何。〔正末唱〕你原來將寡與兵微。怎生和俺對敵。他那裡筋弛力盡尋空隙。俺這壁人強馬壯乘勢追。〔唐元帥同二將慌下〕〔程咬金云〕你走了。更待干罷。〔正末唱〕直趕到海角天涯。則恐怕陰陵路迷。〔程咬金云〕唐元帥走了也。不問那裡趕將去。〔五將做趕科〕〔唐

元帥慌上。〔云〕某乃唐元帥是也。亂戰之間。將我那馬又失了。如之奈何。後面趕的至近。兀的一箇神堂古廟。我入的這廟門來。是箇老君廟。老君上聖。金鞭指路。聖手遮攔。我且在此處潛趕者。〔正末上〕〔云〕趕着唐元帥。看着往這老君廟裏去了。小校接了馬者。我與你親自拏去。

〔唱〕

〔黃鶯薇〕趕到這老君廟裏。大踏步走上堦基。躡亮欄。虬樓粉碎。誓撞見如何趨避。〔唐元帥云〕可怎生是好。〔正末唱〕向前去扯住錦征衣。掣龍泉三尺劍光飛。斷樓領倒偃了紫金盔。〔唐元帥云〕將軍。怎生縱放我。此恩異日必當重報。〔正末唱〕你說甚兵機。着我便輕放了你。〔唐元帥云〕將軍。怎生放我出這廟門。逃性命去。可也好也。〔正末云〕休道我不放你去。我便放了你。你也逃不出去。〔唐元帥云〕可怎生逃不出去。〔正末唱〕你覷這其間那廟門外七重圍。〔唐元帥云〕將軍。怎生饒我這一命者。〔正末云〕罷罷罷。我見你是箇仁德之人。我不殺你。〔唐元帥云〕則怕有別的將軍來。〔正末云〕不妨事。我自有箇主意。〔程咬金同裴仁基蔡健得王伯當上〕〔程咬金云〕秦叔寶趕的唐元帥入這廟裏去了。衆將圍了這廟。左右接了馬者。我入這廟來。〔做見唐元帥科〕〔云〕好也囉。秦叔寶刻的與他說話哩。唐元帥少走。喫吾一斧。〔正末做着鋼架住斧科〕〔正末唱〕

〔調笑令〕金蘸斧便劈。鉞楞鋼緊迎敵。鉞楞鋼緊迎敵。呀。迸萬道金光霞彩飛。
〔程咬金云〕叔寶將軍。你怎生架住我斧那。〔正末唱〕着人腦蓋天靈碎。說的他似醉如癡。
〔程咬金云〕你怎敢侵犯俺這邊境。更待干罷。〔正末唱〕你道他侵犯邊境有罪累。也須要
審問箇虛實。〔程咬金云〕你過來。我一斧將他劈爲兩半。秦叔寶。你怎生道順着唐元帥。你敢有
二心。更待干罷也。〔正末唱〕

〔耍廝兒〕程咬金無些見識。〔程咬金云〕秦叔寶。你原來有二心也。〔正末唱〕這秦叔寶
有甚私弊。他是箇遊魚病虎。落在網裏。他能變化。快施威。怎的支持。〔程咬金云〕
秦叔寶。我要成功。你兩回三次當住。我見了魏公。敢不道的索放了你哩。〔正末唱〕

〔聖藥王〕你則是參將的權。我須是元帥職。你道我兩回三次當攔住。〔程咬金
云〕我將他挫屍萬段。〔正末唱〕將你那怒氣息。和你言就裏。將他去面縛輿榘獻京
畿。那其間誅斬有何遲。〔程咬金云〕您三位將軍都在此。叔寶將軍有二心。更待干罷。我和你
見魏公去來。〔正末云〕住住住。將軍息怒。三位將軍在此。當日魏公差俺五員將。擒拿唐元帥來。
不曾教俺殺壞他。這唐元帥的父親。與俺魏公是八拜交的朋友。他是元帥姪子之輩。倘若噤殺
了他。魏公見怒。如之奈何。噤如今將他活拏到魏公跟前。那其間生死存亡。在於魏公。可不好那。

〔裴仁基云〕叔寶將軍說的是。將唐童執縛定了。拏去見魏公去來。〔卒子拏唐元帥科〕〔唐元帥云〕罷罷罷。我悔呵遲了也。當初不聽李靖之言。果有今日之危也。我本意當初襲世充。驅兵領將作元戎。我似那病虎投崖難舒爪。魚遭鐵網怎翻騰。〔下〕〔王伯當云〕今日俺五虎將成功也。見魏公去來。〔正末云〕噲魏公跟前獻功去來。〔唱〕

〔尾聲〕傳號令軍政司牢監繫。用劍戟槍刀緊圍。準備着凱還報捷獻俘囚。恁時節賜賞封官可兀的那場喜。〔下〕〔程咬金云〕三位將軍。俺見元帥獻功去來。驅兵領將顯英雄。軍前一陣見輸贏。將兵疾便差飛報。五將今朝建大功。〔同下〕

楔子

〔正末扮李靖領卒子上〕〔云〕某乃李靖是也。自從唐元帥領兵收捕李密去了。未知勝敗如何。小校轅門首覷者。若有軍情事。報復我知道。〔元吉同段志玄上〕〔段志玄云〕路上怎敢消停住。則怕後面趕將來。某乃段志玄是也。俺二人跟着元帥領兵將捕李密。被李密家軍馬擒拏將元帥去了。俺兩箇剛剛的逃出箇命來。俺見軍師去來。〔元吉云〕你還說嘴兒哩。後面追兵來了。走走。〔段志玄云〕住住住。老三。噲慢慢的走。〔元吉云〕則怕後面趕將來。〔段志玄云〕你且住。噲把這軍兵見見數。也好回軍師話。〔元吉云〕俺唐元帥也被他拏將去了。那裡顧的那軍兵。噲折

到有太半人馬。如之奈何。〔段志玄云〕不妨事。見軍師去來。可早來到帥府門首也。小校報復去。道有三將軍元吉同段志玄來了也。〔卒子云〕理會的。哨報的軍師得知。有元吉同段志玄來了也。〔正末云〕着他過來。〔卒子云〕理會的。着過去。〔做見科〕〔正末云〕三將軍勝敗如何。〔元吉云〕不枉了做那軍師。好委的妙哉。〔正末云〕你說甚麼。〔元吉云〕我說道早知則依着軍師。不去倒好來。俺唐元帥領兵到那裡安了營寨。唐元帥道。您兩箇守着營寨。則說李密一座好金墉城。我去看一遭去。我當不住。我也跟着元帥去。委的一座好金墉城。他放出軍馬來。將俺圍住。亂戰之間。不知唐元帥那裡去了。我那哥哥也。〔正末云〕段志玄你因何不領兵接應去。〔段志玄云〕軍師不知。剛唐元帥去了。我隨後領兵接應將去。不想李密家手下五員將。各領軍馬。四城門放出來。俺二人和他交鋒。他那壁五員將。戰着俺這壁兩箇。能狠怎敵衆犬。俺兩箇和他廝殺了一日。被他那壁軍來的多了。唐元帥不知那裡去了。軍師不要愁他。他好歹住幾日來也。〔正末云〕噤聲。你刻的還戲說哩。不知唐元帥那裡去了。要你兩箇做甚麼。小校將這兩箇執縛定。見聖人去來。〔元吉云〕軍師可憐見。不干俺兩箇事。當初俺兩箇勸元帥不要去。都是劉文靜攛掇的。唐元帥去來。〔正末云〕且住者。你二人且一壁有者。小校喚將劉文靜來者。〔卒子云〕理會的。劉文靜安在。〔劉文靜上〕〔云〕事有足詔。物有固然。小官劉文靜是也。自從唐元帥去了。至

今音信皆無。未知輸贏勝敗。今日軍師呼喚。須索走一遭去。可早來到也。小校報復去。道有劉文靜來了也。〔卒子云〕理會的。喏。報的軍師得知。有劉文靜來了也。〔正末云〕着他過來。〔卒子云〕理會的。過去。〔做見科〕〔正末云〕劉文靜。你見這三將軍麼。〔劉文靜云〕呀。三將軍段志玄。您二將來了也。唐元帥勝敗如何。〔元吉云〕你還問唐元帥哩。俺元帥到的那裡。未曾與王世充交鋒。先看李密家金墉城。不想李密知道了。差五員將開放四城門。放出軍馬來。早是俺兩箇。若是別人呵。這其間也被他拏將去也。老劉可不干俺兩箇事。都是你着元帥去來。〔劉文靜云〕如今唐元帥在那裡。〔元吉云〕被李密五虎將拏將去了也。〔正末云〕劉文靜。你聽的麼。我當初不要元帥去。你將元帥攬掇的去了。今日更待干罷。這樁事都在你身上。〔劉文靜云〕軍師放心。若與王世充交鋒。唐元帥有失。可也難保。李密和小官關親。因爲煬帝天下尋間。李密親屬都要殺壞了。小官爲因是他親。將小官下在太原獄中。若不是唐元帥興起義兵。放了小官。險被李密連累了我性命。有此之恩。我今親自到於金墉城。李密若見了小官。必然放唐元帥回國也。〔正末云〕劉文靜。你用多少人馬。〔劉文靜云〕小官不用多。則用十數騎人馬轂了。小官不敢久停久住。則今日便索長行也。〔正末云〕劉文靜。你這一去。小心在意者。〔劉文靜云〕小官這一去。李密必然放唐元帥還國也。〔正末背科〕〔云〕我觀劉文靜面目。也有一百日之憂。〔正末看劉文靜科〕〔云〕

劉文靜。你放心去。我已自安排定了也。〔正末唱〕

〔正宮端正好〕則爲他逞籠豪。到今日遭危難。則要你保護的人馬平安。今日箇扶危救困。休辭憚。疾便的牽戰馬上雕鞍。也不用排隊伍列旗旛。若是你功成後免摧殘。若還你有失所。那其間惹愁煩。哎。將軍也。今日箇方顯你這英雄漢。〔下〕〔劉文靜云〕則今日領着十數騎人馬。便索長行。忙呼軍士莫消停。疾便驅馳晝夜行。親身若到金墉地。管教元帥早回程。〔下〕

第三折

〔李密領卒子上〕〔云〕部下雄兵如猛虎。活拏唐童李世民。某乃魏公是也。頗奈唐元帥無禮。他無故領兵。偷觀某城池。更待干罷。某着五虎將。與唐元帥交鋒。不想衆將果然將唐元帥拏將來了。某想見今十八處軍兵。某都皆不懼。惟有長安唐公手下兵多將廣。唐公幼小時。某與他曾爲八拜交朋友。我今將唐元帥留在此處。可爲賓當。我着唐公正目不取將某視之。等某將各處軍馬收伏了時。那其間自有箇主意。小校便分付軍卒。將唐元帥下在南牢。着人好生看守者。〔卒子云〕理會的。〔李密云〕小校門首看者。若有軍情事。報復我知道。〔劉文靜上〕〔云〕小官劉文靜是也。自離了長安。來到此處。可早至府門首也。令人接了馬者。小校報復去。道有唐公手下差

一人乃是劉文靜。在於門首。〔卒子云〕喏。報的元帥得知。有劉文靜在於門首。〔李密云〕是劉文靜。着他過來。〔卒子云〕理會的。過去。〔見科〕〔劉文靜云〕魏公數年不見。小官有一拜。〔李密云〕劉文靜。你因何而來。〔劉文靜云〕小官奉俺唐公命。有唐元帥東征洛陽王世充。因打此處過。不曾敬來拜見大元帥。有失叔姪之禮。元帥怎生看唐公舊交之情。小官劉文靜忝賴微親。望元帥寬恕者。〔李密云〕可知唐公差你來見我。你與我關親。故着你來。想您唐元帥領兵。侵犯俺境界。偷觀俺城池。觀某如草芥。既他無尊敬之心。我有何舊交之面。劉文靜。你也來的好。您唐元帥獨自一箇也心悶。正無一箇做伴的哩。小校將劉文靜拏去南牢裏與唐元帥作伴去。〔卒子做拏劉文靜科〕〔劉文靜云〕好也。兀的不買了一箇饒一箇。連我也回去不的。也好。李靖軍師也。端的你那陰陽有准也。則爲他驅兵領將統戈矛。偷觀城寨惹閑愁。我當初是非只爲多開口。今日做煩惱皆因強出頭。〔下〕〔李密云〕小校將劉文靜下在南牢中也不曾。〔卒子云〕下在南牢中了也。〔李密云〕某所懼者乃是唐公。今日將他這二人質當在此。某觀各處諸侯。易如翻掌。爭利圖強。百戰餘。雄兵浩大有征夫。拘將二將監囚住。我着那唐公拱手納降書。〔下〕〔外扮孟海公上〕〔云〕幼小曾將武藝習。六韜三略有誰及。驅兵領將除殘暴。赳赳威名天下知。某乃大將孟海公是也。某手下有雄兵四十萬。戰將有千員。因爲隋失其政。豪傑並起。見今十八處軍馬。遞相

征伐。某虎視着這滄州渤海郡。今有李密無禮。他倚仗他兵多將廣。霸住金墉鞏洛三倉。數次領兵侵擾俺這隣境。更待干罷。某今日差人下將戰書去。單搦李密與某交戰。別辨箇贏輸。說與下書之人。小心在意。疾去早來。驍勇雄兵齊奮力。箇箇施逞顯武藝。三軍圍住金墉城。試看今番擒李密。〔下〕〔李密領卒子上〕〔云〕胸襟浩氣沖牛斗。萬卷兵書腹內藏。某魏公是也。自從將唐元帥擒擊在此。不想他後差劉文靜來。某連劉文靜也因於南牢中。將此二人永爲質當。某着唐公不敢正日而視之。某觀各處諸侯。易如翻掌。小校門首覷者。若有軍情事。報復我知道。〔卒子云〕理會的。〔做報科〕〔云〕可不早說。喏。報的元帥得知。今有滄州孟海公。下將戰書來索戰哩。〔李密云〕頗奈孟海公無禮。量你何足道哉。則今日領四十萬大軍。某親自爲帥。留下魏徵徐懋功。着他二人緊守城池。休教有失。某則今日擒擊孟海公。走一遭去。親身爲帥。顯英雄。鳴金擊鼓助威風。今朝若到滄州郡。放心我活捉滄州孟海公。〔下〕〔孟海公踰馬兒領卒子上〕〔云〕某乃孟海公是也。不想李密親自領兵來與某交戰。大小三軍。擺開陣勢。兀那遠遠的。敢是李密家軍兵來了也。〔李密踰馬兒領卒子上〕〔云〕某魏公李密是也。可早來到這滄州也。大小三軍。擺開陣勢。來者何人。〔孟海公云〕某乃大將孟海公是也。你來者何人。〔李密云〕某乃魏王李密是也。你及早下馬受降。〔孟海公云〕這厮無禮也。敢誇如此大言。小校操鼓來。〔做戰科〕〔孟海公云〕李

密家軍馬勢大。不中。走走走。〔下〕〔李密云〕這厮走了也。更待干罷。不問那裡趕將去。〔下〕〔孟海公慌上〕〔云〕某孟海公是也。可怎生是好。與李密厮殺了一日一夜。到的天明。被李密將某滄州城也賺了。某如今領着些敗殘軍。不問那裡潛藏躲避去也。密排甲馬干戈勦。舉意興心全得勝。今番大敗總輸虧。今日箇將少兵微。怎敵衆。〔下〕〔李密領卒子上〕〔云〕歡來不似今朝。喜來那逢今日。某魏公李密是也。今爲滄州孟海公領兵。與某拒敵。不想被某則一陣殺退了孟海公。又得了滄州。某自興兵以來。端的是旗開得勝。馬到成功。皆因是某雄威勢大。雖然如此。某則要並除天下羣雄。我今修一封書。差小校便往金墉城。說與魏徵和徐懋功知道。言某自到滄州。則一陣大破孟海公。得了滄州。我書上寫着。但是牢中不問輕重罪囚。如書到盡皆赦免。小校你將的書去。〔卒子云〕理會的。〔做接書科〕〔李密云〕小校你回來。你看我卻忘了。上寫着牢中輕重罪囚。盡皆赦免。南牢中可有唐元帥和劉文靜。我要將他兩箇永爲質子。不放他還邦。〔做展開書科〕〔云〕左右將筆來。我去這書背後寫一行。〔南牢原作征勢今改二子不放還邦。小校你說與他二人。則依着我的將令行。不可有失。〔卒子云〕理會的。則今日將着書呈。不敢久停久住。便索長行也。〔下〕〔李密云〕小校去了也。誰想某則一陣得了滄州。一壁廂安排筵宴。犒賞三軍。某且回後帳中去。威風赳赳統三軍。到此今朝一戰功。凱歌得勝班師日。大破滄州孟海公。〔下〕

〔徐懋功引卒子上〕〔云〕少年金帶掛吳鉤。鐵馬西風塞草秋。全憑匣中三尺劍。坐中往往覓封侯。某姓徐名勣字懋功。幼而習文。頗知韬略之書。因豪傑並起。某先隨翟讓起義於瓦岡。因除翟讓後。佐於魏公李密手下。見今魏公手下有雄兵百萬。戰將千員。其中有二士五虎七熊八彪。虎據於金墉城。此處糧多草廣。今因孟海公作亂。魏公親自爲帥。統領四十萬雄兵。征伐去了。元帥的將令。着某與魏徵大夫。緊守城池。俺二人每日在帥府中辦事。左右門首看者。若魏徵大夫來時。報復我知道。〔卒子云〕理會的。〔正末扮魏徵上〕〔云〕小官姓魏名徵字玄成。魏州曲城人也。幼習儒業。頗看詩書。因豪傑並起。某佐於魏公李密手下。今有魏公領兵東征孟海公去了。留下小官與徐懋功看守城池。想小官幼習儒業。螢窗雪案。尋師訪友。苦志勤學。甫能得今日蟬噪。又遇此紛紛士馬。何時得定也呵。〔唱〕

〔南呂一枝花〕我幼年間習文養性情。今日箇演武施心量。脫離了螢窗積凍雪。又在這虎帳冒風霜。咱用舍行藏。雖不去陣面上驅兵將。終日在帳幄中將謀計掌。則願得一統乾坤。免致的羣雄擾攘。

〔梁州〕雖不似朝御殿密排干羽。我則待要挽銀河淨洗戈槍。則這稱臣拜舞在金階上。你看我調和鼎鼐。變理陰陽。盡忠報國。論道經邦。寫丹書千載留芳。

播清風萬古名揚。我我我則待學行公正姬旦興周。是是是則待學施威武呂望翦商。來來來試看我這一箇秉忠誠伊尹扶湯。自思這場唐元帥今日遭羅網。要縱放便休想。赤緊的獄訟謳歌歸大唐。俺魏公使不着你馬壯人強。〔云〕可

早來到也。小校報復去。道有魏徵大夫來了也。〔卒子云〕理會的。喏。報的大人得知。有魏徵大夫來了也。〔懋功云〕道有請。〔卒子云〕理會的。有請。〔做見科〕〔懋功云〕大夫來了也。大夫請坐。

〔正末云〕懋功有坐。〔懋功云〕大夫。自從俺元帥去之後。不知信息如何。〔正末云〕小校着守城軍校四門牢守。則怕軍前有人來時。報復我知道。〔正卒子上〕〔云〕自家是魏公手下的手將。奉魏公的將令。差我帶書來。與魏徵徐懋功。某須索見大人。走一遭去。可早來到也。小校報復去。道有魏公軍前。差一小將。持一封書。來見二位大人。〔卒子云〕理會的。喏。報的大人得知。有魏公差一手將。持書來見。〔懋功云〕着他過來。〔卒子云〕理會的。過去。〔做見科〕〔正卒子云〕小將是魏公差來。寄一封書與二位大人得知。俺元帥到的滄州。則一陣殺退孟海公。奪了滄州。元帥賞軍犒勞了。然後班師回城也。〔正末云〕俺元帥得勝也。〔唱〕

〔四塊玉〕聽道罷喜氣揚。懽情暢。聽的將孟海公擒拏靖邊疆。今日箇旗開馬到雄威壯。〔懋功云〕俺元帥這一遭。端的威名廣大。四海皆揚也。〔正末唱〕削平的虜寇寧。

撫循的黎庶康。給散與那軍士賞。〔正卒子云〕二位大人。俺元帥說與二位大人。把南牢中一應犯罪之人。輕重盡皆饒免。有書呈在此。〔下〕〔懋功云〕將書來我看。〔做看書科〕〔云〕大人。你看書中意。說道元帥得了滄州。殺退孟海公。犒賞了軍士。安撫了黎民。選日回程。說與魏徵和徐懋功。將南牢中一應犯罪之人。盡皆饒免。〔正末云〕元帥如此大德。左右喚將刑房司吏來者。〔卒子云〕理會的。刑房司吏安在。〔淨扮刑房司吏上〕〔云〕自小攻書學文墨。指望爲官身榮貴。頭一考在丘八房。第二考在戶房內。我如今見在刑房爲吏典。蕭何律令都不會。外名喚做糊突蟲。小名喚做全不濟。小子姓全名慢字不濟。在這刑房做着吏典。今日正在司房裏看百家姓。有堂上兩箇大人呼喚。不知有甚事。須索走一遭去。〔卒子云〕你快過去見大人去。〔淨云〕你不要慌。〔做見科〕〔懋功云〕兀那厮。你是甚麼人。〔淨云〕小人是令史。〔懋功云〕怎生喚做令史。〔淨云〕小人這衙門裏。官人得的銀子。官人使。外郎得的外郎使。因此上喚做令史。〔正末云〕兀那厮。你將那南牢中一應犯罪之人的文卷。并一應罪人。都與我打點出來。〔淨喚科〕〔云〕理會的。兀那南牢裏看監的。將一應犯罪的人都放出來。大人請他喫茶哩。〔衆囚上〕〔跪科〕〔懋功云〕兀那外郎。你一箇箇律那花名說着與他那罪過。〔淨做點名科〕〔云〕哈三。耿五。李六。迴得明。鄒世傑。世不來。便不去。都有了也。二位大人。判箇斬字。都殺了罷。省的在這裡打攪。我也要家去喫

三鍾哩〔正末唱〕

〔罵玉郎〕今日箇寬恩饒免從天降。疾便的喚押獄問刑房。〔云〕張千〔唱〕你將那沉枷鐵鎖都開放。者莫是犯滿徒發遞流。不問那該答杖。

〔感皇恩〕呀。者莫是斬絞殘傷。都與我盡放還鄉。〔淨云〕大人。可是放那幾樣罪人。〔正末唱〕拖租稅免徵收。欠糧草休輸納。倒驛馬不賠償。不問是監臨主守。不問是庫務倉場。着他每還職事。無罪責不追贓。

〔採茶歌〕從今後舉賢良。整綱常。恁時節太平天下共天長。四海聞知皆感荷。萬民懽抃樂寧康。〔懋功云〕兀那犯罪之人。俺魏公元帥將令。將您這一應犯罪之人。盡皆饒免。着您各自寧家去也。〔衆謝科〕〔下〕〔淨云〕上告二位大人。止有南牢內兩箇囚人。不曾放出。

〔懋功云〕你可不早說。便着放出。〔淨云〕張千去南牢裏。拏出那兩箇囚人來。〔張千拏唐元帥劉文靜上〕〔唐元帥云〕某乃唐元帥是也。悔不信李靖之言。果有此禍。自從將某擒拏在南牢。可早一百日光景也。有劉文靜前來。也連他下在南牢。今日聽知的元帥將令。將南牢下一應罪人。盡皆饒免。有魏徵大夫和徐懋功呼喚。須索走一遭去。〔劉文靜云〕元帥這一呼喚。必然放啗還邦也。俺見大人去來。〔做見科〕〔懋功云〕大夫可是他這二人。〔唐元帥云〕大夫。多蒙元帥寬

恩也〔正末唱〕

〔賀新郎〕我見他威風赳赳貌堂堂。端的是一表非俗。真箇有貴人儀像。他那裡躬身叉手在庭堦上。施禮罷端詳了半晌。我見他貌威嚴凜凜軒昂。險摧折了擎天白玉柱。枉埋沒了架海紫金梁。〔懋功云〕大夫是好兩員虎將也。〔唱〕也是他時間受困懷惆悵。有如那飢鷹權附人。他若是飽後便飛颺。〔唐元帥云〕二位相公。既然有叔父如此恩惠。怎生早放俺二人回還。可也好也。〔懋功云〕住住住。你二位將軍。不知俺二人在此。則依着元帥將令行。〔唐元帥云〕魏公寫着道罪無輕重。盡皆饒免。南牢下則遣下俺二人。未曾饒免哩。〔劉文靜云〕二位相公。元帥的將令。賞罰縱放。事同一體也。〔正末唱〕

〔紅芍藥〕你道是賞罰縱放要斟量。使不着你意急心忙。你又不比戶婚田土與爭桑。酒後也鬪毆相傷。〔唐元帥云〕當初是我一時間不是。二位相公。怎生方便者。〔正末唱〕你不合侵犯他邊界上。因此上引鬪起這軍馬刀槍。〔懋功云〕大夫。你將那元帥書上寫的字樣。着他二人看。〔正末云〕你二人試看這書者。〔唱〕後面有大字兒一款自參詳。寫着道不放你便還邦。〔唐元帥云〕二位相公。俺這一番不能殺還國。再不能回長安也。〔劉文靜云〕二位相公。怎生做箇計較。可也好也。〔懋功云〕二位將軍休心困。看大夫怎生做箇主張。

也〔正末唱〕

〔菩薩梁州〕他將我哀告的慚惶。懋功道是由咱主張。我攔着這筆尖兒暗想。〔做尋思科〕〔云〕好好好。〔唱〕我將這不字改做本放還邦。〔唐元帥云〕多謝了大夫也。〔懋功云〕大夫。若魏公來發怒。則怕不中麼。〔正末唱〕俺魏公發怒我承當。〔懋功云〕大夫。你可怎生支對也。〔正末唱〕是他那親身書寫分明朗。〔懋功云〕這般呵可以也。〔正末唱〕有顯證不須強。誓做下昧己瞞心這一場。〔云〕若魏公見了這書呵。〔唱〕我着他不敢自聲揚。〔懋功云〕您二位將軍。便索回去。小心在意者。〔唐元帥云〕我若到的長安。見了主公。言過此事。此恩必當重報也。〔懋功云〕二位將軍。既然得脫。快逃你那性命。則怕俺元帥得知呵。使人來趕。你快出城去。〔正末云〕兩箇將軍。於路小心在意者。〔唐元帥云〕理會的。多虧二位大人也。

〔正末唱〕

〔尾聲〕你去那高山峻嶺頻凝望。密樹深林緊趯藏。若撞見讎人怎輕放。你到長安故邦。設筵會共君臣每宴享。〔唐元帥云〕二位大人。此恩與日必當重報也。〔正末唱〕你將這改不字的恩人慢慢想。〔同下〕〔劉文靜云〕噯。元帥。早是遇着魏徵大人。改過字樣。若不是他呵。俺豈得還邦也。〔唐元帥云〕罷罷罷。有恩的是魏徵徐懋功。此恩必當重報。有讎的

是程咬金那匹夫。俺二人也不索消停。便索出城去也。〔劉文靜云〕元帥。嚦行動些兒。則得出了這城門。暗轉問道。不分星夜的行將去也。〔唐元帥云〕劉文靜你見麼。兀的遠遠的征塵起處。不有軍馬來也。則怕是李密家軍馬來呵。如之奈何。〔外扮殷開山領卒子上〕〔云〕幼習呂望六韜文。胸中磊落志經綸。雄威盡節扶明主。輔佐唐皇顯姓名。某大將殷開山是也。奉俺軍師李靖的將令。着某領一萬雄兵。在此接應唐元帥。未知幾時迴還也。〔唐元帥云〕劉文靜。兀的不是軍馬至也。〔劉文靜做看科〕〔云〕元帥。兀的不是殷開山。〔殷開山做見科〕〔云〕兀的不是唐元帥。〔做見科〕〔云〕元帥。我奉着軍師的將令。領一萬軍馬。特來接應。元帥索是驚恐也。〔唐元帥云〕殷開山。我險些兒不能覓見您也。這一場多虧了魏徵和徐懋功二位大夫也。〔劉文靜云〕元帥。嚦行動些。則怕李密得知。差人來趕。可怎了也。〔殷開山云〕元帥請上馬。這裏不比他那金墉城。這裏是張兵野戰之地也。〔唐元帥云〕我當初悔不聽軍師之言。今日果有這場驚恐。我當初領將驍兵收洛陽。誰知到此有災殃。若非魏徵施巧計。俺二人怎能性命得還邦。〔同下〕

第四折

〔淨元吉同段志玄領卒子上〕〔元吉云〕帥鼓銅鑼一兩聲。轅門裏外賣燒餅。聽的敵兵來索戰。唬的營中肚裏疼。某乃元吉是也。今奉軍師將令。聽知的俺唐元帥回來也。安排下筵席。等待唐

元帥。知他幾時回來。〔段志玄云〕三將軍茶飯都完備了也。〔元吉云〕令人請軍師去了。這早晚敢待來也。〔正末扮李靖上〕〔云〕某乃李靖是也。今有唐元帥回還。某差殷開山領兵接應去了。某觀了氣色。唐元帥今日必然到也。分付二將。在元帥府安排慶喜的筵席。等待唐元帥。某須索走一遭去。〔唱〕

〔雙調新水令〕祥雲晚日照龍樓。拂天香瑞烟兩袖。金壺斟壽酒。果卓列珍饈。今日箇宴享公侯。聽一派樂聲奏。〔云〕令人報復去。道某來了也。〔卒子云〕理會的。喏。報的將軍得知。有軍師來了也。〔二將做接科〕〔元吉云〕早知軍師來到。只合遠接。接待不着。勿令見罪。軍師今日筵席都安排了也。未知唐元帥幾時回來也。〔正末云〕兩箇將軍。筵席都有了麼。〔段志玄云〕都有了也。則等唐元帥來。嚼食耍子。〔正末云〕您二人轅門外遠接。這早晚敢待來也。〔元吉云〕理會的。〔唐元帥同劉文靜殷開山上〕〔唐元帥云〕歡來不似今朝。喜來那逢今日。某唐元帥是也。自從將某囚在南牢中。可早一百日光景。多虧了魏徵徐懋功。放某回還。今日來到這長安也。須索元帥府見軍師去來。〔劉文靜云〕元帥。兀的軍師又差人來接元帥哩。〔淨做見科〕〔元吉云〕哥哥來了也。我道你不要去麼。〔殷開山云〕都是你來。〔段志玄云〕軍師着俺來遠接元帥。則怕路上有狼。〔唐元帥云〕軍師在那裡也。〔元吉云〕在元帥府安排下筵席。等待

元帥哩。〔唐元帥云〕左右接了馬者。〔段志玄報科〕〔云〕報的軍師得知。唐元帥下馬也。〔正末做接科〕〔云〕元帥煞是驚恐也。〔唐元帥云〕此一場多虧了軍師也。〔正末唱〕

〔鴈兒落〕元帥早解開心上憂。展放眉間皺。歡從額角生。喜向腮邊透。〔唐元帥云〕我險些兒不能覷見軍師衆將之面也。〔正末唱〕

〔掛玉鉤〕恰便似殷紂將文王姜里囚。險落在他人彀。你便似大海鰲魚脫釣鉤。誰縱放。誰收救。〔唐元帥云〕多虧了魏徵大夫也。〔正末唱〕我這裡敍間別。勞台候。爭些兒有命難逃。有國難投。〔唐元帥云〕軍師不枉了。你端的是陰陽有准。禍福無差。軍師看某面色。道某有一百日之憂。不可去。某堅心要去。不合觀看李密家金墉城。誰想李密知道。差五虎將領兵出城。與某交戰。元吉和段志玄大敗虧輸。將某趕至一老君廟。頗奈程咬金無禮。將斧三遭劈將來。若不是秦叔寶將鋼架住那斧呵。那裡取我這箇性命來。將某下在南牢。不想劉文靜後來。也將他下在南牢。到今整整的一百日也。若不是魏徵改詔。我永不得還國。有恩的是秦叔寶。魏徵大夫徐懋功。有難的是程咬金。那箇匹夫。此恨痛入骨髓也。〔正末唱〕

〔川撥棹〕聽了他說緣由。面帶着百日憂。你則待擅動戈矛。忙鞦韆。顯威風。英雄赳赳。做先鋒爲帥首。〔元吉云〕元帥。你那一日不看他那金墉城也罷。都是你惹的禍。

〔正末唱〕

〔七弟兄〕望金墉便走。遇着那寇讎。他和你做敵頭。你兵微將寡難挑鬪。他那裡人強馬壯逞搗搜。得空便心急忙馳驟。〔唐元帥云〕則是程咬金那匹夫無禮也。〔正

末唱〕

〔梅花酒〕呀。老君堂緊趁逐。他前後搜求。似潑水難收。你魂魄悠悠。程咬金斧便劈。秦叔寶鎗臨頭。你可便怎措手。南牢內廝幽囚。時運蹇志難酬。詔書上要存留。險些兒喪荒坵。險些兒喪荒坵。

〔喜江南〕呀。若不是魏徵用計怎干休。放還邦國到神州。今日箇風雲慶會賽成周。六府孔修。從今後。烟塵虜寇盡平收。〔唐元帥云〕這一場多虧了軍師也。〔正末云〕

將酒來。我與元帥遞一盃慶喜酒者。〔做遞酒科〕〔云〕元帥滿飲一盃。〔元吉先接酒飲科〕〔劉

文靜云〕元吉將軍。元帥不曾飲哩。你怎敢倒先喫。〔元吉云〕你那裡知道。我先喫箇壓驚的鍾

兒。〔正末云〕元帥滿飲一盃。〔唐元帥做飲酒科〕〔云〕慢慢飲酒。看有甚麼人來。〔外扮房玄齡

上〕〔云〕高鳥相良木而棲。賢臣擇明主而佐。某乃房玄齡是也。今奉聖人的命。因唐元帥無事

還國。皆是李靖軍師并衆將之功。着某去元帥府加官賜賞去。可早來到也。不必報復。我自過去。

您衆將望闕跪者。聽聖人的命。聖明主整頓華夷。衆文武肅靖邊陲。唐元戎南征北討。統雄兵奮勇迎敵。捨殘生於家爲國。仗英雄定亂除危。李藥師運籌帷幄。觀氣色善識兵機。唐元帥總督軍將。選英雄文武參隨。賜金銀表裏鞍馬。衆將士磨子封妻。李藥師爲行軍總管。授軍師掌握權威。今日箇風雲慶會。共祝讚萬歲天齊。望闕謝了恩者。（衆云）感謝天恩。（正末唱）

〔沽美酒〕玉堦前謹頓首。玉堦前謹頓首。金殿上拜宸旒。舞蹈揚塵三叩頭。我這裡躬身叉手。動簫韶。八音奏。

〔太平令〕則願的享國祚天高地厚。掌皇圖萬載千秋。邊塵靜清寧烽堠。國朝安雍熙宇宙。一齊的讚祝進酒。滿斟着玉甌。萬萬歲齊天聖壽。（房玄齡云）文官把筆清寰宇。武將提刀定太平。一人有慶安天下。萬國來朝賀聖明。

題目 秦王脫難金墉城

正名 魏徵改詔風雲會

魏徵改詔穿關

頭折

唐元帥

麥簷帽

蟒衣曳撒

黃袍

項帕

卒子

紅碗子盔

青布

劉文靜

一字巾

補帶

三段志玄

皮盔

膝襴貼裏

掩心甲

元吉

皮麥簷帽

膝襴曳撒

掩心

正末李靖

劍

兔兒角幘頭

補子

圓領帶

三髭髯

楔子

李密

三山帽

蟒衣曳撒

袍

項帕

三髭髯

卒子

同程咬金

四縫笠子盔

膝襴曳撒

帶

袍

帶劍裴仁基

鳳翅盔

膝襴曳撒

袍

項帕

三髭髯

蔡健得

鳳翅盔

膝襴曳撒

袍

項帕

髭髯王伯當

麥簷帽

膝襴曳撒

袍

項帕

三髭髯

正末秦叔寶

三叉冠

抹額

蟒衣曳撒

帶

髭髯帶三鋼

第二折

唐元帥元吉卒子同前段志玄同前正末秦叔寶卒子同前程咬金四將同前

唐元帥又上同前正末秦叔寶又上同前程咬金裴仁基蔡健得王伯當同前

楔子

正末李靖卒子同前元吉段志玄同前劉文靜同前

第三折

李密卒子同前劉文靜同前孟海公麥簷帽 蟒衣曳撒 袍 項帕 三髯髻李密卒子又

上同前孟海公卒子又上同前李密卒子又上同前孟海公又上同前李密

卒子又上同前徐懋功一字巾 補子圓 卒子同正末魏徵一字巾 補子圓 正卒

子同前司吏吏巾 圓 衆囚 紗包頭 青衣 枷鎖 張千 攢頂 圓領 唐元帥 小帽 手帕 綿布

三髯劉文靜小帽 手帕 藍直身 殷開山 鳳翅盔 膝欄曳撒 袍 項帕 卒

子同前

第四折

元吉段志玄卒子同正末李靖同唐元帥劉文靜殷開山同折頭房玄齡兔兒角

補子圓領
帶三髯髯

徐懋功智降秦叔寶

關名

頭折

〔冲末外扮殿頭官領卒子上〕〔云〕輔佐江山捧御章。調和鼎鼐正綱常。事君竭力遵王道。萬古留傳姓字香。小官乃殿頭官是也。自因隋室亂政。諸侯各霸其地。侵占疆封。煙塵併起。擾亂黎民。俺大唐聖人起義於山西太原府。與劉文靜共謀三鎖晉陽之後。未及三載。先取隋朝故地。獨占長安。改爲雍州京兆府。俺大唐聖人有三箇公子。惟有西府秦王李世民英雄。掛印爲帥。收六十四處煙塵。十八處擅改年號。有金墉城李密無禮。他被王世充用神師。計破了他百萬兵。無處投奔。與部下三將。來降俺聖人。還封他爲魏國公之職。不期此人別生逆心。暗出關中。俺秦王與衆將追趕至斷密澗邊。李密與王伯當疊屍而亡。他手下多有文武賢臣。三賢二士五虎七熊。盡皆各散。有徐懋功魏徵來降唐。聖人大喜。着小官在此相府排宴。慶賀功臣。令人請衆官人去了。這早晚唐元帥敢待來也。〔外扮唐元帥上〕〔云〕刀馬威嚴出衆雄。勦除惡逆靜煙塵。扶持社稷安天下。保助唐朝建太平。某乃李世民是也。本貫河東太原人氏。父乃唐公李淵。自因隋朝亂政。天下縱橫。某十八歲同父起義。白旆黃鉞。平定兩京。收天下僭亂煙塵。勦四海奸雄賊子。成其大業。

獨霸長安。加某爲西府秦王之職。掛印爲帥。統百萬雄兵。某征進了孟海公。破了李密。有李密手下許多賢臣。文武四散。各處投奔。有徐懋功。魏徵等來降唐。俺聖人大喜。着某率領衆將。在相府慶賀。又有太原府軍馬。未知勝負如何。某先見大人去。可早來到也。小校報復去。道有某來了也。
〔卒子云〕理會的。喏。報的大人得知。有元帥來了也。
〔殿頭官云〕道有請。
〔卒子云〕理會的。有請。
〔做見科〕
〔唐元帥云〕大人。某來了也。
〔殿頭官云〕元帥且少待。衆將來時。一同慶賀。這早晚敢待來也。
〔房玄齡李靖同上〕
〔房玄齡云〕紫綬金章。覲早朝。大廷瑞靄。曉霞飄。衣冠濟楚。儒風大。穩步青霄。姓字高。小官姓房。雙名玄齡。本貫河東人也。這位宰輔。姓李名靖。字藥師。乃京兆三原人也。自因隋室之亂。俺大唐聖人起兵於山西太原府。小官以應義旗之始。定社稷。安天下。勦煙塵。功居第一。謝聖人可憐。加小官爲吏部尙書之職。今有唐元帥東征李密回來。朝見聖人。有徐懋功。魏徵來降。今日着俺文武。在相府慶賀。大人。俺行動些。
〔李靖云〕房玄齡。小官想來。俺大唐聖人。克除禍亂。破滅奸邪。因邢山公李密在前之讐。俺唐元帥統兵追趕。大敗而亡。衆將四散。各處投佐。今徐懋功等來降唐。此人乃賢哲之士。今有大人擺設筵宴。俺走一遭去。可早來到也。小校報復去。道有房玄齡李靖來了也。
〔卒子云〕理會的。喏。報的大人得知。有房玄齡李靖來了也。
〔殿頭官云〕道有請。
〔卒子云〕理會的。有請。
〔二人見科〕
〔李靖云〕大人。俺二人來了也。
〔殿頭

官云：「二位大人來了。且少待。等衆將來時慶賀也。」〔房玄齡云〕大人。徐懋功魏徵。他二人在後面便至也。〔殿頭官云〕小校望者。若他二人來時。報我知道。〔卒子云〕理會的。〔外扮徐懋功上〕
〔云〕棄假投真。本性清。只因隋室亂疆封。赤心報國施忠孝。輔佐華夷立大功。小官姓徐。雙名世勳。字懋功。本貫曹州離狐縣人也。因隋朝亂政。天下荒荒。煙塵各處。侵擾邊疆。小官與魏徵同佐魏王李密。麾下爲將。只因王世充定計來借糧。小官苦諫。李密不聽。將小官趕在黎陽收糧草。後來果然中計。在斷密澗而亡。有唐元帥數次來招安小官。今以降唐。我爲參軍之職。今日聖人之命。在相府安排筵宴。須索走一遭去。可早來到也。小校報復去。道有徐懋功來了也。〔卒子云〕理會的。報的大人得知。有徐懋功來了也。〔殿頭官云〕道有請。〔卒子云〕理會的。有請。〔做見科〕
〔徐懋功云〕大人。小官來了也。〔殿頭官云〕宰相來了也。〔唐元帥云〕徐懋功。怎生魏玄成不見來那。〔徐懋功云〕元帥。此人便至也。〔殿頭官云〕天色早哩。唐元帥少待。等魏徵來時行酒。這早晚敢待來也。〔正末扮魏徵上〕〔云〕小官姓魏。名徵。字玄成。鉅鹿曲陽人也。自隋室交雜。天下離亂。小官投於唐朝。今因王世充興兵。聖人遣將征伐。大人呼喚。須索走一遭去也。〔唱〕

〔仙呂點絳脣〕憑着我腹內詩書。逕投明主。能扶助。一心將社稷平扶。堪作擎天柱。

〔混江龍〕往常在偏邦憂慮。今日我扶持眞主。正心術。憑着我胸懷星斗。腹隱權術。我將這日月兩輪安宇宙。保助的唐朝四海盡無虞。一箇箇肱股行忠恕。端的是氣冲牛斗。胸捲江湖。〔云〕可早來到也。小校報復去。道有魏徵來了也。〔卒子云〕理會的。喏。報的大人得知。有魏徵來了也。〔殿頭官云〕道有請。〔卒子云〕理會的。有請。〔正末做見科〕〔云〕大人。唐元帥。小官來了也。〔殿頭官云〕魏徵。你來了也。今有唐元帥。誇您文武將帥。好生英傑。想你在李密手下。不能成其大事。你今日既降了俺大唐。可要你盡心竭力。輔佐家邦。今日聖人命小官排宴慶賀您新降的宰輔也。〔正末云〕大人。你放心也。某今日既降於麾下。同元帥掃蕩煙塵。何足道哉。〔唱〕

〔油葫蘆〕俺須是報國存忠大丈夫。他每却領士卒。成功之日顯機謀。〔唐元帥云〕宰輔若肯盡忠於國。掃蕩奸邪。聖人自有重職加封也。〔正末唱〕我則待忠心要上功勞簿。大人便準備着賜賞千鍾祿。〔殿頭官云〕今日筵宴都預備下。聖人命着。小官與你作慶也。〔正末唱〕謝大人多用心。將筵宴鋪。不由人歡天喜地無推故。放開懷沉醉飲芳醕。〔殿頭官云〕小校擡上果卓來者。〔卒子云〕理會的。〔做擺酒科〕〔殿頭官云〕唐元帥行一杯酒者。〔唐元帥云〕小校將酒來。我行一杯酒。〔把盞科〕〔云〕這杯酒大人飲。〔殿頭官飲科〕〔云〕

小官飲。〔唐元帥云〕再將酒來。這杯酒新降的二位宰輔徐懋功魏玄成請過者。〔徐懋功云〕不敢。這杯酒從李藥師大人來。〔李靖云〕懋功休如此。俺是一殿之臣。不須計懷也。〔徐懋功飲科〕

〔云〕不敢。小官飲。〔殿頭官云〕這杯酒魏徵來。〔正末云〕不敢。房玄齡請過者。〔房玄齡云〕宰輔今日歸於天朝。俺同謀共計。與聖人去邪歸正也。〔正末唱〕

〔天下樂〕我與你便忙向前來施禮數。金杯內香也波浮。謝皇恩多賜福。〔唐元帥云〕聖人招賢納士。敬爲您新降宰輔。故擺此宴也。〔正末唱〕元帥道招賢納士能用武。文官每顯智能。武將每能用武。託賴着聖明朝萬乘福。〔唐元帥云〕酒便慢慢的飲。看有甚麼人來。〔淨扮元吉上〕

〔云〕緊行路上騎慢馬。不如我倒走將來。若還撞着王世充。一准家裏就做齋。自家元吉是也。俺大唐聖人命着我去并州守把去。我剛拜罷了印。不想王世充領大軍。叩城來索戰。着我和他交戰。老子也。他手下許多將帥圍住我。我慌了。三十六計。走爲上計。則情望家跑。今日回長安。說有大人都在相府裏喫酒。我就這裡報知。可不好。可早來到也。小校報復去。道有你大叔來了。〔卒子云〕理會的。喏。報的大人得知。有元吉將軍來了也。〔殿頭官云〕着他過來。〔卒子云〕理會的。過去。〔元吉云〕都不來接我。也能我過去。〔做見科〕

〔云〕衆老兒每。都在這裡喫酒。您倒喫的自在。〔唐元帥云〕元吉。你在太原并州。怎生回來了。〔元吉云〕你還

都不知道哩。如今有洛陽王世充。領大軍圍了并州城。我和他廝殺。險把我命也丟了。因此上棄了城回長安。報唐元帥知道。〔殿頭官云〕王世充敢這等無禮也。〔唐元帥云〕這王世充兵叩太原。必然手下招了些將帥。倚仗破李密之強。敢觀俺大國那。〔元吉云〕我說您喫一日酒了也。着一箇替我遞一杯如何。罷罷罷。我自家嚕幾鍾罷。〔做飲酒科〕〔正末云〕此人好蘆魯也。

〔唱〕

〔金盞兒〕走將來氣撲撲大高呼。這將軍端的何名目。〔元吉云〕我在下是元吉。你不認的我。拏酒來我喫。拏下飯來我嚕。〔正末唱〕則道是鴻門會樊噲不尋俗。你在那軍中常忍餓。今日在筵上忒狂圖。〔元吉云〕你休笑我。我一頓喫三斗米的飯哩。〔正末唱〕你道是頓飯三斗米。全不會上陣數合餘。〔殿頭官云〕魏徵。如今王世充圍住并州。他手下有何名將。敢來欺壓俺上國那。〔正末云〕大人不知。王世充今新收了秦叔寶。單雄信等數員名將。俺這裡須索與師大舉。當要用心也。太原乃河東之屏障。若有疎失。怎了。〔殿頭官云〕這秦叔寶有何英雄。你說一遍者。〔正末云〕聽我說一遍者。〔唱〕

〔寄生草〕秦叔寶能對壘。單雄信有智謀。會排兵布陣般般固。安邦定國莊莊富。挾軍捉將人人拒。〔唐元帥云〕若叔寶有這等英雄。俺可難與他拒敵。〔唱〕俺則索使能

臣先去請投降。索強似忘生捨死迎敵去。〔殿頭官云〕既是這等。魏徵你無甚事。回秦府掌領公事去。我便着唐元帥掛印。徐懋功爲軍師。領大小衆將迎敵他去。〔李靖云〕唐元帥這一去。定然成功也。〔正末云〕大人說的是。小官無甚事。回秦府去也。〔唱〕

〔尾聲〕則要你儂的那糧草萬餘多。顯您那英雄處。則願的數處將軍盡伏。託賴着聖主仁寬德不孤。方信道良將機謀。〔唐元帥云〕魏徵你掌領秦府之事。務要用心也。〔正末唱〕分付我用心術。誰敢道膽大心寬。則要你一倍增添萬倍餘。〔徐懋功云〕魏玄成你放心。我同元帥這一去。務要破了王世充也。〔正末唱〕不怕他敵軍間阻。他若是知其名譽。則要您一腔鮮血保皇圖。〔下〕〔殿頭官云〕魏徵去了也。唐元帥不想設宴。

有元吉前來報太原聲息。此事不可怠慢也。〔元吉云〕老大兒。早則我走的快哩。若遲了一走。連我也哈刺了。我明日也跟唐元帥走一遭去罷。若不去。則說我怕他哩。〔唐元帥云〕你跟我去。務要成功也。〔殿頭官云〕則今日唐元帥掛印。徐懋功爲軍師。元吉做合後。就帶牛進達等數員唐將。十萬大軍。救了太原。破王世充人馬。成功而回也。〔唐元帥云〕某得令。軍師懋功。俺便去整點人馬去來。〔徐懋功云〕元帥。俺如今會合衆將。整點人馬。此事不宜遲慢。便可救太原去來。〔唐元帥云〕軍師說的是。衆大人恕罪。俺去整點人馬去。魏徵管領秦府等事。懋功。俺去來。旌旗浩

蕩出都城。戈甲層層壓塞兵。大軍來至并州境。放心也活拏洛陽王世充。〔同下〕〔房玄齡云〕大人。魏徵回去了。俺也回去來。〔李靖云〕房玄齡。今日這邊庭軍馬之事。俺索同大人去聖人行回話。走一遭去。〔殿頭官云〕李靖說的是。俺三人回聖人話去來。聖命親差誰敢停。太原餘孽惱吾心。大唐軍馬離城去。鞭敲金鐙凱歌聲。〔同下〕〔元吉云〕他每都去了也。今日着唐元帥爲將。救太原。俺也再走一遭去。今日傳令取消停。太原人馬王世充。若這一齊殺將至。丟了兵器一陣風。〔下〕

第二折

〔外扮楚王領卒子上〕〔云〕馬跨征驍踢跳犇。征旗擺列照天關。隋朝亂政干戈起。各霸州城宇宙間。某乃楚王劉燦是也。自因隋朝之亂。天下縱橫。英雄各據其地。吾之先祖。乃大漢劉淵之後。自因晉末隋興。天時不順。圖王霸業。豪傑各占一方。某統兵久鎮郢川之地。有大唐聖人起義於山西太原。以成大業。獨霸長安。某與他乃親戚之邦。有唐元帥着人來說。有洛陽王世充軍圍太原。殺退元吉。着某解救。某想來治病先治其根。行兵必須正本。某不往太原。與他交戰。領兵直至洛陽索戰。單搦王世充。此乃圍魏救韓之計。大小三軍。跟我去來。大將英雄武藝全。旌幢麾蓋蕩狼煙。今朝直至西京地。不動槍刀救太原。〔同卒子下〕〔外扮王世充領卒子上〕〔云〕祖代爲官鎮

洛陽英雄出衆豈尋常。兵屯百萬驅長隊。天下豪傑惟某強。某乃洛陽王世充是也。先祖乃王學士之後。自從隋朝之變。俺英雄各據其國。爲因魏王李密無禮。占住金墻城。手下聚雄兵猛將。某推問他借糧。施神師之計。太破李密。他手下衆將。各處離散。有秦叔寶等數員上將。佐某手下。今日領大軍圍住并州。猶恐唐兵來救。怎生迎敵。又有楚王劉燦圍洛陽索戰。可怎了也。先請陸德明程知節來商議。這早晚敢待來也。〔外扮陸德明程知節上〕陸德明云。滿腹詩書通九經。縱橫妙策顯奇能。投降鄭主施謀略。輔佐江山立大功。小官陸德明是也。祖居西洛人氏。這位大人乃是程知節。俺原是魏王李密之臣。只因不聽俺勸諫。以致傾敗。俺都投於洛陽王世充麾下。原來此人非其大成君子。專以小人之行。小官心中有些疑惑。今日兵圍太原。着某爲軍師。程知節。俺見大王去來。〔程知節云〕陸德明。想俺同叔寶投世充。指望此人寬仁容衆。不期今日兵圍太原。聚俺商議。可早來到也。小校報復去。道有俺二人來了也。〔卒子云〕理會的。暗報的大王得知。有陸德明程知節來了也。〔王世充云〕道有請。〔卒子云〕理會的。有請。〔二人見科〕陸德明云。大王今日喚俺二人。有何事也。〔王世充云〕您二人來了。今有楚兵圍洛陽。我軍在并州。怎生與他拒敵也。〔陸德明云〕大王。這楚兵圍洛陽。是救太原之計也。〔王世充云〕此事怎生計較。等叔寶衆將齊。共同商議。這早晚敢待來也。〔淨扮蘇威上〕云。我做將軍實妙。上陣不用旗號。

若還撞見軍馬。一准望家便越。自家王世充手下大將蘇威是也。我們大王全憑着我。若靠我斷殺。一世也成不的。但是那裡喫酒耍子。我去便好。今日正在後帳閑坐。聽的說大王聚俺衆將。我走一遭去。可早來到也。小校報復去。道有蘇大叔來了也。〔卒子云〕理會的。喏。報的大王得知。有蘇威來了也。〔王世充云〕着他過來。〔卒子云〕理會的。過去。〔蘇威云〕不來接我也罷。我過去。〔做見科〕〔云〕大王今日請我來。那裡耍一遭去。〔王世充云〕蘇威。你且少待。等秦叔寶來時。俺同共商議。這早晚敢待來也。〔正末扮秦叔寶上〕〔云〕某姓秦名瓊字叔寶。本貫河東太原人也。幼習戰策。武藝過人。一對熟銅鑪。天下無對。先佐李密手下爲將。自因金墉戰敗。魏王身亡。俺衆將各處四散。某與程知節等投降於洛陽王世充麾下。拜某爲上將。今領兵困并州太原。前者殺敗唐兵數陣。大王今日陞帳。某須索走一遭去也。〔唱〕

〔正宮端正好〕曉兵機知韜略。保封疆處處堅牢。兩陣前若見秦叔寶。殺的他箇箇無着落。

〔滾繡毬〕非是我誇己高。自道好。許多操暴。殺敵兵難走難逃。不怕他軍將多。智量巧。誰敢來與咱比較。縱然他會使槍刀。我將這皮楞鋼舉英雄死。不是我好鬪偏爭將禍招。端的是頗有些英豪。〔云〕可早來到也。小校報復去。道有某來了也。〔卒

子云。理會的。喏。報的大王得知。有秦叔寶來了也。〔王世充云〕道有請。〔卒子云〕理會的。有請。
〔正末見科〕〔云〕大王。某秦瓊來了也。〔王世充云〕衆將來全了也。聚您來不爲別。如今俺圍住
并州。有楚王劉燦在洛陽城下。一日三遭索戰。俺可怎生與他拒敵。〔正末云〕這箇打甚麼不緊
也。〔唱〕

〔偷秀才〕他那裡兵微將寡。忙打聽虛實歹好。〔王世充云〕我先使李均實田留安。望
洛陽打聽楚王的人馬去了也。〔正末唱〕他若是打聽回來俺戰交。〔陸德明云〕秦叔寶。俺這
件事。你可用意者。〔正末唱〕非獨主衆量度。用心的計較。〔外卒子慌上〕〔報科〕〔云〕可不
早說。喏。報的大王得知。有唐元帥領十萬雄兵。來救太原。〔下〕〔王世充云〕衆將聽的麼。如今有
唐元帥救太原來。這兩處兵臨。可先敵那一處去的是。〔正末云〕大王。這箇容易。既然唐兵至。某
去迎敵去。李均實田留安。打聽了事情回來。再做計議。〔蘇威云〕秦叔寶。你去不的。我走一遭去。
〔正末云〕我便怎生去不的。你便怎生去的。〔蘇威云〕想你初離了李密。新降於俺大王。心腹未
見。便怎麼着你去。〔正末云〕這厮說的好不公也。〔唱〕

〔脫布衫〕則我這忠直性不錯分毫。領雄師要戰千遭。你怕我有二心爭長競
短。氣的我腹中焦燥。〔程知節云〕將軍。既蘇將軍作疑你有歹意。依着某。你便不行兵也罷。〔正

末唱

〔小梁州〕他是箇無禮人心腹有甚好。在俺上要展輕薄。〔蘇威云〕我說的是好話。你倒怪我。〔正末唱〕何消見怪使心苗。聽我便叮嚀道。你疑我笑裏暗藏刀。〔王世充云〕秦叔寶你休閑鬧。您二將少不了都用。你走一遭去。〔正末唱〕

〔么篇〕大王用俺驅軍校。穩情看得勝旗搖。〔王世充云〕你可着志者。〔正末唱〕試看我戰這遭。成功效。急來回報。會衆將列佳殺。〔王世充云〕今日着陸德明爲軍師。秦叔寶。你領三千人馬爲前部先鋒。着蘇威做元帥。其餘將軍。您自選用。前去迎敵唐兵。小心在意者。〔正末云〕衆將恕罪。則今日我領人馬戰唐兵去也。陸德明。您慢來也。〔唱〕

〔尾聲〕我將這三千人馬安排了。若把唐兵廝撞着。亂紛紛兩陣交。將唐兵破滅了。那其間纔顯英雄智謀好。〔下〕〔王世充云〕秦叔寶整點人馬去了也。陸德明爲軍師。全在於你。今敵唐兵。務要成功也。〔陸德明云〕大王你回去。小官知道。整擱了人馬。明日與唐兵交戰也。〔王世充云〕某回大營去也。您小心在意。我自重賞加官。大唐軍來救并州。遮青霄旗號爲頭。秦叔寶今日交戰。管情取殺盡方休。〔同下〕〔程知節云〕蘇元帥。你也整擱人馬去。來日俺迎敵唐兵。〔蘇威云〕你每慢來。我去整點人馬。先與大唐交戰一場。我去也。今日出陣莫疑猜。

諸般兵器兩邊排。若還撞見唐家將。一准連命不回來。〔下〕〔程知節云〕他每都去了也。陸德明。恰纔這蘇威無禮。反說叔寶無能。想俺英雄屈沉埋沒。軍師怎生計較。〔陸德明云〕程知節。你放心。想俺幾人同佐魏王麾下。今各扶其主。明日若唐兵來。我自有箇主意。你近前來。〔做打耳暗科〕〔云〕可是恁的。〔程知節云〕我知道了也。俺且回去來。明日看叔寶與唐兵交戰。俺再做計較也。〔陸德明云〕你說的是。俺且回本寨中去來。俺本是立國賢良。來投鄭輔佐洛陽。若見了唐營人馬。再商議拱手投降。〔同下〕

楔子

〔外扮馬三寶牛進達劉弘基驢馬兒領卒子上〕〔馬三寶云〕克除禍亂定中華。刀馬熟開力轉加。煙塵並起侵州縣。博取清名萬代誇。某乃大將馬三寶是也。這兩位將軍。乃牛進達劉弘基。唐聖人皆封俺總管之職。俺奉主公之命。着俺同唐元帥來救太原戰王世充。說他手下多有英雄好漢豪傑。唐元帥大軍在後。俺爲前隊。兩箇將軍人馬。將近太原不遠也。俺行動些。〔牛進達云〕馬三寶。某料王世充何足道哉。說他手下多有英雄猛將。俺近太原也。俺三軍擺布的嚴整者。〔劉弘基云〕牛進達。俺想洛陽草寇。怎敢擾亂并州之境。兀那塵土起處。還是俺的人馬。三軍擺的嚴整者。看有甚麼人來。〔淨元吉上〕〔云〕今日臨邊上。擒拿王世充。我便全不濟。則是靠別人的。

自家元吉是也。我在太原被王世充殺敗。我到長安說了。今日同唐元帥衆將一同救并州。兀的不是衆將哩。〔馬三寶云〕元吉將軍來了也。遠遠的不有人馬來了。俺擺開陣勢者。〔淨蘇威躍馬兒領卒子上〕〔云〕頗奈叔寶無道理。着我前後沒處尋。自家蘇威是也。頗奈叔寶無禮。我和他兩箇約下了一處走。他不知那裡去了。兀的不是唐兵。來者何人。〔馬三寶云〕某是唐朝總管馬三寶。牛進達劉弘基元吉。你來者何人。〔蘇威云〕我是元帥蘇威。和你耍一會麼。〔馬三寶云〕小校操鼓來。〔做調陣子科〕〔蘇威云〕秦叔寶又不見來。我贏不的他也。走走走。〔下〕〔劉弘基云〕他輸了也。且不要追趕。兀的不又有人馬來了也。〔正末躍馬兒領卒子上〕〔云〕某乃秦叔寶是也。領兵迎敵唐兵。蘇元帥不知何處去了。兀的不是唐將。您慢來。有某久等多時也。〔馬三寶云〕來者何人。〔正末云〕某乃大將秦叔寶是也。量您何足道哉。〔元吉云〕叔叔也。遇着他。你們三箇靠前些。我先跑了罷。〔劉弘基云〕三軍操鼓來。〔做調陣子科〕〔正末云〕量您到的那裡也。〔唱〕

〔賞花時〕您這些英勇的將軍小覷人。不知咱家忒性緊。〔馬三寶云〕將軍名不虛傳。此人是好武藝也。〔正末唱〕我着您箇箇命在逡巡。鏑起處殘生可也不存。〔牛進達云〕俺不可戀戰也。俺走了罷。〔馬三寶云〕說的是。走走走。〔同下〕〔正末云〕您走的那裡去。三軍跟

我回去來。(唱)我可便殺敗了可兀的衆將軍。(同卒子下)

第三折

〔唐元帥同徐懋功領卒子上〕〔唐元帥云〕自離大國長安內。不覺驅兵到太原。某乃唐元帥是也。這位是軍師懋功。只因王世充領兵。犯俺太原。殺敗元吉回朝。聖人命着某掛印爲帥。軍師懋功元吉爲合後。并數員唐將。來救太原。王世充着陸德明爲軍師。蘇威做元帥。叔寶做先鋒。迎敵俺唐兵。某在長安。先着人去楚王劉燦處求救。保太原之地。楚王回道。他已領一枝人馬攻洛陽去。乃圍魏救韓之計。着王世充心下自驚。有馬三寶衆將前去交戰。未知輸贏勝負也。〔徐懋功云〕元帥馬三寶衆將。若遇叔寶。必然交戰。待衆將來。小官問他。這早晚敢待來也。〔馬三寶牛進達劉弘基元吉同上〕〔馬三寶云〕聞名叔寶英雄輩。雙劍寰中世上無。某乃馬三寶是也。這幾位將軍是牛進達劉弘基元吉奉元帥將令。前隊行軍。不期遇着秦叔寶軍馬。俺與他交戰數合。此人武藝熟閑。不敢戀戰。見元帥去。〔牛進達云〕將軍俺見唐元帥去來。小校報復去。道有俺衆將來了也。〔卒子云〕理會的。睹報的元帥得知。有馬三寶牛進達劉弘基元吉來了也。〔唐元帥云〕道有請。〔卒子云〕理會的。有請。〔做見科〕〔唐元帥云〕您衆將來了也。遇着世充人馬來麼。〔馬三寶云〕俺遇着秦叔寶。來與俺交戰。此人英雄。俺不曾戀戰。回來了也。〔元吉云〕元帥。若

不是我走的快。連命也丟了。不要惹他。〔唐元帥云〕似此怎生拒敵也。〔徐懋功云〕元帥。據叔寶之勇。不可力敵。您依我一計。他若來索戰。你堅壁不出。我將元帥一封書去。說叔寶等來降。意下如何。〔唐元帥云〕軍師。你去呵。則怕有失。怎了也。〔徐懋功云〕無妨。這陸德明乃世充公子之師。他與徐世勣是舊交。這李均實田留安程知節。都是小官布衣之交。元帥將書來。小官只今便往也。〔唐元帥云〕這書我寫了也。軍師此一去。早早兒回來也。〔徐懋功云〕衆將恕罪。元帥緊守營寨。不要與他交戰。小心在意者。小官更改了衣服。便索長行。持書呈離了唐營。秦叔寶蓋世英雄。若見他一席共話。穩情取罷戰收兵。〔下〕〔馬三寶云〕元帥。軍師去了也。俺回去來。〔唐元帥云〕您衆將休散了。跟我同回大寨。共飲數杯。待懋功來。再商議行軍之事也。四海亂天下荒荒。輔唐朝保助家邦。徐懋功今離營寨。穩情取秦叔寶拱手來降。〔同下〕〔陸德明領卒子上〕〔云〕頗奈蘇威實無禮。言談語話不尋常。小官陸德明是也。俺衆將自投降王世充之後。他重用蘇威。將俺傲慢。我有心與衆將商議。擇日降唐去。不曾與叔寶計較停當。此人昨日出師。得獲全勝。我今日安排酒飯。請他慶功。我着言語中勸他降唐。未知他可是如何。又有田留安李均實往洛陽打探事去了。不見來到。若來呵。俺一同降唐去。着人請去了。小校門首望者。若有軍務事。報我知道。〔卒子云〕理會的。〔李均實田留安上〕〔李均實云〕親奉元戎將令差。只因唐府扣城來。洛陽回

遇知心友。免得非危橫禍災。某乃李均實是也。這箇是田留安。俺都是魏王李密故將。自李密身死。俺各分投向某等五人降王世充。不想徐懋功等降了唐元帥。今日在路上相遇。正要招安叔寶。某洛陽打探回來了。田留安這一莊事。俺先見陸德明去來。〔田留安云〕將軍說的是。可早來到也。小校報復去。道有俺二將來了也。〔卒子云〕理會的。喏。報的陸大人得知。有李均實田留安來了也。〔陸德明云〕道有請。〔卒子云〕理會的。有請。〔二人見科〕〔陸德明云〕您二將打探事情如何。〔李均實云〕陸大人。楚王圍城稍退也。俺路上撞着徐懋功。要來見大人。〔陸德明云〕他在何處。〔李均實云〕他便至也。〔陸德明云〕小校門首覷者。若有人來。報復我知道。〔卒子云〕理會的。〔徐懋功上〕〔云〕小官徐懋功是也。奉元帥將令來。說叔寶等衆將。今日路上遇着李均實田留安。小官說與他。今日更改了衣服。扮做箇先生。見陸德明去。可早來到也。小校報復去。道有一先生徐世勣來見。〔卒子云〕理會的。喏。報的大人得知。有一先生徐世勣來見。〔陸德明云〕道有請。〔卒子云〕理會的。有請。〔徐懋功見科〕〔云〕哥哥。一別許久。受小生兩拜。〔陸德明云〕懋功請起。此一來有何故也。〔徐懋功云〕哥哥。小生與田留安李均實所言之事。如若衆弟兄勸叔寶降唐呵。皆不出王侯之位也。〔陸德明云〕小官得知也。我今日請他飲酒。等他來時。你親自見他一面。〔徐懋功云〕哥哥。這裡有書一封在此。哥哥收了者。〔做遞書科〕〔陸德明云〕我收這書。等叔

寶來當面打開看。小校望者。這早晚敢待來也。〔正末扮秦叔寶同程知節上〕〔正末云〕某乃秦叔寶是也。這位是程知節。俺迎敵唐兵。得勝回還。有軍師陸德明。請某與衆將慶功。程知節。休着軍師動心。俺行動些。〔程知節云〕將軍。俺見陸德明大人去來。〔正末云〕累累征戰。幾時是那定交的時分也。〔唱〕

〔中呂粉蝶兒〕若論俺對壘迎敵。與軍中多曾出力。想着那無禮的蘇威。他將我死花白忙攔當。恐怕我心生奸計。〔程知節云〕若不是將軍手策。衆唐將委實難敵也。〔正末唱〕若不是自顯雄威。這其間士卒每。不存不濟。

〔醉春風〕今日箇與俺慶功勳。方纔心上美。衝軍撞陣俺偏能。倒大來喜喜。〔程知節云〕俺慶罷功。務要與唐將見箇輸贏。〔正末唱〕要見輸贏。平分勝敗。各圖興廢。〔云〕可早來到也。小校報復去。道有某與程將軍來了也。〔卒子云〕理會的。喏。報的大人得知。有秦叔寶程知節來了也。〔陸德明云〕懋功。你且在壁衣後面者。〔徐懋功虛下科〕〔陸德明云〕道有請。〔卒子云〕理會的。有請。〔正末同程知節見科〕〔正末云〕大人。某來了也。〔陸德明云〕秦將軍鞍馬上勞神。今日排這筵會。賀前征之勞。勿嫌輕視也。〔正末云〕不敢不敢。〔唱〕

〔迎仙客〕雖有那汗馬勞。何消你便列筵席。〔陸德明云〕小校將酒來。〔卒子云〕理會的。

〔陸德明把盞科〕〔云〕秦將軍滿飲一杯。〔正末唱〕高捧着紫金杯。紫金杯。可便忙進禮。
〔田留安云〕將軍飲過酒。俺與你計較大事也。〔正末唱〕不知是爲何因。說就裏。則要您句
句真實。〔陸德明云〕則要你依着我。便好說也。〔正末唱〕赤緊的不解您其中意。〔陸德明
云〕且將酒止了者。秦叔寶。小官想來。這世充非有德之人。大唐乃明聖之主。將軍會聞昔日徐
文遠至東都。見王世充。必先下拜。或有人問曰。文遠先在李密手下。常有傲慢之心。今見世充而
先拜之。何也。文遠曰。魏王李密能容賢士敬君子。世充小人。能殺故人。我如何不先拜。文遠之言。
衆所皆知。將軍爲何不決大事。異日功名不遂。悔不及矣。則不如早早降唐。將軍意下如何。〔正
末云〕依着我的心。既降了王世充。又投那唐元帥。做甚麼來。〔唱〕

〔紅繡鞋〕依着我休生疑忌。盡忠心惟有天知。〔程知節云〕豈不聞高鳥相良木而棲。
賢臣扶明主而佐也。〔正末唱〕高鳥相良木去同棲。至如俺投降去。他那裡信音稀。怎
生着我領三軍。心去急。〔陸德明云〕你心下要降。則爭他無有書呈來。〔做擊書科〕〔云〕秦叔
寶。你看這書是那裡寄來的。〔正末云〕程知節。你念這書者。〔程知節云〕大唐秦王世民端肅書。
奉大德秦將軍麾下。愚聞明鏡所以照形。往事所以知今。昔微子去殷而入周。韓信棄楚而歸漢。
周勃迎代王而廢少帝。霍光尊孝宣而背昌邑。觀之存亡廢興之事。故能成之。方今世充之亂。全

在將軍。今若歸唐。必居重任。同清宇宙。共濟生民。垂名竹帛。顯姓凌煙。豈不美哉。今遣懋功持書
謹請。年月日秦王世民奉書。〔正末云〕好是奇怪也。〔唱〕

〔十二月〕聽罷了書中所爲。寫的來句句端的。我怕不明投唐主。赤緊的家小
難爲。〔李均實云〕叔寶若肯降。我和田留安願取家小去。〔正末唱〕怕不待心生志氣。取的
這家小忙回。〔云〕別的不打緊。則一件要緊也。〔陸德明云〕可是那一件。〔正末唱〕

〔堯民歌〕呀。不見他懋功親自取吾回。〔陸德明云〕徐懋功。你不出來做甚麼。〔徐懋功
上〕〔云〕叔寶將軍。小官在此久等也。〔正末唱〕諕的我滿身遍體汗淋漓。〔徐懋功云〕小官
逕來請將軍來。〔正末唱〕多蒙下顧。謹依隨。明早陣上納降旗。休也波疑。軍師自理
會。俺可便齊到您唐營內。〔徐懋功云〕衆位將軍。既然明日要降。俺大唐聖人。理當預備筵席
也。〔正末云〕李均實田留安。您二位將軍。取家小去。我點人馬。明日早降唐去也。〔李均實云〕得
令。〔正末唱〕

〔尾聲〕到明朝降大唐。盡忠心要正直。軍師急早回唐帝。你道俺及早來降大
唐國。〔下〕〔陸德明云〕秦叔寶去了也。懋功如何。小官數句話。薦此人降唐也。〔徐懋功云〕多虧衆人
之功。小官回唐元帥話去也。李均實。您取了家小。早些兒來也。〔李均實云〕俺知道了也。〔徐懋

功云：「誰想今日衆將歸降。明日陣上相遇。小官回去也。」陸德明謀略無及。一席話說透相知。若叔寶歸降大國。穩情取大軍而回。〔下〕〔田留安云〕：「李均實。俺去洛陽取五家老小去來。」〔李均實云〕：「則今日便索長行也。取家族星夜荒荒。降大唐顯耀恩光。今得了大將叔寶。穩情取四海皆降。」〔同下〕〔程知節云〕：「軍師。你明日早去唐營中等俺。與叔寶陣上降唐。俺去來。」〔陸德明云〕：「你說的是。到明日我不來陣上。早往唐營去。您是必早些兒來也。因世充不辨清濁。衆弟兄共議同心。取家族親臨帝輦。五員將背暗投明。」〔同下〕

楔子

〔唐元帥同徐懋功驪馬兒領卒子上〕〔唐元帥云〕：「歡來收得英雄將。掃蕩奸邪建大功。某乃唐元帥是也。這位是軍師懋功。昨日持書招安秦叔寶。此人許說。今日陣上來降唐。有陸德明先來了。止有他衆將不見來。懋功。則怕此人有翻悔麼。」〔徐懋功云〕：「元帥放心。他若有翻悔呵。小官埋伏下衆將。必中某之計也。兀那遠遠的。敢是王世充人馬來了。三軍擺開陣勢者。」〔王世充同蘇威驪馬兒領卒子上〕〔王世充云〕：「今日唐兵來索戰。必然暗密有機謀。某乃王世充是也。這箇是元帥蘇威。那日行兵。敵大唐人馬。多虧叔寶贏了一陣。今日唐兵來索戰。楚王在洛陽又緊。怎生是了也。」〔蘇威云〕：「我們不濟事。等秦叔寶來。着他與唐兵交戰去。他後面敢待來也。」〔正末同

程知節躍馬兒上」云某乃秦叔寶是也。昨日約下懋功。今日降唐去。程知節把人馬催動些。
〔程知節云〕我知道。可早來到也。兀的不是大唐人馬也。〔徐懋功云〕兀那將軍慢來。俺久等你多時也。〔正末云〕程知節。俺離了這營盤者。〔同程知節躍馬兒過一邊科〕〔正末拜科〕云大
王恕寶叔之罪。今日陣前故來辭你。俺兩箇降唐去也。〔王世充云〕叔寶。你爭忍棄了我降唐那。
〔正末云〕也是某無奈也。〔唐元帥云〕王世充。某饒你一命。若不退兵。速離太原呵。你見麼。四下
裏人馬鐵桶相似也。〔王世充云〕罷罷罷。則今日便退了兵。兩家罷戰。我回洛陽去也。〔正末云〕
您休慌。某並無歹心也。〔唱〕

〔賞花時〕我這裡叉手當胸忙說開。從此今番再不來。〔程知節云〕大王恕罪。俺去也。〔王世充云〕煩惱殺我也。您怎生都降了唐也。罷罷罷。三軍倒干戈。棄了太原。俺回去來。〔同蘇威
下〕〔正末唱〕他那裡不住的淚盈腮。也要你心中布擺。須是俺要見也。那事明白。
〔同程知節下〕〔徐懋功云〕元帥如何。太原兵也退了。又收了衆將。俺回去來。〔唐元帥云〕不想
今日收了秦叔寶等衆將。退了太原人馬。王世充倒戈而回。俺同回去來。兩陣上各說原因。王世
充士馬難存。倒干戈忙回西洛。今日箇救太原都建功勳。〔同衆下〕

第四折

〔殿頭官領卒子上〕〔云〕平收海內煙塵定。破盡奸邪頃刻間。小官乃殿頭官是也。方今大唐聖人在位。文賢武勝。只因并州太原府。乃是俺故國家鄉。着元吉鎮守。不想洛陽王世充領兵來圍住太原。逼元吉東歸。聖人命唐元帥掛印。并軍師懋功數員唐將。前救太原。不期世充手下秦叔寶英雄。日不移影。敗唐將數十餘員。多虧懋功用計。一封書智叔寶歸降。王世充退兵回洛陽。與楚王劉燦交戰去了。今大小衆將班師。聖人着小官在此帥府排宴。一來與秦王慶功。二來加封叔寶等官位。筵宴已定。小校望者。若衆將來時。報復我知道。〔卒子云〕理會的。〔唐元帥同徐懋功上〕〔唐元帥云〕平收猛將臨京兆。智得英雄進大都。某乃唐元帥是也。這位是軍師懋功。俺同共救太原去。多虧軍師用智。降了秦叔寶等一文四武。今日班師回京。軍師有大人。在帥府排宴。與俺慶功。可早來到也。〔徐懋功云〕元帥衆將便至也。俺見大人去。可早來到也。小校報復去。道有唐元帥與小官來了也。〔卒子云〕理會的。喏。報的大人得知。有唐元帥同軍師來了也。〔殿頭官云〕道有請。〔卒子云〕理會的。有請。〔一人見科〕〔唐元帥云〕大人。某來了也。〔殿頭官云〕唐元帥。爲你多有功勳。今日與你慶賀。軍師且少待。衆將來時。一同慶賀。〔徐懋功云〕大人說的是。這早晚敢待來也。〔陸德明同程知節上〕〔陸德明云〕興心主意降唐室。勸諫忠良立大功。小官陸德明是也。這位是程知節。自因懋功請俺降唐。我勸叔寶衆將歸降。王世充退了兵。俺見了

聖人。今日在帥府排筵。加官賜賞。程知節。俺行動些。〔程知節云〕大人。俺那一日在陣前辭了王世充。他也有些傷感。今至京師。帥府排宴慶功。可早來到也。小校報復去。道有陸德明。程知節來了也。〔卒子云〕理會的。喏。報的大人得知。有陸德明。程知節來了也。〔殿頭官云〕道有請。〔卒子云〕理會的。有請。〔二人見科〕〔程知節云〕大人。俺來了也。〔殿頭官云〕二位大人少待。等衆將來時行酒。這早晚敢待來也。〔牛進達劉弘基馬三寶同上〕〔馬三寶云〕奉令四下埋軍隊。不想兵卒退太原。某乃馬三寶是也。這二位是牛進達劉弘基。俺同唐元帥救太原去。今收了秦叔寶。都皆成功。着俺退於四面埋伏。不想世充倒干戈而回。今日回城也。〔牛進達云〕可早來到也。小校報復去。道有俺三將來了也。〔卒子云〕理會的。喏。報的大人得知。有三位將軍來了也。〔殿頭官云〕道有請。〔卒子云〕理會的。有請。〔三將軍見科〕〔劉弘基云〕大人。俺三將同唐元帥得勝回還也。〔殿頭官云〕三位將軍且少待。還有衆將未來哩。這早晚敢待來也。〔淨元吉上〕〔云〕今日來帥府。好酒喫十瓶。斷殺全無用。枉自送殘生。自家元吉是也。因唐元帥救太原。全靠別人成了功也。今日喫慶賀酒。我走一遭去。可早來到也。小校報復去。道你大叔來了也。〔卒子云〕理會的。喏。報的大人得知。有元吉將軍來了也。〔殿頭官云〕着他過來。〔卒子云〕理會的。過去。〔元吉做見科〕〔云〕衆老大兒。您都閑坐着哩。擎酒來。我們喫了罷。〔殿頭官云〕你且一壁有者。衆將

少誰哩。〔程知節云〕大人有李均實田留安去洛陽取俺五家老小去了。有叔寶便至也。〔殿頭官云〕小校覲者。叔寶來時報復我知道。〔卒子云〕理會的。〔正末扮秦叔寶上〕〔云〕某乃秦叔寶是也。自因見了懋功書呈。次日降唐。多蒙唐元帥敬愛如兄。今有大人在帥府與俺慶功排宴。須索走一遭去也。〔唱〕

〔雙調新水令〕秉忠心一逕早投降。再不去替別人領兵驅將。拜辭了王世充。投明主賀君王。憑着我志節忠良。今日箇際會大筵上。〔云〕可早來到也。小校報復去。道有秦叔寶來了也。〔卒子云〕理會的。喏。報的大人得知。有秦叔寶將軍來了也。〔殿頭官云〕道有請。〔卒子云〕理會的。有請。〔正末做見科〕〔云〕大人秦瓊來了也。〔殿頭官云〕秦將軍鞍馬上勞神。今日降了唐。俺便是一殿之臣也。可要你看志者。〔正末云〕大人放心也。〔唱〕

〔沉醉東風〕捨一命當先便往。領三軍自有斟量。我若是見了功。爭名望。憑着我狀貌堂堂。〔唐元帥云〕據將軍英雄。天下聞名也。〔正末唱〕怎敢道天下聞名惟某強。託賴着吾皇受享。〔殿頭官云〕看有甚麼人來。〔李均實田留安上〕〔李均實云〕全憑英勇力。取的家小回。某乃李均實是也。俺洛陽取回家小來了。田留安。俺見大人并衆將去來。〔田留安云〕李均實。若不是俺二將呵。這老小也取不將來。小校報復去。道有李均實田留安來了也。〔卒子云〕

云「理會的。喏。報的大人得知。有李均寶田留安來了也。」〔殿頭官云〕道有請。〔卒子云〕理會的。有請。〔衆做見科〕〔李均寶云〕元帥。俺二將取回家小來了也。〔唐元帥云〕好好好。秦將軍。你歡喜也。家小來了也。〔正末云〕託賴元帥虎威也。〔唱〕

〔鴈兒落〕聽的。道家族盡數往。這的是喜事從天降。不消我終朝盼信息。何勞的。每日常頻望。〔田留安云〕秦將軍。投至的俺保將這老小來也。非同容易也。〔正末唱〕

〔得勝令〕呀。你是箇名將有參詳。英雄處敢承當。保的這老小離了別地。則俺這弟兄每歸大唐。〔李均寶云〕將軍。俺若見些小功效。纔顯俺有手策也。〔正末唱〕若顯俺高強。擒的那幾箇能征將。〔程知節云〕不要負了俺的大名也。〔正末唱〕將俺這名揚。端的是英名播四方。〔殿頭官云〕唐元帥。你行一杯酒者。〔唐元帥云〕小校將酒來。與新降的將軍行

一杯酒。〔把盞科〕〔云〕這杯酒大人先請。〔殿頭官云〕小官飲。〔唐元帥云〕再將酒來。這杯酒叔

寶將軍飲。再將酒來。俺衆將都飲一杯。〔衆將做接酒科〕〔正末云〕元帥。索是用意也。〔唱〕

〔沽美酒〕酒斟着白玉觴。不由人喜聲揚。我可也拚却今朝醉一場。〔唐元帥云〕新降的將軍聽者。等俺破劉武周去。都要用意也。〔正末唱〕破周去。舒心願往。賣弄些好刀槍。

〔太平令〕方顯俺英雄膽量。捨殘生大戰在當場。坐下馬誰人敢當。鞍上將無人侵傍。〔唐元帥云〕託賴聖人之德。俺衆將好歹要建功者。〔正末唱〕呀。託賴着聖皇紀綱。文武氣長。則願的普天下軍民歸向。〔殿頭官云〕您大小衆將。都望闕跪者。聽聖人的命。與您加官賜賞。您聽者。隋室亂天下荒荒。四海內各占封疆。太原城先朝舊業。王世充擾亂村坊。仗手下文強武勝。秦叔寶雙劍高強。徐懋功施謀用智。一封書拱手來降。各罷兵干戈寧靜。衆將軍武藝非常。秦叔寶封胡壯公之職。陸德明加紫綬金章。李均實田留安二將。取家小直到洛陽。今日箇加官賜賞。一齊的拜謝吾皇。

題目 唐元帥興兵救太原

正名 徐懋功智降秦叔寶

智降秦叔寶穿關

頭折

殿頭官

兔兒角幘頭

補子

卒子

紅碗子盔

青布釘

唐元帥

麥簷帽

蟒衣曳撒

黃

帶帶劍

房玄齡

兔兒角幘頭

補子

李靖徐懋功

正末魏徵

同元吉

皮麥簷帽

膝襴曳撒

掩心甲

項帕

劍

直纏

搭膊

劍

第二折

楚王

麥簷帽

蟒衣曳撒

袍

項帕

卒子

同王世充

卒子

同陸德明

程知節

字

巾

補子圓領

蘇威

皮盔

膝襴曳撒

掩心甲

劍

正末秦叔寶

三叉冠

抹額

蟒衣曳撒

膝襴

帶帶劍

外卒子

紅氍帽

青布釘

劍

三髯髯

兒甲

搭膊

劍

楔子

馬三寶牛進達劉弘基卒子元吉蘇威卒子正末秦叔寶卒子

風翅盔

膝襴

項

帕 直纏 搭膊 帶
帶劍 三髭髯 躍馬兒

第三折

唐元帥徐懋功卒子同前馬三寶牛進達劉弘基元吉同前陸德明卒子同前李均

實鳳翅盔 膝欄曳撒 袍 項帕 三髭髯田留安同前徐懋功同前正末秦叔寶程知節同前

徐懋功又上同前

楔子

唐元帥徐懋功卒子同前王世充蘇威卒子同前正末秦叔寶程知節同前

馬兒躍

第四折

殿頭官卒子同前唐元帥徐懋功同前陸德明程知節同前牛進達劉弘基馬三寶

同前元吉同前正末秦叔寶同前李均實田留安同前

乙卯孟秋四之日校內本清常琦

長安城四馬投唐

闕名

楔子

〔沖末王世充領卒子上〕〔云〕三尺龍泉萬卷書。皇天生我意何如。山東宰相山西將。彼丈夫兮我丈夫。某乃王世充是也。乃王學之子。爲某文通三路。武解六韜。因爲隋失其政。天下豪傑並起。某在此洛陽。聚雄兵百萬。戰將千員。自稱鄭王。久鎮於洛陽。頗奈李密無禮。他在此金墉城。聚雄兵百萬。自號魏王。數次侵犯我邊境。我如今要與他交戰。爭奈此人糧多將廣。無計可敵。某手下有一員上將。乃是單雄信。此人文武雙全。足智多謀。喚將單雄信來。與他商議。小校請將單雄信來者。〔卒子云〕理會的。單雄信安在。〔單雄信上〕〔云〕幼小曾將武藝習。南征北討要相持。臨軍望塵知敵數。對壘嗅土識兵機。某乃單雄信是也。幼而習文。長而習武。某智勇雙全。今佐於洛陽。王世充麾下爲上將。今有元帥呼喚。不知有甚事。須索走一遭去。可早來到也。小校報復去。有單雄信在於轅門首也。〔卒子云〕理會的。喏。報的主公得知。單雄信來了也。〔王世充云〕道有請。〔卒子云〕理會的。有請。〔做見科〕〔單雄信云〕元帥呼喚小將。有何事商議也。〔王世充云〕將軍喚你來別無甚事。頗奈李密無禮。他倚仗着兵多將廣。數次侵犯俺邊境。我今欲要與他交戰。爭

奈俺這裡缺少糧草。難與他拒敵。請將你來。與你商議。有何妙策也。〔單雄信云〕元帥。量李密何足道哉。小將有一計。元帥脩一封書。差一使命前去。先問李密借糧草。他若見了元帥書呈。他必然借與糧草。若得了糧草呵。那其間領兵與他交戰。未爲晚矣。〔王世充云〕單雄信。你說的差了也。俺如今要與他交鋒去。他如何肯借與俺糧草那。〔單雄信云〕元帥。某有一計。可是這般。〔做打耳暗科〕〔王世充云〕此計大妙。便差使命。將着某的書呈。直至金墉城。問李密借糧草。走一遭去。略施巧計。定機謀。龍韜虎略有誰如。若將糧草施軍校。方顯英雄大丈夫。〔同下〕〔李密領卒子上〕〔云〕少年金帶掛吳鉤。鐵馬西風塞草秋。全憑匣中三尺劍。坐中往往覓封侯。某乃大將李寬之子李密是也。因爲隋失其政。某同翟讓起義於瓦岡。聚衆數萬。後翟讓身亡。衆將扶某爲主。某在此金墉城。脩蓋鞏洛三倉。自號魏王之職。某文通三路。武解六韜。寸鐵在手。有萬夫不當之勇。某手下雄兵百萬。戰將千員。其中有二士三賢五虎七熊八彪。某屯糧可有十年之盛。今日在於元帥府理事。小校轅門首觀着。若有軍情事。報復我知道。〔使命上〕〔云〕雷震驅號令。星斗煥文章。小官王世充手下使命是也。奉俺元帥的來令。將着書呈至金墉城。見李密元帥。可早來到也。小校報復去。有洛陽王世充。遣一使命持書。來見元帥。〔卒子云〕理會的。喏。報的主公得知。有洛陽王世充。差使命至此也。〔李密云〕着他過來。〔卒子云〕理會的。過去。〔使命見科〕〔李

密云〕那廂來的使命。〔使命云〕小官是王世充手下使命。持書來見元帥也。〔李密云〕將書來某看。〔使命云〕書在此。〔做看書科〕〔云〕使命且一壁有者。〔使命云〕理會的。〔李密云〕既然王世充問某借糧。小校與我請將程咬金來。某與他商議此事也。〔卒子云〕理會的。程咬金安在。〔淨扮程咬金上〕〔云〕馬兒不喫草。把他來瘦了。某乃大將程咬金是也。十八般武藝。無有不拈。無有不會。上的馬去。番番不濟。正在窩鋪裏打盹。有小校來報。元帥呼喚。須索走一遭去。可早來到也。小校報復去。有程咬金在於門首。〔卒子報科〕〔云〕理會的。喏。報的元帥得知。程咬金來了也。〔李密云〕着他過來。〔卒子云〕理會的。過去。〔淨程咬金見科〕〔云〕元帥喚咬金那裡使用。〔李密云〕喚你來別無甚事。今有王世充。差一使命。持書前來。問某借糧。請你來商議。借與他好。不與他好。〔淨程咬金云〕元帥有甚麼事。暗這裡有的是糧。借與他些糧。圖他些利錢。可不好。〔李密云〕你也說的是。再做箇計較。小校請將徐懋功來者。〔卒子云〕理會的。徐懋功安在。〔徐懋功上〕〔云〕神機妙策人難料。帳下常驅百萬兵。某姓徐名勣字懋功。祖居曹州離狐人也。幼而習文。長而習武。文武兼濟。佐於李密手下。爲上將。元帥呼喚。須索走一遭去。可早來到也。報復去。道有徐懋功在於門首。〔卒子報科〕〔云〕理會的。喏。報的元帥得知。徐懋功來了也。〔李密云〕着他過來。〔卒子云〕理會的。過去。〔做見科〕〔李密云〕懋功。喚你來別無甚事。今有洛陽王世充。差一

使命來問某借糧。我與程咬金商議。此人言說與他。你意下如何也。〔懋功云〕元帥敢不可與他也。〔李密云〕懋功。你不知道王世充。他是我姪子之輩。你看這書上。寫着尋姪問尊叔。大魏王前借糧。況兼俺這金墉城。離洛陽不遠。兩家相和可不好。俺這裡輦洛三倉。無數的糧米。他借的我多少也。〔懋功云〕元帥。這的是他的計策。不可借與他糧也。〔李密云〕懋功。你家裏兒女沒米喫。你看着爭忍。俺明日缺少糧草。我不信他不還我也。〔懋功云〕他來借糧。試探主公心腸。倘若借與他糧。他別處他起軍來。悔之晚矣。〔李密云〕懋功無禮。我要借與他糧。你堅意不肯。必有他意。將懋功貶在黎陽。不用此人。速退。〔懋功云〕誰想此人不聽某之言。他久後悔之晚矣也。我忠心主意要興兵。逆耳忠言不肯聽。今朝貶上黎陽去。久以後死在他人掌握中。〔下〕〔李密云〕懋功去了也。〔淨程咬金云〕量他一箇。打甚麼不緊。放着我哩。〔李密云〕喚那下書的來。〔使命見住〕〔李密云〕你去說與吾姪。我借與他十萬糧。〔使命云〕謝了元帥。小官回王世充話。那一遭。〔下〕〔李密云〕使命去了。憑着某手下兵多將廣。虎視天下英雄。有何懼哉。軍兵浩大。列千層。胸中韜略顯威名。天下英雄聞吾怕。雄威久鎮金墉城。〔下〕〔王世充領卒子上〕〔云〕某乃王世充是也。昨差使命前去金墉城。問李密借糧。未知肯借不肯借。小校門首望者。若來時。報復某知道。〔使命上〕〔云〕小官使命是也。奉元帥命。差某問李密借糧。此人欣然而許。借與俺十萬糧。都至

了也。回元帥話。走一遭去。可早來到也。小校報復去。有使命回來了也。〔卒子報科〕〔云〕理會的。曙報的主公得知。使命來了也。〔王世充云〕着他過來。〔卒子云〕理會的。過去。〔使命見住〕〔王世充云〕借糧一事如何。〔使命云〕主公果然此人並不推辭。借糧十萬。都至此也。〔王世充云〕有了糧也。李密也。正中吾計。單雄信的是也。便差人下將戰書去。因爲你打拆了周公廟宇。神人見怒。故託一夢。助我神兵十萬。約定來日申時交戰。〔使命云〕小官願下戰書去。〔王世充云〕你小心在意。疾去早來也。〔使命云〕我出的帥府門來。不敢久停久住。便索下戰書。走一遭去。〔下〕

〔王世充云〕使命去了也。小校說與三軍。聽吾將令。甲馬不得馳驟。金鼓不得亂鳴。不得交頭接耳。不得語笑喧譁。但凡違令者。必當斬首。便好道兵者國之大事。死生之地。存亡之道。不可不察也。某憑着神鬼之兵。必然得勝。觀李密一鼓而下。我運用神機。使鬼兵各施英勇。顯神通。焰焰烈火。衝天砲。靄靄旌旗。蕩彩雲。萬馬千軍。皆奮勇。三頭六臂。盡施呈。人人騎着金睛吼。箇箇跨着錦毛熊。擒拏彼將如翻掌。剿殺敵兵似掃塵。拏住李密親殺壞。放心還營齊和凱歌聲。〔下〕

〔李密領卒子上〕〔云〕某乃李密是也。今日無甚事。在於帥府理事。小校門首觀者。看有甚麼人來。〔使命上〕〔云〕小官王世充手下使命是也。今奉俺元帥將令。着某下戰書去。來到轅門首也。小校報復去。有王世充手下使命在於門首。〔卒子云〕曙報的元帥得知。有使命在於門首。〔李密

云〕着他過來。〔卒子云〕理會的過去。〔使命見科〕云〕小官奉俺元帥將令。着某持一封書來見元帥。〔李密云〕將書來我看。〔做看書怒科〕云〕頗奈王世充無禮也。我好意助糧十萬。與你共拒這天下英雄。你倒領兵征伐某來。更待干罷。使命某已知道了。來日交兵。你自先回。〔使命云〕某不敢久停久住。回元帥話。走一遭去。〔下〕〔李密云〕小校與我喚將柳周臣賈閏甫王伯當來。某與他商議此事也。〔柳周臣賈閏甫上〕〔柳周臣云〕寒窗書劍十年客。智勇干戈百戰場。金榜雷霆驅號令。一天星斗煥文章。小官柳周臣。這位將軍是賈閏甫。元帥呼喚。不知有甚事。須索走一遭去。〔做見科〕云〕元帥呼喚俺二將。有甚事也。〔李密云〕喚您來別無甚事。今有洛陽王世充。下將戰書來。要征伐俺。喚您來商議。還少誰哩。〔柳周臣云〕則少王伯當未來哩。〔李密云〕與我喚將王伯當來者。〔卒子云〕理會的。王伯當安在。〔正末上〕云〕某魏王手下上將王伯當是也。因見隋失其政。天下豪傑並起。俺元帥在此金墉城。聚軍二十萬。此處糧多草廣。爭奈俺將勇兵強。今日元帥聚俺衆將。不知有甚事。須索走一遭去。不必報復。我自過去。〔做見科〕云〕元帥喚俺衆將。有何事也。〔李密云〕喚您來別無甚事。今有洛陽王世充。遣使命來借糧。得糧之後。他倒要來征伐俺。喚您衆將來商議。〔正末云〕元帥。咱不可借與他糧。〔李密云〕不聽戀功之言。我悔之晚矣。〔正末云〕戀功言者當也。〔李密云〕前事難悔。〔正末云〕當此一日。誰說借

與他這糧來。〔李密云〕是程咬金說來。〔正末云〕既然今日事已往了也。可不道兵來將敵。水來土堰。喚程咬金來。咱同共定計。與他交戰。有何不可也。〔李密云〕王伯當。你也說的是。小校。與我喚將程咬金來者。〔卒子云〕理會的。程咬金安在。〔淨程咬金上〕〔云〕某大將程咬金是也。元帥呼喚。不知有甚事。須索走一遭去。可早來到也。不必報復。我自過去。〔做見科〕〔云〕元帥喚某有甚事商議也。〔李密云〕程咬金。你來了也。當此一日。你教我借與王世充糧十萬。他得糧之後。今領兵要來征伐俺。你有何計策。與他拒敵也。〔淨程咬金云〕不妨事。放着我哩。我與他拒敵。則今日我便索長行也。〔正末云〕作者。程咬金。那王世充下將戰書來。奈俺申時交戰。晚間廝殺哩。〔淨程咬金云〕元帥你放心。憑着我一人一騎。我與他拒敵。則今日點就三千人馬。拔寨而起。與王世充交戰。走一遭去。〔下〕〔李密云〕王伯當。俺點就本部下人馬。着柳周臣賈閔甫爲左右二哨。王伯當護軍都尉。某親自爲帥也。〔正末云〕元帥放心。此一去則要小心在意者。〔唱〕

〔賞花時〕一壁廂傳令編排隊伍齊。一箇箇奮勇爭先敢戰敵。催戰鼓列旌旗。直等到申時可便對壘。〔云〕元帥放心。〔唱〕準備着人和他這箇凱歌回。〔下〕〔李密云〕頗奈王世充無禮。下將戰書來。要與俺交鋒。則今日點就本部下人馬。與王世充交戰。走一遭去。大小三軍。聽吾將令。到來日兩下裡三軍混戰。四壁廂衆將爭功。叫一聲連天喊殺。衆兒郎撲入

坡心。人英雄惡如太歲。馬咆哮勝似蛟龍。則見那刀又砍。斧又劈。槍又刺。戟又搦。厮琅琅玎璫亂響。則見那箭又射。鏑又丟。搦又打。撲碌碌蕩散三軍。殺的那敗殘軍東西下亂走。馬失羣南北裡驚奔。殺的那先鋒將癡呆難戰。合後軍怎的逃生。恁時節喜孜孜鞭敲金鐙。韻悠悠添喜悅齊唱凱歌聲。此一去威風赳赳統千戈。兩陣之間戰千合。時間略展英雄手。我着他屍橫千里血成河。

〔下〕〔柳周臣云〕元帥去了也。想當此一日。俺元帥借與他十萬糧。指望兩下相和。誰想此人心懷奸佞。暗使巧計。下將戰書來。要與俺相持。量他何足道哉。則今日點就人馬。與王世充交戰。走一遭去。大將軍專聽號令行。衆軍兵披掛便當征。吹毛劍打磨雙刃快。出白槍勾引月華明。夾銅斧起時傷心鏡。狼牙棒落處碎天靈。坐的是七重圍金頂蓮花帳。更壓着周亞夫屯軍細柳營。

〔下〕〔賈閏甫云〕某奉元帥將令。著某爲左右二哨。統領三軍。量王世充兵微將寡。俺元帥手下兵多將廣。人強馬壯。則今日點就軍馬。與王世充交戰。走一遭去。骨刺刺雜彩搖征旗。撲瑟瑟畫鼓震天雷。明晃晃槍刀如流水。密匝匝人馬朔風疾。苦淹淹屍橫遍野。哭啼啼父子兩分離。喜孜孜鞭敲金鐙響。笑吟吟齊和凱歌回。

〔下〕〔淨程咬金躍馬兒上〕〔云〕某乃程咬金是也。奉俺元帥將令。單搦洛陽王世充。與某交戰。三軍擺開陣勢。看有甚麼人來。〔單雄信躍馬兒上〕〔云〕某乃大將軍雄信是也。奉俺元帥的將令。單搦李密交戰。塵土起處。來者何人。〔淨程咬金云〕某

乃程咬金是也。你來者何人。〔單雄信云〕某乃王世充手下大將軍雄信。是你爹爹。〔淨做應科〕
〔云〕我不聽的。〔三科了〕〔單雄信云〕小校操鼓來。〔做調陣子科〕〔淨程咬金云〕我近不的他。
我與你走。〔下〕〔單雄信云〕近不的某。走了也。我不問那裡。趕將去。〔下〕

頭折

〔李密同正末柳周臣賈閏甫驪馬兒領卒子上〕〔李密云〕大小三軍。擺開陣勢。王伯當某聽的
王世充差單雄信爲先鋒。某先拏了單雄信。後拏王世充。未爲晚也。〔正末云〕元帥。若論相持交
鋒呵。量那單雄信。不爲難哉。憑着俺元帥手下兵多將廣。量他何足道哉。〔李密云〕大小三軍。擺
的嚴整者。〔正末唱〕

〔仙呂點絳脣〕憑着俺猛將千員。士卒勇健。相征戰。則聽的發喊連天。將武藝
可便從施展。

〔混江龍〕這一場其心不善。他準備着申時對壘要爭先。〔李密云〕俺軍校每人人
奮勇。箇箇威風。務要擒拏王世充也。〔正末唱〕軍士每開弓蹬弩。掛劍懸鞭。恰日色濛濛
纔正午。早征旗颭颭。影斜偏。則見那槍林劍洞如銀練。則聽的鑼鳴動地。鼓響
喧天。〔李密云〕天色晚也。可怎生不見敵軍來也。〔正末云〕元帥。兀的不軍馬來了也。〔單雄信驪

馬兒領卒子上。〔云〕某乃大將單雄信是也。你來者何人。大小三軍。擺開陣勢者。〔李密云〕某乃魏王李密是也。你來者何人。〔單雄信云〕某乃王世充手下大將單雄信是也。〔李密云〕量你箇無名的小將。何足道哉。操鼓來。〔做調陣子科〕〔正末唱〕

〔那吒令〕他那裡便惡。眼門旗前索戰。我這裡便氣昂昂。刀橫如月。偃。撲。撲。兩陣間。征。鬪。助戰。麻林般槍去刺。驟雨般齊發箭。昏。鄧。鄧。殺氣遮天。

〔鵲踏枝〕不刺刺。驟征驍。他那壁喊聲喧。登時間地。慘。天昏。霧靄雲煙。〔單雄信云〕大小三軍。天色晚了也。兀的不天兵至此也。〔天兵鬼力戴臉子。擎槍刀齊上。〕〔做戰科〕〔李密

做見天兵慌科〕〔云〕兀的不鬼兵來了也。不中。三軍與我倒回干戈。我與你走走走。〔同衆下〕〔正末云〕兀的不亂了陣也。〔唱〕俺這壁鬧垓垓。軍兵便跚踐。不分箇人鬼相連。〔云〕亂

戰中間。不見了元帥。不問那裡。尋元帥去來。〔下〕〔單雄信云〕李密見天兵來。害慌逃命走了也。更待干罷。不問那裡趕將去。〔下〕〔柳周臣上〕〔云〕某乃柳周臣是也。正與單雄信交戰。誰想鬼兵助陣。俺大敗而輸。三軍各逃性命。不見了元帥。兀的不是軍馬來也。〔李密上〕〔云〕某乃李密是也。我當初不可拆毀周公之廟。今日鬼兵與他助陣。俺大敗虧輸。軍馬不知所向也。〔做見柳周臣科〕〔李密云〕兀的不是柳周臣。〔柳周臣云〕厮殺了一夜。尋不見元帥。王伯當不知去向。

兀的不有人來也。〔正末上〕云：「廝殺了一夜。軍兵大敗。元帥不知在於何處。」〔做見科〕〔李密云〕「兀的不是王伯當。」〔正末云〕「兀的不是元帥。」〔做下馬科〕云：「元帥伯當亂軍中來往殺了一夜。尋不着元帥也。」〔李密云〕「當初不聽懋功之言。今有失軍兵之禍也。」〔正末云〕「我說甚麼來。懋當初不可借與他糧。被他一陣破俺雄兵百萬也。」〔賈閏甫冲上〕云：「某乃賈閏甫是也。亂軍中不見了元帥。不知去向。可在那裡。急回來。被單雄信占了金墉城也。元帥又不見。」〔正末云〕「來者何人。」〔賈閏甫云〕「兀的不是王伯當。」〔正末云〕「兀的不是賈閏甫。」〔賈閏甫云〕「伯當。元帥在於何處。懋金墉城被單雄信領兵占了也。」〔李密云〕「賈閏甫。懋金墉城被他占了。失了老營也。如之奈何。誰想他則一陣破了俺百萬雄兵。我如今待要與他相持來。爭奈缺少軍馬。您衆將有何計策也。」〔正末唱〕

〔金盞兒〕你待要聚英賢。報讐冤。俺如今交鋒正中他機見。你待要相持廝殺怎回旋。將俺這百萬軍都耗散。衆軍校痛哀憐。〔李密云〕「被他申時一計。破俺百萬雄兵也。」〔正末唱〕「非是那世充能施計。誰着你不聽俺懋功言。」〔柳周臣云〕「不妨事。更待干罷。懋如今到黎陽。請將懋功并那十萬軍來。與單雄信交戰。務要擒拿了單雄信也。」〔李密云〕「柳周臣。想當初我不聽他之言。將他貶上黎陽。如今着人去請他如何肯來也。」〔柳周臣云〕「元帥。徐

懋功既然不肯來。噤別國借起軍來。與單雄信交戰。未爲晚矣。〔李密云〕柳周臣。你差矣。俺大將則怕死之無名。我寧死也不去別處借軍去。〔正末云〕元帥。你又不肯別國借軍。你至死也不肯見懋功。見如今噤荒荒無所歸之處。可怎生是了也。〔李密云〕則有一處好借軍去也。〔正末云〕元帥說則有一處可去。元帥。伯當不知可是何處也。〔李密云〕噤四人可以投唐公去。可不好。〔正末云〕元帥。你要投唐去。你敢則有去路無歸路也。〔李密云〕我怎生則有去路無歸路。〔正末云〕想當日元帥差五虎將擒拏唐元帥。拏住囚在南牢一百日。若不是魏徵改詔放了呵。豈有他性命來。此恨痛入骨髓。元帥。你失利也。可要投唐公。元帥。你正是飛蛾投火也。〔柳周臣賈閏甫同云〕元帥不可去也。〔李密云〕您不去呵。我自投唐去。〔正末云〕住住住。元帥。噤生死存亡。則在一處。豈有此理。元帥久以後。則怕悔之晚矣。〔李密云〕您衆將放心。都在我身上。我知唐公有四海之心。俺則今日投唐去來。〔正末唱〕

〔尾聲〕你今日不信伯當言。你這一去怎見那唐公面。想着那一百日幽囚他的大冤。你道是先與唐公爲昆仲禮。你可甚相交在未遇之先。恨無言。枉了您怒氣沖天。你將這逆耳忠言不聽諫。若到那長安地面。借的那雄兵來索戰。報俺那申時一計那讐冤。〔下〕〔李密云〕則今日俺四人投唐。走一遭去。金墉城鎮守邊疆。王世

充定計借糧。申時計散了雄兵。罷罷罷不得已四馬投唐。〔下〕

第二折

〔李靖上〕〔云〕帥鼓銅鑼一兩聲。轅門裏外列英雄。一寸筆尖三尺劍。同扶社稷保乾坤。某姓李名靖。字藥師。見在唐公手下爲軍師。自李密四馬投唐。聖人的命。封李密爲邢山公。賜獨孤夫人。又賜宅一所。手下將各依舊職。今有唐元帥西征薛舉得勝。班師回程。聖人的命。就差李密爲館伴使。直到十里長亭。接待唐元帥去。着使命疾去早來。〔下〕〔李密同柳周臣賈閏甫領卒子上〕〔李密云〕某乃魏國公李密是也。自從俺四馬投唐。謝聖恩可憐。封某爲邢山公。他弟兄三人。各依舊職。又賜宅一所。今日無甚事。在於私宅中閑坐。小校門首覷者。看有甚麼人來。〔唐使命上〕〔云〕小官使命是也。奉聖人的命。差小官直至李密宅中。走一遭去。可早來到也。報復去。有使命至此也。〔卒子報科〕〔云〕理會的。喏。報的主公得知。有使命至此也。〔李密云〕裝香來。道有請。〔做見科〕〔使命云〕邢山公聽聖人的命。爲二公子世民西征薛舉得勝而回。聖人的命。着你去昆明驛爲館伴使。接待二公子唐元帥去也。〔李密云〕小校安排筵席。管待使命大人也。〔使命云〕小官不必飲酒。回聖人的話。走一遭去。〔下〕〔李密云〕賈閏甫。則怕二公子懷挾舊讐。如之奈何也。〔賈閏甫云〕唐公子不是此等之人也。〔李密云〕柳周臣。賈閏甫。說與王伯當。你三人跟

着某。直至昆明驛。接待唐元帥。走一遭去。〔下〕〔館驛子上〕〔云〕小人是這昆明驛館驛子。今日邢山公大人來接待唐元帥。打掃的館驛乾淨。這早晚敢待來也。〔李密同正末柳周臣賈閔甫上〕〔李密云〕某乃邢山公李密是也。今奉聖人的命。差某接待二公子唐元帥去。王伯當柳周臣賈閔甫。您近前來。這一遭爲館伴使。到那裡見了唐元帥。則怕他襲舊事。怎了也。〔柳周臣云〕元帥。俺到的館驛中。見了唐元帥。做小伏低便了也。〔正末云〕俺到長安。多蒙唐公厚賜。端的是好寬大也呵。〔賈閔甫云〕若不是元帥。豈有今日也。〔正末唱〕

〔正宮端正好〕自金墉戰爭時。俺四馬投唐後。謝唐公納諫如流。封元帥邢山公列坐諸官右。俺手下衆官職。皆依舊。

〔滾繡毬〕今日箇命元帥爲館伴。嚕在昆明驛去等候。〔李密云〕他若是襲舊事。怎了也。〔正末唱〕你見他呵。則索卑辭禮厚。〔李密云〕我是他叔父。怕他怎的也。〔正末唱〕赤緊的他掌西征生殺權謀。您雖然是叔姪。他軍權見在手。〔李密云〕我則謙讓些便了。〔正末唱〕你這言語再思然後。既唐公不念前讐。你放些箇春風和氣。將他來待。免的嚕一度可喜兩度醜。〔李密云〕阿好煩惱人也。〔正末唱〕不索多憂。〔李密云〕可

早來到也。〔做見科〕〔云〕兀那館驛子。與我喚的廚子來。買一隻好肥羊。〔館驛子云〕理會的。廚

子安在。〔廚子上〕云是那箇喚我。〔館驛子云〕是我喚你哩。〔廚子云〕喚我做甚麼。〔館驛子云〕李元帥着你買羊哩。〔做見元帥科〕〔李密云〕兀那廚子。你與我買一隻好羊去。〔廚子云〕這兩日羊得買。〔李密云〕怎麼得買。〔廚子云〕大尾子的綿羊。則用的十五貫鈔買一隻。〔李密云〕小校與他十五貫鈔。買一隻羊來。〔廚子云〕着誰買呢。〔李密云〕着你買。〔廚子云〕這兩日羊貴了。我先安排二十七樣菜蔬。〔李密云〕那二十七樣菜蔬。〔廚子云〕我先安排一樣薑醋韭炒韭。醃韭。〔李密云〕纔三樣菜。〔廚子云〕都有了也。可是三九二十七樣。〔李密云〕都有了也。左右門首覷者。若唐元帥來時。報復我知道。〔卒子云〕理會的。〔殷開山上〕云泰山頂上磨刀缺。北海波中飲馬枯。男子三十名不立。枉作堂堂大丈夫。某乃唐元帥手下前部先鋒殷開山是也。奉唐元帥將令。說李密爲館伴使。着俺衆將十差李密。某先去驛中見李密去。三軍慢慢的行。〔卒子報科〕云元帥唐元帥軍馬來了也。〔李密云〕俺離了館驛。遠遠接將去來。〔李密躬身云〕不才李密。接待不着。元帥恕罪也。〔正末唱〕

〔倘秀才〕見靄靄雲迷了宇宙。早殺氣遮籠了日頭。密匝匝闊劍長槍列左右。躬着身慌接待。他惡眼眼逞搗搜。向前去問候。〔李密云〕那壁敢是唐元帥麼。〔殷開山云〕我不是唐元帥。我是唐元帥手下先鋒殷開山。你是誰。〔李密云〕我是邢山公李密。奉聖

人的命。來接唐元帥。〔殷開山云〕兀那李密。你聽着。當初你未降唐之時。我和你是敵國。你如今降了唐也。你可是俺唐家臣子。你可放些謙恭。休要驕傲。自思昔日爲敵國。誰想今爲一殿臣。好將謙讓扶明主。休得矜驕傲慢人。小校行動些。俺往館驛中去來。〔殷開山做入館驛科〕〔李密云〕王伯當柳周臣賈閏甫。你近前來。兀的不氣殺我也。〔柳周臣云〕元帥不可躁暴也。〔正末云〕元帥息怒。兀的不又有軍馬來也。〔馬三寶上〕〔云〕匣中寶劍碧光寒。跨下征驄劣性犇。全憑威武平天下。輔佐唐朝萬載安。某乃唐元帥手下大將馬三寶是也。奉元帥的命。說李密在昆明驛爲館伴使。着俺衆將差他去。大小三軍。慢慢的行。〔李密云〕那壁敢是唐元帥麼。〔馬三寶云〕我不是唐元帥。我是他手下大將馬三寶。兀那李密。你聽着。你降了俺唐家。封你爲邢山公之職。立一人之下。坐萬人之上。你可盡心報國。休要傲慢於人。你聽者。俺唐朝聖主量寬洪。封你邢山大國公。你若是赤心報國行忠正。他日書名史冊中。小校俺入館驛中去來。〔做入驛中科〕〔李密云〕王伯當。兀的不氣殺我也。〔賈閏甫云〕元帥息怒。咱則索做小伏低也。〔柳周臣云〕兀的不又有軍馬來也。〔外扮段志玄上〕〔云〕執銳披堅受苦辛。南征北討立功勳。扶持聖主爲名將。萬載千秋享太平。某乃大將段志玄是也。奉俺唐元帥將令。有李密在昆明驛做館伴使。教俺差李密去。可早來到也。三軍與我行動些。〔李密云〕那壁來者。敢是唐元帥麼。〔段志玄云〕我不

是唐元帥。我是唐元帥手下大將段志玄。李密你聽者。你既做唐臣。要盡忠。休生驕傲逞英雄。若還不聽忠言勸。他日須當落轂中。小校館驛中去來。〔做入驛科〕〔李密云〕王伯當。我忍不的了也。兀的不氣殺我也。〔正末云〕元帥息怒。可不道忍一時之氣。免百日之憂也。〔李密云〕兀的不氣殺我也。頗奈唐童小賊無理。他記舊日之讐一遭。他今日可羞我數遭。更待干罷。〔賈閏甫云〕元帥不可躁暴也。〔柳周臣云〕元帥不可。則索做小伏低也。〔正末云〕今番可是唐元帥。好是威風也呵。〔李密云〕這等氣。我怎受的他也。〔唐元帥同虞世南。驪馬兒上〕〔唐元帥云〕隨世紛紛起戰爭。區區四海結英雄。除危定亂扶明主。則我是文武雙全李世民。某乃唐元帥是也。西征薛舉。得勝而回。某差人報與俺父親。俺父親就差李密。在昆明驛爲館伴使。頗奈李密無禮。當日某私看金墉城。他差程咬金斧劈開老君廟。將某擎至金墉城。與劉文靜下在南牢。一百日之災。若不是魏徵改詔。某豈有今日。不想李密被王世充破了他一百萬雄兵。今日四馬投唐。在俺父親手下。這匹夫有何面顏。與某相見。某差十員上將。先去羞辱李密去。吾不殺他。大小三軍。攔開隊伍。慢慢的行者。〔正末唱〕

〔滾繡毬〕我見他貌堂堂威勢雄。喜孜孜志氣酬。他笑吟吟裊絲鞭。將玉聽來緊驟。俺邢山公你則索袖手低頭。〔李密云〕早知元帥來到。只合遠接。接待不着。勿令見罪。

也〔正末唱〕他統雄兵見勢豪。你時衰也慢誇口。你但放箇耐心兒忍受。是做的潑水難收。俺這裡躬身施禮。可便往前接。〔唐元帥看科〕三軍與我行動些。〔唐元帥入館驛科〕〔正末唱〕他那裡拍馬加鞭將玉勒兜。可是他並不回頭。〔李密云〕王伯當柳周臣賈閏甫。您看波。我接他。他推看不見我。下馬入館驛裏去了。我如今過去。誰先施禮。〔柳周臣云〕元帥先施禮。〔李密云〕我是他叔父。我先施禮。〔賈閏甫云〕元帥。咱如今見在他麾下。元帥先施禮。〔正末云〕元帥息怒。咱去館驛中。參見他去來。〔李密云〕我依着您。過去與他相見。〔李密做拜見科〕〔唐元帥做受禮科〕〔云〕拜我者何人。〔李密云〕小官邢山公。〔唐元帥云〕俺父親手下沒有這邢山公。〔李密云〕我是四馬投唐的李密。官封邢山公。〔唐元帥云〕免禮請起。〔李密云〕令人擡上果卓來者。柳周臣將酒來。我與元帥遞一盃酒。元帥鞍馬上勞神。元帥滿飲此盃也。〔唐元帥云〕將酒來。你也飲一盃。〔李密云〕理會的。令人接了盞者。〔唐元帥云〕則說李密有蘇張之才。某不曾見。我着他吟一首詩我看。邢山公說你文學有蘇張之才。某不曾見。你作一首詩我看。〔李密云〕元帥指甚爲題。〔唐元帥云〕單指亭前那園竹子爲題。〔李密云〕左右將紙墨筆硯來。〔做寫科〕〔云〕元帥詩就了也。〔唐元帥云〕將來某看。詩曰。老竹蒼蒼節大堅。等閑小輩莫摧殘。瀟瀟雨灑深秋月。驚的邪魔心膽寒。〔唐元帥怒科〕〔云〕這匹夫無禮。他不伏我

之心。說老竹中用。小竹不中用。虞世南將紙筆來。我也回他一首。〔做寫科〕「云」某也吟一首。詩曰。蕭落根枯老更衰。荒村折桿伴塵埃。若還留得青青笋。不用丹青鳳自來。〔李密云〕這匹夫有不忿我之心。我再吟一首。詩曰。小笋全無君子節。初生豈有化龍時。消疎綠葉飛池畔。出土微尖更不知。〔唐元帥怒云〕虞世南。你看這匹夫無禮。吾不如他。我再回他一首。詩曰。根梢無廢葉。將殘損卻園林棲鳳難。欲使小童持長劍。採來堪作釣魚竿。〔李密云〕兀的不氣殺我也。〔虞世南云〕兩箇元帥則飲酒。休題舊事。〔正末云〕住住住。元帥吟詩半日。不曾行酒。小官遞一盞酒也。〔唐元帥云〕王伯當。你遞一盞酒某飲。〔正末做遞酒科〕「唱」

「脫布衫」我這裡笑吟吟滿捧金甌。他醉醺醺猛地凝眸。我可撲的連忙跪膝。〔唐元帥云〕王伯當免禮免禮。〔正末唱〕他口聲聲免勞台候。

「小梁州」元帥那文武雄威貫九州。馬到處一鼓平收。神謀睿算運機籌。擒賊寇。率衆將統戈矛。從今後。邊塵寧息無征鬪。治黎民樂業歌謳。據元帥濟世才施寬厚。於家爲國。端的是分破聖人憂。〔唐元帥做喜科〕「云」王伯當再將酒來。某飲。

〔正末又遞酒科〕「唐元帥云」酒殺了也。〔做醉科〕「外扮雞鳴了」〔唐元帥云〕聞竹園內走出一隻鷓鴣。忽欲悞粟。他呼那伴兒。並無一箇。正比李密一般。他百萬軍兵。千員猛將。被王世充都破。

了。今日四馬投唐。在此館驛中。他有不伏我之心。我指雞作詩一首。我譏諷他。看他知麼。邢山公你見麼。〔李密云〕我見是一隻雞。雞悞粟。〔唐元帥云〕詩曰。雞老毛疎嘴又長。續步那曾見日光。低頭啄粟長無飽。何須賣弄出羣芳。時乖枉自爭閑氣。運去難施嘴距長。六稍折盡飛不遠。若見鷹雞一命亡。〔李密云〕這匹夫無禮。他把雞比我。更待干罷。我也還他一首。詩曰。性樂孤獨身自行。腹懷五德伴閑庭。發意遠飛嫌路窄。興心猛叫恨遲明。占場每日三番鬪。曉來須鳴七八聲。倘若睜開雙鳳目。須教天下看蒼生。〔唐元帥云〕虞世南。你看李密這匹夫無禮。他吟詩有背唐之心。我和你見俺父親去來。〔虞世南做學詩科〕〔虞世南云〕兩箇元帥休鬧。您故挾舊讐。相對吟詩。則怕不中也。〔唐元帥怒科〕〔云〕這匹夫無禮。想俺父親怎生虧負着你來。着這匹夫喫吾一劍。〔柳周臣做勸科〕〔云〕元帥不中。〔正末唱〕

〔笑歌賞〕他他他掣龍泉劍在手。你你你則管裡無收救。您您您詩句裏相機鬪。我我我緊厮攔。見見見怒無休。來來來我向前來緊揪住征袍袖。〔唐元帥云〕李密。你想俺父親。怎生虧負着你。您來投唐。俺父親加你爲邢山公。賜與你仁安宅。又賜與獨孤夫人與你爲妻。你今日要背唐。這匹夫好無禮也。〔正末云〕元帥。邢山公酒後一時間信口吟詩。望元帥恕罪者。〔唐元帥云〕大小三軍。跟着某見俺父親去來。筵前不必巧支吾。跨馬登程踐路

途。今番見父叮嚀奏來朝決斬潑無徒。〔同下〕〔李密云〕王伯當。這氣我如何受得。〔正末云〕似此怎生與他相處。〔李密做掣劍科〕〔云〕柳周臣賈閔甫。您兩箇獻出關之計。有計而生。無計而死。〔賈閔甫云〕元帥息怒。唐元帥手下有李靖軍師。小人有甚計。瞞的過他也。〔李密云〕好也要出關。歹也要出關去。〔柳周臣云〕元帥。小人有出關之計。若到朝中。見了聖人。元帥則說往黎陽招安徐懋功。并那十萬軍馬去。過了潼關。到的黎陽。見了懋功。借起軍來。與唐元帥相持。可也未爲晚矣也。〔李密云〕此計大妙。噤如今便回去見唐公去來。〔正末云〕元帥。當初我與你說甚麼來。噤不可來投唐也。〔唱〕

〔尾聲〕俺到黎陽。先把軍兵就。你待要剔蝎撩蜂惹戰鬪。勸着時越不瞅。你待與唐家做對頭。一箇記新羞。一箇懷舊讐。你便要出潼關不肯休。他若是統領的軍兵趕來鬪。我則怕你將少兵微。你可便做不迭手。〔下〕〔李密云〕你衆將跟着某見唐公。走一遭去。〔同下〕

楔子

〔李靖領卒子上〕〔云〕八卦陰陽扶社稷。六爻搜盡鬼神機。貧道京兆三原人氏。乃李靖是也。知天文。曉地理。審氣色。辨風雲。今在唐元帥麾下爲軍師之職。頗奈李密無禮。他在昆明驛與唐元

帥吟詩。有背唐之心。他進表章。要往黎陽尋徐懋功去。他正意使出關之計。前往嵩州去。借起軍來。要與唐元帥交鋒。量你何足道哉。今日貧道在於元帥府定計。先領兵前去埋伏。令人門首覷者。若元帥來時。報復我知道。〔卒子云〕理會的。〔唐元帥同殷開山段志玄馬三寶上〕〔唐元帥云〕某乃唐元帥是也。頗奈李密無禮。他在昆明驛與某相對吟詩。他有背唐之心。他在聖人跟前說過。前往黎陽尋徐懋功。一同來投唐。某料此人是出關之計。他必去借軍來與某交戰。量他到的那裡。某往元帥府與軍師商議。擒拿此賊。有何不可。來到帥府門首也。令人報復去。道唐元帥至此也。〔卒子報科〕〔云〕理會的。喏。報的軍師得知。有元帥來了也。〔李靖云〕道有請。〔卒子云〕理會的。有請。〔做見科〕〔李靖云〕元帥請坐。〔唐元帥云〕軍師。今有李密前往黎陽尋徐懋功去。我想此人是出關之計。他必借起軍來。要與吾交鋒。軍師有何計策也。〔李靖云〕元帥。貧道安排定了。着小軍言說元帥領兵。南征蕭銑去了。李密必然他來日出城。今日元帥先行。領雄兵十萬。離桃林縣二十里遠。埋伏軍馬。與他交戰。元帥先行。看計行兵。〔唐元帥云〕得令。大小三軍。聽吾將令。則今日跟着某。擒拿李密。走一遭去。先去桃林暗下營。速離帥府便登程。軍師後遣英雄將。我共翦奸邪破魏公。〔下〕〔李靖云〕殷開山。我與你四萬兵。你爲先鋒。過的潼關。左右埋伏。與李密交戰。你看計行兵。〔殷開山云〕得令。頭頂金盔腕懸鞭。驅兵領將數十員。拏住三軍必殺。

壞。血濺東南半壁天。〔下〕〔李靖云〕段志玄。你近前來。我撥與你三千軍馬。你行左哨。看計行兵。〔段志玄云〕得令。忙捧跨下追風騎。若論武藝我爲魁。來朝看某英雄處。不殺無徒永不迴。〔下〕

〔李靖云〕馬三寶。你近前來。我撥與你三千軍馬。你爲右哨。看計行兵。〔馬三寶云〕得令。右哨編排隊伍齊。千軍隊裏顯雄威。得勝鞭敲金鐙響。班師齊唱凱歌迴。〔下〕〔李靖云〕衆將都去了也。〔卒子云〕都去了也。〔李靖云〕這一去必然得勝而回也。他主意與兵惡戰爭。你枉使雄心喪自身。我安排捉將挾人智。必教李密送殘生。〔同下〕

〔淨扮盛彥古領卒子上〕〔云〕馬鞍雕鞍將掛袍。上陣長使鴈翎刀。有人問我名和姓。買賣歸來汗未消。某乃大將盛彥古是也。領兵三千。鎮守潼關。昨日唐元帥至此。調俺哥哥盛彥師。南征蕭銑去了。今日無甚事。小軍兒門首看者。看有甚麼人來。〔李密同正末賈閏甫柳周臣上〕〔李密云〕吾乃李密是也。領五百軍前往黎陽。尋徐懋功去。柳周臣。你的計策。今日果然離了長安。說話中間。來到潼關。上有三千軍。兩員上將。乃是盛彥師。盛彥古。俺招安他合兵一處。若奪得城池。便招軍買馬。聚兵十萬。與唐元帥交鋒。未爲晚矣。某到的關下也。小校報復去。說有邢山公至此也。〔報住做見施禮科〕〔盛彥古云〕早知大人來到。只合遠接。接待不着。勿令見罪也。〔李密云〕你是誰。〔盛彥古云〕大人不知。小人是把潼關大將盛彥古。〔李密云〕你哥哥盛彥師。那裡去了。〔盛彥古云〕昨日唐元帥。調俺哥哥南征蕭銑去。

了也。〔李密云〕你這關上有多少軍。〔盛彥古云〕我這裡有三千軍。〔李密云〕你點軍去。〔盛彥古云〕大人點軍做甚麼。〔李密云〕我有用處。〔盛彥古云〕大人點軍那裡去。〔李密云〕盛彥古。我不瞞你說。吾要與唐元帥交鋒。久後得勝。我着你爲大將之職。你意下如何。〔盛彥古怒喝科〕
〔云〕你放屁。我是唐元帥手下大將。你來這裡說說我。你快走。我不點軍與你。〔李密云〕這匹夫。好無禮也。〔做掣劍殺淨科〕〔淨下〕〔李密云〕殺了盛彥古也。王伯當。你點軍去。〔正末云〕理會的。〔做掣劍科〕〔云〕大小三軍。聽吾將令。若順俺元帥者。萬事罷論。若不順者。盡皆斬首也。〔卒子云〕俺都順了元帥也。〔正末云〕元帥三軍都順了。咱也。〔李密云〕既然都順了俺也。不可在此。將馬來。大小三軍。跟着某出關去來。〔殷開山領卒子上〕〔云〕某乃殷開山是也。奉俺唐元帥將令。着某在此等候李密。大小三軍。擺開陣勢者。〔柳周臣云〕元帥禍事了也。前有唐兵來了也。〔李密云〕王伯當。你爲先鋒。出馬去迎敵唐兵去。小心在意者。〔正末云〕得令。〔正末做出馬科〕
〔云〕敵軍慢來。〔殷開山云〕李密慢來。吾奉唐元帥的將令。我這裡久等多時也。〔做調陣子科〕
〔殷開山云〕我近不的他。我與你走。〔正末云〕這厮走了也。不問那裡趕將去。〔唱〕

〔賞花時〕初出潼關建大功。他步陣行兵前路等。者莫你排隊伍列英雄。我恰纔旗開施勇。〔帶云〕三軍跟着我去來。〔唱〕我直要擒拏了他這箇敗殘兵。〔下〕〔李密

云〕王伯當殺敗了殷開山也。不問那裡。趕將去來。〔同下〕

第三折

〔柳周臣賈閏甫上〕〔柳周臣云〕某乃柳周臣是也。這箇將軍乃是賈閏甫。俺李密元帥。過了潼關。有王伯當殺敗了殷開山。俺奪了桃林縣。招軍半月。俺元帥聚軍十萬。昨日元帥領軍出去。與唐元帥迎敵去了。俺二人在此鎮守。今日不敢久停久住。俺二人各領三千軍馬。接應元帥。走一遭去。〔下〕〔唐元帥同衆將領卒子上〕〔唐元帥云〕無端奸佞侵邊界。敢戰英雄定亂危。某乃唐元帥是也。頗奈李密無禮。他到潼關。殺了盛彥古并獨孤夫人。點軍出關。戰敗殷開山。他奪了桃林縣。招軍十萬。某差馬三寶段志玄。與他交戰去了。有軍師說。奪了桃林縣。拿了柳周臣賈閏甫。某領兵與李密王伯當大戰一晝夜。殺了李密十萬雄兵。片甲不回。則走了李密王伯當。更待干罷。大小三軍。傳着某的將令。各路追襲。不問那裡。擒拿李密。走一遭去。統領精兵志氣強。臨軍決戰顯英昂。縱然李密千般勇。管取今朝一命亡。〔衆下〕〔李密慌上〕〔云〕不聽好人言。必有恚惶事。自從出關。至桃林縣。招軍十萬。與唐兵交鋒。昨日大戰一場。一晝夜破某十萬大兵。片甲不回。某撞出陣來。趕在這密林中。權時歇息者。可不知俺那王伯當。在於何處。〔正末上〕〔云〕某乃王伯當是也。與唐兵大戰一晝夜。某衝了一十三陣。俺元帥不知在於何處也。〔唱〕

〔商調集賢賓〕我則見愁雲暗暗遮了太虛。殺氣罩天隅。血污了征袍鎧甲。盡折了戰將征夫。殺的來地慘天昏。無一箇手下軍卒。則那邢山公不知道在何處居。我在這亂軍中不住的高呼。則見那征旗遮日影。殺的那鮮血滿溝渠。〔李密云〕這言語的好似王伯當。我喚一聲王伯當。〔正末唱〕則聽的呼咱名目。我在這陣前失了征驄。可着我用手忙扶。〔云〕兀的不是元帥。〔李密云〕兀的不是王伯當。〔認住哭科〕

〔正末云〕元帥王伯當會勸元帥來。休要投唐。元帥不信。今日歸着於何處也。〔李密云〕伯當聚軍十萬。與唐兵大戰一晝夜。俺又輸了也。怎生是好。〔正末云〕元帥怎生失了馬也。〔李密云〕伯當俺臨陣時失了馬。怎生與他交戰。〔正末云〕元帥放心。伯當步戰唐軍。〔李密云〕伯當。則今日往邢州借軍去來。〔唐元帥云〕大小三軍。休着走了李密王伯當者。〔李密云〕伯當。軍馬圍住俺也。咱撞陣殺將出去。〔唐元帥云〕大小三軍。四面八方圍了者。休教走了李密王伯當。〔正末唱〕

〔醋葫蘆〕望東去唐元帥手搭着槍。望西去殷開山橫擔着斧。望南去段志玄忿氣夯胸脯。望北去劉弘急怒將刀刃舉。衆將圍住俺。可便忘生捨死撞軍卒。〔唐元帥云〕大小三軍。李密是一枝孤兵。若劍上殺了他呵。俺也不爲英雄。務要生擒活拏。纔顯

大將軍謀略也。〔李密云〕王伯當。俺不問那裡。攛將出去來。〔同正末下〕〔唐元帥云〕李密與王伯當走了也。更待干罷。衆將跟着某不問那裡趕將去。〔下〕〔山神領鬼力上〕〔云〕休說空中無神道。霹靂雷聲那裡來。小聖乃邢公山山神是也。吾神受人間香火祭祀。但有往來人等。都來吾神廟裏燒香。今日無甚事。在於廟中。看有甚麼人來。〔樵夫上〕〔云〕我是這邢公山下人家。每日上山打柴去。今日上山打柴。走一遭去。看有甚麼人來。〔李密同正末上〕〔正末云〕元帥來到這深山之中。迷踪失路。前有闊澗攔路。不知往那裡去。〔李密云〕可怎生得箇指路兒的人來呵。可也好也。〔正末云〕兀的不是箇樵夫。俺問他去。兀那樵夫。這箇是甚麼山。〔樵夫云〕這山是邢公山。這澗是斷密澗。〔正末唱〕

〔么篇〕我這裡聽道罷。按不住嗔忿怒。我這裡掣龍泉寶劍砍村夫。〔做殺樵夫科〕〔樵夫死科〕〔下〕〔李密云〕伯當。你爲甚麼殺了他也。〔正末唱〕元帥則這箇邢公山斷密澗天對付。我真心兒扶助。不由我滿面氣長吁。〔云〕元帥。俺往這澗邊廂去來。〔李密云〕好波。嚙走走走。伯當。你見麼。一座山神廟。嚙買卦去來。山神土地。吾乃李密是也。我與唐元帥交戰。若還得勝呵。與我三箇上上。若不得勝呵。與我三箇下下。〔做擲杯琰兒科〕〔李密云〕嚙。披鱗的蠅。帶甲的泥鳅。無禮。與我三箇下下。不合神道。量你箇泥神。有何當緊處。我若

不得勝呵。萬事能論。我若得勝回還。我打拆了這廟宇。伯當望前走走走。〔下〕〔山神云〕願奈李密無禮。你逃災避難。到於此處。倒毀罵吾神。更待干罷。你姑我爲冤。我姑你爲讐。吾神指與唐兵來殺李密。方稱吾神平生願足。〔下〕〔黎山老母上〕〔云〕初分天地有吾形。始判三才顯至靈。位居紫極神霄境。道講玄元禮玉清。老身乃黎山老母是也。生於混沌之先。列於紫霄之上。今因下方唐世封疆。君聖臣賢。崇文重武。有魏王李密。不遵天命。讐殺不絕。生民有倒懸之苦。吾曾賜與李密寶劍一口。着他戒其三事。一者勿殺陰人。二者不許反唐。三者勿割鹿肉。收其此劍。必有安身之法。保全本國邦寧。若犯此三戒者。必喪其身。誰想此人不遵三戒。殺了獨孤夫人。反了唐朝。先犯二戒。老身化做一貧婆。在此斷密潤左側。等候李密。他若來時。我自有箇主意。遠遠的不來了也。〔李密同正末上〕〔李密云〕伯當。我三日三夜。水米不曾到口。遠遠的一箇婆婆。覓一口涼漿喫也好也。〔做見科〕〔云〕婆婆兒。有涼漿覓些兒喫也。〔老母云〕將軍。老身無有涼漿。止有一塊鹿肉。奈無刀切。問將軍暫借匣中寶劍。切此鹿肉奉呈也。〔李密做與劍科〕〔云〕我與你劍。〔老母云〕有了劍也。兀那魏王。你聽者。我非凡人。乃上界黎山老母一化。當初與你劍時。着你戒其三事。一不許殺陰人。二不許反唐。三不許切鹿肉。爾今三事皆犯。必遭亡身之禍。你聽者。逆天心。欺侮唐朝。兵敗也有路難逃。犯三戒亡家喪國。我收寶劍徑上青霄。〔下〕〔李密云〕王伯當。不想

賺了我這劍去了也。噯。伯當罷了我也。如今無歸着。你學昔日西漢大將呂馬童。你將吾首級。你請功受賞去。〔正末云〕主公。我當初說甚麼來。〔李密云〕伯當。這一場都是我帶累你。投唐去也。是我來。借糧也是我來。三晝夜水米不曾到口。我如今筋弛力盡也。似無那活的人也。你將吾首級。請功受賞去罷。〔正末云〕元帥。着伯當將首級請功受賞去。得了大官。久以後史書內萬代罵名不朽也。〔唱〕

〔么篇〕我死呵則是你手下的臣。你死呵須是我的主。由他每殺則殺。斬則斬。碎了身軀。〔云〕元帥。想伯當在金墉城。〔唱〕我當初爲官受職做宰輔。〔帶云〕今日元帥有難也。〔唱〕俺可使死活則在一處。不由我悲悲切切淚如珠。〔唐元帥領衆將上〕

〔云〕大小三軍。與我圍住李密王伯當者。李密王伯當。你及早投降也。〔李密云〕伯當。唐軍圍住俺。怎生與他交戰。〔正末云〕元帥。你則在這潤邊等着。我獨當唐兵去。〔調陣子圍住科〕〔盛彥師云〕兀的不是李密。與吾兄弟盛彥古報一劍之讐。李密少走。喫吾一槍。〔李密云〕我死也。〔做倒在潤科〕〔下〕〔正末云〕可怎生不見了俺元帥。我殺出陣去。元帥在潤中。元帥你掙圍着些。〔唐元帥云〕王伯當。你元帥已自死了也。你若肯投降俺。不失大將之職也。〔正末云〕豈有此理。一馬不鞍兩鞍。雙輪豈碾四轍。我至死也不降唐。〔唐元帥云〕王伯當。你真箇不降唐。大小衆將。

發箭射死者〔正末云〕我至死也不降唐也〔唱〕

〔么篇〕我則見忽忽的弓拽開。淙淙的箭似雨。我則恐怕箭射着元帥的屍首。我這裡護着身軀。好教我勤王救駕無是處。〔唐元帥云〕王伯當。你失君臣之禮也。〔正末云〕俺君臣在亂軍之中。怎不救主。出於無奈。臣該萬死。臣欺吾君也。〔唱〕講不的君臣禮數。〔唐元帥云〕你久以後不能設立廟陞堂也。〔正末唱〕立廟不立廟待何如。〔唐元帥云〕既然他不降唐。大小三軍發箭。〔衆做發箭科〕〔正末云〕罷罷罷。〔唱〕

〔尾聲〕我如今一命休。他那裡發金簇。〔唐元帥云〕你肯降唐呵。重重的封官賜賞也。〔正末唱〕便封官一品待何如。今日箇興亡至此是天對付。我怎將清名來展污。我這裡勇身跳澗捨身軀。〔下〕〔唐元帥云〕王伯當死了也。着令人下澗去。焚化了他兩箇屍首。埋在澗中。有如此忠臣。他至此也不忘其主。李密當初笑霸王。誰知今日疊屍亡。古來多少英雄將。那箇忠臣似伯當。虞世南。你與我招安魏徵去。〔虞世南云〕奉元帥將令。招安魏徵。走一遭去。〔下〕〔唐元帥云〕盛彥師。你去黎陽。招安徐懋功去。小心在意者。〔盛彥師云〕奉元帥將令。招安徐懋功。走一遭去。〔下〕〔唐元帥云〕今日得勝還營。大小三軍。聽吾將令。則今日拔寨而起。班師回程。李密今朝一命虧。伯當疊屍世罕希。馬離山澗敵金鏝。人望長安賀凱回。〔下〕

第四折

〔徐懋功領卒子上〕〔云〕文習孔孟脩仁德。武演孫吳運六韜。坐籌帷幄知機策。臨軍決勝顯英豪。某徐懋功。自從某諫當魏王元帥。不聽某言。貶上我黎陽。催運糧草。誰想元帥果中單雄信之計。被他申時一陣。殺敗一百萬大軍。又被單雄信占了金墻城。衆將失散。聽知的元帥并王伯當賈閏甫柳周臣。都往長安投唐公去了。近有程咬金。被王世充殺敗。無所歸處。領着敗殘軍。來至黎陽。見了某。欲待領這十萬軍尋元帥去。聽知的元帥又出潼關來了。未知虛實。某着程咬金打探信息去了。可怎生不見程咬金來。小校轅門首覷者。若來時。報復我知道。〔淨扮程咬金上〕〔云〕馬兒不喫草。把他來瘦了。自家大將程咬金是也。自從在洛陽城外。被王世充申時一陣。將俺一百萬大軍。殺的片甲不回。元帥并衆將。都失散了。近聞的魏王元帥并王伯當賈閏甫柳周臣。都去投唐去了。懋功着我打探事情去。有人來報。說俺元帥又出潼關來了。有李靖軍師并唐元帥。領大兵追趕將來。我不敢久停久住。報與軍師懋功去。不必報復。我自過去。〔做見科〕懋功云。程咬金。你打探事情如何。〔淨程咬金云〕軍師。禍事了也。俺元帥四馬投唐。不想元帥背唐公。又出潼關。唐公差李靖軍師并唐元帥。領大軍追趕將來。不知俺魏王元帥并衆將。在於何處。來報軍師知道也。〔懋功云〕似此怎了。俺魏王這一陣出潼關來。必然輸在唐兵之手也。〔淨程

咬金云：「軍師。俺如今點就軍兵。去接應俺元帥去來。」懋功云：「如今不知俺元帥在於何處。俺如今領着軍。可往那裡去的是。俺如今別着人去探元帥信去。」一壁廂整擄軍馬。「盛彥師領卒子上。」云：「某乃盛彥師是也。奉唐元帥將令。領兵追趕李密。至邢公山斷密澗。殺了李密。亂箭射死王伯當。今有李密手下故將魏徵并衆將。投了唐公也。止有徐懋功程咬金。領十萬軍在黎陽。今奉唐元帥將令。着某招安徐懋功程咬金。可早來到也。兀那小校。報與你徐懋功。你說有盛彥師領兵至此。着您那徐懋功出來打話也。」淨程咬金云：「禍事了也。有盛彥師來。着元帥與他打話去。」懋功云：「盛彥師。他是唐元帥手將。我與他打話去。」做見科。「懋功云：「盛彥師。你如何領兵來。」盛彥師云：「徐懋功。你刻的推不知哩。你那李密并王伯當柳周臣賈閏甫。四馬投唐來。俺主公加他做邢山公。賜宅一所。手下將各還舊職。重賞加官。不想你那李密。背義忘恩。出了潼關。又殺了我兄弟盛彥古。奉聖人的命。差唐元帥并李靖軍師。某爲先鋒。領大勢雄兵。追趕到邢公山斷密澗。被某槍刺死李密。亂箭射死王伯當了也。」懋功云：「是真箇。哎。約元帥。則被你痛殺我也。」懋功做哭科。「淨哭科。」懋功云：「元帥也。你聽我勸諫呵。豈有今日之禍也。」盛彥師云：「有你元帥手下衆將。都投了唐也。如今魏徵也降了唐也。我奉俺唐公的命。着某招安你來。你若投降唐呵。不失你公侯之位也。」懋功云：「住住住。自古忠臣。豈佐二主。我斷然不降唐也。」盛彥

師云）懋功。雖然如此。可不道高鳥相良木而棲。賢臣擇明主而佐。背暗投明。古之常理。你見麼。俺大勢軍兵在此。量你這十萬軍兩員將。到的那裡。你再尋思者。（懋功云）將軍。你也說的是。雖然背暗投明。我不曾和俺程咬金將軍商量哩。（盛彥師云）你去商議去。（淨程咬金云）懋功。你如今要降唐去。你則去。我可去不的。想當初唐元帥。因觀俺城池。奉俺元帥將令。着俺五虎將。擒拏唐元帥。被某趕至老君廟。劈了唐元帥一斧。若不是秦叔寶着鎗楞鋼架住了呵。那裡取唐元帥的性命來。他想着那般舊恨。如今我投唐去。則是飛蛾投火去哩。你去則去。我則去不的也。（懋功云）你想着舊日之讐。不敢去。我如今與盛彥師商議去。將軍。住住住。則這一件。俺魏王手下衆將。都降了唐也。止有我共程咬金二人在此。俺也要降唐去。則是這程咬金與您唐元帥有讐。則怕您唐元帥記舊恨。所以他不敢投唐。不爭我獨自領兵降唐去。程咬金與某是一殿之臣。撇下他歸於何處。所以不肯投唐去也。（盛彥師云）你爲怕唐元帥記恨舊讐。你因此不肯投唐。將軍放心。唐公豁達大度。納諫如流。他怎肯記你舊讐。便有些好歹呵。都在我身上。你若肯去。必然有加官賜賞也。（懋功云）既然這般。開放城門。請將軍入城來。（做請入城科）（盛彥師云）將軍不必久住。俺則今日便往長安去來。（懋功云）則今日就領十萬軍馬投唐。走一遭去。俺元帥不能納諫。任忠良。斷密澗底恨天亡。今朝統領諸軍校。背暗投明歸大唐。（同下）（唐元帥同衆

將領卒子上。〔唐元帥云〕歡來不似今朝。喜來那逢今日。某乃唐元帥是也。奉聖人的命。因爲李密背義作亂。命某爲帥。李靖爲軍師。盛彥師爲先鋒。領大勢軍兵。追趕李密。至邢公山斷密潤。斬了李密。衆將悉皆歸降。遂平李密舊境。近有李密手下一將。乃是魏徵。此人有經綸濟世之才。補完天地之手。如今也歸了唐也。聖人大喜。則有李密手下徐懋功。領十萬軍兵。在於黎陽。某着盛彥師招安徐懋功去了。不想徐懋功也順了大唐也。聖人的命。着某在此安排筵宴。一來犒賞將士。二來就封李密手下新投唐的將軍。筵宴安排完備了麼。〔馬三寶云〕元帥。筵宴都完備了也。〔唐元帥云〕理會的。與我請將李靖軍師來者。〔卒子云〕理會的。軍師有請。〔李靖上〕〔云〕某乃軍師李靖是也。今與唐元帥領兵追趕李密。至邢公山斷密潤。誅了李密。手下衆將。盡皆歸順俺大唐。今有盛彥師。又招安的徐懋功來了。今日安排筵宴。犒勞衆將。唐元帥有請。須索走一遭去。可早來到也。報復去。道有軍師李靖來了也。〔卒子報科〕〔云〕喏。報的元帥得知。有軍師來了也。〔唐元帥云〕道有請。〔卒子云〕理會的。有請。〔李靖做見科〕〔云〕元帥。賀萬千之喜。今日平定了中原。天下太平也。〔唐元帥云〕俺託賴着聖人洪福。這一場多虧了軍師用計也。〔李靖云〕非李靖之能。皆賴衆將之功也。〔唐元帥云〕某今奉聖人的命。今日犒賞三軍并衆將。今有李密手下下一人。乃是魏徵。此人新來降唐。今日着某就加官賜賞。馬三寶與我請將魏徵來者。〔馬三寶

云「理會的。」〔正末扮魏徵上〕「云」某乃姓魏名徵字玄成。魏州曲城人也。先佐於魏王李密手下。因爲王世充申時一陣。破俺一百萬雄兵。俺元帥四馬投唐。唐公又封俺元帥邢山公之職。不想俺元帥背義忘恩。出潼關聚衆作亂。有唐元帥領兵追趕。被盛彥師槍刺死邢山公。箭射死王伯當。衆將盡皆歸降。某見唐公有漢高之量。我親至長安。投降大唐。今日唐元帥請俺衆將。想俺邢山公倚恃豪強。不聽忠言。致令有今日之禍也。便好道禍福無門。惟人自招。信有之也呵。〔唱〕

〔雙調新水令〕他則待逞雄威。行霸道。做侯王。封他做邢山公。將俺那壯心失望。他正是饑時親附人。飽後便飛揚。他則待倚恃剛強。誰承望。斷密澗一身喪。

〔見馬三寶云〕將軍道有魏徵來了也。〔馬三寶云〕報的元帥得知。有魏徵來了也。〔唐元帥云〕道有請。〔馬三寶云〕元帥有請。〔正末做見唐元帥科〕〔唐元帥云〕恩人。想昔日因某在南牢。若非恩人改詔放回。俺家豈有今日。皆足下之恩也。〔正末云〕非魏徵之事。皆元帥之威福也。〔唐元帥云〕想李密不聽忠言。空有你二士三賢五虎七熊八彪。不能任用。喪身失命也。〔正末唱〕

〔甜水令〕他從來馳騁矜驕。兇頑殘暴。姦滑莽撞。絕仁義。失綱常。空有那二士三賢五虎七熊八彪。郎將拒忠諫。不用賢良。〔李靖云〕想李密空有霸王之勇。不能任用賢良。撫養軍士。他今日背義作亂。以受刑戮。如今梟首級於雲陽。以戒後人也。〔正末唱〕

〔折桂令〕則落的梟首級在鬧市雲陽。不能穀建業成功。立國安邦。恰便似失路陰陵。別姬垓下。自刎烏江。世撞入天羅地網。使不着他舌劍唇槍。悔恨投唐。盼望黎陽。〔李靖云〕這一場都是盛彥師之功也。〔正末唱〕怎當那盛彥師定計埋伏。賈閏甫失意逃亡。〔唐元帥云〕小校門首覲者。等盛彥師來時。報復我知道。〔盛彥師同徐懋功淨程咬金上〕〔盛彥師云〕懋功軍師少待。我先見元帥去。可早來到也。左右那裡。報復去。道有盛彥師來了也。〔卒子報科〕〔云〕喏。報的元帥得知。有盛彥師來了也。〔唐元帥云〕道有請。〔卒子云〕理會的。有請。〔做見科〕〔唐元帥云〕呀呀呀。將軍鞍馬上勞神也。將軍招安的徐懋功如何。〔盛彥師云〕元帥。徐懋功領十萬軍。都來投唐來也。懋功見在帥府門首。〔唐元帥云〕好好好。這一場皆是將軍之功。〔盛彥師云〕不敢。皆託元帥之威福也。〔唐元帥云〕小校道有請。〔卒子云〕理會的。有請。〔做見科〕〔懋功云〕元帥。小臣領十萬軍。來投元帥麾下也。〔做拜科〕〔唐元帥做扶科〕〔唐元帥云〕懋功。李密早聽你諫當呵。可也不落在王世充之計也。〔盛彥師云〕程咬金來見元帥來。〔做拜科〕〔唐元帥做扶科〕〔云〕拜我者何人。〔淨程咬金云〕小將程咬金。特來投唐也。〔唐元帥做怒科〕〔云〕你是那程咬金匹夫也。今日也有相見的日子。想當日某因觀金墉城。李密着人趕至老君廟。被這匹夫一斧。劈開老君廟。望某一斧。劈將來。若不是秦叔寶將鉞楞

鋼架住了他那斧呵。這其間那得某性命來。此恨痛入骨髓。你如今可來投唐。更待干罷。刀斧手那裡。與我推出去。斬訖報來。〔程咬金慌科〕〔云〕徐懋功也。你送了我。〔懋功同盛彥師跪下勸科〕〔盛彥師云〕元帥命某招安程咬金。他本不肯降唐。恐記舊讐。某與徐懋功曾言說。元帥寬仁厚德。敬賢重士。豈肯記舊讐。並不挾冤。今日不爭元帥殺壞了此人。可顯得俺二人言而無信也。〔唐元帥云〕您請起。我斷然不饒這匹夫。〔正末云〕元帥。程咬金的罪犯。當日秦兩國交鋒。元帥豈不聞昔日漢高祖滅楚之後。封大功臣二十餘人。衆將爭功不決。未得行封。各有不安之意。高祖問留侯曰。似此如何得定。留侯曰。陛下要衆將心伏。陛下平生所憎者。羣臣共所皆知。最恨者何人。高祖曰。我所恨者乃雍齒也。數嘗窘辱我。留侯曰。欲要衆將心伏。先封雍齒。什邡侯。則羣臣皆喜。雍齒尙且封侯。俺衆將皆無患矣。又有一將。乃是丁公。是項羽首將。因在彭城交戰。楚軍追趕沛公。丁公領兵回還。放了沛公。有此之恩。故來請見。高祖曰。丁公不忠。使項羽失天下也。斬了丁公。高祖曰。使後爲人臣無傲丁公也。元帥這的是咬牙封雍齒。滴淚斬丁公。此高祖之量也。不爭元帥要斬了程咬金。有失天下之望。小官不敢自專。乞元帥尊鑑不錯也。〔唐元帥云〕既是賢士這般。您都請起。程咬金。我不記你舊讐。我親自與您衆將遞一盃酒。將酒來。軍師滿飲一盃。〔李靖云〕元帥。衆將某飲酒也。〔唐元帥云〕魏徵。想當日漢高皇。怎生斬了丁公來。你試說一遍。

者〔正末唱〕

〔鴈兒落〕想當初斬了公痛感傷。封雍齒懷惆悵。一箇他通人情在陣面前。一箇他存志節在沙場上。〔李靖云〕便好道。君聖臣賢。國祚永久也。〔正末唱〕

〔得勝令〕呀。常言道。忠孝的享榮昌。叛逆的受災殃。這的是斷大義施綱紀。正人倫訓典常。自古賢良。麒麟閣圖儀像。史記內傳揚。博一箇清名萬古香。〔唐

元帥云〕您衆將望闕跪者。聽聖人的命。您本是開國功臣。立大唐多有功勳。李靖爲行軍長史。拜尙書執掌三軍。盛彥師爲行軍總管。則爲你斬李密顯耀英雄。程咬金佐李密時爲五虎。今日箇新降唐。封你爲昭勇將軍。馬三寶爲行軍司馬。徐世勣爲安虎將軍。爲你有文武全才。賜姓李。總管軍兵。魏玄成。忠直能諫。順天道背暗投明。封你爲太子洗馬。更拜爲尙書左丞。段志玄爲行軍總管。享榮華共樂昇平。武將每肅靜邊境。文官每忠正廉能。今日箇加官賜賞。一齊的望闕謝恩。

題目 邢山公忠臣盡節

正名 長安城四馬投唐

四馬投唐穿關

楔子

王世充

麥簷帽

蟒衣曳撒

袍

項帕

三髭髯

卒子

紅碗子盔

青布釘

單雄信

鳳翅盔

膝欄曳撒

膊帶

項帕

直纏

三髭髯

李密

三山帽

蟒衣曳撒

袍

項帕

三髭髯

卒子

同

使命

圓領

帶

程咬金

四縫笠子盔

膝欄曳撒

掩心甲

徐懋功

一字巾

補子圓

王世充

鳳翅盔

膝欄曳撒

卒子

又上

使命

又上

李密

卒子

又上

使命

又上

柳周臣

賈閏甫

鳳翅盔

膝欄曳撒

膊帶

項帕

直纏

三髭髯

正末王伯當

麥簷帽

蟒衣曳撒

袍

項帕

三髭髯

程咬金

又上

程咬金

又上

單雄信

又上

同前

躍馬兒

頭折

李密

正末王伯當

柳周臣

賈閏甫

卒子

同前

躍馬兒

單雄信

卒子

同前

天兵

披廈

紅髮陀頭抹額

錦襖

項帕

法

鬼力

鬼頭

錦襖

項帕

法墨

柳周臣

又上

李密

又上正末王伯當又上同前賈閏甫又上同前

第二折

李靖散巾 邊欄道袍 繼兒 三髭髯 裙扇李密柳周臣賈閏甫卒子同前唐使命一字巾 帶 三髭髯

館驛子氈帽 青衣 搭膊李密正末王伯當柳周臣賈閏甫又上同前廚子方巾 青直身 繼兒

護衣帶刀殷開山馬三寶段志玄鳳翅盔 膝欄曳撒 袍 項帕 三髭髯唐元帥麥簷帽 蟬衣 曳撒 黃

袍項帕 直纏 搭膊 帶虞世南一字巾 補子圓領 帶 三髭髯 躍馬兒

楔子

李靖卒子唐元帥殷開山段志玄馬三寶同前盛彥古皮盔 膝欄曳撒 掩心甲 項帕 直纏 搭膊 劍

卒子李密正末王伯當賈閏甫柳周臣同前殷開山卒子又上同前

第三折

柳周臣賈閏甫唐元帥衆將卒子李密同前正末王伯當唐元帥衆將卒子又

上同山神

鳳翅盔 直纒

膝襴曳撒 帶

袍 三髭髯

鬼力同樵夫

雙簷氍帽 花手巾

補納襖 綿布鞋 拘繩 匾

擔斧

李密正末王伯當又上前

黎山老母

場頭手帕 布襪

鞋 補納襖 裙 拄杖

李密正末王伯

當又上唐元帥衆將又上前

盛彥師

鳳翅盔 直纒

膝襴曳撒 帶 帶劍

項帕 三髭髯

第四折

徐懋功卒子程咬金盛彥師卒子


同前

唐元帥衆將卒子李靖

同前

巾 補子圓領 帶 三髭髯

盛彥師徐懋功程咬金又上前



尉遲恭鞭打單雄信

關名

第一折

〔冲末王世充領卒子上〕〔云〕久聚英雄霸洛陽。聲名四海盡傳揚。方今天下獨爲號。豈料仁王立大唐。某乃王世充是也。精通三略。善曉六韜。因隋末英雄併起。各自成霸。一十八處。誰想大唐兵起於山西。建都在長安之地。秦王爲帥。領兵征討俺十八處。某今聞知尅伏了數處。目今便發兵來取俺這洛陽也。此事必須與單雄信共議。左右與某喚將單雄信來者。〔卒子云〕理會的。單雄信安在。〔外扮單雄信上〕〔云〕猛烈能征建大功。英雄趕趕定烟燧。手中鐵搦人皆懼。百萬軍中敢去衝。某乃單雄信是也。幼而能文。長而業武。有百戰百勝之功。千敵千贏之勇。輔佐洛陽王世充手下爲將。今奉主公呼喚。不知有甚事。須索走一遭去。可早來到也。報復去。道有單雄信來了也。〔卒子云〕理會的。〔做報科〕〔云〕喏。單雄信來了也。〔王世充云〕着過來。〔卒子云〕理會的。着過去。〔單雄信做見科〕〔云〕主公呼喚單雄信。有何事也。〔王世充云〕單雄信。某今請你來。別無甚事。今有大唐軍兵前來所取洛陽。必須要做箇準備。與他拒敵也。〔單雄信云〕主公。則但放心。若是大唐人馬來犯洛陽。某自有退的他之計。〔王世充云〕左右與某喚將掠陣使來者。〔卒子

云「理會的。掠陣使安在。」淨扮掠陣使上。「云」爲將通謀略。命我把陣掠。見了英雄來。饒的魂離殼。某乃掠陣使是也。正在帳房裏泡冷飯吃。元帥呼喚。不知有甚事。須索走一遭去。可早來到也。不必報復。我自過去。「做見科」。「云」睹在下掠陣使來了也。「王世充云」兀那掠陣使。則說你能辦哩。今有大唐軍兵來取俺洛陽。令你跟隨單雄信。打探軍情掠陣。走一遭去。「淨云」着我掠陣。我便跟的老單去。若着我廝殺。其實不敢騙嘴。一定送了這條性命。「單雄信云」兀那賊。你則放心。則用你跟着某去來。點精兵俺顯能強。整戈甲敢戰大唐。單雄信今番施勇。立功勳保守洛陽。「下」。「淨云」則今日收拾了盔甲。跟的單雄信掠陣。走一遭去也。單雄信能誇大口。試看我英雄抖擻。贏了呵搶些旗幡。輸了時准定便走。「下」。「王世充云」單雄信領兵敵大唐人馬去了也。此一去未知勝負若何。若得勝回來。某自有箇主意。與士馬四海縱橫。衆英雄各霸疆封。大唐兵平除淨掃。看今番誰建奇功。「同衆下」。「唐元帥領卒子上」。「云」虎略龍韜靖僭臣。於民治世理乾坤。方今重武賢文士。一掃狼烟滅萬軍。某乃唐元帥是也。方今之世。因爲僭臣作亂。起六十四處烟塵。十八處擅改年號。某與劉文靜共謀。起兵於山西太原府。西取了長安故地。扶立父王爲神堯高祖。改年號武德元年。今父王之命。令某爲將。收這六十四處烟塵。十八處擅改年號。某今尅伏了數處。今統大勢雄兵。與衆英雄將士。前來尅伏洛陽。到此安住了營寨。某今日

陞帳。與衆將會議取洛陽之計。左右轅門首望者。若衆將來時。便來報某知道。〔卒子云〕理會的。〔蔡允恭蕭瑀劉弘基高士廉上〕〔蔡允恭云〕用計傾心掌軍情。參謀決算辨輸贏。行兵共議元戎將。全報奇功賞善明。小官蔡允恭是也。官拜參軍之職。此三位將軍。乃蕭瑀劉弘基高士廉。今有唐元帥前來尅伏洛陽。今日陞帳。俺衆將須索赴帳下走一遭去。〔蕭瑀云〕參軍大人。這十八處僭稱之徒。若不是唐元帥用兵。焉能取其勝也。〔劉弘基云〕蕭瑀。元帥陞帳哩。俺赴帳下去來。可早來到也。報復去。道有蔡允恭蕭瑀劉弘基高士廉來了也。〔卒子報科〕〔云〕喏。有蔡允恭蕭瑀劉弘基高士廉來了也。〔元帥云〕着過來。〔卒子云〕理會的。着過去。〔見科〕〔高士廉云〕元帥。俺四將來了也。〔元帥云〕高士廉。您四將來了也。一壁有者。〔柴紹張亮王君廓裴寂上〕〔柴紹云〕尅伏烟塵起大兵。元戎用武最爲精。忠臣竭力成王道。一掃羣徒四海清。某柴紹是也。此三位將軍。乃張亮王君廓裴寂。今有唐元帥征討僭號之徒。俺衆將皆有奇功。來到這洛陽。安營下寨。今日元帥陞帳。須索赴帳下走一遭去。〔張亮云〕柴紹。俺元帥尅伏十八處僭號之王。須得俺衆將輔佐。方得成功也。〔王君廓云〕三位將軍不必鬧論。俺早到帳下。見元帥去來。可早來到也。報復去。道有柴紹張亮王君廓裴寂來了也。〔卒子報科〕〔云〕喏。有柴紹張亮王君廓裴寂來了也。〔元帥云〕着過來。〔卒子云〕理會的。着過去。〔見科〕〔裴寂云〕元帥。俺四將來了也。

〔元帥云〕裴寂。您四將來了也。且一壁有者。〔李靖張公謹蘇定方楊武威上〕〔李靖云〕謀略探通志氣高。習文演武逞英豪。臨敵決勝安天下。義膽忠心立大朝。某李靖是也。此三位將軍。張公謹蘇定方楊武威是也。今有俺大唐元帥。統領精兵。來取洛陽。剋伏王世充。今日陞帳。須索赴帳下去來。衆將與元帥各處征討。不知用了多少機謀也。〔蘇定方云〕張公謹。想俺元帥乃天之所付真命。因此馬到處皆滅。可早來到轅門首也。報復去。道李靖張公謹蘇定方楊武威來了也。〔卒子云〕理會的。〔報科〕喏。有李靖張公謹蘇定方楊武威來了也。〔元帥云〕着過來。〔卒子云〕理會的。着過去。〔見科〕〔楊武威云〕元帥。俺四將來了也。〔元帥云〕楊武威。你四將來了也。且一壁有者。〔房玄齡長孫無忌曹儉白顯道上〕〔房玄齡云〕坐籌運智安天下。帷幄興師立大唐。六十四處烟塵靜。僭號稱王一統降。小官房玄齡是也。此三位大人。乃長孫無忌曹儉白顯道。今因唐元帥剋伏各處烟塵。率領俺文武官員。共議軍情。前來勦捕王世充。今日陞帳。須索赴帳下去來。〔長孫無忌云〕房玄齡。今日元帥必商議破王世充之計。全在大人一舉也。〔曹儉云〕長孫無忌言者當也。大人是箇深謀遠略之人。可早來到轅門首也。報復去。道有房玄齡長孫無忌曹儉白顯道來了也。〔卒子云〕理會的。〔報科〕喏。房玄齡長孫無忌曹儉白顯道來了也。〔元帥云〕着過來。〔卒子云〕理會的。着過去。〔見科〕〔白顯道云〕元帥。俺四將來了也。〔元帥

云「白顯道。你四將來了也。一壁有者。」殷開山程咬金馬三寶段志玄上。「殷開山云」銳武精強敢戰敵陣前取勝。若神威。四方殺盡羣兇滅。穩得聲名御筆題。某乃殷開山是也。此三位將軍。乃程咬金馬三寶段志玄。今有唐元帥勦滅各處烟塵。前來剋伏王世充。今日陞帳。須索赴帳下走一遭去來。「程咬金云」與元帥各處交兵。不知受了多少勞苦。方得靖滅賊臣也。「馬三寶云」三位將軍。不必延遲。俺來到這轅門首也。報復去。道有殷開山程咬金馬三寶段志玄來了也。「卒子云」理會的。「報科」喏。有殷開山程咬金馬三寶段志玄來了也。「元帥云」着過來。「卒子云」理會的。着過去。「見科」。「段志玄云」元帥。俺四將來了也。「元帥云」段志玄。你四將來了也。且一壁有者。「正末扮尉遲恭同徐懋功秦叔寶郭孝恪上」。「正末云」某複姓尉遲名恭字敬德。此三位將軍。乃徐懋功秦叔寶郭孝恪。想某先佐劉武周。自介休縣走馬降唐。深感元帥之恩。將某以爲心腹之用。當來盡心竭力輔弼。今俺元帥來取這洛陽。今日陞帳。軍師。俺赴帳下見元帥去來。「徐懋功云」尉遲恭。這洛陽王世充。打甚麼不緊。則說他手下有一箇好軍雄信也。「正末云」軍師。那軍雄信則是狗黨狐朋。何足道哉也呵。「唱」

〔仙呂點絳脣〕憑看我烏馬鋼鞭。敢爭敢戰。人曾見。見我那廝殺軍前。我可見顯耀處多經練。「秦叔寶云」尉遲恭。你在介休縣。若不是軍師用智。今日降了大唐。方得忠臣之

名也〔正末唱〕

〔混江龍〕你題起那介休之縣。那的是軍師用智爲招賢。觀了這洛陽小將。則是些三羣黨狼烟。不是我賣口誇強施敢戰。我着他軍兵將校喪黃泉。不索你心生怨。試看這尉遲奮勇。今日箇安撫三邊。〔郭孝恪云〕軍師。俺說話中間。可早來到轅門首也。〔徐懋功云〕報復去。道徐懋功尉遲敬德秦叔寶郭孝恪來了也。〔卒子云〕理會的。〔報科〕

〔云〕喏。有徐懋功尉遲敬德秦叔寶郭孝恪來了也。〔元帥云〕着過來。〔卒子云〕理會的。着過去。〔見科〕〔徐懋功云〕元帥。俺四將來了也。〔元帥云〕軍師。你四將都來了也。想某與您衆將各處廝殺交鋒。盡皆平定了。今日來到這洛陽。務要你各盡忠心。擒捕了王世充也。〔徐懋功云〕元帥。你則放心。某與衆將。務要一鼓兒尅伏了洛陽也。〔正末云〕元帥。觀這洛陽有何難哉。不必元帥費心勞力也。〔唱〕

〔油葫蘆〕則俺數載交鋒心意堅。苦相將有萬千。投至得征遼破密定狼烟。受了些惡嗽。廝殺相征戰。經了些苦捱捱寒冷飢和儉。〔元帥云〕尉遲恭。這王世充是箇有機變的人也。〔正末唱〕王世充有變才。甚的是忠與賢。集聚着羣徒惡黨成家眷。怎生去操軍士掌兵權。〔徐懋功云〕尉遲恭。元帥的心。則要你衆將各用堅心。竭力成功。

也。〔正末唱〕

〔天下樂〕軍師道猶恐將軍心不堅。把忠孝雙也波全。這的是心意虔。我則洛陽成就將草寇翦。定息四海安。保扶的天下全。這的是穩拍拍列金階寶殿前。
〔元帥云〕住住。軍師。你與衆將既有竭力忠心。尅伏洛陽。某今聞知洛陽好景。你衆將則在營中。某與軍師懋功。看一遭洛陽景致去。有何不可。〔徐懋功云〕元帥不可去。這洛陽城上。常有瞭高的小軍。若見了元帥去。必報與王世充。王世充打甚末不緊。他手下有一將。乃是單雄信。此人使丈二狼牙棗槊。世之無敵。則怕單雄信出來。難以與他拒敵也。〔正末云〕元帥。軍師所言是。不可去私看洛陽也。〔唱〕

〔那吒令〕元帥你掌重權。深謀智遠。元帥你號令行。把軍卒命遣。不爭你觀洛陽私臨他地面。軍師便苦意攔。將元帥忠言諫。免不的衆將熬煎。〔元帥云〕則說那洛陽好景致。某有心私看一遭去也。〔正末唱〕

〔鵲踏枝〕洛陽城景雖鮮。萬花開鬪爭妍。嗜須是爲國於家。又不是賞翫芳天。統軍卒排臨陣前。那的是敢勇當先。〔元帥云〕尉遲恭。你衆將則在這營內。某與軍師懋功。領輕騎五百軍。務要私看一遭洛陽。便回營中來也。〔秦叔寶云〕尉遲恭。既是元帥堅意要去。

看洛陽。則是小心在意者。〔正末云〕元帥既是要去看洛陽。軍師則要你小心在意。保着元帥去也。〔正末唱〕

〔寄生草〕洛陽城非爲霸。王世充獨命權。有奇花異草堪留戀。北邙山荒塚千年變。請軍師保領元戎見。但若是軍兵出戰莫延遲。向唐營報俺親交戰。〔元帥云〕軍師懋功。則今日你便點輕弓短箭。善馬熟人。俺二人私看一遭洛陽去來。點輕騎五百精兵。則今日便離大營。洛陽城私觀景致。放開懷懋某歡情。〔徐懋功同下〕〔正末云〕衆位將軍。元帥與軍師懋功私看洛陽去了。某無甚事。親自洗我烏騾馬去也。〔唱〕

〔尾聲〕將我那黑戰騎喂添膘。準備着軍前戰。向一塔深波大泉。澡洗的他身輕蹄脚鮮。到來日若到軍前。全施展這征驍。緊馳驟當先。殺的那敵軍血染川。洛陽城那邊。單雄信他厮見。你看我展英雄大戰定烽烟。〔下〕〔秦叔寶云〕尉遲恭洗馬去了也。俺衆將無事。後帳中商議軍情去來。定城邊良將施謀。取洛陽操練軍卒。來日向垓心決戰。先商議得勝兵術。〔同下〕

第二折

〔唐元帥同徐懋功領輕騎兵鬪馬兒上〕〔元帥云〕懋功。俺離了大營。來到這洛陽。看了一遭。這

洛陽真箇好景致也。(徐懋功云)元帥。這洛陽是中興漢光武聖人興龍之地。可知好景致哩。(元帥做看科)(云)懋功。你看這洛陽正西下那箇密林。必然是王世充祖父的山林。山林中必有立的碑文。上面有他那出身入仕。某試看一遭去。(徐懋功云)元帥不可去。俺則看了這洛陽。無事還營中去來。(元帥云)懋功怕做甚末。等我自看一遭去。(做走科)(懋功云)這事不可。您五百軍且回營中去。等我跟着元帥看一遭去。(衆軍下)(懋功做與元帥看科)(云)元帥。不要走的慌速。則怕遇着單雄信。怎生與他拒敵也。(單雄信領淨跚馬兒上)(云)掠陣使。你掠見唐元帥來。(淨云)單叔。小姪焉敢說謊。則往前行。便見唐元帥也。(單同淨走見科)(淨云)單叔。兀的不是唐元帥。(單雄信云)可知是唐元帥哩。唐元帥少走。你怎敢偷觀俺營寨。私觀俺軍卒。吃吾一搥。(元帥諛科)(云)懋功。兀的不是單雄信來了也。這事不中。(下)(單雄信云)那裡去。(做追趕科)(懋功扯住單雄信袍袖科)(云)哥哥。看着俺龍門山下結義之情。饒俺元帥性命。俺班師便回。(淨云)這箇人好大面皮。好膽子。扯住俺單叔的袍袖。我說叔。你與他箇毒手。(單雄信云)軍師懋功放手。俺兩人各扶了帝主。不顧你死我活。某要成功哩。(懋功做不放手科)(云)哥哥。饒俺元帥性命。俺班師便回。(單雄信掣劍科)(云)你真箇不放手。(做割袍袖科)(下)(淨云)咤咤羞。(下)(徐懋功云)這事不中。單雄信割袍斷義。須索往唐營中取救軍去來。(下)(正

末做跚馬兒拿鞭領卒子上。〔云〕某尉遲恭是也。俺元帥私看洛陽去了。某今無甚事。前往

澄原作鄆今改下同清澗中洗馬。走一遭也。〔唱〕

〔中呂粉蝶兒〕則我這戰馬添膘。將軍卒嶢嶢勇躍。定烟塵建立功勞。將我這水磨鞭烏騅騎緊隨緊靠。向垓心馳驟咆哮。遇敵時聽他那嘶叫。

〔醉春風〕這些時鋤細草滿添槽。加料豆更喂飽。喫的來渾見膘旺忒乖乖。將馬來便澡。澡。又則怕來日交鋒。明朝逢戰。那會兒撒拗。〔卒子云〕將軍來到這澄清

澗也。〔正末下馬科〕〔云〕小校來到這澄清澗也。你便牽着。等某自己洗這馬者。〔卒子牽馬科〕

〔正末拽衣服洗馬科〕〔云〕馬也。趁着這一澗好水。某親洗你者。〔做洗科〕〔唱〕

〔紅繡鞋〕趁着這流古今清泉一道。端的是碧澄澄。波浪滔滔。我這裡洗烏騅戰騎手中撩。〔帶云〕好水也。〔唱〕悠悠的勢不盡。風吹的岸烟飄。看了這映蘆汀堤畔草。〔云〕小校。某洗了這馬也。你將這馬牽在岸上。控的乾了。回營中去。〔卒子云〕理會的。〔做

牽馬控科〕〔正末云〕古人道。馬乃將之司命。爲將者若不是這一匹好馬。臨軍對陣。焉能得取

勝也。〔唱〕

〔滿庭芳〕看了這烏騅是寶。將之司命。臨陣雄驍。〔徐懋功跚馬兒上〕〔云〕某乃徐

懋功是也。單雄信追趕元帥至急。須索往營中取救軍去。(做見正末科)(云)兀的不是尉遲恭也。某試喚他一聲。尉遲恭。(正末唱)是誰人將某高聲叫。我這裡要覷箇分毫。(做見徐懋功科)(正末唱)元來是徐懋功。荒荒惱惱。(徐懋功云)尉遲恭。單雄信追趕着唐元帥哩。(正末唱)他道是那單雄信。賣弄雄驍。趕元帥即來報。猛然間聽了。便索去相交。(云)軍師。單雄信怎生追趕着元帥哩。(徐懋功云)尉遲恭。單雄信追趕着元帥哩。你可去搭救元帥也。(正末云)左右將馬來。我去救元帥去來。(唱)

〔上小樓〕我恰才聽的道了。惱的我來胸中火燥。這厮他追趕元戎。施威雄勢。要見低高。我和他厮遇着。相對着。不須炒鬧。穩情取水磨鞭。建些兒功效。(做上馬科)(云)軍師。你領的這小軍。回營中去。某去救元帥去也。(徐懋功云)尉遲恭。單雄信戎裝冠帶。追趕着元帥走。你則這一匹剗馬單鞭。你可救的元帥麼。(正末云)軍師放心。(唱)

〔十二月〕也不用花腔鼓敲。也不用綵繡旗搖。也不用鑼鳴喊起。也不用擐甲披袍。尉遲恭從來性惡。我和他別箇低高。(徐懋功云)尉遲恭。你還披掛了去者。(正末唱)〔堯民歌〕呀。投至得營中披掛一回遭。則俺那元戎心內怎生熬。單雄信合是惡星照。今番一命喪荒郊。休也波焦。看咱敵對着。救本主將功報。(徐懋功云)尉

遲恭。你疾忙行動着。則怕傷了元帥的性命也。〔正末云〕軍師。你則放心波。〔唱〕

〔尾聲〕驟一匹劇馬行。持鋼鞭親去討。到垓心看我施謀略。則我這救主的忠心萬年表。〔下〕〔徐懋功云〕尉遲恭救元帥去了。兀那小軍。你跟的某唐營中點大軍。接應尉遲

恭去來。〔卒子同下〕

第三折

〔正末〕劇馬兒持鞭上。〔云〕某尉遲恭是也。今唐元帥有難。軍師來報。某矣。劇馬單鞭。須索救元帥走一遭去。〔唱〕

〔越調鬪鶴鶉〕我可便緊驟征驍。忙催我這戰馬。俺元帥遇難逢危。迭不的披袍擐甲。我如今劇馬單鞭。試看我今番保駕者。末那單雄信武藝高。非是我敢自誇。你道是廝殺交鋒。我觀的如同作耍。

〔紫花兒序〕尉遲恭從來勇烈。盡忠心不懼忘危。建功勳豈憚征伐。則我這聲傳宇宙。名播京華。掙達見我這竹節鋼鞭跨下馬。戰敵兵心驚膽怕。俺軍師他意急心忙。救元帥全仗咱家。〔云〕軍師言道。單雄信追趕元帥甚急。可不知趕的那裡去了。

某上這北邙山試看者。〔做山上看科〕〔唱〕

〔金蕉葉〕我上這北邙山週圍望者。不見俺唐元帥征戰馬。猛可裏迸一道黃塵地下。莫不是單雄信追來那答。〔元帥〕馬兒單雄信領淨鞭馬追趕上。〔元帥云〕單雄信追某甚急。可着誰人救我。〔單雄信云〕唐元帥少走。及早下馬受降。〔正末見科〕〔云〕兀的不是單雄信追趕着元帥哩。催動我這坐下馬。搭救元帥者。兀那單雄信潑賊臣。勿傷我主。〔單雄信見正末科〕〔云〕兀那厮爾風魔九伯。剗馬單鞭。來意若何。〔正末云〕某尉遲恭是也。剗馬單鞭。特來救元帥。〔淨云〕這厮有些夾惱風。剗馬單鞭。來救他元帥。老單莫要理他。則追趕唐元帥去。〔單雄信云〕比及追趕唐元帥。某先殺這匹夫。後拿唐元帥。兀那匹夫。量你到的那裡也。〔正末怒科〕〔云〕單雄信焉敢發如此大言也。〔唱〕

〔調笑令〕聽的他自誇。下的我怒增加。呀。休笑我剗馬單鞭敢戰伐。〔淨云〕老單料着唐元帥走不脫。俺如今先結果了這糊刷嘴。後趕唐元帥去。〔單雄信云〕尉遲恭。你說有何武藝來救唐元帥。〔正末唱〕尉遲恭立國功勞大。更那堪武藝熟滑。量你這潑賊臣。我手裏將命納。鞭着處血濺紅霞。〔單雄信云〕這匹夫說大言。敢與吾交鋒麼。〔正末云〕兀那單雄信。與吾交戰來。〔單雄信與正末交戰科〕〔元帥云〕兀的不是尉遲恭。與單雄信交鋒哩。得此空。便催動我這坐下馬逃命走。〔元帥走下〕〔正末唱〕

〔禿廝兒〕啗兩箇相持廝殺。併輸贏人馬交雜。〔單雄信云〕着這匹夫吃吾一狼牙棗。擲。〔打正末科〕〔正末唱〕他把那狼牙棗擲滿面打。我側身軀手中拿。鞭起處還他。〔單雄信中鞭科〕〔云〕咬約。某脊上中這廝一鞭也。口中吐血出。汚了我這袍鎧也。〔淨云〕老單。唐元帥也牙不了。你又着傷了。不走了。等到幾時。〔正末唱〕

〔聖藥王〕這廝他筋力乏難掙扎。中鋼鞭血污滿衣甲。〔單雄信云〕某矣。負痛不能取勝也。須索逃命。走走走。〔淨同下〕〔正末唱〕見那廝畏懼咱催戰馬。潑賊臣負痛不能加。險一命喪黃沙。〔云〕單雄信中某一鞭。逃命敗走了也。某今搭救元帥。須索見軍師去來。〔唱〕

〔尾聲〕託吾皇洪福。天來大馬到處將敵兵盡殺。單雄信死逃生。胡敬德功勞立不假。〔下〕

第四折

〔秦叔寶同衆將卒子上〕〔云〕某乃秦叔寶是也。今有唐元帥與軍師懋功。私看洛陽去了。未見回營。則怕遇着王世充的人馬交戰。可怎了也。〔程咬金云〕秦叔寶。若元帥遇着洛陽人馬。必有跟隨的軍兵。來營中取救軍來也。〔秦叔寶云〕左右轅門首望者。若元帥回來時。報復俺知道。〔卒子云〕理會的。〔徐懋功上〕〔慌云〕某來到這大營中門首也。左右。衆將安在。〔卒子云〕衆位

將軍都在帳中哩。〔徐懋功云〕不必報復。等某自己過去。〔見科〕〔殷開山云〕兀的不是軍師來了也。〔徐懋功云〕衆位將軍。禍事了也。今有單雄信追趕着元帥甚急。有尉遲恭剗馬單鞭。前去救元帥去了。未知若何也。〔秦叔寶云〕既是這等。俺何不點軍策應尉遲恭去來。〔唐元帥上〕〔云〕某好險也。若不是尉遲恭怎了。我來到這大營門首也。等某自己過去。〔做見衆將科〕〔徐懋功云〕兀的不是元帥來了。〔元帥云〕軍師。如今尉遲恭剗馬單鞭。敵着單雄信。未知勝負若何也。〔馬三寶云〕元帥不必商議。俺去策應尉遲恭去來。〔徐懋功云〕衆位將軍。你且不必起寨。某料尉遲恭必然得勝回還。左右轅門首望者。若尉遲恭來時。便來報俺知道也。〔卒子云〕理會的。〔正末上〕〔云〕某尉遲恭是也。頗奈單雄信無禮。追趕着俺元帥。若不是軍師來報的某知道。可怎了。被某一鞭打中了單雄信。救了元帥到營中。也不會。某須索回營中去也。〔唱〕

〔雙調新水令〕不是我好相爭劣性逞能強。我是箇冠乾坤英雄虎將。今日箇單鞭立社稷。剗馬定邊疆。救了俺元帥身康。這的是烽烟靖。萬民望。〔云〕可早來到轅門首也。左右報復去。道有尉遲恭來了也。〔卒子云〕理會的。〔報科〕〔云〕喏。有尉遲恭來了也。〔元帥云〕軍師。尉遲恭來了也。着他過來。〔卒子云〕理會的。着過去。〔見科〕〔正末云〕元帥。尉遲恭得勝回來了也。〔元帥云〕尉遲恭。若不是你來敵住了單雄信。某的性命可怎了也。〔正

末云。元帥。若不是軍師來報。尉遲恭也不得知單雄信追着元帥走也。〔唱〕

〔駐馬聽〕恰才我洗馬在池塘。趁着那嫩綠垂楊。扯寶韁我可也猛然觀望。見軍師驟馬走飛荒。報言追趕主人傷。尉遲聽罷心惆悵。欲鬧嚷。急慌忙。便須敵軍將。〔元帥云〕尉遲恭。你與單雄信。刺馬單鞭。怎生交戰取勝來。〔正末云〕元帥已自歸營中來了。

單雄信舉着棗槌。望某刺將一棗槌來。被某側身躲過。則一鞭打單雄信落馬。大敗而走也。〔唱〕

〔落梅風〕那厮他將吾拒。厮對攔。舉兵戈刺來心上。用鐵鞭落着脊背上。打的那單雄信五魂皆喪。〔秦叔寶云〕元帥看了尉遲恭如此英雄。真乃是虎將也。堪可與他重賞。

封官也。〔正末云〕元帥。單雄信此一中傷。回到洛陽。便不敢發兵出來與俺拒敵也。〔唱〕

〔胡十八〕他可便着重傷。把身喪。豈敢又動刀鎗。洛陽城裏養金瘡。再不敢放蕩。若臨敵戰場。尉遲恭鞭落處。單雄信怎遮當。〔元帥云〕軍師。今日尉遲恭成了一件

大功。等某回到朝中。啓知聖人。必有加官重賞。左右將二十兩白銀兩付表裏來者。權與尉遲恭

賀功也。〔卒子云〕理會的。〔做拿砌末科〕〔云〕元帥。二十兩銀子。兩付表裏。有了也。〔元帥云〕尉


遲恭。你收了。這銀子表裏者。〔正末接砌末科〕〔云〕多謝了元帥也。〔唱〕

〔殿前歡〕我今日建功方。英雄四海姓名揚。開疆展土家邦旺。扶立堯唐。洛陽

城展志剛。單雄信先魂喪。再不敢臨到上將。加官賜賞。尉遲恭生死難忘。（元帥云）衆將你聽者。某不合私觀洛陽。到城邊惹起刀鎗。北邙山閑遊翫賞。馳戰騎纔到山傍。單雄信猛然相遇。起惡心要把吾傷。見軍師苦苦哀告。斷銀袍結義相忘。俺軍師投唐取救。不承望遇見忠良。尉遲恭單鞭剗馬。催征驍保駕勤王。到垓心奮勇交戰。將雄信鞭舉着傷。打的他吐血數里。回洛陽膽碎身亡。這一場奇功當賞。回朝中保奏吾皇。封國公赤心輔佐。立清名萬載稱揚。

題目 唐元帥私觀洛陽城

正名 尉遲恭鞭打單雄信



立功勳慶賞端陽

閔名

頭折

〔冲末扮房玄齡領卒子上〕〔云〕隱隱祥煙罩鳳庭。丹墀齊列衆公卿。萬壽君王登寶殿。文武山呼萬歲聲。小官房玄齡是也。乃臨淄人氏。輔佐大唐。頗立功勳。官拜梁國公之職。方今聖人治世。四海咸寧。八方道泰。文有安邦之智。武有定亂之功。因爲都尉柴紹。征討北番吐谷渾有功。得勝班師。今奉聖人的命。安排筵宴。就於帥府。慶賀功勞。衆位功臣。共享太平之宴。小校門首覷者。衆功臣來時。報復某知道。〔卒子云〕理會的。〔外扮秦叔寶上〕〔云〕虎將雄威鎮八方。堅心報國顯忠良。扶持宇宙爲梁棟。永保山河輔大唐。某姓秦名瓊字叔寶。立唐以來。苦征惡戰。累建功勳。謝聖恩可憐。加某爲胡壯公之職。今有柴紹。征虜有功。奉聖人的命。安排慶功筵宴。犒勞功臣。某須索見房玄齡大人。走一遭去。可早來到也。小校報復去。道有秦叔寶來了也。〔卒子云〕理會的。喏。報的大人得知。有秦叔寶來了也。〔房玄齡云〕道有請。〔卒子云〕理會的。有請。〔做見科〕秦叔寶云。大人。秦叔寶來了也。〔房玄齡云〕將軍且少待。等衆位將軍來全時。一同宴會。小校門首覷者。〔卒子云〕理會的。〔外扮尉遲恭上〕〔云〕英雄敢勇逞威風。排兵布陣列西東。赤心報國行忠

孝。出馬當先尉遲恭。某覆姓尉遲名恭字敬德是也。乃朔州鄯陽人氏。先佐於劉武周麾下。次後降唐。累建功勳。謝聖人可憐。加某爲鄂國公之職。今有都尉柴紹。征討有功。元帥府設慶功筵會。某須索赴會。走一遭去。可早來到也。小校報復去。道有尉遲恭來了也。〔卒子云〕理會的。喏。報的大人得知。有尉遲敬德來了也。〔房玄齡云〕道有請。〔卒子云〕理會的。有請。〔做見科〕〔尉遲恭云〕大人。尉遲恭來了也。〔房玄齡云〕將軍且少待。衆將未全哩。小校門首覷者。〔卒子云〕理會的。〔淨扮李道宗上〕〔云〕慣戰相持則我強。祖傳累輩賣酥糖。前日睡着做箇夢。半夜三更掉下床。某姓李名煥字道宗。我幼習弓馬兵書。頗會做的院本。攻的雜劇。今日元帥府安排筵宴。與柴紹慶功。我何不走一遭去。可早來到也。小校報復去。道有李道宗來了也。〔卒子云〕理會的。喏。報的大人得知。有李道宗來了也。〔房玄齡云〕道有請。〔卒子云〕理會的。有請。〔李道宗云〕老大兒。我李道宗來了也。〔房玄齡云〕且少待。小校門首覷者。〔卒子云〕理會的。〔外扮馬三保上〕〔云〕腹隱經綸濟世才。機謀韜略在胸懷。忘生捨死忠良將。臨敵取勝繡旗開。某乃馬三保是也。幼而習文。長而演武。某文武兼濟。今佐於唐元帥麾下爲將。爲因柴紹平定番邦。有大功勞。今日設慶功筵會。須索走一遭去。可早來到也。小校報復去。道有馬三保來了也。〔卒子云〕理會的。喏。報的大人得知。有馬三保來了也。〔房玄齡云〕道有請。〔卒子云〕理會的。有請。〔做見科〕〔馬三保云〕大

人馬三保來了也。〔房玄齡云〕將軍還有數位未曾來哩。小校門首覲者。〔卒子云〕理會的。〔外扮段志賢上〕〔云〕驃馬橫槍武藝精。臨軍對陣見輸贏。習演黃公三略法。廝殺相持顯姓名。某乃段志賢是也。幼習黃公三略法。常觀呂望六韜書。寸鐵在手。萬夫不當之勇。今佐於唐元帥麾下爲將。今日元帥府安排筵會。與柴紹將軍慶功。俺衆功臣赴會。走一遭去。可早來到也。小校報復去。道有段志賢來了也。〔卒子云〕理會的。喏。報的大人得知。有段將軍來了也。〔房玄齡云〕道有請。〔卒子云〕理會的。有請。〔做見科〕〔段志賢云〕衆位大人。段志賢來遲。勿罪也。〔房玄齡云〕不敢不敢。小校門首覲者。〔卒子云〕理會的。〔二淨扮建成元吉同上〕〔建成云〕布陣安營不慣習。幾遭上陣怕相持。休言人敢違將令。掉下馬來搶了皮。某乃建成是也。兄弟是元吉。俺弟兄兩箇。十八般武藝。無有不拈。無有不合。我上的高杆。他調的百戲。如今元帥府裏。安排筵會。與柴紹擡手。兄弟我和你走一遭去。〔元吉云〕哥。我想柴紹。他有些甚麼才能。無過則是征討有功。偏他怎的高強。與他擡手。我不如那一箇。我和你到那裡。喫上三鍾酒。看他有甚麼話說。〔建成云〕你說的是。可早來了也。小校報復去。道有建成元吉來了也。〔卒子云〕理會的。喏。有建成元吉二位將軍來了也。〔房玄齡云〕道有請。〔卒子云〕理會的。有請。〔做見科〕〔建成云〕衆位大人恕罪。某來了也。〔房玄齡云〕且少待。柴將軍未曾來哩。小校門首覲者。若來時。報復某知道。〔卒子云〕

理會的。〔正末扮柴紹上〕〔云〕某姓柴名紹字嗣昌。官封霍國公之職。自北番吐谷渾黨項寇邊。奉命征討。得勝班師。今奉聖人的命。請衆將慶功飲宴。大人有請。須索走一遭去也呵。〔唱〕

〔仙呂點絳脣〕見如今文武忠良。剿除奸黨。奪名望。播一箇千載輝光。端的是四海民歡暢。

〔混江龍〕平定了北番黨項。謝聖恩排宴捧霞觴。托賴着仁慈寬厚。德勝似虞舜堯唐。六十四煙塵皆頓息。十八處擅更年號靖邊疆。今日箇聖德天垂象。輔助的山河鞏固。社稷寧康。〔云〕可早來到也。小校報復去。道有柴紹來了也。〔卒子云〕理會的。喏。報的大人得知。有柴將軍來了也。〔房玄齡云〕道有請。〔卒子云〕理會的。有請。〔正末見科〕

〔云〕大人。柴紹來了也。〔秦叔寶云〕大人來了也。〔正末云〕衆將軍勿罪也。〔房玄齡云〕將軍。今因你平定北番吐谷渾。有大功勞。奉聖人的命。大排筵會。請大小衆將。慶功飲宴也。〔尉遲恭云〕將軍。今日設此筵宴。慶賀功勳。當今聖主。不負俺功臣也。〔正末云〕量柴紹有何德能。着大人如此用心也。〔唱〕

〔油葫蘆〕托賴着聖德寬洪掌萬邦。慶功勳將軍士享。都則爲剿除邊寇定封疆。一箇箇開旗出馬驅兵將。端的是揚威耀武能開剗。〔房玄齡云〕李道宗。你行一

杯酒。〔李道宗云〕既然大人着小官遞酒。將酒來。〔卒子斟酒科〕〔云〕理會的。〔李道宗云〕道一鍾酒我先喫。則怕有酒刺我攝毒。疑有〔飲酒科〕〔云〕將酒來。這一鍾酒大人飲。〔房玄齡云〕將來小官飲。

〔飲酒科〕〔正末唱〕高擎着琥珀濃酒斟着碧玉觴。這的是尊前有酒頻釀盪。擺列着水陸不非常。〔房玄齡云〕您衆將休怪。這一鍾酒。衆將軍飲。〔李道宗云〕小官知之。〔建成云〕

房玄齡你差了。這一鍾酒該我喫。怎麼衆將軍喫。他大似那一箇。〔正末唱〕

〔天下樂〕你那裡說是談非論短長。顯耀些高也波強。將閑話講。〔元吉云〕你有

甚麼功勞。像我和建成。越在帳房裏。也曾猜枚喫酒耍子來。〔正末唱〕則你那排兵布陣都是

謊。〔馬三保云〕將軍息怒。〔建成云〕論我的文武。誰學的我。〔正末唱〕論文呵無一能。論武呵

難品量。那的是男兒當自強。〔李道宗云〕將軍。你且飲過這一杯酒。如今人憔悴。氣好忍也。

〔正末云〕大人勿罪。〔做飲酒科〕〔房玄齡云〕衆將都飲了杯。〔遞酒科〕〔建成云〕兀那柴紹。你

征吐谷渾。偏我無功勞。〔正末云〕你有甚麼功勞。〔段志賢云〕將軍息怒。有大人在此。〔建成云〕

我無功勞。你有甚麼功勞。〔正末唱〕

〔醉中天〕我也曾縱馬擒賊將。遇戰顯高強。我將那草芥平除定四方。我須是
唐室興功將。則管裡誇稱自獎。則我這無虛誑。盡忠心報國無雙。〔李道宗云〕柴

將軍。你也少賣口。建成元吉他兩箇不言語。你則管絮絮叨叨。他也不是怕人的。我則要你兩家取和衷。不道我搬調你。我家養着好驢好馬哩。〔房玄齡云〕李道宗且靠後。〔正末云〕這兩箇逆賊。好生無禮也。〔唱〕

〔醉扶歸〕這厮他出語無謙讓。好教我忿氣夯胸膛。我是箇立國擎天眞棟梁。我似那慷慨田文量。我和你定論甚文强武强。則你那豪氣有三千丈。〔建成云〕今有大人在此。我不和你爭強。時遇五月。蕤賓節屆。你敢和我捶丸射柳。比試武藝麼。〔元吉云〕哥。正是這等說。到端陽之日。和他比試比試。〔正末云〕量你到的那裡也。〔唱〕

〔金盞兒〕他那裡說行藏。逞顛狂。我和你軍前論武爲戎將。捶丸射柳定興亡。忙兜着坐下馬。緊勒住紫絲韁。你看我威風施智勇。豪氣志軒昂。〔房玄齡云〕您二人休鬧。到來日奏知聖人。就在演武場中捶丸射柳。比試武藝。你意下如何。〔建成云〕大人明鏡。與孩兒做主。〔房玄齡云〕柴紹。你且回私宅中去。〔正末云〕某辭別大人。且回私宅去。到來日御苑中看比試武藝去也。〔唱〕

〔尾聲〕我與你離了玳筵前。你看我耀武施才量。馬到處敵兵敗亡。我教你片霎須臾拱手降。也不用劍戟刀槍。自顯揚。則你那武藝平常。假若便演武論

功戰一場。則聽那三軍鬧嚷。則我這箭無虛放。試看俺這列毬門金鼓振穹蒼。
〔下〕〔房玄齡云〕柴紹去了也。到來日奏知聖人。蕤賓節屆。御苑中射柳垂丸。比試高低。您衆將跟着我見聖人。走一遭去。唐柴紹智勇誰及。因建成有失尊卑。時遇着蕤賓節屆。御苑中比試高低。〔同下〕〔建成云〕兄弟。到明日我和你爭氣着。勿要柴紹贏了。無甚事。且回家搗蒜拌螃蟹。喫酒去來。〔同下〕

第二折

〔夫人領家童上〕〔云〕慢慢紗幮錦襯花。蘭堂畫閣足堪誇。簪纓玉珮隨朝列。大纛高牙將相家。妾身乃都尉柴紹夫人是也。我祖爲將相。報國安民。立功勳。盡孝存忠。享富貴。重裊列鼎。妾身曾讀孔聖之書。頗看孫吳之略。俺夫主柴紹。征討番邦。有大功勳。今日去元帥府赴慶功筵會去了。未曾還家。家童門首覷者。若來時。報復我知道。〔家童云〕理會的。〔正末上〕〔云〕某柴紹是也。自從統兵征伐北番吐谷渾。得勝班師。奉聖人的命。安排筵宴。遣房玄齡宴享功臣。有建成元吉不忿某。欲要蕤賓之日。與某射柳垂丸。量你到的那裡也。〔唱〕

〔中呂粉蝶兒〕想着這無義之徒。怎做的定乾坤玉堂人物。他則待壞人倫。施展權術。那裡肯正綱常行道德。心生跋扈。巧用機謀。害賢臣轉生嫉妬。

〔醉春風〕我是箇安社稷盡忠臣。今日箇定乾坤能戰武。他向筵前忿氣逞奸邪。興心兒待阻阻。憑着我義膽忠肝。赤心報國。保全黎庶。〔云〕可早來到也。家童報復去。道有某來了也。〔家童云〕理會的。〔報科〕〔云〕報的夫人知道。大人來了也。〔夫人云〕道有請。〔家童云〕有請。〔正末見科〕〔云〕夫人。小官來了也。〔夫人云〕相公來了也。因何面上有怒色。莫非酒筵間有甚麼爭差也。〔正末云〕夫人不知。因酒筵間有建成元吉不忿某之心。今時遇五月糴賓。在於御苑中與某爭論武藝。捶丸射柳。論此二人。好生無禮也。〔夫人云〕相公。你這般深思遠慮做甚麼。論你建立功勳。武藝不在他人之下也。〔正末唱〕

〔紅繡鞋〕似這般不平氣。心中發怒。他則待逞權豪倚仗親屬。想着我便展土開疆盡匡扶。他則待生奸佞端的是廝妝模。我是一箇困岩前如睡虎。〔夫人云〕相公。你沒來由和他爭競做甚麼。且息怒。〔正末云〕夫人說的是。家童門首覷者。看有甚麼人來。〔家童云〕理會的。〔李道宗上〕〔云〕自家李道宗是也。昨日酒筵間。有建成元吉。他與柴紹論功。就於五月糴賓。在於御苑中捶丸射柳。論起來柴紹武藝高。建成元吉。則是挑嘴。我如今先到柴將軍宅中。說他一說。至日建成好做手脚。可早來到也。家童報復去。道有小官李道宗。特來探望。〔家童云〕理會的。報的大人得知。今有李道宗在於門首。〔正末云〕夫人且回後堂中去。〔夫人

〔云〕理會的。我且回後堂中去也。〔下〕〔正末云〕道有請。〔家童云〕理會的。有請。〔李道宗云〕他不來接我。〔見科〕〔云〕柴將軍。小官特來探望。〔正末云〕大人勿罪。酒筵間言語衝撞。〔李道宗云〕不敢。小官平日是箇頑皮無用之人。酒使用的幾鍾。怎敢怪人。〔正末唱〕

〔普天樂〕嗜須是一朝臣。你端的便行忠恕。冲天豪氣。冒捲江湖。〔李道宗云〕不敢不敢。〔正末唱〕論英才奪第一。盡心把唐朝助。你是一箇立國安邦擎天柱。論行兵智勝孫吳。〔李道宗云〕不是你老子騙嘴。若論着我的本事。那裡數孫武子也。〔正末唱〕你正是班門弄斧。誇稱你自己豪邁粗疎。〔李道宗云〕柴將軍。別人也不曉的。你便知道。我的本事才學。不如那一箇也。〔正末云〕家童看茶湯來。〔家童云〕買茶葉去了。〔李道宗云〕我前日喫了茶也。柴將軍。我有句話說。如今建成端陽之日。要和你捶丸射柳。我想起來。他的手段高。你可武藝低。我勸你且將就些罷。〔正末云〕李道宗。你說的差了也。〔李道宗云〕我若說謊。我就喫山藥。〔正末唱〕

〔上小樓〕也不索將咱間阻。非是我便尋根拔樹。不是我好鬪偏爭。施逞豪強。膽大心寬。你看我列士卒。排隊伍。軍中相遇。我看他陣門前。怎能擺布。〔李道宗云〕柴將軍。你怎生近的那建成。他的武藝。還高似我哩。〔正末云〕李道宗。您怎生說這等言語。

〔李道宗云〕我怎麼說差了。〔正末唱〕

〔么〕我從來志氣高。觀建成不待古。者莫是射柳奪標。論武施功。戰策誰如。你則待心意毒。小覷的無。心頭不慮。你看我便仗才能比着不做。〔李道宗云〕柴將軍。我勸你忍事饒人些。則怕你敵不的他也。〔正末云〕你長別人威風。滅自己志氣。量那建成元吉到的那裡也。〔唱〕

〔快活三〕向軍前能論武。也不索假支吾。你看我揚威耀武。定實虛。我則待萬古留名譽。

〔鮑老兒〕你看我插箭彎弓縱戰駒。愛的和他吶喊搖旗齊操鼓。誰敢相攔住。者其他拏雲握霧。呼風喚雨。呪水書符。你看我輪槍舞劍。開弓蹬弩。氣夯胷脯。〔李道宗云〕你不聽我的言語。到明日有些差遲。休道我不勸你來。〔正末云〕李道宗。你則放心也。〔李道宗云〕有甚麼不放心處。〔正末唱〕

〔尾聲〕御苑中排士卒。賀蕤賓閱閱二字疑誤舞。看軍前射柳施英武。名播乾坤萬萬古。〔領家童下〕〔李道宗云〕看了柴紹武藝高強。他兩箇怎麼來的。我也勸不的他。且回家去。到端午之日。別人閑爭餓氣。我則管解棕喫酒。冷粽子多伴些蒜酪。嚥下去不要焦燥。再喝上兩碗。

涼水。停住食喫服瀉藥。〔下〕

第三折

〔馬三保領卒子上〕〔云〕某乃馬三保是也。自從柴紹征虜回還。元帥府中設慶功筵會。有建成元吉。心中不忿。要與柴將軍比試武藝。房玄齡奏知聖人。時逢五月。節近端陽。御苑中捶丸射柳。某有心探望柴將軍去。使令人請段志賢去了。這早晚敢待來也。〔段志賢上〕〔云〕某乃段志賢是也。今有建成元吉。因慶賀柴紹。有不忿之心。要比試武藝。某正在演武場中。令人來報馬三保將軍有請。須索走一遭去。可早來到也。小校報復去。道有段志賢來了也。〔卒子云〕理會的。報的大人得知。有段志賢來了也。〔馬三保云〕道有請。〔卒子云〕理會的。有請。〔做見科〕〔段志賢云〕將軍。段志賢來遲勿罪。請某來有何事也。〔馬三保云〕請將軍來別無事。今有房玄齡奏知聖人。五月蕤賓節令。御苑中捶丸射柳。比試武藝。我想來建成元吉。乃權勢之人。恐防柴紹落於彀中。特請你來商議。〔段志賢云〕將軍。俺二人不避驅馳。探望柴將軍。走一遭去。有何不可。〔馬三保云〕言者當也。令人將馬來。俺同到柴將軍宅上探望。走一遭去。〔同下〕〔正末領家童上〕〔云〕某柴紹是也。有建成元吉。與某蕤賓之日。射柳爭功。量他到的那裡。今有李道宗勸某。他豈知某的戰策武藝也。〔家童云〕依着家童說。你料着不濟事。且儘讓他也罷。〔正末唱〕

〔越調鬪鶴鶉〕憑着我武藝滑熟。相持對壘。時遇着節屆蕤賓。年豐助美。射柳奪標。施呈妙藝。堪恨那奸佞人。潑逆賊。到來日躍馬施功。比並箇輸贏得失。

〔紫花兒序〕你看我弓彎秋月。馬跨雕鞍。箭插金鉞。則我這英才豪氣。膽略雄威。無及。非是我耀武揚威誇自己。我和他做一箇本對。試看捉將挾人。撻鼓奪旗。〔云〕家童門首覷者。看有甚麼人來。報復我知道。〔家童云〕理會的。〔馬三保同段志賢上〕〔馬三

保云〕某乃馬三保是也。這位將軍。乃是段志賢。今因建成元吉。與柴將軍鬧氣不和。時遇端陽。插九射柳。比試武藝。奉聖人的命。來日蕤賓。就於御苑中比射。贏了的自有封賞。輸了的。面塗粉墨。今日無甚事。到柴將軍宅上探望。走一遭去。可早來到也。家童報復去。道有馬三保段志賢。特來探望。〔家童云〕二位叔請家裏來。我報復去。〔做報科〕〔云〕報的大人得知。有馬三保段志賢。特來探望。〔正末云〕道有請。〔家童云〕有請。〔正末云〕某須索迎接二位大人去者。〔唱〕

〔小桃紅〕我這裡忙離坐榻下。堆基俺今日這答兒重相會。〔馬三保云〕大人。小官與段志賢。特來探望。〔正末云〕動勞二位大人也。〔正末唱〕我這裡急急相邀錦堂內。〔段志賢云〕小官。一徑的來拜望。〔正末唱〕俺須是理當官。唐朝一殿勳臣輩。〔馬三保云〕大人。俺是一殿之臣也。〔正末唱〕這的是忘懷知己。交情深契。俺端的是積小的舊相識。

〔段志賢云〕不敢不敢。〔正末云〕大人請坐。家童看茶湯來。〔家童云〕井上打水去了。〔馬三保云〕柴將軍。小官與段志賢一來探望。二來明日端陽節令。奉聖人的命。在御苑中着將軍與建成元吉。擲丸射柳。比試武藝。俺一徑的來與將軍說。則要你着志者。〔正末云〕二位大人。不是某說大言。量那建成元吉。到的那裡也。〔唱〕

〔調笑令〕我若是奮氣。可使虎狼威。呀。試看我演武場中奪第一。賀端陽慶賞風雲會。取金標比論高低。我教那毬門虎將左右移。一齊的喊發春雷。〔段志賢云〕將軍射柳之時。須索用心着志者。〔正末云〕二位大人放心也。〔唱〕

〔禿厮兒〕寶雕弓多曾論習。鵬翎箭世上爲魁。若說着軍前論武能戰敵。我若是逞雄威。可也無及。〔馬三保云〕論將軍英武。寰中少有。則怕一時間有失機會。可怎了也。〔正末唱〕

〔聖藥王〕者莫是槍共刺箭厮射。搖旗吶喊鼓聲催。我觀他智量輕。武藝低。我教他面塗粉墨。走如飛。顯耀俺八面虎狼威。〔馬三保云〕將軍。你則用心着志者。小官同段志賢告回也。〔正末云〕多謝了二位大人也。〔唱〕

〔尾聲〕到明日匹馬施才藝。試看俺御苑中相交共比。正值着太平佳節賀葵

賓。輔助着一統乾坤萬萬里。〔下〕〔馬三保云〕俺二人且回私宅。到來日建成元吉。與柴將

軍射柳。必然輸了也。量他到的那裡。〔段志賢云〕量建成元吉。怎生出的柴將軍之手也。〔馬三保云〕將軍說的是也。閑氣相爭論短長。捶丸射柳逞高強。建成元吉休誇勇。怎比英雄柴嗣昌。〔同下〕〔家童云〕天色晚了。我家前院後執料去罷。〔下〕

第四折

〔房玄齡領卒子上〕〔云〕詠和離騷。楚屈原。端陽佳節太平年。射柳捶丸施武藝。慶賞蕤賓五月天。小官乃房玄齡是也。今日是五月五蕤賓節令。慶賞端陽。奏知聖人。命武將公侯。在此御苑中。捶丸射柳。射中柳。打過毬門者。賜宮花御酒。射不中柳。打不過毬門者。面塗粉墨。一壁廂安排筵宴。小校門首覷者。若衆位將軍來時。報復我知道。〔卒子云〕理會的。〔尉遲恭秦叔寶馬三保段志賢同上〕〔尉遲恭云〕今日蕤賓節令。俺衆位將軍。御苑中捶丸射柳。走一遭去。可早來到也。小校報復去。道有尉遲敬德同衆位將軍來了也。〔卒子云〕理會的。喏。報的大人得知。尉遲敬德同衆位將軍來了也。〔房玄齡云〕道有請。〔卒子云〕理會的。有請。〔做見科〕〔尉遲恭云〕大人。衆將來了也。〔房玄齡云〕將軍。還有數位公侯未來哩。小校門首覷者。若來時。報復我知道。〔卒子云〕理會的。〔淨李道宗建成元吉同上〕〔李道宗云〕某乃李道宗是也。今日與建成元吉二位

將軍去御苑中捶丸射柳去。你二位將軍可要用心着。我和你大家爭一口氣。可也壓伏他別人。
〔建成云〕將軍說的是。論柴紹的武藝。我也不數他。〔元吉云〕你放心。我和他比試。者莫打過毬門。射中柳箭。他也聞知我的手段。月亮地裡趕大蟲。我着他見我影兒也怕。〔李道宗云〕你說的是。不枉了好男子。着志者來到也。小校報復去。道有李道宗和建成元吉三人來了也。〔卒子云〕理會的。喏。報的大人得知。有李道宗建成元吉來了也。〔房玄齡云〕道有請。〔卒子云〕理會的。有請。〔做見科〕〔李道宗云〕衆位將軍。俺弟兄三人來了也。〔房玄齡云〕則少柴將軍未來哩。小校門首望者。若來時。報復我知道。〔卒子云〕理會的。〔正末上云〕某乃柴紹是也。今日是蕤賓節令。奉聖人的命。着俺衆將都去御苑中捶丸射柳。須索走一遭去。看了這五月五蕤賓之日。是好熱鬧的節令也。〔唱〕

〔雙調新水令〕今日箇御苑中射柳顯英豪。你看我氣昂昂施逞踴躍。列毬門排士馬。有戎將美官僚。一箇箇怒氣冲霄。托賴着吾皇聖。萬民樂。〔云〕可早來到也。小校報復去。道有柴紹來了也。〔卒子云〕理會的。喏。報的大人得知。有柴將軍來了也。〔房玄齡云〕道有請。〔卒子云〕理會的。有請。〔做見科〕〔正末云〕衆位大人。柴紹來遲。勿罪也。〔房玄齡云〕衆位將軍來全了也不會。〔尉遲恭云〕都來全了也。〔房玄齡云〕今日蕤賓節令。奉聖人

的命。在此御苑中。你看那菖蒲似劍。艾葉如旗。榴花爭放。角黍堆金。艾虎高懸。靈符高掛。正當慶賞也。〔建成云〕小校把那菖蒲酒釀的熱着。我喫他幾鍾。〔李道宗云〕冷粽子蘸沙糖。正好喫幾箇。〔元吉云〕你說的是。心上無閑事。怕甚麼冷粽子。〔正末唱〕

〔沉醉東風〕喜遇着端陽節。年豐物巧。楚三閭歌詠離騷。赤靈符以避凶。延壽縷驅邪虐。玉盤中角黍堆高。共飲蒲觴享鳳朝。〔朝陽閣字之誤〕萬萬載天長地老。〔房玄齡

云〕小校擡過楊柳瓶來。您衆將先射柳。次後捶丸。擺設金鼓旗旛。奉聖人的命。射中柳。打過毬門者。插宮花。飲御酒。射不中柳。打不過毬門者。面塗粉墨。當場羞辱。您施展武藝。各請上馬。〔衆將做上馬兒科〕〔李道宗云〕大人容稟。不是我奸狡。我指頭上生了箇癰子。拽不開弓。〔建成云〕你好慢帳。正要爭氣哩。牽馬來。〔正末云〕俺衆將上馬。將弓箭來。〔尉遲恭云〕衆將用心着意者。〔衆將做射柳科〕〔正末唱〕

〔鴈兒落〕俺這裡人人施勇驍。箇箇全忠孝。威風立武功。慷慨扶廊廟。〔尉遲恭云〕着箭。〔馬三保云〕着箭。〔段志賢云〕着箭。〔正末云〕着箭。〔外做打得勝鼓科〕〔正末唱〕

〔得勝令〕呀。則聽的金鼓鬧鐻鐻。人語喊聲高。忙把征驍縱。款將金鏡挑。箭着處根苗。一點流星落。並不差分毫。將柳枝射中了。〔李道宗云〕都射中了柳也。則有我

三箇哩。先着我射。放圓了馬。着箭。〔做射不中科〕〔建成云〕射不中。〔李道宗云〕不是這兩日手生了。〔房玄齡云〕小校將粉墨來抹了左臉。〔卒子云〕理會的。〔做將粉墨抹淨左臉科〕〔元吉云〕吓。羞殺人。你沒這箇手段。不要射箭。辱沒殺人。〔建成云〕你過來。看我射。跑圓了馬。纔好放箭。着去。〔做射不中科〕〔房玄齡云〕建成也射不中。小校將粉墨來抹了左臉。〔卒子云〕理會的。〔做將粉墨抹淨左臉科〕〔元吉云〕吓。羞殺人。你還說他哩。鼻子上掛鈴鐺。響嘴。過來看我射。〔李道宗云〕我兩箇則不濟了。你可仔細着。〔元吉云〕你放心。怎麼把我來比你兩箇。我若射不着。不做漢子。且住。我把這馬肚帶再緊一緊。哦。哦。我上的馬去。衆人看我射柳。這馬有些起後。馬也。今日做漢子。全在你身上。衆將休眨眼。看我射箭。着去。〔做射不中科〕〔房玄齡云〕小校擊下去。將粉墨來抹了左臉。〔卒子云〕理會的。〔做將粉墨抹淨左臉科〕〔建成云〕元吉。可不道你強似我兩箇。〔元吉云〕你兩箇還怪我哩。一了說箭頭不快。弩折箭桿。〔房玄齡云〕衆將射了柳也。未曾搥丸哩。則要您用心者。〔李道宗云〕如今我先打毬門。這一椿可熟。料着你贏不過我。小校接了弓箭者。將棒來。看我打過毬門。馬也跑圓着過去。〔做打不中毬門科〕〔房玄齡云〕小校擊下去。將紅硃抹了右臉。〔卒子云〕理會的。〔做將紅硃抹淨右臉科〕〔建成云〕這厮原來低答這些兒。也不會。將棒來。看我打過去。〔做打不過毬門科〕〔房玄齡云〕小校擊下去。將紅硃抹了右臉。〔卒

子云「理會的。」（做擊紅硃抹淨右臉科）「元吉云」被這兩箇羞殺人。辱沒死我。打毬門也不會贏的。衆大人每看我打。你則准備着紅硃着。馬也你跑動些。過去。（做打不過毬門科）（房玄齡云）小校拏下去。將紅硃來抹了右臉。（卒子云）理會的。（做將紅硃抹淨右臉科）（元吉云）吓。正是一窩兒燒出來的。（房玄齡云）衆將用心者。你見輸了的麼。（尉遲恭云）得令。將棒來。看衆將打毬。（正末云）大人放心也。量這的打甚麼不緊也。（唱）

〔川撥棹〕今日箇聖明朝。衆羣臣祝壽考。時遇着節序清高。射柳奪標。列毬門英雄奮惡。施呈些手段好。（馬三保云）衆將軍用心着志者。（衆將做一箇箇打過毬門科）

〔正末唱〕

〔七弟兄〕我則見列着勢豪。共周遭。綵門深過處拋毬落。看軍前馳騁莫量度。有元吉建成唐柴紹。

〔梅花酒〕呀。我可便膽氣高。英勇難學。節氣堅牢。武藝精標。看毬門添氣色。全得勝建功勞。（建成云）恰好輸了我兩箇也。（李道宗云）我不算哩。（正末唱）我則見意轉焦。分勝負不虛囂。塗粉墨意輕薄。

〔收江南〕呀。可又早毬門過處五魂消。（做打過毬門科）（做打得勝鼓科）（正末唱）則

見這當朝文武笑聲高。他那裡無言低首面如燒。將前言罷却。這的是傍人無語暗評跋。〔房玄齡云〕李道宗建成元吉輸了也。將此三人饒免其罪。安排筵宴。與衆將賀節慶功。您聽者。文武忠良贊聖君。捶丸射柳慶蕤賓。菖蒲似劍千祥現。綠艾如旗百福臻。弓開秋月穿楊柳。棒打星毬過綵門。建成元吉閑爭氣。僥倖奸猾李道宗。三人饒免俱無罪。衆將恩榮賜百金。太平寧靜居民樂。永賀吾皇萬萬春。

題目 施武藝捶丸射柳

正名 立功勲慶賞端陽

慶賞端陽穿關

頭折

房玄齡

兔兒角幘頭

補子

卒子

紅碗子盔

青布釘

秦叔寶

三叉冠

抹額

蟒衣曳

帶

尉遲敬德

鐵幘頭

蟒衣曳撒

皂袍

項帕

李道宗

紗帽

補子

馬三保

段志

賢

鳳翅盔

膝襴曳撒

袍

項帕

直

建成

元吉

皮麥簷帽

膝襴曳撒

掩心

正末

柴紹

麥簷帽

蟒衣曳撒

袍

項帕

直

第二折

夫人

場頭手帕

眉額

膝襴袍兒

家童

攢頂

青衣

正末柴紹

李道宗

同

第三折

馬三保卒子正末柴紹家童

同

馬三保

段志賢

又上


同

第四折

房玄齡卒子同前尉遲敬德秦叔寶馬三保段志賢同前李道宗建成元吉同前正

末柴紹同前

萬曆四十二年甲寅正月廿一日燈下校本清常道人



十八學士登瀛洲

闕名

第一折

〔冲末房玄齡領祗候上〕〔云〕報國丹心志已酬。經綸濟世有剛柔。兩手補完天地缺。一心分破帝王憂。小官姓房名玄齡字子喬。自立唐以來。累歷有功。激濁揚清。小官立意忠良。虔誠輔佐。聖人用我爲股肱之臣。謝聖人可憐。加小官爲中書平章左僕射之職。想大唐起運。剷平僭號。勦擒亂掠。席捲長驅。那聖人知人善任。安養存恤。乃英武仁德之君也。方今改元貞觀元年。文武羣臣分其品爵。聖人曰武能定禍亂。文可治太平。況逢豐稔之年。黎庶安寧。禮樂興行。聖人意欲要建起土木工役。在於城東十里。修蓋亭臺樓閣。峻宇雕牆。四時花木。浚渠走水。金釘朱戶。碧瓦琉璃。紅牌金字。命曰瀛洲。聖人着命小官左丞相府中。喚司天臺監正袁天罡。選其吉日良辰興工。左右與我請將司天臺監正袁天罡來。有事商議。〔祗候云〕理會的。司天臺監正袁天罡大人。丞相有請。〔正末辦袁天罡上〕〔云〕小官袁天罡便是。乃長安京兆人也。幼習儒業。頗勤於學。後以陰陽選擇天文地理。輔佐主公。今謝聖人可憐。加小官爲司天臺監正之職。今日丞相府使令人來請。不知有甚事。須索見大人。走一遭去。想大唐聖人。自起運之時。破密亡充。慶兵興戰。投至得面

南稱尊。非同容易也呵。〔唱〕

〔仙呂點絳脣〕見如今唐室巍巍。太平之世。賢人聚。文武扶持。皆仰望當今帝。
〔混江龍〕想當日隋朝失利。都則爲無知讒佞弄奸回。皆因俺唐家福大。創立
洪基。俺主公發政施仁弘道德。安民濟世掌華夷。禮樂都全備。託賴着一人有
慶。萬姓歸依。〔云〕可早來到也。祇候人報復去。道有袁天罡來了也。〔祇候報科〕〔云〕袁天罡來
了也。〔房云〕道有請。〔見科〕〔正末云〕大人呼喚小官有何事。〔房云〕袁先生。你是明天理知四
時辨風雲識時務之士。俺主公自得天下以來。氣象若何。〔正末云〕大人有經天緯地之才。有甚
不知。正是以能問於不能。聽小官略陳一遍者。〔唱〕

〔油葫蘆〕主公那氣象騰騰統萬幾。帝星應貫紫微。文曲武曲燦光輝。則他這
衆星朗朗皆朝北。更和這天開地闢無災彗。四時和風雨調。一家節序美。試看
那紅光繚繞在皇宮內。端的是社稷勝磐石。〔房云〕聖人有如此旺氣。天下黎庶。可是快

樂麼。〔正末唱〕

〔天下樂〕天下黎民仰聖德。無有遭驚也波疑。邊廷上罷了戰敵。更那堪神孫
聖子福祿齊。想秦漢自到如今唐家誠可希。可端的賽堯年過舜日。〔房云〕此言

誠然矣。〔正末云〕大人有何事。〔房云〕監正先生不知。聖人的命。爲因武備文修。遇此豐年稔歲。聖人今要離城東十里。起建土木工役。要亭臺樓閣。峻宇雕牆。流渠走水。四時花木。要令翰苑文職先生。登其瀛洲。今命先生可選良期。舉工造作。此乃聖人敬賢之至也。〔正末云〕好箇寬宏的主公也呵。〔唱〕

〔那吒令〕見如今唐聖主有天威聖威。文武每比臯夔契稷。庶職每守法度道理。見如今日月明。江山麗。百穀成實。〔房云〕今聖人行此一事。非同小可。〔正末唱〕

〔鵲踏枝〕用土木建亭閣。選匠役有操持。則要箇杏木爲梁。梓木爲魁。立根基。堆條大石。盡都是碧瓦琉璃。〔房云〕蓋造齊整。裝飾奇絕。問先生擇取日期。怎生取用。〔正末

云〕要選擇吉期。〔唱〕

〔寄生草〕築地基用着〔着原作天今改〕黃道。破木時背着北極。豎柱時寅卯宜。用天恩去

上梁。時正午迎天喜。安門時五福星臨財源利。則願的千年國泰與民安。萬載悠久傳尊位。〔房云〕監正先生。既然選擇已定。我奏知聖人。便差監工之官。就要興工造作也。〔正末云〕大人小官回去也。〔唱〕

〔尾聲〕仔細看通書選良月排吉日。先回避子午方隅太歲使禁忌。諸神謹護

持。姜太公鎮壓週迴。用心機則要箇除疑。俺主公洪福齊天怕甚的。完備了瀛洲景致。勝如那天宮佳麗。則願的皇家宗廟勝磐石。〔下〕〔房云〕袁天罡去了也。左右請將尉遲恭老將軍來者。〔祇候云〕理會的。尉遲恭老將軍大人有請。〔尉遲恭上〕〔云〕一自降唐出介休。苦征惡戰數十秋。水磨鋼鞭一騎馬。扶立唐朝二百州。老夫覆姓尉遲名恭字敬德。朔州善陽人也。先佐定陽劉武周手下爲將。次後降唐。與國家建立功勳。我擒充戮寶。破密亡隋。官拜鄂國公之職。聖人在位。天下太平無事也。今日丞相府大人令人來請。須索走一遭去。可早來到也。左右報復去。道有尉遲恭來了也。〔報科〕〔房云〕道有請。〔做見科〕〔尉遲云〕大人呼喚老夫有何事。〔房云〕今聖人要離城十里。建起工役。蓋造亭臺樓閣。峻宇雕牆。錦繡裝飾。流渠走水。如此蓋造。命爲瀛洲。命爾爲監作官。調度提領。要用人的當。若完備了。聖人有重賞。老將軍用心着意者。〔尉遲云〕大人老夫已知也。我索收拾點就人工去來。〔房云〕老將軍小心在意者。〔尉遲云〕我出的府門。便去監作去也。營造興工不敢違。不辭勞苦受驅馳。成工有日皆完備。君臣慶會樂雍熙。〔下〕〔房云〕尉遲恭老將軍去了也。憑着老將軍才智。其工必然早成。小官回聖人話。走一遭去。奉勅承宣起建工。朱園翠繞錦成叢。太平聖主多寬厚。不弱如九重天上建章宮。〔下〕

第二折

〔房玄齡領祇候上〕〔云〕三千禮樂唐虞治。萬卷詩書孔孟心。小官房玄齡。今聖人命尉遲恭監造瀛洲已完。時遇貞觀元年三月初三日。設其筵宴。命翰林十八學士。赴其瀛洲慶賀。小官主宴官。茶飯完備了也。左右。若衆大人每來時。報復我知道。〔祇候云〕理會的。〔于志寧同蘇世長姚思廉孔穎達上〕〔于志寧云〕十年勤苦守寒窗。一朝得志顯英昂。金鑾每獻昇平策。獨占鰲頭姓字香。小官姓于雙名志寧。官拜太子洗馬翰林學士之職。此位大人。乃蘇世長。官拜太子鴻臚寺卿兼左春坊學士之職。這一位大人是姚思廉。官拜太常寺卿兼右春坊學士之職。這一位大人是孔穎達。官拜禮部右侍郎兼侍讀學士之職。今聖人新建起瀛洲之景。排設筵會。房玄齡主宴。着翰林文臣皆赴瀛洲慶賀賞玩。大人每可早來到也。報復去。道有于志寧蘇世長姚思廉孔穎達四學士來了也。〔房云〕道有請。〔見科〕〔于志寧云〕大人。俺四學士來了也。〔房云〕相公請坐。左右門首望着。等大人每來時。報復我知道。〔祇候云〕理會的。〔薛收同陸德明李玄道李守素上〕〔薛收云〕玉簾明對策。翰海聚文辭。獨步通明殿。男兒得志時。小官姓薛名收。官拜吏部尚書前通明殿大學士之職。此一位大人陸德明。官拜兵部左侍郎兼文英殿大學士之職。這一位大人是李玄道。官拜參知政事兼翰林侍講學士之職。這一位大人是李守素。官拜參軍少

府兼太子諭德之職。今大唐聖人。新建瀛洲之景。設其筵宴。命房玄齡大人爲主宴官。着翰苑文臣。皆赴瀛洲賞玩慶賀。可早來到也。報復去。道有薛收等來了也。〔報科〕〔房云〕道有請。〔見科〕〔薛收云〕大人。小官等來了也。〔房云〕左右。若有來的相公。便來報復。〔祇候云〕理會的。〔褚亮虞世南蔡允恭顏相時同上〕〔褚亮云〕幼習詩書曉夜攻。遵崇聖道立彝倫。調和鼎鼐安黎庶。燮理陰陽作大臣。小官褚亮是也。官拜禮部尚書兼太子少傅之職。這一位大人是虞世南。官拜工部右侍郎兼翰林院大學士之職。這一位大人是蔡允恭。官拜戶部右侍郎兼翰林修撰之職。這一位大人是顏相時。官拜禮部郎中兼翰林編修之職。今聖人新建一所瀛洲之景。設其筵宴。命房玄齡大人爲主宴官。着俺翰林院學士等官。皆赴瀛洲賞玩慶賀。同大人每去來。報復去。道有小官等來了也。〔祇候報科〕〔房云〕道有請。〔見科〕〔褚亮云〕大人。小官來了也。〔房云〕大人請坐。左右等大人每來時。疾便報復。〔祇候云〕理會的。〔許敬宗薛元敬蘇勗蓋文達同上〕〔許敬宗云〕緯地經天冠世才。官封極品授文階。常把一心行正道。子孫悠久任三槐。老夫許敬宗是也。官拜禮部尚書兼國史總裁太子少師祥符殿大學士之職。這一位大人是薛元敬。官拜吏部左侍郎兼迎禧殿大學士之職。這一位是蘇勗。官拜尚書司卿兼崇文館學士之職。這一位大人是蓋文達。官拜戶部侍郎兼集賢閣學士之職。今聖人建起瀛洲之景。設其筵會。命俺翰林

文臣皆去賞玩。左右報復去。道有許敬宗等來了也。〔報科〕〔房云〕道有請。〔見科〕〔許敬宗云〕大人。老夫等來了也。〔房云〕大人請坐。止少杜如晦大人未來。若來時。定其坐位。左右。若杜大人來時。報復我知道。〔正末扮杜如晦上〕〔云〕老夫杜如晦是也。自輔佐以來。頗有功能。官拜兵部尚書光祿大夫總修國史兼太子太師奎章閣大學士之職。今聖人起建瀛洲之景。排設筵宴。聚集翰林文臣。房玄齡爲主宴官。老夫須索走一遭去。想聖人如此重用賢才。使文臣不勝之幸也。

〔唱〕

〔中呂粉蝶兒〕聖主仁恩。更不弱唐堯虞舜。端的是善武能文。有天威。有決斷。把綱常整頓。正值着麗日陽春。賞芳菲落紅成陣。

〔醉春風〕八節可堪酬。四時景物新。層層樓閣靄祥雲。罩定了那吻吻。這的是聖主恩慈。賢臣輔弼。天心從順。〔云〕早朝罷。老夫不敢遲延。〔唱〕

〔迎仙客〕靄晴空曙色分。早朝罷出宮門。跨青驄。裊絲鞭。側坐穩。〔云〕好景致也。

〔唱〕禁柳色青青。天道可便正暮春。佳氣騰騰。則聽的鶯燕語。似笙簧韻。〔云〕可

早來到也。我下的這馬來。報復去。道有杜如晦來了也。〔祇候云〕有杜如晦來了也。〔見科〕〔正末云〕大人。老夫來了也。衆大人每恕罪。〔房云〕衆大人每都來了也。各依品爵請坐。老大人。今

聖人建此瀛洲。都着您翰林學士遊此翫賞。設此筵宴。你看那雕梁畫棟。朱闌十二。翠繞紅圍。風簾雨戶。亮櫺層樓。勝瑤池紫府。壓閬苑蓬萊。端的好蓋造也。〔衆云〕端的好蓋造也。〔正末云〕是好蓋造也。〔唱〕

〔紅繡鞋〕畫棟雕梁修分。

分字雖叶韻然不可解疑誤

亭臺樓閣宜人。趁綠窗朱戶。靄祥雲。軒堂

多佳趣。廊廡四圍勻。更和這碑亭營造的穩。〔房云〕方今聖人如日月之明。普照萬方。崇重斯文。自漢以來。莫能及也。〔正末唱〕

〔石榴花〕這的是聖明天子重斯文。今日可便設大會集文臣。〔房云〕諸公乃文章政事宰職之大臣。〔正末唱〕都是些和調鼎鼐至公人。懷揣着九經。濟世安民。〔房云〕衆相公請國家俸祿。名分非輕。〔正末唱〕一箇箇請皇家俸祿高名分。一箇箇九卿八位裏安身。〔房云〕大人每文章錦繡。才能冠世。〔正末唱〕一箇箇文章政事存忠信。保助萬萬載錦乾坤。

〔鬪鶴鶩〕今日箇慶賀瀛洲。不弱如天宮勝境。〔房云〕端的是八節堪遊賞。四時可看觀。此非神仙不居也。〔正末唱〕端的是八節堪遊。四時興盡。任岸烏紗倒戴巾。玳筵前列舞裙。擺列着急管繁絃。更有他這輕煙淡粉。〔房云〕今日是瀛洲大會。皆翰林修禊。

之士。大德先生。皆要慶賀瀛洲新詩一章。各請珠玉。〔正末唱〕

〔上小樓〕大人道是儒林大臣。都要可便吟詩和韻。題着這新建瀛洲。則要箇字意相關。走筆成文。其中顯忠良。仰聖君。謙辭謹慎。不要您便志軒昂。忘食發憤。〔衆吟詩科〕〔房云〕衆位相公恕罪。小官吟詩也。詩曰。仰望清光在日邊。名登臺閣似登仙。太平聖

主過堯舜。武備文修賀有年。〔衆云〕好高才也。〔虞世南云〕衆大人每恕罪。小官吟詩也。詩曰。筆下縱橫偃鬼神。瀛洲同賞會斯文。寬宏睿主恩如海。却愧無才侍紫宸。〔衆云〕好高才也。〔褚亮云〕小官吟詩也。詩曰。模糊金碧倚晴空。霧閣雲樓縹緲中。太平聖主恩波闊。九重天上建章宮。〔衆云〕好高才也。〔姚思廉云〕小官吟詩也。殿宇樓臺一創新。瓊林宴設聚文臣。瀛洲真境非凡所。寵渥恩波十八人。〔衆云〕好高才也。〔李玄道云〕小官吟詩也。樓臺日映曉天紅。咫尺仙凡便不通。睿主開筵深夜處。恍疑身在廣寒宮。〔衆云〕好高才也。〔蔡允恭云〕小官吟詩也。文星耿耿聚瀛洲。喜得明時意氣投。一統山河輝萬里。敢將政教比西周。〔衆云〕好高才也。〔薛元敬云〕小官吟詩也。菲才何幸遇明王。相會文人到玉堂。碧瓦朱門金鎖鑰。此中真箇是仙鄉。〔衆云〕好高才也。〔顏相時云〕小官吟詩也。堂堂館閣禁城東。翠繞珠圍錦繡榮。燦燦五星奎聚後。人間文苑會相逢。〔衆云〕好高才也。〔蘇易云〕小官吟詩也。龍蟠虎踞一神州。金碧樓臺景物幽。我輩好存

葵藿志。莫將抱負效巢由。〔衆云〕好高才也。〔于志寧云〕小官吟詩也。風雲慶會宴蓬萊。文運欣逢此日開。講罷經筵天欲暮。珮聲遙向鳳池來。〔衆云〕好高才也。〔蘇世長云〕小官吟詩也。聖主能招天下賢。身依日月已成仙。玉堂宴罷閑來往。綠映宮袍草色鮮。〔衆云〕好高才也。〔薛收云〕小官吟詩也。鳳閣龍樓接五雲。玉堂學士可論文。此間便是蓬萊地。鼎鼐調和用老臣。〔衆云〕好高才也。〔李守素云〕小官吟詩也。金蓮燭下講經書。何幸瀛洲步玉除。扶助明君臨大寶。堂堂一代老純儒。〔衆云〕好高才也。〔陸德明云〕小官吟詩也。幸遇明君龍鳳姿。天庭日表總相宜。玉堂金馬風流客。齊賀瀛洲百世基。〔衆云〕好高才也。〔孔穎達云〕小官吟詩也。文館天開廣擢賢。亭臺新建萬斯年。任用區區文德後。姓名必註寫凌烟。〔衆云〕好高才也。〔蓋文達云〕小官吟詩也。畫屋朱門步玉堂。講明治道佐君王。時人却道昇仙客。今日同登閬苑鄉。〔衆云〕好高才也。〔許敬宗云〕小官吟詩也。風雲慶賀宴蓬萊。文運重逢此日開。講罷經筵天欲晚。珮聲遙向鳳池來。〔衆云〕好高才也。〔正末云〕小官吟詩也。聖主寬洪似堯舜。大開館閣重英豪。蓬萊身在恩同海。區區似可效皋陶。〔衆云〕好高才也。〔房云〕將酒來。衆臣共享其賜。〔淨上〕〔云〕自家李道宗的便是。官拜任城侯之職。我是權豪勢要之家。閭閻簪纓之氏。如今新建起瀛洲。怎生不用俺羣臣。則要翰林那酸廝每慶賀瀛洲。俺在家裏和夫人對飲了三箇罇酒。不知怎麼把來醉了。我酒蓋

臉。我到瀛洲撞席。那裡走一遭去。來到也。不用報復。我自過去。〔做見科〕〔云〕衆位先生大人。你好歹也叫我一聲。怕怎麼。嚙大家耍一會。〔房云〕任城侯。今日有聖人的命。在此命我爲主宴。着翰林學士先生大人每慶賞。要吟詩課賦。你怎生曉的。〔淨云〕苦惱也。你笑話我不曉的甚麼。你們天生的會吟詩來。我在下好歹也吟的四句詩也。〔房云〕你吟詩。〔淨云〕衆大人每恕罪。小官吟詩也。新蓋瀛洲錦繡重。虧了木作好良工。小官仔細打一看。滿牆都是刷的紅。〔房云〕李道宗。你有酒了。靠後。〔正末云〕任城侯。你吃的醉了。來到此處。今日有聖人的命。在此着俺文臣慶賀。你恰纔吟的詩。你不惶愧。〔淨云〕你們便會吟詩的。〔正末唱〕

〔么篇〕你吃來酒半醺。立不定脚不穩。他也學些三者也之乎。歪談亂道。失却卑尊。〔淨云〕怎麼我的詩不好。〔正末唱〕你吟的詩無法度。倒平仄虛實不論。你且去他這社學中與蒙童相問。〔淨云〕我直是這等。我讀的書。上大人直念到丘乙己。〔正末唱〕

〔滿庭芳〕好着我微微笑。晒。〔淨云〕我說。你笑我怎的。〔正末唱〕你是箇蠢蠢之物。庸腐之人。那民脂膏養成你箇人皮囤。那裡會治國安民。〔淨云〕小覷我。〔正末唱〕幾曾道保山河扶持聖君。您是害軍民聚斂之臣。〔淨云〕你每便是好的。我每便是歹的。〔正末唱〕休那無謙遜。可不道君子務本。〔淨云〕哎。約。氣殺我也。〔正末唱〕休那裡干骨

障賣精神。〔房云〕李道宗今日大醉。小官到朝中奏了聖人。決無干罷。天色晚了。衆大人每。嚙同去來。〔正末唱〕

〔尾聲〕今日箇瓊林宴罷歸。乘着蒲輪車上穩。公餘休暇清白甚。共樂雍熙太平準。〔同下〕〔房云〕今日散罷。不敢久停久住。回聖人話。走一遭去。唐聖主納士招賢。聚文臣共樂華筵。賀瀛洲古今少有。保皇家慶賀豐年。〔同下〕〔淨云〕想起來好沒意思。今日此處不當來。却是文臣好秀才。走到家中無甚事。和我夫人兩箇比皮鞋。〔下〕

第三折

〔鈞天大帝領黃巾力士上〕〔云〕位列鈞天顯至靈。明彰善惡兩勻平。駕鸞每日朝真去。兩袖香風萬里清。吾神乃鈞天大帝是也。居之中央。掌管人間彰善罰惡。富貴榮華。善者增其福。惡者降其災。善惡因緣。神明照鑒。凡人間善惡之事。每月差增福神察看。這早晚敢待來也。〔正末扮增福神上〕〔云〕吾神乃增福神是也。今奉上帝勅令。吾神每月人間究察善惡。可來回鈞天大帝的話。今日回上聖話。走一遭去。遠望着是好天宮也呵。〔唱〕

〔越調鬪鶴鶉〕遙望見寶殿珠樓。瓊臺玉宇。見鳳翥鸞飛。又不比那龍蟠虎踞。靄靄紅雲。紛紛紫霧。恰離了人世間。早來到天帝府。更和那弱水三千。霞光萬

縷。

〔紫花兒序〕青松檜柏。異菓奇花。更和寶樹瓊株。轉過這雕闌曲檻。御道街衢。縈紆。我這裡整頓衣冠行過去。見上聖將咱一覷。秉笏披袍。具禮如初。〔云〕上聖。小神來了也。〔大帝云〕兀那增福神。你到於下方。有何善惡。況大唐治世。怎生行事。你說一遍。我聽者。〔正末云〕上聖。吾神來到下方。一箇好唐朝帝主。聽吾神說者。〔唱〕

〔凭欄人〕國泰民安黎庶服。君聖臣賢德政敷。八方來納土。都賀當今明聖主。〔大帝云〕增福神言君聖臣賢。誠爲太平之君也。其京都輦轂之處。必有奇異之事。〔正末云〕吾神來到京華。則見人稠物穰。〔唱〕

〔金蕉葉〕我見滿城中人煙輳簇。更那堪搬磚運土興造作。蘭堂畫屋。不弱似天宮洞府。〔云〕上聖。京都離城東十里。起建一處盡都是樓臺殿宇。四時花木。景致非常。非神仙不可居。名曰瀛洲。端的好清雅幽哉也。〔大帝云〕那京都怎生蓋瀛洲之景。你說一遍。我聽者。〔正末唱〕

〔調笑令〕蓋瀛洲不信端的是錦模糊。盡都是樓閣亭臺和院宇。雕梁畫棟多佳趣。四時花木堪圖。非神仙到處不可居。更壓着閬苑蓬壺。〔大帝云〕這等蓋造。景

致清幽。可怎生賞玩。可是那一等人去登瀛洲。〔正末唱〕

〔耍厮兒〕有丞相司空宰輔。有太師太保太傅。三公九卿共五府。翰林院大學士。共洗馬有尙書。有他這德諭。〔大帝云〕怎生宴樂來。〔正末唱〕

〔聖藥王〕他每都宴會處皆笑語。一箇箇詩成錦繡粲聯珠。都是那唐大儒。一箇箇才有餘。胸懷洒落奉鑾輿。端的是播萬代美名譽。〔大帝云〕似恁的呵。便着金甲神直到西池。請金母與東華帝君。同上界天仙。到三月初三日。都往下方賞玩瀛洲。比我天宮。却是如何。增福神。你與注祿神與大唐仁君增福延壽去。小聖駕鶴馭。同往一遭。〔正末唱〕

〔尾聲〕乘鸞跨鳳臨凡去。暫離天宮玉府。一齊的赴瀛洲。祝贊皇圖萬千古。
〔下〕〔大帝云〕增福神去了也。便差功曹使者。請西池金母。東華帝君。同衆天仙下方觀看瀛洲景致。與唐君增福延壽去。唐天子統制華夷。正豐年時樂雍熙。衆神仙瀛洲賞玩。增福壽永遠無危。〔下〕

第四折

〔東華仙引衆仙上〕〔云〕閑駕蒼鸞物外遊。每朝玉帝拜龍樓。金丹服了同天地。花落花開不記秋。貧道乃東華仙是也。與金母共理陰陽二氣。掌管天下神人。得道真仙。成仙者先拜木公。後

拜金母。因朝玉帝。忽觀照察下方。有大唐治世。時值太平。新建宮殿樓閣。四時花木。勝景非常。號曰瀛洲。況唐君德過堯舜。行邁禹湯。貧道想來。既有瀛洲。與金丹同南極。俺三星一同下方遊玩。走一遭。以表仁君大德。請一箇玉帝勅意。因唐君有德治世。俺三星齊降人間。送福祿千年同躋。
〔下〕〔房玄齡同十八學士上〕〔房云〕君恩深似海。聖意重如山。小官房玄齡。聖人建了新宮。寶殿瓊樓。號曰瀛洲。奉命昨日着俺十八學士。登其瀛洲。聖人夜作一夢。見祥雲繚繞。天花墜地。聖人命袁天罡圓夢。回奏曰。今新宮殿內。必有天仙神聖降臨。今小官奉命。着小官等一同到瀛洲。太牢犧牲祭祀。慶賀新宮。祭祀完備。俺臣宰同候行禮。則等袁天罡。這早晚敢待來也。〔正末扮袁天罡上〕〔云〕小官袁天罡。今奉聖人的命。着文臣房玄齡。齊至瀛洲慶賀新宮。走一遭去。

〔唱〕

〔雙調新水令〕太平年豐稔四時和。託君恩量寬福大。八方無土馬。四海罷干戈。黎庶謳歌。見如今萬國總稱賀。〔云〕這新宮殿好蓋造也。〔唱〕

〔沉醉東風〕建新宮瀛洲景多。傳萬載永不消磨。祥光起殿角。瑞氣穿簾幕。有蒼松老檜婆娑。千種奇花四季可。圍繞定瓊臺玉閣。〔云〕可早來到也。報復去。道有袁天罡來了也。〔房云〕道有請。〔見科〕〔正末云〕大人。小官來了也。〔房云〕袁天罡。我想方今聖人。

當日怎生要建起新宮。號爲瀛洲。曾與你商議來未。你說一遍。小官試聽者。〔正末云〕大人聽小官慢慢的說一遍者。〔唱〕

〔折桂令〕我觀天象仰察銀河。則見那五曜輝輝。災彗消磨。況聖人德厚仁慈。知人善任。久賜恩波。文德就賢臣共賀。武功成永息干戈。宮殿嵯峨。祥瑞極多。因此上建立新宮。永固山河。〔云〕大人。聖人着。小官圓夢。今日必有天仙神聖降臨。可以祀饗。〔房云〕祭祀已都完備了也。左右擡祭祀禮物來。衆臣宰行禮。〔擡祭科了〕〔正末唱〕

〔喬牌兒〕上明香齊贊賀。賀聖主洪福大。擺列着犧牲庶品陳瓜果。願神聖光應可。〔東華同金母壽星衆仙上〕〔東華云〕兀那衆文臣。見俺衆天仙麼。〔正末云〕衆大人拜也。

〔唱〕

〔沽美酒〕今日箇感天仙神聖多。舞鸞鶴碧天虛。更有那白鹿靈龜圍右左。天仙每一齊的慶賀。降甘露。獻金坡。


〔太平令〕金盤內丹砂數顆。願長生不老天和。普天下黎民安樂。願玉葉金枝安妥。則願的福多祿多。萬載皇圖安樂。〔房云〕唐聖主納士招賢。叨逢着稔歲豐年。建新宮瑤池紫府。號瀛洲閬苑之間。前殿上光輝冉冉。後宮內喜氣翩翩。令文臣瓊林大會。顯才智作

賦成篇。因聖人德過堯舜。因此上感動天仙。乘彩鳳離瀛洲閬苑。駕蒼鸞過弱水三千。增福壽一齊慶賀。願金枝玉葉芳聯。千千年扶持社稷。萬萬載永保山川。

題目 三天大仙齊慶賀

正名 十八學士登瀛洲

于小穀本錄校乙卯二月初八日有事昭陵書于公署清常道人



唐李靖陰山破虜

闕名

頭折

〔沖末扮平章頡利可汗領淨小番上〕〔平章云〕遠際長空紫塞寒。平沙漠漠草斑斑。突厥根本匈奴後。祖貫獯鬻號北番。某乃大漠沙陀平章頡利可汗是也。掌管着北番軍馬。俺這地面。揀草地而安營。選水場而下寨。但住處有青毡寶帳。行動有樵皮輕車。今在此沙漠。常則待侵犯中原邊界。虜掠相持。數日前有大唐家差的使命來講和。某在前與他指界言盟。不許侵擾。某意欲不捨。小番與我請將大唐使命來者。〔淨小番做請科〕〔云〕理會得。大唐使命。俺平章有請也。〔大唐使命上〕〔云〕漫漫沙塞路途。遠遠和番未見功。羈旅孤身難轉運。殘生撞入虎狼叢。小官姓唐名儉字伯恭。乃汾人也。在朝居兵部侍郎之職。今奉聖人的命。着小官來沙漠北番講和。見爲行軍長史。今與平章頡利可汗講和言盟。在此淹留日久。不放回還。今日着小番來請。不知有何事計議。可早來到也。小番報復云。道有天朝使命來了也。〔淨小番云〕理會的。報的平章知道。有天朝使命來了也。〔平章云〕道有請。〔淨小番云〕理會的。有請。〔使命做見科〕〔平章云〕朝使。你來了也。你再說你那講和的事也。〔使命云〕平章。小官奉本朝命令。今以定襄爲界。兩不可犯。

邊。平章今又違約。再可言盟爲誓也。〔平章背云〕我意欲侵邊犯界。虜掠一遭。向後言盟。也未遲哩。使命。我要殺壞了你來。可不道兩國相爭。不斬來使。某與你巡邊境。就看地界上走一遭去。大小番兵。聽我將令。人人英勇。箇箇爭先。哈刺赤招展起雲月皂鵬旗。禿魯赤擺列着朱纓畫戟。奴未赤懸帶着寶劍雕弓。速木赤笑燃着金鉞鳳箭。溫都赤齊列着晃眼鎗刀。速胡赤肩擔着宣花鉞斧。石保赤高擎着鐵爪蒼鷹。奴海赤雙擡着金鈴細犬。閑時節圍場擺獵。閑來時出陣交鋒。數月之間。未曾經戰。點就番兵。鞭稍一展。陣勢皆圓。前去大唐邊界。與定襄總管廝殺一陣。要見輸贏。此一去威風赳赳。人如虎。嘶喊聽聽。馬似彪。偏爭好鬪沙陀子。若不交鋒誓不休。〔下〕〔使命云〕誰想額利可汗。不肯指界言盟。意欲侵犯俺大唐地界。則要搶虜廝殺。小官在此。孤身單騎。不肯放回。似此如之奈何。出使迢迢遠和番。沙陀凜凜受風寒。阻滯不能歸故里。命在須臾咫尺。間。〔下〕〔淨小番云〕俺奉平章言語。着俺晝夜不離了使命。怕他私歸。俺白日和他同行。到晚夕把他衣服都脫了精屁眼。他怎生走的出去也。也無枷鎖也無繩。脫了衣裳怎的行。晚來推入皮毯裏。赤條條的精打精。〔下〕〔外扮李世勣同薛萬徹引卒子上〕〔李世勣云〕巍巍唐室顯英雄。勇躍奪魁宇宙中。武略文韜多計策。邊塵淨掃立奇功。某姓李名世勣。乃曹州人也。自從興唐定亂以來。久蒙聖恩。官封右武侯之職。次封東海郡公。今授濱州都督大將軍。職掌軍權。久鎮無虞。

今有北番頡利可汗。統領番兵。臨定襄邊界。衆將累戰不能取勝。某欲要出陣交鋒。某爭奈濱州無人管理。干係在某身上。今着小將薛萬徹前去帥府。請的李靖軍師來。同衆計議。可出奇計征虜。保定襄一帶。可得全勝之功也。小將依吾號令。疾去早來也。名若長城非等閑。威嚴衆將守邊關。若得李靖軍師去。方顯神威破北番。〔下〕〔薛萬徹云〕今蒙元帥將令。前去請李靖軍師。求出奇計。要征北番定虜。此一去匹馬星馳途路登。征塵一縷若飛騰。受持關外將軍令。特報聲息赴帝京。〔下〕〔外扮房玄齡引卒子上〕〔云〕刈削草昧破羣雄。秉正除邪盡始終。位居宰輔中書令。創業興唐有大功。老夫姓房名喬字玄齡。乃臨淄人也。自興唐以來。勦除十八處之奸邪。滅六十四處之殘暴。自創業以來。方時草昧。羣雄競起。攻破乃降。戰勝乃剋。今大唐已定。蒙享昇平。封老夫中書令尚書左僕射監脩國史。後封太子太傅之職。掌握權衡。今在帥府中無甚事。左右人門首覷定者。看有甚麼人來。報復我知道也。〔卒子云〕理會的。〔薛萬徹上〕〔云〕稟受朔方依令行。遣使小將報軍情。關山千里能馳驟。謹候躬身帥府廳。某小將薛萬徹是也。原祖京兆人也。官拜右武衛將軍。奉元帥將令。前至京都帥府。特報軍情。不覺早至帥府門首也。小校報知元帥。說有邊關小將薛萬徹來見。報軍情也。〔卒子云〕理會的。喏。報的元帥得知。有邊關上小將薛萬徹。到府門首也。〔房玄齡云〕着他過來。〔卒子云〕理會的。着你過去哩。〔做見科〕〔房玄齡云〕薛萬徹。

你不在邊疆上管理軍情。有何事到來也。〔薛萬徹云〕小人奉李世勣元帥軍令。爲沙陀頡利可汗。領番兵犯界。衆將累戰不勝。敢求大人鈞座。相請李靖軍師。至於定襄。重出奇計。勦除番虜。可爲全勝之美也。〔房玄齡云〕今衆將累戰不勝。今案請李靖軍師。至邊關用神術妙計。可除番虜也。薛萬徹。你且伺候者。等明日早奏上聖人。可封李靖爲將軍總管節度使。着張公謹爲副將。李世勣爲行軍都督。柴紹爲接應總管。薛萬徹爲前部先鋒。分道四出奇兵。先令唐儉爲媾和使。撫虜無疑。如此之事。豈不全勝者乎。薛萬徹。你便回報世勣。指日天兵便至也。〔薛萬徹云〕不想大人奏聞過了。便統天兵去也。小官火速回報俺元帥。不敢久停久住。便索長行也。不避風霜豈懼寒。飛馳駟馬路途難。遠來申達軍情事。轉身回報上邊關。〔下〕〔房玄齡云〕比先之間。曾與胡寇指界言盟。不許侵犯。如今又來邊界侵擾。此去征伐。理之當然也。突厥入寇要相侵。面責言盟歲月深。復至犯邊失信約。統兵勦捕順天心。〔下〕〔正末扮李靖同副將張公謹卒子上〕〔正末云〕老夫姓李名靖字藥師。乃京兆三原人也。自幼頗通書史。常與母舅韓擒虎每時論兵。乃得孫武子妙略。後來隨俺主上。創業之間。授開封府府尹之職。後蕭銑據江陵。詔某安撫。因伐巴蜀。與李孝恭統十二總管。自夔州順流東下。縱兵奮勇。大破蕭銑出降。江上平息。今有北番頡利可汗。領番兵犯界。衆將累戰不能取勝。今蒙聖恩。封老夫爲兵部尙書。各道行軍都總管。今在惡陽嶺下。

寨各處邊關。俱受某節制。這位將軍。乃張公謹。隨某爲行軍副帥。要征番破虜。量老夫有何奇計也。〔張公謹云〕軍師在上。小官自安邦定亂。四海晏然。惟北番頡利可汗。他又無城池。行處飄蕩。往來或散。若遇交鋒。星馳奔走。追之不及。望軍師深用計策。小官依令而行也。〔正末云〕公謹大人。夫行兵者。國之大事。其意有五。一曰道。二曰天。三曰地。四曰將。五曰法。其理不可不察也。〔唱〕
〔仙呂點絳脣〕則俺這妙用神術。運籌天數。行軍旅。志在孫吳。端的要意理。知深趣。〔張公謹云〕小官也曾征戰也來。惟有軍師行軍之法。未聞罕見也。〔正末云〕這行軍陣勢。似甚麼。〔張公謹云〕小官不知。願聞者。〔正末唱〕

〔混江龍〕恰便似星分碁布。陰陽消長。按天樞。昇騰應變。晦暗潛伏。能曉黃公三略法。善施呂望六韜書。知才機惠。損益盈虛。威嚴中正。斬斫權謀。爲將者會分合。識動靜。用行藏。更那堪辨高低。觀近遠。知來去。端的要料敵。決勝。決定贏輸。〔張公謹云〕軍師用幾處發兵。出師破虜。今日衆將官員。俱在轅門外聽令。遣何人爲先鋒。合後。〔正末云〕傳着我的將令。着薛萬徹來至帳前聽令。〔卒子云〕左哨右哨。願聞軍師依法行兵也。〔薛萬徹上〕〔云〕威風赳赳小將軍。驍勇昂昂百戰身。出陣對敵無懼怯。武效精忠報國恩。小官乃右武將軍薛萬徹是也。有軍師將令。呼喚小將。可早來到也。報復

去有薛萬徹特來聽令。〔卒子云〕理會的。喏。報的軍師得知。有薛萬徹來了也。〔正末云〕着他過來。〔卒子云〕着過去。〔做見科〕〔薛萬徹云〕軍師着小將前來。有何調遣。那廂使用。〔正末云〕將那先鋒印來。薛萬徹。你掛了先鋒印者。〔薛萬徹云〕多謝了軍師也。〔正末唱〕

〔油葫蘆〕今日箇號令當行親示汝。再叮嚀君記取。則要你施爲迤逗調匈奴。假若是領軍先戰休畏懼。我這裡催兵合後來相助。作先鋒出塞關。引番戎臨境隅。安排下天羅地網。幽深處一任將蕪草盡平除。〔張公謹云〕小將軍謹依嚴令也。

〔薛萬徹云〕軍師將令。怎敢有違也。〔正末唱〕

〔天下樂〕你便是爲國全忠大丈夫。須也波史同破虜。我如今任賢使能皆用武。我明差兵將敵。暗將神鬼驅。端的是正天心當順取。〔張公謹云〕小將軍。則今日好日辰。可領兵便行也。〔薛萬徹云〕今日掛印爲先鋒。又有軍師號令。不敢怠慢。便索交戰去也。先鋒掛印統戈矛。迤逗相持起智謀。今朝小將依軍令。不戰番奴誓不休。〔下〕〔正末云〕薛萬徹去了也。小校喚將柴紹來者。〔卒子云〕理會的。柴紹將軍。軍師有請也。〔柴紹上〕〔云〕定唐興國立功勳。不避驅馳受苦辛。戰陣對敵施勇烈。盡忠全節顯奇真。小官姓柴名紹字嗣昌。乃晉州臨汾人也。自興唐以來。官封左翊衛大將軍之職。今在轅門外聽令。小校報復去。道有柴紹來了也。

〔卒子云〕理會的。喏。報的軍師得知。有柴紹來了也。〔正末云〕着他過來。〔卒子云〕理會的。着過去。〔做見科〕〔柴紹云〕軍師呼喚柴紹。那廂使用。〔正末云〕將合後使印來。與柴紹掛了。則要你成功也。〔柴紹云〕謝了軍師。〔正末云〕公謹大人發放他每也。〔張公謹云〕軍師小官不敢僭言。想當日漢武時。有衛青兵出上谷。李廣兵出鴈門。公孫敖兵出代州。公孫賀兵出雲中。各馳萬騎。擊胡。有衛青兵至龍城。盡勦胡寇。那三處出兵者。皆爲胡所敗還。則要你人人奮勇。箇箇爭先也。

〔正末唱〕

〔那吒令〕人人要通曉遠可超古。人人要報國恩可揚威耀武。人人要建大功。可征番破虜。今日志昂昂會展籌。雄赳赳相敵拒。氣衝衝智勇平胡。〔柴紹云〕三出之兵。被胡所敗。小官則學衛青之勝也。〔正末唱〕

〔鵲踏枝〕公孫敖少機謀。公孫賀有權術。李廣將軍敗走虧輸。要比那漢衛青兵出上谷。勦番戎遍野橫驅。〔張公謹云〕柴紹你爲合後。則今日領兵出關。接應薛萬徹去。與胡對敵。迤逗臨境。四下伏兵舉起。盡勦番兵。豈不全勝也。〔柴紹云〕今日掛印爲合後。軍師將令。決然依令而行去也。軍師號令議軍情。四下埋伏且潛停。往來接應衝交戰。智勇縱橫合後兵。〔下〕〔正末云〕柴紹爲合後。出關去了也。〔卒子云〕去了也。〔正末云〕小校可請李世勣前來商

議自有定奪之理也。〔張公謹云〕小校便去請將來。俺商量大事也。〔卒子云〕理會的。李元帥有請也。〔李世勣上〕〔云〕胸藏決策妙如神。忠氣英昂秉性真。應無背德全忠烈。蒙賜恩姓號純臣。老夫李世勣是也。見爲濱州都督行軍總管。今日李靖軍師着人來請。商量軍情大事。早至帳前也。小校報復去。道有李世勣來了也。〔卒子云〕理會的。報的軍師得知。有李世勣元帥來了也。〔正末云〕道有請。〔卒子云〕理會的。有請。〔正末做見科〕〔云〕大人請坐。〔李世勣云〕軍師有何行軍妙計。小官依令而行也。〔正末云〕元帥今日遣薛萬徹爲先鋒。柴紹爲合後。若能逗逗臨境。老夫與公謹出一路兵。世勣你領本部出一路兵。同至定襄。大破胡寇。得全勝之功也。〔李世勣云〕軍師韜略。不在諸葛孔明之右也。〔正末唱〕

〔寄生草〕則今日征北塞千餘里。若當年定西川八陣圖。俺將這龍韜虎略齊分布。便着那狐蹤兔跡無歸路。一任他羊羣犬黨難逃去。端的是巍巍唐室順時興。我着他紛紛胡虜遭殘數。〔李世勣云〕既然軍師與公謹同老夫分道出兵。共取其勝。豈不美乎。〔張公謹云〕則是可惜唐儉。安撫虜地。和番未回。行人在彼。今出兵相擊。如之奈何也。〔正末云〕機不可泄。如韓信破齊也。盡大忠。不順小義也。唐儉之輩。何須惜哉。領兵疾行。若破了頡利。論功陞賞。若有透漏軍情者。按軍法必當斬首也。〔張公謹云〕軍師言者當也。〔正末唱〕

〔金盞兒〕你未曾看兵書。用陰符。勁敵疾戰在垓心處。征塵四起徹雲衢。我着他急慌張逢着險難。遭圍困撞着埋伏。迤逗的兇頑臨絕陷。我正是不索下工夫。〔李世勣云〕依着軍師將令。則今日軍馬分道。行兵出關。依令而行也。〔正末唱〕

〔尾聲〕排隊伍列旌旗。擺陣勢鳴金鼓。號令起興師大舉。今日箇分道驅番平疆土。兵家事怎敢踈虞。莫躊躇誰知俺用計鋪謀。將胡寇如同戲鼎魚。憑着我高才捷足。拏雲握霧。爭得箇名揚聲遠播寰區。〔下〕〔李世勣云〕軍師行兵去了也。某

領兵過關。分道同征沙塞。共成王事也。大國興兵勢若山。層層戈甲過邊關。軍師號令出奇計。勦捕突厥定北番。〔下〕〔張公謹云〕軍師妙用。衆出奇計。分道行兵。將胡寇迤逗。臨境界之間。四下伏兵齊舉。必然全勝也。軍師妙策用神機。用智行兵世罕稀。勦除番虜平沙塞。得勝高懸露布旗。

〔下〕〔淨扮番將疊羅支

原作疊羅施今據新唐書突厥傳改

上〕〔云〕人如猛虎馬如彪。小可交鋒怎展籌。明知大唐

有好酒。痛吃一醉爛糟頭。吾乃前部將疊羅支是也。外名喚做摸蛤蜊。則我便是頡利之子。我領着番兵至定襄界。與大唐名將相持廝殺。兀那塵土起處。不知是那一個名將出馬也。〔淨扮唐將權萬紀上〕〔云〕交鋒對壘不須慌。上陣相持不甚忙。今日肚中多飢餓。且吃炒麵共乾糧。某乃大唐前部將權萬紀是也。外名是權敵萬人。我文章廣闊。武藝無多。刀來馬去。不可磨拖。我今領

兵與番將交鋒。大小三軍。擺開陣勢者。來者何人。〔疊羅支云〕你來者何人。〔權萬紀云〕某乃大將。權萬紀是也。你是何人也。〔疊羅支云〕某乃番將。疊羅支是也。量你到的那裡。操鼓來。〔二將交戰科〕〔權萬紀云〕我敵不過他。不問那裡走去也。〔下〕〔疊羅支云〕這厮武藝低微。走了也。不問那裡趕將去。〔下〕〔平章頡利可汗上〕〔云〕胡虜威風不可當。能騎戰馬顯英昂。頑心貪戀中原境。犯界侵邊至定襄。某乃頡利可汗是也。統領番兵。前至中原界上。有大的箇孩兒。疊羅支爲先鋒。領着番兵。殺敗唐將。追趕將去了。某今統大勢番兵。一同追趕。就接應大的孩兒。疊羅支走一遭去。大小番兵。聽吾將令。人人奮勇。箇箇爭先。金盔燦爛。鎧甲生光。刀鎗鋒利。劍戟齊排。弓開如秋月。箭發似流星。都是些能征沙塞子。盡是捨命契丹軍。壯士兇徒性勇驍。追逐不避路迢遙。馬蹄輕快寒風急。一縷征塵殺氣高。〔下〕

第二折

〔正末同張公謹上〕〔正末云〕某乃李靖軍師是也。與副將張公謹。領兵過關。夜襲定襄。四下埋伏軍馬。必然破了虜寇也。〔張公謹云〕軍師兵出隘口。早至沙陀地面也。〔正末云〕公謹大人。你看這沙塞。好是淒慘人也呵。〔唱〕

〔越調鬪鶴鶉〕俺這裡過澗穿溪。盤山驀嶺。則爲他出塞離沙。侵邊犯境。一任

俺冒雪盪風。迎寒受冷。能驟馳。不暫停。將軍威嚴軍兵率領。〔張公謹云〕今夜晚間。務要追殺胡寇也。〔正末唱〕

〔紫花兒序〕那裡問天昏地暗。月黑行營。星夜驅兵。旌旗招展。劍戟鏗鏘。軍情驍騎二千競遠征。則爲功名取勝。要把那沙漠除絕。將胡虜削平。〔平章頡利領疊羅支上〕〔云〕威風赳赳老沙陀。猛勢昂昂壯士多。列開金鼓旗旛隊。得勝軍回唱凱歌。某頡利可汗是也。有孩兒疊羅支。他追趕唐將至此。兀的不是。你是唐家甚麼頭目。通名顯姓。你敢與我交鋒麼。〔張公謹云〕這匹夫好大膽也。大小三軍。擺布的嚴整者。〔正末唱〕

〔調笑令〕說着俺姓名。你那裡不曾聽。俺端的是輔佐唐朝宇宙寧。咱家姓李名稱靖。顯雄威四海傳名。我若把神術運籌決戰贏。你那時間魄散魂驚。〔云〕不曾見你那武藝高低。你怎敢與我交戰也。〔張公謹云〕這厮不知陣勢。可與他交戰數合。操鼓來。〔正末唱〕

〔禿厮兒〕慣戰馬彎犇馳騁。英雄將喊叫猙獰。你今日遭逢着陷危不自警。遂殘生命將傾。不得消停。

〔聖藥王〕壯士能。武藝精。弓開箭發似流星。金鼓聲。刀斧鳴。一週遭圍遶賽寒

冰。剔秃圜鐵桶似連城。〔李世勣同柴紹薛萬徹上〕〔李世勣云〕兀那番將。你今日中俺軍師

計策也。圍在垓心。便下馬受降。留你性命也。〔正末唱〕

〔鬼三臺〕俺闌外將軍令。你塞上難逃命。呀。你自兇暴何不三省。冷颼颼水磨鞭打天靈。亂紛紛搥鎚碎頂。青銅刀舉起手內擎。綠沉鎗刺着體透明。〔平章頡利云〕我敵不過他也。逃命啞步啞步。〔同疊羅支下〕〔正末唱〕你走不過大漢沙陀。怎出的

中原地境。〔正末云〕薛萬徹柴紹。您二將追趕將去。務要擒拏了番將頡利可汗者。〔二將趕

科〕〔下〕〔二將擒拏平章頡利可汗疊羅支上〕〔薛萬徹云〕軍師。俺二將擒拏了頡利可汗。并

他兒子來了也。〔正末云〕把那厮囚入檻車內者。追殺胡寇去也。〔柴紹云〕軍師將胡寇追入陰

山後。止存的七人七騎。他逃命走了也。〔張公謹云〕殺胡人遍野。斬首萬餘級。得男女十餘萬。追

至陰山大境也。〔正末云〕今得全勝之功。露布旗張。天下以聞。可以班師而回也。〔李世勣云〕這

胡虜怎出的軍師計策也呵。〔正末唱〕

〔尾聲〕今日箇勦除番虜邊塵靖。直趕至陰山地境。他則有七人七騎硬逃生。

俺正是千戰千贏正綱領。〔下〕〔李世勣云〕俺今日得勝班師而回也。鞭敲金鐙響。齊唱凱歌

回。〔同下〕〔外扮使命上〕〔云〕撫虜和番作使臣。誰知我命在邊巡。逃出虎穴生死難。報國應當

受苦辛。小官唐儉是也。爲使和番撫虜。不期顏利可汗。將小官囚繫於後營。顏利父子。領大勢侵犯定襄。不想着俺大唐軍馬。連夜追襲。喊聲動地。其胡寇不能看守我也。小官私騎馬遁走。漠漠平沙。遠連天際。不知那條路是中原的關口。白日裏不敢前行。恐怕胡人追趕。所以則是晚間馳驟。這的是紫塞沙陀遠路程。夜觀北斗望南行。孤身出塞離危險。匹馬迢迢赴帝京。〔下〕

第三折

〔房玄齡上〕〔云〕八方安定用英雄。四海平寧有大功。文韜武略多才智。榮耀威名天地中。老夫房玄齡是也。今李靖軍師。統領軍兵。征伐北番。顏利可汗。想北番胡寇無理。比先有盟。不許犯邊界。此胡虜今番侵邊。當可勦除。有俺李靖軍師。統領衆將。與此人相持廝殺去了。未知輸贏勝敗。使的箇報喜的探子去了。這早晚敢待來也。〔正末扮探子上〕〔云〕一場好廝殺也呵。〔唱〕

〔黃鍾醉花陰〕我則見凜凜寒風半天起。昏慘慘居延塞北。飄飄陣雲隨。不辨高低。直走到沙漠國。則聽的吹畫角。播征聲。則俺那驍勇精兵。〔帶云〕報報報。〔唱〕奪第一。〔房玄齡云〕好探子也。俺大唐軍馬。殺至沙陀。見了番將。俺軍師怎生排兵布陣來。猛烈精兵至北番。層層戈甲若冰山。將士齊排分陣勢。巍巍壯勇撼天關。兩家對住陣角。怎生相持廝殺。你喘息定。慢慢的說一遍者。〔正末云〕聽我喘息定。慢慢的說一遍。〔房玄齡云〕兀那探

子。你喘息定。你慢慢的說一遍。〔正末唱〕

〔喜遷鶯〕我見他星分碁勢。排了箇森羅陣。萬象璇璣。奪魁喊聲競起。動地驚天。怒似雷。無賽比。霎時間霧騰殺氣。不辨箇南北東西。〔房玄齡云〕兀那探子。怎生交鋒對壘。廝殺相持。俺這壁廂人人奮勇。箇箇爭先。人如猛虎。恰離山。馬似乖龍。纔出海。颶颶壯士顯英才。高展神威。天外來。竊竊半空豪氣勇。滾滾征塵。遍九垓。兀那探子。你喘息定。慢慢的說一遍者。〔正末唱〕

〔出隊子〕自從那開天闢地。這一場惡戰敵。飄蕩蕩半空招展擁旌旗。齊臻臻萬隊縱橫施劍戟。氣沖沖一陣交鋒能對壘。〔房玄齡云〕俺李靖軍師。同副帥張公謹。領前部先鋒薛萬徹。合後將柴紹。同領大勢雄兵。軍師怎生用計。與番將交鋒。軍師智過顯英豪。遠望騰空殺氣高。一陣交鋒能全勝。敗殘胡虜命難逃。你慢慢的再說一遍者。〔正末唱〕

〔刮地風〕唐李靖軍師使見識。早安排妙策神機。亂紛紛胡虜難逃避。他可使措手無敵。點鋼鎗當心中刺。水磨鞭打腦昏迷。鐵烟搥。鉞楞鋼。鉞斧鋼鎚。星屍首遍野堆。恰便似樹倒山摧。氣昂昂顯耀英雄輩。端的是掃腥羶手段奇。〔房玄齡云〕俺軍師則一陣殺的那胡寇屍橫遍野。鮮血交流。大軍追殺胡寇也。累年侵界犯邊城。

李靖軍師統大兵。征至大漠沙塞際。一天肅靜得安平。兀那探子。你慢慢的再說一遍者。〔正末唱〕

〔四門子〕我則見硬逃生敗走存亡騎。至陰山胡地北。上古又無。今世又稀。靜邊塵一天清似水。兵勢又強。陣勢又齊。俺凱歌聲班師慢歸。〔房玄齡云〕俺軍師統領衆將。滅絕番寇。止存七人七騎。追至陰山。乘勝施威。衆將都得成功也。鐵甲將軍兵勢堅。英才耿耿各爭先。掃除胡虜平沙漠。戰勝班師得保全。你慢慢的再說一遍者。〔正末唱〕

〔古水仙子〕他他他說天兵驟萬騎。是是是露布聲聞天下知。我我我按兵法周天奇。奇奇用神術縮地。遠遠遠顯通靈一夜回。行行行得勝軍氣吐虹蜺。靜靜靜定番邦犬羊戎寇狄。喜喜喜赴中原龍虎風雲會。伏伏伏朝金闕拜丹墀。〔房玄齡云〕李靖軍師。統天兵之威。用神術妙策。征滅北番。託賴着聖人洪福也。乾坤一統遠江山。地利豐盈永歲安。將領三軍平胡地。撫安四海定邊關。兀那探子無甚事。賞你羊一腔。酒十瓶。自回你那營中去也。〔正末唱〕

〔尾聲〕少不的官上加官受宣勅。慶功勞世代絕奇。凌煙閣寫題在圖畫裏。〔下〕〔房玄齡云〕俺今日擒拿了頡利可汗也。天下太平。風調雨順。海晏河清。萬民樂業。有功者

加官賜賞。明日早朝。奏知聖人。先遣杜如晦去十里長亭。設一大宴。接待衆將。另有天使來加官賜賞也。玉樓金閣。號天庭。日月光輝。顯大明。帝道彌昌。興盛世。皇圖永固。樂昇平。〔下〕

第四折

〔外扮杜如晦領張千上〕〔杜如晦云〕龍韜虎略。用神機。將令軍權。世罕稀。智略雄才。唐李靖。聲播英名。天下知。老夫姓杜。雙名如晦。字克明。京兆人也。幼年頗習詩書。內持大節。每每無不效勞。因老夫累建奇功。授兵部尚書。加封蔡國公。兼右僕射之職。老夫與房玄齡大人。共管朝政。今有李靖軍師。統領衆將。征番破虜。追趕胡寇。徧野斬首萬餘級。俘男女十餘萬。追至陰山境。止剩七人七騎。逃生而走。今班師回程。老夫奉聖人的命。將湯羊御酒茶飯。前至十里長亭。慶賞功臣。左右人安排完備了也。若報馬來時。報復我知道也。〔正末同李世勣張公謹領卒子上〕〔正末云〕某乃軍師李靖是也。某親統六師。征勦頡利可汗。全獲奇功。俺衆將得勝回還。誰想有今日也呵。

〔唱〕

〔雙調新水令〕蕩征塵。凝望徹雲霄。統兵卒。輝光燦耀。齊臻臻排劍戟。明晃晃列鎗刀。露布旗搖。驅兵將盡來到。〔李世勣云〕軍師用神機妙策。掃淨邊塵也。皆託着聖人洪福也。〔正末唱〕

〔駐馬聽〕戰馬咆哮。赳赳威風氣勢高。征人勇躍。昂昂壯士逞英豪。翻江攪海。賽長蛟。拏雲握霧如飛鶴。就平地滾風濤。紛紛番虜遭殘暴。〔云〕可早來到也。小校報復去。道有李靖并衆將下馬也。〔卒子云〕理會的。喏。報的大人得知。有軍師并衆將來了也。〔杜如晦云〕道有請。〔卒子云〕理會的。有請。〔做見科〕〔杜如晦云〕軍師鞍馬上勞神也。老夫奉聖人的命。賜酒餚接待衆位將軍也。小校擡上果卓來者。〔卒子做擡果卓科〕〔云〕大人。果卓都完備了也。〔杜如晦做遞酒科〕〔云〕將酒來。軍師滿飲此盃。〔正末做飲酒科〕〔云〕衆位大人。小官飲酒也。〔杜如晦云〕軍師領兵征討北番。平定沙塞。鋪謀定計。千辛萬苦。皆是軍師大功也。〔正末唱〕

〔沉醉東風〕驅猛將堪爲招討。統雄兵大勝功勞。撥天關縮地術。知兵法通神妙。北番家業報難逃。全仗着大國威風殺氣高。則一陣把腥羶盡掃。〔杜如晦云〕軍師擒拏的頡利可汗等安在。〔正末云〕小校與我拏過頡利可汗來者。〔薛萬徹柴紹引卒子拏平章頡利可汗父子上〕〔薛萬徹云〕喏。拏將頡利可汗父子來了也。〔杜如晦云〕這箇便是頡利可汗。兀那厮。你可怎生被俺大唐拏住了你也。〔平章頡利云〕您大唐家人馬。若不夜襲至定裏。俺這早晚走過了哈密裡去了。如今拏住俺父子。望大人饒免俺性命者。〔杜如晦云〕將此

賊推入囚車去。奏知聖人。怎生決斷也。〔卒子擊平章頡利可汗下〕〔杜如晦云〕想軍師妙策。端的勝先賢古人之智也。〔正末云〕怎敢比先賢古人之手策也。〔唱〕

〔鴈兒落〕子牙曾定周時按六韜。子房曾扶漢室憑三略。耿公在金墉城有戰術。諸葛在濯錦江通仙道。

〔得勝令〕呀。漢衛青龍城界奮雄豪。霍去病祁連山騁雄驍。趙充國堅營壁把羌戎定。〔杜如晦云〕軍師比古人不弱也。〔正末唱〕李藥師至陰山將胡寇勦。顯名姓清高。俺如今征遠塞平沙漠。眞猛烈丰標。端的是靖塵寰拱大朝。〔外扮魏徵上〕〔云〕

變理陰陽安國泰。調和鼎鼎治朝綱。海晏河清寧宇宙。一統華夷立大邦。老夫姓魏名徵字玄成。魏州曲城人也。爲老夫累建功勳。官拜尙書左丞諫議大夫之職。今有軍師李靖。衆將官員。征番破虜。得勝班師回程也。今奉聖人的命。差遣老夫。加官賜賞。可早來到也。左右接了馬者。報復去。有魏徵來了也。〔卒子云〕理會的。喏。報的大人得知。有魏丞相來了也。〔李世勣云〕道有請。〔卒子云〕理會的。有請。〔做見科〕〔魏徵云〕老夫來了也。您衆將軍鞍馬上勞神也。〔正末云〕爲人臣正當如此也。〔唱〕

〔沽美酒〕賜忠臣壯國朝。蒙大德勝唐堯。同樂雍熙豐富饒。託賴着賢明舊交。

播聲名更光耀。

〔太平令〕嗒如今作柱石堪爲材料。位三公列土封茅。遙望着青天碧落。衆官員揚塵舞蹈。則爲俺志高。氣高。智高。今日箇授玉闕金書丹詔。〔杜如晦云〕張千門首覲者。看有甚麼人來。〔使命唐儉上〕云小官唐儉是也。出使和番。今日來到京師十里長亭也。報復去。有唐儉和番回來了也。〔卒子云〕理會的。喏。報的大人得知。有唐使臣和番回來了也。〔魏徵云〕道有請。〔卒子云〕有請。〔做見科〕〔魏徵云〕唐儉大人。你和番回來了也。〔唐儉云〕小官回來了也。有頡利可汗父子安在也。〔魏徵云〕他父子二人。被軍師擒拏他來。見在囚車內裏也。有功官員。另行陞賞。如今天下太平。八方寧靜。萬國來朝。您衆將各授貴爵也。〔正末唱〕

〔尾聲〕俺如今功名授職登臺閣。享福祿增添壽考。八方寧靜樂昇平。四海安然拜天表。〔魏徵云〕您衆將望闕跪者。聽聖人的命。加官賜賞也。你本是立國功臣。建大唐多有功勳。因北番虜寇作亂。遣天兵征勦番軍。加李靖衛國公之職。李世勣封英國公權衡。張公謹封爲殿前太尉。柴紹封武略將軍。薛萬徹陞掌軍總管。有功官各賞分明。則爲你破番虜功勳最大。爵祿榮家廕子孫。名標清史傳今古。圖畫凌煙閣上臣。今日箇聖明主德過堯舜。一齊的望闕謝恩。

唐李靖陰山破虜

終

賢達婦龍門隱秀

闕名

楔子

〔冲末蓋蘇文領卒子上〕〔蓋蘇文云〕山高海闊碧天低。道路崎嶇景物稀。堅壁城池習武士。高關隘口列旌旗。某姓蓋名蘇文。官封摩利支。俺海東有一十六國。是那十六國。是新羅國。卯日國。扶桑國。分定國。洛離國。門神國。大漢國。小漢國。三漢國。日本國。蝦蟆國。毛人國。百濟國。女直國。丁香國。及平壤高麗國。十五國與大唐年年進貢。歲歲稱臣。則有俺這平壤高麗國。不順大唐。可是爲何。俺這高麗國。地方萬里。帶甲百萬。某將十五國進貢大唐的寶物。盡皆被某奪下。大唐必然領兵與某相持。若來時。某領兵與他拒敵。高麗屯兵氣勢雄。善能敵戰。慣交鋒。英才將士誰人比。壓盡唐朝鄂國公。〔下〕〔薛仁貴上〕〔云〕昔年祖貫住龍門。久住田園爲庶民。耕種鋤鉋於隴畝。工農辛苦爲家貧。小人姓薛名仁貴。絳州龍門鎮人氏。因爲家貧。在柳員外家年作生理。時遇冬寒天道。將次夜晚。在這草鋪中歇息者。〔做睡科〕〔正旦領淨梅香上〕〔云〕妾身柳迎春。俺父親是柳員外。家中巨富。妾身焚燒夜香。行至後院。則見草鋪中臥着一箇白額虎。我再仔細看者。忽然不見。卻是一箇人睡着。我試看者。原來是薛仁貴。身上十分單寒。我觀此人雄壯。久後必然

發達。妾身脫下這一件紅綿襖。蓋覆於薛仁貴身上。你好生睡一覺。梅香。暗回繡房中去來。〔梅香云〕姐姐。他是男子漢。俺是女人家。管他做甚麼。姐姐。天色晚了也。歇息去來。〔正旦唱〕

〔賞花時〕他則待惜愛榮華疎與親。誰肯待別辨賢愚假共真。這薛仁貴一身貧。常在這桑間內隱。都道是箇農民。〔梅香云〕姐姐看他便長進。我看他不得發達。〔正旦唱〕

〔么篇〕端的是草有靈芝木有椿。禽有鸞鳳獸有麟。必出衆。更超羣。爲君子先從務本。則俺絳州人。誰識大將軍。〔同下〕〔薛仁貴做醒科〕〔云〕誰人將紅綿襖蓋在我身上。正是天氣寒冷。我脫下這氈布衣服蓋定。天色將曉。我做活去者。白晝農工愁夜間。冬天凜凜怯衣單。誰人賜我紅綿襖。冒雪湯風且禦寒。〔下〕

頭折

〔淨梅香上〕〔云〕我做梅香濟楚。服侍小姐受苦。白日掃床疊被。到晚來和煤搬土。妾身是這柳員外家的梅香。昨夜共小姐焚燒夜香。不知小姐有何緣故。脫下一件紅綿襖。蓋在薛仁貴身上。若是員外知道。我身上也不便。報知員外。走一遭去。〔下〕〔柳李老兒卜兒大末大旦上〕〔柳李老兒云〕本貫鄉村住絳州。深耕淺種廣成收。閑時拍手遙遙望。處處桑麻不斷頭。老夫柳員外

是也。祖居絳州人氏。嫡親的五口兒家屬。婆婆李氏。所生一兒一女。兒孩兒柳大。媳婦張氏。女孩兒是迎春。爲我廣有家財。人皆以員外呼之。俺家又有箇年作後生。時遇冬寒天氣。無甚事。俺在此閑坐。看有甚麼人來。〔淨梅香上〕〔云〕來到也。我報知員外去。〔見科〕〔李老兒云〕梅香。你此一來有何事也。〔梅香云〕有事不敢不報。無事不敢亂言。昨宵晚間。與小姐燒香。小姐脫下一件紅綿襖。蓋在薛仁貴身上。不知有何緣故。梅香特來報知。我若不說。老員外久後知道。梅香身上不便也。〔李老兒云〕是真箇。你與我喚過迎春來者。〔梅香云〕理會的。姐姐。父親喚你哩。〔正旦上〕〔云〕妾身柳迎春。前廳上父親呼喚。不知有甚事。須索走一遭去。想這莊農人。秋收冬藏。倒大來好是艱辛也。〔唱〕

〔仙呂點絳脣〕秋令將殘。黍禾收辦。無停慢。終日愁煩。湧並把家私幹。

〔混江龍〕光陰有限。恰重陽已過。早冬寒。輕移蓮步。行過雕欄。我則見雲縹渺。鳥棲瓊樹裏。雪瀟灑。漫人在玉壺間。卻又早羊角風剪鵝毛散。又早則新鋪玉瓦。不見青山。〔云〕梅香。報復去。道有迎春來見。〔梅香云〕理會的。報的老員外得知。有小姐來了也。

〔李老兒云〕着孩兒過來。〔梅香云〕小姐過去。〔做見科〕〔正旦云〕父親。喚您女孩兒。有何事也。〔李老兒云〕迎春。你昨宵那裡去來。從實的說。說的是。萬事罷論。說的不是呵。我不道的饒了你。

哩〔正旦唱〕

〔油葫蘆〕我昨宵寶鼎焚香夜已闌。見一箇獸中王。真是罕。輝輝白額剪刀斑。卻元來是閉金睛不見星光燦。我則見吐銀鬚乍列瓊針散。收牙爪鼾睡中。臥身軀已寢間。謊的我驚吉利不敢孜孜看。霎時間不見了錦斑斕。〔李老兒云〕俺家中怎生有這大蟲來。你休說謊。你從實的與我說。〔正旦唱〕

〔天下樂〕原來是鼾睡白衣玉一彎。風也波寒。衣袂單。不由我脫綿衣可憐。□分間。〔李老兒云〕他是箇年作的後生。你可怎生與他蓋上衣服來。〔正旦唱〕題起來意不寧。說着呵心未安。也是我積陰功德行償。〔李老兒云〕這言語說不過。梅香。與我喚將薛仁貴來者。〔梅香云〕理會的。薛仁貴。老員外喚你哩。〔薛仁貴上云〕每日奔波只爲貧。且將勤力事耕耘。男兒若得風雷信。平步青霄建大勳。自家薛仁貴是也。員外呼喚。不知有甚事。須索走一遭去。〔做見科〕〔云〕員外喚薛仁貴。有何事幹。〔李老兒云〕兀那薛仁貴。你解開衣服我看。你那着身的紅綿襖兒。是誰人與你來。〔薛仁貴云〕小人昨夜寢睡間。不知何人與我蓋着件紅綿襖。我見天色寒冷。穿在身上來。〔李老兒云〕這衣服是我女孩兒迎春的。我待將你拷打來。家醜事不可外揚。我看你也是箇好漢。我如今將迎春與你爲妻。則今日離了我這門者。〔薛仁貴云〕理

會的〔正旦唱〕

〔那吒令〕這一場漏泄呵。是小梅香話訕。這一場恥辱呵。把迎春指攀。這一場帶累呵。將薛仁貴硬趕。恩顧情惹是非。風流罪着科犯。羞的我落色無顏。〔梅香云〕本是你與他這件衣服來。你待說甚麼那。〔正旦唱〕

〔鵲踏枝〕你將俺慢輕看。痛傷殘。我見他褪後趨前。卻原來送暖偷寒。送的我無限期愁眉淚眼。省別離廢寢忘食。〔孝老兒云〕您兩箇此一去。再休上我門來。出去。〔薛仁貴云〕誰想有這一場事。小姐。依從父親說。俺則今日便索離門也。〔正旦唱〕

〔寄生草〕急煎煎有去無歸路。愁切切回期絕往還。受用那冷冷清清疎籬寒舍。貧家產。空滴滴清灰冷竈。誰曾慣。黑漫漫苦海無邊岸。我情願。做箇喜孜孜齊眉舉案。老成妻。陪伴着箇雄赳赳忠心報國英雄漢。〔孝老兒云〕迎春。則今日便跟着薛仁貴去。〔大旦云〕依着父親母親。你兩箇快出去。再休上俺家門來。要一根折針斷線。也不與你。出去出去。〔薛仁貴云〕小姐。既然父母兄嫂趕俺出去。所事不與。似此怎了也。〔正旦唱〕

〔六么序〕他每也都心狠。一箇箇改面顏。〔大旦云〕離了家門。凍死餓死。也不管你出去。〔正旦唱〕暫時間似隔關山。我道來父母情關。〔大旦云〕休說你哥哥嫂嫂心狠。你兩箇

自知禮虧也。〔正旦唱〕兄嫂無干。一家兒觀我如閑。可不道爐中有火休添炭。越搬調越起愁煩。你榮華着我遭殘患。便着俺時間辛苦。目下艱難。〔大旦云〕你去你去。你哥哥不是那不伶俐的。則管說甚麼。〔正旦唱〕

〔么篇〕兄長又癡頑。家嫂又心奸。全無些仁義相看。蔽隱遮攔。你暮寢朝飡。我穿破飯寒。你穩拍安閑。我受辱摧殘。你今日斷手足將咱外趕。他把妻兒似倚欄。〔大旦推正旦科〕〔云〕你出去。我關上這門。隨你門外說去。〔正旦唱〕你待把門戶牢關。親戚相看。怎能彀恁時節扶立江山。你無情無義將咱訕。有一日運至非難。那其間榮華富貴成官宦。憑着他扶持社稷。平定江山。〔薛仁貴云〕都是我帶累小姐。到我家中。你怎生受的那艱難苦楚也。〔正旦云〕薛仁貴。你放心也。〔唱〕

〔尾聲〕我若是勤謹志偏真。勞苦心無憚。我今日不得已。誰將咱掛眼。嗟嘆。人生在天地間。有榮枯得失機關。〔薛仁貴云〕憑着我滿腹兵書戰策。久後必然爲官也。〔正旦唱〕定兇頑。憑着你義膽忠肝。武略成名天下罕。〔薛仁貴云〕我但若爲官。不在人之下也。〔正旦唱〕展羽翼何須慵懶。奮牙爪時疑擗字之誤開危難。有一日起鰲龍。春日撼天關。〔下〕〔薛仁貴云〕誰想有這一場事。柳員外將我同小姐趕將出來。罷罷罷。還我那家中去。

也。每日傭工身不閑。誰知時下惹災愆。異日崢嶸騰達去。管教夫婦永團圓。〔下〕〔李老兒云〕婆
婆。女孩兒去了。你心中煩惱麼。〔卜兒云〕我擡舉了他一十八歲。他瞞着俺。卻暗將衣服與了薛
仁貴。正好着他受苦去也。〔李老兒云〕大哥。你妹子去了。你心中煩惱麼。〔大末云〕想妹子他的
不是了。將衣服蓋在年作的身上。是何道理。正好着他受苦去。〔李老兒云〕媳婦兒。你小姑兒去
了。你心中如何。〔大旦云〕公公在上。那裡有這般道理。女孩兒家。將衣服與了年作的。正好着他
受苦去。〔李老兒云〕您一家兒一般的性兒。我一時間火性起來。趕的孩兒去了。他是嬌裏生。富
裏長。那裡曾受那艱難苦楚。待幾日。我自有箇主意。迎春孩兒。則被你痛殺我也。〔哭科〕〔同下〕

第二折

〔房玄齡領卒子上〕〔云〕一片心懷家國恨。兩條眉鎖廟堂臣。堅心主意施公正。答報皇家爵祿
恩。小官房玄齡是也。方今大唐聖人在位。八方寧靜。四海晏然。華夷一統。天下太平。今有海東有
一十六國。都順俺大唐。頗奈平莫高麗國無禮。將十五國進貢寶物。盡都邀截了。俺累歲與他交
鋒。不能取勝。聖人做一夢。夢見高麗國一員將。手持五口飛刀。前來對敵。西北上見一白袍小將。
用五枝連珠箭對了飛刀。殺敗高麗大將。聖人問曰。將軍那裡人氏。小將言曰。乃絳州人氏。被一
陣風過。忽然驚覺。乃是南柯一夢。聖人的命。着老夫在元帥府。請徐懋功商議。令人門首觀者。若

來時。報復我知道。〔卒子云〕理會的。〔徐懋功上〕〔云〕少年錦帶掛吳鉤。鐵馬西風塞草秋。全憑匣中三尺劍。坐中談笑覓封侯。老夫姓徐名世勣字懋功。自立唐以來。累建奇功。官封軍師之職。今有房玄齡大人來請。不知有甚事。須索走一遭去。可早來到也。小校報復去。道有老夫來了也。〔卒子云〕理會的。喏。報的大人得知。有軍師來了也。〔房玄齡云〕道有請。〔卒子云〕理會的。有請。〔做見科〕〔徐懋功云〕大人請老夫有何事。〔房玄齡云〕軍師。請你來別無他事。今有聖人夜作一夢。夢見高麗國一員將。手持五口飛刀。對西北上見一白袍小將。用五枝連珠箭。對敵飛刀。殺敗高麗大將。問其姓名。乃是絳州人氏。被一陣風過。忽然驚覺。乃是南柯一夢。奉聖人的命。着老夫在元帥府。請軍師商議此事。未知主何凶吉也。〔徐懋功云〕這夢非虛。可着總管張士貴。去絳州招攬義軍。必有應夢之人也。〔房玄齡云〕此計大妙。小校喚將張士貴來者。〔卒子云〕理會的。總管張士貴。大人有請。〔淨扮張士貴上〕〔云〕某乃張士貴。武藝般般會。一生好賴趙校功。則把別人累。某乃總管張士貴是也。某兵書不通。武藝不曉。若遇敵軍。得空便跑。若還趕上。伏低做小。今有大人來請。不知有甚事。須索走一遭去。可早來到也。不必報復。我自過去。〔見科〕〔云〕大人恕罪。張士貴來遲。請小官來。有何事也。〔房玄齡云〕張士貴。請你來別無他事。今奉聖人的命。着你去絳州招攬義軍。征伐高麗。便索長行也。〔張士貴云〕則今日好日辰。辭別了大人。便往絳州。招

擢義軍。走一遭去。今朝奉命即便行。不分星夜到龍門。招軍買馬屯糧草。殺退高麗建大勳。
〔房玄齡云〕張士貴去了也。軍師俺二人不敢久停久住。回奏聖人。走一遭去。上命親差不自由。緊
馳驛馬驟驂騑。奉勅招擢英雄漢。應夢將軍出絳州。
〔同下〕〔薛李老兒同卜兒正旦上〕〔薛李老兒云〕急急光陰似水流。等閑白了少年頭。月過十五光明少。人到中年萬事休。老漢薛大伯
是也。本貫絳州龍門鎮人氏。婆婆李氏。有箇孩兒。喚做薛仁貴。媳婦兒柳氏。他是財主之家。看了
俺柴門草戶。少喫無穿。媳婦兒你怎生受的這苦楚也。
〔正旦云〕公公婆婆在上。既爲薛仁貴之妻。則可甘貧守分。理之當然也。
〔薛李老兒云〕媳婦兒。你雖有三從四德。你如何過的這艱難日月也。
〔正旦唱〕

〔中呂粉蝶兒〕則俺這家道清貧。度春秋自然營運。
〔薛李老兒云〕媳婦兒。依着你可
是如何。
〔正旦唱〕我甘心兒織紡慇懃。侍翁姑。居鄉里。孝行和順。定省晨昏。過光陰待時守分。

〔醉春風〕我如今節儉要勤勞。存誠知務本。我則願的父慈子孝。婦和夫休愁。這窮窮都則要一意一心。一家一計。便有那一親一近。
〔薛李老兒云〕媳婦兒。我如今年紀老了。又營運不的。似此貧薄消乏。如之奈何也。
〔正旦唱〕

〔迎仙客〕閑時節靜巉巉坐草墩。悶來呵樂醕醕出柴門。手持杖藜消睡盹。〔薛李老兒云〕媳婦兒。你着我消盹睡。如今遇着這等貧寒日月。冷淡生涯。我那裡得那睡來。〔正旦唱〕雖運時衰家業損。喜孜孜翫賞鄉村。端的是身樂得清閑分。〔薛李老兒云〕薛仁貴孩兒打柴去了。這早晚敢待來也。〔薛仁貴上〕〔云〕小人薛仁貴。擔着一擔柴。入絳州換些米糧。不想掛着榜文。有總管招攬義軍。我有心投軍去。且回家中。與父母說知去者。〔做見科〕〔云〕父親。您孩兒賣柴去。回來了也。大嫂。有件好事。慢慢的與父母說知。〔正旦云〕薛仁貴。有甚麼事務。你說。怕做甚麼那。〔正旦唱〕

〔紅繡鞋〕見仁貴展脚步。莽莽如振。縱身軀凜凜如神。驅馳受盡賣柴辛。喜孜孜觀景物。笑吟吟說原因。則要你話從頭休諱隱。〔薛仁貴云〕父親。如今絳州掛着榜文。有張總管招攬義軍。征伐高麗。您孩兒學成十八般武藝。待要投義軍去。則是父母年高。無人侍養也。〔薛李老兒云〕孩兒也。如今你要投義軍去。俺兩口兒止看着你侍養。我也不敢主張。你問你母親去。〔薛仁貴云〕母親。您孩兒要投義軍去。母親意下如何。〔薛卜兒云〕休問我。問你媳婦兒去。〔薛仁貴云〕大嫂。我要投義軍去。你意下如何。〔正旦唱〕

〔石榴花〕你說道長街掛榜示明文。集聚許多人。有參謀總管大朝臣。要招攬

義軍革故從新。你學成武藝言忠信。你不可懶惰其身。合當報國從先進。豈不聞將相出寒門。〔薛仁貴云〕大嫂。我如今可去也不可去。〔正旦唱〕

〔鬪鵲鴉〕不要你兩意推辭。則要你一言定準。〔薛仁貴云〕大嫂。憑着我胸中韜略。武藝皆全。這一去必然爲官也。〔正旦唱〕常言道百藝防身。你可便三思自忖。〔薛仁貴云〕則是父母年高。怎生度日也。〔正旦唱〕便休題父母年高活計貧。奈妻兒恰二句。爲妻的治業成家。做男子的忠君報本。〔薛仁貴云〕大嫂。你好生侍奉父母。我此一去。投了義軍。得了官。你便是夫人也。〔正旦唱〕

〔上小樓〕你若是兵臨外闕。名傳遠郡。覷着那小國之邦。邊海之夷。率土之濱。他每都假做真。何足論。到那裡交鋒一陣。端的是去腥羶片時掃盡。〔薛仁貴云〕大嫂。我此一去。爭奈家貧。無甚衣服。路上寒冷。怎生是好也。〔正旦云〕妾身邊有一領素練白袍。一條戰裙。你可試穿者。〔做穿科〕〔正旦唱〕

〔么篇〕這一領香花般白戰袍。這一件銀絲般素練裙。我實意誠心。助貌添容。卻原來可體着身。在桑間爲餓夫。當義軍。則要你一時發憤。你如今仗雄威鎮天幹運。〔薛李老兒云〕罷罷罷。既然媳婦也着他去。孩兒也。你去的是。既是朝廷士民。當以盡忠報

國。你得官不得官。則是早些兒回來。休着俺老兩口兒憂心。若到兩陣之間。則要你小心在意者。
〔薛仁貴云〕父親母親放心。你孩兒知道了。則今日辭別了父母。便索往絳州投義軍去也。大嫂。用心侍奉一雙父母。不敢久停久住。便索投義軍走一遭去。發志堅心投義軍。不辭勞憊踐途程。若到邊庭施英勇。成功受賞改家門。〔下〕〔薛孝老兒云〕婆婆。孩兒去了也。可着誰人養活俺老兩口兒也。〔正旦云〕父母放心也。〔唱〕

〔滿庭芳〕公姑莫嗔。我真誠一念。孝侍雙親。〔薛孝老兒云〕孩兒也。你是那富貴之家。閨女。休道你做不的生活。你便會呵。可做些甚麼那。〔正旦唱〕緝麻織布當營運。夏清冬溫。夜寢間安眠定穩。晝行間飡飯調勻。隨時分。慈顏若允。久已後改換舊家門。〔薛孝老兒云〕既然媳婦兒有這等孝道之心。正是妻賢夫省事。子孝父心寬也。〔正旦唱〕

〔耍孩兒〕盡忠心消除了心頭悶。我如今着龜衣不施脂粉。我一身辛苦甘貧。等閑間無覓行雲。雲疑當作運你若是一身擬把龍門跳。休道我一上青山便化身。咱評論。怎敢差一時半刻。何敢望九烈三貞。〔薛孝老兒云〕媳婦兒。你做些茶飯。我看田禾去也。〔正旦唱〕

〔尾聲〕我則願老者安。少者懷。一任他輕者清。濁者渾。俺男兒學成武藝把功

名進。有一日博的箇榮顯光輝證了本。〔下〕〔薛字老兒云〕誰想俺孩兒仁貴。堅意的要投義軍。此一去。必然發達也。老漢無甚事。看田禾。走一遭去。眼觀旌節旗。耳聽好消息。〔下〕

第三折

〔房玄齡領卒子上〕〔云〕曾讀前書笑古今。恥隨流俗共浮沉。終期直道扶元化。敢爲虛名役片心。小官房玄齡是也。今有高麗國蓋蘇文作亂。遣總管張士貴絳州招攬義軍去了。令人若來時。報復我知道。〔卒子云〕理會的。〔張士貴上〕〔云〕自家喚做張士貴。六韜三略全不會。聽的高麗來索戰。越在帳房去盹睡。某乃張士貴是也。着我絳州龍門鎮招義軍十萬。今日回還見大人。走一遭去。可早來到也。報復去。道有張士貴來見。〔卒子云〕理會的。喏。報的大人得知。有張總管來了也。〔房玄齡云〕道有請。〔卒子云〕理會的。有請。〔做見科〕〔房玄齡云〕張士貴招了多少義軍。〔張士貴云〕招了十萬義軍。〔房玄齡云〕今奉聖人的命。三路分兵。征伐高麗。不可遲延怠慢。大唐趕趕顯英雄。人似長蛟馬勝龍。三路分軍威勢勇。爭先過海要征東。〔下〕〔張士貴云〕今奉大人的命。着我過海征東去。這義軍中有箇薛仁貴。十八般武藝俱全。我兩箇眼裏見不的他。我如今着他當先統領人馬。爲前部先鋒。一了說確搗的麻絮。當頭的受苦。但得功勞。都是我的。左右喚將薛仁貴來者。〔卒子云〕理會的。薛仁貴安在。〔薛仁貴上〕〔云〕某薛仁貴是也。有張總管呼

喚。須索走一遭去。可早來到也。小校報復去。道有薛仁貴來了也。〔卒子云〕理會的。喏。報的總管得知。有薛仁貴來了也。〔張士貴云〕着他過來。〔卒子云〕理會的。過去。〔做見科〕〔云〕大人。小人來了也。〔張士貴云〕薛仁貴。爲你把我這貴字犯了。我要殺壞了你。如今用人之際。且饒你這一遭。今日跟我征東去。你做前部先鋒。得了功勞。報我知道。撥與你五百軍馬。小心在意。得勝而回也。〔薛仁貴云〕得令。卽今領五百人馬。便索長行。先鋒驍勇氣昂昂。對敵相持。要顯揚。捨死忘生。能敵戰。忠肝義膽。定吾唐。〔張士貴云〕薛仁貴去了也。當先處着他抵對去。他若得了勝。我便成功受賞。則今日領兵。與高麗國相持。走一遭去。大小三軍。聽吾將令。三通鼓罷。拔寨起營。今朝一日領雄兵。大小軍卒要成功。聽的一聲信砲響。都在馬上念觀音。仁貴當先去廝殺。我便則推肚裏疼。得勝。我便叨功賞。輸了。推與薛先鋒。兩陣之間交鋒處。手慌脚亂沒了魂。若是把我殺壞了。說與家裏便念經。〔下〕〔薛李老兒同卜兒上〕〔薛李老兒云〕自從仁貴投軍去。家中度日甚艱難。老漢薛大伯的便是。自從孩兒投義軍去了。多虧了媳婦兒。好生的孝順。採桑養蠶。緝麻織布。早起晚眠。多多的辛苦。婆婆。我早間與你說知。着媳婦兒去他父親柳員外家。借些米糧去。你與媳婦兒說。也不曾。〔薛卜兒云〕老的也。我就與媳婦兒說知了也。〔薛李老兒云〕婆婆。你既與媳婦兒說知。着看田禾去來。〔同下〕〔柳李老兒同卜兒上〕〔云〕自從孩兒去。不覺許多時。老夫柳

員外是也。自從將女孩兒迎春。與了薛仁貴爲妻。不覺許多時光景。說薛仁貴投義軍去了。撇下他那一雙父母。和俺女孩兒。可着誰人侍養。今日無甚事。在家中閑坐。看有甚麼人來。〔正旦上〕
〔云〕妾身柳氏迎春。夫主薛仁貴投軍去了。公婆着妾身。問我爺娘家取些米糧。我待不去來。違了公公婆婆的命。我待去來。怎生見我那父母。我揣着羞臉兒。則索走一遭去也呵。〔唱〕

〔商調集賢賓〕數年來受貧無慍色。節操性奇哉。爲夫的投軍雄壯。爲妻的守志清白。則爲這孝公姑。勞苦饑寒。一時間運拙時乖。若是他建功勞。顯揚傳四海。多管是天地安排。我如今正賢良無怨悔。效貞潔不疑猜。

〔逍遙樂〕我如今歸心無柰。我這裡行不到家山。望不見舊宅。我也是箇嬌養的裙釵。我如今受辛勤。減盡人才。我做了箇別離故鄉。爲異客。這窮滴滴委實難捱。羞答答消疎了容貌。冷清清改變了朱顏。瘦懨懨憔悴了形骸。〔云〕可早來到也。門首無人。我自家過去。〔做見科〕〔柳李老兒云〕孩兒來了也。我聽的薛仁貴投義軍去了。

則說你侍奉公婆辛苦也。〔柳卜兒云〕家中艱難。可怎生投義軍去了也。〔正旦唱〕

〔梧葉兒〕投軍的行忠孝。在家的有義哉。因饑窘受悲哀。雖雖字奉雙親教。從容二字一徑來。〔柳李老兒云〕孩兒此一來。有何事也。〔正旦唱〕要開口又難開。〔柳卜兒云〕孩

兒你說怕做甚麼〔正旦唱〕我如今問父母權時借索〔柳李老兒云〕孩兒你莫非要些米糧麼〔正旦云〕爲因饑歉公婆忍饑有甚麼細米借幾升兒〔柳李老兒云〕既是這等婆婆將細米來着孩兒將的家去若喫了這米再來取我待多與你些家無壯士則怕外人眼目孩兒你早些兒回去則怕你那公婆盼望休從前門去則怕你哥哥嫂嫂撞見你從這後角門兒裏去者〔正旦云〕多謝了父母您孩兒去也〔唱〕

〔村裏逐鼓〕這米呵正是晚秋香稻勝似那暑天心愛端的是精糧至寶眞奇美世之無賽便有那瓊瑤玉璧金銀珠翠綾羅正帛這米呵逢歉時難將價買〔元和令〕荒荒行事不諧急急走不寧柰〔大末同大旦冲上〕〔大末云〕大嫂俺前後執料去來〔大旦云〕俺執料去者〔做見正旦科〕〔云〕兀的不是柳迎春你是箇嫁出的人來俺這家裏有甚麼事幹〔正旦唱〕原來是大賢良兄嫂撞將來臉蠟粗無瑩色不由我首搖身顫脚難擡我見他惡狠狠變了面色〔大末云〕你偷了甚麼東西我渾身上下搜他一搜

則怕他偷了俺家裏的東西〔大旦云〕正是搜他一搜則怕偷了俺的銀兩東西〔正旦唱〕

〔上馬嬌〕我則見兄又猜嫂又乖早難道做妹妹的盜了你家財要了這數升細米妨何礙我做甚麼來〔大旦云〕你是箇辱門敗戶的兀那迎春你背着的是甚麼東西

〔正旦云〕嫂嫂。是父親母親與我的米。〔大旦云〕你家窮。來俺家裏討米來。沒廉恥。〔正旦唱〕休這般劈面的廝搶白。〔大旦云〕搶白搶白。你到來俺家偷米。倒說我搶白你。你那臉是千層樺皮。你也不羞。我奪了這米。一發羞你一羞。〔做奪米科〕〔正旦云〕你奪了我這米呵。〔唱〕

〔遊四門〕着俺那忍饑餓的公婆怎的捱。也是我年月日時衰。誰想俺嫂狠兄毒心意歹。全不想共根同蒂。連枝帶葉。〔大旦推正旦科〕〔云〕出去。再休上我門來。〔正旦唱〕把我似乞兒般搶出門來。〔大旦云〕我則關上這門。由着你說去。〔正旦云〕我出的這門來。怎生般見俺那公公婆婆的面也。〔唱〕

〔後庭花〕也是我貧窮緣分該。受孤寒苦痛哉。迷望眼乾坤大。誰想我不容身天地窄。不由我淚盈腮。兀的不乾揭着空寨。我正是葉凋殘風雨衰。草枯焦霜雪篩。人低微誰舉擡。我貧薄怎掙鬪。

〔青哥兒〕我則想着親着親看待。美情美情憐愛。把蒼海明珠土暗埋。他若是顯耀英才。位至三台。車馬橫街。羅綺盈宅。畫戟朱門兩邊開。齊臻臻應難賽。〔大旦云〕你去便去。絮絮聒聒的說些甚麼。說到明日。也不開這門。去罷。〔正旦唱〕

〔尾聲〕做妹妹的受窘薄。做哥哥的逞豪邁。俺不得已豁光晦跡避狂乖。有一

日超今越古傳四海。我道來否極生泰。那其間暖融融春景自天來。〔下〕〔大末云〕妹子去了也。我見父母去者。〔做見科〕〔大末云〕父親。我來了也。〔柳孝老兒云〕孩兒。你從那裡來。〔大末云〕我從後院小腳門裏來。正撞見迎春女。手裏將着些米糧。他既是嫁出去的人。他來俺家裏來做甚麼着。我奪了他的米糧。趕將他出去了也。〔柳孝老兒云〕你怎生的將孩兒的米奪了。趕將出去了也。你這兩口兒。毒害的心腸。並無些親戚之義。劈手裏奪了米糧。如今薛仁貴投軍去了也。一雙公婆。年紀老了。又受饑寒貧困。他來討些兒米糧。你可怎生的奪將他的來了。兒也。你好狠毒也。那薛仁貴一生窮薄。自甘貧。離鄉背井去投軍。這趕迎春離門戶。你這廝無恩無義。亦無仁。〔下〕〔大末云〕不爭趕了妹子去。倒着父親罵了我這一頓。罷罷罷。釀一壺兒黃米酒。俺自家納悶。喫三鍾兒去來。〔同下〕

第四折

〔淨張士貴領喬卒子上〕〔云〕某乃張士貴是也。自從與高麗家相持。多虧了薛仁貴。累建大功。我都賴了他的。則說是我的功勞。今日箇兵至高麗城下。我出馬和他相持廝殺。走一遭去。大小三軍。聽吾將令。某來今日逞英豪。相持廝殺走一遭。若是陣前得了勝。一人賞你一塊棗兒糕。〔下〕〔蓋蘇文驢馬兒領卒子上〕〔云〕某乃高麗大將蓋蘇文是也。今有大唐家軍馬臨城。不知

那一員名將出馬。塵土起處。敢待來也。〔張士貴躍馬兒領卒子上〕「云」某乃張士貴是也。領着人馬。與高麗家相持去。大小三軍。排開陣勢。來者何人。〔蓋蘇文云〕某乃大將蓋蘇文是也。你來者何人。〔張士貴云〕某乃總管張士貴是也。敢相持麼。〔蓋蘇文云〕交馬來。〔做戰科〕「張士貴云」我近不的他。逃命走走。〔下〕「蓋蘇文云」這厮走了也。塵土起處。不知又是那一員名將出馬。〔薛仁貴躍馬兒領卒子上〕「云」某乃薛仁貴是也。大小三軍。擺開陣勢。來者何人。〔蓋蘇文云〕某乃大將蓋蘇文是也。你來者何人。〔薛仁貴云〕某乃白袍將薛仁貴是也。敢厮殺麼。〔蓋蘇文云〕交馬來。〔做戰科〕「蓋蘇文云」這匹夫武藝高強。我撇起飛刀來。〔薛仁貴云〕箭對了。〔蓋蘇文云〕飛刀起。〔薛仁貴云〕箭對了。〔蓋蘇文云〕飛刀起。〔薛仁貴云〕箭對了。〔蓋蘇文云〕三枝箭對了俺三口飛刀。近不過他。撥回馬逃命走。〔下〕「薛仁貴云」這厮走了也。不問那裡趕將去。〔下〕〔此間疑有脫誤〕「房玄齡領卒子上」「云」起居每想忠君志。出入常懷報國心。小官房玄齡是也。因爲遼兵摩利支使五口飛刀。俺大將不及也。有龍門鎮薛仁貴。兩陣之間。射連珠箭。對了三口飛刀。殺敗蓋蘇文。高麗國拱手投降。原來是薛仁貴累建大功。被張士貴混賴了。本當見罪。免死爲民。封薛仁貴爲平遼公。衣錦還鄉。然後着老夫封官賜賞。走一遭去。乘駢直至龍門鎮。褒顯英雄志節高。〔下〕「薛仁貴領旦兒上」「薛仁貴云」威風赳赳盡忠良。馬到高麗拱手降。班師回程。

朝帝闕。方顯男兒當自強。某乃薛仁貴是也。自從息平高麗國。累建大功。謝聖恩可憐。封某爲平遼公之職。又將李元帥之女與某爲妻。着某衣錦還鄉。小姐。我在布衣之中。有前妻柳氏。在家侍奉公婆。經今數載。此一去。則要你賢達有德。分箇前後之禮也。〔旦兒云〕將軍。便好道糟糠之妻不下堂。貧賤之交不可忘。到家中參拜了公婆。然後可拜姐姐。你意下如何。〔薛仁貴云〕多謝了小姐。則今日收拾行裝。便索長行。還鄉拜望父母。走一遭去。立功勳志氣軒昂。破遼兵平定邊疆。哭啼啼拜辭父母。喜孜孜衣錦還鄉。〔薛李老兒同卜兒上〕〔薛李老兒云〕歡從額角眉尖出。喜向腮邊臉上生。老漢薛大伯的便是。自從仁貴孩兒投軍去了。數年光景。不想孩兒平了高麗。累建大功。得了大官也。說今日衣錦還鄉。這早晚俺孩兒敢待來也。〔薛仁貴同旦兒領卒子上〕〔薛仁貴云〕某乃薛仁貴是也。可早來到家門首也。令人接了馬者。小姐。俺過去見父母去者。〔做見科〕〔云〕父親母親。您孩兒得了官也。受您孩兒兩拜者。〔薛李老兒云〕好兒也。不枉了英雄好漢。這箇是誰。〔薛仁貴云〕父親。你不知這箇是李元帥的女孩兒。與您孩兒爲妻。小姐拜父母者。〔旦兒云〕理會的。父親母親。受您孩兒四拜者。〔做拜科〕〔薛李老兒云〕小姐。免禮免禮。喚嚕媳婦兒來者。〔正旦上〕〔云〕妾身柳氏。自從齋發的夫主薛仁貴投義軍征高麗去。累有大功。爲官受爵。誰想有今日也呵。〔唱〕

〔雙調新水令〕數年英雄仗天威。大唐朝將外邦寧謐。當日箇陣前干戈息。馬到罷征旗。今日箇衣錦回歸。侵雲漢浩然氣。〔薛仁貴見科〕〔云〕柳氏。多虧你在家。勤勞織紡。侍奉一雙父母。今日爲官。你乃夫人也。這箇是李元帥之女。勅賜與某爲妻。小姐。你自拜見你姐姐者。〔旦兒云〕姐姐請坐。受你妹妹四拜者。〔做拜科〕〔正旦唱〕

〔喬牌兒〕誰正妻誰妾妻。〔旦兒云〕妹妹情願爲妾妻。〔正旦唱〕你做小。你伏低。着你堪爲姊妹同般輩。〔云〕結爲姊妹。便休題前後也。〔唱〕略只要秉三從。明四德。〔柳李老

兒同卜兒上〕〔柳李老兒云〕老夫柳員外是也。俺女婿得了官也。我須索探望去。可早來到也。不必報復。我自過去。〔做見科〕〔云〕薛仁貴。我說你不是箇受貧的人也。〔薛仁貴云〕外父外母請坐。受您女婿四拜者。〔做拜科〕〔云〕這箇是李元帥之女。賜與我爲妻。小姐。你拜見父親母親者。〔旦兒云〕理會的。〔做拜科〕〔柳李老兒云〕小姐。請起請起。〔大末同大旦上〕〔大末云〕誰想薛仁貴做了官也。我把羞臉兒揣在懷裏。我探望他去。則怕我那妹子。想着我奪了他那米糧。他敢有些怪我麼。可早來到這門首也。兀的不是妹子。我一徑的望你來也。〔大旦云〕妹子。且喜薛仁貴爲了官也。我說他不是箇受貧的麼。〔正旦云〕我是出嫁之女。你望我做甚麼。〔唱〕

〔沉醉東風〕你往日追之甚急。我今日恨也何遲。〔大旦云〕舊話休題了也。那一日和

你哥哥喫了些兒早酒。關你要來。〔正旦唱〕那裡有尊兄親妹心。甚的是共乳同胞義。空着你在人間帶眼安眉。我本是箇出嫁女。在你家裏走甚的。要了你那冲饑窘一包兒細米。〔大末云〕妹子。你休題舊話也。〔壯王二上〕〔云〕自家壯王二的便是。聽的說薛仁貴做了官也。我裝一瓶兒村酒。與大人慶喜。走一遭去。可早來到也。我自家過去。〔做見科〕〔云〕大人且喜且喜。小人壯王二。裝了一壺村酒。一徑的來與大人慶喜。〔薛仁貴云〕多生受。謝了哥哥。一壁廂看酒殺。令人門首覷者。看有甚麼人來。〔房玄齡驢馬兒領卒子上〕〔云〕小官房玄齡是也。可早來到絳州也。則這裡便是薛仁貴家。令人接了馬者。報復去。道有使命至此也。〔卒子云〕理會的。喏。報的大人得知。有使命至此也。〔薛仁貴云〕裝香來。俺接待大人去來。〔做見科〕〔房玄齡云〕某奉聖人的命。特來封官賜賞。與你渾家柳氏。旌表門庭也。〔正旦云〕量妾身有何德能也。〔唱〕

〔鴈兒落〕俺龍門秀地基。虎將英雄輩。鱗臺圖像新。鳳闕聲名貴。〔薛仁貴云〕夫人。若不是某文武全才。豈有今日也。〔正旦唱〕

〔得勝令〕今日箇平步上天梯。舞蹈拜丹墀。架海爲梁棟。擎天作柱石。清奇秀麗人中瑞。堪宜英才天下魁。

〔折桂令〕今日箇享榮華。廕子封妻。郡邑崢嶸。門戶光輝。我受天祿。恩榮天爵。身到天池。見如今得受用。朱門畫戟。多虧了顯威風。素鎧銀盔。俺如今跪在堦基。遙望京畿。拜大國崇崇。讚唐室巍巍。〔房玄齡云〕您一家兒望闕跪者。聽聖人的命。高麗國邀截無存。大唐朝招攬義軍。薛仁貴從軍驍勇。柳氏女婦道工勤。爲夫主功成名就。爲妻室行孝施仁。受天爵封妻廕子。旌門闕出衆超羣。英雄士名傳萬古。賢達婦聲播龍門。薛仁貴兵馬元帥。一齊的望闕謝恩。

題目

英雄士虎榜標名

正名

賢達婦龍門隱秀

龍門隱秀穿關

楔子

蓋蘇文三叉帽 抹額 膝襪 曳撒 袍 項帕 卒子 紅碗子 盔 青布釘 劍薛仁貴攢頂 直 襪 膝 帶 飛刀 三髭髯 兒 甲 裙 膊 布襪 鞋

頭折

梅香同 柳 孝老兒 一字巾 茶褐直身 鈎 卜兒 場頭手帕 眉額 襪 大末 一字巾 繖

第二折

房玄齡兔兒角幘頭 補子 卒子 同 徐懋功 兔兒角幘頭 補子 張士貴 皮 麥簷帽 膝 圓領 帶 三髭髯 前 蒼白髯 帶 蒼白髯 眉額 襪 正旦 柳迎

春場頭手帕 襪兒 薛仁貴 同

第三折

房玄齡卒子同前張士貴同前薛仁貴鳳翅盔 玉色膝襠曳撒 玉色袍 項帕 直纏 襖膊 帶 帶劍 三髯髯薛孛老兒

卜兒同前柳孛老兒卜兒同前正旦柳迎春同前大末大旦同前


第四折

張士貴同前喬卒子紅氍帽 青布釘蓋 蘇文 卒子 同前 躍馬兒張士貴卒子同前薛仁

貴卒子同前 帶弓 躍馬兒房玄齡卒子同前薛仁貴同前旦兒髯髮頭面 補子襖兒 裙兒 布襪 鞋薛孛老

兒卜兒同前薛仁貴旦兒卒子又上同前正旦柳迎春同前柳孛老兒卜兒同前大末大

旦同前壯王二雙簷氍帽 綿布襖 綿布冠 花手巾 鞦鞋房玄齡卒子又上同前躍馬兒



孫真人南極登仙會

闕名

頭折

〔冲末扮殿頭官引祇從上〕〔云〕耿耿忠心侍聖皇。金門出入盡忠良。常行報國扶王業。永保山河日月長。某乃殿頭官是也。當今唐朝太宗卽位。自定六十四處煙塵。十八處擅改年號。威伏四海。平定八方。千邦進貢。萬國來朝。永享萬年太平之世。近日主上聞的太白山中。有一仙長。名是孫思邈。此人善曉陰陽。精勤醫道。手到病除。有起死回生之功。扶危救難之德。更能修持仙道。今奉聖人的命。着某差遣尉遲恭親持詔書。前往太白山。請命孫思邈。至京參玄問道。講究仙宗。左右人。與某請將尉遲恭來。有事商議。〔祇從云〕理會的。尉遲恭大人有請。〔外扮尉遲恭上〕〔云〕烏馬嘶風渭水寒。皂袍鐵甲響珊珊。自從平定中原後。輔佐皇朝萬載安。某覆姓尉遲名恭字敬德。朔州善陽人也。某深通黃公三略法。頗曉呂望六韜書。先佐劉武周。麾下爲將。自介休降唐。蒙我主引見臥內。意氣相許。賜以白金一鎰。某累建大功。平定了天下。加某爲鄂國公之職。某正在私宅。有祇從來報。殿頭官大人有請。不知有甚事。須索走一遭去。可早來到也。祇從人報復去。道有尉遲恭在於門首。〔祇從云〕理會的。有尉遲恭來了也。〔殿頭官云〕道有請。〔祇從云〕理會的。

有請。〔尉遲恭見科〕〔云〕大人呼喚某有何事。〔殿頭官云〕老將軍近前來。某奉聖人的命。爲因
太白山有一仙長。乃是孫思邈。此人善曉陰陽。精勤醫道。起死回生。更能修持仙道。奉聖人的命。
着你前往太白山禮請。原作請命 趙校改此人走一遭去。意下如何。〔尉遲恭云〕既有聖人的命。某不避
驅馳。便宣命孫思邈。走一遭去。奉命承差膽氣高。一身不避路迢遙。傳宣咫尺臨山下。同至神京
見聖朝。〔下〕〔殿頭官云〕尉遲恭去了也。若到太白山。見了孫思邈。必然臨朝。某不敢久停久住。
則今日回聖人話。走一遭去。則爲這孫思邈修真煉性。遣敬德親持宣命。齋勅書若到山中。同參
見吾皇仁聖。〔下〕〔正末扮孫真人引盧照隣道童上〕〔孫真人云〕貧道姓孫。雙名思邈。京兆華
原人也。自幼貫通百家書史。善言老子莊周。陰陽醫藥。無不詳究。洛州總管獨孤信。見某少而異
之。曰此聖童也。願器大難爲用爾。及長居太白山。隋文帝輔政。以國子博士召。某不拜。某密語人
曰。後五十年。有聖人出。吾且助之。今大唐太宗卽位。端的是君聖臣賢。民安物阜。五穀豐登。四海
晏然。貧道在此山中。採藥鋤苗。修真養性。此人是盧照隣。每日跟隨貧道。談玄問道。究術學醫。若
論人生天地。稟陰陽二氣。達造化之機。非同造次也呵。〔盧照隣云〕師父。徒弟身有惡疾。甚不可
爲。敢問高醫。愈疾。卻是如何。〔道童云〕住住住。仙師在此。師兄所言身有惡疾。我看了你這模樣
是有疾。我說着。你可不要諱病。你這肚中。有似王瓜也似一輪梳子一灣。你走動瑟瑟的響。揉着

一一的轉。捻着速速的跳。經云。毫毛之隔。晚不收霜降之苗。爲人四肢五臟。吐納氣。流轉榮衛。不可以疾。你有疾早隄防。疾發保守陽。若是忍不住。必定冒一床。〔正末云〕天有四時五行。寒暑迭居。和爲雨。怒爲風。凝爲霜雪。張爲虹蜺。此天之常數也。人之四肢五臟。一覺一寐。吐納往來。流爲榮衛。章爲氣色。發爲音聲。此人之常數也。陽用其形。陰用其精。此天人所同也。失則蒸生熱。否生寒。結爲瘤贅。陷爲癰疽。奔則喘乏。竭則焦槁。發乎面。動乎形。天地亦然。五緯縮盈。孛彗飛流。其危殄也。寒暑不時。其蒸否也。石立土踊。是其瘤贅。山崩土陷。是其癰疽。奔風暴雨。是其喘乏。川瀆竭涸。是其焦槁。高醫導以藥石。救以砭劑。聖人和以至德。輔以人事。故體有可愈之疾。天有可鎮之災。你每不知。聽我慢慢的說一遍者。〔唱〕

〔仙呂點絳脣〕人稟着天地陰陽。盈虛消長。勤修養。自然得壽命延長。敢可使永保身無恙。〔道童云〕師父。這天地陰陽造化。天清地濁。天動地靜。清者是濁之源。動者是靜之基。爲人要精神榮旺。五臟安康。不知怎生運轉。師父試說。徒弟請教者。〔正末唱〕

〔混江龍〕啗人這精神榮旺。皆因是調和五臟得安康。人稟着陽精陰氣。天運着春雨秋霜。人榮衛吐納往來。生已定。天循環迭居寒暑。理之常。頤養的氣血。皆通暢。常則要寒溫有序。表裏無傷。〔盧照隣云〕敢問師父。這養性之要。可是如何。〔道童

云。師父。師兄不知養性之要。我常聽師父言道。欲求長生先戒性。火不出兮神自定。木還去火不成灰。人能戒性能延命。但自修性不修命。也是修行第一病。勞形散盡中和氣。更把何能保此命。原作身養性要坐靜。坐靜會行運。坐的睡着了。纔是爛沒用。趙校改〔正末云〕欲知養性之要。天有盈虛。人有屯危。不自慎不能濟也。故養性必先知自慎也。慎以畏爲本。故士無畏則簡仁義。農無畏則墮稼穡。工無畏則慢規矩。商無畏則貨不殖。子無畏則忘孝。父無畏則廢慈。臣無畏則勦業不立。是以太上畏道。其次畏天。其次畏物。其次畏人。其次畏身。憂於身者。不拘於人。畏於己者。不制於彼。慎於小者。不懼於大。戒於近者。不悔於遠。但知此者。則人事畢矣。〔唱〕

〔油葫蘆〕若論着養性存心安樂方。長則將畏慎防。士無畏簡仁義失綱常。農無畏墮稼穡身流喪。工無畏越規矩期。期字疑訛狂蕩。商無畏貨不殖。子無畏孝敬忘。父無畏廢慈愛絕悽愴。臣無畏勦業不傳揚。〔盧照隣云〕師父。人以畏慎爲本。能自

畏慎者。必能保其身矣。〔道童云〕住住住。道童常聽的師父言道。這陰陽爲之祖氣也。卽太極之先。天地之根。人秉天地三才之氣。伏氣須伏氣。伏氣不伏氣。伏氣不長生。長生須伏氣。人頭圓象天。足方似地。五臟一類五岳。四肢分爲四時。六腑分爲六呂。九竅布作九州。爲人可是那三才。天之氣。地之氣。人之氣。人秉一性。氣運四肢。這氣衝於五臟。串於六腑。急流曲出。急張菊主。菊生疑是

之說滿肚串之。此氣必要出也。在肚爲之氣。出肚爲之屁。人前放之恐羞。忍之則脹。復藏夾之。後有四句妙讚。讚曰。俗言喚放屁。文談叫腸臊。這屁崩倒東壁牆。進塌草團瓢。當前放者不敬神。人前放者羞殺人。茅廁放者依本分。被窩放者薰殺人。〔正末唱〕

〔天下樂〕但若肯畏道畏天處事詳。參也波詳。參詳了多半晌。我將這修身養性仔細講。修身把愛慾絕。養性將津液藏。端的是神清氣自爽。〔云〕貧道昨夜仰觀乾象。今日必有貴客來此。道童門首覷者。但有人來。報復我知道。〔淨云〕理會的。我這師父則丟謊。夜觀乾象。今日有貴客來。老的他顛答了。這深山曠野裏。狗也沒一箇走。今日常有人來便罷。如若沒有人來。看我白他這箇謊。我在這門前看着。看有甚麼人來。〔尉遲恭上〕〔云〕某尉遲恭是也。白離朝之後。不覺來到這太白山。看了這山中景致。端的是清幽。遠遠的一座仙莊。門首立着箇道童。老夫向前問者。左右接了馬者。道童〔淨云〕稽首。〔尉遲恭云〕道童。這裡敢是孫師父仙莊麼。〔淨云〕然也。〔尉遲恭云〕報復去。道朝廷差鄂國公特來相訪。〔淨云〕哎。師父諱的着了。真箇有貴客來了。老官兒。你且立一立。等我報復去。〔淨見科〕〔云〕師父。門首有箇鬍子老兒。他說道是甚麼鄂國公來相訪。〔正末云〕道有請。〔道童云〕理會的。老官兒有請。炮茶。有客來了。〔尉遲恭做見科〕〔云〕是好箇仙長。師父。某鄂國公尉遲恭是也。奉聖人的命。聞知師父精通醫

藥博覽羣書。陰陽推步。無不通曉。故差某請命師父入朝。參玄問道。講論修真養性之祕方。息氣保身之奧妙。今日收拾行裝。便索登程。不可違悞。〔正末云〕大人。貧道山野老人。豈曉大道。益知微義。動勞聖人。遣大人遠遠而來。量貧道有何德能也。〔唱〕

〔醉扶歸〕我見他謹謹的把謙辭講。不由我慢慢的審箇行藏。我是箇山野愚民。曉的甚大勾當。起動的箇大臣宰相相訪。待不去怕違背了聖皇。待去呵恐惹的閑人謗。〔尉遲恭云〕師父暫離仙莊。同見聖人。必有重用。〔正末云〕大人。貧道年力衰邁。去不的了。〔尉遲恭云〕師父。年雖高邁。視聽聰明。面色瑩光。仙風道骨。有如童子。真乃有道之士也。非尋常之人也。〔正末唱〕

〔金盞兒〕他道我面瑩光。豈尋常。仙風道骨真童相。〔尉遲恭云〕你看師父髯如玉線。鬢若秋霜。實乃神仙也。〔正末唱〕你道我髯如玉線。兩鬢似秋霜。〔尉遲恭云〕師父。如何保養的這等輕健也呵。〔正末唱〕我身輕是饑寒無觸犯。體健是飽暖有奇方。皆因是意舒心廣泰。精固壽延長。〔尉遲恭云〕師父。朝廷久聞大名。故差某敬來請命。不可推辭。須索長行。〔道童云〕呵。這箇師父。既有朝廷宣命。你這般再三的推辭。不肯去爲官。我想上古甘羅十二爲宰相。還說道遲了。太公八十遇文王。可還說早了。至今日輪着宣你。你可也夾腦風發了也。上

門兒請着你。扯葉兒不去幹。不去走一遭去。〔正末云〕既然朝廷差大人來呼喚。貧道不敢有違。便索入朝。參見聖人。走一遭去。〔唱〕

〔尾聲〕則今日急急的離山中。謹謹去朝今上。我與你信步登途便往。暫別了清幽安樂鄉。我須索踐紅塵。涉歷風霜。見君王講論義皇。我將這玄妙醫術細闡揚。〔尉遲恭云〕師父此一去。聖人必然尊於廟堂之上。陞於宰輔之中。〔正末唱〕一任教尊居廟堂。貴爲輔相。我道來不如我這傍青山一座小仙莊。〔同照隣下〕〔尉遲恭云〕看了孫師父這等容貌清奇。出言脫灑。此一去聖人必然見喜。小官不敢久停久住。跟着師父回朝。見聖人。走一遭去。道貌非俗。骨格清。仙風凜凜。世人驚。端詳不是塵凡客。定作蓬萊頂上人。〔下〕〔道童云〕誰想取我師父見朝。着我也跟將去。到的那裡。常謁的着便好。謁不將來不是要。今日離了太白山。跟着師父入朝班。若是師父謁不着。我先一直望家起。〔下〕

楔子

〔尉遲恭引卒子上〕〔云〕某尉遲恭是也。自從太白山請將孫思邈來。聖人見了。問治國安民之要。修真養性之方。老仙長語若懸河。契合上意。聖人十分大喜。着某加陞美官。留在京師。便於咨訪。某在此私宅等候。令人請去了。這早晚不見來。左右門首看着。若來時。報復某知道。〔卒子云〕

理會的〔正末引道童上〕〔云〕貧道孫思邈的便是。自從來到京師。見了聖人。問貧道養性之理。貧道一一回答。聖人大喜。要加貧道官職。留住京師。貧道固辭不允。今日有鄂國公相請。貧道須索走一遭去。報復去。道孫思邈在於門首。〔打報住〕〔尉遲恭云〕呀呀呀。早知老仙長來到。只合遠接。接待不着。勿令見罪。〔正末云〕大人呼喚貧道。有何言語。〔尉遲恭云〕師父。某奉聖人的命。加陞師父美官。留住京師。以便咨訪。不知師父意下如何。〔正末云〕大人。貧道久處深山。性質懶疎散。一定不能任職。善奏聖人。自今日離了京師。回我那太白山。脩行辦道去也。〔唱〕

〔端正好〕感仁慈蒙恩露。奉宣命取到皇都。見天顏喜悅封官祿。今日箇辭帝輦離鑾輿。登紫陌踐程途。還故里返鄉閭。我與你拂袖歸山去。〔下〕〔尉遲恭云〕老師父堅意不肯在於京師。還去太白山。修行辦道去了。小官不敢停止。便索入朝。回聖人話。那一遭去。〔下〕

第二折

〔外扮龍神引水卒上〕〔云〕怒來四海起波濤。喜後風恬浪已消。一陣飽鰲美雨過。萬民稽首叩青霄。小聖東海龍神是也。奉上帝勅令。管領着江河淮濟。溪洞潭淵。興雲布雨。降福消災。濟度衆生。近日染一惡疾。千方治之不痊。聞知太白山。有一仙長孫思邈。有回生起死之功。手到病除之

效。小聖扮作一白衣秀才。領一水卒。直至太白山。尋訪老仙長。醫治此病。走一遭去。染疾病日久。纏身。太白山尋訪真人。但能殺攻醫痊可。小聖布誠心答報深恩。〔下〕〔正末領道童并虎上〕

〔云〕貧道孫思邈是也。自離了京師。來到山中。伏此一虎。馴於左右。早晚馱經背藥。跟隨着往來遊翫。看了這山中景致。端的有四時不謝之花。八節常春之景。每日遊山翫水。採藥鋤苗。好是清幽也呵。〔道童云〕師父。聖人宣你入朝。要留你在京。你性格疎散不仕。錦庭樂裡有一句唱。虎頭牌詔書來。不須用開。依着我做箇官也罷來。你可不肯。哦。我知道了。你則圖山妻稚子。早晚閒團圓。回來到此山中。翫水遊山。採藥鋤苗。一年四季。春夏秋冬。熬盡受淡。春天可有甚麼好處。

〔正末唱〕

〔南呂一枝花〕俺這裡春天花似錦。〔道童云〕到夏來俺受用些甚麼。〔正末唱〕夏月荷鋪翠。〔道童云〕秋天有何好處。〔正末唱〕秋雲籠嫩竹。〔道童云〕冬天可戀些甚麼景致。〔正末唱〕冬雪綻江梅。景物稀奇。沙暖鴛鴦睡。泥融燕子飛。閑來時採藥鋤苗。悶後也觀山翫水。〔道童云〕師父。每日家與清風明月爲知友。茶藥琴棋作相識。端的是自在無拘繫。則你便是狗塌皮。是好快活也。〔正末唱〕

〔梁州〕伴着的是風花雪月。更和這茶藥琴棋。端的是逍遙自在無拘繫。一任

教賓鴻南北。烏兔東西。看雲峯嶮峻。對山勢崔嵬。一步步堪詠。堪題。一莊莊難畫難揮。〔道童云〕師父。我想來。你真是夾腦風。不肯在京師爲官。喫堂食。飲御酒。住清堂瓦舍。大院深宅。可辭職歸山。住草園瓢。你這箇意。是熱炕頭快馬也不換。怎麼是熱炕頭快馬也不換。我有一箇炕。快活不快活。翻來復去盪。頭冷豎蜻蜓。脚冷立的站。你如今戀些甚麼。〔正末唱〕我戀的是綠林中錦斑斕。日影重重。〔道童云〕你可愛些甚麼。〔正末唱〕愛的是青霄畔。翠模糊山光濟濟。〔道童云〕你再喜些甚麼。〔正末唱〕喜的是碧天邊。明滴溜月色輝輝。〔道童云〕你說的這幾莊兒。雖然清閑。每日家熬盡受淡。有甚麼好處。〔正末唱〕玄關妙理。世人不解其中意。閑活計。淡滋味。笑傲雲山遠是非。端的是人我忘機。〔云〕道童。你將那藥籃執袋。搭在那虎身上。我在這溪石上閑坐。你餵些藥材來我看。〔道童云〕理會的。我這師父蹣蹣。知他那裡走。將這箇虎來。每日跟着走。我常在這虎後邊走。則怕他惱了不是耍。又教我把藥籃執袋。搭在他身上。沒奈何。慢慢的搭上。〔道童做嘴臉科了〕〔云〕師父。搭上藥籃執袋了。〔正末云〕你與我採幾味藥材來我看。〔道童云〕師父的言語。着我採藥材來他看。則道我不認的藥材哩。滋補須用茯苓。開脾胃全憑枳實。順氣須用半夏。調和氣血用當歸。我不採好藥材。我捉弄師父者。諸般藥材無有。則有我便。是藥材。〔正末云〕不是藥材。〔道童云〕則我便。是當歸。〔正末唱〕

〔牧羊關〕你與我採幾味新鮮藥。就將來溪畔洗。〔道童云〕理會的。跟着他一日。施展出我屁來。師父。你看這幾味甚麼藥材。你認調和可用着麼。〔正末唱〕這的是黃精甘草山葵。〔道童云〕滋補用的着麼。〔正末唱〕要滋補須用茯苓。〔道童云〕開脾胃用甚麼藥。〔正末唱〕開脾胃全憑枳實。〔道童云〕要順氣可用那一樣藥材。〔正末唱〕順氣須是半夏。〔道童云〕假若和血。可把甚麼調治。〔正末唱〕活血用當歸。〔道童云〕這藥可怎生炮煉。保養調治。〔正末唱〕全則要保養的精神壯。調和的氣血齊。〔道童云〕俺慢慢的採藥。看有甚麼人來。〔外領水卒上〕〔云〕吾乃東海龍神是也。打扮做一秀士。引着家童。來此太白山。尋訪孫仙長。兀那山溪石畔。坐着的那老人家。敢是孫仙長。我向前去廝見者。老仙長支揖哩。〔正末云〕恕罪恕罪。〔唱〕

〔隔尾〕我見他低腰曲脊躬身立。我這裡舉眼睜睛觀了面皮。則見他面色微黃氣壅滯。向前來我問你。你必然有些病疾。你與我仔細從頭訴就裏。〔外云〕老仙長。小生是一秀士。因染一疾。久不愈。不能痊。聞知老仙長有回生起死之功。手到病除之效。特引家童。敬拜仙長。望一診視。略賜良劑。病可之時。當效犬馬之報。〔正末云〕秀才將手來。我試診脈者。〔做診脈科〕〔唱〕

〔牧羊關〕我這裡暗暗的觀詳細。輕輕的診脈息。你可敢因怒氣損胃傷脾。右手寸部脈雖微。左手上關部脈稍實。〔外云〕師父。我已服藥許久。不能痊可。〔正末唱〕你空將妙藥服千裏。不能教病症一絲回。這正是不向根源治。渾如水灌石。〔外云〕師父。我這病患。可是如何醫治。望師父賜一良劑。如若病可。小生死不忘大德。〔正末云〕秀才。天運五行。人調五臟。五行順則雨暘時若。災害少見。五臟和則氣血充盈。疾病難侵。故怒甚則傷其氣。思多則損其神。今汝之疾。因怒而成。非時醫而可救。吾今付汝一藥。服之漸加調治。自然可安矣。〔道童云〕師父且住。聽你徒弟有話說與他。秀才。你是箇讀書的人。便好道智者能調五臟。和你喫了我師父的藥。你可也有緣。我師父手到病除。死的就醫活了。活的都醫死了。可要。你忌口最要緊。我說與你幾莊兒飲食。不許你喫。犯了。病可難醫了。〔外云〕老先兒。你說那幾莊兒不敢喫。〔道童云〕你可記着。一了說發病的休喫。不要喫油膩魚腥。不要喫麵食羊肉。不要喫雞肉鵝肉。不要喫兔兒肉野雞肉。不要喫冷水熱茶。冷的休喫。熱的休喫。肉也休喫。麵也休喫。飯也休喫。水也休喫。我直餓殺你箇烏龜。〔正末唱〕

〔賀新郎〕病源不究最難爲。思久傷神。怒多傷氣。和調的五臟皆通利。夏清冬溫之理。要寒溫飽暖相宜。風寒休強走。生冷勿多食。叮嚀分付君須記。則要你

閑中參至理。索強似病後去求醫。〔云〕道童將藥籃來。〔道童云〕理會的。師父藥籃在此。

〔正末做取藥籃科〕〔云〕秀才將此藥但若服之。其病自然可安康也。〔外云〕謝了師父。小生服了此藥。病體安可。自有酬謝之禮也。〔正末云〕便休如此。君子施恩。豈望報乎。〔唱〕

〔尾聲〕我是箇修行辦道神仙輩。豈受這報德酬恩答謝禮。你與我安然行。自在回。好將息病身體。莫俄延勿遲滯。有一日貴體安康。我和你再相會。〔外云〕感激師父大德。小生自當重報也。〔正末唱〕你便休題感激大德。我則願萬古傳揚。便是

我落得的。〔下〕〔虎同下〕〔龍神云〕誰想今日。遇着仙長。賜以良劑。若是病患痊可了時。小聖自

有重報也。行行住住布陰雲。呼吸得患病纏身。良醫調治復痊可。依舊行雨潤萬民。〔下〕〔道童

云〕兀那跟秀才的。你那官人。有甚麼病。〔水卒云〕我秀才感了怒氣。傷了心肝。因此上不好。

〔道童云〕我看了你的模樣。也有此病症。〔水卒云〕不瞞先生說。我也有些病。欲要討些藥喫。纔

見了老師父這箇動靜。諛的我不敢向前。先生是老師父的徒弟。必然曉的醫道。怎麼可憐見。看

我一看。〔道童云〕我又不比老師父的手段。我學的過了師了。發了大願。不替人看病。怕泄漏了

天機。〔水卒做跪科〕〔云〕沒奈何先生。這裡沒人見。那裡不是積福處。看一看也是陰騭。〔道童

云〕使不的。看了你一箇不打緊。犯了誓願。〔水卒跪云〕可憐見看我一看。我買箇大布謝你。

〔道童云〕也罷也罷。喫你央及不過。拿手來。我把脈。哎。你這狗舐亂跳。按一年四季。脈名各別。春絃夏洪。秋似毛冬石。依經分節氣。春脈如絃。夏脈如洪。秋脈如毛。冬脈如石。長人脈長。短人脈短。肥人脈沉。瘦人脈浮。別處麥賤。俺這糧食鋪裏的麥貴。與你服過藥。若還喫了。屁流胡嘯。你這病藥不能醫。針灸纔好。〔水卒云〕先生怎麼針灸。〔道童云〕你聽我說與你。我做太醫無養家。世行醫三代。看了你這病症。虧我用心把脈。也不用其餘藥餌。單則要蘄州好艾。也不用多少艾焙。則要碗來大七七四十九塊。也不灸膏肓三里。單則灸頂門兩額。就教你百病消除。就教你一生無害。你的錢我也不貪。你的物我也不愛。醫的好不問你要半箇銅錢。醫不好我去那沙灘上。影裏學一箇金線龜兒曬蓋。〔下〕

第三折

〔外龍神整引水卒上〕〔云〕小聖乃東海龍神是也。自從太白山見了孫仙長。與了小聖數劑妙藥。服之未久。病體頓安。小聖喜不自勝。所有仙長之恩。未曾酬報。今就此龍宮海藏。設一小筵。差兩箇水卒。前去太白山。請將孫仙長來。酬謝前恩。以表小聖微誠。左右那裡。喚將龜鱉二使者來者。〔卒子云〕理會的。〔二淨扮龜鱉使者上〕〔龜云〕綠毛圓蓋逞搗搜。四脚扒叉水上遊。日暖風和灘上曬。看見人來縮了頭。某乃龜鱉二使者的便是。見在東海龍神部下。正在海子裏偷鰓。

子喫龍神呼喚。不知有甚事。須索走一遭去。喏。叫俺二人那廂使用。〔龍神云〕今有太白山孫仙長醫可了我病症。我今設一筵會。你二人可去太白山請孫仙長。來此赴會。聊爲酬謝之禮。〔下〕
〔龜云〕得令。我二人領了龍神言語。前往太白山請孫仙長。走一遭去。〔下〕〔正末引道童虎上〕
〔云〕貧道孫思邈是也。自從前者見了那箇秀才。看了他中珠模樣。不是箇凡人。貧道今日無甚事。在此遊翫一會。看了俺這修行辦道。端的是幽哉也呵。〔道童云〕師父說的是。我前者看了那箇秀才。也不是箇人。想必定是精怪。今日無甚事。在此遊翫清山。閑觀綠水。是好高山。我則見山高峻峻路難行。山峪花開滿樹紅。山上松柏青如翠。山澗冷冷野水聲。山禽巧語啾唧叫。山獸能鳴古怪聲。山僧帶晚歸禪院。兀良山猿啼喚月明中。〔正末唱〕

〔越調鬬鶴鶉〕看了些山水澄澄。山泉淨淨。山月輝輝。山光耿耿。山樹垂陰。山花弄影。山獸行。山鳥鳴。山坡下山鹿啣花。山頂上山猿墜藤。

〔紫花兒序〕遠迢迢的山溪山澗。高聳聳的山嶺山峯。另巍巍的山館山亭。山風微定。山雨初晴。山程我則見山底人家。兀良在那山畔耕。遙望見山莊掩映。看了我這山景清幽。端的是壓盡蓬瀛。〔龜繫上〕〔龜云〕俺二人奉龍神的鈞旨。來請孫仙長。說話中間。來到太白山了。這箇敢是孫師父。我和你問那道童一聲。道童動問一聲。此位敢

是那子系老官兒麼。〔道童云〕甚麼子系。昨日打做匾額了。〔龜云〕甚麼匾額。〔道童云〕你說過是子系。〔鰲云〕這子系是姓孫。〔道童云〕你則老實說。我那裡曉的這等花麻調嘴。你尋我師父怎麼。〔龜云〕請師父東海赴會。〔道童云〕是那裡也。〔鰲云〕東海赴會。〔道童云〕你箇說弟子孩兒。這太白山到東海。千里餘地。去赴會去。好近路兒。你兩箇自家過去。〔龜鰲做見科〕。〔云〕師父作揖。〔正末云〕那裡來的。有何事幹。〔龜云〕不瞞師父說。當日來看病的那箇秀才。他是東海龍神。自從喫了師父的藥。病體痊可了。今在海中設一小筵。差俺二人來請師父。去東海赴宴去。〔正末云〕請我東海赴宴去。多蒙厚意也。〔唱〕

〔小桃紅〕二人一一說叮嚀。我與你側耳跟前聽。他道是東海龍神故差令。他每可敢說實情。〔龜云〕只因師父醫可了大病。特請師父。敬爲拜謝。〔正末唱〕皆因是醫可了他身邊病。〔鰲云〕俺龍神教我二人拜請師父。千萬走一遭。〔正末唱〕他教你便恭然拜請。〔鰲云〕師父若到東海。是俺龍神萬幸也。〔正末唱〕非干是這龍神萬幸。〔鰲云〕師父可不道好看千里客。萬里要傳名。〔正末唱〕我問甚麼萬里要傳名。〔龜云〕師父。你與道童暫且合眼。〔做合眼科〕。〔同下〕。〔龍神上〕。〔云〕吾神乃東海龍神是也。我差兩箇水卒。請孫仙長去了。水卒海邊望着。若來時。報復吾神知道。〔正末同龜鰲使者上〕。〔龜云〕疾。到了龍宮海藏也。師父。你

看這裡是那裡。〔正末云〕奇怪也。恰纔我在那山中。合眼之間。來到這裡。你看那金釘朱戶。碧瓦琉璃。另是箇境界也呵。〔龜云〕則這裡便是水晶宮殿。比你山景如何。〔正末唱〕

〔寨兒令〕我恰纔在山澗邊。不覺的到水晶城。看了他這雕梁畫棟。勝似玉京。擺列着那玉罈金瓶。水陸山靈。我則見香靄瑞煙輕。

〔么篇〕錦重重的朱戶。金釘。高聳聳的寶殿瑤局。鸞簫合象板。錦瑟間銀箏。聽一派管絃聲。〔龜云〕上聖。我二人請將孫師父來了。〔龍神云〕呀呀呀。早知師父來到。只合遠遠接。

接待不着。勿令見罪也。〔正末云〕不敢也。〔外云〕向日多蒙師父大德。診視賤病。感賜妙藥。服之其病頓然安可。厚恩久不能忘。今日略備菲酌。有屈尊步降臨。左右將酒來。我與師父遞一盃。〔正末云〕貧道有何德能。敢勞尊神設此盛席也呵。〔唱〕

〔鬼三臺〕醫可了尊前病。這正是時間幸。呀。遠遠的將咱敬請。我見他誠意把酒頻傾。我拚今朝酩酊。銀臺上絳蠟翠燄生。寶爐中麝蘭香霧騰。一任教玉兔昇天。金烏落影。〔龍神云〕老師父請坐。無物管待。略敍片時。慢慢的消遣一會。水卒與我喚將掌

樂使者來者。〔做坐科〕〔淨扮樂人上〕〔云〕我做樂人實伶俐。吹彈歌舞都不濟。聽的人家擺酒筵。便去席前調百戲。我是箇耍子的樂人。打聽的這東海龍神請人喫酒。帶了幾回百戲。一箇猛

子刺。在這龍宮海藏裏。果然喫酒哩。我與你調幾回百戲。扶持老師父者。〔做調喬百戲了〕〔下〕
〔龍神云〕師父。想當日小聖賤疾。百方治之。不能痊可。若不是師父良劑。豈有今日也。將酒來。師父滿飲此盃。〔正末云〕看了這龍宮海藏。寶殿朱樓。貧道盡醉方歸。〔唱〕

〔禿厮兒〕我則見擺列的齊齊整整。鋪設的對對層層。他可便又躬身向前將玉盞擎。他一齊的跪在階庭。我有何能。〔龍神云〕老師父。深蒙大恩。無可酬謝。左右將來我這裡有上古仙方一部。用藥少而見功多。敬奉師父。略表微意。望賜允納。着師父便道。你既有海上仙方。可來尋貧道醫治。爭奈我這龍宮海藏。都是水獸。無人炮煉。〔正末唱〕

〔聖藥王〕則見他盤內盛。手內擎。原來是仙方一部最分明。不由我喜氣生。笑語增。我可敢寶藏珍重不須輕。更強似度人經。〔云〕多承厚禮。天色以晚。貧道可回山中去也。〔龍神云〕吾神可令巡海夜叉。送師父直至太白山仙莊內。可來回吾神的話也。〔正末云〕深謝尊神。此別之後。未知何日再會也。〔龍神云〕師父早晚必登仙界。小聖自當來賀也。

〔正末唱〕

〔尾聲〕感承你箇龍神厚德。把我來深相敬。見賜我的仙方受領。看了這龍宮海藏玳瑁筵。更壓着閬苑蓬萊洞天景。〔下〕〔龍神云〕孫仙長去了也。他今日到於俺龍

宮海藏。又得了海上仙方。若到人世。積功累行。救度衆生。必然登仙界。無甚事。且回龍宮中去來。則爲他良醫妙藥救龍王。水晶宮裏獻仙方。功成行滿登仙界。拜表親身奏玉皇。〔下〕〔道童云〕哎也。巡海夜叉送了師父去了。我可怎麼去。你着箇人也送我一送。〔水卒云〕沒有龍神鈞旨。不敢去。〔道童云〕可怎麼了。沒奈何。我教這虎馱了我去罷。你每不知。這虎雖然是師父的。早晚我可喂養他。則怕你不信。我教他臥便臥。起便起。〔做喝虎科〕喂。業畜臥下。〔虎做臥科〕〔道童云〕可又來。他則怕我。我教他起。喂。業畜起來。〔虎做起科〕〔道童云〕你看果然起來了。我與你騎在他身上。〔做騎科〕〔虎做踢下來科〕〔云〕這業畜無禮。又不怕我了。〔做上三科了〕這業畜少打。〔做打科〕〔虎做發怒咬着道童腿科〕〔下〕

第四折

〔外扮南極老人青衣童子上〕〔云〕閬苑仙家白錦袍。海山銀闕宴蟠桃。三峯月下鸞聲遠。萬里風頭鶴背高。貧道南極老人是也。生於太極之先。長於鴻濛之始。居紫府瑤池之內。處蓬萊閬苑之中。掌領三界延齡之籍。主管十方昇度之仙。當今大唐高宗在位。端的是君勝唐虞之德。臣如稷契之賢。海晏河清。風調雨順。天降慶雲之瑞。地生芝草之祥。麒麟出現。鳳鳥來儀。近有仙童告報。蟠桃結實。添聖主千年之壽。火棗初熟。保皇圖萬載之安。可集羣仙。禮當慶賞。就在此閬苑之

中設一長生之宴。貧道因見下方一道仙氣。上衝九霄。矚目觀之。原來是太白山有一仙長。姓孫是孫思邈。其人精通醫藥。博覽仙方。陰功廣布。陽德多施。有手到病除之效。回生起死之功。今已百歲有餘。夙有仙風。功成行滿。無人引度。未得朝元。我今差福祿二仙。引度此人。超昇仙界。慶賞蟠桃。有何不可。左右與我喚將福祿二仙來。〔童子云〕理會的。〔喚科〕〔福祿二仙上〕〔福星云〕跨鹿雲遊上九天。香風兩袖拂清煙。自從得悟長生訣。永作人間不老仙。俺福祿二仙是也。正在後山中談道。上仙呼喚。須索走一遭去。〔做見科〕〔云〕上仙呼喚貧道。那廂使用。〔南極星云〕喚你二仙來不爲別。今因下方太白山。有一人姓孫。雙名思邈。其人百有餘歲。功行圓滿。爭奈無人引度。不得朝元。我今差你二仙。扮做雲遊道者。引度此人。成仙證果。疾去早來。不可遲延。〔祿星云〕領了上仙法旨。直至太白山。引度孫思邈。走一遭去。領上仙法旨親言。暫離了紫府瑤天。打扮做雲遊道者。去來引度他證果朝元。〔下〕〔南極云〕福祿二仙去了。仙這一去。必然引度的孫思邈證果朝元。則爲他曉陰陽道演先天。救羣生疾病安然。修習的身輕體健。因此上引度登仙。〔下〕〔正末引虎上〕〔云〕貧道孫思邈。自得了海上方。但有病者。無不應效。所活甚衆。今日無甚事。在這山中遊翫一會。看了這青山綠水。端的是快樂也呵。〔唱〕

〔雙調新水令〕趁白雲信步過溪橋。我這裡蕩香風認苗採藥。嶺頭雲桂萼。山

畔路蹊蹊。草履麻絛。誰人識箇中妙。〔云〕貧道正走之際。你看這山勢崔嵬。峯巒峻峻。路
逕崎嶇。不是往日的山景也。待回去來。後面有萬丈深崖。好是奇怪也。怎麼得箇人來也好。〔福
祿仙引四毛女打漁鼓上〕〔云〕斷酒絕花萬事休。疎財忍氣省憂愁。若還識破其中意。閨苑蓬
萊自在遊。〔毛女唱〕

〔出隊子〕每日在蓬萊仙苑。跨雲鶴上九天。何須細講悟真篇。但識壺中
玄又玄。便是逍遙自在仙。

〔出隊子〕休笑俺鬚頭垢面。道虛無體自然。箇中玄妙幾人傳。一粒金丹
遍大千。四海雲遊自在仙。〔唱住〕〔福仙云〕孫思邈。你在這裡做甚麼哩。〔正末云〕這先
生如何認的我。〔福仙云〕你敢迷了路了。跟我來。引與你大道。〔正末云〕看了這山景。好比凡間
不同也呵。〔唱〕

〔喬牌兒〕看了這奇花并異草。矧目漫凝眺。今朝偶爾行來到。〔帶云〕看了這境
界。〔唱〕我心中自暗約。〔福仙云〕孫思邈。你跟我來。指與你大道。〔虛下〕〔南極老人再上〕〔云〕
太極分高厚。輕清上屬天。人能修至道。身乃作真仙。貧道南極老人星是也。我差福祿二仙。直至
太白山。引度孫思邈去了。這早晚敢待來也。〔福祿二仙引正末冲上〕〔見科〕〔南極云〕孫思邈

你來了也。〔正末唱〕

〔攪箏琶〕叫我聲孫思邈。看了他仙像最堪描。〔正末做認科〕〔南極云〕孫思邈。你爲何觀看貧道。〔正末唱〕因看你道貌非俗。端的是人間稀少。披鶴氅紫綃袍。想是他壽算崇高。逍遙來身軀一條。雜彩繡。引着一箇仙鶴。〔南極云〕孫思邈。你好有緣也。

〔笑科〕〔云〕孫思邈。你雖見紅塵富貴。豈知俺仙家快樂。仙童喚將八洞神仙來者。〔仙童云〕理會的。〔做喚科〕〔八仙同上〕〔見科〕〔南極云〕孫思邈。你認的這八位神仙麼。〔正末唱〕

〔鴈兒落〕我則見衆羣仙擺列着。打扮的真奇妙。〔南極云〕你認的這一位先生麼。〔正末唱〕這一箇葫蘆掌上擎。〔南極云〕那一箇拿板的呢。〔正末唱〕檀板胸前抱。〔南極云〕這一位拄拐的可是若何。〔正末唱〕這一箇拄鐵拐掛仙瓢。〔南極云〕這老人家有何顯跡。

〔正末唱〕驢蹄兒印在趙州橋。〔南極云〕這一位先生若何。〔正末唱〕將筑籬肩頭挑。〔南極云〕這一位拿仙花的可是如何。〔正末唱〕這一箇仙花手內搖。〔南極云〕你認的這一位先生麼。〔正末唱〕我這裡偷瞧。你當初夢遠邯鄲道。〔南極云〕這位仙長可是如何。〔正末唱〕這一位英豪。他可敢駕天風上九霄。〔南極云〕仙童喚將仙鶴舞的來。〔仙童云〕理會的。〔做喚科〕〔外報仙童鶴舞同上〕〔南極云〕唱着舞着。動着仙樂着。孫思邈。看俺仙家受用。

〔正末唱〕

〔掛玉鉤〕我則見錦瑟銀箏間玉簫。齊唱着昇平調。燕體輕盈舞六么。合奏鈞天樂。神仙每鼓掌歌。呷呷笑。擺列玉罍金盃。仙酒仙桃。〔南極云〕仙童望着。若天仙來到。報復我知道。〔外扮龍王領衆進寶隊子上〕〔云〕吾神東海龍王是也。今孫真人證果朝元。衆仙在瑤池慶會。小聖引本部水卒。各持異寶奇珍慶賀。可早來到也。孫師父。今日箇身登紫府。位列仙班。成仙了道。小聖特來慶賀也。當時染病在膏肓。則你這妙藥神方四海揚。得道昇真歸紫府。同朝玉境禮虛皇。〔做見科〕〔云〕孫師父。今日身登紫府。位列仙班。小聖特來慶賀。〔南極云〕孫思邈。東海龍王。怎生慶賀你來。〔正末唱〕

〔川撥棹〕我當初善醫療。把龍王醫病好。他和我結做知交。請入波濤。多贈與奇珍異寶。掛靈芝。懸瑞草。〔南極云〕既然龍王到此。舞着唱着。沉醉而歸也。〔正末唱〕

〔七弟兄〕唱着舞着樂醕醕。把塵緣一旦都丟了。把凡藥盡做仙家藥。今朝悟却其中奧。

〔梅花酒〕今日箇上紫霄。俗念潛消。仙袂飄飄。仙景瀟瀟。食交梨共火棗。有雪藕共冰桃。〔南極云〕今日宴賞蟠桃如何。〔正末唱〕

〔收江南〕今日箇九重春色醉仙桃。相隨仙侶任遊遨。跨青鸞同把玉皇朝。端的快樂齊祝讚吾皇聖壽與天高。〔南極云〕孫思邈。你今日功成行滿。身列瑤池。皆因你在世積功累行。你聽者。行醫道在世施仁義。積陰功人物蒙其利。治龍神病患得安全。保長生永遠無災晦。衆羣仙喜賞赴瑤池。勳仙晉一派笙歌沸。今日箇老人星闥苑宴蟠桃。遣的是孫真人南極登仙會。

題目

老龍王東海獻神方

正名

孫真人南極登仙會

南極登仙穿關

頭折

殿頭官

幘頭帶

補子圓領

祇從

項帕

圓領

尉遲恭

鐵幘頭

項帕

直裰

格膊

帶

皂袍

正

末孫真人

散巾

邊欄道袍

緋

盧照隣

秦巾

邊欄

道童

雙髻陀頭

邊

尉遲恭

緋

尉遲恭

又上前

楔子

尉遲恭

同卒子

紅碗子盃

青布

正末孫真人

同道童

前

道童

前

第二折

龍神

枕頭冠

上衫袍

方心曲領

火裙

錦綬

水卒

水卒頭

錦襖

項帕

正末孫真

人

前

道童

同前

執袋藥籃

虎

衣

龍神

一字巾

圓領

水卒

紗包頭

青

格膊

正末孫真

人

前

道童

同前

執袋藥籃

虎

衣

龍神

一字巾

圓領

水卒

紗包頭

青

格膊

正末孫真

人

前

道童

同前

執袋藥籃

虎

衣

龍神

一字巾

圓領

水卒

紗包頭

青

格膊

正末孫真

人

前

道童

同前

執袋藥籃

虎

衣

龍神

一字巾

圓領

水卒

紗包頭

青

格膊

正末孫真

人

前

道童

同前

執袋藥籃

虎

衣

龍神

一字巾

圓領

水卒

紗包頭

青

格膊

正末孫真

人

前

道童

同前

執袋藥籃

虎

衣

龍神

一字巾

圓領

水卒

紗包頭

青

格膊

正末孫真

人

前

道童

同前

執袋藥籃

虎

衣

龍神

一字巾

圓領

水卒

紗包頭

青

格膊

正末孫真

人

前

道童

同前

執袋藥籃

虎

衣

龍神

一字巾

圓領

水卒

紗包頭

青

格膊

正末孫真

人

前

道童

同前

執袋藥籃

虎

衣

龍神

一字巾

圓領

水卒

紗包頭

青

格膊

正末孫真

人

前

道童

同前

執袋藥籃

虎

衣

龍神

一字巾

圓領

水卒

紗包頭

青

格膊

正末孫真

人

前

道童

同前

執袋藥籃

虎

衣

龍神

一字巾

圓領

水卒

紗包頭

青

格膊

正末孫真

人

前

道童

同前

執袋藥籃

虎

衣

龍神

一字巾

圓領

水卒

紗包頭

青

格膊

正末孫真

人

前

道童

同前

執袋藥籃

虎

衣

龍神

一字巾

圓領

水卒

紗包頭

青

格膊

正末孫真

人

前

道童

同前

執袋藥籃

虎

衣

龍神

一字巾

圓領

水卒

紗包頭

青

格膊

正末孫真

人

前

道童

同前

執袋藥籃

虎

衣

龍神

一字巾

圓領

水卒

紗包頭

青

格膊

正末孫真

人

前

道童

同前

執袋藥籃

虎

衣

龍神

一字巾

圓領

水卒

紗包頭

青

格膊

正末孫真

人

前

道童

同前

執袋藥籃

虎

衣

龍神

一字巾

圓領

水卒

紗包頭

青

格膊

正末孫真

人

前

道童

同前

執袋藥籃

虎

衣

龍神

一字巾

圓領

水卒

紗包頭

青

格膊

正末孫真

人

前

道童

同前

執袋藥籃

虎

衣

龍神

一字巾

圓領

水卒

紗包頭

青

格膊

龍神同二折水卒同二折龜使者幘頭綠欄笏鰲使者幘頭綠欄笏正末孫真

人同前道童同前虎同前龜使者紗包頭青衣搭膊鰲使者紗包頭青衣搭膊龍神又上同前正

末孫真人龜鰲使者道童虎又上同前樂人紗包頭青衣搭膊

第四折

南極星如意蓮花冠鶴髦牌青衣童子秦巾邊欄福星如意冠鶴髦牌

祿星同前正末孫真人虎同前福祿二星又上同前四毛女髮髻篦兒襖兒裙

南極星又上同前福祿二星孫真人又上同前鍾離雙髻陀頭紅雲鶴道袍錦襖

雜彩縱執袋行纏洞賓九陽巾茶褐雲鶴道袍錦襖不老葉法墨道喬兒網


鐵拐陀頭阜補納錦襖不老葉法墨道喬兒張果老方巾邊欄道袍不

白髮白徐神翁秦巾雲鶴道袍不老韓湘子雙髻陀頭雲鶴道袍不老曹國

舅雙髻陀頭雲鶴道袍不老藍彩和詔巾綠仙童鶴舞五人龍王同前水卒

同前
進寶

乙卯正月十七日校內本清常道人



衆僚友喜賞浣花溪

闕名

第一折

〔沖末扮殿頭官引祇候上〕〔云〕碧玉堂前列管絃。珍珠簾捲裊沉煙。不聞闕外將軍令。專聽朝中帝主宣。小官乃殿頭官是也。今遇聖人在位。禮樂修明。君聖臣賢。小官在這待漏院。終朝每日。聽候皇宮之內。禁闥之中。宣命。端的是太平天子朝元日。五色雲中駕六龍。賞罷元宵。遇此春間。天道芳草茸茸。和風細細。今日早朝。小官奉着聖人的命令。放衆臣宰十日假限。去郊野之外。賞玩春光。同享太平。祇候人。你與我喚將賀知章李適之來者。〔祇候云〕理會的。〔喚科〕〔外扮賀知章同李適之上〕〔云〕文武英豪志氣高。詩成珠玉在揮毫。丹心報國施仁政。義膽忠肝輔聖朝。小官姓賀名知章。這一位姓李名適之。幼習儒業。博覽羣書。文章滿腹。三教皆通。見任大夫之職。喜遇八方寧靜。四海晏然。民樂雍熙。大行仁政。今有殿頭官着人來請。不知有甚事。須索走一遭去。可早來到也。祇候人報復去。道有賀知章李適之在於門首。〔祇候云〕理會的。〔報科〕〔殿頭官云〕道有請。〔見科〕〔賀知章云〕大人呼喚小官有甚事。〔殿頭官云〕你二位大人少待。祇候人與我請將蘇味道張叔明來者。〔祇候云〕理會的。〔請科〕〔外扮蘇味道張叔明上〕〔云〕太平時節

萬民康。雨順風調降吉祥。當朝宰輔施仁政。定亂除危鎮四方。小官姓蘇名味道。官拜少卿之職。這一位姓張名叔明。幼習先賢典故。喜攻詩詞歌賦。君子六藝。無不通曉。正在書房中閑坐。有殿頭官着人來請。不知有甚事。須索走一遭去。〔張叔明云〕可早來到也。祇候人報復去。道有蘇味道張叔明來了也。〔祇候云〕理會的。〔報科〕〔殿頭官云〕道有請。〔做見科〕〔殿頭官云〕呀呀。蘇大人張大人來了也。二位大人少待片時。齊聽聖命。左右你與我請宋之問來。〔祇候云〕理會的。〔喚科〕〔正末扮宋之問上〕〔云〕小官姓宋名之問。官拜上卿之職。幼習先王典故。留心學海。文林喜逢太平。八方寧靜。今有殿頭官令人來請。不知有甚事。須索走一遭去。〔唱〕

〔仙呂點絳脣〕四海歸一。八方寧謐。唐堯日。聖德巍巍。幸遇昇平世。

〔混江龍〕聖明君廣施仁義。武臣文宰盡扶持。千邦納土。萬國來儀。寰宇千門歌稔泰。聖明一統錦華夷。眞箇便無土馬干戈退。清寧蠻虜。淨掃戎狄。〔云〕可早

來到也。祇候人報復去。道宋之問來了也。〔祇候云〕理會的。〔報科〕〔殿頭官云〕道有請。〔做見科〕〔正末云〕大人呼喚小官。有何事。衆位大人都在此。恕罪也。〔賀知章云〕大人不敢不敢。〔殿頭官云〕請您衆位臣宰來。不爲別。小官今日早朝。奉聖人的命。慶賞元宵。節令已過。遇此春間天氣。芳草茸茸。和風細細。放衆臣宰每假限十日。去郊外游賞春光。賞心樂事。同享太平。您衆臣

宰望闕謝恩者〔正末云〕索是謝了聖命者〔唱〕

〔油葫蘆〕則見這聚集臣僚心內喜。我這裡忙施禮。他將這丁寧言語說端的。逢着這三春天道多明媚。羣芳綻坼含生意。〔蘇味道云〕看了這春間天道。杏花如錦。柳綠如烟。俺爲臣的托賴着萬乘帝主。洪福齊天。正宜賞心樂事也。〔正末唱〕見山邊紅杏開。喜園林萬木輝。你看那天桃嫩柳爭紅翠。端的是物色最堪題。〔張叔明云〕既有聖人的命令。俺衆臣宰收拾酒果盃盤。同往郊外游玩景致也。〔正末唱〕

〔天下樂〕俺如今同去閑游玩景致。須也波知。休要遲。看園林花卉錦繡堆。一來是百姓安。二來是游樂喜。則俺這爲臣的有正直。〔李適之云〕俺臣宰每若到郊外

游賞春光。看那莊農織婦。鋤田耕地。困來柳底眠。悶伴山妻坐。端的是同沾聖化也。〔正末唱〕

〔那吒令〕莊農每道理。奴耕也婢織。莊農每道理。秋糧也夏稅。莊農每道理。鋤田也灌畦。困來時柳底眠。困來時村翁會。笑引着稚子山妻。〔賀知章云〕趁此太平豐稔之年。禎祥屢現。五穀收成。桑麻徧野。這百姓好有福也。〔正末唱〕

〔鵲踏枝〕太平年有祥瑞。莊家每樂雍熙。端的五穀收成。足食豐衣。更有那桑麻萬里。有糧食戶戶堆積。〔殿頭官云〕小官奉命。說與衆臣宰。準備香車寶馬。載酒攜肴。同往

郊外游賞春景。暢飲開懷。小官回聖人命去也。〔正末唱〕

〔寄生草〕俺可便都說與。臣宰每都要知。俺都游春玩景歡情意。攜壺載酒閑遊戲。開懷暢飲。拚沉醉。香車寶馬往來交。游山玩水無拘繫。〔蘇味道云〕俺衆宰官且回去也。來日會合賞玩去也。〔殿頭官云〕您衆宰官先回去。休得違悞者。〔正末云〕俺明日游罷春郊。一齊謝恩者。〔唱〕

〔賺煞〕都要去賞春光。休孤負韶光媚。俺說的言詞莫違。你看那處處園林景物奇。喜孜孜樂意忘歸。共扶持。臣宰威儀。一片丹心思報國。保安了社稷。與皇家出力。但願的當今洪福與天齊。〔下〕〔殿頭官云〕衆臣宰去了也。小官回聖人的話。走一遭去。聖德巍巍萬象新。滿朝臣宰賞新春。山明水秀堪游樂。四海無虞仰至仁。〔下〕

第二折

〔外扮王璉引家童上〕〔云〕錦綉胸襟學業高。虹蜺志氣吐英豪。金鑾對策才如水。黃榜題名換綠袍。小官姓王名璉。官拜中書之職。幼習先賢經史。窮通妙理玄機。胸中背記五車書。腹內包藏千古事。今遇初春天氣。百花開放。一者天下太平。二者風調雨順。三者國泰民安。小官欲要會衆僚友。賞春游玩。共享豐年。有何不可。家童門首望者。若有人來。報我知道。〔家童云〕理會的。〔賀〕

知章上〔云〕滿朝朱紫貴。盡是讀書人。小官賀知章是也。夜來多謝聖人可憐。放俺衆臣宰十日假限。着令小官爲首。會衆臣宰去荒郊野外賞春游玩。說話中間。可早來到也。兀那家童報復去。說有賀知章在於門首。〔家童云〕理會的。〔報科〕〔王璉云〕一壁廂安排茶湯。道有請。〔家童云〕大人有請。〔做見科〕〔王璉云〕呀呀。大人貴脚來踏賤地也。〔賀知章云〕小官無事不來。昨日奉聖人的命。放俺臣宰十日假限。去郊外賞春游玩。同享太平。〔王璉云〕小官方纔說罷。正要來請大人。既有聖人的命。大人在此少待一時。小官令人請衆位大人來。一同會合游賞春景。〔賀知章云〕大人說的是。小官在此等候。〔王璉云〕家童。你與我請李太白來者。〔家童云〕理會的。李大人有請。〔外扮李太白上〕〔云〕宮錦袍鮮禮樂新。龍樓鳳閣受皇恩。玉堂金馬文章士。翰苑叢中第一人。小官姓李名白字太白。道號謫仙。官拜翰林學士之職。胸藏錦綉。口吐珠璣。走筆成章。無不通曉。正在書房中閑坐。有王大人來請。不知有甚事。須索走一遭去。可早來到也。家童報復去。說李白在於門首。〔家童云〕理會的。〔報科〕〔王璉云〕道有請。〔家童云〕大人有請。〔見科〕〔賀知章云〕呀呀。李大人來了也。〔李白云〕王大人。請小官不知有甚事。〔王璉云〕大人略等片時。家童請張旭大人來者。〔家童云〕理會的。張大人有請。〔外扮張旭上〕〔云〕筆走龍蛇志氣清。真行篆隸我皆能。三盃酒後詩千首。醉臥東窗日影紅。小官姓張名旭。官拜編修之職。幼習鍾王字體。講

明八法玄機。今有王大人來請。不知有甚事。須索走一遭去。可早來到也。家童報復去。說小官來了也。〔家童云〕理會的。〔報科〕〔王璉云〕道有請。〔家童云〕大人有請。〔見科〕〔王璉云〕呀呀。大人來了也。〔張旭云〕衆位大人在此。呼喚小官。不知有甚事。〔王璉云〕大人少待。家童請焦遂大人來者。〔家童云〕理會的。焦大人有請。〔外扮焦遂上〕〔云〕曾向燈窗惜寸陰。喜看經史理瑤琴。時逢春景多明媚。處處園林遂賞心。小官姓焦名遂。官拜中郎之職。幼習儒業。深通經史。今有王大人來請。不知有甚事。須索走一遭去。可早來到也。家童報復去。道小官在於門首。〔家童云〕理會的。〔報科〕〔王璉云〕道有請。〔家童云〕大人有請。〔見科〕〔焦遂云〕衆位大人在此。呼喚小官。不知有何事。〔王璉云〕大人請坐。等衆位大人都到。說與大人知之。家童去請杜子美大人來者。〔淨扮史思明上〕〔云〕我做官人實是高。烏紗象簡稱藍袍。有時吃的醺醺醉。騎疋瘦馬繞街跑。小官史思明是也。聞知得王大人宅內。請衆大人說話。小官也走一遭去。可早來到也。我自己撞過去。〔做見科〕〔云〕衆位大人在此。小官特來陪奉。未知列位容納否乎。〔賀知章云〕少要調文。既來之則安之。請坐請坐。〔王璉云〕家童門首望者。等杜大人來時。報復我知道。〔家童云〕理會的。〔正末扮杜甫引琴童上〕〔云〕小官姓杜名甫字子美。官拜工部郎中之職。幼習儒業。酷好吟詩作賦。適興遣懷。今有王大人令人來請。不知有甚事。須索走一遭去呵。〔唱〕

〔正宮端正好〕志氣又忠直。情性多謙讓。爲官的舉止行藏。吟詩作賦偏豪放。頓覺情懷暢。

〔滾繡毬〕吐珠璣錦繡腸。人都道杜甫狂。愛游春繞街穿巷。託賴着萬乘君王。致令得四海安普。天下百姓康。齊賀着太平景象。幸遇着明媚春光。一心待聚同僚友荒郊外。則待要作賦吟詩閑舉觴。趁着這日吉時良。〔云〕可早來到也。家童報復去。說我在於門首。〔家童云〕理會的。〔報科〕〔王璉云〕道有請。〔家童云〕大人有請。〔見科〕〔正末云〕衆位大人。在此久等。實乃小官之罪也。敢問大人請小官來。不知有何事。〔賀知章云〕今請衆大人來。不爲別。夜來奉聖人的命。放衆臣宰十日假限。出郊外賞春游玩。同享太平。〔李白云〕趁此春光明媚。小官願游玩也。〔正末唱〕

〔倘秀才〕聚僚友知章汝陽。會太白宗之尊長。蘇晉先生多伎倆。左相威凜凜。張旭貌堂堂。有焦遂清爽。〔云〕衆位大人。既然聖恩可憐。着俺去郊外賞春。就去小官莊上浣花溪。桃紅柳綠。明日盡醉開懷。〔史思明云〕蒙大人好意。小官先去打掃停當。走馬射箭。拿下幾箇獐子。兔子。與衆大人吃。纔見小官手段。〔正末唱〕

〔叨叨令〕俺去那荒郊野外閑游蕩。共賓朋樂此閑情況。喜桃紅柳綠都開放。

賞春光來往亭臺上。端的是快活也麼哥。快活也麼哥。俺賓朋共樂豐年象。〔賀

知章云〕俺衆臣宰託聖人弘福齊天。千邦納土。萬國來儀。端的游玩春光。放飲開懷也。〔正末

唱〕

〔脫布衫〕見如今萬國千邦。盡都來納土歸降。似此時相應玩賞。休辜負好春浩蕩。〔李太白云〕幸遇初春天道。日長時候。明日去賞春宴樂。各顯才學。吟詩作對。盡醉而歸。〔正

末唱〕

〔小梁州〕見如今四序清平。化日長。玩芳春歡宴徜徉。爲官全要顯忠良。相謙讓。志氣要軒昂。

〔么〕今朝聚集廳堂上。都待要講論文章。李白吟百首詩。蘇晉有江湖量。宗之高見。左相甚剛強。〔史思明云〕小官不是誇嘴。我的本事。錫鐵壺餅。大把吃的醉了。弄酒風。〔賀知章云〕你看這厮胡說。衆位大人。明日準備酒果杯盤賞春。俺且回去來。〔正末唱〕

〔尾聲〕今朝別來公卿相。明日尋春再舉觴。跨蹇挈壺野徑傍。野杏山桃正豔陽。俺八位臣僚盡歡賞。〔同下〕〔王璵云〕衆位大人去了也。明日聚集僚友。同去杜子美家浣花溪上賞春去來。明日挈壺去賞春。浣花溪上景方新。滿朝臣宰同游玩。託賴天家覆幬恩。〔下〕

第三折

〔外扮院公上〕〔云〕我是杜家一院公。看守莊園用意勤。時遇太平好天氣。萬紫千紅總是春。老漢是杜甫家院公杜成的便是。看守着這浣花溪。莊田池塘。花木果樹。今日杜大人令人來分付。打掃浣花溪。請衆大人在此賞玩春光。老漢不免喚本村沙三伴哥牛斤牛表來。一齊打掃。牛斤牛表安在。〔淨扮牛斤牛表上〕〔牛斤云〕我做莊家實是莽。不去耕田則揉痒。聽的家長叫一聲。肚裏碎屁繞村響。小人牛斤的便是。這箇是俺兄弟牛表。正在山上放牛吹笛兒耍子。有看莊老漢叫我們。不知有甚事。須索走一遭去。〔做見科〕〔杜成云〕您二人來了也。〔牛表云〕老漢叫我們做甚麼。〔杜成云〕叫你衆人幫助我打掃浣花溪。我家大人請衆大人賞春。〔牛斤云〕賞春。他也肯帶挈俺一分兒麼。〔杜成云〕安插不的你。〔牛表云〕你連忙裝下兩壺渾酒。俺便與你打掃。〔杜成云〕這箇是少不的。等沙三伴哥來着。〔正末扮沙三同伴哥禾傑上〕〔云〕小人是沙三伴哥是也。俺在這鄉村中住坐。時遇春間天道。萬花開放。柳綠如烟。況去年仲冬謝天公降下瑞雪。看了今年這等風調雨順。比往年不同也呵。〔唱〕

〔越調鬪鶴鵲〕四海清寧。千邦樂土。處處謳歌。人人鼓腹。喜的是雪降三冬。民同上古。明聖主。享大福。雨順風調。收成五穀。〔伴哥云〕哥哥。俺這莊農每春耕夏耘。秋收

冬藏。游山看水。是好快樂也呵。〔正末唱〕

〔紫花兒序〕止不過深耕淺種。南畝東郊。簑笠犁鋤。無憂無慮。眼展眉舒。喧呼。綠柳陰濃。護草廬。飽諳農務。見了些芳草斜陽。烟雨模糊。〔云〕可早來到也。〔見科〕

〔杜成云〕您都來了也。〔正末云〕喚俺來不知有甚事。〔杜成云〕喚你來不爲別。夜來俺家大人。令人來分付。打掃浣花溪。請衆位大人游春飲酒。特叫你們來幫助我。〔禾傑云〕我們唱箇村田樂曲兒。扶持衆老爺們罷。〔牛表云〕俺也助他兩三樣晒下的瓜菜兒。〔正末唱〕

〔小桃紅〕引着那伴哥。同去見園夫。我見他語話頻分付。言說來朝杜工部。會羣儒。游春樂事觀風物。都是那飲中伴侶。怎肯將春光孤負。都則待玩賞盡歡娛。〔杜成云〕你們快開了園門。疾忙收拾打掃。〔牛表云〕大公家甚麼山肴薄酒。與我們些接接力。等明日老大人來。俺也有添換與他。〔正末唱〕

〔金蕉葉〕我可便急荒忙。門開園圃。淨掃了桃溪竹塢。更有那奇花數簇。專等那游春杜甫。〔伴哥云〕哥。可知道大人每來游賞。真箇好奇花綻錦。細草鋪茵。是好看也。〔正末

唱〕

〔調笑令〕看園林景物似堪圖。你看那芳草茸茸錦繡鋪。千紅萬紫堪瞻顧。喜

春風桃李爭敷。狂蜂浪蝶簷外舞。綠楊堤燕語鶯呼。〔禾傑云〕轉過這邊。好大戶人家。

看那倉場米麥堆積如山相似的。〔牛表云〕哥明日吃了酒和弟兄商量了。偷他些家裏媳婦孩子吃。〔牛斤云〕拿住不是要。〔牛表云〕你曉的。一日不識羞。三日不忍飢。〔牛斤云〕那箇不忍飢。

〔正末唱〕

〔禿厮兒〕更有那盈倉豆黍。端的是徧野桑榆。低低茅屋有數區。俺中朝每用工夫。放浪形軀。〔杜成云〕看了俺這山間林下。活魚新酒。紫蟹紅蝦。無拘無束。倒大來是好幽哉也。〔正末唱〕

〔聖藥王〕樂有餘。無拘束。東村有酒索頻沽。飲興濃歡自取。直吃的醕醕沉醉待何如。有兒婦緊相扶。〔杜成云〕今日多生受了衆人來日千萬幫扶。〔正末云〕多謝大公。俺回去也。〔牛斤云〕哥。你好歹也正吃到好處。怎生捨的去了。〔杜成云〕今日天色晚了。明日早來。

〔正末唱〕

〔尾聲〕則俺這莊農每若得同相聚。直等到收成事舉。那其間賽社事從容。衆齊歌太平曲。〔同下〕〔杜成云〕莊夫每去了也。浣花溪打掃的乾淨了。準備明日衆大人賞春游玩也。浣花溪水水西頭。主人爲卜林塘幽。洒掃亭臺并花園。安排僚友賞春游。〔下〕

第四折

〔扮賀知章李適之蘇味道張叔明王璵崔宗之張旭蘇晉李太白焦遂引從人攜酒肴上〕〔賀云〕載酒攜肴出鳳城。香車寶馬往前行。猛拚痛飲堪遊賞。無限恩光荷聖明。小官賀知章是也。這衆位乃是李適之蘇味道張叔明王璵崔宗之張旭蘇晉李太白焦遂。俺衆臣宰多蒙聖恩。着令賞春游玩。來到杜大人浣花溪。擺列酒肴。怎生不見杜大人到來。〔李適之云〕僕從人一壁廂望着。若杜大人來時。報復我知道。〔從人云〕理會的。〔正末引淨扮琴童攜酒肴上〕〔云〕小官杜甫是也。夜來分付打掃浣花溪。與衆臣宰玩景賞春。走一遭去。〔唱〕

〔雙調新水令〕今日箇賞春開宴會。臣僚幸逢着萬民歡樂。八方無土馬。四海息波濤。喜遇花朝。駢車馬盡來到。〔淨云〕老爹。可早來到也。〔正末云〕呀呀呀。衆位大人來了也。〔蘇味道云〕俺衆僚友等候多時了也。〔正末云〕小官來遲。索是得罪。請衆大人到浣花溪去來。〔唱〕

〔喬牌兒〕我則見衆賓朋擺列着。賞春景好天道。序寒溫僚友謙恭貌。我這裡謹躬身相見了。〔賀云〕可早來到浣花溪也。是好一箇熱鬧處所。俺衆僚友遇此春光明媚。當的開懷沉醉也。〔正末唱〕

〔鴈兒落〕賀知章情性高。李太白詩詞妙。左丞相秉正直。蘇晉卿通三教。〔淨云〕溪邊岸口。折幾枝桃杏花兒。與你們插插。也是一時風光。〔王璵云〕這厮不要胡說。靠後。看了這桃紅似火。柳綠如烟。堪描堪畫。〔正末唱〕

〔得勝令〕都來玩賞樂逍遙。談笑飲香醪。岸口環新柳。牆頭綻小桃。清標紅杏枝頭鬧。堪描。李花白雪飄。〔云〕左右人。一壁廂擡過果卓。篩酒來。〔崔宗之云〕大人。俺滿飲幾盃。〔正末唱〕

〔甜水令〕俺這裡暢飲開懷。傳盃弄罌。情歡心樂。半醉把詩嘲。〔張旭云〕你看那春鳥相呼。林鶯嚶嚶。紫燕喧喧。蝶舞風翻。正好吟詩作賦。開懷暢飲也。〔正末唱〕則見那燕語鶯啼。蜂喧蝶亂。萬葩千萼。端的是春色偏饒。〔李白云〕衆大人看了此春景。天道端的是好賞心樂事也。小官對此春景。口占四句。〔賀知章云〕願聞願聞。〔李白云〕簇簇園林景色新。桃紅柳綠鬪爭春。尋芳載酒須歡飲。盡是當朝衆宰臣。〔李適之云〕好高才也。左右看有甚麼人來。〔使命冲上〕〔云〕雷霆驅號令。星斗煥文章。小官乃天朝使命是也。聖人放衆臣宰十日假限。游玩春光。賞心樂事。衆官都在杜甫浣花溪上賞春游樂。小官奉聖人的命。賜御酒。美着。可早來到也。僕從人報復去。說有天朝使命到此。〔從人云〕理會的。〔報科〕〔賀知章云〕呀呀呀。俺衆官索

迎接去〔接見科〕〔正末云〕早知大人到來。只合遠接。接待不着。勿令見罪也。〔使命云〕您衆官員近前來。小官奉聖人的命。知道你在此賞春。令小官賜御酒美肴。來與衆官同共歡賞也。〔衆拜科〕〔云〕感謝聖恩。大人就請到園中同飲幾盃。俺明日早朝謝恩去。〔正末唱〕

〔折桂令〕錫天廚美酒嘉穀。衆位公卿樂樂醕醕。麟脯馳峯。珍羞百味。熊掌羊羔。更有那交梨火棗。將着這仙酒仙桃。任意遊遨。瀟灑清標。仰祝吾皇洪福天高。〔張旭云〕多謝聖恩。犒勞俺衆臣。自古堯舜禹湯君臣。共樂太平。無過於今日也。〔正末唱〕


〔沽美酒〕荷當今明聖朝。賽禹舜過湯堯。祝贊昇平慶賀了。普天下黎民快樂。四野裏盡歌謠。〔焦遂云〕既蒙聖恩可憐見。又遇春景豐饒。百花開放。當盡醉而歸。到明日一齊赴闕謝恩。〔正末唱〕

〔太平令〕齊賀着豐年之兆。愛賞着美景良宵。幸遇着春光天道。看着。玩着。一齊的拜了。但願的萬萬載家家歡笑。〔使命云〕您衆臣近前。跪聽聖命。則這賞春光聚集臣僚。樂陶陶笑飲香醪。看園林萬花如錦。杏桃紅開徧東郊。杜子美開筵設會。浣花溪景致清標。奉聖命都來慶賞。賜與您美酒佳肴。來日箇同臨帝闕。一齊的拜謝皇朝。

題目 聖明君命玩春和景

正名 衆僚友喜賞浣花溪

萬曆四十三年孟春念有五日校山東于相公子中舍小穀本清常道人琦



招涼亭賈島破風詩

闕名

頭折

〔沖末韓愈領祇從上〕〔云〕變理陰陽一大儒。調和鼎鼐輔靈輿。扶持正道行王化。贏得聲名貫帝都。小官姓韓名愈字退之。幼習儒業。頗看詩書。自中甲第以來。累蒙擢用。先拜吏部尚書之職。見小官廉能清正。節操堅剛。常盡於忠孝正直。今有聖人的命。開放選場。着天下書生。都赴京師應舉。着小官爲主司考卷。如今有各處的書生。都到此京師。各處安下。今奉聖人的命。恐有賢良方正。博學廣文的秀才。恐怕沉埋了他文學。以此上着小官更改了衣服。私行體察詳細。小官不敢久停。便索私行。走一遭去。親捧龍箋帝澤深。訪賢禮士細搜尋。文章才子公推舉。不負吾皇養士心。〔下〕〔正末扮賈島騎驢上〕〔云〕小生姓賈名島字浪仙。范陽人氏。幼習儒業。頗看詩書。聽知的開放舉場。小生待進取功名去。想我空學成滿腹文章。知他何日是我那發跡的時節也。呵。〔唱〕

〔仙呂點絳脣〕不遇文王。漫學呂望。空惆悵。五典三綱。吾道天將喪。

〔混江龍〕看蒺藜沙上。被東風拂地一般香。常思故國。久困他邦。萬里雷霆驅

號令抵多少一天星斗煥文章。我也曾囊螢積雪。鑿壁偷光。胸懷浩浩。志氣昂昂。枉屈沉殺五陵豪氣的這三千丈。我一身蹭蹬。浮世乾忙。〔云〕想小生空有冠世

文章。不能設一官半職也。〔唱〕

〔油葫蘆〕我便似那學干祿無能莽子張。我是箇真棟梁。茅簷燕雀鬪爭強。恰便似蝴蝶兒撞入蜘蛛網。恰便似蛟龍又被蝦蟆當。〔云〕自古以來。不則小生受貧也。〔唱〕有一箇伊尹能更和那姜呂望。他每都爲書生半點兒無虛妄。我則待朝聞道暮干場。

〔天下樂〕我道來自古男兒當自強。我可便參詳。空指望。誰肯道爲黎民舉直錯諸枉。我則待用之則行。舍之則藏。可不道寒門出將相。〔云〕小生乘着一塞衛。早

間行至北邙山下。見一面詩牌。是孟郊先生作下兩句詩。孟郊死葬北邙山。日月星辰斗角閑。小生後續了兩句道。天意文章渾斷絕。又生賈島在人間。劈了大言牌。小生行至一山寺中安下。夜間一箇和尚。敲門擊戶。開去不見了。不開他却叫。院中花池裏面有百鳥爭窩。攪鬧的小生一夜不得睡。我指此作了一聯。鳥宿池中樹。僧敲月下門。思慮中間。則是打盹。我在這驢背上。權且打盹者。〔做盹科〕〔外扮陳皓古領祗從驢馬兒上〕〔云〕農事已隨春雨辦。差科猶比去年稀。矮

窗睡足遲遲日。花落閑亭燕子泥。小官陳皓古是也。幼習儒業。頗看詩書。自中甲第以來。累蒙擢用。隨朝數載。頗有政聲。謝聖人可憐。除小官本處大尹之職。今日早朝已罷。還衙門中去。擺開頭踏。慢慢的行。〔見正末做冲走科〕〔陳皓古云〕令人。一箇秀才衝撞着小官馬頭。與我拏近前來。我問他。〔祇從云〕理會的。兀那箇秀才。你爲何衝着俺相公馬頭。你向前見俺相公去。〔正末唱〕

〔醉中天〕擺列着無語紅衙杖。簇擁着肥馬紫衣郎。你便是見世蕭何無這般氣象。〔云〕他是箇甚麼官人。〔祇從云〕他是本處大尹相公。〔正末唱〕更做道大尹無謙讓。由你那自鬧呵。咱家不慌。早做甚怒從心上。者麼啗入陰司。便見閻王。〔陳皓古云〕兀那箇秀才。你那裡人氏。姓甚名誰。因甚麼衝着小官這馬頭。你慢慢的說一遍。〔正末云〕相公暫罷虎狼之威。小生范陽人氏。姓賈名島。字浪仙。聽知的選場開。求官應舉。行於路途之中。偶然間衝撞着老相公馬頭。望相公寬恕者。〔陳皓古云〕我觀此人出語非俗。兀那秀才。你既有如此文章。可怎生還在布衣之中。想必你不肯屈脊於人麼。〔正末唱〕

〔那吒令〕我待要謁託人。無范堯夫伎倆。我待要結交友。無元伯義讓。如今這等養劍客。無孟嘗君的度量。韓信乞食在漂母前。呂蒙擲筆在長街上。伍員吹

蕭在吳國丹陽。

〔鵲踏枝〕何況我守寒窗。傲風光。〔云〕夜間山寺中安歇下。無鋪無蓋。使好道渾身是藝難遮冷。滿腹文章不當饑。〔唱〕我則道凍裂皮膚。餓斷饑腸。悄然間心頭自想。〔云〕相公自古來不則賈島受窮也。〔唱〕當初孔宣聖在陳蔡絕糧。〔陳皓古云〕如今聖人開放選場。着天下文章之士應舉。憑你這等文學。愁甚麼官不做也。〔正末唱〕

〔寄生草〕早是我離鄉黨。我如今赴選場。我則待布衣走在金堦上。立身圖畫麒麟上。幾時得功名標寫在凌煙上。我遠東京千里洛陽城。恰便似鳳凰飛在梧桐上。〔陳皓古云〕小官觀此人有大志。兀那秀才。你既是秀才。何不作詩一首也。〔正末云〕相公指甚爲題。〔陳皓古云〕單指着你怎生衝着小官馬頭。便是題目也。〔正末云〕詩就了也。〔陳皓古云〕你就表白一遍者。〔正末云〕遊山翫水兩三回。爲念風光意懶歸。悞騎蹇驢衝大尹。且從寰海待風雷。〔陳皓古做下馬科〕〔云〕左右接了馬者。呀呀呀。賢士端的好高才也。〔正末云〕小生不敢。〔陳皓古云〕敢問賢士。平昔間做甚功課也。〔正末云〕小生有做下的萬言長策在此。〔陳皓古云〕賢士不知。如今聖人開放選場。任用賢才。賢士有如此般高才。博學廣文。小官如今將賢士萬言長策。聖人跟前保舉過。教宣命請你入朝爲官。你意下如何也。〔正末云〕多謝了。

相公。〔陳皓古云〕賢士休往別處去。且在此妙香寺中安下。等我聖人跟前保奏過。可來請賢士爲官也。〔正末云〕多謝了相公也。〔唱〕

〔尾聲〕當殿脫白衣。平地登金榜。及第在一時半晌。聖明主如今開選場。我賽蘇秦衣錦還鄉。自斟量何顯文章。得志也男兒當自強。你看我列朱衣兩廂。擺骨朵衙杖。那時節笑談間奪的狀元郎。〔下〕〔陳皓古云〕不想小官到此。相遇着這箇秀才。乃是賈島。此人有經綸濟世之才。補完天地之手。我着此人權在這妙香寺中安下。我將着此人萬言長策。往聖人跟前保奏過。着此人爲官。可是爲何。便好道舉善薦賢。必有安身之處。看此人胸中志氣吐凌雲。他那腹內文章絕比倫。陳言獻策將賢士薦。我直教披袍秉笏見明君。〔同祇從下〕

第二折

〔外扮秀雲長老領淨行者上〕〔長老云〕明心不用優花撚。見性何須貝葉傳。日出冰消原是水。回光月落不離天。貧僧乃妙香寺中秀雲長老是也。貧僧在此妙香寺中住持。今奉聖人命。開放選場。着天下秀才。都赴京師應舉。多有在貧僧寺中安下。近間有一書生。姓賈名島字浪仙。他也來應舉。有本處陳大尹相公。使人送將這箇秀才來。在此安下。貧僧每日齋食管待。則說此人博

學廣文。今日無甚事。我着行者請將賈秀才來。在此經閣上閑攀話者。行者則在門首。若賈島來時。報復我知道。〔正末上〕〔云〕小生賈島。自到此寺中。可早數日光景也。前者有陳大尹相公。將的小生萬言長策去了。不見音信。多虧這秀雲長老。每日齋食管待。恰纔行者來請。須索見長老。走一遭去。行者報復去。道賈島來了也。〔行者云〕理會的。〔做報科〕〔云〕師父。有賈秀才來了也。〔長老云〕道有請。〔行者云〕理會的。有請。〔見科〕〔長老云〕秀才來了也。〔正末云〕長老。多有攪擾也。〔長老云〕秀才。管待不着。恕貧僧罪也。秀才請坐。貧僧久聞足下大名。有伊呂之才。冠世文章。今大尹相公要舉薦先生。據着足下滿腹文章。觀富貴如同翻掌也。〔正末云〕陳大尹將的萬言長策去了。未知如何。非賈島說大言。天下文章一石。小生獨攬九斗九升在懷。爭奈小生文齊福不至。便好道時也。運也。命也。〔唱〕

〔南呂一枝花〕我如今半生陋巷居。枉受了十載寒窗苦。不能殼紫羅襪。白象笏。幾時得玉帶掛金魚。久困窮途。未立窮活路。莫不我五行差。無分福。那箇似蕭何舉薦韓侯。誰肯學徐庶保南陽鳳雛。

〔梁州〕端的便誰肯學管仲鮑叔。誰肯似結交游魯肅周瑜。我一朝得志登雲路。〔云〕教長老便道。你至如今不得已而爲之。你說大言。〔長老云〕據着先生文學。久後必然蟬噪。

先生因何說此話也。〔正末唱〕非是我論黃數黑者也之乎。不能穀重裊而臥。肥馬輕車。一回家上心來。空自躊躇。兀的不屈沉殺受困寒儒。〔云〕長老。小生應舉。有椿比喻也。〔長老云〕先生有何比喻。〔正末唱〕我我我。守寒窗似跌了彈的斑鳩。是是是。則我這窮身命。恰便似水滄了的老鼠。來來來。我今日箇跳龍門。恰便似油甕裏的鮎魚。自家分福。可不道書中自有黃金屋。樂天理寸心欲。學得詩書空滿腹。知他我命裏何如。〔長老云〕先生言者當也。秀才。你權在此經閣上溫習你那功課。貧僧有施主家請我看經去。先生你少怪。行者一壁廂看齋食。管待先生也。〔行者云〕理會的。〔正末云〕長老。你去。小生理會的。〔長老云〕你恕罪。我去施主人家走一遭去。〔下〕〔正末云〕小生在此經閣上看幾行書者。身子有些困倦。搭伏定書卓兒。權且盹睡者。〔韓愈上〕〔云〕龍樓鳳閣九重城。新築沙堤宰相行。我貴我榮君莫羨。十年前是一書生。小官韓退之是也。今因聖人開放選場。着天下秀才應舉。都赴京師。小官奉聖人的命。恐防考官有弊。沉埋了那等文學之士。着小官更改了衣服。私行體察一遭。來到這妙香寺中。我入的這三門。兩廊佛殿前後。都是秀才安下。來到這經閣上。奇怪也。別的書生都在兩廊下佛殿裏安歇。惟有這箇秀才在這經閣上。搭伏定卓兒睡着。傍邊放着一卷書。我試看者。好寫染也。端的是龍蛇之體。金石之句。好寫染也。〔正末做醒科〕

〔云〕你何人也。〔韓愈云〕小生是一箇書生。〔正末云〕你既然是箇書生。既讀孔聖之書。必達周公之禮。你怎敢偷盜我的文卷。〔韓愈云〕小生恰纔見此書。不知甚麼文書。〔正末唱〕

〔隔尾〕你既爲儒士求科舉。這的是十三卷先賢古聖書。〔韓愈云〕小生是箇應舉的秀才。恰纔到此也。〔正末云〕你也稱箇秀才的二字。這包含天地謂之秀。走筆成章謂之才。〔唱〕你須是盜聽偷學莫疑悞。我罵你箇匹夫。我須是白衣的宰輔。這文章我待要獻與當今聖明主。〔云〕兀那秀才。可不道人將禮樂爲先。樹將枝葉爲榮。真乃馬牛襟裾。爾退。

〔韓愈云〕先生你恕罪。是小生的不是了。我出的這門來。此人好生無禮。敢毀罵小官這一場。不知此人姓甚名誰。怎生得一箇人來。問他一聲。可也好也。〔長老上〕〔云〕貧僧恰纔施主家赴齋已回。早到三門首也。〔見官人科〕〔云〕兀的不是老相公。貴脚來踏賤地。貧僧失於迎接。〔韓愈云〕和尚你休大驚小怪的。我別的都不問。你這經閣上這箇秀才。姓甚名誰。〔長老云〕上告大人得知。此人乃是范陽人氏。姓賈名島。字浪仙。因應舉在貧僧寺中安下。大人因何問此也。〔韓愈云〕此人是賈島。和尚你不知道。小官恰纔到此經閣上。看他那手卷。此人將小官毀罵了一場也。〔長老云〕大人可憐見。此人不認的是相公。怎生寬恕者。〔韓愈云〕和尚。我看你的面皮。我不怪他。你則回去。〔長老云〕貧僧理會的。〔韓愈云〕我出的這寺門來。雖然賈島語言相

觸看了此人內才外才相稱。可以重用。不敢久停久住。便去聖人跟前說過。必着此人爲官。可是爲何。聖朝輔佐必良才。野有賢人久困埋。今朝察訪當推舉。秉笏披袍拜御塔。〔下〕〔長老云〕相公去了也。我來到這經閣上。秀才。〔正末云〕長老。你回來了也。〔長老云〕我回來了也。敢問秀才。你恰纔見甚麼人來。〔正末云〕我恰纔盹睡着。一箇書生偷看我的文卷。被小生罵將去了也。〔長老云〕秀才你禍事也。恰纔你罵的那箇秀才。他不是你一般的書生。他是吏部尙書韓退之。私行到此。正意看你的文章來。你怎生罵將他去了。〔正末云〕似此怎了也。〔唱〕

〔罵玉郎〕也是我年災月值合遭遇。可着我空長嘆。自躊躇。則您這僧堂中不是求賢處。我恰纔罵宰輔。他那裡發忿怒。這罪過無輕恕。

〔感皇恩〕想着我千里程途。常好是運拙窮儒。好着我自埋怨。自感嘆。自思慮。〔長老云〕恰纔相公到此。你怎生毀罵他來。〔正末唱〕我見他一時到來。恰便似沒嘴的葫蘆。〔云〕長老。是誰的不是。〔長老云〕你道是誰的不是。〔正末云〕是他的不是了。〔長老云〕怎生是他的不是了。〔正末唱〕誰着他不要着白象笏。不戴着皂紗巾。不穿着紫朝服。

〔採茶歌〕我罵的他下街衢。褪身軀。疑怪他無言回首轉猶豫。想着我萬水千山來應舉。怎想我十年空費死工夫。〔做跪科〕〔云〕師父你救我一命者。〔長老云〕秀才。

你在此難停住。你改了你姓名。你去香爐山雲蓋寺中。你投奔我師兄慶雲長老去。我與你這一本金經。與你一封書。他若見了我這書。他必然收留你在那裡。你一路上小心在意者。〔正末云〕謝了師父。不敢久停久住。將着這本金經。直往香爐山雲蓋寺。投奔慶雲長老去。罷罷罷。〔唱〕

〔尾聲〕我便似喪家之犬無歸路。幾時得架上三封天子書。眼見的深山裏藏。野寺裏宿。我無處施文。那裡論武。眼見的沉埋了我滿腹詩書。遠離了我金帶紫羅襪。白象笏。〔下〕〔長老云〕賈島去了也。誰想他觸犯着韓退之。此人害慌了。私奔逃去了。賈島。若到雲蓋寺中。見了慶雲長老。必然收留他也。則爲他時間故把言詞毀。故教文相惱心懷。貧僧指與菩提路。救出賢儒梁棟材。〔同行者下〕

第三折

〔韓愈領祇從上〕〔云〕萬里雷霆驅號令。一天星斗煥文章。小官韓退之。自從妙香寺中經閣上。見了賈島。看了文卷。將小官毀罵了一場。我對長老說知此事。將他罵我的罪都恕過了。因他有才學。小官在聖人跟前。保舉他爲官。又有陳皓古將着萬言長策。聖人前又說過了。教他爲官。不想此人毀罵了小官。他害慌也。私奔走了。聖人得知。差白侍郎將着聖語。教他隨處尋覓。爲何如此。因此人有經綸濟世之才。補完天地之手。見了此人萬言長策。聖心大喜。差白侍郎走馬便去。

隨處尋覓買島入朝。加官賜賞。令人說與侍郎。一路上小心在意。疾去早來。買島才名衆所知。只因命蹇苦流離。一朝得志登雲路。四海聞名福祿齊。〔下〕〔外扮慶雲長老上〕〔云〕澗水煎茶燒竹葉。袈裟零落任風吹。看經則在明窗下。落花開總不知。貧僧是香爐山雲蓋寺長老。法名慶雲。自幼捨俗出家。今在此雲蓋寺住持。近間有一書生。姓賈名島字浪仙。此人因爲在妙香寺毀罵了韓退之相公。此人害怕。持着秀雲長老的書呈。投於貧僧。收在寺中。更改名姓。着他隱藏出家。喚做五戒。今日貧僧施主人家赴齋去。我如今喚出我大徒弟小志來。分付他。小志安在。〔淨扮行者上〕〔云〕我做釋門真和尚。女兒小厮擺兩炕。半夜三更吊下來。着我一五一十都數上。我是小志和尚。正在香積廚下燒火。有師父叫我。不知有何事。我見師父去。〔做見長老撞頭科〕〔長老云〕你怎麼撞將我來。〔行者云〕師父。徒弟不比你。你剃的箇頭兒光光的。我是箇帶髮的和尙。上面也有壁虱狗蚤。你徒弟頭重也。撞着師父。你休怪。〔長老云〕你看這厮。今日施主人家請我赴齋去。你和五戒。則在寺中。你將這三門閉上。怕有賓客至。你記在水牌上。等我回來看。〔行者云〕師父。你放心去。我知道了。〔長老云〕我去赴齋去也。〔下〕〔行者云〕師父去了也。五戒你出來。〔正末上〕〔云〕自家買島的便是。自前者在妙香寺中罵了韓退之。多虧秀雲長老與了我一本金經。教我來到這香爐山雲蓋寺中。見了慶雲長老。教我改了名姓。隱藏出家。喚

名無本。又喚做五戒。每日打勤勞。今日師父往施主家赴齋去了。師父着我前後打掃的乾淨。恐怕有士客來。賈島你好命薄也。我想先賢兩箇古人。我學不的一箇也呵。九日馳驅一日閑。尋僧不見又空還。怪來詩句清人骨。門對寒梅雪滿山。〔唱〕

〔正宮端正好〕論賢才舉臯陶。採良相爲伊尹。〔云〕想着我騎驢衝着大尹時。〔唱〕題起入雍雍讀作聲州城。喪膽亡魂。我如今一千年不敢往前進。剗的教我日遠長安近。

〔滾繡毬〕我不合發怒言罵宰臣。逞雄才不認人。須是我自做的有家難奔。剗的教我打勤勞。掠地拂塵。衫袖黃披野雲。將掃帚手內存。點蒼苔落紅掃盡。兀的不屈沉殺咸陽筆掃千軍。往常時攀蟾折桂求伸事。今日箇野草閑花作近隣。感嘆傷情。〔見科〕〔正末云〕行者問訊哩。〔行者云〕五戒你來了也。師父的言語。教我和你

在寺中打掃。教把三門緊閉着。但凡事你則依着我者。〔正末云〕我關上三門。看有甚麼人來。

〔白侍郎上云〕雪窗螢火費辛勤。盡道文章可立身。一舉首登金榜日。官居極品作朝臣。小官白侍郎的便是。奉聖人的命。因爲賈島私奔。着小官持着聖語。隨處尋問此人。來到這香爐山雲蓋寺。一座好高山也。你看這山嵯峨嶮峻。萬仞千疊。向陽處花開似錦。背陰處臘雪猶存。這山根

盤足底。頂接青天。枯松常惹亂雲纏。翠竹每依霞彩立。山鷄共峙鷄相聞。天河共澗水合流。採樵人背靠着焰摩天。牧牛童手扳着擎羅樹。山尖湧出瑠璃塔。頑石常臥斑斕虎。松枯有如盤着龍。澗水渾如走着馬。石壁湧出箇瀑布泉。恰便似玉壺倒瀉三江水。水流十字交加綠。雨打岩崖畢剝聲。恰便似青黛染成千塊玉。碧紗籠罩萬堆煙。且休說這山高。更有座好寺也。祥雲籠寶閣。瑞霧罩鐘樓。三聖殿瑠璃瓦上接青霄。舍利塔直侵雲漢。殿前有婆婆娑娑四五千株大夫松。殿後有斑斑點點六七萬竿君子竹。兩條石柱夾旛竿。牌上勅賜菩提院寺。怕不好蓋造。未知裏面脩行的人如何。我來到這三門前。可怎生關着這門。我與你擊戶者。和尚開門來。〔行者云〕五戒。甚麼人喚門哩。我與你開門去者。〔正末云〕行者。未知甚麼人叫門哩。〔唱〕

〔倘秀才〕我謹奉着吾師教訓。錯猜做孔子顏回問仁。那裡有那白日僧敲月下門。莫非有賢居士。必定是箇路行人。行者你出門去動問。〔行者做開門科〕〔云〕可塔撲支。師姑每接了門門者。〔見科〕〔行者云〕相公是那來的客官。〔白侍郎云〕小官乃是白侍郎。因經過此處。來您這寺院中遊翫散心。兀那小和尚。你喚做甚麼名字。〔行者云〕我不知道。他叫做五戒。〔白侍郎云〕你這廝每好生無禮也。你這箇寺裏面。無一箇好聰明的和尚答話。小官是朝中的白侍郎。這禿廝每見我無箇禮數。這廝每不識箇賢人。眼內無珠也。〔正末云〕

行者。他是何人也。〔行者云〕你休問他。他是白侍郎也。〔正末云〕他是那白侍郎。我待回他兩句。來則怕此人認的我。我待不言語來。兀的不氣殺我也。〔唱〕

〔滾繡毬〕他道我不識人。無眼睛。吾師行怎當這場惡問。則您這教門兒背義忘恩。〔白侍郎云〕兀那五戒。你說誰哩。行者。他是甚麼人。〔行者云〕他是我的師弟哩。〔正末唱〕聽的他問我姓名。爭些兒說了我魂。他不轉睛把咱來廝認。我錯支刺進退無門。〔白侍郎云〕你藏頭行者不識人。施贖和尚無眼睛。〔正末唱〕害饑時東洋海內尋兄長。你喫的飽時由你去西出陽關別故人。來我行子曰詩云。〔白侍郎云〕小官看了這五戒。出言吐語非俗。我試再問他者。賦。你那長老何方去。〔正末云〕門徒請赴齋。〔白侍郎云〕何時歸故里。〔正末云〕不晚便回來。〔行者云〕五戒好對好對。一箇道何時歸故里。一箇道不晚便回來。俺師父是箇出家兒的和尚。他不回來。沒的往姑姑庵裏做滿月去了不成也。〔白侍郎云〕兀那小和尚。你這寺內。怎生僧人稀少。〔正末云〕山下化瓦糧去了。〔白侍郎云〕這箇是甚麼寺。〔行者云〕這的是雲蓋寺。〔白侍郎云〕既然雲蓋寺。何須化瓦糧。〔正末云〕雲遮菩薩頂。瓦蓋衆僧堂。〔白侍郎云〕兀那影壁高處。畫着兩般飛鳥。我着言語說他者。紅頂天邊鶴。相伴五色鷄。〔正末云〕自己休誇會。飛起見高低。〔白侍郎云〕我金玉名裡出一題。你看那鶴穿松

徑煙籠玉。〔正末云〕侍郎。你看那鶯立榴花火煉金。〔白侍郎云〕這廝我跟前敢應對。正是擔水向河頭賣。〔行者云〕你纔一擔也。〔白侍郎云〕你看槐角倒垂青蜩尾。〔正末云〕你看那枯松斜掛老龍腰。〔白侍郎云〕這廝無禮也。向我跟前調喉舌。正是擔水河頭賣。〔行者云〕大人可早兩擔也。〔白侍郎云〕此寺何年建。〔正末不答科〕〔白侍郎背云〕這廝不知道。我再問他。此寺何年建。〔正末不答科〕〔白侍郎云〕問僧僧不知。〔正末云〕塔前折芳草。拂塵讀古碑。〔白侍郎云〕你這廝倒說的是。小官到此寺中。不見他那長老。我索回去者。〔慶雲長老上〕〔云〕貧僧赴齋已回也。到的這寺門首。兀的不是侍郎相公。貧僧接待不着。勿令見罪也。〔白侍郎云〕長老。恰纔小官到此寺中。問你那行者。說你施主人家赴齋去了。你那箇五戒。他好生無禮也。〔長老云〕大人。他是箇風魔的和尚。他不識箇高下。請大人到方丈中。閑攀話者。〔白侍郎云〕好波。〔做到方丈科〕〔長老云〕五戒將齋食來。〔行者云〕教搗蒜煎茶蘸狗肉。着大人飽餐一頓去。〔正末同行者擡卓科〕〔長老云〕大人少罪。素齋不堪食用。〔白侍郎云〕小官正饑渴之際也。〔正末唱〕

〔么篇〕坐間早待賓。廚中有熱人。更這般兩頭搬運。〔云〕行者。他是甚麼官人。〔行者云〕他是白大人。〔正末唱〕我則道他是箇淨盤將軍。擎起筋手共勤。喫茶飯口共

緊看的俺這老和尚一雙眼運不分箇老少年尊。僧房中管顧三台客。他肚皮裏衝開五臟神。俺出家兒不喫腥葷。〔長老云〕大人請些兒齋食也。〔白侍郎云〕長老殺了也。〔長老云〕收了者。〔行者云〕理會的。〔白侍郎云〕長老天氣暄熱。有何避暑去處也。〔長老云〕五戒打掃了招涼亭。教大人避暑者。嚙往法堂上穿過去者。〔白侍郎云〕好波。長老你先行。〔做到法堂科〕〔白侍郎云〕是好蓋造也。你看這壁子上畫着這十大高僧。端的是畫的好也。〔正末云〕大人既然畫的好。你何不作詩一首。〔白侍郎云〕這廝奈我哩。長老將紙墨筆硯來。詩就了也。〔正末云〕你表白一遍者。〔白侍郎云〕壁畫經年久。人間絕往來。面塵何日洗。經卷幾時開。削髮無刀剃。袈裟用筆裁。休道無生死。牆倒是非災。〔長老云〕大人端的高才也。〔行者云〕三文錢一箇。〔長老云〕甚麼三文錢一箇。〔行者云〕你道是蒿柴。〔長老云〕你看這廝。〔正末云〕大人好則好。都像着古人的詩。〔白侍郎云〕這廝無禮也。你道我像古人詩。我問你者。我這詩。那一句像古人的詩。〔正末云〕相公一句句念。小僧一句句解與你聽。〔白侍郎云〕頭一句壁畫經年久。〔正末云〕住者。這箇不是你的才。是丹青的詩。〔白侍郎云〕怎生是丹青詩。〔正末云〕我試表白者。丹青認是義之手。筆法世間應少有。醉臥華仙在小舟。原來壁畫經年久。〔白侍郎云〕這第二句是人間絕往來。〔正末云〕是呂公貨墨詩。〔白侍郎云〕怎生是呂公貨

墨詩。〔正末云〕我試表白者。只要長生不要財。塵中貨墨故沉埋。愚人不識真常道。所以人間絕往來。〔白侍郎云〕第三句面塵何日洗。〔正末云〕是趙貞女思夫詩。〔白侍郎云〕怎生是趙貞女思夫詩。〔正末云〕我試表白者。終日無言淚暗滴。良夫一去無消息。秦箏懶抱不待拈。卑妾面塵何日洗。〔白侍郎云〕第四句經卷幾時開。〔正末云〕是法明和尚愛酒詩。〔白侍郎云〕怎生是法明和尚愛酒詩。〔正末云〕我試表白者。法明和尚不曾齋。爲憶耆卿句怎猜。因唱小曲并大曲。終朝經卷幾時開。〔白侍郎云〕第五句削髮無刀剃。〔正末云〕是獄囚罪人詩。〔白侍郎云〕怎生是獄囚罪人詩。〔正末云〕我試表白者。打家截道逞兇勢。戀酒貪杯添意氣。致命致令獄囚死。却言削髮無刀剃。〔白侍郎云〕第六句袈裟用筆裁。〔正末云〕是誌公和尚啖鵲詩。〔白侍郎云〕怎生是誌公和尚啖鵲詩。〔正末云〕我試表白者。德行高僧姓怎猜。誌公啖鵲出塵埃。口中嘗着滋味別。染的袈裟用筆裁。〔白侍郎云〕第七句休道無生死。〔正末云〕是藤蘿遶樹詩。〔白侍郎云〕怎生是藤蘿遶樹詩。〔正末云〕我試表白者。藤蘿借桂長如此。正望千年盡終始。樹倒藤蘿有盡時。此生休道無生死。〔白侍郎云〕第八句牆倒是非災。〔正末云〕是勸世詩。〔白侍郎云〕怎生是勸世詩。〔正末云〕我試表白者。早知命蹇少貪財。旋有金資禍到來。牆下勸君休停住。等閑牆倒是非災。〔唱〕

〔倘秀才〕我這裡破罷詩低頭暗哂。他那裡無一語將咱動問。從今後先生仔細吟。你將古句改爲新。你心中自忖。〔白侍郎云〕好奇怪也。我吟了一首詩。他將小官的都破了。有甚麼難見處。這裡往來的名儒多。這廝與他磨墨添水。他都盜聽偷學的。他在我跟前使他正是擲水向河頭賣。〔行者云〕大人。你可早三擔也。〔長老云〕來到這招涼亭子上也。行者你烹茶去。〔正末云〕我看了白大人的文學。則兀的是也。我取的這招風大扇來。我望着那侍郎搨。我看他說我甚麼。〔正末做打扇科〕〔白侍郎背云〕這廝無禮也。長老。你這裡是甚麼亭來。〔長老云〕這的是招涼亭也。〔白侍郎云〕既是招涼亭。何須用扇搨。〔正末云〕西川十樣錦。添花色更鮮。〔長老云〕好高才也。〔淨又發科了〕〔長老云〕此招涼亭上。觀看那瀑布泉的景致。自古過往官員名賢。到此無不留詩也。〔白侍郎云〕有甚麼詩章。將來我看者。〔長老云〕五戒。將吟下的詩牌來。着侍郎看者。〔行者云〕理會的。〔做遞詩牌科〕〔云〕詩牌在此。〔白侍郎云〕我試看者。〔做念科〕〔云〕穿山透嶺不辭勞。遠望纔知出處高。溪澗豈能留得住。終歸大海作波濤。這箇是李白作的詩。長老。再有何人吟下的詩牌。〔長老云〕五戒。你再將詩牌來。〔行者云〕理會的。〔做遞科〕〔云〕詩牌在此。〔白侍郎云〕我試看者。這箇是漢鍾離作的詩。瀑布瀑布非瀑布。費却古人多少句。從上一道流下來。山上流來山底去。此詩未見好處。再有詩牌將來。〔長老云〕

五戒。你再將詩牌來。教侍郎看。〔行者云〕理會的。〔做遞科〕〔云〕詩牌在此。〔白侍郎云〕這是徐浩作的詩。瀑布瀑布千丈直。雷奔入江無暫息。萬古常如白練飛。一條界破青山色。〔白侍郎云〕此詩乃爲絕句也。〔起風科〕〔白侍郎云〕好陣大風也。〔正末云〕既然好大風。大人何不作詩一首也。〔白侍郎云〕這廝他又來了也。你將的紙墨來者。〔正末云〕我與大人磨墨。〔做磨墨科〕〔白侍郎云〕詩就了也。〔長老云〕大人你就表白者。〔白侍郎做念科〕〔云〕善聚亭前草。能開水上萍。動簾深有意。滅燭太無情。入寺鐘聲響。高樓送鼓聲。惟聞千樹吼。不見半分形。〔長老云〕大人好高才。此一首詩。有驚動鬼神之句。〔正末云〕師父。你說的差了也。〔長老云〕我怎麼差了也。〔正末唱〕

〔么篇〕你道是一首詩驚動鬼神。則你這四聯對都傷着古人。當日箇李太白飄然思出羣。清新開府後。俊逸鮑參軍。不由我暗哂。〔長老云〕五戒靠後。不得無禮也。〔白侍郎云〕五戒。你道小官像古人的詩句。可是那句像古。〔正末云〕怕大人不信。你一句句道。我一句句解。〔白侍郎云〕小官念。你便解。頭一句善聚亭前草。〔正末云〕住者。這的不是你的詩。乃是鮑遠若詩。〔白侍郎云〕怎生是鮑遠若詩。〔正末云〕我解與你聽。古賢留得到如今。貴賤高低總用心。等閑善聚亭前草。日暮羅幃拂繡衾。〔白侍郎云〕第二句能開水上萍。

〔正末云〕這一句也不是你的詩。是李義山鵝鴨的詩。〔白侍郎云〕怎生是李義山鵝鴨詩。〔正末云〕我念與你聽。鵝鴨池中亂晚鳴。雄雄相並立沙汀。有時驚起青山影。總是能開水上萍。〔白侍郎云〕第三句動簾深有意。〔正末云〕不是你的詩。是薛能賞春時。〔白侍郎云〕怎生是薛能賞春詩。〔正末云〕我念與你聽。剪綠裁紅鬪色新。東君別是一家春。誰知動簾深有意。半露酥眉惱故人。〔白侍郎云〕第四句滅燭太無情。〔正末云〕不是你的詩。是沈亞之的詩。〔白侍郎云〕怎生是沈亞之的詩。〔正末云〕我念與你聽。佳人才子一雙行。款脫羅衣立畫屏。笑指鴛鴦交頸帶。風吹滅燭太無情。〔白侍郎云〕第五句入寺鐘聲響。〔正末云〕不是你的詩。是齊己出家的詩。〔白侍郎云〕怎生是齊己出家詩。〔正末云〕我念與你聽。幼小隨師好出家。不嫌麝香布絲麻。早晨聽的樓頭鼓。日暮鐘聲向晚霞。〔白侍郎云〕第六句高樓送鼓聲。〔正末云〕不是你的詩。是郭希角聲詩。〔白侍郎云〕怎生是郭希角聲詩。〔正末云〕我念與你聽。畫角聲悠斷續鳴。自然音韻合簫箏。不須纖手調宮羽。解向高樓送鼓聲。〔白侍郎云〕第七句惟聞千樹吼。〔正末云〕不是你的詩。是張華秋蟬詩。〔白侍郎云〕怎生是張華秋蟬詩。〔正末云〕我念與你聽。雖然形狀不尋常。飲露餐風易隱藏。因走綠楊隄畔路。惟聞千樹吼斜陽。〔白侍郎云〕第八句不見半分形。〔正末云〕不是你的詩。是王幹霹靂詩。〔白侍郎云〕怎生是王幹霹靂詩。〔正末云〕我念與

你聽。威靈助興有怒聲。掣電轟雷萬物驚。轟磔乾坤漲江海。教人不見半分形。〔白侍郎云〕好奇怪也。我觀這五戒出言非俗。破了小官這風詩。你有何才學。你敢吟詩麼。〔正末云〕雖然五戒不才也。吟詩一首。無形無影透人懷。四季能吹萬物開。就地撮將黃葉去。入山推出白雲來。〔白侍郎云〕小官看了此人。不是箇尋常的人。長老。這箇敢不是你這寺中的人。五戒。你從實的說。萬事皆罷。你若不實說呵。你身上不便也。〔長老云〕罷罷罷。老僧也隱諱不住了也。大人。此人便是賈島也。〔白侍郎云〕誰是賈島。〔長老云〕則他便是賈島。〔白侍郎云〕我踏盡鐵鞋無覓處。得來全不費工夫。原來你可在這裡。〔正末云〕小生事到今日也。我正是白玉隱頑石。黃金埋汚泥。若人提掇起。重立上天梯。〔白侍郎云〕賈島。你爲何捨俗出了家。你說一遍。我聽者。〔正末唱〕

〔脫布衫〕平生志心不瞞人。老丞相偷看詩文。措支刺獨強性緊。是他自無言。急忙趨趄。〔白侍郎云〕賈島。你怎生連名姓也改了也。〔正末唱〕

〔小梁州〕我爲甚走入深山改姓名。我則是遠害全身。我爲甚棄儒投釋做僧人。怕鬧市餐刀刃。險做了屈死一冤魂。

〔么篇〕我今日箇蟄龍得遇風雷信。酬志也受困書生。我如今赴帝京。若得些

薄官分。小生我一言難盡。恁時節答報你箇大恩人。〔白侍郎云〕賈島。你望闕跪者。聽聖人的命。將你已前的罪犯。盡皆饒免。着你星夜入朝去。聖人自有加官賜賞也。望闕謝了恩者。〔長老云〕賈島。你則小心着志者。〔正末云〕師父你放心也。〔唱〕

〔尾聲〕嗒人這貧窮富貴皆時運。也是我自己貪杯惜醉人。定害了吾師這一春。德不孤而必有隣。有一日富貴榮華那時分。將我那受過的辛勤。〔長老云〕賈島。你着志者。〔正末云〕師父放心也。〔唱〕我直要便證了本。〔下〕〔白侍郎云〕長老。多謝齋食。不想到此寺中。尋着賈島。小官不敢久停久住。左右將馬來。則今日與賈島同往京師。走一遭去。爲訪賢良到處尋。口啣天語至禪林。相逢賈島同歸去。收採名儒抵萬金。〔下〕〔長老云〕賈島去了也。此人到的帝都。必然爲官也。老僧無甚事。且回方丈中去來。長日清齋無俗絆。蒲團寂靜坐終宵。〔下〕〔行者云〕賈島和俺師父都去了也。我無甚事。尼姑庵裏喫鍾閑茶去。暫離古寺閑遊蕩。尼姑寺裏且消愁。〔下〕

第四折

〔韓愈領祇從上〕〔云〕舉善薦賢君子事。濟貧拔苦聖賢心。老夫韓退之是也。自從着白侍郎尋賈島去。不想隱藏在香爐山雲蓋寺。奉聖人的命。着小官在此加官賜賞。左右那裡。與我請將陳

皓古來者。〔祇從云〕理會的。〔陳皓古上〕〔云〕小官陳皓古是也。自從見了賈島。着他在妙香寺中安下。小官將着此人萬言長策。獻與聖人。聖人大喜。就着人妙香寺中取賈島。不想此人爲觸犯着韓退之相公。此人害慌私奔了。聖人差白侍郎持着宣命。尋覓此人去了。今已尋訪回來。聖人的命。着韓退之在於驛亭中加官賜賞。相公有請。可早來到也。令人報復去。道有陳大尹在於門首。〔祇從云〕理會的。〔做報科〕〔云〕報的大人得知。有陳大尹來了也。〔韓愈云〕道有請。〔祇從云〕理會的。有請。〔見科〕〔韓愈云〕相公來了也。〔陳皓古云〕小官來了也。〔韓愈云〕今訪賈島已回。奉命在此加官賜賞哩。〔陳皓古云〕小官理會的。〔韓愈云〕令人請去了。這早晚衆大人敢待來也。〔正末同白侍郎上〕〔白侍郎云〕萬卷詩書勤用力。一官榮耀顯家門。小官白侍郎是也。賢士今日嶄嶄有日。奮發有時也。〔正末云〕誰想有今日也呵。〔唱〕

〔雙調新水令〕若不是一封書飛下九天來。怎能般守寒窗否極生泰。受了那十箇月驚怕苦。越過那一百日血光災。今日箇苦盡甘來。免了我身邊罪。跳出那九霄外。〔白侍郎云〕可早來到也。俺見大人去來。令人報復去。道有小官同賈島來了也。〔祇從云〕理會的。〔做報科〕〔云〕報的大人得知。有白侍郎同賈島來了也。〔韓愈云〕道有請。〔祇從云〕理會的。有請。〔見科〕〔白侍郎云〕大人。小官同賈島來了也。〔韓愈云〕賈島。你聽聖人的命。着你

爲翰林院待詔。借着宰相的頭答。教你誇官三日。謝了恩者。〔正末云〕感謝聖恩也。〔唱〕

〔駐馬聽〕玉殿金堦。楊柳隄邊生綠苔。〔白侍郎云〕着你借宰相頭答。誇官三日也。〔正

末唱〕紫袍金帶。似蒺藜沙上野花開。今日箇當今聖主用賢才。我這裡曲躬躬

展脚舒腰拜。又不是梁棟材。謝天顏錯見將臣愛。〔韓愈云〕賈島這裡有你箇大恩人。

你要見麼。〔正末云〕可知要見哩。〔陳皓古云〕賈浪仙。你認的我麼。則我便是陳皓古。當此一日。

是小官將着你萬言長策。保舉你爲官來。〔正末唱〕

〔鴈兒落〕則爲我萬言唐漢策。恰便似三薦韓元帥。我便似雲中鴈侶孤。〔陳皓

古云〕我着人妙香寺請你。你怎生走了也。〔正末唱〕也是我愁無奈。〔陳皓古云〕你可往那裡

去來。〔正末唱〕

〔得勝令〕恰便似趙藁送曾哀。因此上一去不回來。〔陳皓古云〕你爲何走了也。〔正

末唱〕則爲俺丞相把詩書看。因此上書生忒性乖。我說的明白。我不合跨蹇衛

相衝大。因此上逃災。也是我成人不自在。〔韓愈云〕賈島。您望闕跪者。聽聖人的命。因你

有班馬之能。贍天才埋沒經綸。守靈鑒君子之道。受苦奔走紅塵。恃驕傲故衝大尹。作新詩譏

刺其人。詩句裏包藏錦繡。顯才華氣勢超羣。懷濟世安民之策。有調和變理之文。正授你國子祭

酒。賜衣冠鞍馬金銀。白侍郎用心尋訪。見詩文方識其真。特賜與白金千兩。加陞爲正治上卿。陳
皓古知賢薦舉。入翰林臺省安身。妙香寺長老善能養士。陞僧官永掌佛門。奉命都加官賜賞。一
齊的望闕謝恩。

題目 雲蓋寺侍郎雙鬪文

正名 招涼亭賈島破風詩

破風詩穿關

頭折

韓愈一字巾

領帶三髭髯祇從攢頂

圓領正末賈島

散巾三髭髯補納直身繼陳皓古一字

巾補子圓領帶祇從前

第二折

秀雲長老僧帽袈裟

數珠行者僧陀頭僧衣

正末賈島同前

韓愈一字巾

圓領長老又上同前

第三折

韓愈祇從同頭折

慶雲長老僧帽袈裟

數珠行者僧陀頭僧衣

正末賈島

攢頂茶褐直身白

侍郎一字巾

領帶三髭髯慶雲長老又上同前

第四折

韓愈祇從同前

陳皓古同前正末賈島

展角幘頭紅欄笏

白侍郎同前

李嗣源復奪紫泥宣

闕名

頭折

〔冲末外扮殿頭官領卒子上〕〔云〕瑞氣祥光罩鳳樓。蝦鬚簾捲控金鈎。雕梁紫燕雙雙舞。園內蜂蝶對對遊。小官殿頭官是也。方今大唐聖人在位。千邦進貢。萬國來朝。君聖臣賢。文武忠孝。建都在雍。雍讀如雍州京兆府。四時美景真堪羨。八節光陰最可題。今因聖人大開學校。着天下文人秀士都來應舉。內有一人。乃是曹州人氏。姓黃名巢字巨天。此人生的三尖五陋。牙生兩針。針原作牙。今改。眼如碧靛。髭若金針。此人也來京師應舉。聖人親自考選秀士。見了黃巢生的醜叉。不會用他。不期黃巢到的本鄉。聚餓夫百萬。戰將千員。侵擾山東一帶。那裡申將文書來。今日早朝。聖人致怒。可着誰人掛印爲帥。前去征伐。有殿前太尉鄭畋。舉保沙陀李克用。刀馬精熟。他手下又有五百義兒家將。十分英雄。堪可前去破敵黃巢。聖人問誰人認的李克用。鄭畋言道。有吏部尙書陳景思。與李克用有一面之交。此人可去。着喬都幹白首事他兩箇領軍跟了去。就與李克用五百道空頭宣。五百面金銀牌。五馬金銀。加他做忻代石嵐鴈門關都招討破黃巢天下兵馬大元帥。聖人就着小官將李克用的賞賜物件。整治停當了。在此府中。着令人請陳景思并鄭畋二位大人。

首事他兩箇來了呵。小官自有主意。這早晚敢待來也。〔淨扮喬都幹白首事上〕〔喬都幹云〕他是白首事。我是喬都幹。一齊走將來。兩箇一般扮。自家部將喬都幹的便是。這箇是我姪兒白首事。若論在下爲人。膂力過人。性兒莽撞。但凡無事。街前去看。肚裏餓了。坐到炕上。七盆涼水。九碗乾飯。五甌苦茶。一碟鹹醬。三斤肥肉。把菜和上。吃的多了。肚中悶脹。斷氣身亡。撐死傻漢。我兩箇正在家裏閑耍子兒。有大人在府裏使人一片聲的叫俺兩箇。不知有甚麼事分付。俺須索走一遭去。白首事我姪兒。俺去來。〔白首事云〕我把你箇傻弟子孩兒。你那裡知道。今日大人這一叫俺。則怕要那裡閑耍去。帶俺兩箇去。說話中間。可早來到也。小校報復去。道有你二位老叔來了也。〔卒子云〕理會的。喏。有喬都幹白首事來了也。〔殿頭官云〕着他兩箇過來。〔卒子云〕理會的。着過去哩。〔做見科〕〔喬都幹云〕老大兒。俺兩箇來了也。有甚麼話說。〔殿頭官云〕您且一壁有者。陳景思大人。爲因黃巢作亂。有鄭畋大人。在聖人前舉薦你。着你領着喬都幹白首事。擡着金銀牌賞賜等件。去沙陀地面。宣李克用來破黃巢。等成了功。另有加官賜賞。〔鄭畋云〕尙書大人。這秋天光景。正好去着李克用好行兵。〔陳景思云〕既是這等。兀那喬都幹白首事。你兩箇擡着賞賜。跟我沙陀宣李克用去來。〔喬都幹云〕我說老大兒。我兩箇貼你一百箇雙邊錢兒。你獨自箇走一遭去罷。〔陳景思云〕你看這厮。大人。小官回去家中整治了鞍馬。着他兩箇擡着賞賜。則

今日就往沙陀宣李克用。走一遭去。則今日便索離京。到沙陀開詔分明。李克用統領軍校。破黃巢壁上吹燈。〔下〕〔殿頭官云〕陳景思去了也。鄭大人。俺兩箇如今就將那金銀等件。交付與陳景思了。俺回聖人的話。走一遭去來。我與你就到朝綱。叩金鑾親奏吾皇。陳景思沙陀開詔。等他來再做商量。〔下〕〔鄭畋云〕殿頭官大人去了也。小官無甚事。回聖人的話。走一遭去。因黃巢聚兵作亂。陳景思沙陀公幹。李克用大帥與師。救黎民免遭塗炭。〔下〕〔喬都幹云〕白首事。他們都去了。好沒生的。着俺兩箇擡着賞賜。往沙陀地面去。俺又不認的路。怎了也罷。跟他走一遭去。俺兩箇造物全低。擡着那賞賜東西。到沙陀有些爭競。一直兒跑到家裏。〔同白首事下〕〔李克用領小番上〕〔李克用云〕北塞風寒戰馬嘶。征夫猛烈敢相持。鼙鼓響排軍陣。滿川雲鎖皂鵞旗。某李克用是也。祖居乃山後九州人氏。俺累輩扶持大唐。某爲征虜勳有功。聖人安排筵宴。與我慶功。有太尉段文楚壓伏我。在我上首坐。論功行賞。被我則一拳。將段文楚迸落二齒。聖人欲待將我擎下。衆官叩頭作保。看我是有功之臣。貶我在這沙陀地面。閑居歇馬。我手下軍屯十萬。將有千員。義兒英雄。人人等待相持。家將驍勇。箇箇捨死敢戰。俺遣北番。五月寒風凜冽。炎天瑞雪瀟灑。青毡帳幙風難透。鼠帽貂裘傲雪霜。今日無甚事。帳下聚義兒家將來。閑共一會話者。小番轅門首望者。等衆將來到時。報我知道。〔小番云〕理會的。〔李存章李存賢同上〕〔李存章云〕

凜凜身材九尺長。全憑匹馬一條槍。慷慨威風爲上將。廝殺相持世無雙。某李存章是也。這位將軍是李存賢。某平生猛烈。武藝熟滑。手中槍似無鱗鱗。鞭似烏蛇尾半截。恰纔圍場已罷。正在帳下閑坐。阿媽在帳下聚俺衆將。不知有甚事分付。俺須索走一遭去。將軍俺去來。〔李存賢云〕將軍恰纔布下那箇圍場。把那飛的鷹拏。走的大趕。眞箇上畫也。說着話。可早來到也。小番報復去。道有俺二將來了。〔小番云〕理會的。報的阿媽得知。有李存章李存賢來了也。〔李克用云〕着他兩箇過來。〔小番云〕理會的。着過去也。〔做見科〕〔李存章云〕阿媽。您兩箇孩兒來了也。有何事分付。〔李克用云〕您兩箇孩兒來了。且少待。等衆將都來全了着。我自有箇主意。這早晚敢待來也。〔李思昭李存虎同上〕〔李思昭云〕頭上騰騰殺氣吐。手中能輪金蘸斧。臨軍捉將快如風。綽號英名短臂虎。某李思昭是也。這箇將軍是李存虎。某慣臨大戰。多有功勞。手中斧明如皓月。盔上纓映日通紅。三日不在坡前戰。摩拳擦掌要相持。恰纔正在坡前射箭。聽的說阿媽在帳下聚俺義兒家將。不知傳甚麼將令。俺須索走一遭去。〔李存虎云〕將軍阿媽這一向不曾聚俺。今日這一聚俺。必有事情。俺去來。說着話。可早來到了也。小番報復去。道有俺二將來了也。〔小番云〕理會的。報的阿媽得知。有李思昭李存虎來了也。〔李克用云〕着他兩箇過來。〔小番云〕理會的。着過去也。〔做見科〕〔李思昭云〕阿媽。俺兩箇孩兒來了。有何將令。〔李克用云〕您兩箇小的來

了。略等片時。待衆將都來全了着共議。這早晚敢待來也。〔李存勗李存彪同上〕〔李存勗云〕頭頂銀盔晃太陽。身披鎧甲縷金裝。臨軍大戰施強會。全憑丈二點鋼鎗。某李存勗是也。這位將軍是李存彪。我阿媽是李克用。某文武兼濟。兵書廣記。扶持帝業千年旺。保護吾皇萬載安。恰纔俺都在帳下閑共話哩。小番來報。說阿媽帳下聚俺衆將。不知有甚麼事計議。俺須索走一遭去。將軍俺去來。〔李存彪云〕將軍俺行動些。則怕衆將久等。可早來到也。小番報復去。道有俺兩箇來了也。〔小番云〕理會的。報的阿媽得知。有李存勗李存彪來了也。〔李克用云〕着他兩箇過來。〔小番云〕理會的。着過去。〔做見科〕〔李存勗云〕阿媽俺兩箇孩兒來了也。有何將令。〔李克用云〕您兩箇小的來了。且少待。等衆將都來全了着。我自有箇主意。這早晚敢待來也。〔安休休薛阿灘同上〕〔安休休云〕威風赳赳世間稀。全憑猛烈敢相持。忘生捨死安家國。博的英名萬載題。某安休休是也。這位將軍是薛阿灘。某苦志勤學。幼習兵機。克己忠心扶社稷。保佑唐朝萬載興。恰纔小番來報。說阿媽今在帳中傳將令。聚俺義兒家將。不知有甚麼事。俺須索走一遭去。薛阿灘俺去來。〔薛阿灘云〕安休休說的是。則怕衆將久等。可早來到也。小番報復去。道有俺二將來了也。〔小番云〕理會的。報的阿媽得知。有安休休薛阿灘來了也。〔李克用云〕着他二將過來。〔小番云〕理會的。着過去。〔做見科〕〔安休休云〕阿媽俺兩箇孩兒來了。有何將令。〔李克用云〕

您兩箇小的來了。略待片時。等衆將都來全了着。我自有箇主意。這早晚敢待來也。〔淨扮康君立李存信同上〕〔康君立云〕我做將軍性兒好。但凡閑了山下跑。昨日撞見大蟲來。我把猛虎着口咬。自家康君立的便是。這箇是我姪兒李存信。論我在下爲人。韜略不通。武藝不好。聽的厮殺。往家就趨。但凡有賞。我就先到。舒着右手。則情要鈔。他們上陣。我可冷落。這等平心。則有天道。俺恰纔兩箇。正在後帳中偷馬妳子吃。聽的阿媽聚衆將哩。俺須索走一遭去。李存信。俺見阿媽去來。〔李存信云〕我姪兒。你那裡知道。阿媽好待要那裡閑耍去。則怕帶俺兩箇去。俺過去來。可早來到也。小番報復去。道有你二位老叔來了也。〔小番云〕理會的。報的阿媽得知。有康君立李存信來了也。〔李克用云〕着他兩箇過來。〔小番云〕理會的。着過去。〔做見科〕〔康君立云〕阿媽。俺兩箇來了。則怕要那裡閑耍去。俺兩箇跟阿媽走一遭去。〔李克用云〕您兩箇且一壁有者。小番。還少誰不曾來哩。〔小番云〕阿媽。止少李嗣源哥哥打圍去了。還不曾來到哩。〔李克用云〕既是這等。小番望着。等個估烈孩兒來到時。報我知道。〔小番云〕理會的。〔正末扮李嗣源上〕〔云〕某李嗣源是也。小字儼佖烈。乃沙陀李克用手下義兒家將。自從跟着阿媽。在這北番威伏小國。無人可敵。俺阿媽有五百義兒家將。都是能征敢戰的。聞知有黃巢作亂。時遇冬間。今日下着這等大雪。打圍獵射回來。有小番打聽的。宣命俺阿媽。未知虛實。須索見俺阿媽。說破黃巢去。好大

雪也〔唱〕

〔仙呂點絳脣〕每日家雪降長天。滿川皆遍。梨花旋。恰便似柳絮飛綿。戰馬皆踏踐。

〔混江龍〕都待要習弓演箭。一箇箇學成武藝最熟閑。他每都能騎戰馬。出來的敢勇當先。俺這裡地冷天寒臨紫塞。沙陀風景近延邊。則俺這軍中正好開筵宴。俺這裡瓊盃高捧。肉滿筵前。〔云〕來到也。小番報復去。道有某來了也。〔小番云〕理會的。報的阿媽得知。有李嗣源來了也。〔李克用云〕着他過來。〔小番云〕理會的。着過去。〔做見科〕

〔李克用云〕兀那李嗣源。你去打圍獵射回來了也。〔正末云〕阿媽。您兒回來了也。〔李克用云〕李嗣源。你擎的那獐麋野鹿。都與我收在後帳裏去。你可怎生去那漫坡前。打這獐麋野鹿來。你說一遍。我試聽者。〔正末云〕阿媽聽。您兒試說一遍。〔唱〕

〔油葫蘆〕人馬爭馳布列前。擺天羅地網圓。則俺這人人驍勇敢爭先。你試看那長槍磨的如銀練。則他那劍橫秋水寒光現。〔李克用云〕孩兒。你可也弓馬熟閑也。〔正末唱〕我將那弓弩排。刃器懸。我則見飛鷹走犬疾如箭。擺列着番將數十員。

〔李克用云〕李嗣源。你布起那圍場。可是有那獐麋野鹿也無。你可怎生施謀定計布網張羅來。

你說。我試聽者。〔正末唱〕

〔天下樂〕試看那野鹿獐麋有萬千。圍住在中也波間。離生靈不甚遠。取雕弓拽得秋月圓。中金鉞射透腔。喊聲高人語喧。你試看列威儀一望間。〔李克用云〕兀那李嗣源。這等天道正好打圍獵射也。可怎生領的人馬回來了。〔正末云〕阿媽不問呵。您兒並不敢說。您兒正打圍其間。有一箇小番來報道。有聖人命宣召阿媽哩。我道是真是假。那小番言道。昨日奉元帥將令。着小番巡哨去來。聽的人說來。〔李克用云〕這事可也未知真假。〔正末云〕若有聖人的命。宣俺阿媽呵。俺可索預備人馬。接待皇宣去也。〔唱〕

〔那吒令〕若天朝命宣。把軍卒調遣。果天命有言。列旌旗兩邊。可若是意專呵。聖人將俺可憐。父親你心意裏休把這沙陀戀。莫得遷延。〔李克用云〕聖人想必知某手下有這五百義兒家將。人人敢勇。箇箇當先。因此宣命某勦除賊寇。果然有宣呵。您這五百箇孩兒。都索跟某去。我着您都皆陸續進也。〔正末唱〕

〔鵲踏枝〕若到那聖人前。都着俺掌軍權。一箇箇耀武揚威。捨命當先。敢相持厮殺在陣前。衆敵兵喊殺連天。〔李克用云〕既然聖人有宣命。可怎生還不見到來。您那一箇敢去接宣命麼。〔正末云〕阿媽。您兒願去接宣詔去。〔李克用云〕既是這等。與他五百小番。則

今日就去接宣詔。不要遲了將令也。〔正末唱〕

〔寄生草〕恰纔則傳將令離了這沙塞邊。我則見狐裘皮襖人堪羨。毡簾重幙無心戀。我情受雕鞍駿馬。咱心願。雕弓便向臂間懸。壺中取出穿楊箭。〔李克用云〕李嗣源。你則今日收拾了器械。整點了你那五百箇小番。接天使去。則要你疾去早來。小心在意者。〔正末云〕則今日拜辭了。阿媽。您兒便索接天使去也。〔正末唱〕

〔尾聲〕直接到千里界河邊。赳赳威風遠。領手下軍卒半千。對對旗旛映日鮮。就登程。莫得俄延。可若是敢當先。便掌軍權。接應着天朝將士卒遣。先報與爹爹帳前笑吟吟歡羨。準備着揚塵拜舞御堦前。〔下〕〔李克用云〕李嗣源領兵接天朝使命去了也。您衆將跟着我。後帳中安排筵席。等待使臣大人去來。離中原數十餘年。領雄兵鎮守北邊。破黃巢成其功效。叩丹墀拜謝天顏。〔同衆下〕〔康君立云〕李存信。爹爹領衆將後帳裏安排酒去了。無甚事。俺也回去來。明日箇使臣來到。答刺孫把他犒勞。他們在帳中飲酒。俺廚房裏則情耍笑。〔同下〕

第二折

〔薛鐵山領小番上〕〔云〕戰馬頻嘶踏塞沙。帳前番使品胡笳。閑來山畔圍場罷。弓箭勤將虎鹿

擊某沙陀大將薛鐵山是也。某久居塞北。長在深番。長好圍場射獵。最喜走犬飛鷹。貂裘鼠帽。肥馬輕裘。黃沙一望靜無人。遙望青山千萬點。俺這裡北連着黑海。南近着高山。四時惟有雪紛飛。八節常聞風亂吼。我手下有數千小校。敢戰番兵。雖然在這沙陀賀蘭山畔。聞知有箇李克用。說他手下有許多戰將。箇箇皆有武藝。我欲要投降去。未知如何。今日陞帳。等我兄弟賀回虎來。與他慢慢的商議。這早晚敢待來也。〔賀回虎上〕云。雪下人聲沙塞幽。般般武藝最滑熟。皂旗招颭貂裘煖。名播乾坤數百州。某賀回虎是也。生居紫塞。長在深番沙漠。習射獵擺布圍場。演武藝擒獐捉鹿。英雄膽量誰人似。統領軍卒顯耀能。俺這裡沙陀地界。賀蘭山中。你看那老松偃蹇如蛟。怪石崔嵬似虎。無窮景物百十般。不盡遙山千萬里。我有箇哥哥是薛鐵山。俺兩箇手下有數千小校。今日他陞帳。須索走一遭去。可早來到也。小番報復去。道有某來了也。〔小番云〕理會的。報的將軍得知。有賀將軍來了也。〔薛鐵山云〕道有請。〔小番云〕理會的。有請。〔做見科〕賀回虎云。哥哥。我來了也。有何將令。〔薛鐵山云〕兄弟你來了也。我無事可也不請你來。我聞知這沙陀地界。有箇李克用。說他有五百義兒家將。箇箇英雄。人人驍勇。我欲要投降他去。你心下可是如何。〔賀回虎云〕哥哥。你說的雖然有理。可不道長別人威風。滅自己志氣。俺又不曾見他甚麼武藝。便去投降。可也被他看的俺小可了。則不如尋他些征戰。然後降他。可也不滅了俺弟兄

的銳氣。哥哥心下如何。〔薛鐵山云〕兄弟。你說的是。俺如今領着人馬。去山前打圍。一遭去來。領小番便出山前。顯勇力。施展英賢。不論那獐麋鹿。擒拏了。致酒張筵。〔同下〕〔陳景思領駝垛喬都幹白首事背勅書躍馬兒上〕〔陳景思云〕塞北天寒飄瑞雪。三春九夏總相同。小官陳景思是也。這兩箇是喬都幹白首事。俺奉着聖人的命。爲因黃巢作亂。無人爲帥首。將着這五馬金銀。五百道空頭宣。五百面金銀牌。前往沙陀。宣取李克用。加他爲忻代石嵐鴈門關都招討破黃巢天下兵馬大元帥。出離了長安。望這沙陀地面來。好是淒楚人也。你看那平沙漠漠。衰草紛紛。端實淒楚也。〔喬都幹云〕我說老陳。我想起你來。真箇是夾腦風。沒意思。望這精空地裏走將來。那裡尋他去。〔白首事云〕你不要嚷。依着我去了罷。則推他不在了。家去了可不好。〔陳景思云〕你看這廝。是何言語。看了這塞北。端實一派淒涼的景物。我單指着這野景。我吟一首詩。詩曰。沙陀塞北少人家。不種桑田不種麻。十里全無榆柳樹。三春那見杏桃花。幾番雨落皆成雪。滿面風來盡是沙。惟有盛冬偏寂寞。但聞枯木噪寒鴉。〔白首事云〕好也是也。我也作一首詩。你聽。我的肚裏真箇惱。領着駝垛又不少。想將起來你發風。依着老白往家跑。好麼。你怎麼來的。〔喬都幹云〕你箇傻油嘴。悄悄的我們慢慢的走。身上又冷。天陰了。兀的不又下雪了。我們慢慢的走了罷。〔做走科〕〔薛鐵山賀回虎領小番上〕〔薛鐵山云〕雪添手內雕弓硬。霜助蹄輕戰馬

薛某薛鐵山。這箇是我兄弟賀回虎。爲因我心中悶倦。去山前打圍獵射。走一遭去。看了俺這塞北沙陀之地。你看那老樹風搖影。凍雪又飄飛。俺往前去來。〔賀回虎云〕哥哥。你看兀那遠遠的一簇人馬。俺向前去來。〔做見科〕〔喬都幹云〕不好了。不知是那裡的人馬來了。你們靠前些。我先跑了罷。〔薛鐵山云〕兀那遠來的漢兒官人。你往那裡去。〔陳景思云〕將軍。我是大唐聖人遣來的吏部尙書陳景思。一逕來這沙陀。宣取李克用來。〔薛鐵山云〕原來是這等。這駝塚內。必然是金銀。小番下手搶。〔小番做搶奪駝塚科〕〔陳景思云〕將軍饒性命。駝塚都與你。將的去。你可姓甚名誰。〔薛鐵山云〕你問我。我是薛鐵山。這箇是賀回虎。俺搶了這些行李。俺回去來。俺今日施展雄威。要採獵走過山溪。既得了許多物件。到帳中便見真實。〔同衆下〕〔喬都幹云〕怎麼了。着他都搶的去了。還不往家跑哩。〔陳景思云〕天也。來到這裡。遇着番將。把金銀駝塚。盡都奪的去了。怎生是好。俺如今可往那裡去的是。〔白首事云〕老叔叔。你看那山崦裏。又有人馬來了。我則不敢惹他。〔陳景思云〕真箇又有人馬來了。俺可往那裡趨去。〔正末驢馬兒擎戟領番卒子上〕〔云〕某李嗣源是也。奉俺阿媽將令。着我領着小番。前來迎接天使。未知有也是無。俺這沙陀。四時惟雪降。九夏冷猶存。兀的不又降雪也。看了這沙陀地界。好是淒楚也呵。〔唱〕

〔正宮端正好〕遍長空瓊花落。似擣綿扯絮飄飄。半合兒填滿了長途道。但聽

的昏鴉噪。

〔滾繡毬〕將方天畫戟擎。把絲韁手措着。顯胸襟使些智略。坐雕鞍寶鐙斜挑。寒風撲面吹。平沙一望高。端的是去來的人少。不由人添上寂寥。猛聽的馬嘶林外疎煙地。休猜做宴罷秦樓月正高。心下量度。〔云〕小番順着這山邊慢慢的行將去。〔做見科〕〔云〕你看兀那遠遠的一箇官人。不是俺這沙陀的人。他可怎生馬上那等煩惱。

〔陳景思悲科〕〔云〕天也。我可那裡歸着的是也。〔正末云〕好是奇怪也。〔唱〕

〔倘秀才〕我見他鞍馬上煩惱惱。因甚麼搥胸跌脚。多管是路上盤纏手內消。我這裡向前去問箇根苗。自尋箇計較。〔陳景思云〕罷罷罷。要我這性命做甚麼。我拔出這劍來。自刎身亡也。〔做拔劍科〕〔喬都幹做奪劍科〕〔云〕老叔。你死了。我那裡尋人去。〔正

末云〕兀那官人。螻蟻尚然貪生。爲人何不惜命。你因何要尋自盡也。〔唱〕

〔呆骨朵〕想爲人但願長安樂。你因何攘攘勞勞。有甚麼難理的情由。在咱行拜告。〔陳景思云〕將軍可憐。行李盤纏。皆無了也。你放俺過去罷。〔正末唱〕我在馬上聽陳罷。不由我微微笑。則道是住沙陀的柳盜跖。不由我氣吁吁。心上惱。〔云〕兀那箇官人。你有甚麼事。與我略說一遍。我試聽者。〔陳景思云〕將軍停噴息怒。暫罷虎狼之威。我是天朝

遣來的使命。我是吏部尙書陳景思。這兩箇是喬都幹白首事。俺奉大唐聖人之命。爲因黃巢作亂。着我將着五百道空頭宣。五馬金銀。五百面金銀牌。加李克用爲忻代石嵐鴈門關都招討破黃巢天下兵馬大元帥。恰纔遇着兩箇番將。喚做甚麼薛鐵山賀回虎。領着番軍。不由分訴。搶將去了。我似那觸角之羊。進退無門。以此上要尋自盡。說兀的做甚。我從頭一一訴明白。將軍心下莫疑猜。金銀牌面皆奪去。以此忙尋劍下災。〔正末怒科〕〔云〕這兩箇匹夫。好是無禮也呵。

〔唱〕

〔脫布衫〕吐虹蜺萬丈餘高。我跟前施逞虛囂。這厮他在俺上揚威耀武。全不怕惹人恥笑。〔陳景思云〕將軍。你爲何這等發怒也。〔正末云〕大人。小將劍甲在身。不能施禮也。〔陳景思云〕將軍。你是何人。〔正末云〕大人。某是李克用長子李嗣源。奉俺阿媽將令。逕來接待天使大人來。那兩箇匹夫往那裡去了。〔陳景思云〕他往這大山裏去了。你可那裡尋去。〔正末唱〕

〔小梁州〕不怕他駕霧昇雲上九霄。馬到處便索尋着。我將那無徒的賊子首親梟。除強暴。捨命建功勞。〔陳景思云〕將軍。那兩箇人好生利害。則怕你近不過他。可怎了。〔正末云〕大人。你但放心。〔唱〕

〔么篇〕你看我陣前便使胸中略。縱然他計有千條。憑着這膽量能。軍中號殺的他無投無奔。方信道大將最英豪。〔云〕天使大人。索是驚恐。衆大人跟着我去來。等見了我阿媽之時。我便去搜山尋那兩箇匹夫去。〔陳景思云〕既是這等多謝了將軍。俺一同跟你去來。〔正末云〕衆大人。俺去來。〔唱〕

〔尾聲〕將從前一事爹爹行告。尋覓賊徒難放饒。領軍卒用六韜。報皇恩輔聖朝。管情取獻一統山河太平表。〔同下〕

楔子

〔李克用領小番上〕〔云〕大唐聖主恩寬廣。降勅傳宣到此來。某李克用是也。爲因李嗣源打圍去來。跟他瞭哨的小番。打聽將來。說有大唐聖人差使命宣我來。我就着李嗣源。領着人馬。接待使命去了。今日某在帳下聚衆將來接待使命。小番望者。等衆將來到時。報復我知道。〔小番云〕理會的。〔李存章李存賢上〕〔李存章云〕平沙漠漠山峯靜。芳草茸茸澗水清。某李存章是也。這位將軍是李存賢。爲因哥哥李嗣源打圍回來。報知阿媽。說有大唐聖人差的使命。來宣阿媽。就着李嗣源哥哥。領兵接待使臣去了。今日阿媽在帳下。聚俺義兒家將。俺須索走一遭去。將軍。俺去來。〔李存賢云〕將軍。今日阿媽這一聚。俺則是接待使命大人。說着話。可早來到也。小番報復

去道有俺兩箇來了。〔小番云〕理會的。報的阿媽得知。有李存章李存賢來了也。〔李克用云〕着他兩箇過來。〔小番云〕理會的。着過去。〔做見科〕〔李存章云〕阿媽俺兩箇來了。有何將令。〔李克用云〕你兩箇來了。且少待。等衆將都來全了者。我自有箇主意。這早晚敢待來也。〔李思昭李存虎上〕〔李思昭云〕閑時山前擒猛虎。悶後雲中射皂鷗。某李思昭是也。這位將軍是李存虎。因大唐聖人不知怎生。想起俺阿媽來。差使命來到這沙陀宣阿媽來。哥哥李嗣源領兵接使命去了。今日阿媽帳下聚俺衆將。有事計議。俺須索走一遭去。將軍俺去來。〔李存虎云〕將軍阿媽這一聚俺。則怕見李嗣源哥哥接使命去。不見到來。則怕着俺衆將接應將去。俺都走一遭。可早來到也。小番報復去。道有俺二將來了。〔小番云〕理會的。報的阿媽得知。有李思昭李存虎來了也。〔李克用云〕着他兩箇過來。〔小番云〕理會的。着過去。〔做見科〕〔李思昭云〕阿媽俺兩箇來了。〔李克用云〕您兩箇孩兒來了。略等片時。待衆將都來全了着。有事分付。這早晚敢待來也。〔李存勗李存彪上〕〔李存勗云〕朝餐乳酪冰生碗。夜宿毡車雪壓沙。某李存勗是也。這位將軍是李存彪。爲因李嗣源來稟阿媽。說有天朝使命來宣阿媽。不知爲甚麼。就着李嗣源哥哥接使命去了。今日阿媽在帳下聚俺衆將。俺須索走一遭去。將軍俺去來。〔李存彪云〕將軍俺行動些。則怕衆將久等。可早來到也。小番報復去。道有俺二將來了也。〔小番云〕理會的。報的阿媽得知。

有李存勗李存彪來了也。〔李克用云〕着他兩箇過來。〔小番云〕理會的。着過去。〔做見科〕〔李存勗云〕阿媽。俺兩箇來了也。〔李克用云〕您兩箇來了。且少待。等衆將都來全着。我自有箇主意。這早晚敢待來也。〔安休休薛阿灘上〕〔安休休云〕無限野田千萬頃。難尋樵麋兩三家。某安休休是也。這位將軍是薛阿灘。爲因阿媽差李嗣源哥哥接使命去了。不見回來。阿媽今日聚俺衆將。不知有何事分付。俺須索走一遭去。〔薛阿灘云〕將軍。俺去來。可早來到也。小番報復去。道有俺二將來了也。〔小番云〕理會的。報的阿媽得知。有安休休薛阿灘來了也。〔李克用云〕着他兩箇過來。〔小番云〕理會的。着過去。〔做見科〕〔安休休云〕阿媽。俺兩箇來了。有何事計議。〔李克用云〕您二將來了。且少待。等衆將來全了着。我自有箇主意。這早晚敢待來也。〔淨扮康君立李存信上〕〔康君立云〕阿媽帳下聚會。俺兩箇油嘴走一遭。自家康君立的便是。爲因有天朝使命來宣召俺阿媽。李嗣源哥哥接去了。今日阿媽在帳下聚衆將。俺須索走一遭去。〔李存信云〕康君立你不知道。阿媽請使命。必定安排酒。俺到那裡。噴他一頓酒肉。可早來到也。小番報復去。道有你兩箇老叔來了。〔小番云〕理會的。報的阿媽得知。有康君立李存信來了也。〔李克用云〕着他兩箇過來。〔小番云〕理會的。着過去。〔做見科〕〔康君立云〕阿媽。俺兩箇來了也。有甚麼話。說了罷。俺還要山前閑耍子兒去哩。〔李克用云〕您兩箇且在一壁。等李嗣源接待天

朝使命來。開讀宣詔。這早晚敢待來也。〔正末同陳景思喬都幹白首事上〕〔正末云〕某李嗣源是也。這三位是天朝使命陳景思喬都幹白首事。爲因大唐聖人。着宣差大人宣俺阿媽。來到沙陀。被薛鐵山賀回虎。將宣勅金銀牌面等件。都搶奪的去了。等我見了阿媽。拏那兩箇匹夫去。可早來到也。使命大人請。小番報復去。道有使命大人下馬也。〔小番云〕理會的。報的阿媽得知。有李嗣源同使命來了也。〔李克用云〕使命大人來了。俺接待去來。〔衆做接科〕〔做見科〕〔李克用云〕我道是誰。原來是陳景思大人。請。〔陳景思云〕不敢不敢。〔李克用云〕宣差。你記的我在上京爲留守官。俺兩箇曾一張紙上畫過字麼。〔陳景思云〕小官記的。〔李克用云〕陳景思大人。官居何職。〔陳景思云〕小官是吏部尙書。〔李克用云〕殺了也。二品職事了。〔陳景思云〕託賴元帥的虎威。〔李克用云〕宣差。聖人因甚麼宣我來。〔陳景思云〕今有黃巢作亂。侵擾山東一帶。奉聖人的命。着小官爲使命。與元帥五百面金銀牌。五百道空頭宣。并五馬金銀。內中有一道宣。是元帥的宣命。來到這裡。遇着兩員番將。他自言說他是薛鐵山賀回虎。把宣勅金銀等件。強搶的去了。小官欲要尋箇自盡。恰好遇着李嗣源來。救了我來見元帥。〔李克用做怒科〕〔云〕這兩箇匹夫無禮。聖人賞我的金銀。他怎敢搶的去了。更待干罷。李嗣源。還領你本部下人馬。就替我把那兩箇匹夫拏將來。斬了者。〔正末云〕得令。您孩兒如今領軍。就拏那兩箇匹夫。走一遭去也。

〔唱〕

〔賞花時〕頗奈這兩箇無徒說大言。惱的我髮乍衝冠怒氣轉。我直趕到大山前。把武藝軍中施展。你看我復奪了紫泥宣。〔下〕〔李克用云〕李嗣源擒拏那兩箇匹夫去了也。使命大人。俺且回後帳中飲酒去來。俺這裡武將英雄。託賴着大唐聖人。勦賊徒如同翻掌。放心破黃巢壁上吹燈。〔同下〕

第三折

〔薛鐵山賀回虎引小番上〕〔薛鐵山云〕地寒毡冷貂裘重。紛紛雪降滿長空。某乃番將薛鐵山是也。這箇是賀回虎。俺恰纔在山前打圍。正撞着大唐聖人差遣的天朝使命。賞賜李克用這幾扛金銀物件。被俺兩箇都奪將來了。小番領着駝垛。往俺營中去來。〔正末驢馬兒擎方天戟領小番上〕〔云〕某乃李嗣源是也。頗奈番將薛鐵山賀回虎。這兩箇匹夫無禮。大唐聖人賞俺阿媽的金銀宣命。被他搶的去了。更待干罷。小番跟着我。擒拏此二人去來。〔唱〕

〔越調鬪鶴鶉〕則俺這人馬彎犇精神抖擻。人有那勇力拔山。馬勝似翻江猛獸。俺這裡將廣兵多出來的英雄赳赳。擺列着銀纏鎗丈八矛。一箇箇敢勇當先。殺人帥首。

〔紫花兒序〕手中戟彩旛飄掛。甲披著足色黃金。馬驟著千里驊騮。心懷謀略。統領戈矛。爲頭。不由我心中怒怎收。將他那虜掠的罪名難宥。若擒住那無禮賊徒。我將他性命難留。〔云〕小番與我行動些。將人馬擺的齊整者。兀那一丟人馬。不知是那一枝人馬也。〔唱〕

〔金蕉葉〕不由我嗔忿忿追尋意久。催我這跔跔銀駝快走。舉手中直挺挺方天刃矛。殺的他亂紛紛急難措手。〔做見科〕〔薛鐵山云〕賀回虎。後頭有軍兵趕將來了。小番擺住陣着。〔正末云〕趕上了也。小番將陣勢擺的嚴整者。兀那兩箇匹夫。則我是李克用的長子李嗣源。你兩箇姓甚名誰。〔薛鐵山云〕你問俺兩箇。行不更名。坐不改姓。我是薛鐵山。他是賀回虎。〔正末云〕你這兩箇匹夫無禮。大唐聖人賞俺阿媽的金銀。您怎敢搶將來。趁早兒受降。萬事罷論。綻口道箇不字。一戟一箇。將您都殺死了。〔薛鐵山云〕不怕你。我和你略鬪幾合。〔做戰科〕〔正末唱〕

〔調笑令〕你怎敢賣口。好着我怒難收。呀。我把你兩箇無徒在此休。無神靈將您來遮救。殺的您人死方休。我見他兢兢戰戰心內憂。殺的他心血澆流。〔賀回虎云〕他是武藝高強。不怕你。俺和你再鬪幾合。〔做調陣子科〕〔正末唱〕

〔禿廝兒〕不怕您當場戰鬪。惱的我氣堵咽喉。您似那鷓鴣飛在雲裏頭。遇皂鷓鴣緊追求。命也合休。

〔聖藥王〕我見他低了頭。慢了手。一時命喪怎存留。待要逃。怎的走。兩箇無徒盡皆愁。殺的他半夜夢中憂。〔薛鐵山云〕將軍端的英雄。俺敵不住。你也不必交戰了。兀的你見麼。那馬上駝的金銀物件。俺爆仗封頭。不曾打開。俺兩箇則今日就降您阿媽去。將軍意下如何。〔正末云〕既是這等。俺就合兵在一處。您兩箇跟着我見阿媽去來。〔唱〕

〔尾聲〕大唐朝聖主天公佑。俺軍兵精神抖擻。您兩箇拜了阿媽。殺的那黃巢順風走。〔同下〕

第四折

〔隨陸續上〕〔云〕我做番將快騎馬。人家房上則偷瓦。若是閑了沒處去。塔上打會牌。殖耍。自家隨陸續是也。我們是李克用手下的小番。今日我們阿媽要請天使大人飲酒哩。我把那賽良的哈打刺孫。都安排的停當了。則等俺阿媽來。這早晚敢待來也。〔李克用領小番上〕〔云〕金牌宣詔。奪將去。又被吾兒擒到來。某乃李克用是也。奉聖人的命。差天使陳景思。齎着五百道空頭宣。五百面金銀牌。路上撞着番將薛鐵山賀回虎。被他奪將去了。某着李嗣源尋那匹夫去了。小番

帳前望者。若來時。報我知道。〔小番云〕理會的。〔李存章李存賢上〕〔李存章云〕沙陀地冷貂裘重。雪練羊皮欺露霜。某乃李存章是也。這箇將軍是李存賢。奉聖人的命。差天使持着宣詔金牌。來宣俺阿媽破黃巢去。不想遇着番將薛鐵山賀回虎。將宣詔金牌賞賜。都奪將去了。俺阿媽差俺李嗣源哥哥復奪去。就要擒了薛鐵山賀回虎。哥哥去了。還不見到來。將軍。俺見阿媽去來。〔李存賢云〕將軍。俺哥哥這一去。必然擒了那兩員番將也。俺見阿媽去。來到帳下也。小番報復去。道某兩箇來了也。〔小番云〕理會的。報的阿媽得知。有李存章李存賢來了也。〔李克用云〕着過來。〔小番云〕理會的。着過去。〔做見科〕〔李存章云〕阿媽。您兒來了。今日聚將您兒來。有何將令。〔李克用云〕今日聚您來。別無甚事。我差李嗣源孩兒去了。還不見到來。您且一壁有者。等來時。俺再做箇商議。這早晚敢待來也。〔李思昭李存虎上〕〔李思昭云〕鞞鞞鼙鼓連天響。悠悠羌管斷人腸。某乃李克用手下大將李思昭是也。這位是李存虎。今日阿媽在帳前。聚俺衆將。不知有甚事。俺見阿媽去來。〔李存虎云〕將軍。俺行動些。則怕阿媽久等。可早來到了。小番報復去。道有俺兩箇來了也。〔小番云〕理會的。報的阿媽得知。有李思昭李存虎來了也。〔李克用云〕着過來。〔小番云〕理會的。着過去。〔做見科〕〔李存虎云〕阿媽。您兒來了也。有何將令。〔李克用云〕孩兒每。您來了也。且一壁有者。等孩兒每都來全了時。我自有主意。這早晚敢待來也。〔李存勗

李存彪上〔李存勖云〕紛紛雪降梨花舞。漠漠平沙接遠天。某乃大將李存勖是也。這位將軍是李存彪。俺都是李克用阿媽手下的義兒家將。今日阿媽陞帳。不知有甚事。將軍。俺見阿媽去來。〔李存彪云〕將軍。今日阿媽聚俺。別無甚事。則是爲李嗣源哥哥。接天使一事。可早來到也。小番報復去。道俺兩箇來了也。〔小番云〕理會的。報的阿媽得知。有李存勖李存彪來了也。〔李克用云〕着他過來。〔小番云〕理會的。着過去。〔做見科〕〔李存彪云〕您孩兒來了。阿媽聚俺。不知有何將令。〔李克用云〕您且在一壁有者。等衆將都來全了時。某自有將令。〔安休休薛阿灘上〕〔安休休云〕壺中長插狼牙箭。袋內時彎鵲畫弓。某乃沙陀李克用麾下將安休休。這箇將軍是薛阿灘。今日阿媽聚俺衆將。不知有甚事。須索走一遭去。〔薛阿灘云〕哥。阿媽今日陞帳。必有將令。俺見阿媽去來。可早來到營中也。小番報復去。道有俺兩箇來了也。〔小番云〕理會的。報的阿媽得知。有安休休薛阿灘來了也。〔李克用云〕着他過來。〔小番云〕理會的。着過去。〔做見科〕〔李克用云〕兀那安休休薛阿灘。您二人來了也。且一壁有者。還少三兩箇小的。每未來哩。等來全了時。某自有將令。〔淨扮康君立李存信上〕〔康君立云〕平日打圍能射獵。刺蝟皮做箇好披肩。自家康君立是也。這箇是我姪兒李存信。俺都是這沙陀李克用阿媽手下義兒家將。我們正在帳房裏踢毬子耍子兒。聽的阿媽呼喚。不知有甚事。俺見阿媽去來。〔李存信云〕我說康君立

哥。我們阿媽這一聚俺。必定是那裡打圍耍去。前日打圍去。驚起箇野鷄。來被我一箭。連胸膛。帶脇肢。兜脖項。則一箭射箇合撲地。他跳起來看了我一眼。帶着箭還走了。〔康君立云〕這箇傻厮則說謊。來到了。小番報復去。說有俺兩箇來了也。〔小番云〕理會的。報的阿媽得知。有康君立李存信來了也。〔李克用云〕着他過來。〔小番云〕理會的。着您過去。〔做見科〕〔康君立云〕阿媽。俺兩箇來了也。你敢要往那箇山裏耍子去。着我們撮補你去。是也不是。〔李克用云〕你看這厮。一壁去。小番門首望者。等天使大人來時。便報復我知道。〔小番云〕理會的。〔陳景思上〕〔云〕自從來到元戎帳。惟有霜飛雪降多。小官陳景思是也。爲因兩箇番將。是薛鐵山賀回虎。他二將搶了我領來的駝垛金銀牌面。我欲要尋箇自盡。不期遇着李克用的長子李嗣源。他領將我來見了李克用。他去尋那兩箇番將去也。不見回還。今日李克用着人相請。不知有何事。我索走一遭去。來到也。小番報復去。道有小官來了也。〔小番云〕理會的。報的阿媽得知。有陳大人來了也。〔李克用云〕道有請。〔小番云〕理會的。有請。〔做見科〕〔陳景思云〕元帥。小官來了也。連日多多攪擾。勿令見罪也。〔李克用云〕大人。你休這等說。俺這沙陀地面。無甚麼管待。有俺李嗣源。尋那兩箇番將去了。等他回來。我自箇主意。這早晚敢待來也。〔喬都幹白首事上〕〔喬都幹云〕前日老喬心裏跳。爭些着人打破頭。自家是喬都幹。這箇是我姪兒白首事。平白地着我兩箇跟着陳

景思來這沙陀尋李克用。撞着兩箇人。走將來不由分說。把許多東西。都搶的去了。早是又遇着箇李嗣源。他把我們都領將來。他就去尋那兩箇人去了。今日有我們大人去他帳房裏去了。我也走一遭去。我姪兒。你跟我油嘴一遭去來。〔白首事云〕你箇傻厮悄悄的。前日吃了那一驚。還有些頭痛哩。你又題起來。爭些兒把我又謊倒了。來到了。小番報復去。說有我兩箇來了也。〔小番云〕理會的。報的阿媽得知。有喬都幹白首事來了也。〔李克用云〕着他過來。〔小番云〕理會的。着過去。〔做見科〕〔喬都幹云〕老大兒。我老喬白首事兩箇來了也。你領俺兩箇去西山角下。拏野鷄耍一會去來。〔李克用云〕你兩箇且一壁有者。等李嗣源拏將那薛鐵山賀回虎來了者。慶功。這早晚敢待來也。〔正末領薛鐵山賀回虎小番上〕〔正末云〕某李嗣源是也。奉阿媽的將令。着我尋薛鐵山賀回虎。去到賀蘭山畔。正遇着他兩箇。略展了些武藝。他兩箇拱手而降。駝垛金銀。並不曾打開。我領他兩箇見阿媽去來也。〔唱〕

〔雙調新水令〕不是我陣前施展虎狼威。酬絕我吐虹蜺浩然之氣。丹心扶社稷。忠孝保皇基。英勇誰及。留名姓。史書內。〔薛鐵山云〕小將軍。來到轅門首也。〔正末云〕可早來到了。小番報復去。道有李嗣源領的駝垛并兩箇番將來了也。〔小番云〕理會的。報的阿媽得知。有李嗣源同兩箇番將來了也。〔李克用云〕都着他過來。〔小番云〕理會的。着他過去。

〔做見科〕〔正末云〕阿媽。您孩兒收伏了兩員番將。復奪將這牌面宣命金銀來了也。〔李克用云〕這兩箇是誰。〔薛鐵山賀回虎跪下科〕〔薛鐵山云〕阿媽。俺兩箇是薛鐵山賀回虎。今日願情歸降。爲馬前一小卒。休嫌俺武藝低淺也。〔李克用云〕既然您投降了。起來。一壁有者。將那宣勅請將下來。放在案桌上。〔小番云〕理會的。〔做取勅書放在案桌上科〕〔李克用云〕李嗣源。你怎生施展武藝。收伏他兩箇來。你試說一遍。我聽者。〔正末云〕阿媽聽您孩兒說一遍者。

〔唱〕

〔鴈兒落〕我在那山前擺陣勢。施逞我胸中藝。則見他忙催駿馬來。走在當場立。〔李克用云〕可也多虧了你也。〔正末唱〕

〔得勝令〕呀。我從來心性最忠直。兵法盡皆知。說的他不敢尋爭鬪。慌忙拱手隨端的。又不是爭名利。其實則願的。凌煙閣上題。〔陳景思云〕李克用。您衆將望闕跪者。聽我開宣詔。〔李克用同衆跪科〕〔陳景思開詔〕〔云〕詔曰。朕承天命。統御萬邦。太平寰海皆清。不意賊寇黃巢。聚衆作亂。侵擾山東。特遣吏部尚書陳景思。齎捧詔書。前來沙陀。加李克用爲忻代石嵐鴈門關都招討破黃巢天下兵馬大元帥。賜五馬金銀。以爲賞軍之資。五百面金銀牌。與衆將臨陣懸帶。以旌武功。五百道空頭宣。待衆將有功者量加陞職。欽哉。元良之任。實託股肱。

卿宜星馳電發。勿負朕懷。想宜知悉。故茲詔示。廣明年月日詔。望天闕謝了恩者。〔李克用同衆謝恩科〕〔云〕感謝天恩。〔陳景思云〕元帥賀萬千之喜也。〔正末云〕阿媽。早則今日不負你萬年之志也。〔唱〕

〔落梅風〕不負你當年志。今日箇心上喜。領干戈我爲頭隊。破賊徒與皇家作柱石。方信俺頂天立地。〔李克用云〕將駝鞍并金銀牌等。行軍之時。唱名給散。放在一壁。小番擡上果桌來者。〔小番云〕理會的。〔做擺酒科〕〔李克用云〕一壁廂看熱酒來。宣差大人。俺今日一來慶喜。第二來就是與你洗塵。第三來與那新降的兩箇小的。并俺李嗣源孩兒慶功。您各依次序。都飲一杯也。〔衆做飲酒科〕〔正末云〕你看俺這衆多將校。一箇箇好是整齊也。〔唱〕

〔川撥棹〕我則見列樽席。設佳餚件件奇。你看那酒泛瓊盃。樂韻聲齊。拌醺醺開懷醉矣。樂陶陶心上喜。〔李克用云〕俺今日飲罷酒。擇一箇吉日良辰。便行兵去也。〔正末唱〕

〔七弟兄〕俺可也正宜軍起統旌旗。滅煙塵準備安邊地。保皇朝端的勝磐石。立芳名萬代身榮貴。

〔梅花酒〕呀。一箇箇用武威。〔李克用云〕看了俺這裡衆小的每。這等英雄。覷那黃巢。有如

兒戲也。〔正末唱〕看了那大膽強賊。怎敢胡爲。便見箇眞實。顯英才施妙策。呀。敢領軍卒去相持。我看的來省氣力。〔李克用云〕再看熱酒來。俺今日務要盡醉方歸也。〔正末唱〕毡帳外日平西。營寨內晚風微。〔李克用云〕託賴聖人洪福齊天。俺衆將這一去。必然成功也。〔正末唱〕


〔喜江南〕呀。託賴着吾皇洪福與天齊。收成五穀樂雍熙。千邦納土盡來儀。一齊的讚禮。賀豐登四海罷征旗。〔李克用云〕您衆將飲罷酒也。一齊的都望闕跪者。就打開空頭宣。聽聖人與您加官賜賞。大唐朝宇宙清寧。萬萬載康泰興隆。文官要赤心報國。武將強絕滅煙塵。爲黃巢山東作亂。領餓夫侵擾州城。有鄭畋駕前舉薦。着我做掛印元戎。五百箇義兒家將。一箇箇武藝精通。金銀牌每人一面。空頭宣各有加陞。薛鐵山賀回虎二將。封您做保駕將軍。擺陣勢操演人馬。擇吉日便索行兵。擒彼將如同兒戲。破黃巢掌上觀紋。今日箇筵宴已罷。一齊的拜謝皇恩。

題目

陳景思親自持丹詔

正名

李嗣源復奪紫泥宣



壓關樓疊掛午時牌

閔名

頭折

〔冲末扮黃巢領卒子上〕〔黃巢云〕舞袖龍泉三尺長。腹中展轉氣昂昂。軍權落在吾黨手。殺人高似北邙岡。某姓黃名巢字巨天。曹州冤句縣人氏。某生的眉開一字。牙生兩釘。鬚若金針。眼如碧錠。左臂上有肉騰蛇。右臂上有碎肉塊。脊背有七星鬚。胸前有八卦圖。某生的面黃肌瘦。眼嵌縮腮。幼年學成滿腹內文章。某往長安應舉。頗奈段文楚無禮。懸秤賣官。將某龍門點額。某不得爲官。忿怒而回。路逢一青衣道人。與吾一劍。乃是龍泉劍。某作詩一首。扯了藍衫布裹頭。班朝無意却封侯。馬前若得三千卒。撥亂唐朝四百州。某仗劍直至香山。袒臂一呼。聚餓夫百萬。戰將千員。殺人八百萬。流血三千里。統軍在於華嚴川。頗奈李克用無禮。要屯軍在壓關樓。聚天下諸侯。要與某交戰。量他到的那裡。某先差孟截海領十萬雄兵。數員名將。與李克用相持廝殺。某然後統領大勢雄兵。接應孟截海。走一遭去。統兵百萬鎮山川。人強馬壯列無邊。殺的他血水有如東大海。我着他認的英雄黃巨天。〔同下〕〔李克用領番卒子上〕〔云〕番番番。地惡人毒。騎寶馬。坐雕鞍。飛鷹走犬。野水青山。渴飲羊酥酒。飢食鹿脯肝。鳳翎箭手中施展。寶雕弓臂上斜彎。林前

酒闌。胡旋舞阿者。丹青寫入畫圖間。某乃李克用是也。先父姓朱邪赤心。因征龐勳有功。御賜姓李。名曰國昌。先父爲幽州刺史。後封鎮武節度使。我父亡之後。某因帶酒打了段文楚。貶某在沙陀地面歇馬。今有黃巢反亂。聖人的命。取我來破黃巢。加某爲忻代石嵐鴈門關都招討破黃巢兵馬大元帥。某領着五百義兒家將。大勢番兵。來到鴈門關。收了一員上將。姓周名德威。字鎮遠。此人文武兼濟。來到飛虎峪靈丘縣。又遇着一壯士。將牛來大小毒蟲。三拳兩脚打殺了。某問其故。此人姓安名敬思。某就收留了。做義兒家將。加他爲十三太保飛虎將軍李存孝。某離河中府不遠。我如今要破黃巢去。則少一箇前部先鋒。令人請的周將軍來者。〔外扮周德威上〕〔云〕臨軍望塵知敵數。對壘嗅土識兵機。鴈門裏外聞吾怕。則我是文武雙全周德威。某姓周名德威。字鎮遠。幼習韜略遁甲之書。不得已曾在這鴈門關落草爲寇。不想遇着這沙陀大將李克用。某見此人有熊虎之威。箭射雙雕。某投降於麾下。加某爲番漢軍都總管。深感元帥大德。一見如故。某竭力盡心。贊成其事。如今要剿捕黃巢去。前至河中府不遠。不想元帥至飛虎峪。收了一員將軍。姓安名敬思。此人有打虎之威。元帥着他做義兒。改名李存孝。今日元帥陞帳。令人來請。須索見元帥去。小校報復去。道有周德威來了也。〔卒子云〕理會的。喏。報的元帥得知。有周將軍來了也。〔李克用云〕着他過來。〔卒子云〕理會的。着過去。〔見科〕〔李克用云〕周將軍。請你來別

無甚事。我如今破黃巢去。則少箇前部先鋒。我如今着存孝掛先鋒印。將軍意下如何。〔周德威云〕元帥則見此人有打虎之威。可不會見他武藝如何。〔李克用云〕周將軍言者當也。小校與我喚將存孝來者。〔卒子云〕理會的。存孝安在。〔正末扮李存孝上〕云某乃李存孝是也。自幼父母雙亡。某姓安。乃是安敬思在這鴈門關。與鄧大戶家牧放些羣羊。不想沙陀李克用。領兵前來。見某在飛虎峪三拳兩脚。打殺箇毒蟲。俺阿媽見某有打虎之威。就招安我爲義兒家將。加某爲十三太保飛虎將軍李存孝。今日阿媽陞帳。不知有甚事。須索走一遭去。存孝也。誰想有今日也呵。〔唱〕

〔仙呂點絳脣〕我可便自幼攻書。二親亡故。無一場安身處。與人家作婢爲奴。險些兒埋沒殺俺這擎天柱。

〔混江龍〕今日箇青雲得路。我如今立功勳。將名姓播皇都。〔帶云〕存孝則不你受貧。〔唱〕想當初太公垂釣。伊尹耕鋤。垂釣的皓首蒼顏安社稷。耕鋤的盡心竭力定寰區。你看我披堅執銳。插箭彎弧。鞭懸竹節。劍掣銀鋸。你看我施韜略。運機謀。知地理。曉天書。我舞長槍。排戈甲。將士卒驅。煞強如撚鞭梢。近水草。將羣羊牧。但能穀一官半職。愁甚麼駟馬高車。〔云〕報復去。道有李存孝來了也。〔卒子云〕理

會的。喏。報的元帥得知。存孝將軍來了也。〔李克用云〕着他過來。〔卒子云〕着你過去。〔見科〕
〔云〕阿媽喚你孩兒。那廂使用。〔李克用云〕存孝。我喚你來別無甚事。我如今要破黃巢去。正是
用人之際。我問你自小問離了父母。你會習學甚麼兵書戰策。謀略英勇。比古來那幾箇上將。你
說一遍。我試聽者。〔正末云〕阿媽。你孩兒幼小。也曾習學兵書戰策來。阿媽。聽您孩兒說一遍
者。〔唱〕

〔那吒令〕論權變不弱那斬莊賈穰苴。論謀略不弱那破匈奴亞夫。論英雄不
弱那挾展雄子胥。憑着我武藝熟。我若把賊兵遇。殺上將似刈葦芟蒲。〔李克用
云〕孩兒也。你若見那黃巢。怎生施展你那武藝。你試說一遍者。〔正末唱〕

〔鵲踏枝〕上陣處整起彪軀。交馬處攢住征夫。滴溜撲摔下雕鞍。磕塔的攢住
征服。我若把鞭梢來指處。將他那敗殘軍似電掃風驅。〔李克用云〕我看了存孝。他
外有卞莊之勇。內隱孫武子之書。這先鋒印。教他掛了者。〔周德威云〕住住住。元帥看了這存孝
將軍。這先鋒印可着他掛。則是一件。存孝將軍。你休怪。小官說。自古及今。這元帥印便讓先鋒印
可爭。元帥如今着存孝將軍托着這先鋒牌印。去這營中間三遭。軍中赳赳。將內雄雄。有敢爭先
鋒牌印的出來。元帥一箇牛來大小大蟲。他猶然三拳兩腳打殺了。誰敢出來和他爭先鋒牌印。

若無人爭呵。那其間存孝將軍掛這先鋒印。他做也做的氣長。又顯的元帥不棄舊憐新也。（李克用云）言者當也。存孝孩兒。你依着總管。將着這先鋒印。去軍中搦三遭。若無人出來與你爭先鋒牌印。你就掛了者。你搦去者。（正末云）兀那軍中。趕起將內英雄。有敢爭先鋒牌印的出來。（二淨康君立李存信上）（康君立云）弓馬武藝都不濟。全憑口嘴爲活計。這箇是說謊的。李存信。則我是多嘴的。康君立。俺兩箇這箇是李存信。我便是康君立。俺兩箇弓馬上五烈不撟。早晚阿媽跟前。倒刺李知赤伏侍。阿媽但見了俺兩箇。便喜歡。（李存信云）你不知道。如今有一樁事。前日阿媽新收了的那安敬思。如今着他做義兒。今日就着他做前部先鋒。在營中擎着先鋒牌印。搦了三遭。無人敢爭。我想來。俺許多義兒家將。無一箇做先鋒的。走將一箇牧羊的來。倒做了先鋒。也顯的俺這裡無人。我如今和他爭先鋒牌印去。（康君立云）你要和他爭先鋒。你則是去那廝手裏納性命哩。他將牛來大的大蟲。三拳兩腳打殺了。量你到的那裡。（李存信云）我心裏不忿那箇牧羊子做先鋒。（康君立云）你真箇要和他爭先鋒。我與你使箇反將之計。（李存信云）甚麼反將之計。（康君立云）我使一智。（李存信云）你可怎生智他。（康君立云）你如今見了阿媽。說過了和他爭。阿媽必然撥與你軍馬。着你兩箇爭戰。我如今去那李存孝跟前。下一篇說詞。我着他不敢還你手。你則管施展你那武藝。此計如何。（李存信云）你也

說的是。你可仔細着。〔康君立云〕你休管我。我自分曉。你過去見阿媽去。我這裡看着。〔李存信云〕我見阿媽去。小校報復去。道有李存信來見阿媽。〔卒子云〕理會的。〔報科〕〔云〕喏。有李存信在於轅門首。〔李克用云〕着他過來。〔卒子云〕着過去。〔李存信見科〕〔云〕阿媽。您兒來有說的話。〔李克用云〕你有甚麼話說。〔李存信云〕阿媽。怎生如今着這厮掛先鋒印。阿媽手下有五百義兒家將。裏面無一箇掛這先鋒印的。倒着這箇牧羊子做先鋒。也着天下諸侯。恥笑阿媽手下也無甚麼英雄好漢。着一箇牧羊子做先鋒。您孩兒和他爭這先鋒印。〔李克用云〕這厮。你爭先鋒印。則爭先鋒印。口口聲聲則說他是牧羊子。牧羊子。當初傳說也會板築。伍員也曾吹簫。韓信也曾乞食。樊噲也曾屠狗。你既然要和他爭先鋒印。一人撥與你一百軍。與他篩籬。搥鼓。呐喊搖旗。若贏了的。便掛先鋒印。若輸了呵。我不道饒了你哩。〔正末取兵器科〕〔云〕小校。將我那兵器來。〔康君立扯住正末科〕〔云〕李存孝。你認的我麼。〔正末云〕我不認的你。〔康君立云〕你不認的我。也怪不的你。你可也纔來。則我便是第十二箇家將。康君立是也。我沒嘴沒舌的好人。你和誰爭先鋒交戰。〔正末云〕我和李存信交戰。〔康君立云〕你和李存信交戰。噯。兄弟也。你也有福遇着我。你自想麼。俺這五百義兒家將裏頭。偏別人不敢和你爭先鋒。他是阿媽的心愛的孩兒。阿媽無他呵。不喫酒。無他呵。不喫肉。阿媽若差他那裡去了。論年家不喫飯哩。你

和他交戰。休說你贏了他。你那兵器但湯着他一箇甲葉兒呵。你死無葬身之地。他的那武藝。料着也近不的你。你則是遮截架解。你休還他。你還有福遇着我。〔正末云〕阿媽將令着俺兩箇交戰爭先鋒印。哥哥你若不說呵。您兄弟怎生知道。他是阿媽心愛的孩兒。哥哥你是誰。〔康君立云〕我恰纔不說來。則我是家將數中第十二箇。本分老實。沒言沒語的。康君立是也。你則牢記者。〔正末云〕哦。哥哥是康君立。多謝了哥哥。我知道。我待要贏了他來。則怕阿媽見罪。我則索饒讓他些。〔康君立見李存信科〕〔云〕你則管放心殺那牧羊子。我和他說了。他不敢還手。〔李存信云〕我知道了也。存孝來來來。嚙兩箇交戰幾合。〔做戰科〕〔正末唱〕

〔寄生草〕他將那槍來刺。我將這槍當住。他那裡誇強道會施英武。着俺那有恩有義的新尊父。我料那槍法武藝何足數。他那裡斜敦正刺望咱侵。我這裡遮截架解將身護。〔李克用怒科〕〔云〕兩箇住者。周將軍。你不枉了是足智多謀的人。我見這廝將牛來大小毒蟲。三拳兩脚打殺了。我心裏着他掛這先鋒印。早是將軍着他搦。不想這廝出來和他爭。恰纔看了李存信那槍。一五一十堆垛在他前心兩肋。他則是遮截架解。周將軍。這李存信他不會甚麼武藝。他則是早晚扶持我。恰纔這小的。他尙且贏不的。如今那黃巢手下。有的是那好漢。倘若有些疎失。可怎了也。兀那安敬思。你將我與你的鞍馬衣甲頭盔。你都留下。你還去

那鄧大戶家牧羊去。〔李存信云〕如何。我道這牧羊子。到不的我手裏。你則去放你那羊去罷。
〔周德威云〕住住住。元帥息怒。恰纔小官見這二人交戰。存孝將軍不輸。他那武藝有哩。則怕
其中有詐。〔李克用云〕有甚麼事。〔正末云〕阿媽。您孩兒有冤枉的事。可是敢說麼。〔周德威云〕
如何。元帥。我道中間必然有詐。〔李克用云〕你有甚麼冤枉的事。正要你說哩。〔正末云〕您
孩兒恰纔要與李存信爭先鋒印。不知那裡走將箇哥哥來。他道存孝。你怎生與他爭先鋒印。他
是阿媽心愛的孩兒。阿媽沒他不喫酒。阿媽沒他不喫飯。你若是輕抹着他些兒。阿媽怒了啊。你
死無葬身之地。您孩兒聽的說是阿媽心愛的孩兒。因此上不敢還他手。〔李克用云〕你記的
他名字麼。〔正末云〕您孩兒不記的。他名字我忘了也。我試想者。〔做想科〕〔云〕哦。他說是康君
立。〔李克用云〕是誰。〔正末云〕是康君立。〔李克用云〕小校與我拏將康君立來者。〔外做拏
康君立科〕〔李克用云〕兀那厮。你怎麼亂我這軍令也。〔康君立云〕阿媽。干我甚麼事。我又不
曾說甚麼。〔李克用云〕小校。把這厮推出去。殺壞了者。〔周德威云〕住住住。元帥。咱未曾與黃
巢交戰。先殺了一員上將。做的箇於軍不利。怎生饒他頂上一刀。且着杖子上教道他。〔李克用
云〕把那厮拏過來。我若不着着周將軍面皮。我殺了這匹夫。且寄頭在項。攬了那槍頭槍鏢。小
校與我脊杖六十者。〔卒子云〕理會的。〔打科〕〔云〕四十五十六十。〔李克用云〕搶出去。存孝。你

兩箇再爭。今番贏了的。便掛先鋒印。〔正末云〕阿媽。您孩兒如今要與那李存信交戰呵。可是敢還他麼。〔李克用云〕我正要看你那武藝哩。怎生不敢還他。這五百箇都是我的義兒家將。我則有一箇親兒是李亞子。你休說與李存信交戰。便和我亞子交戰。我也要你還他。不妨事。〔李存信云〕阿媽。我贏了他。怎生又教我和他交戰。〔李克用云〕你和他再爭去。〔李存信云〕我這一遭不濟事了。我和你交戰來。〔做戰科〕〔正末唱〕

〔金盞兒〕我這裡騁彪軀。手輕舒。我將這煙搥不用忙那步。我見他手忙也那脚亂強支吾。我一隻手揪住腰帶。一隻手按住胸脯。你比那斑斕獸少些氣力。你比那飛虎峪省些工夫。〔做活挾李存信科〕〔李存信云〕不好了。我死也。〔正末做捧李存信科〕〔云〕小校收了人者。〔李存信云〕不好了。那箇救我一救兒。慢捧。看搶破我鼻子。〔李克用云〕周將軍。我爭些兒錯怪了存孝孩兒。把那厮搶出去。〔搶出去科〕〔李存信出門科〕〔云〕我說我近不的他麼。〔做見康君立科〕〔云〕兀的不是康君立。你爲我着你喫了這一頓打。〔康君立云〕都是爲你來。李存信。恰纔若不是周德威勸呵。那裡取我的性命。如今正是用他的時節。咱休和他爭競。久以後平了賊寇。那其間阿媽每日喫酒飲宴。可用着俺兩箇。俺務要着阿媽殺了這牧羊子。我就不爲人罷罷罷。我如今纔後悔。打腫兩條腿。喫了這一頓。康君立。我再也不

多嘴。〔李存信云〕哥也。我也有這箇心。你和我心裏則一般。無甚事。替你暖痛。喫酒去來。冤讐若不分明報。枉作堂堂大丈夫。〔同下〕〔李克用云〕存孝。則今日掛了先鋒印者。〔外扮手將劉允上〕〔云〕虎驅英雄四百州。今朝排宴壓關樓。諸侯若破黃巢後。永鎮乾坤萬萬秋。某乃河中府節度使王重榮麾下將劉允是也。今奉王節度使大人的言語。差我持着請書。請李克用元帥。并他手下五百義兒家將。同到壓關樓赴會。須索走一遭去。可早來到也。小校報復去。道有河中府節度使王重榮差一手將持書來見元帥。〔卒子云〕理會的。〔報科〕〔云〕喏。有王重榮差一手將來見元帥。〔李克用云〕着他過來。〔卒子云〕理會的。着過去。〔見科〕〔李克用云〕你是那廂來的。〔劉允云〕元帥。小將是河中府王節度使差來的。敬請元帥赴壓關樓上飲宴。有書呈在此。〔李克用做接書看科〕〔云〕我知道了也。你先回去。某隨後便來。〔劉允云〕我辭別了元帥。回俺王節度使大人話。走一遭去。今朝請罷衆諸侯。絲鞭緊驟紫驄。小將今日先回報。來朝都赴壓關樓。〔下〕〔李克用云〕存孝并五百義兒家將。收拾戰馬。明日都跟着某。去壓關樓赴宴去來。〔正末云〕理會的。〔唱〕

〔尾聲〕則道我甘老在鴈門關。誰承望發達在河中府。則今日平賊寇開疆展土。你看我擐甲披袍整虎軀。憑着我滿腹中戰策兵書。你看我便領軍卒定計。

鋪謀。我看孟截海賊兵如糞土。試看我揚威耀武。憑着我治安的心數。我則將那賊兵一掃盡歸伏。〔下〕〔李克用云〕周德威。便說與我那五百義兒家將。明日都着他每披袍擐甲。隨着某去壓關樓赴宴。都要擺布的嚴整者。我正要威懾天下諸侯哩。〔周德威云〕小官理會的。我出的轅門來。兀那五百義兒家將。元帥的將令。都着您披袍擐甲。結束威風。明日都赴壓關樓飲宴。您得了令者。〔衆應科〕〔見元帥云〕元帥傳了令也。〔李克用云〕周將軍傳了令也。到來日往壓關樓上赴會。走一遭去。今朝一日統貔貅。颯颯旌旗不斷頭。槍刀燦爛魚鱗砌。來朝親赴壓關樓。〔同下〕

第二折

〔淨扮孟截海領喬卒子上〕〔云〕六韜三略全不濟。兵書戰策我不知。聽的上陣去廝殺。撥回馬頭走如飛。某乃孟霸仙是也。綽名喚做孟截海。今佐於黃巢手下爲前部先鋒。今有李克用領兵。在於黃河岸邊安營下寨。我聽知的各處諸侯。都在河中府。則說李克用手下有五百義兒家將。好生的英勇。我手下有一員大將。乃是彭白虎。我着令人叫他來。先着他去打聽箇聲息。令人與我喚將彭白虎來者。〔喬卒子云〕理會的。彭白虎安在。〔淨扮彭白虎上〕〔云〕朝爲田舍郎。暮登張子房。出的朝陽門。便是獐鹿房。自家孟截海手將彭白虎的便是。正在教場中耍耍孩兒。

元帥呼喚。須索走一遭去。報復去。有彭白虎來了也。〔喬卒子云〕理會的。喏。彭白虎來了也。〔孟截海云〕着他過來。〔喬卒子云〕着過去。〔見科〕〔云〕元帥喚小將有何事。〔孟截海云〕彭白虎。喚你來別無甚事。今有李克用。領兵在黃河側邊。安營下寨。聽知的各處諸侯。都在河中府。則說李克用手下有五百義兒家將。好生英勇。你先去打探箇聲息。就擲他交戰。我隨後接應你去。〔彭白虎云〕元帥放心。我先領兵與他交戰去。大小三軍。聽吾將令。衆小校。不須消停。一箇箇好關偏爭。我今日傳了將令。則要您記的叮嚀。也不許搖旗吶喊。也不許擂鼓鳴金。也不許吹噓囉喇。呌。暗着氣。咬着下唇。殺將來。休言語。甘心受死。一了說有理的。不在高聲。〔下〕〔孟截海上〕〔云〕彭白虎去了也。大小三軍。聽吾將令。則今日與李克用相持廝殺。走一遭去。我做大將。實是能。狐朋狗黨。逞英雄。左手將着。薙棍棒。右手拚彈。大木弓。馬跨懶驢。追風騎。錐子扎着。不肯行。頭戴十箇。渾鐵帽。身披鎧甲。五十層。錦征袍。穿上三十領。雲南氍衫。裹上六十重。爲甚麼我穿的。倍來厚。跌下驢來。不害疼。他那裡領着的。都是挾人。捉將英雄漢。我手下領着些。奸懶食饑。一夥妳軍。〔下〕〔王重榮領卒子上〕〔云〕祖父艱辛立業成。子孫榮襲受皇恩。爲臣輔弼行肱股。保助皇朝享太平。小官河中府節度使王重榮是也。今因黃巢作亂。袒臂一呼。聚餓夫百萬。斫伐桑棗。虜掠人民。今奉聖人的命。調俺天下諸侯。都到河中府會合。有沙陀李克用。聖人封他爲忻代。

石嵐鴈門關都招討破黃巢天下兵馬大元帥。別處的諸侯都來到也。則等李克用將軍來。方纔會合。昨日有人來報。說道李克用領本部下軍馬。來至河中府。離城十里地。安營下寨。小官就昨日差人前去。請李克用并他手下五百義兒家將都來。小官這裡有一座樓。名曰是壓關樓。這樓緊挨着這黃河。今日小官在此樓上。安排酒殺。請李克用并天下諸侯飲宴。令人門首觀者。若衆大人來時。報復我知道。〔王鐸上〕〔云〕大將英雄得志秋。胸中韜略運機籌。官封極品安天下。威名趕趕鎮滄州。某乃滄州洪海郡晉國公王鐸是也。方今大唐僖宗在位。改爲廣明之年。今因黃巢作亂。奉聖人的命。調俺天下諸侯。共破黃巢。都到河中府取齊。某到了數日。今有此處節度使王重榮。在壓關樓安排筵宴。會俺衆官。須索走一遭去。可早來到也。左右接了馬者。小校報復去。道有晉國公至此也。〔卒子云〕理會的。〔報科〕〔云〕喏。有晉國公來了也。〔王重榮云〕晉國公來了也。道有請。〔卒子云〕有請。〔見科〕〔王鐸云〕呀呀呀。節度使。數載不見。有失動問。今日有勞節度使治酒張筵。某何以克當也。〔王重榮云〕將軍遠路風塵。請上樓。令人門首看者。再有大入每來時。報復我知道。〔朱全忠上〕〔云〕幼小曾將武藝攻。深習呂望六韜文。背暗投明扶仁主。勅賜全忠顯姓名。某乃朱全忠是也。幼而習文。長而演武。先佐於黃巢手下。次後降唐。今謝聖恩可憐。御賜全忠二字。今奉聖人的命。着俺各處軍馬。都到河中府會合。今日某到此河中府。有

節度使王重榮。在壓關樓安排筵宴。請俺衆將。可早來到也。報復去。道有朱全忠來了也。〔卒子云〕理會的。〔報科〕〔云〕喏。有朱全忠大人來了也。〔王重榮云〕道有請。〔卒子云〕理會的。有請。〔做見科〕〔王重榮云〕節度使。鞍馬上勞神也。請上樓。〔朱全忠云〕節度使請。〔王重榮云〕令人門首覷者。元帥來時。報復我知道。〔李克用同周德威上〕〔李克用云〕某乃李克用是也。來到這河中府壓關樓將近也。周將軍。着那五百義兒家將。都在樓下擺列的嚴整者。〔周德威云〕得令。〔李克用云〕可早來到也。小番接了馬者。報復去。道有某來了也。〔卒子云〕理會的。〔報科〕〔云〕喏。有李元帥來了也。〔王重榮云〕元帥下馬也。大人。俺接待元帥去來。〔衆接科〕〔李克用見科〕〔云〕節度使。來了也。〔王重榮云〕元帥都來了也。請上樓。〔上樓科〕〔李克用云〕主人家王節使。這箇便是周德威。新降了唐。官封番漢都總管。〔王重榮云〕呀呀呀。某久聞將軍大名。如雷貫耳。今日得遇尊顏。實乃小官之萬幸也。〔周德威云〕不敢不敢。〔王重榮云〕元帥。衆位大人請坐。小官在此樓上。安排酒殺。請元帥并衆位大人飲宴。小校擡上果卓來者。〔卒子云〕理會的。〔做擡果卓科〕〔王重榮云〕將酒來。元帥滿飲此杯。元帥請。〔李克用飲酒科〕〔云〕衆官人恕罪。某飲酒也。〔飲酒科〕〔王重榮云〕衆位大人。滿飲此杯。〔衆做飲科〕〔李克用醉科〕〔云〕酒且慢行。〔做睡科〕〔朱全忠不忍科〕〔王重榮云〕令人休大驚小怪的。元帥睡着了也。慢

慢的看熱酒來。我與衆大人飲幾杯。〔卒子慌上科〕〔云〕「喏。報的元帥得知。今有孟截海索戰。」〔王重榮云〕「衆位大人聽的說麼。有孟截海來索戰。元帥帶酒歇息了。可怎生是好。」〔朱全忠起身喚李克用科〕〔云〕「我多聽的人說。這李克用傲慢人。我就着這箇機會。我誑他一誑。」〔做揪衣服科〕〔云〕「元帥休推醉。你的本對。請你索戰哩。」〔又揪衣服科〕〔李克用云〕「你是何人。」〔朱全忠云〕「你不識我。則我是新降唐的朱溫。聖人賜全忠二字。則我是朱全忠。」〔李克用云〕「你是朱全忠。好箇醜臉漢也。全忠。你看俺唐朝官人每。好無分曉也。廝殺了一場。把箇唐朝天下。兩隻手分付與了這箇醜漢。」〔朱全忠云〕「元帥休推醉。你的本對孟截海索戰哩。」〔李克用云〕「你鬧做甚麼。怎生一箇孟截海。是我的本對。」〔朱全忠云〕「你不知他的名兒。且休說他武藝。他把東洋大海喝一聲。就截斷了哩。」〔李克用云〕「你看他波。那裡有箇將軍。截斷東洋大海。朱節使你長別人威風。滅自己志氣。他怎生是我的本對。假似他那葛從周黃巢便與我做的本對。他強殺者波。他則是箇前部先鋒。我怎生與他做本對。」〔朱全忠云〕「我怎生長他的威風。他的武藝本高。小官也曾和他在一處來。我也和他做不的本對。則除是你。方可做的對手。」〔李克用云〕「我也不和你爭競。你看那樓下面擺列的。都是我那五百義兒家將。我如今使箇小的走將去。活拏將那孟截海來。你意下如何。」〔朱全忠云〕「怎生你着箇小的去。拏將那孟截海來。敢是你家。」

的人。你也忒誇大言也。〔李克用云〕住者。我如今要點一箇去。我必然選那英雄好漢。能相持慣廝殺的去。周將軍。你去躡着那樓胡梯。問三聲誰敢與孟截海交戰去。那小的每聽的廝殺呵。他必然爭着要去。若上樓來時。你着朱節使自家揀。你可休揀那好的去。朱節使。你則揀那囊的。走將去活拏將那孟截海來。打甚麼不緊也。〔朱全忠云〕你忒河門海口。不要我揀好的。我不道的揀好的去哩。〔李克用云〕周將軍你問去。〔周德威云〕理會的。〔做出門問科〕〔云〕我躡着這樓胡梯。兀那五百義兒家將。您聽者。元帥的將令。那一箇好男子好漢。敢與孟截海交戰去。可是有也是無。〔外扮李嗣源上〕〔云〕幾度相持在戰場。威風赳赳顯剛強。沙陀數載聲名大。永保皇圖萬載長。某李嗣源是也。某深通兵書。廣看戰策。每回臨陣。無不建功。今佐於李晉王麾下。爲義兒家將。正在樓下聽令。阿媽傳令。着與孟截海交戰去。我上的這樓來。〔做見科〕〔云〕阿媽。您孩兒與孟截海交戰去。〔李克用云〕朱節度使這箇如何。〔朱全忠云〕這李克用是誇口。這一箇將軍。與孟截海是做的對手。我不要他去。〔李克用云〕你且一壁有者。再叫一箇來。〔周德威叫科〕〔云〕五百義兒家將。誰敢與孟截海交戰去。〔李思昭上〕〔云〕跨下呼雷豹。手執開山斧。姓李名思昭。綽號短臂虎。某李思昭是也。十八般武藝。無有不拈。無有不合。在於阿媽麾下爲將。正在樓下聽令。阿媽傳令。着與孟截海交戰。我上的樓來。〔做見科〕〔云〕阿媽。您兒與

孟截海交戰去。〔李克用云〕使這箇小的去如何。〔朱全忠云〕這箇將軍又不歹。我不要他去。〔李克用云〕你且一壁有者。周總管再叫一箇來。〔周德威叫科〕〔云〕誰敢與孟截海交戰去。〔安金全上〕〔云〕征袍壯士敢當先。盡忠報國靜狼煙。出馬交鋒臨陣上。活挾大將離離鞍。某乃大將安金全是也。正在樓下聽令。阿媽着去與孟截海交戰去。我上的樓來。〔做見科〕〔云〕阿媽。您兒與孟截海交戰去。〔李克用云〕節度使着這箇小的去如何。〔朱全忠云〕這箇將軍又好漢。我也不要他去。〔李克用云〕再叫一箇來。〔周德威叫科〕〔云〕誰敢與孟截海交戰去。〔孟知祥上〕〔云〕靴尖能踢鐙。袖窄拽弓疾。鞭梢響一作響展。軍馬鴈行齊。某乃孟知祥是也。生居塞北。長在沙陀。正在樓下聽令。有孟截海索戰。阿媽呼喚我上的樓來。〔做見科〕〔云〕阿媽。孟知祥敢與孟截海交戰一遭去。〔李克用云〕朱節使着這厮去如何。〔朱全忠云〕這箇將軍又不歹。我也不要他去。〔李克用云〕再叫一箇來。〔周德威叫科〕〔云〕誰敢與孟截海交戰去。〔石敬瑭上〕〔云〕幼小曾將武藝習。南征北討慣相持。臨軍望塵知敵數。對壘嗅土識兵機。某乃石敬瑭是也。正在樓下聽令。阿媽問誰敢與孟截海交戰。我上的這樓來。〔見科〕〔云〕阿媽。您孩兒與孟截海交戰去。〔朱全忠云〕這箇將軍又好。不要他去。〔李克用云〕再叫一箇來。〔周德威叫科〕〔云〕誰敢與孟截海交戰去。〔劉知遠上〕〔云〕威鎮邊關氣象雄。排兵布陣按天文。帳前

百萬英雄將。扶持社稷保乾坤。某乃劉知遠是也。生於紫塞。長在沙陀。頗習韜略。善用兵機。今佐於阿媽麾下爲將。正在樓下聽令。樓上問誰敢與孟截海交戰去。我上的這樓來。〔做見科〕〔云〕阿媽。你孩兒去。〔李克用云〕朱節使。這箇將軍如何。〔朱全忠云〕這箇將軍又好。我也不要他去。〔李克用云〕再叫一箇來。〔周德威叫科〕〔云〕那箇敢去與孟截海交鋒去。可是有也無。〔正末上〕〔云〕有有有。我敢去。我敢去。〔唱〕

〔南呂一枝花〕者莫你鬧垓垓發喊聲。急颺颺旌旗擺。撲簌簌鼙鼓擂。響瑤瑤戰鑼篩。則我這冒捲江淮。雖然是虎瘦雄心在。你看我仗英雄。憑戰策。我與你重結束。插箭彎弓。你看我再戎裝披袍擐鎧。

〔梁州〕聽的道廝殺呵。則我這精神可便抖擻。聽的道相持呵。我可便喜笑的這盈腮。〔云〕小校報復去。道有存孝來了也。〔卒子報科〕〔云〕元帥。李存孝來了也。〔李克用云〕着他過來。〔卒子云〕過去。〔見科〕〔云〕我上的這樓來。阿媽。您兒敢和孟截海交戰去。〔李克用云〕存孝。說孟截海名揚天下。好生英雄。則怕你近不的他麼。〔正末唱〕阿媽道孟截海軍馬聲名大。者莫他拔山的氣勢。舉鼎的雄才。擎雲手段。握霧機謀。我和他戰千合。直着他力盡筋衰。殺的他手張狂。頓項遮腮。者莫是黑洞洞虎窟龍潭。者莫他浪滔

沿汪洋得這大海。者莫他便雄赳赳弓弩齊排。憑着我威風氣槩。問甚麼密匪。匪鐵桶般連環寨。你看我勒住馬陣前搨。我可便覷的賊兵如小哉。不索疑猜。

〔李克用云〕朱節使着他去如何。〔朱全忠云〕我則道李克用五百義兒家將。都是這般英雄好漢。元來內中也有這般囊儒的小的。兀那將軍。我也不認的你。我說與你。那孟截海。休說他那武藝。且則說他喝一聲。將那東洋大海截住了。無人敢和他做的敵手。元帥。我要他去。〔李克用背云〕皇天可表。陸地方知。我着他揀箇囊的儒的。他恰好揀了箇好的去。存孝。我不曾點差你。可是你要去。則怕你贏不的他也。〔惲德威云〕存孝。說那孟截海。是一員上將。則怕你近不的他。〔正末云〕大人。你長他人威風。滅自己志氣。他那十八般武藝。他那一件兒強似我那。〔唱〕

〔哭皇天〕憑着我打虎的威風大。挾人的膽氣乖。你道他能相持慣戰討。我覷的他如兒戲似嬰孩。兩陣上軍卒軍卒對擺。你看我戎裝結束。驟馬橫槍。我在那陣門前陣門前。可便顯些兒氣槩。〔李克用云〕你憑着些甚麼武藝也。〔正末唱〕

〔烏夜啼〕憑着我擒賊勇力。則我這胷中戰策。者莫是銀山鐵壁連環寨。則我這馬到處陣勢衝開。把征驍勒住。垓心搨。不鄧鄧忿怒盈腮。骨碌碌怪眼睜開。則我這點鋼槍。搨透那厮三思臺。鐵飛搨打碎那厮天靈蓋。不是咱誇強奈。則

我這龐豪氣勢。磊落的襟懷。（李克用云）存孝。我撥與你五百軍馬。則要你成功也。（正末

云）阿媽。要活孟截海。可要死孟截海。（朱全忠云）怎生便是活的。怎生便是死的。（正末云）要死孟截海。您孩兒走將去。則一搥打了頂上頭。便是死的。要活孟截海呵。您孩兒兩陣之間。交馬處滴溜撲。活挾過馬來。獻與阿媽。意下如何。（朱全忠云）住住住。衆官人都在此處。那孟截海是一員上將。你要活拏將他來。你可也誇的口忒大了些兒。你來。我和你打箇賭賽。你若是真箇拏將那孟截海來。兀的你見麼。聖人賜與我這條玲瓏玉帶。我就輸與你。（正末云）周將軍不枉了你那陰陽有准。禍福無差。你昨日算我。今朝日當卓午。得一條玉帶。今日叔父賭着這玉帶。有甚麼難處。我走將去。便拏將來。（朱全忠云）假若拏將孟截海來。便贏了我這條玉帶。你若拏不將來呵。你輸與我甚麼物件。也要箇賭賽。（正末云）我若拏不將來。將我這六陽會首。納在元帥跟前。（朱全忠云）既然這等軍政司立了軍令狀者。（李克用云）存孝。則要你小心在意者。（正末云）阿媽。你放心也。（唱）

〔尾聲〕你看我驅兵領將魚鱗擺。我將那劍戟槍刀鴈翅排。我仗英雄憑手策。遇敵軍兩陣開。逞彪軀持器械。不刺刺一騎馬到垓心。看那厮怎遮寨。一隻手揪住那厮寶帶。一隻手將虎筋縑來頓開。我可敢滴溜撲活挾過那先鋒。他這

箇孟截海。〔下〕〔李克用云〕周將軍。你撥與存孝五百軍去。〔周德威云〕小官理會的。〔李克用云〕節使。嚙看存孝領兵去來。〔同下〕

楔子

〔彭白虎躍馬兒領卒子上〕〔云〕某乃彭白虎是也。大小三軍。擺開陣勢。看有甚麼人來。〔正末躍馬兒領卒子上〕〔云〕某乃十三太保飛虎將軍李存孝是也。大小三軍。擺開陣勢者。〔彭白虎云〕來的將軍。及早下馬受降。〔正末云〕兀那厮。你敢廝殺麼。〔彭白虎云〕量你到的那裡。我把你則當一根草。〔正末唱〕

〔賞花時〕我則見驟馬橫槍臨陣間。量你箇賊將施威怎掛眼。撲簌簌催戰鼓。摩旗旛。我將這獅蠻帶緊拴。〔云〕你是何人。〔彭白虎云〕我是孟截海。〔正末做活挾科〕〔云〕那裡去。〔唱〕我可便活挾過他這箇寶雕鞍。〔下〕

第三折

〔李克用同王重榮朱全忠王鐸周德威衆將上〕〔李克用云〕某李克用是也。我差存孝拏孟截海去了。可怎生不見來。主人家王節使。慢慢的行酒也。等存孝來時。報復我知道。〔王重榮云〕元帥。存孝將軍此一去。必然成功也。令人將酒來。我與衆大人行一杯酒。〔李克用云〕且住者。等

存孝擊將孟截海來飲酒。〔王重榮云〕令人遠遠的看者。存孝將軍敢待來也。〔正末領卒子擊彭白虎上〕〔云〕某乃李存孝是也。奉阿媽將令。着我與孟截海交戰。兩陣之間。活挾了孟截海。小校擊着那厮。去俺阿媽跟前獻功去也。〔唱〕

〔越調鬬鶴鶉〕明晃晃劍戟槍刀。密匝匝齊排斧矛。馬如那出水蛟龍。人似那巴山猛獸。一箇箇擐甲披袍。一箇箇偏爭好鬪。非自誇敢強口。憑着我志氣昂昂。威風赳赳。

〔紫花兒序〕則我這旗開得勝。馬到成功。則今日奪了頭籌。殺的那人頭亂滾。鮮血澆流。休。休。殺的他喪膽亡魂。措不的手。合是他死限臨頭。將這厮陣面上活挾。見阿媽細說緣由。〔云〕可早來到也。左右接了馬者。令人報復去。道有存孝活挾的孟截海來了也。〔卒子報科〕〔云〕喏。報的元帥得知。有存孝將軍下馬也。〔李克用云〕着他過來。〔正末見科〕〔李克用云〕存孝勝敗如何。〔正末云〕您兒託賴着阿媽虎威。走將去把孟截海活挾將來了也。〔李克用云〕擊將那厮過來。〔卒子云〕理會的。〔擊彭白虎見科〕〔彭白虎云〕你擊我那裡去。〔卒子云〕見元帥去。〔做見科〕〔朱全忠云〕孟截海。也不想你今日輸在這箇將軍手裏也。〔朱全忠認不是科〕〔云〕我便道孟截海着你活擊將來了。〔做笑科〕〔李克用云〕節

使。你和存孝打了賭賽。他拏將孟截海來。你怎生不與他玉帶。你又笑他。可是爲何也。〔朱全忠云〕怎生要我的玉帶。知他是那裡拏的箇敗殘軍來。假充做孟截海。我怎生與他玉帶。〔李克用怒科〕〔云〕存孝。我着你拏孟截海。你怎生拏的箇假的來。左右那裡。把這厮拏出去斬了者。〔正末云〕阿媽可憐見。您孩兒有說的話。他本人口裏說是孟截海。您孩兒聽的說孟截海。就拏將來了。〔李克用云〕小校。將那厮拏近前來。你是甚麼人。〔彭白虎云〕正好。殺這厮不多。〔李克用云〕怎生殺他不多。〔彭白虎云〕我上陣處有十箇字。我是孟截海首將彭白虎。我則說了箇孟截海。還不會說出那首將彭白虎來。這厮就把我活挾將來了。可不該殺了這厮。〔李克用云〕匹夫。你也掙鬪着些兒。小校。把這厮拏出去斬了者。〔做斬了彭白虎下〕〔卒子云〕元帥。斬了彭白虎了。〔周德威云〕元帥。不干存孝將軍事。可是這厮口裏說他是孟截海來。存孝將軍。就活拏將來了。元帥息怒。〔王重榮云〕住住住。元帥可一件。恰纔這厮口裏他說是孟截海來。不干存孝事。不爭斬了存孝。做的箇於軍不利也。〔李克用云〕若不看王節使周將軍面皮。我斬了這匹夫多時也。且饒你這遭。寄頭在項。〔卒子報科〕〔云〕喏。報的元帥得知。有黃巢手下孟截海又來索戰。〔王重榮云〕這厮又來索戰。元帥可着存孝去。〔李克用云〕存孝。你近前來。如今那真孟截海又來索戰。你還領五百軍去。你若今番拏的那孟截海來。將功折過。若拏不將來。二罪。

俱罰。〔正末云〕阿媽。您孩兒如今去又不認的他。假若又似彭白虎這般錯拏將來呵。怎了也。
〔王鐸云〕元帥。我認的孟截海。〔李克用云〕王節使。你既然認的那真孟截海。你怎生領存孝去。
可不好也。〔王鐸云〕元帥。存孝將軍恰纔言者當也。他本人說是孟截海。存孝將軍不得不拏。
我看了存孝將軍。這等英雄好漢。端的世之傑矣。既然存孝將軍不認的那孟截海。我與存孝將
軍壓着陣。到兩陣之間。我指與存孝那真孟截海。若是拏將真孟截海來時。朱節使便輸與他玲
瓏玉帶。若是拏不將那孟截海來。存孝將軍輸了你那項上頭。元帥意下如何。〔李克用云〕王
節使。你這樓上有定南針麼。〔王重榮云〕這樓下有時辰牌。〔李克用云〕這早晚是甚麼時辰
也。〔王重榮云〕我着人看去。下次小的每。看時辰多早晚了也。〔外云〕這早晚恰已時正二刻
也。〔王重榮云〕元帥。已時正二刻也。〔李克用云〕你將那午時牌子來了。〔王重榮云〕令人將
的那午時牌子來。元帥要這午時牌子何用。〔李克用云〕存孝。我與你這午時牌子。將的去。你若
是拏的真孟截海來。你便來掛這午時牌。將功折過。你若拏不將來。錯了我一時一刻。休道你拏
的真孟截海來。你便拏的黃巢來時。我也斬了你。〔正末云〕您孩兒得令。〔王重榮云〕元帥。這
軍令敢忒緊了麼。〔李克用云〕主人家。不妨事。將酒來。我與節使遞箇上馬鍾兒也。〔王鐸云〕元
帥。小官不必飲酒。存孝將軍。嚕是有限次的人。快上馬去來。〔正末云〕去來。〔同下〕〔李克用云〕

王節使。俺且下樓去來。〔王重榮云〕俺且下樓去來。〔衆下〕〔淨孟截海驢馬兒領卒子上〕〔云〕某乃孟截海是也。頗奈李克用無禮。差他箇無名之將。說道把彭白虎活挾將去了。大小三軍。擺開陣勢。兀那塵土起處。敢是李克用軍馬來了也。〔王鐸同正末驢馬兒上〕〔正末云〕王節使。我可不認的那箇是那孟截海。〔王鐸云〕住住住。將軍等我試看者。〔做看科〕〔云〕飛虎將軍。你索小心在意者。你見那門旗下出馬的那箇將軍。則他便是真孟截海。則要你成功者。〔正末云〕叔父。你放心。〔叫云〕你來者何人。〔孟截海云〕你且不要問我。你來者何人。〔正末云〕某乃十三太保飛虎將軍李存孝是也。你莫非是孟截海麼。〔孟截海云〕則我便是孟截海。活挾了彭白虎。是你來麼。〔正末云〕然也然也。〔孟截海云〕三軍操鼓來。〔做戰科〕〔正末唱〕

〔調笑令〕喝一聲孟截海慢走。把征驍緊馳驟。把征驍緊馳驟。看存孝今番惡戰鬪。他將那三停刀把着相迤逗。見他那破綻處怎肯干休。我將這煙搥不用揪住轡頭。敢着你目前間鮮血澆流。

〔禿廝兒〕俺這裡威風赳赳。難施展你武藝滑熟。我這裡揎拳擲袖怒怎休。不用我運機謀。當住咽喉。〔孟截海云〕李存孝十分英勇。瞧空兒我與你走了罷。〔正末唱〕

〔聖藥王〕我這裡緊廝逐。殺的那馬褪後。敗殘的軍校死臨頭。我這裡摺住帶。

輕。錦征袍手內揪。孟截海今日命何休。敢着你目下喪荒垓。〔挾住淨科〕云：拏住賊將也。小校將這厮執縛了。獻功去來。〔王鐸云〕好飛虎將軍也。不枉了眞乃英雄好漢。俺班師回程。見元帥去來。〔正末唱〕

〔尾聲〕穩情取唐家疆土還依舊。萬國千邦拱手。將這厮挾離了馬鞍鞦。殺的那敗將殘軍望風兒走。〔同下〕

第四折

〔李克用同王重榮周德威朱全忠領卒子上〕〔李克用云〕主人家王節使。着那行酒的且住者。我趁此機會。我着那天下諸侯。直怕我到老也。衆官人在此。我如今行一箇酒令。俺如今則行三巡酒。盞落歸臺。我便要活拏的孟截海來。先行頭一巡酒。〔卒子云〕理會的。〔做遞酒科〕〔李克用云〕再行第二巡酒也。〔王重榮云〕住住住。元帥小官不才。也是箇東家。這半日不曾遞杯酒。令人將酒來。一壁裡樓下安排果卓杯盤。犒勞元帥手下的衆將。我與衆大人慢慢的飲幾杯。將酒來。釀的滿者。〔卒子斟酒科〕〔王重榮云〕你看這厮。好無用。怎生釀這般冷酒。着元帥怎生飲將去。釀的熱着。〔卒子云〕理會的。〔下樓科〕〔再上〕云：熱酒來了。〔王重榮云〕將酒來。〔卒子斟酒科〕〔王重榮云〕你看這厮。好無用也。頭裏釀的那酒冰冷。這一會兒釀的滾熱的。着

元帥怎生飲將去。〔卒子云〕理會的。〔下〕〔卒子再上〕〔云〕酒來了也。〔王重榮云〕斟酒來。這般可不好。元帥這半日不曾遞一杯酒。則道小官怠慢元帥。元帥滿飲一杯。〔李克用云〕將酒來。我飲也。〔王重榮云〕住住住。元帥小官半日不曾遞一杯酒。兩次三番醜將酒來。着元帥疑惑。則道小官有歹意。我先喫箇攝毒的盞兒。〔李克用云〕節使先飲也。〔王重榮云〕再將酒來。元帥請。〔李克用云〕我飲。〔王重榮云〕住住住。元帥遠遠而來。是一隻腳兒來也。可是兩隻腳兒來。小官也飲箇雙鍾。〔李克用云〕好波。你再喫。〔王重榮云〕再將酒來。〔卒子云〕理會的。〔斟酒科〕

〔王重榮云〕元帥請。〔李克用云〕主人家王節使。世上好心的也則是你也。〔做飲酒科〕

〔王重榮云〕小官不敢。〔李克用云〕你恰纔那裡是那酒冷酒熱。攝毒罰盞。你見我行。了這箇酒令。道三巡酒罷。落盞歸臺。便要存孝。拏將孟截海來。你故意俄延着時辰。天下好心的則你也。〔王重榮云〕小官不敢。〔李克用云〕王節使。你家中。有甚麼小的也。〔王重榮云〕不敢。小官家中。止有一子。乃是王珂。〔李克用云〕衆大人不知。我劉夫人跟前。則生的一兒一女。孩兒是李亞子。女兒是翠蘭。長年一十八歲。我就將我的女孩兒。與你王珂爲妻。你意下如何。我就與你割了衫襟者。〔王重榮云〕元帥等大事定了。平了草寇。那其間做親也不遲哩。〔李克用云〕你也說的是。〔王重榮云〕小官怎敢攀拜元帥做親家那。〔周德威云〕好好好。不枉了。正是門廝當。戶廝對。小

官親爲媒證。〔李克用云〕周總管說的是。等破了黃巢成親也。令人門首覷者。等存孝擊將孟截海來時。報復我知道。〔正末同王鐸卒子擊孟截海上〕〔王鐸云〕好飛虎將軍。不枉了。端的是世之英雄也。〔正末云〕託賴着元帥虎威。一陣之間。活挾了孟截海。執縛定見阿媽去來。〔唱〕

〔雙調新水令〕凱歌回得勝繡旗搖。孟先鋒這一場怎施你那踴躍。恰纔撲撲鑿鑿征聲響。骨刺刺繡旗搖。我挖搭的攢住征袍。提離鞍轡。將這厮索擗繩縛。誰敢道怠慢了分毫。我可敢飛身去將午時報。〔王鐸云〕存孝將軍。早至壓關樓也。左右接了馬者。把那厮擎在樓下。小校報復去。道有存孝將軍。擎的孟截海來了也。〔卒子云〕理會的。

啫報的元帥得知。有存孝擎的孟截海來了也。〔李克用云〕道有請。〔卒子云〕有請。〔李克用云〕王節使鞍馬上勞神也。〔王鐸云〕元帥。好飛虎將軍。端的是馬到成功也。〔李克用云〕擎將那厮來者。〔卒子擊孟截海見科〕〔李克用云〕存孝孩兒。你怎生擒擎那孟截海來。說一遍者。

〔正末云〕聽您孩兒說一遍者。〔唱〕

〔沽美酒〕撲撲鑿鑿的戰鼓敲。骨刺刺繡旗搖。我見他勒馬橫刀氣勢惡。我在那門旗下望着。請元帥認了容貌。

〔太平令〕我將這手內飛撾不要。喝一聲陣門開二馬相交。舒猿臂施逞踴躍。

活挾了飛身來報。將這厮擲着見了。午時牌掛了。節使則你那玲瓏帶。今番我還要。〔朱全忠云〕這的是聖人賜與我的玉帶。我怎生與你。〔李克用怒科〕〔云〕梁節使。你怎生又不與他那玲瓏玉帶。你做箇言而無信麼。〔朱全忠云〕罷罷罷。不枉了您父子每誇的好口。孟截海也。則被你送了我這條玉帶也。來來來。存孝將軍。我與你這玲瓏玉帶。〔正末云〕謝了節使。〔李克用云〕小校門首覷者。看有甚麼人來。〔外扮使命陳景思上〕〔云〕雷霆驅號令。星斗煥文章。小官陳景思是也。奉聖人的命。因爲李克用并衆諸侯。在壓關樓上飲宴。有十三太保飛虎將軍李存孝。與賊兵交戰。活挾了孟截海。得勝班師。聖人已知。着小官加官賜賞。走一遭去。可早來到也。報復去。道有天朝使命下馬也。〔卒子云〕理會的。喏。報的元帥得知。有天朝使命下馬也。〔李克用云〕道有請。〔卒子云〕有請。〔使命見科〕〔云〕衆將望闕跪者。聽聖人的命。着您五路行兵。李克用坐中軍。晉國公王鐸爲左哨。王重榮爲右哨。朱全忠爲後隊。飛虎將軍李存孝爲前部先鋒。若破了黃巢。聖人另有加官賜賞。望闕謝了恩者。〔李克用云〕感謝聖恩。〔使命云〕元帥并衆將。鞍馬上勞神也。說你有箇孩兒飛虎將軍。好生英勇。那箇是飛虎將軍。〔正末云〕小將便是。〔使命云〕兀那飛虎將軍。奉聖人的命。着您五路行兵。你見了那黃巢。怎生和他相持厮殺。對壘迎敵。你試說一遍。小官試聽者。〔李克用云〕存孝。你怎生擒那孟截海。你試說一遍。大人

試聽者〔正末唱〕

〔七弟兄〕俺可便這遭戰討。都待要建功勞。鴈行般密匝匝排兵校。魚鱗般齊臻臻列槍刀。惡狠狠搥鼓奪旗號。〔王重榮云〕你可怎生施展英雄手段也。〔正末唱〕

〔梅花酒〕呀。俺若是厮撞着。施展我這龍韜。顯耀我這英豪。領前部先哨。那葛從周能布擺。五虎將逞彪。俺這裡五路抄。人英勇。馬咆哮。急颭颭繡旗搖。響璫璫戰鑼敲。

〔喜江南〕呀。不弱如韓元帥十件大功勞。蕩征塵殺氣陣雲高。入長安親自斬黃巢。將賊兵盡掃。扶持着萬萬年千載大唐朝。〔使命云〕此一事某盡知了也。李克用并衆將望闕跪者。聽聖人的命。則爲那壓關樓上大開筵。頗奈賊徒累犯邊。節使王鐸親壓陣。英雄存孝敢當先。出馬生擒孟截海。午時牌面應其言。飛虎將軍安社稷。全憑英勇定山川。五百義兒真虎將。克用威風四海傳。加官賜賞食天祿。永保皇朝萬萬年。

題目 李存孝活挾孟截海

正名 壓關樓疊掛午時牌

趙匡胤打董達

闕名

頭折

〔冲末外扮鄭恩上〕〔云〕好漢逞英豪。威風膽氣高。結識英雄輩。綽名獨眼蛟。某姓鄭名恩。年當弱冠。武藝熟閑。一生勇烈。性好疎狂。能結四方好漢。不怕勢要權豪。某聞知趙司空長子。乃是趙匡胤。人皆呼爲趙大郎。此人英勇無雙。雄威第一。俺結義爲友。拜他爲兄。俺弟兄爲人。要去遊關西五路。來到此半途。哥哥前行。我方纔打發了些房宿飯錢。須索行動趕哥哥。走一遭去。普天下英雄無數。大丈夫逼着不做。趙大郎獨眼鄭恩。共同遊關西五路。〔下〕〔正末扮趙匡胤上〕〔云〕某姓趙雙名匡胤。乃司空趙弘殷之子。人皆呼爲趙大郎。幼年學成文武之藝。膂力過人。好結四方豪傑好漢。寰海馳名。我今辭別了一雙父母。同兄弟鄭恩。遊關西五路。來至半途。過了些孤村旅店。野水橫橋。鄭恩兄弟。隨後打發房宿飯錢。我先去前村等候者。趙大郎也。幾時是我崢嶸發達的時節也呵。〔唱〕

〔仙呂點絳脣〕則我這性格寬仁。頗容方寸。我則待行忠信。結義良賓。指望待四海爲家分。

〔混江龍〕我如今少年英俊。更那堪平生膂力已過人。端的是忠誠豪邁。武藝絕倫。爲甚我一片丹心安宇宙。和我這兩隻妙手定乾坤。拂綽了四海三江閫。則爲我壯懷星斗。出衆超羣。〔云〕我在此等候兄弟。看有什麼人來。〔外扮柴榮推傘車上〕

〔云〕志氣冲牛斗。時乖運未通。推車尋運轉。何日顯崢嶸。某姓柴雙名世榮。隻身獨自販賣油傘度日。我有一姑夫。乃是郭彥威。見爲銅臺元帥。久鎮無虞。感蒙將軍不棄親故之情。修書前來。某乘此機會。前往關西五路。直至銅臺。投奔郭元帥去。將此油傘貨賣。權爲盤費。來到此半途。慢慢的行者。〔正末云〕遠遠的見一人。推着一車油傘。是一條好漢也。〔唱〕

〔油葫蘆〕我見他狀貌堂堂一條身。論儀容非受窘。可正是困鹽車騏驎陷泥津。則他那英材凜凜遭危困。更那堪威風赳赳皆相趁。雖然是一布衣。但昇騰七尺身。他可也非熊非虎合身奮。恁時節平步上青雲。

〔天下樂〕我正是見賢思齊意轉親。我欲待殷也波勤。相動問。未知他行藏用舍心意允。不由我意轉加。何勞的心上忖。我與你向前去問事因。〔云〕此人是箇英雄好漢。來的至近也。我向前問他一聲。有何不可。〔做見柴榮云〕敢問君子姓甚名誰。推着這車油傘。往那裡去。〔柴榮云〕君子。小人姓柴雙名世榮。貨賣這油傘。做些小本經紀。前往關西五

路去也。敢問君子姓甚名誰。〔正末云〕我乃趙司空之子。乃是趙匡胤。我平昔好結四方豪傑。人皆呼爲趙六郎。同兄弟鄭恩。前往關西五路去。幸遇着君子。我見君子。必然是箇雄才好漢。若不棄嫌呵。我與你做箇兄弟。哥哥。你意下如何。〔柴榮云〕量小人有何德能。有勞君子重意相待也。〔正末做拜科〕〔云〕既爲昆仲。受您兄弟兩拜者。〔柴榮云〕不敢不敢。兄弟請起請起。〔正末唱〕

〔醉中天〕拂綽了淺土香街潤。我這裡叉手以躬身。更那堪展脚舒腰心意真。做學那管鮑相和順。更和那膠漆陳雷意肯。范張般言信。我能可受驅馳遠路風塵。〔柴榮云〕兄弟也。行人盼道路。不必久停。我推起這車兒。須索行動些。〔正末云〕我與哥哥捧着這車兒者。〔做捧車兒科〕〔柴榮做推科〕〔二人各現形科〕〔柴榮現赤龍正末現金龍科〕〔正末唱〕

〔金盞兒〕我這裡笑欣欣捧車輪。恰便似風團般一縷塵埃滾。〔做回頭見柴榮赤龍現科〕〔唱〕我這裡回頭觀觀別辨箇假和真。見赤光鱗彩現。必定是異於人。〔柴榮做抬頭看正末金龍現科〕〔云〕好怪也。你看那趙匡胤。頭上一條金龍出現也。〔正末唱〕問什麼祥光金附體。爭如俺眼下受孤貧。〔柴榮云〕來到這柳陰直下。我放下這車兒歇息者。

〔正末云〕哥哥。俺略等片時。鄭恩兄弟敢待來也。〔鄭恩上〕云。哥哥好快走也。我急趕着趕不上。兀那柳陰直下。和那推車兒的說話。可不是俺哥哥。您兄弟來了也。〔正末云〕兄弟也。這箇是柴榮哥哥。我拜義他爲兄。你拜哥哥幾拜者。〔鄭恩做拜科〕云。理會的。哥哥請坐。受您兄弟兩拜者。〔柴榮云〕不敢不敢。兄弟請起。敢問兄弟姓甚名誰。〔正末云〕哥哥。則他便是鄭恩。〔鄭恩云〕二位哥哥。則怕鄭恩早晚莽撞。冲撞哥哥。是必寬恕者。〔柴榮云〕量柴榮有何德能。着二位壯士錯敬也。〔正末唱〕

〔醉扶歸〕俺如今拜義無私。作私當遜相識有緣因。做學那玄德關張結義恩。則要略早晚相親近。可正是君子人須當務本。博一箇富貴臨官運。〔柴榮云〕既然俺三人結爲昆仲。則今日同往關西五路去來。〔鄭恩云〕哥哥。俺去來。〔柴榮推車科〕〔正末云〕我牽着這車兒。〔做牽車兒科〕〔鄭恩云〕我與哥哥扶着車兒。〔做扶車科〕〔正末唱〕

〔尾聲〕俺如今無明夜上關西。避不的千里身勞頓。則要咱宿旅店途程步穩。則爲這活計生涯勞魂夢。你可也無明夜受盡艱辛。〔柴榮云〕似這等幾時能發跡也。〔正末唱〕哥也。俺如今正青春。雖然豪氣常存。怎能穀獨步青霄折桂新。俺如今藏身姓隱。有一日風雷有信。那其間錦衣含笑改家門。〔同下〕

第二折

〔外扮董達二淨扮單潮虎歪蹄虎同上〕〔董達云〕一對拳頭奪第一。兩隻脚板世無雙。英雄好漢聞吾怕。好鬪相爭十數場。某乃護橋龍董達是也。這兩箇兄弟。一箇是單潮虎宋義。一箇是歪蹄虎曹智。我平日之間。行凶撒潑。倚強凌弱。欺負平人。俺這當村裏。有一道河。我蓋了一座土橋。但是做買做賣推車打擔的人過。我要一文橋錢。便放他過去。若不留橋錢。不放他過去。因此上喚我做護橋龍董達。過來過往的人。他也聞我這箇名兒。兩箇兄弟。您把着橋。我望幾箇相識朋友去。我便來也。無橋錢的人。不放他過去。不論親疎不顧賢。往來客旅要橋錢。董達名姓人皆怕。不弱當時惡少年。〔下〕〔單潮虎云〕哥哥去了也。兄弟也。我和你去那酒店裏吃酒去來。〔歪蹄虎云〕哥說的是。等有過往的人來。他不敢不留橋錢。他也已知道我和你名兒。且吃酒去來。〔同下〕〔正末捧車柴榮推車鄭恩扶車同上〕〔正末云〕哥哥。俺弟兄三人。來到這村坊店道。是好淒慘也呵。〔柴榮云〕兩箇兄弟。您牽着這車兒。索是辛苦也。〔鄭恩云〕哥有甚麼辛苦。老的每常說。不受苦中苦。難爲人上人。〔正末云〕俺索行動些。〔唱〕

〔越調鬪鶴鶉〕則被這途路艱難。受了些千辛萬苦。我則見景物蕭條。更和這山崖間阻。你看這野水橫橋。無一搭村莊店宿。我這裡急急煎煎。揸動車。哥哥你

路漫漫用力舉。拂不盡滿面塵埃。揩不乾汗流似雨。

〔紫花兒序〕我這裡困騰騰筋弛力盡。直挺挺難轉身軀。眼巴巴盼望前途。〔柴榮云〕你看這荒村瀟灑。旅店淒涼。是好幽哉也。〔正末唱〕看了這山村瀟灑。野店荒蕪。眞乃是蕭疎。恰便似一帶林巒水墨圖。不枉了堪描堪觀。〔柴榮云〕兄弟受如此奔波。大剛來爲些小名利而已。〔正末唱〕則爲俺奪利爭名。受些冷淡清虛。〔鄭恩云〕來到這河跟前也。一座土橋。哥哥着氣力。俺推過橋去。〔做推車過橋科〕〔正末唱〕

〔金蕉葉〕你將這把手兒親身自主。我將這繩套兒輕輕拽去。兄弟你扶着這車兒慢簇。我與你行過這橋來慢足。〔鄭恩云〕過了橋也。俺趕途程去來。〔同下〕〔賣酒的上〕〔云〕俺家從來賣酒。不是小人高手。做了兩缸乾榨。酸的不敢上口。自家是箇賣酒的。燒的罐鍋兒熱。看有甚麼人來。〔正末柴榮鄭恩推車兒同上〕〔正末云〕哥哥。俺過了土橋也。兀的一箇酒店兒。俺吃一盃酒去來。〔鄭恩云〕哥說的是。吃上三鍾。正好接力。〔柴榮云〕我放下這車兒。〔正末云〕兀那賣酒的。打二百錢的酒來。〔賣酒的云〕官人請坐。有酒喫多少。這二百錢酒買。賣上橋了。〔鄭恩云〕大郎哥。你與哥遞一盃。〔正末云〕將酒來。哥哥滿飲一盃。〔唱〕

〔小桃紅〕我則見清光滑辣勝醍醐。是這瓦鉢香浮醪。我這裡雙手高擎猛觀。

觀哥哥飲芳醕。先須一盞休推故。〔柴榮云〕勸勞兄弟也。〔正末唱〕我這裡慇懃奉汝。也是嗜情懷深處。俺如今不飲待何如。〔柴榮云〕兩箇兄弟滿飲一盞。〔做飲酒科〕〔柴榮云〕俺慢慢的飲酒。看有甚麼人來。〔單潮虎歪蹄虎同上〕〔單潮虎云〕兄弟也。我和你在那橋土邊酒務兒裏喫酒。三箇人推着一輛油傘車。他也不留下橋錢。他推將過去了。這厮無禮也。他也不走不遠。則在前面。我和你趕將去。〔歪蹄虎云〕哥。他正是作死哩。拿住那厮。不要饒他。爛羊頭一頓打。〔單潮虎云〕兀那酒店門首。可不是油傘車兒。必然在那裡買酒吃哩。兀那賣酒的。你叫那賣傘的出來。說有人問你買傘哩。〔賣酒的云〕理會的老子也。怎麼走將他來了。他正是潑皮的頭兒。我叫賣傘的去。官人。門首有箇人。問你買傘哩。〔柴榮云〕您且吃酒。我賣傘去。那位官人買傘。〔單潮虎云〕一條好漢也。兀那厮。這傘有主兒麼。〔柴榮云〕官人。怎麼無主兒。有主兒。〔單潮虎云〕你那傘兒有主。我這橋也有主兒。你怎麼不留橋錢。推將過來了。是您家的橋麼。拿橋錢來。〔柴榮云〕官人。小人不知道要橋錢。小本經紀。賣了傘時。可送橋錢來。〔歪蹄虎云〕哥。和他說甚麼。打這村弟子孩兒。〔單潮虎云〕說的是。村弟子孩兒。你還不認的我哩。我兒也。作死也。〔二淨做打柴榮科〕〔柴榮云〕二位官人息怒。是小人的不是了。〔歪蹄虎云〕您還不認得我們哩。你聞我這箇名兒麼。我就打死你。〔賣酒的云〕不好了。則怕打殺了賣傘的怎麼了。我和他兩箇人

說去。二位官人。你還喫酒哩。有兩箇潑皮好漢。打壞了你那賣傘的了。〔鄭恩云〕那厮是甚麼人。〔正末云〕俺出門看去來。〔做見科〕〔正末云〕住住住。二位官人。這賣傘的怎生衝撞着你來。你這般打他。〔單潮虎云〕兀那厮。你三箇人推着車子往橋上過。不留下橋錢。你還不認的我哩。這橋是護橋龍董達的橋。我便是單潮虎宋義。這箇是歪蹄虎曹智。趁早兒拿橋錢來。〔正末云〕兀的誰喚你哩。〔單潮虎云〕在那裡。〔正末做一掌打倒淨科〕〔鄭恩做揪住歪蹄虎領子轉一遭一拳打倒科〕〔正末唱〕

〔調笑令〕不由我忿怒。拳着處。血模糊。你可也不覩事。班門學弄斧。這厮他奸頑。霸占橋邊路。不由我氣夯胸脯。則我這拳沉脚重。分付與。打的他死羊兒般。倒在街衢。〔同鄭恩做打二淨科〕〔單潮虎云〕我兒也。打的好。打的好。着人叫我哥哥來。〔歪蹄虎云〕我兒也。你尋死也。正是太歲頭上動土哩。叫家裏人來。打殺我了。〔正末唱〕

〔禿厮兒〕不由我胸中氣堵。他連聲兒短嘆長吁。我這裡身搖脚轉。尋些路數。他忙架解。怎潛伏。可早虧圖。〔做打科〕〔單潮虎云〕打殺我了。打的我無處走。我兒也。好打。好打。〔柴榮云〕兩箇兄弟且息怒。〔歪蹄虎云〕老叔。你勸他一勸兒。〔正末唱〕

〔聖藥王〕哥哥你寬肺腑。休間阻。我教他亡魂喪魄。認箇賢愚。憑着我六路全。

膽氣。扭羊頭連併手揪。我教他目下喪身軀。〔做打倒淨科〕〔柴榮做扳住正末手科〕〔云〕兄弟。放了他罷。〔賣酒的扯住鄭恩跪科〕〔云〕老叔可憐見。打了家活。饒了他罷。〔正末云〕兀那厮。有甚麼好男子好漢。着他尋將我來。看俺哥哥面皮。且放你回去罷。〔單潮虎云〕吓。羞殺人。着他打了這一頓。歪蹄虎。我和你告董達去來。〔二淨同下〕〔正末云〕兀那賣酒的。還了你酒錢。哥哥推着車兒。俺趕程途去來。〔唱〕

〔尾聲〕俺如今慢慢騰騰坦坦行將去。量這厮何足論數。則我這那吒社頗曾習。播清風萬萬古。〔同下〕〔賣酒的云〕天也。怎麼了。不知那裡走將這三箇賣傘的人來。打了這兩箇潑皮的。若是董達來問要人時。着我那裡尋去。我今也不賣酒了。關了鋪兒。我賣粽子糖去也。
〔下〕

第三折

〔董達上〕〔云〕某乃董達是也。恰纔探望幾箇相識朋友。喫了幾盃酒。在家中閑坐。看有甚麼人來。〔單潮虎歪蹄虎同上〕〔單潮虎云〕兄弟也。打殺我也。我和你告哥去來。〔歪蹄虎云〕哥說的是。俺告哥哥去來。〔做見科〕〔單潮虎云〕哥哥。替我兩箇做主。打殺我了。〔董達云〕兄弟。甚麼人欺負你來。〔歪蹄虎云〕打死我了。不要說晦氣。你和哥說。〔單潮虎云〕我兩箇正在酒店裏。看見

三箇人推着一車油傘。他也不留橋錢。過橋去了。正在酒店裏喫酒。我兩箇趕了去討橋錢。被那兩箇人。讓那推車兒的。往上哄一哄。把我一箇滿天星。打了我一交。又把他一箇桶勾子。跌了箇狗喫屎。打的我碎屁兒直流。再怎麼做漢子哥。你與我兩箇做主。〔董達云〕是真箇。你何不早說。這厮每也走的不遠。你兩箇跟着我。趕將去來。聽言忿怒。夯胸脯。情理難容。遣匹夫。趕上三人。無輕放。我着他跪膝連忙拱手伏。〔同下〕〔店小二上〕〔云〕買賣歸來。汗未消。上床猶自想來朝。昨日晚夕多了酒。一夜連起七八遭。自家是箇店小二。開着一座客店。但是經商客旅。都來我這店裏下。打掃的店房乾淨。看有甚麼人來。〔正末〕推車兒柴榮推車。鄭恩扶車同〔上〕〔柴榮云〕兄弟也。方纔打了兩箇無徒。則怕有人趕將來。〔鄭恩云〕哥。你但放心。則有我弟兄兩箇着。〔正末云〕哥。哥不妨事。量他到的那裡。〔唱〕

〔中呂粉蝶兒〕則我這性格剛強。量寬洪一冲一撞。我端的幼曾習闊劍長槍。更那堪志寬高心慈憫。但犯着決無輕放。豪氣軒昂。氣冲開九重天上。〔柴榮云〕兄弟也。那兩箇弟子孩兒。好生無禮也。〔正末唱〕

〔醉春風〕我可也堪恨那潑無徒。難揉心上痒。則是箇喧簷燕鵲惱情懷。他將人來枉。枉。可正是虎困平川。蛟離滄海。空教我氣冲千丈。〔柴榮云〕論兄弟的才能。

久後必有蟬噪的日子。目下受窮。且待時守分也。〔鄭恩云〕哥哥。俺且去這客店中安去來。〔柴榮云〕我將這車兒推入這店來。放下這車兒。店小二打掃一間乾淨的房舍。俺弟兄二人安歇。〔店小二云〕老官兒。這間房兒乾淨。請安歇去。〔鄭恩云〕哥。你兄弟這衣服。把來展污了。我去那門首河裏洗一洗去。〔正末云〕我去沽一壺酒來。俺弟兄每喫三盃。〔柴榮云〕兩箇兄弟休惹事。是必早些兒來。〔正末云〕理會的。我便來也。〔同下〕〔柴榮云〕兩箇兄弟去了也。看有甚麼人來。〔董達引單潮虎歪蹄虎同上〕〔董達云〕兄弟也。那厮每也快走。急趕着。趕不上。則怕在這客店中。我入的這店門來。兀的不是一輛油傘車子。兀那賣傘的。在那裡。〔店小二云〕老子也。怎麼走將這箇惡香火來。客官。有好漢董達尋賣傘的哩。你怎麼惹他來。〔柴榮云〕店小二。這人是誰。〔店小二云〕你還不認的他哩。則他便是護橋龍董達。〔柴榮云〕他這一來。必然報警也。我試見他者。官人。喚小人做甚麼。〔單潮虎云〕哥。這厮正是那賣傘的。〔歪蹄虎云〕我兒也。你打的我好也。〔董達云〕兀那厮。你怎麼不與橋錢。又打了我兩箇兄弟。更待干罷。來來來。好漢識好漢。將橋錢來。〔柴榮云〕官人。小人小本經紀。身邊無錢。〔董達云〕既然你無錢。將你那傘來與我。也是錢。〔柴榮云〕有有有。與官人一把傘。〔董達云〕與我一把傘。直多少。不要少。〔做丟傘科〕〔柴榮云〕有有有。哥。再與你擎一把。〔董達云〕兩把傘直多少。不要少。〔做丟傘科〕〔柴榮云〕哥。你可

要多少。〔董達云〕我家人口多。一箇人要一把傘。〔柴榮云〕哥。你家多少人口。〔董達云〕我家五十口人。〔柴榮云〕那得許多傘與你。〔董達云〕你三箇人來。那兩箇那裡去了。〔柴榮云〕沽酒去了也。〔董達云〕兩箇兄弟。我打這村子弟孩兒。〔單潮虎云〕我兒也。我正要報仇哩。〔做打柴榮科〕〔歪蹄虎云〕你頭裏也是這般打我來。如今我也這般打你。〔做打科〕〔柴榮云〕三位官人息怒。嘆趙校旁註看字性命。〔董達云〕推倒這車子。跼碎了這油傘。〔柴榮云〕官人。小人是小本經紀。尋覓的多少。〔單潮虎云〕哥。這箇人還本分。那兩箇人無禮。是那箇打我來。饒了這一箇罷。〔董達云〕既是這等。饒了這厮。您兩箇跟着我。尋那兩箇去來。〔同下〕〔柴榮云〕誰想他推倒車子。跼碎了雨傘。可怎了也。這早晚不見兩箇兄弟來。〔正末拏酒壺上〕〔云〕恰纔沾了一壺好酒。回店中見哥哥去來。〔做見科〕〔正末云〕哥哥。甚麼人推倒車子。跼碎了這油傘。〔柴榮云〕恰纔那厮兩箇跟着護橋龍董達。推倒車子。跼碎了油傘。將我毆打了一頓。他如今尋你和鄭恩去了也。〔正末云〕這厮無禮也。〔唱〕

〔紅繡鞋〕那厮也兇狠性。將人來欺誑。空着我惡眼。眼氣夯胸膛。則他這小本經營。礙何妨。則待行霸道。將平人來痛着傷。他正是入天羅和地網。〔云〕更待干罷。哥。你慢來。不問那裡。我趕那厮去。〔下〕〔柴榮云〕可怎了也。怎生不見鄭恩來。〔鄭恩上〕〔云〕

我恰纔去河裏洗了衣服。回客店中去。哥甚麼人壞了這油傘。〔柴榮云〕方纔護橋龍董達。推倒車子。跼碎了油傘。將我毆打了一頓。他領着人尋你去了。趙大郎趕將去了也。〔鄭恩云〕這厮無禮也。怎負着俺哥哥。我如今趕將去。不用長槍闊劍刀。自稱好漢顯英豪。趕上董達拳打死。放心今日軸頭厮抹着。〔下〕〔柴榮云〕兩箇兄弟去了也。我須索接應。趕將去。尋思輾轉怒增加。堪恨賊徒語話差。柴榮當把冤仇報。捨死忘生戰董達。〔董達同單潮虎歪蹄虎三人拿棍上〕〔董達云〕兄弟也。我趕那兩箇人趕不上。不知在那裡。俺則在這裡等者。那厮敢待來也。〔正末慌上〕〔云〕兀那董達。少走。〔董達云〕兀的不是那厮趕將來了也。〔單潮虎云〕打我的正是這箇人。我見了他。就酥倒了。〔正末唱〕

〔普天樂〕遇着這箇潑無徒。你今日合身喪。者莫是天生弔客。鐵打的金剛。〔董達云〕兀那厮。你也合死。〔正末唱〕不由我忿氣生。事原作世趙校改勢非是惱犯難遮擋。者莫是舞劍輪刀爭名望。天生的本性剛強。我將這芒鞋再整。更和這腿絛緊緊。忙拽起。籠布衣裳。〔董達云〕量你到的那裡。兀的不又一箇趕將來也。〔鄭恩慌上〕〔云〕兀那董達少走。您爹爹鄭恩來了也。〔董達云〕這匹夫好大膽也。休着走了這厮。〔正末唱〕

〔快活三〕則這箇英雄的趙大郎。者莫你挑鬪一千場。我是箇喪門太歲不尋

常則你那禍害從天降。〔柴榮慌上〕云兀那董達少走兄弟也。我也趕將來了也。〔董達云〕

又走將一箇來了。〔正末唱〕

〔鮑老兒〕俺可也好鬪偏爭膽氣剛。則俺這昆仲行謙讓。我比那喝退曹兵不姓張。壓着那鞭督郵多雄壯。則我這胸懷浩浩。威風赳赳。志氣昂昂。也是你年災月值。時乖運拙。命矣合原本誤何趙校改云亦非亡。〔董達云〕某乃護橋龍董達是也。有合死的向前。我和

你比並箇高低也。〔正末云〕哥哥。我打這匹夫。〔唱〕

〔十二月〕我可也施呈些性莽。則我這拳去難當。者莫你擎天手策。我跟前說短論長。則你那虛架子全然是謊。使不着手脚張狂。〔云〕兀那厮。向前來。〔董達云〕兀

那厮。打將來。〔正末做揪領子打倒董達科〕〔正末唱〕

〔堯民歌〕呀。則我這威名天下世無雙。可又早脊筋着地。臥在街傍。〔鄭恩做打倒單潮虎科〕〔柴榮做打倒歪蹄虎科〕〔董達云〕這厮是好漢也。〔正末唱〕來時節冲州撞府氣騰揚。我這裡脚緊拳疾怎提防。〔做打倒董達科〕〔董達慌云〕這厮打的我慌。可怎了也。〔正末唱〕他那裡荒也波唐。看看一命亡。我見他掙命在階基上。〔做打死董達躺着科〕〔單潮虎云〕不中。我逃命。走走走。〔下〕〔歪蹄虎云〕走了的還是便宜。逃命。走走走。〔下〕

〔正末云〕哥。我打殺了董達也。俺奪了他的棍。打將出去。丟了油傘車。俺兄弟三人。身邊有盤纏。俺上關西五路去來。〔柴榮云〕則怕有人追趕俺麼。〔鄭恩云〕便趕將來。也不怕他。〔正末同柴榮鄭恩一人拿一條棍科〕〔柴榮云〕鄭恩兄弟。我和你將董達的屍首擡在一壁。〔二人擡屍首科〕〔鄭恩云〕把這匹夫擡在一壁。董達我兒也。你便死了。可落了箇好發送。〔正末唱〕

〔尾聲〕我爲人志不虛。怎容的疥犬傷。則俺這兄弟結義無偏向。着他每低首尋思慢慢的想。〔同下〕

第四折

〔淨扮董太公上〕〔云〕我是村裏董太公。仁義禮智都不通。死及作氣白賴人皆怕。一生則好撒酒風。老漢董太公的便是。我有箇孩兒。是驢橋龍董達。有名的好漢。那一箇不怕他。我今日無甚事。在家裏閑坐。看有甚麼人來。〔單潮虎走蹄虎同上〕〔云〕走走走。可早來到也。〔做見科〕〔單潮虎云〕董太公。你還不知道哩。你家兒子董達。被三箇好漢打死了。早是我兩箇跑了。爭些兒也着他打死了。〔董太公云〕是真箇。我的兒子。他打殺了他還不認的我哩。將那鋤草的鋤刀來。我便拿着。你兩箇拿着棍。跟着我趕上那廝。一鋤刀一箇。替我兒子報讐。跟的我趕將去來。〔同下〕〔外扮趙老人上〕〔云〕段段田苗接遠村。太公莊上戲兒孫。雖然只得鋤鉋力。答賀天公雨。

露恩。老漢趙老人的便是。我在這前村裏居住。天色將晚也。看有甚麼人來。〔正末同柴榮鄭恩一人拿一條棍上〕〔正末云〕哥。被俺打死了董達也。天色將晚。早尋箇宵宿去處歇息也。〔柴榮云〕俺弟兄每行動些。〔正末唱〕

〔正宮端正好〕天色漸昏黃。日暮西山落。盼村莊途路迢遙。更和這往來客旅行人少。則聽的宿鳥林梢噪。〔鄭恩云〕兩箇哥。董達那匹夫也。合死在俺手裏也。〔正末唱〕〔滾繡毬〕那強賊膽氣高。逞奸頑當住橋。舒着手問別人強要。則爲這鄧通錢送的它命掩荒郊。我可也施躁暴。兄弟你顯勇驍。憑着這手眼疾。打的他命垂在血泊。〔鄭恩云〕哥哥平生正直。怎容的這等人也。〔正末唱〕則我這正直心節義堅牢。將俺這一車油傘全然壞。我可甚買賣歸來汗未消。枉受劬勞。〔柴榮云〕兄弟也。來到這莊院裏。這一家兒是箇大戶人家。門首立着箇老人家。俺這裡宵宿一夜。有何不可。支揖哩。老人家。〔趙老人云〕三箇官人恕罪。那裡來的。〔柴榮云〕俺是過路的人。天色晚也。特來覓一宵宿。〔趙老人云〕官人請家裏來。這臨街的這間房兒乾淨。與官人每安歇。〔柴榮云〕謝了老者。〔正末唱〕

〔倘秀才〕哎。你箇老人家心腸最好。施惻隱憐貧敬老。更那堪濟救顛危志氣。

豪。你有養劍客寬洪量。我便似學雞唱志才高。〔趙老人云〕不敢不敢。〔正末唱〕非是我花言弄巧。〔趙老人云〕客官喫些兒茶飯。安歇去。〔柴榮云〕不必喫茶飯。明日早行哩。俺歇息者。〔趙老人云〕客官每歇息。我前後執料去者。〔下〕〔正末云〕俺歇息者。〔鄭恩云〕兩箇哥你歇息。天色有些暄熱。我關上這門。頭頂着大門。我歇息者。〔衆做睡科〕〔董太公拿鎗刀單潮虎歪蹄虎拿棍同上〕〔董太公云〕趕了一路趕不上。天色不不趙晚也。俺去趙老人家覓箇宵宿去。趙老人開門來。來來來。〔趙老人上〕〔云〕甚麼人又喚門。我試看去。開開這門。原來是董太公。你這早晚那裡去來。〔董太公云〕有三條大漢。曾來你這裡覓宿來麼。〔鄭恩做慌起身打聽科〕〔趙老人云〕三箇人在我這裡宵宿哩。你問他做甚麼。〔董太公云〕他把我孩兒董達打死了也。我一逕的趕將來報警。他三箇在那裡。〔趙老人云〕在這間房裏。〔董太公云〕休要大驚小怪的。明槍容易躲。暗箭最難防。有些騰騰的月兒。我輕輕的推開門。一鎗刀一箇。你衆人圍了門。不要入來。則怕走了他。〔鄭恩云〕我開開這門。擎着這棍。立在這門背後等者。〔董太公云〕你圍着門。休要入來。我殺這匹夫。輕輕的推。蔣入這門。趕來。〔鄭恩云〕兀那老匹夫。少走着去。〔做一棍打死董太公科〕〔董太公云〕我死也。〔做倒科〕〔鄭恩云〕我奪了這鎗刀。丟了這棍。兀那潑男女聽者。一箇入來一箇死。兩箇入來一雙亡。〔單潮虎云〕不好了。他又殺了董太公也。莊院裏人都

起來拿殺人賊。〔做叫科〕〔鄭恩云〕兩箇哥起來。你好睡的着也。董太公來拏俺。被我打殺了那老匹夫。如今莊院裏人。圍了門戶。要拿俺哩。〔柴榮慌科〕〔云〕可怎了也。〔正末做慌起身科〕

〔正末唱〕

〔叨叨令〕我這裡猛然聽不住高聲叫。恰便似夢迷中一枕蝴蝶鬧。不由我驚急裏扭轉身軀靠。我這裡整衣服便上紅塵道。〔鄭恩云〕哥哥疾快些。〔正末唱〕你可便說殺人也波哥。你可便說殺人也波哥。者莫是困長圍自有脫身妙。〔鄭恩云〕哥。你兄弟當先。仗這鎗刀。打將出他去。〔正末同柴榮拿棍科〕〔正末云〕打出這門來。一箇來一箇死。兩箇來一雙亡。〔柴榮云〕兀那合死的向前來。〔一人掌棍一條做混打科〕〔正末唱〕

〔伴讀書〕不由我心焦躁。論武藝天性好。恰如今鬪打相爭施功效。我和你劈牌定對爭強弱。則我這聲傳四海多名號。既遇着。怎肯道。是就饒。〔單潮虎云〕休着走了殺人賊。〔歪蹄虎云〕叫地方總甲。拿殺人的賊。〔做打科〕〔正末唱〕

〔笑歌賞〕他他他棒着處痛怎熬。我我我嗔忿忿施兇暴。您您您輔助着休違拗。看看看命怎逃。您您您在今朝。來來來須認的名匡胤皆稱趙。〔鄭恩云〕哥也。這厮每怎生近的俺。〔正末做打單潮虎柴榮打死歪蹄虎科〕〔柴榮云〕俺不可久停久住。打散

了人逃性命走。則今日上關西五路去來。〔正末唱〕

〔尾聲〕這一場相爭賭鬪端實少。送的他命掩黃泉家業拋。惡黨凶徒智力消。好鬪偏爭災禍招。好賭貪財無下梢。一片欺心天不饒。則啗這奪利爭名未爲保。〔同下〕

第五折

〔外扮郭彥威引卒子上〕〔云〕威鎮銅臺志氣昂。名傳四海是忠良。選用英賢招虎將。雄師勇耀立家邦。某姓郭雙名彥威。幼習戰策。頗看兵書。文武雙全。名傳四海。攻城野戰。取勝常贏。某手下虎將數員。雄兵百萬。久鎮銅臺。官封元帥之職。某有一妻姪。乃是柴榮。此人性秉忠直。英雄好漢。數載間別。未能相見。某累次修書前去。不想柴榮到來。又有二人。乃是趙匡胤鄭恩。此三人膽量雄威。英才人物。實乃世之虎將。某任用三人。封官賜賞。今日排筵慶賀。一壁廂安排酒餚。小校請趙匡胤柴榮鄭恩來者。〔卒子云〕理會的。三位將軍安在。元帥有請。〔正末同柴榮鄭恩上〕〔柴榮云〕自從來到銅臺。見了郭元帥。不想重用俺三人。今日排筵慶賀。須索見元帥去來。〔正末云〕誰想有今日也。〔唱〕

〔雙調新水令〕今日箇跳樊籠平步上天梯。誰承望宴銅臺虎賁相會。我則見

旌旗龍射影。更和這軍士鴈行齊。一箇箇狀貌雄威。不枉了名傳到鳳池內。〔鄭

恩云〕哥哥。俺三人見元帥去來。〔柴榮云〕可早來到也。令人報復去。道有柴榮等三人來了也。

〔卒子云〕理會的。喏。三箇將軍來了也。〔郭彥威云〕道有請。〔卒子云〕理會的。有請。〔做見科〕

〔柴榮云〕量俺三人。有何德能。有勞元帥錯用也。〔郭彥威云〕三位將軍。乃人中豪傑。志冲斗牛。氣吐凌雲。如此雄威。某必索重用也。〔柴榮云〕不敢不敢。量俺有何才能。〔正末云〕感蒙元帥重意相待。何以克當。〔唱〕

〔沉醉東風〕俺須是貧居在顏回巷裏。今日箇受恩榮列鼎而食。又無那韓侯將相才。倒有那捧轂推輪意。多謝你漢蕭何用盡心機。哎。你箇大德英賢郭彥威。端的是寰海內名傳第一。〔郭彥威云〕令人將酒來。柴將軍滿飲一杯。〔柴榮云〕元帥請。

〔做飲酒科〕〔郭彥威云〕再將酒來。趙將軍滿飲一杯。〔正末云〕元帥請。〔郭彥威云〕將軍先請。

〔正末唱〕

〔川撥棹〕元帥你捧金杯。列佳餚皆整齊。我這裡敍定尊卑。分論高低。誰敢道差遲半米。向前來忙跪膝。〔郭彥威云〕將軍請起。滿飲此杯。〔正末飲酒科〕〔云〕理會的。〔郭

彥威云〕再將酒來。鄭將軍滿飲一盃。〔鄭恩云〕元帥請。鄭恩不敢。〔正末唱〕

〔七弟兄〕我則見預備酒席盡希奇。你看這英雄虎士堦前立。更有這珍羞美饌可堪食。試看這金波九醞清光味。〔郭彥威云〕蔬食薄味。不堪管待也。〔正末唱〕

〔梅花酒〕元帥你性格實。名重京畿。志操金石。寬量無及。畫堂前品物張。孟嘗君性寬惠。俺可也感大德。趙匡胤力輕微。鄭恩也得提攜。謝仁兄荷恩威。

〔收江南〕呀。抵多少十年身到鳳凰池。九重春色醉如泥。布衣改換紫羅衣。享恩榮富貴。願吾皇聖壽與天齊。〔郭彥威云〕三位將軍。望闕跪者。聽加官賜賞。〔正末同衆

跪科〕〔郭彥威云〕好漢聲名播四方。揚威耀武各爭強。柴榮寰中爲第一。鄭恩國士世無雙。莫誇敢勇英雄將。怎比將軍趙大郎。官封帳前指揮使。賜賞加陞列畫堂。護國擎天白玉柱。安邦架海紫金梁。皇圖千載過堯舜。永保華夷聖壽昌。

題目 柴世榮販油傘

正名 趙匡胤打董達

打董達穿關

頭折

鄭恩白氈帽 皂補納 錦襖 項帕 法正末趙匡胤攢頂 綠曳撒 項帕 柴榮頂

補納 項帕 襖 三髭髯 傘車鄭恩又上同前

第二折

董達氈帽 銀錠 錦襖 半袖補納 項帕 直單潮虎紅氈帽 青歪蹄虎紅氈帽 青衣

襖 法墨氈 行纏 猛髯 哨棒正末趙匡胤柴榮鄭恩同前店小二雙簷氈帽 補納襖 花手巾正末趙匡胤柴榮鄭

恩又上同前單潮虎歪蹄虎又上同前

第三折

董達單潮虎歪蹄虎店小二同前正末趙匡胤柴榮鄭恩董達單潮虎歪蹄虎

又上鄭恩又上董達單潮虎歪蹄虎又上正末趙匡胤又上鄭恩又上柴榮

又上
同前

第四折

董太公

雙簷氍帽
身 繖兒

青直杖

單潮虎 歪蹄虎

同前

趙老人

一字巾

挂杖

青直身 繖

正末趙

匡胤 柴榮 鄭恩 董太公 單潮虎 歪蹄虎 又上

同前

第五折

郭彥威

麥簷帽
直繖

膝欄曳撒

袍

項帕

三髯髯

卒子

紅盔

青甲


劍

正末趙

匡胤 柴榮 鄭恩

同前

內本校錄丙辰三月十五日清常記



穆陵關上打韓通

關名

頭折

〔沖末扮韓通領淨白搥胡搶上〕〔韓通云〕拳打山東一地方。脚飛拳起世無雙。寰中好漢聞吾怕。方今之世把名揚。某乃韓通是也。本貫山東穆陵關人氏。自小之間。所好跌打爭交。一對拳打翻猛虎。兩隻脚踢倒麒麟。三峯華嶽怒時推。四大神州都交手。我這家眷。有百十餘口壯丁。我手下有數十箇出名徒弟。滿郡大小。那一箇不怕我。橫行四海。無有一箇敢與我做的對手的也。〔白搥云〕師父。休說你出門去人怕你。我們上街走動。那箇不怕俺。若走到酒店裏。整喫一日。一箇錢也不與他。醉了纔家去。〔胡搶云〕你還說嘴哩。前日你少下酒錢着。他可問我討着。我惱了。把那賣酒的。則一拳打了他八跌。〔白搥云〕你這箇謊弟子孩兒。打人一拳。喫一跌便罷了。怎麼喫了八跌。〔胡搶云〕你那裡知道。這箇是各人的手段。〔白搥云〕也沒有。〔韓通云〕您不得知。如今世上。皆聞我的名兒。都說我是頭一箇好漢。如今又聽的人來說。還有一箇好漢。是甚麼趙大郎。說他遊遍關西五路。無一箇近過他的。則說他是箇好漢。我想來有他不顯我。有我不顯他。不知何年月日撞着他。務要比並箇高低。您兩箇跟我去喫酒去來。穆陵關則某非常。趙大郎滿郡

稱揚若和他當場跌打。比並箇誰弱誰強〔同下〕〔外扮登州李節度領卒子上〕〔云〕習武興文。天下揚。驅兵領將定邊疆。鎮守海口迎蠻處。管領山東一地方。某姓李名忠字伯通。祖居京兆長陵人也。先父李定公。曾爲樞密院統軍之職。俺乃唐氏宗支。流傳天下。某幼而習文。中年演武。多看孫吳韜略。深習呂望兵書。方今大周之世。豪傑英雄。各鎮其地。今某手下雄兵數萬。勇將百員。管領山東登州一帶。人民都皆樂業。今有京師趙大郎。同張光遠羅彥威鄭恩等。奉命收捕山東草寇。則怕他路往登州過。某在朝之時。我父與他父趙弘殷。乃一殿之臣。我又曾與他爲友。猶恐他同衆將來望某。小校與我喚將高辛來者。〔卒子云〕理會的。高將軍。大人呼喚。〔淨扮高辛上〕〔云〕我做將軍怕對壘。聽的廝殺就搗鬼。諸般武藝全不通。平生則要閑說嘴。自家登州李節度手下部將高辛是也。論我的武藝。諸事不通。所樣不會。聽的廝殺。就尋鼓搥。我今日無甚事。正在馬房裏打筋陡耍子。有大人呼喚。不知有甚事。須索跑一遭去。可早來到也。我姪子你報復去。道有高辛來了也。〔卒子云〕理會的。大人。有高辛來了也。〔李節度云〕着他過來。〔卒子云〕理會的。着過去。〔高辛做見科〕〔云〕大人。你叫我來爲何。〔李節度云〕高辛。我喚你來不爲別。今有京師趙大郎。征山東草寇去了。則怕路打這登州過來看我。你與我預備下酒席者。〔高辛云〕大人。你沒正經。有酒有肉。我們嚕耍子。又請別人怎的。他乾喫了你的。〔李節度云〕不可戲言。快整治下

酒席。小校望者。有一切事。報復某知道。〔卒子云〕理會的。〔外扮張光遠羅彥威上〕〔張光遠云〕幼年放蕩結相知。今日驅兵領帥旗。扶持周室除奸黨。保助江山立帝基。某張光遠是也。這位將軍。乃是羅彥威。俺自與哥哥趙匡胤弟兄每遊遍關西。結義了柴榮哥。方今周室聖人。乃是柴榮哥家。親封他爲天下兵馬大元帥。封趙大郎哥殿前都指揮使。今有山東草寇生發。着俺二人。同趙大郎與鄭恩兄弟領兵去。一鼓而破也。〔羅彥威云〕哥哥。想俺弟兄四海聞名。誰不懼怕。今收伏草寇回還。哥哥在後面便至也。俺到登州。看望李節度去來。〔張光遠云〕俺哥哥一准也來此處探望。可早來到也。小校報復去。道有京師張光遠羅彥威。來拜見節度大人。〔卒子云〕理會的。〔做報科〕〔云〕大人。有張光遠羅彥威來見大人。〔李節度云〕道有請。〔卒子云〕理會的。有請。〔二將見科〕〔張光遠云〕大人。某張光遠。這箇是羅彥威。俺路過登州。特來拜見也。〔李節度云〕二位將軍。遠路風塵。某聞的二位與趙大郎鄭將軍。收捕草寇成功。因何不見趙大郎。在於何處。〔羅彥威云〕大人。俺哥哥與鄭恩後面便至也。〔李節度云〕二位將軍請坐。高辛準備酒殺。小校門首望者。若來時報復某知道。〔卒子云〕理會的。〔正末扮趙匡胤同鄭恩上〕〔正末云〕某趙匡胤是也。自與衆弟兄每遊了關西一帶。今柴榮哥居於高位。封某爲殿前都指揮使。今同衆兄弟每征伐山東草寇已回。鄭恩兄弟。俺往登州望李節度去來。〔鄭恩云〕哥也。有張光遠羅彥威兩

箇哥先行了。俺同走一遭去也。〔正末云〕俺去來。時遇春天。這登州地方近海岸。是好清涼也呵。

〔唱〕

〔仙呂點絳脣〕春煖花香。和風淡蕩。我則見東郊上。男女成行。處處閑遊賞。〔鄭

恩云〕看那雪浪銀濤。清波碧水。是好景致也。〔正末唱〕

〔混江龍〕我將這海邊遙望。浪滔滔綠水接天長。恰離了中華地界。早來到東

魯齊邦。〔鄭恩云〕哥的聲名。端的貫滿天下也。〔正末唱〕則他那四海英雄。知我姓。見如

今寰中壯士。盡皆降。一箇箇將我多尊讓。論武呵敵絕諸國。論拳呵打遍村坊。

〔鄭恩云〕哥也。俺來到這登州帥府門首也。〔正末云〕令人報復去。說道趙匡胤來見大人。〔卒

子云〕理會的。〔做報科〕〔云〕報的大人知道。有一箇趙匡胤來見大人。〔李節度云〕道有請。

〔卒子云〕理會的。俺大人有請。〔正末同鄭恩見科〕〔李節度云〕呀呀呀。大郎。自京師一別。今日

纔得相會。貴腳踏於賤地也。〔正末云〕大人。俺奉聖命。平了東路草寇。敬到此處探望大人來也。

〔李節度云〕有勞驅馳。遠遠而來。這位是何人。〔正末云〕是我兄弟鄭恩。同我望大人來。〔李節

度云〕多承多承。大郎。想我家父與你令尊。都是一殿之臣。俺正是弟兄。令人安排酒果來。與二

位將軍。一來慶破草寇之功。第二來俺敘情而飲也。〔卒子做擺酒科〕〔云〕果卓擺停當了也。

〔李節度云〕將酒來。〔卒子云〕理會的。〔李節度做把盞科〕〔云〕趙大郎滿飲一杯。〔正末云〕大人量某有何德能。着大人如此用心也呵。〔唱〕

〔油葫蘆〕先父曾同登廟廊。〔李節度云〕令尊去世已久也。〔正末唱〕到如今歲月長。〔云〕休說俺父親。則看某矣。〔唱〕不覺的鬢邊添上曉蒼蒼。〔李節度云〕大郎有大將之才也。〔正末唱〕赤緊的功勳未入凌煙像。每日家樂陶陶醉在天街上。〔李節度云〕想大郎這等英雄。何愁不富貴也。〔正末唱〕空學的武藝熟。弓馬強。若將那煙塵掃盡將賊徒當。那其間天下把名揚。〔李節度云〕論大郎的英雄。少不了官高極品也。〔正末唱〕

〔天下樂〕指望待位至三公。姓字香。論武藝高也波強。我也曾論講。非干賣口情性兒狂。〔李節度云〕蔬食薄味。不堪供用也。〔正末唱〕酒淹的羅袖濕。設佳筵忒整裝。〔李節度云〕將酒來。大郎再飲一杯。〔正末唱〕我這裡謝仁兄將禮數講。〔李節度云〕大郎。你與我是非常朋友。俺正是父交子往。今日相會。正好共談。令人請出夫人來。〔卒子云〕理會的。夫人。大人有請。〔夫人抱病扶梅香上〕〔云〕俺插金釵着綺羅。懶臨鸞鏡畫雙蛾。不因病體懨懨害。豈爲愁花憔悴多。妾身姓趙。嫁的夫主姓李。是這登州道節度使。妾身近日忽感些疾病。一臥兒不起。正在房中閑坐。前廳上大人相請。不知有何事。須索走一遭去。說話中間。可早來到也。左右

人報復去。說夫人來了也。〔卒子云〕有夫人來了也。〔李節度云〕道有請。〔卒子云〕理會的。夫人有請。〔夫人做見科〕〔云〕大人呼喚妾身。有何事也。〔李節度云〕夫人。與此位大人相見者。〔夫人云〕大人萬福。〔正末云〕大人勿罪。〔李節度云〕夫人認的此位麼。〔夫人云〕大人。妾身不認的。〔李節度云〕乃是京都趙點檢長子趙大郎是也。俺父親與他令尊。一殿之臣。我與他有一面之交。此乃非常之人。故請夫人相見也。〔夫人云〕大郎休怪妾身不知。恕罪也。〔正末云〕好箇有福的夫人也。敢問夫人高姓。青春幾何。〔夫人云〕妾身姓趙。年三十七歲也。〔正末云〕夫人既姓趙。某也姓趙。況兼又長某數歲。若夫人不棄。我情願拜爲姐姐。李大人就是姐夫。意下如何。〔李節度云〕大郎不棄。願爲親故。〔正末做拜科〕〔云〕令人將酒來。我與姐夫遞一杯。〔唱〕

〔金盞兒〕今日箇宴高堂。我這裡捧霞觴。躬身叉手立在這庭堦上。〔夫人云〕我有賤疾吃不得酒。〔正末唱〕見姐姐容顏倦整不梳妝。〔李節度云〕大郎。你姐姐有些心中不悅。不能飲酒。〔正末唱〕莫不是風寒兼暑濕。〔夫人云〕不是風寒暑濕。〔正末唱〕多管是腹熱帶腸狂。〔夫人云〕也不是。〔正末唱〕我這裡低頭忙問候。姐姐你用意訴衷腸。〔云〕接了盞者。〔高辛背云〕李節度無禮。一般的人。則敬趙大郎是好漢。我如今搬過他來。與他一拳。打倒了趙大郎。出我這口氣。〔做打正末科〕〔鄭恩云〕這厮無禮。打俺哥哥。〔做打高辛科〕〔高

辛云：「哎約。哎約。打殺我也。我闖他要來。你護他怎麼。好沒臉也。」〔正末做勸科〕〔云〕鄭恩兄弟。你差了也。〔唱〕

〔寄生草〕看俺這親屬面。你不合就逞強。打的面容不似人模樣。他不敢歪談亂道人前強。則落的伏低做小忙謙讓。〔高辛云〕我又不曾惹他。〔鄭恩云〕他要打哥哥來。〔正末唱〕豈不聞敬親不敢慢於人。〔云〕若不是這等呵。〔唱〕定教你頭青面腫難敵當。〔李節度云〕鄭恩兄弟。且饒他這遭罷。〔鄭恩云〕鄭恩知道。〔正末云〕姐姐。貴體不安。這穆陵關洪吉寺有箇長老。他有一料藥。其效如神。可醫百病。我如今同鄭恩兄弟。親去討些藥來。若醫可了姐姐。也見的兄弟有誠敬之心也。〔李節度云〕夫人過來。俺謝了兄弟者。〔正末云〕您兄弟不必飲酒。時下就行也。〔李節度云〕兄弟說的是。等回來慢慢的飲酒。也不遲哩。〔正末云〕姐姐。姐夫休怪。鄭恩兄弟。俺去來。〔唱〕

〔尾聲〕則今日離了登州城。目下親身往。若求得神醫藥方。穩情取夫人體自康。〔李節度云〕你可親自走一遭去。〔正末唱〕豈推辭臥雪眠霜。到他鄉不索商量。你看我越嶺穿林自去當。〔鄭恩云〕哥哥。俺往那裡去也。〔正末唱〕禮拜俺慈悲梵王。着夫人身安體壯。委的是靈丹妙藥世無雙。〔同鄭恩下〕〔李節度云〕趙大郎去了也。二位將

軍再飲幾杯如何。〔張光遠云〕大人俺酒穀了也。〔羅彥威云〕大人俺不必飲酒了。俺二人不往別處去。就在此處驛亭中。等待趙大郎回來。領兵上京師。張光遠哥哥俺辭了大人。往驛亭中去來。大人恕罪也。〔李節度云〕二位將軍。等趙大郎回來。再排宴管待。今日蔬食薄味。二位休怪也。且回驛亭中暫歇者。〔張光遠羅彥威出門科〕〔張光遠云〕誰想此處。趙大郎哥哥認義了李節度的夫人。俺二人就在此處。等候趙大郎取藥回來。一同上京去也。〔羅彥威云〕哥哥說的是。俺去驛亭中歇息去來。趙大郎武藝過人。來登州殺退賊兵。洪吉寺親身取藥。着夫人無事安存。〔同張光遠下〕〔李節度云〕不想今日遇見趙大郎來望。與同衆將軍到此處。認了我做姐夫。見夫人有些病證。他親自去穆陵關洪吉寺取藥去了。我看了此人中珠模樣。凜凜雄威。久後必然大發達也。小校收拾了果卓。高辛慢來。夫人俺回後堂中去也。久鎮登州數十年。誰知今日遇英賢。匡胤久後登雲路。保助皇朝社稷堅。〔同夫人卒子下〕〔高辛云〕他每都去了也。吓甚麼造物。我正要喫一鍾耍子。平白地走將他們四箇人來。道把我打了一頓。可不是晦氣。罷罷罷。我家去也。俺在登州鎮守。每日街上閑走。仔細思量起來。不如自家喫瓶官酒。〔下〕

第二折

〔淨扮石洪上〕〔云〕跌打爭交我最強。每日喫酒罵街坊。路上若還遇好漢。就往家裏前後藏。自

家是這山東穆陵關人也。姓石名洪。一箇綽名叫做石杵頭。我拜本處好漢韓通爲師。學跌打拳棒。我是頭一箇徒弟。管領着百十箇小徒弟。每日上街行走。那箇不怕我。前日在趙家店裏飲酒。少他些酒錢。那趙景中他問我討錢。在我跟前手之舞之的。着我打了一頓。險不打死了。再怎麼敢討酒錢。我今日再去他酒店裏喫一鍾去。等白搥胡搶兩箇兄弟來請。我在家等着他。敢待來也。〔白搥胡搶上〕〔白搥云〕今日拽拳無甚事。趙家酒店打三鍾。自家白搥兄弟胡搶。俺是韓通的徒弟。今日拽拳丟跌已罷。師父吃酒去了。我兩箇無甚事。我說兄弟。如今請了石洪哥。別處酒店慢慢。趙家酒店裏好酒。去他家喫一鍾去來。到石洪哥門首。無人報復。俺自過去。〔做見科〕〔石洪云〕兩箇兄弟。你請我那裡吃酒去。〔白搥云〕石洪哥。俺兩箇敬來請你。去趙家酒店裏喫酒去來。〔石洪云〕兩箇兄弟。你不知我少他些酒錢。前日問我討着。我惱了。把那趙景中打了一頓。如今怎麼去。〔胡搶云〕哥。你放心。則有我兩箇者。着誰敢討酒錢。則管放心。吃去來。〔石洪云〕既然這等。你兩箇跟着我。直到趙家酒店中吃酒。走一遭去。我平日最好打拳。但喫酒不許討錢。若撞着別的硬漢。一頓打整睡五年。〔同下〕〔外扮趙思同卜兒店小二上〕〔趙思云〕祖代名家播遠芳。宗枝極廣各居鄉。隨緣道路權時過。買賣辛勤日久長。老漢山東穆陵關人氏。姓趙名思。婆婆劉氏。有箇孩兒是趙景中。媳婦兒是李氏。俺家祖輩官宦人家出身。我有箇叔伯哥哥。乃是

趙弘殷。曾爲殿前指揮使。早年辭世。有兩箇孩兒。大哥趙匡胤。二哥趙匡義。有大哥襲他父親職事。老漢想念他不能相會。我這座酒店。不是老漢開是我孩兒開着。這裡有幾箇潑皮的人。內有一箇石洪。少俺許多酒錢。俺孩兒問他討酒錢。他把趙景中打倒在家。不能動止。婆婆。你和媳婦兒看孩兒去。〔卜兒云〕老的也。想俺累輩官戶人家出身。不得已也。分在各處住坐。賣酒爲生。有石洪將孩兒打倒。誰與他報仇也。〔趙思云〕婆婆。孩兒滿身打壞了也。老漢年紀大了。怎生近的過他。且忍耐着。你回後面。着媳婦兒看孩兒。你熬些粥湯。着他食用去。〔卜兒云〕老的也。你看着酒店。我去後面看孩兒去也。石洪每日來相毆。終朝店裏來賒酒。孩兒被打在家中。未知酒錢何日有。〔下〕〔趙思云〕婆婆回後堂中看孩兒去了。店小二。你門首望者。但有一切人來。報復我知道。〔店小二云〕理會的。〔正末同鄭恩躍馬兒上〕〔正末云〕某趙匡胤是也。因在李節度宅上飲酒。認義了李夫人做姐姐。誰想李夫人有病。我說這穆陵關洪吉寺長老善能用藥。某自來討藥。相謝節度之恩。鄭恩兄弟。俺如今先到我叔父趙思家探望。見了叔父。後去尋長老討藥。未爲遲哩。〔鄭恩云〕哥俺討藥就送了去。不必遲滯也。〔正末云〕既然這等兄弟。俺行動些。〔唱〕

〔正宮端正好〕脚忙行。休耽誤。則他那瘦伶仃命在須臾。見了那老禪林求得靈丹出。救了俺初結識的新親故。〔鄭恩云〕若哥討一服藥。醫好李夫人呵。也顯的俺有敬

心也〔正末唱〕

〔滾綉毬〕則爲這藥一服。使的我心不舒。〔鄭恩云〕假似不遇這長老。可怎麼了也。〔正末唱〕假若是不遇呵。則我這敬心在何處。這件事要下工夫。到那裡休叫呼。不敢疎。使不的將他小覷。若得了妙藥靈術。將他那苦懣懣患病醫痊可。也見的雄赳赳將軍是丈夫。方顯俺無虛。〔云〕兄弟。來到俺叔父門首也。小二哥報復去。道有趙匡胤鄭恩在於門首。〔店小二云〕理會的。〔做報科〕〔云〕報的老官人知道。有趙匡胤在於門首。

〔趙思云〕道有請。〔店小二云〕有請。〔正末同鄭恩做見科〕〔正末云〕叔父。您孩兒多時不見。受某兩拜。俺兄弟怎麼不見也。〔趙思云〕趙匡胤。你休拜。你遠路風塵。肯分的你來。你兄弟不在了。我家中有些事。心中不耐煩。小二哥看酒食管待兩箇孩兒者。〔正末云〕鄭恩兄弟。你聽的我叔父說麼。他說家中有事。不知有甚麼事。我問他者。叔父家中有甚麼勾當。〔趙思云〕匡胤。你與鄭恩休管他。我自有事。看酒殺來。與你兩箇拂塵。〔正末云〕鄭恩兄弟。蹺蹊殺我也。〔趙思云〕煩惱殺我也。〔正末唱〕

〔倚秀才〕我見他眼中藏恹恹淚珠。口角頭難言他那氣苦。空着我思量無事處。莫不是隣家閑炒鬧。必定是買賣本虧圖。〔趙思云〕匡胤。你都猜不着。我別有些事。

〔正末云〕若猜着呵。〔唱〕我與你做主。〔趙思云〕你休管他。小二哥將酒來。我與匡胤遞一杯。〔做把盞科〕〔云〕匡胤滿飲此杯。〔正末云〕先從兄弟鄭恩來。〔鄭恩云〕哥哥先請。兄弟不敢。〔正末唱〕

〔呆骨朵〕不由人心下生猶豫。數番家將我支吾。〔趙思云〕匡胤。你飲過酒者。〔正末唱〕我從來好酒貪杯。〔正末云〕叔父要說了呵。〔唱〕直吃的身軀臥土。〔趙思云〕你吃過酒。我就說。〔正末唱〕我恰纔聽說罷連忙飲。將你那冤苦從頭訴。不是這歹姪兒誇大言。就着我殺人呵敢自許。〔云〕且將酒殺收了。叔父因何不說。〔趙思云〕你聽我說。俺這裡有幾箇好漢。一箇是石洪。一箇是白搥。一箇是胡搶。他少下許多酒錢。你兄弟問他討去。不是罵便是打。前日把你兄弟打了一頓。今病在家中不能動止。石洪他終日來。吃了我許多的酒錢。渾有多少本錢。他每喫的無了也。因此上我心焦也。〔正末云〕是真箇。他怎麼今日不來。〔趙思云〕不一時都便來也。〔正末云〕鄭恩兄弟。有這等無廉恥的人。兀的不氣殺我也。〔唱〕

〔脫布衫〕轉不過一口長吁。堪恨這無禮賊徒。平白地欠下人無數的這酒錢。故意的把人欺負。〔石洪白搥胡搶同上〕〔石洪云〕自家石洪的便是。來到這趙家酒店裏也。前日打倒了趙景中。白搥胡搶兩箇兄弟。我們再去纏他去來。〔白搥云〕來到也。村弟子孩兒。拏酒

來我們吃。〔做打店小二科〕〔云〕你這箇油嘴。怠慢我。〔正末云〕那裡這等嚷鬧。〔趙思云〕是那幾箇無徒來了也。〔正末云〕我出去看他每是甚麼人。〔正末做見科〕〔云〕你是甚麼人。如常這裡攪擾。〔石洪做聽正末科〕〔云〕不干你事。我們是吃酒的。拏酒來我們喫。〔石洪白搥胡搶做吃酒科〕〔鄭恩云〕哥。幾箇油嘴。量他打甚麼不緊。〔石洪云〕誰是油嘴。兩箇兄弟齊下手。先打這厮。〔白搥胡搶做脫衣服科〕〔正末做拽衣服科〕〔云〕這厮好無禮也呵。〔正末唱〕

〔醉太平〕他那裡走將來忿怒。一箇箇脫了衣服。不經我手段不伏輸。者莫你騰雲駕霧。〔打三淨科〕〔石洪云〕這箇人比趙景中不同。倒好手段。打殺我們也。兵馬司叫弓手來。這裡打殺人也。〔趙思慌云〕罷罷罷。休要惹禍。打殺一箇怎麼了。〔正末唱〕我着你今番去了絕回路。來朝准定知名目。時間着你命虧圖。〔又打科〕〔石洪叫科〕〔云〕冤屈打殺人也。〔正末唱〕打的他連聲叫苦。〔鄭恩云〕哥。不必勞力。我與他幾下。着他走了罷。〔做打三淨科〕〔石洪云〕又打將來了也。兩箇兄弟。家去罷。一箇也近不的他。又是這箇來。好歹打殺一箇在這裡。俺走了罷。走走。〔同白搥胡搶下〕〔正末云〕他每走了也。叔父放心。他再不敢來也。〔趙思云〕他都是好漢。他怎肯捨了這口氣。攪的俺酒也吃不成。我倒則愁他又領人來。可怎麼了也。〔正末云〕叔父但放心。我將這馬拴在這裡。等我洪吉寺討了藥來。那厮不來便罷。若來呵。我着

他不得好回去。着兄弟好生將息身體者。〔鄭恩云〕叔父。他們若再來呵。我着他一箇箇頭青面腫的回去也。〔正末云〕兄弟。跟我討藥去來。〔唱〕

〔尾聲〕權時放了心間怒。他若是再領人來定狠毒。顯剛強賣智謀。施兇頑展嫉妬。打的他不敢爭頭。〔云〕兄弟。俺去來也。〔唱〕再來賭。〔同鄭恩下〕〔趙思云〕趙大郎與鄭恩去了也。老漢正想念他中間。不期到來。他因征草寇。路過登州。認義了李節度夫人爲親。今往洪吉寺長老跟前討藥。來看老漢。不想石洪與那幾箇潑皮。被趙大郎將石洪打的走了。他還猶閑可他是韓通的大徒弟。則怕惹起禍來。店小二牽着馬。俺回後堂中去來。有石洪故惹非災。趙匡胤顯耀胸懷。拳起處如同剪紙。打的他再不回來。〔同店小二牽馬下〕

楔子

〔外扮長老領行者上〕〔長老云〕百衲衣穿不厭貧。閑將柏子當香焚。窗前靜坐無他事。一盞清茶一卷經。貧僧俗家姓趙。法名普惠。本貫是汴梁人氏。在這穆陵關洪吉寺做着箇長老。貧僧幼年跟着師父出家。多曾辛苦。師父臨涅槃之時。傳與我一箇祕密神方。不問遠年近日。風疾病症。並皆治之。如神效一般。我有箇叔父。乃是趙弘殷。叔父跟前有兩箇孩兒。都是我兄弟。大的是趙匡胤。學成十八般武藝。十分了的。近日聽的奉聖人的命。勦除山東賊寇。則怕往這裡經過。今日

無甚事。在方丈中閑坐。行者寺門首看者。若有人來。報與我知道。〔行者云〕理會的。〔正末同鄭恩上〕〔正末云〕某趙匡胤是也。自離了登州。與兄弟鄭恩。往這穆陵關洪吉寺來。自前日見了叔叔。打了石洪。將馬寄下。可早數日光景也。〔鄭恩云〕哥想前日在叔叔宅上。打了那石洪。量他到的那裡也。〔正末云〕兄弟。俺說話中間。可早來到這寺門首也。一箇小行者。我問他一聲。兀那行者。你師父在寺中麼。〔行者云〕俺師父在寺裏。你是那廂來的官人。〔正末云〕你報復去。說有京師趙匡胤。特來相望。〔行者云〕我知道。你則在這裡。〔做報科〕〔云〕師父。寺門首有兩箇人。一箇說是趙匡胤。特來拜望師父來。〔長老云〕他說是趙匡胤。道有請。〔行者云〕理會的。有請。〔正末同鄭恩做見長老科〕〔云〕哥哥。您兄弟一別許久。聞知哥哥在此。一逕來拜望哥哥來。〔做拜科〕〔長老云〕貧僧久聞兄弟大名。如雷貫耳。數載不能相會。不想今日此處相逢。我聞知兄弟領人馬。勦除山東草寇。勝負如何。這箇兄弟是誰。〔正末云〕哥哥。您兄弟託哥哥福蔭。將草寇一陣皆除。這箇是我兄弟鄭恩。還有兩箇兄弟。張光遠。羅彥威。都在登州等候。哥哥。你兄弟有一莊事。敬來相煩。〔長老云〕兄弟。偌近遠的路程。有何事。但說不妨。〔正末云〕哥哥。您兄弟到登州。認義了箇姐姐。乃是李節度的夫人。也姓趙。不想他染病許久。兄弟聞知哥哥有神效仙方。您兄弟敬來討藥來。〔長老云〕兄弟。這箇易哉。且安排些齋食來。管待兄弟。〔正末云〕哥哥不必動勞。

〔行者云〕齋食在此。〔長老做讓坐科〕〔云〕兄弟請些齋食。〔正末云〕哥哥。齋食殺了也。你則與了我這藥去。強如着兄弟喫這齋食也。〔長老做拏藥與正末科〕〔云〕兄弟。藥已有了。你幾時去。〔正末云〕則今日便去也。〔長老云〕兄弟。你打穆陵關過也不曾。〔正末云〕您兄弟正打穆陵關過來。〔長老云〕兄弟。你不曾遇着好漢韓通麼。〔正末云〕您兄弟不曾遇着。〔長老云〕兄弟。你如今回去。若往穆陵關過去。你仔細那好漢韓通。他好生英雄。你小心在意者。〔正末做辭長老科〕〔云〕哥哥。你但放心也。〔唱〕

〔賞花時〕穆陵關韓通我盡知。說好漢寰中他第一。〔長老云〕兄弟。此人十分的英雄。你小心些。〔正末云〕不妨事。〔唱〕我看他顯手段。見箇高低。若見了那無徒的逆賊。〔長老云〕兄弟。你若打了韓通。我直到登州。與你慶賀也。〔正末云〕鄭恩兄弟俺去來。哥哥恕罪。〔唱〕我着他綽見我走如飛。〔同鄭恩下〕〔長老云〕兄弟去了也。倘若真箇打了韓通。我直至登州。與兄弟作慶。未爲晚矣。無甚事。我回禪堂中去也。趙大郎跌打多能。平草寇來到山東。若撞見韓通好漢。必定箇見箇輸贏。〔同下〕

第三折

〔趙思同卜兒店小二牽馬上〕〔云〕詔華如箭催寒暑。過眼光陰疾如梭。老漢趙思是也。這箇是

我婆婆。自因俺這酒店中買賣大快。有本處石洪。少俺酒錢。將趙景中打倒了。不期有我姪兒趙大郎。與鄭恩來到。不想石洪又來吃酒。俺趙大郎好漢也。一對拳如鐵砲相似。打的那厮疾走無門。雖然打退了。他是本處韓通的徒弟。此人是天下頭一箇好漢。則怕他來怎了。有趙大郎同鄭恩。往洪吉寺取藥去了。將這兩匹馬寄在我這裡。婆婆。俺趙景中孩兒好了也不會。〔卜兒云〕老的也。孩兒將息好了也。今日要出來。店中還要做買賣哩。〔趙思云〕店小二。你去請你哥哥來者。〔店小二云〕理會的。哥哥。父親呼喚你哩。〔外扮趙景中上〕〔云〕父母尊堂訓教身。隨緣過日立家門。男兒未遇遭磨難。且在鄉中隱姓名。某乃姓趙雙名景中。見今父母在堂。俺原非黎庶祖輩名家。累授皇恩。今因俺家宗支極多。流落於各州府縣住坐。在此處飲酒。這裡有數箇潑皮的人。內有一箇石洪。他十分利害。喫了我許多的酒。不還一文。我因索討酒錢。他將我打倒。不期有我哥哥趙大郎到來。將石洪打退了。哥哥將他的馬寄下。他往洪吉寺取藥去了。某不會得見我哥哥。今日父親呼喚。我拜見去者。可早來到也。小二哥。報復去。道有我來了也。〔店小二云〕理會的。老官人。有大官人來了。〔趙思云〕着他過來。〔店小二云〕理會的。着過去。〔見科〕〔趙思云〕孩兒。你好了也。依舊還守此店中賣酒去。〔趙景中云〕父親母親。您兒好了也。多虧了俺哥哥報了仇。小二哥安排下茶飯。則怕哥哥回來。我和他飲一杯酒。店小二。你望者。看有甚麼人來。〔店小二

云〕理會的。〔韓通領石洪白搗胡搶上〕〔韓通云〕正想趙匡胤。不期他到來。某韓通是也。這箇是我徒弟石洪白搗胡搶。我昨念着趙大郎。說的是天下頭一箇好漢。不期來到俺這穆陵關上。過在趙家酒店中。那一日將石洪打倒。我想來。量他到的那裡。今日俺尋他去。若尋着他。爛羊頭賞他一頓。〔石洪云〕師父。我聞他的名。可不曾見他的面。我爲頭兒不認的他。後打聽他是那趙大郎。我就不曾展的爪。不得師父的手段。別人也近不過他也。〔白搗云〕你不要說。他在趙家酒店裏。俺正好打他。仗着師父虎威。我跌他兩箇骨碌子。〔韓通云〕可早來到也。白搗。你叫他出來。我和他搗幾合。〔白搗云〕我知道。兀的那老趙老無知。你着那趙大郎出來。俺師父在這裡也。〔趙景中云〕父親。門首甚麼人炒鬧。我試看去者。〔做見科〕〔云〕韓通哥。您來做甚麼。〔韓通云〕趙景中。不干你事。好漢不打當村人。是甚麼人打了俺石洪。這厮好無禮也。我非是與他報仇。我聞知趙大郎的名兒。說他是好漢。着他出來。我和他搗幾合。看誰是好漢。你着他出來。〔趙景中云〕壯士。俺哥哥不在家。往洪吉寺取藥去了也。〔韓通云〕你不要說謊。則怕他近不過我。趕在你家中。着他出來拜降了。我就饒了他。〔白搗云〕就是師父饒了他。我還要跌他兩箇骨碌子。〔趙景中云〕他委實不在家了。〔韓通見馬科〕〔云〕兩匹好馬也。我正要騎哩。石洪。你牽了他這馬去。我要。〔趙景中云〕壯士住了。這馬是我哥哥的馬。不是俺的。〔韓通云〕既然是他的。我不白

要着他在這裡等着。我牽了馬去。等他打的過。我纔還他這馬。俺去東莊上吃上幾碗酒。俺便來尋他。石洪。俺吃酒去來。〔石洪云〕和他說甚麼。俺一同去來。〔韓通同白搥胡搶牽馬下〕〔趙景中云〕這事怎了也。須索與父親說知去。〔做見趙思云〕父親禍事也。〔趙思云〕孩兒也有甚麼事。〔趙景中云〕恰纔韓通領着衆人。將哥哥馬奪將去了也。〔趙思云〕可怎了也。我料韓通必來尋鬧。奪了馬去。你哥哥回來。怎麼回他麼。他又是箇不忍事的。定有一場大廝打也。店小二門首望者。但有人來。報復我知道。〔店小二云〕理會的。看有甚麼人來。〔正末同鄭恩上〕〔正末云〕鄭恩兄弟。俺行動些。到俺叔父家討了馬。送與姐姐。俺便回家去也。〔鄭恩云〕哥哥。我想着那石洪。喫了俺一頓好打。則怕他又來俺叔父家來麼。〔正末云〕兄弟。這等人他曉的甚麼廉恥。不來便罷。若再來。我不道的饒了他也。〔唱〕

〔越調鬪鶴鶉〕則我這脚起處難防。拳行時怎知。他若是不顧死還來。我着他羞歸故里。〔鄭恩云〕休說哥哥動手。則是我一箇也打的他不敢來。〔正末唱〕量幾箇一勇之徒。止不過求食爲嘴。有甚強與俺敵。〔帶云〕別的不打緊。〔唱〕若見那好漢韓通。我和他各施氣勢。

〔紫花兒序〕他若是經着我命喪。撞見我心慌。遇着咱魂飛。〔鄭恩云〕哥哥。不遇着

韓通便能。若遇着韓通。務要和他比並箇高低也。〔正末唱〕者莫是前街後巷。遇着那好鬪的相識。比並箇高低。我笑那合死的韓通。欺負誰。好着我心中生氣。不是我好鬪偏爭。則爲他惹事招非。〔云〕兄弟。俺來到叔父門首也。店小二報與叔父知道。說俺兩箇來了也。〔店小二云〕你們又來了。前日惹的禍。還不會了的哩。報的老官人得知。有前日惹禍的那兩箇將軍。又來了也。〔趙思云〕是趙匡胤和鄭恩來了也。道有請。〔店小二云〕有請。〔正末同鄭恩做見科〕〔云〕叔叔孀子。兩箇姪兒來了也。〔趙思云〕匡胤鄭恩於路辛苦。趙景中。與你兩箇哥哥厮見者。〔趙景中拜云〕二位哥。受您兄弟兩拜者。〔正末云〕兄弟免禮免禮。〔卜兒云〕受他一禮。怕做甚麼那。〔趙思云〕店小二看酒來。與兩箇姪兒拂塵。〔正末云〕不必飲酒。纔討了藥來。我要去送藥去也。鄭恩兄弟看馬來。俺送藥去。〔趙思與卜兒背云〕婆婆可怎了。趙匡胤要馬哩。〔正末云〕叔叔與孀子說甚麼。〔趙思云〕不曾說甚麼。〔正末云〕你若不與姪兒說。則怕誤了事也。〔趙景中云〕父親。你不說。我說與哥哥罷。自從你去討藥去了。有穆陵關上好漢韓通。他是石洪的師父。他打將來尋哥哥。尋不見。被他將馬牽的去了。他還要來尋你。要見箇高低也。〔正末云〕是真箇這厮好無禮也呵。〔唱〕

〔寨兒令〕想那厮禮止虧。忒胡爲。你牽的馬去呵。我騎甚的。將俺來平欺。情理

無知。恨不得掣到我眼根底。〔鄭恩云〕哥哥息怒。俺尋他去來。〔正末唱〕者莫他能走能飛。假若是能戰能敵。對面兒若見了。審問的事真實。吓就着他生死在眼前隨。

〔趙思云〕匡胤你且息怒。等俺喫上兩鍾酒。俺慢慢的尋他去來。〔韓通〕石洪白搥胡搶同牽馬上。〔韓通云〕某韓通是也。這箇是我衆徒弟。頭裏去趙家酒店裏。尋趙大郎不在。牽了兩匹馬去。我在東莊上。喫了幾碗酒。我務要尋見他。〔石洪云〕師父。則怕這早晚來了。着他喫一頓拳頭去。〔白搥云〕可早來到也。我問一聲。兀那趙景中。俺師父在這裡。快着你那好漢出來。〔韓通云〕徒弟每。您兩邊排開。休着走了他。着趙大郎出來。我是天下頭一箇好漢。穆陵關上韓通。合死的與我比對來。〔做拽拳科〕〔正末同鄭恩見韓通科〕〔云〕兀那韓通。你既是好漢。如何敢盜人的馬也。〔韓通云〕趙匡胤。不是我盜你的馬。則要尋你比並箇高低來。〔鄭恩云〕韓通。休說你強也。休說俺哥強。你可也知道我鄭恩的手段。我可不動手。你那好漢也休動手。你與我哥對跌對打。若是你贏了我哥。就將這馬輸與你。你就是天下頭一箇好漢。若是你輸了呵。你可輸些甚麼。〔韓通云〕我輸這五十兩碎銀子與您。〔鄭恩云〕牽馬過來。將銀子來。哥哥。你用意者。這銀子和馬。已是俺的也。〔韓通做吐架子科〕〔云〕來來來。你是好漢進來。〔正末云〕這厮好情理難容也。
〔做厮搥科〕〔唱〕

〔調笑令〕看了他樣勢。忍不住笑微微。呀。量你那無力形骸敢恁的。〔韓通云〕徒弟每。趙匡胤是好拳法也。〔正末唱〕不消的慌詐喬敵對。向前來便見真實。我跟前使不的閑料嘴。〔做打倒韓通科〕〔唱〕便着你目下相虧。〔鄭恩云〕韓通輸了也。〔韓通云〕我不會輸了。是這塔沿石絆倒我也。〔正末云〕不算。再和你打一場。〔做厮搦科〕〔韓通云〕來來來。再和你打一場。〔正末唱〕

〔鬼三台〕你可也初學的會。便敢來人前搦。就着你登時做鬼。你恰纔身趑倒。在街基。我使了無多氣力。我着你癱腰跛臂骨離皮。頭青面腫似病疾。羞辱了好漢名聲。我着你今番後悔。〔做打倒韓通科〕〔鄭恩云〕韓通輸了也。〔韓通云〕我不輸。是滑倒我也。不算。再打一場。〔正末云〕來來來。再和你打一場。〔韓通云〕這遭輸了。再也不敢搦。就輸了罷。〔做厮搦科〕〔正末唱〕

〔禿廝兒〕拳起處無些面皮。脚撞着有甚支持。我正是逢對手。難放你。我從來忒忠直。可也端實。

〔聖藥王〕者莫是舉鼎的威有氣力。我直着寰中壯士盡伏低。休動手。莫強爲。輕輕輪動一雙槌。〔云〕着去。〔做打倒韓通科〕〔唱〕管教你血淋漓。〔鄭恩云〕韓通。你可輸

了不曾〔韓通云〕罷罷罷。我輸了也。與你這五十兩銀子。徒弟每跟我家去罷。〔石洪云〕好師父也。你原來精慢帳。不家去了等甚麼。〔韓通云〕出的這門來。羞殺我也。不想某被趙匡胤打了一頓。果然名不虛傳。我空學了這幾年拳棒。近不過此人。罷罷罷。讓他是天下頭一箇好漢。衆徒弟每。俺已是羞慚了。再不敢來他這酒店裏來了。俺家去來。穆陵關則我爲頭。趙匡胤跌打滑熟。讓他做爲頭好漢。還家去滿臉懷羞。〔石洪白搥胡搶同下〕〔鄭恩拜正末科〕〔云〕哥哥。不枉了好男子。將韓通這等一箇好漢。打的不曾粘的身。委實哥哥是天下頭一箇好漢也。〔趙思云〕趙景中拜你哥哥。不枉了好漢也。〔趙景中拜科〕〔云〕若不是哥哥將這幾箇無徒打敗了。着這箇酒頭。攪擾俺一世也。〔趙思云〕孩兒看酒來。與你哥哥道勞困者。〔正末云〕不必飲酒。鄭恩過來。拜辭了叔叔孀子。俺去來。李夫人等着藥哩。叔父。將這五十兩銀子與你使用。鄭恩兄弟。俺去來。

〔唱〕

〔尾聲〕則爲這穆陵關好漢。今朝退。方稱了平生志氣。你則好村房內教些三莊家。怎敢和無對手英雄數番家比。〔同鄭恩躍馬兒下〕〔趙思云〕他每都去了也。趙景中。今日誰想趙匡胤到來。將韓通打倒了。得了五十兩銀子。就與了老漢。這韓通是箇好漢。再不敢來俺莊上攪擾。與俺除了一害。多虧了我姪兒。若不是他呵。誰人近的過他。都往登州去了。趙景中。

你看着酒店。無甚事。婆婆。俺回後堂中去也。趙匡胤跌打爲魁。端的是手脚偏疾。打韓通與我除患。再不敢街上胡爲。〔同卜兒下〕〔趙景中云〕俺父親去了也。多虧了哥哥。與我報了仇也。恨無徒將我欺凌。我哥哥。端的英雄。昨日將石洪跌倒。今日箇又打韓通。〔同下〕

第四折

〔柴榮領卒子上〕〔云〕未遇之時。走四方。胸中豪氣豈非常。大周一統江山定。掌領雄兵惟某強。某柴榮是也。自幼父母俱亡。某學成十八般武藝。廣看兵書。未遇之時。曾遊遍關西五路。遇着趙大郎等衆弟兄。結爲交友。俺先投於李令公麾下。後因俺家親族郭威。掌領軍權。取俺衆弟兄入朝。都加封爲大官。封某爲兵馬大元帥。加趙匡胤殿前都指揮使。着他領兵。勦除山東草寇。他與張光遠羅彥威鄭恩等領兵。到處一陣成功。今都在登州李節度處屯軍。某奉聖人的命。將着玄纁丹詔。與趙匡胤加官賜賞。就取李節度回朝。某則今日便索長行也。趙大郎武藝多能。憑膽量敢勇交鋒。破草寇望風而走。則一陣立取其功。〔同下〕〔李節度領卒子上〕〔云〕自從匡胤取藥去。曉夜常懷情意深。某登州李節度是也。自因趙大郎等前去征山東草寇。路過登州來看某。我請他飲酒。說起我夫人姓趙。他就認義爲姐姐。見我夫人身子不快。他同鄭恩前往穆陵關洪吉寺取藥去了。他認的箇長老。說他有神方仙藥。今去其數日。不見回還。今有張光遠羅彥威。在此

驛亭中安下。某今日安排酒飯。小校先請將張光遠羅彥威來者。〔卒子云〕理會的。張光遠羅彥威。大人有請。〔張光遠羅彥威同上〕〔張光遠云〕登州駙內權時住。則等哥哥趙大郎。某張光遠是也。這箇將軍。乃是羅彥威。俺同趙大郎哥哥。鄭恩兄弟。奉聖人的命。去勦捕山東草寇。路過此登州。來看李節度。有哥哥拜義李夫人做姐姐。見夫人有些身子不快。親自同鄭恩兄弟。往穆陵關洪吉寺取藥去了也。〔羅彥威云〕哥哥。自從趙大郎去了。多蒙李節度大人。終日安排酒食管待。這穆陵關的路數。哥哥也早晚便到也。今日又着人來請俺。須索走一遭去。可早來到也。小校報復去。道有俺二人來了也。〔卒子云〕理會的。〔做報科〕〔云〕大人。有張光遠羅彥威來了也。〔李節度云〕道有請。〔卒子云〕理會的。有請。〔二將做見科〕〔張光遠云〕大人。終日重承管待。難以克當也。〔李節度云〕不敢。二位將軍請坐。則怕今日趙大郎鄭恩來。俺安排下筵宴等候。小校望者。若來時報某知道。〔卒子云〕理會的。〔正末同鄭恩踰馬兒上〕〔正末云〕某趙匡胤是也。自前日打了韓通。在洪吉寺討了這藥。送與李節度家來。兄弟也。俺行動些。〔鄭恩云〕哥哥。若這貼藥醫好了李夫人呵。顯的俺也有些敬心也。〔正末云〕兄弟說的是也呵。〔唱〕

〔雙調新水令〕則願的李夫人病患當時消。也見的志誠心討回好藥。雖然是初認親。當日作舊知交。我這裡心下量度。肯分的他與我姓同趙。〔云〕兄弟。俺來

到也。〔鄭恩云〕令人報復去。道有趙大郎鄭恩來了也。〔卒子云〕理會的。〔做報科〕〔云〕報的大人得知。有趙大郎鄭恩來了也。〔李節度云〕道有請。〔卒子云〕理會的。有請。〔正末同鄭恩見科〕〔云〕姐夫。俺兩箇討將藥來了也。〔做拏藥科〕〔李節度云〕有何德能。着兩箇兄弟如此用心也。〔張光遠云〕匡胤哥。你自去後。俺兩箇多多攪擾這節度大人也。〔正末云〕兄弟也。異日承謝疑有誤。大人姐夫。請姐姐出來用此藥也。〔李節度云〕令人請出夫人來者。〔卒子云〕夫人有請。〔夫人上〕〔云〕自家李夫人便是。正在房中染病。大人相請。須索見大人去。令人休報復。我自過去。〔見科〕〔云〕大人。妾身來了也。〔李節度云〕夫人。請你出來不爲別。有兩箇兄弟取藥回來了也。〔夫人云〕起動兄弟多多用心也。喫了這藥。可有應麼。〔正末云〕姐姐。若喫了這藥。你則但放心也。

〔唱〕

〔鴈兒落〕者莫是多年身病勞。這藥他有氣力能醫療。這三丸做一服。休在這簷梢底着風冒。〔云〕姐姐。你用了這藥者。〔夫人調藥喫科〕〔云〕兄弟也。我喫下這藥去。腹中的病好了也。〔正末云〕謝天地。慚愧也。〔唱〕

〔得勝令〕呀。聽說罷腹內病無了。不由我心下喜難消。一來是顯的俺真情厚。二來是老儒僧的手段高。〔夫人云〕我這病年深日久。數箇良醫。不曾醫的好。今日兄弟討將

藥來。將我的病醫好了。我異日親去謝那長老也。〔唱〕路數兒迢遙急切〔切原〕裏便不得行的。到姐姐你聽着。〔帶云〕這藥不是藥也。〔夫人云〕是甚麼那。〔正末唱〕他是那養身的無價寶。〔李節度云〕小校排果卓來。我與衆弟兄飲一杯也。〔卒子云〕理會的。〔長老同行者上〕〔云〕禪床靜坐思親故。趙氏門風好漢多。貧僧乃穆陵關洪吉寺普惠長老是也。自那一日我兄弟趙匡胤來問貧僧取藥。我說與他穆陵關韓通是一箇好漢。兄弟回來。在叔父趙思家中。不想韓通奪了他的馬。被俺趙大郎與他爭着馬。韓通將五十兩銀爲賭賽。好趙大郎三番打倒韓通。天下皆聞名姓。他今在登州李節度宅上。貧僧曾說。你若打倒韓通。我來與你相賀。不敢失信。行者將着禮物。可早來到登州府門首也。小校報復去。道有洪吉寺長老在門首。〔卒子云〕理會的。〔做報科〕〔云〕大人有洪吉寺長老來見。〔正末云〕姐夫姐姐。這長老正是施藥的僧人。是某親眷哩。〔李節度云〕道有請。〔卒子云〕理會的。長老有請。〔長老行者做見科〕〔云〕大人。貧僧是洪吉寺長老。兄弟在此。多蒙管顧。貧僧還來相賀趙大郎也。〔李節度云〕長老。多謝你的好藥也。〔夫人拜科〕〔云〕若不是師父的藥。我這病幾時得好。正要相謝去。不想今日來的正好也。〔長老云〕貧僧不敢。非爲財物而至此。亦爲信行而來。則爲趙匡胤打倒韓通。天下聞名。貧僧特來相賀也。〔李節度云〕兄弟。怎生不說與我知道。你幾時打倒了韓通也。〔正末云〕打韓通有何希罕。

不敢向大人行說也。〔李節度云〕將酒來與匡胤作慶也。〔長老云〕借大人酒來我先遞一杯。〔長老把盞科〕〔云〕大郎貧僧當日曾言你若打了韓通我定來慶賀今日既打了韓通貧僧豈敢失信滿飲一杯將紅來掛了者。〔掛紅科〕〔正末云〕感蒙長老如此用心也。〔長老云〕匡胤你在那裡見韓通與他比試來你說一遍俺衆人試聽也。〔正末云〕長老不嫌絮煩聽我說一遍衆人試聽者。〔唱〕

〔沽美酒〕洪吉寺別罷了。急回首送丹藥。他將我戰馬慌忙牽去了。惱的我心中痛焦。恨不的盼他來到。

〔太平令〕不一時在門前炒鬧。〔長老云〕飲過酒者。〔正末飲酒科〕〔李節度云〕我聞的韓通是箇爲頭的好漢。你怎生打倒他來。〔正末唱〕霎時間吃了三交。枉輸了他偌多錢鈔。我覷韓通無多奇妙。〔長老云〕據你的英雄量那韓通到的那裡也。〔正末唱〕呀。今日箇有勞長老。偌遠的路遙。思念起將何補報。〔柴榮上〕〔云〕小官柴榮是也。今奉聖人的命來至登州與趙匡胤等加官賜賞。可早來到也。小校報復去。道有天朝使命來了也。〔卒子云〕理會的。〔做報科〕〔云〕大人有天朝使命來了也。〔李節度云〕使命至也。俺接待去來。〔衆接科〕〔柴榮云〕趙匡胤你因何披着這紅。〔正末云〕因我打了韓通。這箇長老與我慶賀來。〔柴榮云〕敢

是穆陵關韓通麼。〔正末云〕正是也。〔柴榮云〕兄弟，你不知道。這韓通是箇爲頭的好漢。不匡還出不了你的手。多時不見。借酒來。我與兄弟敬一杯。〔做把盞科〕〔正末云〕哥哥，不當如此。〔柴榮云〕不枉了天下馳名也。〔正末唱〕

〔折桂令〕謝哥哥不忘知交。一載相別。會在今朝。〔柴榮云〕你破草寇有功。又打了韓通兄弟。豈不美哉也。〔正末唱〕當日箇破滅狼烟。將名聲直播皇朝。〔柴榮云〕我奉聖人的命至此。與您加官賜賞也。〔正末唱〕哥哥你奉聖命加官賜爵。我這裡喜孜孜心痒難撓。若不是志氣清高。將那草寇除了。怎能穀祿享千鍾。更那堪金帶羅袍。〔柴榮云〕小校擡了果卓者。小官奉聖人的命。與您加官賜賞。你望闕謝了恩者。〔衆做拜科〕〔正末唱〕

〔殿前歡〕我這裡便辭皇朝。喜的是當今聖德賽唐堯。似磐石社稷黎民樂。雨順風調。獻麒麟瑞雪飄。喜外國年年到。臣宰每全忠孝。則願的皇圖永固。見如今萬姓歌謠。〔柴榮云〕您衆將望闕跪者。聽聖人的命。因草寇擾亂山東。奉聖命差遣天兵。趙匡胤領兵征勦。將賊將剪草除根。因此上聖人大喜。加官爵光顯門庭。趙匡胤殿前太尉。樞密院點檢三軍。因取藥穆陵關過。憑勇力打倒韓通。張光遠山南節度。持斧鉞衣紫腰金。羅彥威登州總

管掌軍權列鼎重裯。李節度取回朝內。李夫人共受官封。加鄭恩皇城團練。與匡胤共理權衡。封
普惠講經之職。洪吉寺顯耀禪林。則爲您多施功效。今天朝特降恩榮。奉聖命加官賜賞。一齊的
望闕謝恩。

題目

登州聚會英雄漢

正名

穆陵關上打韓通

存仁心曹彬下江南

闕名

頭折

〔冲末扮趙匡義領張千上〕〔云〕玉樓金闕號天庭。日月光輝顯大明。帝道彌昌興盛世。皇圖永固樂昇平。小官乃趙匡義是也。官拜晉國公之職。自陳橋兵變。創立洪基。大化興行。蠻夷率伏。人民和悅。以此邦國平寧。頗奈南唐李煜無禮。假稱僭號。獨霸江南。聖人每遣使宣命。此人抗勅違宣。不肯臨朝。小官奉聖人的命。傳與丞相趙普。可舉名將。領兵征伐南唐。若得勝班師。自有加官賜賞。豈不聞聖人云。舉善薦賢。爲國非私。昔日常何薦馬周。蕭何爲國舉韓侯。平定南唐干戈息。同見天顏拜冕旒。〔下〕〔趙普領張千上〕〔云〕聖皇治世掌山川。演武脩文將相全。掃蕩羣雄芟草昧。一統華夷萬萬年。老夫姓趙名普。字則平。乃薊州人也。自幼隨主創業以來。累有大功。謝聖恩可憐。加老夫樞密院使。正授丞相之職。方今聖人的命。着老夫在此相府。會同商議行兵。左右與我請將曹彬潘美曹翰來者。〔張千云〕理會的。曹將軍等。丞相有請。〔潘美上〕〔云〕倚勢天威衆遠征。威風赳赳統雄兵。自從五代遺周後。宋室相傳立汴京。老夫姓潘名美。字仁美。官拜爲都監之職。今日趙普丞相請會衆官。不知有何事商議。須索走一遭去。可早來到也。令人報復去。道

有潘美來見。〔張千云〕理會的。喏。報的丞相得知。有潘大人來了也。〔趙普云〕道有請。〔張千云〕理會的。有請。〔做見科〕〔潘美云〕丞相喚小官有甚事。〔趙普云〕大人少待。等衆將來時。有事商議。〔淨曹翰上〕〔云〕不會黃公三略法。豈知呂望六韜書。常時領兵去廝殺。不是敗了便是輸。小官曹翰是也。乃大名人氏。幼年曾爲本郡外郎。因某有大功。今拜均州刺史。正在家中飲酒。令人來報。趙普丞相在相府會衆官。不知有甚事。須索走一遭去。來到也。報復去。道有曹翰在於門首。〔張千云〕理會的。喏。報的丞相得知。有曹翰來了也。〔趙普云〕道有請。〔張千云〕理會的。有請。〔見科〕〔曹翰云〕丞相喚小官。有何事商議。〔趙普云〕將軍且少待。等曹彬來時。有事商議。〔正末扮曹彬上〕〔云〕小官姓曹名彬字國華。乃眞定靈壽人也。乾德初時。上命某領兵伐蜀。峽中郡縣連下。衆將多取玉帛。小官一橐中。唯收圖書衣衾而已。謝聖恩可憐。官拜左神武將軍兼樞密院承旨。今因南唐李煜。不遵天命。抗據江南。有趙普丞相。奉聖人的命。在於府中會衆官員。定計下江南之策。小官不索久停。須索走一遭去也。〔唱〕

〔仙呂點絳脣〕自從那五代紛紛。一朝承運。天時分。聖主爲尊。天下皆歸順。
〔混江龍〕詔頒多郡。盜賊頓息。定煙塵。八荒安泰。四海來賓。如今那異土偏邦。尊上國。皆因是當今天子重賢臣。遵上意。明心如鑑。聖智如神。仰觀如日。高望

如雲爲臣的志昂昂輔佐若伊周。聖明君顯巍巍大德如堯舜。下心恭敬上意慈仁。〔云〕可早來到也。令人報復去。道有曹彬在於門首。〔張千云〕理會的。喏。報的丞相得知。有曹彬來了也。〔趙普云〕有請。〔張千云〕理會的。有請。〔見科〕〔正末云〕丞相喚曹彬。有何事商議。〔趙普云〕衆將都來了也。老夫想來。自從後周傳繼以來。方今聖人治世。豁達大度。德孝仁慈。三綱備矣。在朝文武官員。公勤廉幹。端的是忠臣良將。惟老夫無能矣。〔正末云〕量小官有何德能也。〔唱〕

〔油葫蘆〕丞相你用法調和鼎鼐新。掌權衡有定准。在明明德在新民。〔趙普云〕將軍文武全才。你真乃是中原傑士也。〔正末唱〕俺雖然是重重威武多英俊。丞相你滔滔文采言忠信。〔趙普云〕俺讀宣聖之書。你通曉孫吳之法也。〔正末唱〕俺是觀了些韜略書。怎如您那齊魯論。聖人道恂恂義禮從先進。因此上授天爵。正人倫。〔趙普云〕若論將軍百戰之功。汗馬之勞。誰能及也。〔正末唱〕

〔天下樂〕丞相你治國齊家以化民。則你那功勛天下聞。皆因是文脩武敵。曾報本文官每一代賢。武將每百戰身。盡都是麒麟閣上人。〔潘美云〕丞相今日會俺衆官。有何事商議。〔趙普云〕請衆位將軍來。別無甚事。當初收川平蜀之時。征伐北漢太原之際。

衆官商議行兵。今要收江南聖人命將軍爲帥也。〔正末唱〕

〔那吒令〕征北漢太原。衆臣僚議論。收西蜀廣川。共多人定論。下南唐異邦。着小官討論。〔趙普云〕將軍即便行兵。此一去切勿暴掠生民。則要將軍善計決勝也。〔正末唱〕便興師起大兵。若頓首親歸順。免災危暴掠生民。〔趙普云〕爭奈有大江洶湧。又恐江那邊有駐紮兵勢甚重也。〔正末唱〕

〔鵲踏枝〕這壁廂隔江津。那壁廂把軍屯。那江水翻滾滾千丈雲濤。不刺刺萬馬爭奔。〔趙普云〕長江限南北。怎過的去那。〔正末唱〕便去那水面浮梁駕穩。〔云〕若天兵到處。〔唱〕霎時間息平了率土之濱。〔趙普云〕南唐李煜。他倚長江之勢。將軍怎生得過大江去那。〔潘美云〕丞相既有蜀川之兵。又仗大國之勢。下南唐如掌上觀紋。〔趙普云〕將軍不知。江南之地。路途迢遙。他那裡山高江闊。地傑人靈。則要你着意者。〔曹翰云〕丞相放心。可不道先鋒先鋒。苦處先行。逢山開路。遇水疊橋。闊處飛騰。窄處一跳。不打要緊。則要巧妙。〔正末唱〕

〔寄生草〕避不的山疊障冲霄漢。水瀾漫注海門。者莫他人靈地傑。威名振。良材異士能公論。名賢江表扶危困。豈不知大明天命順於時。怎肯教小邦霸道過於分。〔趙普云〕將軍不知。因王全斌收川平蜀之時。多以殘暴生民。上每恨之。因將軍行兵。清廉

秉正。惜愛軍民。老夫在聖人前。舉你爲帥也。〔正末唱〕

〔金盞兒〕丞相待舉曹彬。莫因循。下江南水陸齊攻進。區區怎敢避艱辛。〔趙普云〕若平了南唐呵。您衆將都是那有功的人也。〔正末唱〕到那裡存恤安百姓。號令統三軍。丞相你文官扶社稷。試看俺武將定乾坤。〔趙普云〕衆將聽令。收江南命曹彬爲帥。潘美爲副將。曹翰爲先鋒。統兵十萬。征伐南唐李煜。有功者賜賞加官。失利者必當斬首。左右人將來。此一口劍。聖人賜與將軍。若有手下將違令者。斬之勿論。聖人的命。不可遲延。便去統領大兵。星夜長行。自古有道伐無道也。〔正末云〕多謝丞相。小官這一去。一託聖人洪福。二託丞相威勢。三來憑衆將智勇并行。此一去觀南唐一鼓而下也。〔趙普云〕將軍所言。智勇二字。真乃世之名將也。〔正末唱〕

〔尾聲〕蒙天德。化塵寰。遵道理。明方寸。〔趙普云〕息平了南唐呵。四海晏然也。〔正末唱〕要一統山河定穩。〔趙普云〕如一舍之地。怎生饒的過此人也。〔正末唱〕端的是臥榻難容鼾睡人。〔趙普云〕主上多說你謹潔之士也。〔正末唱〕聖賢合際會風雲。謝洪恩發政施仁。丞相你當朝秉國鈞。〔趙普云〕此一去決然勝也。〔正末唱〕到來日奉朝命。兵行外闔。仗天威。平收邦郡。〔趙普云〕此一去平定南唐。功成必勝也。〔正末唱〕那其間下江南

纔識大將軍。〔下〕〔趙普云〕潘將軍小心在意。則要你得勝而回也。〔潘美云〕則今日辭別丞相。

統領大兵。征伐南唐。走一遭去。長蛟滾滾在深潭。猛虎威威出岫巖。大國興師兵勇烈。聲名赳赳播江南。〔下〕〔趙普云〕曹翰將軍。小心在意。疾便行兵。〔曹翰云〕則今日辭別了丞相。便索長行。出的這門來。我明日便要出征去也。沿路上怎麼得那酒吃。我如今尋幾箇朋友吃幾杯。到陣前也有些膽量。大小三軍。跟我出征。泥頭好酒。打上三鍾。直吃的身子踉蹌。直吃的你嚷我嚷。脚不知高下。眼不辨西東。到的陣前。展不的威風。我無好氣毀罵了參將。沖撞了總兵。我手下將每人四十。一箇箇打的發昏。睡到五更天亮。衆人把我評論。廝殺處全然不濟。吃醉了快撒酒風。〔下〕

〔趙普云〕衆將去了也。此一去必然得勝而回也。曹彬施謀用智。顯高強。威嚴號令若冰霜。十萬大軍齊施勇。擒拏李煜定南唐。〔下〕

〔李煜領卒子上〕〔云〕繁華秀麗占江南。騷客詩人足可談。遙看周圍奇景物。山橫翡翠水揉藍。某姓李名煜。字重光。管屬江南州郡。風景堪羨。人物奇能。多年平善。累歲豐盈。久鎮江南。保守無虞。方今聖人治世。收伏僭號。一統中原。每遣使詔某入朝。某堅意不肯。又差上大夫陶穀說說某。被某定計。陶穀不知所向。今聖人命大將曹彬爲帥。領兵征伐江南。倘若兵至。怎生是好。某今先收拾方物進貢中原。上表稱臣。以乞緩師。可免江南一郡之患。我想來無人可去。惟有大夫徐鉉。此人是否辯之人。當可奉表進貢。左右與我請將大夫徐鉉。

來者。〔卒子云〕理會的。徐鉉安在。〔徐鉉上〕〔云〕勸人向學莫辭勞。水望低流人望高。防身不用龍泉劍。一管霜毫總是刀。小官徐鉉是也。今佐於南唐李煜麾下爲上大夫之職。元帥呼喚。不知有甚事。須索走一遭去。可早來到府門首也。令人報復去。道有徐鉉在於門首。〔卒子云〕理會的。喏。報的元帥得知。有徐鉉來了也。〔李煜云〕道有請。〔卒子云〕理會的。有請。〔徐鉉見科〕〔云〕元帥呼喚小官。有何事商議。〔李煜云〕大夫。請你來不爲別。今聖人遣使。詔某入朝。某堅意不允。今聖人命大將曹彬爲帥。領兵征伐江南。倘若兵至。怎生是好。某今先收拾方物進貢中原。上表稱臣。以乞緩師。可免江南一郡之患。請大夫來商議。你意下如何。〔徐鉉云〕元帥。小官聞中原聖人治世。盛於堯舜。今天下一統。元帥可以稱臣。則今日好日辰。小官辭別了元帥。持着表章。直至中原進貢。走一遭去。全憑舌辯顯奇才。拜表稱臣事可諧。若得中原慈憫意。免教黎庶惹凶乖。〔下〕

〔李煜云〕徐鉉去了也。某隨即收拾方物。進貢中原。便好道饒你深山共深處。到頭都屬帝王家。〔下〕

〔趙匡義領張千上〕〔云〕山高海闊蕩中原。人物紛紛出大賢。晨蒙曙光天未曉。早朝端拜九重天。小官趙匡義是也。方今聖人治世。內正禮樂。外定邊疆。因南唐李煜不來進貢。命曹彬爲帥。領兵征南問罪。衆將此一去。必然成功也。令人門首看者。若有事。報復我知道。〔張千云〕理會的。〔徐鉉上〕〔云〕千里迢迢遠路程。驍馳驛馬若飛星。南唐元帥親差遣。奉表稱臣赴汴京。小官

徐鉉是也。奉俺元帥將令。持表至中原。納罪稱臣。早至帥府門首。令人報復去。道有南唐李煜手下差一使命。特來上表。〔張千云〕理會的。喏。報的大人得知。有南唐使命來見。〔趙匡義云〕着他過來。〔張千云〕理會的。過去。〔見科〕〔趙匡義云〕使命那裡來的。〔徐鉉云〕小官南唐使命徐鉉。蒙李煜差遣。進上表文。以乞緩師。表內有曰。以小事大。以子事父。爭忍父子相伐。若宥李煜之罪。年年納進貢。歲歲以稱臣也。〔趙匡義云〕既然爲父子。豈有兩家。〔徐鉉云〕今大朝兵出無名。〔趙匡義云〕怎生大朝兵出無名。〔徐鉉云〕南唐無罪。大朝無故加兵也。〔趙匡義云〕噤聲。某知你是江南舌辯之人。故來上表。你何必多言。江南亦有其罪。方今聖人。要削除僭號。一統中原。但天下一家。臥榻之側。豈容他人鼾睡乎。兀那厮你聽者。大國巍巍萬乘君。小邦拜表以稱臣。天朝一統中原地。臥榻難容鼾睡人。〔下〕〔徐鉉云〕既是天朝不允。小官不敢久停久住。回俺元帥話。走一遭去。五代紛紛至宋朝。巍巍尊上勝湯堯。月生海島千山遠。日照中天萬里遙。〔下〕〔樊若水上云〕罷釣歸來不繫船。江村漁火可堪眠。任他一夜風吹去。只在蘆花淺水邊。小生姓樊名若水是也。道號淨水先生。祖居池州人氏。因小生登科不第。羞歸故里。在此江邊釣魚爲生。嘗將江面用繩會量。以寬狹。不差尺寸。如今聽知的聖朝差曹彬爲帥。領兵征伐南唐。想聖朝領大勢雄兵。來至大江。必然不能前進。小生欲待獻一計。爭奈無人舉薦。今日無甚事。掩上柴門。看

有甚麼人來。〔石玉上〕〔云〕英雄起世無雙。能征慣戰定邊疆。敢勇當先扶社稷。赤心報國顯忠良。某乃大將石玉是也。幼而習文。長而習武。十八般武藝。無有不拈。無有不會。我今在曹彬元帥麾下爲將。如今跟隨元帥征伐南唐。至此大江。不能前進。欲要搭座浮橋。不知這江面闊狹。聞知此處有一漁翁。乃是樊若水。今奉曹彬元帥將令。請此人問他箇詳細。走一遭去。問人來則這裡便是賢士家。不必報復。我自過去。〔做見科〕〔樊若水云〕呀呀呀。將軍姓甚名誰。因何至此。〔石玉云〕賢士。小將石玉是也。奉曹彬元帥將令。特請賢士攀話。〔樊若水云〕量小生村拙無能。才智淺短。多蒙元帥掛意也。〔石玉云〕賢士不避驅馳。則今日跟着我。見元帥。走一遭去。不避風霜。豈避寒。飛馳駟馬路途難。遠來特請賢居士。轉身回報上邊關。〔下〕〔樊若水云〕既然如此。小生不敢久停。則今日跟着將軍。見元帥走一遭去。每日長江渡碧波。人人笑我似風魔。誰知用我安邦計。勝似當年赴選科。〔下〕

第二折

〔正末扮曹彬領卒子上〕〔云〕某乃曹彬是也。奉命爲帥。領兵征伐南唐。所過州郡悉下。惟有江陵未克。奈有大江險阻。某今設計。要搭浮橋。未知江面闊狹。聽知的此處有一隱士。乃是樊若水。此人以繩度江廣狹。某差首將石玉請他去了。不見到來。看了俺這大朝軍馬。李煜也。量你何足

道哉也呵〔唱〕

〔中呂粉蝶兒〕壯氣冲霄。統中原大邦軍校。擁旌旗戈甲槍刀。馬如龍。人似虎。輝輝顯耀。搭就浮橋。定南唐正合天道。

〔醉春風〕端的是猛將定邊疆。雄兵芟蕪草。〔帶云〕李煜也。量你一人。打甚麼不緊也。

〔唱〕連累的黎民塗炭受災殃。知幾幾原誤今改的其中較少。少。我半晌無言。數番嗟嘆。

幾回哀悼。〔云〕令人轅門外看者。若石玉來時。報復我知道。〔卒子云〕理會的。〔石玉同樊若水上〕

〔石玉云〕賢士行動些。可早來到也。賢士則在門首。我過去見元帥去。〔樊若水云〕理會的。〔石

玉云〕令人報復去。有石玉在於門首。〔卒子云〕理會的。喏。報的元帥得知。有石玉來了也。〔正

末云〕着他過來。〔卒子云〕理會的。過去。〔做見科〕〔石玉云〕奉元帥將令。請將樊若水來了也。

〔正末云〕道有請。〔石玉云〕理會的。賢士元帥有請。〔做見施禮科〕〔正末云〕敢問賢士那裡人

氏。姓甚名誰。爲何不進取功名。在此釣魚爲生。不知賢士主何意也。〔樊若水云〕元帥。小生是樊

若水。祖居池州人氏。因登科不第。羞歸故里。不得已在此江邊釣魚爲生。今日元帥呼喚。有何事

商議。〔正末云〕賢士。小官乃曹彬是也。奉命征伐南唐。遇此大江。不能前進。聞知賢士久居在此。

必知江面闊狹。有何計策。過此大江也。〔樊若水云〕量小生無才無德。無智無能。略獻一計。如今

南唐。則知大朝對江屯軍。他那裡緊緊的困守采石。離此處百里之路。乃是上江。小生曾將繩量江面。寬狹三千丈。不差尺寸。如今元帥。可差能幹之人。前往荆湖。搭浮橋以濟軍卒。如踏平地。可爲上也。漁舟往來渡長江。水面堅心繩索量。若搭浮橋知尺寸。全憑此計定南唐。(正末云)此計大妙。則今日賢士同首將石玉。直至采石。造大船以爲浮橋。若定了南唐。某奏知聖人。自有加官賜賞也。(樊若水云)多謝元帥。小生跟着石玉。往荆湖搭浮橋。走一遭去。(下)(石玉云)領元帥將令出的這門來。不敢久停久住。直至荆湖造船隻。走一遭去。(下)(正末云)樊若水去了也。某來日攻城必破。奈有衆將殺心甚勇。可憐一郡生民。某設一計。稱病在於帳中。若衆將來時。我自箇主意。(潘美同淨曹翰上)(潘美云)仗義興師。闖外來。英雄趕趕陣雲開。九宮八卦分黃道。豈讓當年大會垓。某乃潘美是也。這箇將軍乃是先鋒曹翰。俺奉命征伐南唐。所過州郡。盡皆收取。止有江南未克。聽知的元帥貴體不安。俺二人至帳前探望一遭去。可早來到也。令人報復去。道有副將潘美曹翰特來探望。(卒子云)理會的。喏。報的元帥得知。有潘美曹翰來了也。(正末云)道有請。(卒子云)理會的。有請。(見科)(潘美云)聞知元帥貴體染病。俺衆將特來探望也。(曹翰云)小官不知元帥貴體不安。早知元帥染病。小官那裡不尋箇高手的獸醫來。看你一看。(潘美云)敢問元帥貴體。是何病證。(正末云)某這病您試猜者。(曹翰云)我先猜。元帥。你莫不

是害酒麼。若是害酒時。我有箇好方兒。着熱酒投一投便好了。〔潘美云〕元帥這病證。莫不是早起晚眠。風寒感冒麼。〔正末唱〕

〔紅繡鞋〕也不是晨早起風寒感冒。也不是夜眠遲坐立劬勞。〔潘美云〕元帥身居帥府。執掌三軍。運籌帷幄之中。決勝千里之外。敢是用意費心來。〔正末唱〕也不是百計千思費心焦。〔曹翰云〕你莫不是閃了腕。更不是閃了腰麼。〔正末唱〕也不是射弓曾損腕。也不是騎馬更傷腰。〔潘美云〕元帥皆因出外飲食不均也。〔正末唱〕也不是忍回飢。傷頓飽。〔潘美云〕元帥的病證也猜不着。服何藥餌。試說與衆將聽者。〔曹翰云〕我害酒。則是一鍾酒便好了。〔正末云〕某之病證。藥餌難以治之。因小邦不順。大國征伐。累其黎庶。遍遭遺患。因此得病。藥不能治之。今聖上以德化民。你可知否也。〔唱〕

〔石榴花〕豈不知當今天子做唐堯。聖德重英豪。光輝麗日照天高。立中華大朝。武職文僚。〔潘美云〕元帥爲臣者在朝治化。在外征伐。言可復也。〔正末唱〕忠良秉正依公道。行寬舒。富足豐饒。承流宣化垂先教。皆則是遵仁義。滅虛囂。〔潘美云〕這仁義二字爲何。〔正末云〕若得我這兩箇字。便是治我的藥餌。〔潘美云〕仁義二字。便怎生治得元

帥病證麼。〔正末唱〕

〔鬪鶴鵲〕仁字呵無上奇珍。義字呵人中至寶。仁乃是平準權衡。義乃是寬洪智巧。這仁義是治病仙方最可交。〔潘美云〕這兩箇字。那箇奪魁也。〔正末唱〕你道仁與義。那件高。以仁呵。將率土平寧。以義呵。把偏邦靜悄。〔潘美云〕病者以藥爲本。以仁義二字。豈能治之。〔曹翰云〕元帥差矣。我也無那仁義。我也治不好你這病。你則依着我。要你這病好。還得藥來。如今把防風通聖散。多着上些木香分氣丸。加上二兩巴豆砒霜。煎做一服。吃了便好。〔正末唱〕

〔上小樓〕也無那蓬瀛瑞草。仙鄉丹藥。一任那石乳松脂。土秀川精。異種靈苗。善煉炮。能治作。合成一料。此藥呵久服之。並無功效。〔潘美云〕仙方丹藥。醫不的元帥。將何物治之。〔正末云〕您若信我的言語。此病便痊可也。〔潘美云〕元帥試說。衆將依命。〔正末唱〕

〔么篇〕順之者可免危。逆之者當盡掃。您若是不擾黎民。不殺降卒。不起風濤。您若是心秉實。意見高。文韜武略。這的是理分明。用天之道。〔潘美云〕依着元帥。不擾黎庶。不殺降卒。你這病較可麼。〔正末云〕想當日春秋之間。趙括領兵四十萬。敗於長平。卒降於秦。被白起盡坑殺之。論曰。兩兵相戰爭殺。立功顯勇。既此卒倒戈卸甲而降。殺之豈爲仁義者。

乎。某今之疾。非藥所能治之。若衆將誠心。焚香共誓。克城之日。不安殺一人。某病自愈也。〔潘美云〕元帥有此仁義之心。陰功厚矣。令人便設香案。衆將對天盟誓。〔做焚香跪科〕〔云〕皇天可表。此一炷香。今衆將奉命征伐南唐李煜。若克城之日。妄殺一人。犯此願者。天厭其命矣。〔曹翰云〕皇天可表。陸地方知。曹翰這一炷香。不爲別。若打開城時。可也不敢妄殺一人。則願的多搶些金銀。多得幾箇好小厮來家做飯吃。〔正末唱〕

〔滿庭芳〕一炷氤氲細裊。稟受着洪恩上國。持讚着大德天朝。則願的平寧四海。收殘暴。衆將功勞。愛黎庶。若精糧至寶。惜降卒。似爵祿脂膏。勝海上仙方藥。除煩去惱。端的是我病盡除消。〔潘美云〕元帥行如此仁義之兵。必然成功。觀南唐如翻掌也。〔正末云〕擡了香案者。大小三軍。聽吾將令。某到來日過江。則要您人人奮勇。箇箇當先。克城之日。若有妄殺一人者。必當斬首。〔衆云〕得令。〔正末唱〕

〔耍孩兒〕觀南唐慘慘無雄略。勢隱隱身危智小。降旗不敢望風搖。怎生敢對壘相交。俺這裡下戰書。凜凜欺邊國。他那裡奉箋表。區區獻聖朝。他又早伏伏心無傲。〔潘美云〕則怕暗中有埋伏之智麼。〔正末唱〕我觀他似狐蹤兔跡。怎出俺虎略龍韜。〔潘美云〕元帥所言當也。古之上將。用智者多得其所也。〔曹翰云〕我是先鋒。明日對敵一陣。

何妨。〔正末云〕若將無交鋒。兵不血刃。以智而運籌。以勇而挑戰。乃爲上將也。〔唱〕

〔尾聲〕他若是歸依不陷虛。投降不拱高。都着他全生有吉無凶兆。穩情把南唐定平了。〔下〕〔潘美云〕元帥去了也。兩兵相持。必有一敗。二虎俱鬪。必有一傷。元帥所言。以勇而挑戰。以智而運籌。以義不擾黎庶。以仁不殺降卒。真乃是世之上將也。浮梁穩穩過長江。百萬雄兵更顯昂。勢勇天朝收率土。兵無血刃定南唐。〔下〕〔曹翰云〕元帥已去了。如今元帥將令。不許妄殺一人。若打開城時。我自有箇主意。憑着俺人如猛虎馬如彪。小可交鋒怎展籌。攻開城時。有好酒。痛吃一醉爛糟頭。〔下〕

第三折

〔李煜領卒子上〕〔云〕先尊立業在江濱。地利豐盈樂兆民。大朝巍巍洪宇宙。謹當拜表自稱臣。某乃南唐李煜是也。久據江南。今大朝立曹彬爲帥。於采石過江。不擾黎民。秋毫無犯。兵勢甚勇。某先遣皇甫繼勳領兵拒敵。數戰不勝。今曹彬下將戰書來。着名將出馬。論之無人可敵。某已遣徐鉉上京拜表進貢去了。若來呵。報復我知道。〔卒子云〕理會的。〔徐鉉上〕〔云〕奉表稱臣赴汴京。迢迢飛騎盼途程。誰知得命還鄉里。星夜區區不暫停。小官乃上大夫徐鉉是也。今往上京拜表回還。見元帥走一遭去。可早來到也。令人報復去。道有徐鉉來了也。〔卒子云〕理會的。喏。報的

元帥得知。有徐鉉來了也。〔李煜云〕着他過來。〔卒子云〕理會的。過去。〔做見科〕〔李煜云〕大夫拜表如何。〔徐鉉云〕聖人見表。小官所言。以小事大。如子事父。江南無罪。辭氣益厲。聖人按劍怒曰。不須多言。江南亦有其罪。但天下一家。臥榻之側。豈容他人鼾睡乎。言江南都境之邦。不可不取也。〔李煜云〕今大朝立曹彬爲帥。過江以來。秋毫無犯。不擾黎民。兵勢甚勇。某遣先鋒拒敵。數戰不勝。今下戰書來。着名將出馬。誰人可敵。〔徐鉉云〕元帥在上。小官久聞曹彬征伐西蜀。衆將多取玉帛。惟曹彬止收圖書。乃爲清廉之士。今過江征伐南唐。況兼此人厚德。不擾害於民。秋毫無犯。其江南州郡。豈不歸順於大朝也。小官不能拒敵。可請中大夫馮謐商議。必有戰敵之策也。〔李煜云〕既然如此。令人與我喚將馮謐來者。〔卒子云〕理會的。馮謐安在。〔淨馮謐上〕〔云〕終朝任散澹。每日不憂愁。無酒三分醉。有酒爛糟頭。某乃中大夫馮謐是也。爲甚喚做馮謐。則是揀甜處便去。苦處不去。今日元帥請喚。必然有酒食也。不覺來至。令人報復去。道有馮謐來見。〔卒子云〕理會的。喏。報的元帥得知。馮謐來了也。〔李煜云〕着過來。〔卒子云〕理會的。過去。〔見科〕〔云〕請我何事幹。〔李煜云〕今大朝立曹彬爲帥。旌旗遍野。其鋒不可當。大夫。你可舉兵迎敵如何。〔馮謐云〕既然元帥所言。豈有懼怕。則今日好日辰。我是先鋒。點就軍兵。出城拒敵。走一遭去。我出的這門來。去那醉仙巷上吃幾杯酒。捨性命廝殺一遭。這酒是好酒。若是贏了趕着殺。若

是我輸了。安排一席好酒。與他陪話。頭點手輕狂。身歪脚趂起。軍馬見我來。三官逼酒客。〔下〕
〔李煜云〕中大夫領兵去了也。某親自爲帥。統領大兵。與曹彬相持。走一遭去。世家富貴住南唐。
洶湧波濤隔大江。謹守城池心懼恐。逆之不順受天殃。〔下〕〔徐鉉云〕曹彬爲帥。仁德至厚。未嘗
妄殺一人。明日勸元帥。當可投降大朝。以全本邦之危也。志弱貧乏實可憐。淒淒本土少英賢。爲
因上國多恩厚。除是投降得保全。〔下〕〔正末領衆將驢馬兒領卒子上〕〔潘美云〕元帥智勇並
行。今日至南唐也。列柵周圍。鐵樹相似。我着他飛也飛不出去。〔曹翰云〕南唐名將皇甫繼勛。拒
敵累敗。無甚名將。豎起襄陽砲打城者。〔正末云〕俺這大國軍兵。擺布的好齊整也呵。〔唱〕

〔越調鬪鶴鶉〕密布槍刀。齊排鉞斧。雜綵征旗。花腔戰鼓。馬勝如龍。雄兵似虎。
一箇箇壯志威。膽氣粗。端的是壓盡偏邦。平欺率土。〔潘美云〕元帥軍臨城下。將至壕
邊。觀南唐一鼓而下也。〔正末唱〕

〔紫花兒序〕一任他城高石磬。江遶山峯。水接天隅。不弱似連雲棧道。小可如
廣漢荆湖堪圖。奇勢三山徹太虛。仗天勇無憂無慮。扯襄陽八下安環。統軍卒
十面埋伏。〔馮諶驢馬兒領卒子上〕〔云〕某乃馮諶是也。大小三軍。擺開陣勢者。〔曹翰云〕南唐
家名將出馬。〔馮諶云〕我正是名將馮諶是也。〔曹翰云〕你便是馮諶。元帥壓着陣。我與他對

敵三合。操鼓來。〔做戰科〕〔馮謐云〕贏不過他。走了罷。〔正末云〕左右軍馬。將這廝圍住者。

〔唱〕

〔調笑令〕觀這廝器局。可甚麼有權謀。甚的是彼丈夫。我丈夫。入垓心便着。你無回路。怎如俺妙策神術。霎時間便將你首級取。看這廝膽大心粗。〔李煜同徐鉉上〕〔李煜云〕元帥。我乃南唐李煜是也。元帥若免一死。小人親身投降。可憐一郡生民也。

〔正末唱〕

〔禿厮兒〕你早則有見識。相投近覩。則俺這大肚量。不殺降卒。撞着俺這忠良。統兵有分福。辨實虛無虞。〔李煜云〕元帥不殺降卒。保全一郡黎民。李煜等情願投降也。〔正

末唱〕

〔聖藥王〕你則索謹拱伏。慢嘆噓。慌忙下拜展身軀。你今日禍已除。樂有餘。保全一國得安居。險些兒一命在須臾。〔曹翰云〕這廝空手來投降。酒也無一瓶將來。〔李煜

云〕元帥。俺這江南地方寬闊。多有奇珍異寶。盡在府庫封記也。〔正末唱〕

〔麻郎兒〕說甚麼寬弘地土。大剛來多少金珠。不要你將府庫家財儘許。則要你獻箋籍冊圖書。〔李煜云〕望元帥可憐。存其一命也。〔正末唱〕

〔么篇〕我從來始初不應可復。因此上仗天威率土賓服。要一統全歸聖主。順之者罪當寬恕。〔李煜云〕李煜等大小衆將盡皆投降也。〔馮諱云〕元帥。我未曾來廝殺。先有誓願。我若輸了。擺一席酒請你。〔正末云〕先用武士精兵謹守城門。展起大朝旗號。進城安民之後。將李煜等赴京。取自上裁任用也。〔唱〕

〔尾聲〕天之道。天之理。天之數。興上國從流順取。今日箇兵不血刃定南唐。德厚仁慈稱心足。〔同下〕

第四折

〔趙普領張千上〕〔云〕宋朝繼世立神京。一統乾坤宇宙寧。治法調和風雨順。民安國泰賀昇平。老夫乃丞相趙普是也。蒙聖恩遣曹彬征伐南唐。將行之時。帝戒彬曰。江南之事。一以委卿。切勿殺掠生民。務廣威信。使自歸順。不須鑿也。今曹彬到於江南。果然兵不血刃。平取南唐。班師回京。聖人大喜。命老夫在此帥府。安排筵宴。論功陞賞。左右安排下酒般者。若來呵。報我知道。〔張千云〕理會的。〔正末同潘美曹翰樊若水李煜徐鉉上〕〔潘美云〕元帥。某等奉命征伐南唐。兵不血刃。僭亂悉平。皆元帥智勇仁厚之功也。今日班師回京。有丞相在帥府排宴。論功行賞。俺須索走一遭去。〔正末云〕非曹彬之能。上託聖人洪福。下賴衆將威勇。故得全勝也。〔唱〕

〔雙調新水令〕今日箇定南唐州郡仗天威。統貔貅泰山雄勢。征人似行雲擁。戰馬如率疑風疾。神武龍飛。多勇烈。更精銳。〔云〕令人報復去。道有曹彬等衆將。在於門

首。〔張千云〕理會的。喏。報的丞相得知。有曹彬等衆將。在於門首。〔趙普云〕道有請。〔張千云〕理會的。有請。〔做見科〕〔趙普云〕衆將軍鞍馬上勞神也。〔正末云〕大人坐相府不易也。〔趙普云〕元帥同衆將。賀萬千之喜。將軍領兵。到於彼處。元帥智勇並行。兵不血刃。以定南唐。手下衆將。多取玉帛。惟將軍囊中。圖書衣衾而已。不知將軍尊意若何。元帥說一遍。老夫試聽者。〔正末唱〕

〔沉醉東風〕不圖甚轉疑世寶金珠玉璧。〔趙普云〕不圖寶貝金銀。可是爲何。〔正末唱〕止收的些大賢心圖冊書籍。〔趙普云〕富興貴。是人之所以欲也。〔正末唱〕那資財有顯榮。這書卷多文意。〔趙普云〕這財與文。可不知那一件爲魁也。〔正末唱〕你道這兩般那件爲奇。〔曹翰云〕我則道金銀好買的酒吃。〔正末唱〕我則是心不貪求性不移。〔趙普云〕收取文書可爲何。〔正末唱〕這文籍上頗看些綱常道理。〔趙普云〕元帥。南唐李煜在於何處。〔潘美云〕見在府門首。〔趙普云〕着他過來。〔李煜拜見科〕〔云〕丞相。小人有一拜。〔趙普云〕李煜。你知罪麼。元帥不忍殺人。免爾生民之塗炭也。你因何不尊天命。今被所擒。有何理說。〔李煜云〕丞

相。小人鄙處雖小。微糧極多。府庫錢糧。元帥盡行封記。獻與上邦。丞相可憐。饒小人之罪也。〔趙普云〕你且一壁有者。安排筵宴。與衆將慶功。令人門首看者。有天使來時。報復我知道。〔張千云〕理會的。〔趙匡義上〕〔云〕天朝選將運機籌。堪與皇家作列侯。納土稱臣朝帝闕。平定江南一鼓收。某乃晉國公趙匡義是也。今曹彬收取南唐。班師回京也。在於帥府中慶賀。今蒙聖意。遣小官加官賜賞。走一遭去。可早來到也。報復去。道有趙匡義奉命到此。〔張千云〕理會的。喏。報的丞相得知。有使命至此也。〔趙普云〕道有請。〔張千云〕理會的。有請。〔見科〕〔趙匡義云〕衆將鞍馬上勞神也。〔潘美云〕大人。坐相府不易也。〔趙匡義云〕元帥李煜在於何處。〔正末云〕見在此。李煜近前。〔李煜等見科〕〔趙匡義云〕李煜。你知罪麼。因你不尊天命。違宣抗勅。今被擒獲。此罪非輕也。〔李煜云〕李煜鄙處雖小。微糧極多。府庫錢糧。元帥盡行封記。獻與大邦。望丞相可憐。〔趙匡義云〕李煜。你聽者。聖人的命。今悉宥其罪。封你爲光祿大夫。檢校太傅。千牛衛上將軍。你謝了恩者。令人與我拏過徐鉉來。你當初早不勸李煜投降。致令大國起兵也。〔徐鉉云〕臣是江南大臣。久蒙恩厚。犬吠其主。豈敢勸降。臣死當理也。〔趙匡義云〕言者當也。乃爲忠臣也。衆將聽我加官賜賞。樊若水。因你過江獻計。加你爲池州知州。曹彬。封你爲樞密使。潘美。封你爲樞密副使。曹翰。封你爲先鋒都指揮使。手下大小衆將。論功陞賞。因你統領大兵。託聖人洪福齊天。兵不

血刃平定了南唐。乃衆將之功也。巍巍大德勝堯湯。武略文韜兵勢強。蓋世人民從治化。平寧四海定封疆。〔正末唱〕

〔沽美酒〕今日箇定中原興上國。朝京闕立洪基。俺今日名顯昭彰天下知。穩情了高官重職。望金鑾拜丹墀。

〔太平令〕則爲俺雄赳赳英才智勇。今日箇實丕丕廕子封妻。則爲俺明耿耿作賢良國瑞。齊臻臻吾儕我輩。呀。衆官員福催運隨。厚蒙着聖德。則爲俺下江南心存仁義。〔趙匡義云〕衆將望闕跪者。聽聖人的命。中原勝大朝行正法。異邦服率土盡歸降。文官秀奇才寧四海。武將英雄略定八荒。都着您持治法衣冠遵道德。教人倫禮樂用綱常。坐都堂鞠躬宜聖化。居廊廟竭力効忠良。爲英賢耿耿家聲重。保鞏固綿綿大業昌。盡赤心一誠扶社稷。標青史萬載報吾皇。

題目 秉忠正趙普興上國

正名 存仁心曹彬下江南

八大王開詔救忠臣

闕名

頭折

〔冲末韓延壽領番卒子上〕〔韓延壽云〕塞北兵強顯耀雄。逐朝山下逞威風。皂旗招颺入雲磨。纓拂團圓烈火紅。某乃六番都教首大元帥韓延壽是也。祖乃塞北雲州人氏。某深居野寨。長在深番。地連不盡深山。黑河翻波水滾。馬肥弓硬。將勇兵強。人人衣袂左掩。箇箇髮挽雙垂。青氍笠子。似千池荷葉弄輕風。雪色皮裘。如萬朵梨花映曉日。某手下屯兵十萬。將有千員。爲因在前有大宋人馬來征俺北塞。被俺將宋朝大小衆將。困在幽州城內。不期楊令公的長子楊大郎。假裝做他大人。瞞過俺衆將出北門。來與俺交鋒。俺人馬浩大。將楊大郎長槍刺死。楊二郎短劍身亡。楊三郎馬踏爲泥。楊四郎不知所在。開了南門。他衆將保着他的大人殺將出來。折了我許多人馬。我心裏懸懸在懷。有不捨之意。我要復領大兵。去與宋朝大戰一場。方稱我平生之願。雖然如是。還聚我手下大將士金宿來計議。早晨着人呼喚他去了。不見到來。小番望者。等士金宿來時。報復我知道。〔番卒子云〕理會得。〔淨扮士金宿上〕〔云〕髮練雙垂語不真。皮條油鬪疑誤繫腰身。腥臊臭穢人皆躲。刺塌皮襖搗殺人。自家士金宿是也。若論在下爲人。不好行走。則騎抹鄰。但凡

無事。山上閑行。那馬惱了。往下一蹲。把我跌倒。撞破腦門。掙將起來。血流滿身。撞箇窟籠。不害頭疼。我正在后山中看駱駝上樹耍子兒哩。有韓元帥着人來叫。不知有甚事計議。須索走一遭去。可早來到也。小番報復去。道有你老叔來了也。〔番卒子云〕理會得。〔報科〕〔云〕報的元帥得知。有土金宿在於門首。〔韓延壽云〕着過來。〔番卒子云〕理會得。過去。〔做見科〕〔土金宿云〕老元帥。我在下來了也。則怕那裡打圍耍去。帶攜我要一遭去。〔韓延壽云〕我無事也不來呼喚你來。爲因大宋朝統人馬征伐俺北番。俺把他衆將困在幽州城內。被那楊大郎假裝瞞過俺北番將。南朝可罕救的去了。雖然折了楊家四箇將軍。可也損了俺北番家許多人馬。我心中好生放意不下。我今喚你來商議。欲要統領大兵。侵犯天朝邊境。定下妙計。未知用兵如何也。也原本形誤作又下文屢見趙校均刪去未妥今均改作也字〔土金宿云〕元帥。我心裏也是這等說。爭奈他父子每好生英雄。元帥怎生計較來。〔韓延壽云〕某想楊令公父子。驍勇過人。難以交兵。則可智取。攬與你三千人馬。與楊家父子長兵野戰。兩陣之間。不可取勝。則要你輸。不要你贏。可拋戈卸甲。佯輸詐敗。他必然領兵追趕。將他父子賺他入兩狼山虎口交牙峪。進退無門。某隨後率領大小番將。調上百萬雄兵。困住交牙峪。鐵桶相似。着他裏無糧草。外無救軍。自知勢孤力窮。不能拒敵。便插翅也飛不過北番去。此計如何也。〔土金宿云〕此計大妙。正好與他廝殺去也。〔韓延壽云〕土金宿。我與你三千人馬。埋伏在

兩狼山的左右。引戰楊令公。小心在意。看計行兵也。〔土金宿云〕我兒我知道了。我做元帥罷。〔韓延壽云〕你看這厮。我做元帥。你爲合後。成功而回。我隨後便來接應你也。〔土金宿云〕韓元帥好沒生的。着我做合後也罷。我跟他走一遭去。我平生性兒刺場。好沒生着我厮殺。若還被南朝拏住。一准是把我哈喇。〔下〕〔韓延壽云〕土金宿這一去。引戰楊令公。必然中吾之計也。我率領番將。接應土金宿。走一遭去。我大率番兵跨戰鞍。金戈鐵甲響珊珊。佯輸詐敗施謀計。楊家父子陷於番。他緊追深入交牙峪。我調兵困住兩狼山。擒拏虎將機謀大。名播乾坤宇宙間。匣中寶劍吹毛快。殺的那大宋軍兵透膽寒。〔下〕〔外扮殿頭官上〕〔云〕忠正廉能保宋疆。堅持節操表賢良。金門出入多榮貴。一片誠心答上蒼。小官殿頭官是也。輔佐宋朝。方今聖人在上。八方寧靜。四海晏然。黎民樂業。五穀豐登。天下太平。自從潘仁美請入幽州。被番將韓延壽統一百萬番兵。圍了幽州。有楊令公捨其四子。救主回於東京。今有代州節度使寫表申明。奏知聖人。今有北番韓延壽。統領番兵。圍了代州城池。某奉聖人的命。差太師潘仁美爲帥。賀懷簡劉君期爲副帥。就勦殺賊寇。此一去。憑着潘仁美楊家父子三人威勇。必然殺退番兵。若成功而回。將他重賞封官。有何不可。小官不敢久停久住。回聖人的話。走一遭去。則爲那賊將番兵起戰爭。豈知宋國有英

雄。楊家父子多雄壯。永保皇朝享太平。〔下〕〔八大王領卒子上〕〔云〕只少變輿共靜鞭。與王車駕不爭偏。御書金簡藏袍袖。誅殺奸臣奏事官。某乃八大王趙德芳是也。方今大宋聖人在位。八方無事。四海晏然。五穀豐登。萬民樂業。君聖臣賢。我想當年三下河東。征劉薛王之時。有潘仁美被楊令公射了一箭。後楊家父子八人。投降了俺宋朝。扶持江山。累建其功。不想潘仁美這匹夫無禮。常記一箭之仇。只要謀害楊家父子。古云。千軍易得。一將難求。自從他請駕入幽州。折了楊家弟兄四人。奉命着楊令公父子領兵。鎮守瓦橋三關。今有代州節度使。寫表申朝。北番蕭太后部下六番都教首韓延壽。差將興兵。圍住代州城。今日早朝。奉聖人的命。着潘太師掛印爲帥。賀懷簡劉君期爲副帥。征進北番。一壁廂差使命前去瓦橋三關。勅楊令公父子三人爲先鋒。同征番兵去了。某不敢久停久住。回聖人的話。走一遭去。奉勅傳宣不暫停。楊家父子統三軍。拏住番兵必殺壞。得勝班師宇宙寧。〔下〕〔潘太師同淨賀懷簡劉君期領陳林柴敢卒子上〕〔潘太師云〕狡狠奸雄腹內藏。一心則待損忠良。蒙恩受爵居官位。倚勢奸讒顯志剛。某姓潘雙名仁美。官拜太師之職。此二位乃是國舅賀懷簡劉君期是也。這裡可也別無人來。某平生狡狠欺賢。不容忠良之士。有楊家父子。某十分懷恨。想當年下河東之時。被楊令公那老匹夫。射吾一箭。此一箭之仇。未曾得報。某對天盟誓。某若但得軍權在手。將那楊家父子。殺的翦草除根。纔稱俺平生

之願自從被某使了奸詐之計。請駕入幽州。被番將韓延壽。統一百萬大軍。將幽州困的水泄不通。楊令公捨其四子。救主回東京。今有代州申報有韓延壽不捨幽州之氣。今領兵圍了代州城池。奉聖人的命。着某掛印爲帥。二國舅爲副帥。某就在八大王跟前討楊令公爲前部先鋒。我正意的則是要殺了那老匹夫。報河東一箭之仇。不期八大王着呼延贊爲監軍。保着楊家父子。某自領兵到此。與番兵交戰三次。不曾得他半根兒折箭。倒反輸了三陣。頗奈楊家父子無禮。他做先鋒。至今不到。若來時。決無輕恕。趁此機會。將他父子三人。都殺壞了。便是我平生之願。您二位副帥。心下如何也。〔賀懷簡云〕元帥言者當也。量那老匹夫。何足道哉。則問他箇會合來遲。按軍令合當斬首。就將他父子謀害了。有何難哉。〔劉君期云〕妙妙妙。若如此。一定將他父子就哈刺兒了。〔據元帥辦着這片好心。天也與你半碗飯喫。〕〔潘太師云〕既然如此。小校轅門首看者。若有軍情事。報復我知道。〔卒子云〕理會的。〔呼延贊上〕〔云〕英雄慷慨世無雙。匣中寶劍迸寒光。鐵鞭手內輕輪起。佞子奸臣目下亡。某總管呼延贊是也。奉八大王令旨。着某爲監軍。趨運糧草。使沿路糧草。都是我催趲。正意的則爲楊家父子。與潘仁美有仇。着我緊保楊家父子。今者潘仁美與番兵見陣。連輸了三陣。有楊家父子未至。我恐怕潘仁美尋趁他父子。謀害忠良。我今見了潘仁美。後有楊家父子來到呵。有某在此。決不有失。可早來到也。小校報復去。道有呼延贊來了也。

〔卒子云〕理會的。喏。報的元帥得知。有呼延贊來了也。〔潘太師云〕道有請。〔卒子云〕理會的。道有請。〔見科〕〔潘太師云〕總管。你沿路上來。催的糧草如何。〔呼延贊云〕沿路上糧草。皆運至大營也。〔潘太師云〕好好好。總管請坐。小校轅門首觀者。看有甚麼人來。報復我知道。〔卒子云〕理會的。〔楊令公同正末七郎上〕〔令公云〕威震邊關。氣勢雄。丹心耿耿作元戎。匣中三尺鋌鋸劍。永保皇圖建大功。老夫楊繼業是也。乃火山楊滾之子。廣知兵甲之書。精曉排軍之法。先佐於劉薛王麾下爲將。某所生七子。乃是平定光輝。昭朗嗣。同扶劉主。加某爲金刀大將軍。智勇無敵。都總管兵法教授楊令公。昔日有潘仁美。三下河東。被某箭射了左臂。宋將救回。後來宋朝率大勢雄兵。困了河東。水淹了俺劉薛王。大宋聖人。招安某父子八人入朝。同扶社稷。加某爲鎮國大將軍之職。自降宋以來。累建大功。幽州大戰救駕之后。俺父子折其一半。勅賜與俺清風無佞樓一座。上有三朝天子御書。官員人等。至於樓前下馬。某名揚寰海。皇綱大振。頗奈老賊潘仁美無禮。常記恨一箭之仇。至今不解。今奉聖人的命。因爲北番拜韓延壽爲元帥。統一百萬番兵。侵邊作亂。聖人選將出師。潘仁美掛印爲元帥。某爲前部先鋒。某今在潘仁美麾下聽令。孩兒也。似此怎了也。〔七郎云〕父親兄長在上。這老匹夫常記一箭之仇。至今不解。論我父子之功。又有八大王令旨。着呼延贊保俺父子。父親不足憂慮也。〔正末云〕父親在上。兄弟說的是。一壁廂點就三軍。拔寨

起營。直至代州。追殺番兵。走一遭去。想俺父子東蕩西除。南征北討。多曾與國家出力也呵。〔唱〕

〔仙呂點絳脣〕俺端的輔佐皇朝。保安宗廟。俺一家兒行忠孝。端的是建立功勞。〔令公云〕孩兒。我想爲將者。博一箇名揚四海。以傳後世也。〔正末唱〕則落的萬古人稱道。

〔令公云〕想着俺父子苦征惡戰。滾人頭。厮摔。噙熱血相噴。保宋國江山。穩勝磐石。非一日之力也。〔正末唱〕

〔混江龍〕俺如今密排着軍校。披星戴月。豈辭勞。〔令公云〕爲臣者必盡其忠。爲子者當以盡孝也。〔正末唱〕俺如今一門盡節。博的箇青史名標。〔令公云〕俺父子每竭力盡忠。殺番兵。片甲不回也。〔正末唱〕則俺這父子忠心扶社稷。怕甚麼番兵奮怒起槍刀。若論着厮殺呵。我可敢脾脾心好。〔令公云〕俺這裡兵強將勇。量那番兵到的那裡。〔正末唱〕則俺這軍兵奮勇。不避那塗路迢遙。〔七郎云〕哥哥。憑着俺父子威名。觀番兵有似嬰孩也。

〔正末云〕兄弟。量那番兵。何足道也哉。〔唱〕

〔油葫蘆〕我觀那無禮番兵如芥草。我和他相戰討。〔令公云〕爭奈我年紀老了也。

〔正末唱〕父親你年衰猶識陣雲高。〔令公云〕六郎。俺父子須要奮勇當先。務要破番定虜也。

〔正末唱〕則俺這弟兄每英雄奮勇寰中少。則他那番兵膽大何須道。一壁廂排

隊伍。一壁廂驅將校。〔令公云〕楊景。看你父親出馬。殺番兵進退無門也。〔正末唱〕試看俺那楊家父子施謀略。我教他目下喪荒郊。〔令公云〕憑着俺三軍敢勇。父子當先殺他箇片甲不回也。〔正末唱〕

〔天下樂〕俺如今大殺番兵這一遭。豈肯輕也波饒。我可便自暗約。若今番兩軍廝撞着。〔令公云〕憑着我刀馬武藝。殺的他七斷八續。覓子尋爺。〔正末唱〕亂紛紛塵蕩了旗。濕浸浸血染了袍。我直殺的他苦淹淹無處逃。〔令公云〕楊景七郎。傳下令去。收拾人馬。直至代州。見潘太師。走一遭去。〔做轉科〕〔七郎云〕哥哥。前離代州不遠也。三軍行動些。〔正末云〕啓知父親。今至代州也。就些向陽之地。紮住人馬。俺父子三人。同見元帥去來。〔令公云〕吾兒說的是。來到此帥府門首也。小校報復去。道有先鋒楊令公。領兵來見元帥。〔卒子云〕理會的。報的元帥得知。有先鋒楊令公。領兵來見元帥。〔潘太師云〕語未懸口。他父子每已來了。小校準備着刀斧手。着他過來。〔卒子云〕理會的。着您過去。〔楊令公同正末七郎見科〕〔云〕元帥。先鋒楊繼業父子三人來了也。〔正末云〕元帥。小將等劍甲在身。不能施禮也。〔賀懷簡云〕元帥。你看這廝。看着俺不施禮。恁般好無禮也。〔潘太師云〕兀那老匹夫。你知罪麼。〔令公云〕某不知罪。〔潘太師云〕噤聲。老匹夫。你推不知罪。我問你。我大也是你大。〔令公云〕元帥大。我這先

鋒小元帥因何說這一句。〔潘太師云〕我是大元帥。先領兵到此。與番兵交戰數陣。你做着一箇前部先鋒。今日纔來。兀那軍政司先鋒會合來遲。趨避交鋒。得何罪犯。〔卒子云〕元帥先鋒違令。會合來遲者。處斬。〔潘太師云〕既然如此。小校將他父子三人推出轅門。斬訖報來。〔卒子云〕得令。〔卒子做擎三人科〕〔正末同令公叫科〕〔云〕冤屈也。〔劉君期云〕我說老楊屈千屈萬。則屈了你三箇人。古人云。除死無大災。順受喫了一刀。把頭丟在一邊。可也省的吃飯。〔令公云〕俺委實的冤屈了也。〔潘太師云〕小校將那老匹夫擎將過來。〔卒子云〕理會的。〔卒子擎令公面見科〕〔潘太師云〕兀那匹夫。你有何冤屈。〔令公云〕俺父子三人非誤會合。望元帥可憐者。〔劉君期云〕元帥和他說甚麼。擎出去哈刺兒罷了。〔令公云〕呼老大人。勸一勸兒。救俺父子每者。〔呼延贊云〕刀下留人者。元帥楊家父子。非會合來遲。且饒過這一遭。有何不可。〔潘太師云〕總管此事。饒不得。小校與我斬訖報來。〔呼延贊怒科〕〔云〕元帥某奉八大王令旨。保着楊家父子。你今要殺壞他。我也不勸你。我徑回東京。告與八大王。你也可知道他的金簡。敢饒了你麼。〔潘太師云〕罷罷罷。看着總管的體面。且饒過你這匹夫去。再違將令。必當斬首。〔令公云〕謝元帥不斬之恩也。〔正末唱〕

〔那吒令〕他那裡顯威風。施逞些三氣豪。我這裡強支吾。伏低也那做小。〔令公云〕

好氣殺我也〔正末唱〕則見俺老父親險些兒氣倒。又不曾誤了你限期。又不曾相違拗。怎做的犯法違條。〔潘太師云〕兀那老匹夫。我饒便饒了你。我可說的明白。我是元帥。你父子三人。是前部先鋒。可不道先鋒先鋒。到處先行。某領人馬。先到此處。與那番兵交戰數陣。你父子每今日纔來。畏刀避箭。我若不看着總管的體面。將你這匹夫每斬首了多時也。〔劉君期云〕若不看老呼的面上。這早晚死無葬身之地。我說老楊。你老實說。怎麼不早來會合元帥。你若說的是。我買一瓶渾注酒。替你壓驚。你說你說。〔令公云〕元帥在東京起身。俺父子三人在瓦橋三關起身。又不曾與元帥相約。又無軍令。小將怎做的會合來遲。豈不是屈殺俺三人也。〔潘太師云〕你這老匹夫。不忠不敬。又這等巧言支對。本當斬首。暫免項上之罪。再犯呵。定不饒你。這父子三人也。〔賀懷簡云〕元帥說的是。今後犯下一芝蔴兒大的罪過呵。就都哈刺兒了罷。

〔正末唱〕

〔鵲踏枝〕好教我怒冲霄。自量度。端的是氣夯胸脯。憤怒難消。我可便平白地擔煩受惱。我怎容的這無籍兒曹。〔潘太師云〕兀那楊繼業。您父子每有何武藝。讀甚兵書。敢違我將令也。〔呼延贊云〕楊令公。你父子每怎生排兵布陣。你對着元帥。試說一遍者。〔正末

唱〕

〔寄生草〕若說着臨軍陣。惡戰討。者莫是排兵布陣驅軍校。奪旗擄鼓施謀略。更和那相持對壘心偏好。〔潘太師云〕俺這大將軍有八面威風。量着你父子三人。到的那裡。〔正末唱〕更休題將軍八面虎狼威。須知俺楊家父子全忠孝。〔潘太師云〕兀那楊繼業。聽某的將令。我撥與你三千人馬。明日與番兵交戰。若贏了呵。將功折罪。若輸了呵。二罪俱罰。〔令公云〕上告元帥得知。明日是箇十惡大敗之日。又是黑道。不可發兵。若興兵呵。必然有失。望元帥再選吉日。乞元帥台鑑不錯。〔潘太師云〕兀那老匹夫。豈不聞在朝天子三宣。關外將軍一令。倒由了你。若出陣便罷。若不出陣去。將你這老匹夫。斬首於轅門。〔劉君期云〕楊老官兒。你則依着元帥的鈞旨。若是輸了。你都被番軍掣了你父子三人去呵。正是打鼓送瘟般。但得冤家離眼前。〔令公云〕六郎七郎。此一去必然不利也。〔正末云〕父親。既然元帥不從。好歹明日與番兵見陣去來。〔唱〕

〔尾聲〕俺今日出力報皇朝。爲帥主臨邊道。〔令公云〕依着某呵。但凡十惡大敗。不可行兵也。〔正末唱〕統士軍馬行黑道。則這箇不識字的元戎心性惡。他則待滅絕俺父子根苗。〔令公云〕孩兒也。他掌着軍權。則索聽令而行。〔正末唱〕我可便仗英豪。有一日得志青霄。〔令公云〕故着俺黑道日行兵。有害俺父子們那樣。〔此二字總接刪〕心也。〔正末唱〕他將這滿

腹冤仇相報了。〔令公云〕見如今邊關上。都是這奸臣賊子。不能定亂除危。倒惹的侵犯大邦也。
〔正末唱〕見如今邊關鬧炒。賊情傳報。〔令公云〕某殺他箇拱手而降。〔正末唱〕我直教
那番兵納禮拱皇朝。〔下〕〔令公云〕俺父子三人。奉元帥將令。統兵與韓延壽交戰。走一遭去。
威風赳赳統干戈。兩軍相對戰千合。時間略展英雄手。屍橫千里血成河。〔下〕〔潘太師云〕他父
子三人去了也。呼將軍。今有大勢人馬在此。還有後運的糧草未至。有勞總管催運一遭。意下如
何。〔呼延贊云〕既然如此。某催運糧草。走一遭去。楊六郎父子盡忠。於宋國竭力見功。潘仁美心
懷毒忿。見大王奏說奸雄。〔下〕〔潘太師云〕呼延贊已去了也。二位國舅。明日委的是黑道日。
這楊家父子也是強。我務要他出陣。則願的番兵圍住他。必然差他兒子們打出陣來取救軍。若
一箇來。我着他一箇死。兩箇來。一雙亡。將父子三人。盡誅殺絕。方稱我平生足願。無甚麼事。二位
國舅。請回後帳中飲酒去來。楊令公統領戈矛。便與師不許停留。若違令必當斬首。報河東一箭
之仇。〔同下〕

第二折

〔淨土金宿驢馬兒領番卒子上〕〔土金宿云〕我做將軍委實高。諸般武藝不曾學。騎着駱駝上
陣去。吊下驢來跌折腰。某六番都教首韓延壽麾下大將土金宿是也。某文通三略。武解六韜。兵

害戰策。並不會學。聽的厮殺。說的趯了。跳上綿羊。當做快馬。不拏槍刀。則着拳打。這等手段。真箇好耍。奉元帥將令。着我引戰楊六兒去。我想那楊六兒虎刺孩那等英雄。好沒生着我和他交鋒。可不是弄我那老性命哩。官差依着他。領着些畏刀避箭的番兵。引戰楊六兒去。則要我輸。不要我贏。他埋伏着番軍。在虎口交牙路跟前。大小番軍。排開陣勢。兀那塵土起處。敢楊六兒的軍馬來了。我這一會兒心頭跳了。〔正末同令公七郎躍馬兒領卒子上〕〔令公云〕某乃楊令公是也。頗奈潘仁美無禮。今日是箇黑道日。他着俺父子領兵出戰。他則是要謀害俺父子的性命也。〔正末云〕父親。離代州不遠。大小三軍。擺布的嚴整者。〔七郎云〕哥哥。不免俺父子三人奮勇當先。大戰一場。務要殺退番奴也。〔正末云〕兄弟。既然到此。何足懼哉。看了俺這裡兵雄將勇。量他到的那裡也呵。〔唱〕

〔中呂粉蝶兒〕若論着厮殺相持。俺可使與皇家索曾出力。一任那鞭撻撻鎚。遇敵兵。逢賊寇。我可便如同兒戲。施展雄威。我教他死無那葬身之地。〔令公云〕孩兒也。若論俺父子的英雄。量那番兵。何足道哉。爭奈是箇黑道之日。我以此心憂也。〔正末唱〕〔醉春風〕想當日含恨出幽州。今日又領兵臨塞北。他着俺日臨黑道。犯着凶星。潘美也那裡有這等理。俺託賴着大宋天威。俺楊家驍勇。那番兵量成何

濟。

〔土金宿云〕大小三軍。打開旗號者。〔令公云〕孩兒也。且住着。你見麼。番兵旗上。畫着一隻狼。三隻羊。躍翻一隻羊。踏住一隻羊。口裏咬着一隻羊。孩兒也。他是狼。我是羊。好是不祥也。〔七郎云〕父親。我料番兵無此機謀。乘勢不得不追也。〔正末云〕這番兵好無禮也。父親兄弟靠後。待我殺這番奴。兀那番將。我想着幽州之恨。理當興兵。勦除你這番奴。正當其理。你如何又敢領兵。將代州城圍住。及早領兵退回。我和你佛眼相看。若道半箇不字。我直殺你箇片甲不回。〔土金宿云〕你道你殺我箇片甲不回。你也說的是。看了我這些殘軍敗將。你都殺了。倒也是箇乾淨。好老叔。你則留我一箇。好回去報信。乾嚷了一日。不知你姓甚名誰。〔正末云〕兀那番奴。這箇老將軍是金刀教授。無敵大將軍楊令公。〔土金宿云〕你乃是何人。〔正末云〕某乃六郎楊景。你是誰。〔土金宿云〕我死也可不是晦氣。真箇是楊六兒來了。則我便是大將土金宿。你敢和我交鋒麼。〔正末云〕這番奴無禮也。小校操鼓來。〔做戰科〕〔唱〕

〔紅繡鞋〕我則見齊臻臻手持着兵器。撲鑿鑿鼓震春雷。則我這坐下馬不刺刺驟狻猊。〔云〕兀那番將。及早納降。免你一死。〔正末唱〕哎。你箇無名將。我跟前怎施爲。我直殺的你血模糊。難後悔。〔土金宿云〕看了楊六兒。委實英勇。殺的我碎屁兒直流。你則看他那箇老兒。又兜搭。又有箇小將軍十分勇猛。若我再戰一會兒。直當喫他哈喇兒了。虛劈一

刀走走走。(虛下)(令公云)這番奴走了也。他旗幟不亂。隊伍不差。俺不要追趕。紮下營寨。小校與我鳴金者。(正末唱)

〔石榴花〕俺父親便鳴金罷戰暫停息。則見他便逃命走如飛。則俺這楊家英雄您須知。我跟前對壘。施展雄威。(令公云)今日是黑道日。不宜出兵也。(正末唱)正値着空房大敗不良日。把俺這大將軍故陷兵機。俺可使奉天行道休疑忌。憑着俺忠孝把名馳。(土金宿領番卒子上)(云)某乃土金宿。我則道楊六兒那虎刺孩。他趕將來。他原來看了我的手段槍馬。不敢來趕。我不免再冲他一陣。務要引的他軍馬進峪口中來。兀那楊六兒。頭裡我讓你。是關你要來。你若再敢來交馬。我定要活拏了你。纔顯在下老土的手段也。

(正末云)這厮好無禮也。(唱)

〔鬪鵲鵲〕不由我氣夯胸脯。好教我便心中怒起。(土金宿云)憑着我十八般武藝。我望塵知敵數。喚土識兵機。量你何須道哉。(正末唱)這厮他說短論長誇稱誇稱他見識。則這箇無禮番奴敢戰敵。(土金宿云)兀那楊六兒。你也知道我的武藝弓馬。我教你聞着我屁兒害臭。(正末云)噤聲。(唱)我跟前賣弄武藝。直趕到你海角天涯。直殺的你心忙意急。(七郎云)哥哥。量這番奴。打甚麼不緊。倒着他兩次三番逼逗。俺今番務要拏了這番奴也。(正

末唱

〔十二月〕惡狠狠行兵北極。不刺刺戰馬如飛。量你這番賊虜寇。我將你小觀低微。昏鄧鄧征塵蕩起。嗔忿忿對壘迎敵。〔云〕兀那番賊。趁早納降。〔土金宿云〕楊六兒。他委實的英雄。衆番兵一齊着力。再和他歪纏一會。我則不濟了。可怎麼了。〔再戰科〕〔正末唱〕

〔堯民歌〕呀。哎。你箇番奴。猶自說兵機。你可便虛張聲勢要相持。臨軍對陣走如飛。我直教三軍齊唱凱歌回。罵你箇番也波賊。番賊怎對敵。我可便活挾你回朝內。〔土金宿云〕我成不的了。虛劈一刀。衆把都兒。跟着我帳房裏。咽牛骨頭去來。走走走。〔同番卒下〕〔正末云〕這番奴又敗了也。父親兄弟。將大營齊起。趕殺番賊。務要活挾回朝獻功去。〔趕下〕〔土金宿云〕劣馬不會騎。弓箭幾曾習。昨日不喫飯。今日肚裏飢。某乃前部先鋒土金宿是也。爲因俺領兵來與楊令公安鋒。我想楊六兒那箇虎刺孩。手裏那條槍輪磨動。便似一根大蟒。我若不走的緊。我這後心頭。擬定着他一槍。那裡尋我的性命着。我走入這兩狼山虎口交牙峪裏來。他不知俺有埋伏之計。他父子三人。後面趕將來。不想俺元帥四下裡又埋伏下軍兵。務要將他父子三人都困在這虎口交牙峪裏。我着他便插翅也飛不出峪口去。不想他父子三

人中了俺之計。大小番兵。將峪口圍的嚴整着。休着走了這三箇虎刺孩。我回元帥話。走一遭去。
〔下〕〔正末同七郎再上〕〔正末云〕因趕番兵。被他賺入山中。似此怎了也。〔七郎云〕哥哥。今日天色晚了也。明日務要殺將去也。〔正末唱〕

〔尾聲〕今日箇爲皇家保帝都。趕番賊到這裡。這的是兩狼山虎口交牙內。可正是爲國於家落得的。〔同下〕

楔子

〔楊令公同正末楊七郎上〕〔楊令公云〕孩兒也。不想我父子三人。被番奴賺入此山。將峪口把的水泄不通。如之奈何。〔正末云〕父親免憂。我與兄弟整擄人馬。殺將出去。方解此圍。〔七郎云〕哥哥差矣。大勢番兵。圍了峪口。俺父子雖強。寡不敵衆。實難取勝也。〔正末云〕似此怎了也。〔七郎云〕哥哥放心。你且與父親牢固軍馬。我今單人獨馬。殺將出去。到代州問潘太師取討救兵來。裏應外合。混殺他一陣。此圍方解也。〔正末云〕兄弟也。你怕不說的是。大勢番兵陣中。倘有疎失。我可怎生得知也。〔七郎云〕哥哥。我有一計。我貼肉的汗衫兒脫下來。與哥哥收着。三日之後。若聽的狼煙砲響。舉火爲號。便是我取的救軍來了也。你便往外殺。我便領兵殺入來。若三日不聞消耗。便是我折於番陣也。你將我這汗衫兒上秤稱了。將去營門外。與我招魂。我這汗衫兒便

重了。我爲大將。那箇邪祟敢上我這衫兒來。〔正末云〕兄弟說的是。〔七郎做脫衫兒科〕〔衆悲科〕〔七郎云〕哥哥牢固軍馬。好看父親。我打陣出去也。〔令公云〕孩兒也。你小心在意。疾去早來。〔七郎云〕父親放心。我好歹務要取將救軍來。不敢久停久住。便索取救軍。走一遭去。匹馬單槍顯志能。忘生捨死立功名。取的救兵臨邊境。殺盡番邦草寇寧。〔下〕〔令公云〕孩兒去了也。六郎。俺且去山坡直下小歇去來。〔同下〕〔潘太師同賀懷簡劉君期陳林柴敢上〕〔太師云〕安排損壞忠良計。施展平生奸佞心。某乃潘太師是也。這二位是副帥賀懷簡劉君期。前日因爲楊令公三人父子來遲。我欲待要殺了那老匹夫。報我一箭之仇。不期被呼延贊那匹夫勸了。因此上不曾殺壞。那一日是黑道日。就與他五百軍馬。教他前去迎敵番兵去。我着人打聽去來。說道被番將土金宿。賺到兩狼山虎口交牙峪中去了。可不道人有所願。天必從之。我一心則要殺壞了那老匹夫。不期他呵。中了番兵之計。着番兵殺那老匹夫。不強如我殺他。今日無甚事。在這帳中安排酒餚。請兩箇副帥慶喜。飲幾盃酒。陳林柴敢。擡上果卓來者。〔陳林柴敢云〕理會的。〔做擡卓科〕〔劉君期云〕老大兒。我在下老劉。平昔是箇好人。又不趨人害人。正要猜三枚。吃酒耍子兒哩。〔賀懷簡云〕左右將酒來。太師滿飲此盃。〔潘太師做飲酒科〕〔云〕俺慢慢的飲酒。小校轅門首覷者。若有軍情事。報復我知道。〔陳林云〕理會的。〔七郎上〕〔云〕某楊七郎是也。自從與父

親哥哥領兵。追殺番將士金宿。被大勢番兵。將俺父子三人。困在兩狼山虎口交牙峪。裏無糧草。外無救軍。某單身打出陣來。問潘太師取討救軍去。可早來到轅門首也。兀那把門的哥哥。報復太師得知。有邊庭上楊七郎。來見元帥。〔陳林云〕理會的。喏。報的元帥得知。有邊庭上楊七郎來見。〔太師云〕說他父子每。被番兵困在兩狼山虎口交牙峪。他可怎生得出來。陳林。〔陳林云〕有。〔太師云〕準備着刀斧手。着他過來。〔陳林云〕理會的。着過去。〔七郎做見科〕〔太師云〕兀那小的。你是那裡來哩。〔七郎云〕小將楊七郎。我父子三人。追殺番將士金宿。不想他佯輸詐敗。將俺父子賺入兩狼山虎口交牙峪。困的裏無糧草。外無救軍。小將打出陣來。特來問太師取軍求救也。〔太師云〕你這小賊無禮。我見你父子每殺敗了番兵。你怎生倒來求救軍。你父子每必然降了番兵。故來說賺我來。更待干罷。刀斧手。拏出這小賊去。殺壞了者。〔陳林做拏科〕〔云〕理會的。〔七郎云〕冤屈也。〔賀懷簡云〕你看這厮。叫冤屈。打擾我這酒席。〔劉君期云〕我說老大兒。我們正好喫酒耍子兒。平白地走將來。攪了我們的筵席。你若耍殺他。便殺了也罷。不殺他時。推出轅門。着他牙不了罷。〔太師云〕兀那小賊。你父子每蓋世英雄。因何困於番陣。故來亂惑三軍。陳林。將這小賊搶出轅門去。〔陳林做推七郎科〕〔云〕理會的。〔太師云〕柴敢。將過花來。我與兩箇副帥簪花飲酒者。〔柴敢云〕理會的。〔做遞花酒科〕〔七郎朝轅門悲科〕〔云〕天也。我父兄困於番

陣。太師在此簪花飲酒。正是幾處笙歌幾處愁也。〔劉君期云〕老大兒。你說這小賊無禮麼。我們好意不殺他。倒在轅門外罵我們。左右蘸蒜喫狗肉。殺了楊七郎。自做還自受。着小校擎將過來。哈刺兒了罷。〔太師云〕小校。與我將那小賊擎過來。〔陳林云〕理會的。〔做擎七郎科〕〔太師云〕兀那小匹夫。你父子每領出人馬。去與番兵交戰。又折了我的軍馬。又被番將困在峪中。你倒罵我。更待干罷。陳林。將這小賊擎出帳外去。綁在花標樹上者。〔陳林云〕理會的。〔做擎七郎綁科〕〔賀懷簡云〕好好好。喫了這會悶酒。正要射箭耍子哩。〔劉君期云〕綁着綁着。將弓箭來。我正要演手段耍子兒哩。〔太師云〕兩箇副帥。跟着我出帳外去來。〔同出帳科〕〔太師云〕陳林。將那金鼓旗擺在那廝左右兩邊。將我的弓箭來。〔柴敢云〕理會的。〔做遞弓箭科〕〔太師云〕陳林。與我抬出那果卓來。等我射中這小賊一箭。便飲一盃酒。與我搖旗吶喊者。〔陳林做抬果卓科〕〔太師云〕二位副帥。助着射這小賊者。〔賀懷簡云〕老大兒。你若射不中。一箭罰我一鍾酒。〔太師云〕兀那小賊。你聽者。當日下河東之時。你那老匹夫。射了某一箭。我今日報仇。〔劉君期云〕我老大兒說的是。〔做射不中科〕〔太師云〕可怎生射不中這小匹夫那。〔七郎云〕罷罷。事到今日也。兀那匹夫。我有雕箭法。你如何射的中我也。〔太師云〕這小匹夫不說。我怎生知道。陳林。便與我將那小匹夫額顱蓋上的皮。割將下來。遮了他眼睜者。〔陳林云〕理會的。〔做割科〕〔云〕遮了

眼也。〔太師再射不中科〕〔云〕兩箇副帥。好是奇怪也。可怎生又射不中。〔七郎云〕兀那老賊。我雖眼裏看不見。我耳朵裏可聽着哩。〔太師云〕這小匹夫到會這等手段。陳林將綿花塞住小賊的耳朵者。〔陳林做塞耳科〕〔云〕塞住了也。〔太師射中科〕〔吶喊科〕〔太師云〕陳林柴敢。將酒來某飲。〔陳林云〕理會的。〔做遞酒科〕〔三人飲酒科〕〔又射科〕〔太師云〕想當日下河東之時。那老匹夫射了我一箭。此仇未曾報得。今日一箭還十箭。一箇來一箇死。兩箇來一雙亡。二位副帥務要射死這匹夫。〔賀懷簡云〕將弓箭來。我射幾箭。〔陳林云〕理會的。〔做遞弓箭科〕〔劉君期云〕將我的弓箭來。我也射他幾箭。〔柴敢云〕理會的。〔做遞弓箭科〕〔三人做射科〕〔七郎做死科〕〔太師云〕俺射了一日。我這兩臂酸麻了也。陳林柴敢。看他死了也不會。〔陳林云〕理會的。〔做看科〕〔云〕死了也。〔太師云〕既然死了也。你兩箇打下那廝身上的箭數一數。看射了多少箭。〔陳林柴敢數箭科〕〔云〕元帥射了一百單三箭。七十二箭透腔。〔太師云〕既射了一百單三箭。七十二箭透腔。今日纔報了河東一箭之仇。將酒來。我與兩箇副帥慶喜。飲幾盃酒。〔劉君期云〕七郎也射死了也。我們再贐上三鍾。放風箏耍去來。〔太師云〕既是這等。陳林柴敢。把這箭都賞與你兩箇。你將這小的屍首。丟的桑乾河裏去。若丟了呵。可來回我的話。再有重賞。〔陳林云〕理會的。柴敢也。俺兩箇抬着七郎屍首。桑乾河裏丟去來。〔做抬科〕〔同下〕〔太師云〕

兩箇副帥。我同你後帳中飲酒去來。非是我毒害爲頭。則爲那老匹夫怨恨難休。今日箇楊七郎身歸地府。方報了河東一箭之仇。〔同下〕〔正末上〕〔云〕某楊景是也。自從兄弟取討救軍去了。今經數日。並無音信。好煩惱人也。未知何日得解此危。覺一陣昏沉上來。暫且盹睡片時。〔做睡科〕〔楊七郎扮魂子上〕〔云〕某楊七郎打陣出去。取討救軍。不想着仇人潘太師。將某攢箭射死。不免去哥哥行託一夢。教他與我報仇。〔做叫正末科〕〔云〕哥哥。哥哥。〔正末做起身科〕〔云〕你是何人。〔魂子云〕是你兄弟楊七郎。〔正末云〕兄弟來了也。你取你救軍在何處。〔魂子云〕自從您兄弟單馬出陣。番官無人敢敵。我直至代州。問潘太師求救。他簪花飲酒。不肯發兵。你兄弟道幾處笙歌幾處愁。頗奈老賊無禮。他還記着那一箭之仇。將兄弟們綁在花標樹上。同賀懷簡劉君期攢箭射死你兄弟。共射了一百單三箭。七十二箭透腔。不能與哥哥同扶社稷。共保山川。哥哥好生看着父親。可以竭力盡忠。你兄弟不幸被奸臣陷害了也。哥哥。兀的不痛殺我也。〔正末悲科〕〔云〕兄弟你放心。我明日整擄人馬。殺將出去。告與八大王。好歹與你報仇。〔魂子云〕若殺退番兵。哥哥替兄弟報仇。想俺弟兄七箇。父子八人。與國家多有功勳。今日一旦休矣。我說兀的做甚麼也。爲國於家惡戰爭。忘生捨死殺番兵。幽州救駕功勳大。滅寇除危定太平。我一副金甲猶帶土。三尺龍泉血上腥。黑道日興兵臨峪口。誰知父子陷番營。我親身單馬尋求

救。老賊將我喪殘生。七魄悠悠歸地府。三魂杳杳赴幽冥。不見了捉將挾人驍勇勢。則落的分屍碎首表其形。若還父子重相見。除非南柯一夢中。哥哥休推睡裏夢裏。〔下〕〔正末做醒科〕〔云〕哎約。兄弟也。痛殺我也。〔楊令公上〕〔云〕孩兒也。你爲何發悲。〔正末云〕父親。不知恰纔兄弟託一夢。說他被潘仁美老賊攢箭射死了也。〔令公云〕孩兒也。夢中之事。未可深信。〔正末云〕當日兄弟曾言。遺留下貼肉布衫兒。他若身死之後。把這衫兒將到營門外。招魂已了。如若兄弟身亡。其衫便重。我試招魂者。〔做招魂科〕〔魂子打轉下〕〔做稱衫兒科〕〔云〕呀呀呀。一陣旋風過處。其衫果重了。眼見的無了兄弟也。〔做悲科〕〔云〕兄弟也。則被你痛殺我也。〔令公云〕孩兒也。則被你痛殺我也。頗奈潘仁美老賊無禮。俺父子二人。怎做計較。〔正末云〕父親放心。我今整擲人馬。同父親殺將出去。到東京奏知聖人。告與八大王。好歹與兄弟報了冤仇。父親請上馬。〔韓延壽蹣馬兒上〕〔云〕某乃番兵都教首韓延壽是也。某差首將詐敗佯輸。逗逗楊令公。誰想楊家父子。果然中吾之計。賺入兩狼山虎口交牙峪。有他那第七箇將軍。那虎刺孩好生英勇。單馬撞出陣去了。量他一箇。到的那裡。楊令公父子每。便插翅也飛不將出去。兀那大小番官。調遣軍將。團的兩狼山嚴整者。都要弓弩上絃。刀劍出鞘。緊防堅守。休教走了楊六兒那虎刺孩。〔正末同令公撞陣科〕〔云〕兀那番兵開陣。放我人馬過來。〔韓延壽云〕兀那虎刺孩母刺赤。走那裡去。

你好自在性兒。你看我這裡滿山滿峪。盡都是大勢番兵。你父子雖然英雄。名播天下。可也難逃這峪口。若不歸降我。和你決戰九千合。〔正末云〕交馬來。〔做戰科〕〔韓延壽云〕這虎刺孩是英雄。楊六兒一條槍。翻江攪海。冲圍撞陣。難以拒敵。我虛搦一戟。番兵倒干戈。走走走。〔敗下〕〔正末趕科〕〔云〕大小三軍。一齊着力。殺將出去。〔下〕〔韓延壽再上〕〔云〕兀那老將軍。你不必追趕我。你雖然殺了我一陣。你的軍兵可也盡皆折損了。則剩下這一枝敗將殘兵。我雖然輸了。我這大勢番兵還在。你寡不敵衆。及早歸降俺這北番。着你做大大的官位。你意下如何。〔令公云〕六郎殺出去也。不想被番將打折了我馬腿。他殺不如自殺。此處乃是李陵碑。不如我撞碑而死。皇天可表。降宋朝父子八人。潘仁美想一箭之因。今日箇撞碑身死。一靈兒先見閻君。〔韓延壽云〕嗨。可惜了楊令公。他撞李陵碑身死了也。楊六兒撞出陣去了。折了俺大半番兵。着小番抬着老將軍屍首。大營裏獻功去來。〔正末冲上〕〔云〕某楊景是也。貪慌救將出來。不想把我父親陷在陣中。我今再殺入去救父親出來。前面一簇番兵攔路。兀那番賊開陣。〔韓延壽云〕兀的不是楊六兒。你那老將軍。撞李陵碑身死了也。你箇虎刺孩。降伏俺了罷。〔正末云〕不想父親撞李陵碑身亡。哎。約。父親也。則被你痛殺我也。兀那番兵。我不與你交鋒。我上東京。與你告御狀去也。〔韓延壽云〕你既然不肯投降。又不廝殺。大小番兵。跟的我班師回程。獻功去來。可惜金刀老令

公英雄今日撞碑墓。我折的太半人和馬。我落的屍骸去獻功。〔下〕〔正末云〕某不分星夜上東京告御狀。走一遭去。〔唱〕

〔賞花時〕不由我兩眼汪汪雨淚流。則他這屈死冤仇甚日休。當日俺持忠孝。保皇猷。今日箇兵臨在這峪口。我可便捨生命報冤仇。〔下〕

第三折

〔潘太師同淨賀懷簡劉君期領卒子上〕〔潘太師云〕朝中惟我爲班首。勢力專權敢殺人。某乃潘太師是也。今有楊令公父子三人。果然中某之計。攢箭射死楊七郎。某聽知令公那老匹夫。撞李陵碑身亡。止有楊景那小賊。打出陣來。說他往東京告某去了。某着人各處挨拏。如若拏住。剗草除根。萌芽不發。纔稱了俺平生之願。小校轅門首看者。但有軍情事。報復某知道。〔卒子云〕理會的。〔党彥進上〕〔云〕輔國安邦作棟梁。臨敵驍勇鎮邊疆。官居太尉身榮顯。耿耿丹心報聖皇。某乃党彥進是也。祖居朔州馬邑縣人氏。幼而給事魏帥杜重威。愛某恭謹。及壯驍勇絕人。不識文字。從太祖征伐四方。居常恂恂如也。每擐甲冑。毛髮皆豎。同李繼勳征北漢。某親領數騎。奮身而進。累建奇功。四方皆稱驍將也。封某爲太尉之職。因爲賀懷簡劉君期隨潘仁美爲副帥。頗奈三人無禮。在邊庭上謀害了楊家父子。有楊景打出陣來。到東京告了御狀。今奉八大王令旨。奏

過聖人。着某親上邊庭。擒拿此三人。回朝問罪施行。某想潘仁美在邊庭上。威權太重。誠恐激變了此事。某到那裡。自有箇主意。可早來到也。小校報復去。道有党彥進下馬也。〔卒子云〕理會的。〔報科〕〔云〕喏。報的元帥得知。有党彥進下馬也。〔潘太師云〕党彥進。他是當朝的太尉。來這邊庭上有何事。〔賀懷簡云〕元帥。他乃達達人。最老實。我和你問他楊景告狀一事。他必然說也。〔潘太師云〕言者當也。道有請。〔卒子云〕理會的。有請。〔党彥進見科〕〔云〕呀呀呀。太師。二位將軍。征進勞神也。〔潘太師云〕不敢不敢。此乃職分之所當爲。敢問太尉。因何到此也。〔太尉云〕元帥。因爲你征伐遼寇。那三軍苦勞。奉聖人的命。着小官特來賞軍。〔劉君期云〕既然這等。擺上果卓來。與太尉接風者。〔潘太師云〕將酒來。太尉滿飲此杯。〔賀懷簡云〕敢問太尉。你離朝之日。有楊景告狀一事。可知道麼。〔太尉云〕我不知道。〔劉君期云〕你這老兒。又兜搭了。你若說了呵。我買歡喜團兒請你。〔太尉云〕有有有。楊景告太師。下河東征劉薛王。楊令公射了太師一箭。有此舊仇。你着他父子黑道行兵。困在虎口交牙峪。裏無糧草。外無救軍。楊七郎打出陣來。問你求救。被您三人攢箭射死楊七郎。這事有麼。〔潘太師云〕太尉。並無此事也。〔太尉云〕這箇也不打緊。他又告你勾結遼兵。將元帥牌印獻與了韓延壽也。〔潘太師云〕你說這箇。小匹夫無禮。我爲國家大臣。豈肯投降外國。他捏出這一段虛情來。〔太尉云〕太師。你元帥印端的有也無。〔賀懷簡

云「元帥請出牌印來。着太尉看。」〔潘太師云〕「小校請出牌印來者。」〔卒子云〕「理會的。」〔捧牌印上科〕〔太尉云〕「將來我看。」太師道：「這箇是甚麼東西？」〔潘太師云〕「則這箇便是牌印也。」〔太尉云〕「則這箇便是牌印。」楊景也便好道：「一莊實，百莊實，一莊虛，百莊虛。你做的箇詐，不以實。有誑君之罪麼？」休道這牌印不曾與了韓延壽，便與了呵，不打甚麼緊？」〔潘太師云〕「這箇人真乃是達達人不曉的。」掌印生殺由某之意。太尉道：「你豈不知軍隨印轉，藥隨引轉？」〔太尉云〕「太師，怎生喚做軍隨印轉，藥隨引轉？」〔潘太師云〕「爲元帥的，但凡行軍，須憑牌印。有此印，方可調軍。」〔太尉云〕「哦，太師有這印，便調的軍馬，無這印，調不動軍馬。我也不信。若是小人掛着道印，可也調的動這人馬麼？」〔劉君期云〕「可知哩。你不移時，你就掛了印，休說軍馬，就是我在下老劉，也隨你調。」〔太尉云〕「兀那大小三軍，七重圍子，能征猛將，慣戰英雄，某今掛印爲帥，聽吾將令。違令者處斬，與我吶喊三聲者。」〔卒子云〕「得令。」〔衆做吶喊科〕〔太尉云〕「刀斧手，與我將潘仁美，賀懷簡，劉君期，拏下者。」〔卒子云〕「理會的。」〔做拏下三人科〕〔潘太師云〕「太尉，你爲何拏我？」〔太尉云〕「兀那老匹夫，某非是送賞，奉聖人的命，爲你在邊庭上，陷害忠臣良將，有誤國欺天之罪。楊景在京師，告下御狀，爭奈你箇老匹夫，軍權太重，某奉聖人的命，智賺元戎牌印，擒拏你三箇逆賊來。」〔潘太師云〕「某中了他的計策也。」〔太尉云〕「軍校將此三人，繩纏索綁，囚入檻車內，回東京見聖人去來。」聖德巍

巍海半清。股肱良將輔皇明。今日箇施謀智賺元戎印。去來親押三人赴帝京。〔党太尉同卒子拏三人下〕〔長老上〕〔云〕參禮金容一炷香。誦經功業兩三行。禪林老衲慚無補。特把丹心奉上蒼。貧僧皈依寺住持長老雪冤是也。因貧僧戒行精嚴。深通佛教。十方施主。無不瞻仰。近日有太師潘仁美。同二國舅賀懷簡劉君期。被党太尉就邊庭賺了牌印。拏來寺中。軟監在此。等旨發落。貧僧在此等候。看有甚麼人來。〔潘太師同賀懷簡劉君期上〕〔潘太師云〕事要前思。免勞後悔。某乃潘太師是也。自從害了楊令公父子二人。不想楊景直至東京告狀。差党太尉前來。賺了我的牌印。將我三人收在這太原府皈依寺。又不知聖人如何下斷。〔賀懷簡云〕聞說楊景告了御狀。可怎生不見勘問推官。軟監在此。何日是了也。〔劉君期云〕你說話不如放屁。倒要推問。假若問出攢箭射死楊七郎。又不發救軍情由呵。可不弄了老性命。且由他軟監在此。終日喫酒耍子兒罷。〔潘太師云〕兀那長老。你三門首望者。但有過往的官員。若知某在此。定有相探的。若有來的呵。報復我知道。〔長老云〕理會的。〔正末扮寇萊公上〕〔云〕老夫姓寇名準字平仲。官封萊公之職。今奉聖人的命。八大王令旨。爲因潘仁美賀懷簡劉君期。在邊庭上損害忠良。着楊家父子黑道日行兵。攢箭射死楊七郎。逼老令公撞李陵碑身死。不發救兵。端坐中軍。終日飲酒。不理軍情。被党彥進智賺了他牌印。拏在皈依寺軟監着。奉聖人的命。着老夫勘問去。我今不做勘官。

打扮。則說老夫失儀落簡。貶去太原做知府。徑去望他三人。他必然酒筵相待。說話中間。務要賺出他真情來。那其間老夫自有箇主意也。〔唱〕

〔商調集賢賓〕我奉皇宣做推官離帝主。我可便無曉夜踐程塗。堪恨那害忠良狠毒的這潘仁美。送了许多保皇家英勇的征夫。他每都喜孜孜設酒排筵。笑吟吟定計鋪謀。他將那楊七郎坐間一命殂。端的是意狠心毒。好教我怒氣衝牛斗。不由我哀痛淚如珠。

〔逍遙樂〕論這厮其情難恕。陷的他父子身亡。他可使啣冤負屈。好教人便感歎長吁。不由人氣夯胸脯。論這厮損滅忠良當滅族。我教他便自寫招狀。則那他罪同山岳。性狠如狼。心毒如虎。〔云〕可早來到也。〔做見長老科〕兀那和尚。你識的我麼。

〔長老云〕貧僧不認的大人。〔正末云〕則我便是寇萊公。〔長老云〕貧僧有失迎迓。望丞相寬恕者。〔正末云〕不必施禮。兀那和尚。我說與你。我非私來。奉聖人命。着我來體勘潘仁美三人事。他見我之時。定有酒筵相待。你便回方丈裏。可將紙墨筆硯伺候着者。等我酒席間問他一句。他回我一句。你便依着他的言語。寫的明白着。不許差了。你若泄漏了此事。決無輕恕。〔長老云〕貧僧謹領鈞旨。〔正末云〕你報復去。道有寇萊公相望。〔長老云〕理會的。〔報科〕〔云〕太師有寇萊

公相望。〔潘太師云〕道有請。〔長老云〕理會的。有請。〔正末做見科〕〔潘太師云〕老丞相有失迎接。勿罪也。〔正末云〕老夫不敢。〔賀懷簡云〕老丞相何往。〔正末云〕大人不知。因老夫失儀落簡。大聖人怒。今貶在這太原府做知府。經過此處。聞知太師。同二位大人在此。故來相訪也。〔做跪科〕〔云〕太師。老夫敢煩三位大人。若到朝中。見了聖人。怎生保奏提拔老夫一言。老夫當以結啣之報。決不忘大恩也。〔潘太師云〕老丞相你放心。我到朝中。見了聖人。若無事呵。我在聖人跟前說過。取你回朝。還着你做萊國公之職也。〔正末云〕多謝了太師。〔潘太師云〕左右擡上那果卓來。我與老丞相飲取三盃。有何不可。〔劉君期云〕我說寇老官兒。就是你失儀落簡。也將就些罷。直貶做知府。如同我三人。將楊七郎攢箭射死了。也是俺手段來。不發救兵。老楊撞碑身死。休說死了一箇。便死了十箇。打甚麼不緊。把我三人掣將來。監在此寺中。我當初到是好心不忘他。正是好心不得好報也。〔正末唱〕

〔金菊香〕太師你驅兵領將統軍卒。老夫我落簡失儀禮法疎。今日箇受貶遭危眞負屈。太師你仔細躊躇。今日箇太平不用你箇老征夫。〔潘太師云〕老丞相說的是。想當日下河東之時。某受盡千辛萬苦。今日太平已定。他則認的楊令公。豈用老夫也。〔正末云〕兀那和尚。俺這裡說話。你回方丈中歇息去。〔長老云〕理會的。〔下〕〔潘太師云〕老丞相。

我有一句話問你。自從党彥進將俺三人。掣到此寺中數日光景。未審聖意若何。〔正末云〕太師。你乃柱國之臣。又有二位大人。不足憂慮。我想楊家父子。委的無禮。太師所行之事不差。我若在於朝中。與太師同謀。奏准聖人。將楊家父子翦草除根。萌芽不發。爭奈我遭貶無計可施。三位大人在上。瞻原是一殿之臣。幸得到此處。就是一家一計之人。有話不要相瞞。他說你在前請駕入幽州一事。您怎生主意來。〔太師云〕老丞相。要是第二箇人呵。我也不說與他。委的是我故意兒請駕入幽州。暗算楊家父子。不想果然番兵圍了城。楊令公不免捨其四子。纔救的主人回東京。委的是我來。〔正末云〕他又說你。着他父子三人黑道日行兵。此事虛實。〔潘太師云〕老丞相。你不知。前者因爲韓延壽圍了代州。聖人着我爲帥。着他父子每爲先鋒。不想我領兵先到代州。與番兵交戰。他父子每來遲。我本待要殺壞。被呼延贊勸了。因此上不曾殺壞他。肯分的那一日是黑道日。我就着他出軍去。委實的也是我着他黑道日行兵來。〔正末云〕又說你將楊七郎攢箭射死。你可曾射他來不曾。〔潘太師云〕他父子三人。領人馬與番兵交戰。不想被土金宿將他父子每。困在兩狼山虎口交牙峪。有楊七郎打出陣來。問某請救軍去。被某不發救軍。他將我毀罵。因此上將那小賊掣住。綁在花標樹上。射死他來。〔劉君期云〕是我同賀兄助箭來。則說着他要子哩。不想真箇射死了。雖然是我射他。可是射箭的不是了。如今你倒成了功也。〔正末云〕又說

你不發救軍。楊令公撞李陵碑身死。端的這幾莊事。委的是實麼。〔潘太師云〕請駕入幽州。折了他弟兄四人。黑道日行兵。射死楊七郎。不發救兵。逼令公撞李陵碑身死。都是我來。件件是實。並不虛捏。老丞相。若是第二箇人。我也不備細的說與他。〔劉君期云〕寇老官兒。我元帥狗也似箇直人。在下老劉也不虛。若有一些兒不實。我就是繁養的。〔正末云〕此事一莊莊都是實。〔劉君期云〕你這箇老兒。我恰纔賂了這等大誓。若有虛情。我再賂一箇大大的呢。我就是癩頭龜養的。〔正末怒科〕〔云〕兀那老匹夫。我非私來。奉命着我體問這一件事。你三人招詞已定了。跟的我回朝。見聖人去來。〔劉君期云〕好說好說。我跟你回朝去。弄了老性命不是耍。我則不去。〔潘太師云〕這箇老丞相。我恰纔關你要來。你怎生說我招詞都已定了。跟你回朝去。自古道官憑文書。私憑約。就是我謀害了楊家父子。有何招狀。片紙隻字皆無。如何着我招認。〔正末云〕你的招詞。明明白白的。你還不認。推甚麼。〔潘太師云〕我在那裡供狀來。〔正末云〕你的招詞在這裡也。兀那和尚。拏他三人的招狀來。〔長老云〕有有有。招狀在此。〔潘太師云〕兀那和尚。我有甚麼招狀。〔正末云〕兀那和尚。你讀與他聽。〔長老云〕供狀人潘仁美。賀懷簡。劉君期。各年甲不等。請駕入幽州。折了四將。也是我來。我着楊令公父子三人。黑道日行兵。也是我來。攢箭射死楊七郎。也是我來。不發救兵。也是我來。逼楊令公撞李陵碑身死。也是我來。件件是實。並無虛捏。所供是

實。淳化五年十二月日。〔劉君期云〕好也。這和尚可也能哉。他一句句寫的明明白白的。早是我老劉不曾說甚麼欺心的事。太師。你一定替楊家父子償命去也。我還要看你出殯哩。〔正末云〕左右將這三箇匹夫。擧回東京去。謹謹密密牢固者。〔唱〕

〔梧葉兒〕你明明的供了招狀。我暗暗的細記取。一件件豈爲虛。他父子遭着毒害。全家兒受着困苦。你尙兀自强支吾。你可便趁早兒償他命去。〔潘太師云〕老丞相。我纔說要子來。便好道擊賊見賊。厮打見傷。休道我不曾射死楊七郎。便是我射死他呵。這七郎屍首在於何處。打箭的人在那裡。誰是證見。〔正末云〕中間裡怎生得箇證見來。可也好也。〔陳林柴敢冲上〕〔云〕喏。俺二人是證見。〔潘太師云〕可怎麼了也。〔正末云〕哦。既然你是證見。你說你那事因。〔陳林云〕丞相且息雷霆之怒。暫罷虎狼之威。俺兩箇一箇是陳林。一箇是柴敢。那一日潘太師與賀懷簡劉君期正飲酒中間。不想七郎將軍來問太師索取救軍。太師不與救軍。七郎言道。俺父親見在兩狼山虎口交牙。略受困遭危。你在這裡喜孜孜簪花飲酒。可正是幾處笙歌幾處愁。潘太師聽言道罷。心生惱怒。將七郎拏住。綁在花標樹上。要攢箭射死七郎。有賀懷簡劉君期助箭。射了一百單三箭。七十二箇透腔。射死了七郎。就着俺兩箇丟在河內。不往下流。返往上流。俺將那屍首埋在那第七棵柳樹底下。我說兀的做甚。告丞相與人做主。俺兩箇

從頭細數。見放着俺兩箇證見。這楊七郎委實的含冤負屈。〔正末云〕是實麼。〔陳林云〕並無虛詞。〔劉君期云〕哎約。俺可死也。〔正末云〕你今真賊實犯。有何理說。〔潘太師云〕老丞相可憐見。看我與你舊交之情。寬恕者。〔正末唱〕

〔醋葫蘆〕則因你奸讒僥倖。忒心毒。你謀害忠良。欺着聖主。今日箇犯法違條。休怨語。〔劉君期云〕老丞相。我們這一去。敢朝廷見怪麼。〔正末唱〕你少不的正罪遭誅。今日箇臨危試問你何如。〔賀懷簡云〕老丞相。我此一去。未知聖意如何也。〔劉君期云〕不妨事。

到的東京。一定丟了這顆顛頭也。砍便砍了頭罷。則把身子放在露天地裏。〔賀懷簡云〕爲何。

〔劉君期云〕等到六月裏大雨施行時。還長出來。那其間又做好漢。〔賀懷簡云〕也長不出來。〔正末云〕兀那從人。把這三箇匹夫。擎向東京。明正典刑。與楊家父子償命去來。〔唱〕

〔浪來裏煞〕當日箇中軍帳。擎住逆賊。今日在皈依寺。問出虛實。你將那忠臣良將。故賊謀。想着你按兵不舉。心更毒。〔劉君期云〕老丞相。你怎麼將就些。指與我箇活路罷。則這遭再不幹這等事了。〔正末唱〕便休想別尋箇生路。你少不的到東京血染錦征服。〔同下〕

第四折

〔八大王領卒子上〕〔八大王云〕虎視寰中四百州。英名赳赳鎮諸侯。手提勅賜黃金簡。專打奸臣佞子頭。某八大王是也。顏柰潘仁美無禮。他同賀懷簡劉君期在於邊庭。暗損害楊家父子。將楊七郎攢箭射死。不發救軍。老令公撞李陵碑身亡。郡馬楊景打出陣來。搦怨鼓告了御狀。却被雷廷幹所謀。爭些兒不害了楊景。被某金簡打死了雷廷幹。我着党彥進上邊庭。賺了他軍印。拏至皈依寺。後着寇萊公親到寺中。勘問明白。招詞已定。將他三箇匹夫。都下在刑部牢中。有聖人夜作一夢不祥。着苗士安圓夢。奏過聖人。明日要放郊天大赦。若放出這三箇逆賊來。久後楊景還落在他彀中。我如今喚將楊景來。與他計議。今晚教楊景就在牢中。將他三人到屍萬段。明早可來投首。豈不美哉。左右那裡。與我喚將楊景來者。〔卒子云〕理會的。楊景安在。〔正末云〕某楊景是也。自從峪口殺將出來。到京師搦怨鼓告御狀。被雷廷幹將某所害。被八大王金簡打死了。多蒙八大王做主。就着党彥進上邊庭。賺了牌印。將他三箇逆賊。拏到皈依寺中。後着寇萊公到寺中。勘問明白。將他三人下在刑部牢中。今有大王呼喚。須索走一遭去。想俺楊家父子。立下蓋世功勞。到今日落在這老匹夫彀中。是好傷感人也呵。〔唱〕

〔雙調新水令〕想着俺苦征惡戰靖邊疆。數十年領兵驅將。相持了數百陣。對壘到幾千場。今日箇父子身亡。啣冤屈怎承望。〔云〕可早來到也。令人報復去。道有楊

景來了也。〔卒子云〕理會的。報的大王得知。有楊景來了也。〔八大王云〕道有請。〔卒子云〕理會的。有請。〔正末做見科〕〔云〕大王。多蒙大王可憐見。雖將潘仁美等三箇老賊。拏在牢中。終不見箇了絕。望大王與楊景做主。將這三箇逆賊。剉屍萬段。以報父子之仇也。〔八大王云〕楊景。你還不知哩。如今要放大赦。有苗士安奏過聖人。明日早朝放赦。必然赦了他三箇也。〔正末云〕似此怎了也。〔做跪科〕〔云〕望大王與臣做主者。若赦了三箇逆賊。我父子之仇。何日得報也。〔八大王云〕我有一計。等我如今回王府之時。你便攔我馬頭告狀。我不准你的。你便苦苦的哀告。我亦是不准。你便向前扯住袍袖伸冤。我便大怒道。你怎敢扯住某袍袖。豈不聞臣扯住君衣。理合當死。我着左右人。將你送到刑部牢中。我再差人送帖子與獄卒。着他扶助着你。你將那三箇逆賊。殺斬由你。明日早朝放赦時分。你可挑着三顆首級投首來。你心下如何。〔正末拜科〕〔云〕多謝大王。小臣粉骨碎身。難報大王之恩也。〔唱〕

〔喬牌兒〕望大王做主張。明條律靜邊障。勦除逆賊誅奸黨。把芳名萬代揚。〔虛下〕〔八大王云〕左右。〔卒子云〕有。〔八大王云〕擺開頭搭。某回南清宮去也。〔卒子云〕理會的。〔做走科〕〔正末冲上〕〔攔住科〕〔云〕大王可憐見。小臣楊景。委的冤枉。望大王與臣做主者。〔八大王云〕兀那楊景。他三人是勢要之家。我難與你做主。再不許你來打攪。〔正末云〕望大王

可憐見。想我父子之仇。難以饒他。與臣做主者。〔八大王云〕兀那楊景。我不管你。明日早放赦哩。你若再來打擾。決無輕恕你也。〔正末唱〕

〔甜水令〕好教我痛苦無伸。冤仇難訴。殘生皆喪。將俺這父子兩人亡。想着俺東蕩西除。南征北討。驅兵領將。到做了伍子胥。困在丹陽。〔做扯袍袖科〕〔云〕大王與小臣做主者。若赦了三箇逆賊。我父子之命。着誰償也。〔八大王怒云〕兀那楊景。你好無禮也。怎敢扯住我袍袖。豈不聞臣扯君衣。理合當死。左右將楊景拿了。送到刑部牢中去。〔卒子云〕理會的。〔卒子做擊正末科〕〔正末唱〕

〔折桂令〕我今日苦哀哀無處聲揚。則我這負屈啣冤。受困遭傷。你道我犯上違顏。衝突儀仗。罪死相當。我可便一句句言明字朗。大王那裡惡眼眼意急心忙。說的我似醉如狂。心內慌張。今日俺這父子身亡。望大王仔細參詳。〔卒子擊

正末下〕〔八大王云〕左右與我喚將劉達來者。〔卒子云〕理會的。劉達安在。〔劉達上〕〔云〕煙塵寧四海。黎庶樂雍熙。幸遇昇平日。一統宋華夷。某乃劉達是也。想潘仁美陷害忠良。萬民懷恨。今有八大王呼喚。須索走一遭去。可早來到也。報復去。道有劉達來了也。〔卒子云〕理會的。喏。報的大王得知。有劉達來了也。〔八大王云〕着他過來。〔卒子云〕理會的。過去。〔劉達見科〕〔云〕

大王呼喚劉達。那廂使用。(八大王云)劉達。你將着某這箇紙帖兒。送與刑部尙書林迪去者。
〔劉達云〕得令。某出的門來。領着大王令旨。持着簡帖。見林尙書。走一遭去。只因潘美記私仇。楊
景啣冤甚日休。速離大王親領命。一封書簡訴情由。(下)(八大王云)劉達去了也。某無甚事。且
回南清宮去也。(下)(外扮林迪領祇候上)(云)幼習詩書苦用功。文章耿耿用辛勤。自從一舉
登虎榜。輔佐家邦理政刑。小官姓林名迪字景明。祖居京兆府人也。小官文如錦繡。字草龍蛇。掌
蕭曹法律。習顏孟文學。蒙聖人可憐。所除刑部尙書之職。近日有潘太師賀懷簡劉君期。陷害忠
良。如今已問成了也。今日無甚事。在此衙門中閑坐。看有甚麼人來。(劉達上)(云)某劉達是也。
奉大王令旨。持着書簡。見林尙書去。可早來到也。令人報復去。有箇八大王府中差人。來見大人。
〔祇候云〕理會的。報的大人得知。有八大王府中。一差人來見。(林迪云)着他過來。(祇候云)理
會的。過去。(劉達做見科)(云)大人。小人奉八大王令旨。來見大人。(林迪云)你此一來爲何。
〔劉達云〕小人。此一來不爲別。因爲楊景。乃柱石之臣。盡忠報國。不幸被潘仁美陷害。望大人察
情由施行。見有大王書簡在此。(做遞科)(林迪看書科)(云)書中意我盡知了也。你回去。(劉
達云)既知道了。我辭了大人。回大王話去也。爲楊景蓋世之功。潘仁美陷害英雄。勦除了奸臣
賊子。宋江山萬載興隆。(下)(林迪云)令人喚江廉。拿出潘仁美賀懷簡劉君期來者。(祇候云)

理會的。江廉安在。大人着你拏出潘仁美賀懷簡劉君期來者。〔江廉同孟德上〕〔江廉云〕手搭無情棒。懷揣滴淚錢。曉行狼虎路。夜伴死屍眠。自家江廉的便是。這箇是孟德。在這刑部裏。做着箇牢頭。奉大人的命。將潘仁美賀懷簡劉君期。囚在牢中。每日上匣。有尙書林迪親問這莊事。聽知的明日放赦。若赦了這三箇逆賊。楊家這冤仇幾時報的。昨夜晚間。我與孟德兄弟。將那三箇逆賊。抬上匣床。把他頭髮拴在將軍柱上。上了滾肚索。用了些刑法。着我們擺布了一夜。今日大人呼喚。兀那潘太師賀懷簡劉君期。大人喚你哩。行動些。〔潘仁美賀懷簡劉君期帶刑法上〕〔潘仁美云〕一身枷鎖居牢獄。怎免今朝目下災。某潘仁美是也。這兩箇是賀懷簡劉君期。因俺與楊景有仇。我攢箭射死楊七郎。今有楊景告俺三人。拏在牢中。今有聖人開詔放赦。林大人喚俺。俺須索見他去來。〔孟德云〕三位老大兒。俺大人喚你哩。〔做見林迪科〕〔潘仁美云〕林大人。俺三人來了也。有甚麼說話。〔林迪云〕兀那潘太師。你當日怎生攢箭射死楊七郎來。你與他有甚麼仇恨。〔潘仁美云〕林大人你不知。我爲下河東之時。那楊令公射了我一箭。有此冤仇。所以懷恨在心。要殺他父子們來。〔林迪云〕這一莊事。你差了也。既有聖人的命。〔背云〕又有八大王令旨。江廉孟德附耳來。可是這般恁的。〔江廉云〕理會的。〔林迪云〕你兩箇好生用心看守。我回去也。潘太師害却賢良。楊令公屈死啣冤。既然有八大王令旨。到明日便見根源。〔下〕〔孟德云〕

江廉哥。大人回宅中去了。天色晚了也。俺如今將他三箇收了監。上了些刑法。〔江廉云〕你說的。是三位大人。天色晚了。我如今收監也。一了說上命遣差。皆不由己。你受刑法。則上了匣床。把這頭髮。拴在將軍柱上。上了滾肚索。停當了也。俺歇息者。〔正末同劉達上〕〔劉達云〕將軍。此是八大王的令旨。你小心在意。我喚這牢門者。〔做叫門科〕〔云〕開門。〔江廉云〕是誰喚門。我開了這門。〔見正末劉達科〕〔劉達云〕江廉休大驚小怪。有大王令旨在此。〔江廉云〕我知道。〔劉達云〕關上門。將軍。這不是那三箇賊臣。你今日可報了冤仇也。〔正末云〕我知道了也。〔潘仁美云〕楊景。你來做甚麼。〔正末唱〕

〔落梅風〕這匹夫無公當。暗將咱父子傷。到今日怎生輕放。將奸臣必分屍刀下。亡。趁不了我滿懷惆悵。〔劉達云〕二更一點了也。你不下手。等甚。我撮補你。〔正末云〕我和這老匹夫。說出甚麼來。我殺這老賊者。〔潘仁美云〕楊將軍恕罪。我在你跟前也不曾有歹心。〔正末做殺科〕〔云〕我殺了這三箇逆賊也。〔三人同下〕〔唱〕

〔攪箏琶〕今日箇心舒暢。無語自參詳。斬了這佞子奸臣。我可也如蛇似狼。報冤恨。趁心腸。仰望穹蒼。悲傷。怎着他將元戎金印掌。損滅俺忠良。〔云〕俺提着首級。投首去來。〔同下〕〔劉達云〕五更一點了。我關了牢門。放出楊景。投首去了。我回俺大人話去。

也。〔下〕〔殿頭官引祇候上〕〔云〕奉勅傳宣出禁圍。天香拂拂惹朝衣。丹心一點持忠孝。近侍龍顏在鳳池。小官殿頭官是也。有潘仁美同賀懷簡劉君期。不合在邊庭上暗損傷楊家父子。有楊景打出陣來。告了御狀。今將潘仁美等三人。拏在刑部牢中。小官奉命。要救他三人。無計可施。詐言主上夜夢不祥。令司天監官苗士安圓其夢曰。此夢主赦可解。我今故放郊天大赦。正意的則要赦他三人。今日早行頒詔。想他三人。已經赦宥。他必然來見某也。令人門首看者。但有投首的。不許攔當。疾便放他入來。〔祇候云〕理會的。〔八大王云〕某八大王是也。今日放赦。我見大人去來。可早來到也。祇從人報復去。說某來了也。〔祇候云〕理會的。報的大人得知。有八大王來了也。〔殿頭官云〕道有請。〔祇候云〕理會的。有請。〔八大王見科〕〔云〕大人。今日放赦。看有甚麼人來。〔正末提三顆首級上〕〔云〕某楊景是也。被某昨夜將潘仁美等三箇逆賊殺壞了。今來投首。可早來到也。祇從人報復去。道有投首的來見。〔祇候云〕理會的。報的大人得知。有投首的來見大人。〔殿頭官云〕着他過來。〔祇候云〕理會的。着過去。〔正末見科〕〔殿頭官云〕兀那廝。你殺的是何人。你來投首。〔正末云〕大人。小人楊景。殺者是潘仁美賀懷簡劉君期三箇逆賊。特來投首。〔殿頭官云〕噯。某今放赦。正意的則爲他三人來。不想被這小賊先殺了也。令人與我將楊景斬訖報來。〔祇候云〕理會的。〔八大王云〕住者。休拏楊景。有赦。〔開詔云〕奉天承運大宋詔曰。邇者

邊方寧謐。海宇清安。天降禎祥。地生賢哲。聊茲感上之誠。須肇恤下之典。天下有土之民。罪無大小。有無發露。流斬以上。笞杖以下。租稅課徵等。盡皆蠲免。故茲詔示。咸使知聞。詔內另一款。則赦活的。不赦死的。〔正末唱〕

〔沽美酒〕想當日領天兵。臨戰場。剿番虜。靖邊疆。則被這潘仁美奸讒心似狼。他將俺一家兒害傷。父子每盡遭殃。

〔太平令〕幸逢這寬洪海量。寇萊公智略無雙。賺出了奸回情狀。明證了冤仇形像。我這裡急忙拜揚大王。多謝了仁慈皇上。〔八大王云〕楊景望闕跪者。聽我下斷。因宋朝馬壯人強。統三軍展土開疆。潘仁美私懷仇恨。黑道日統發兒郎。因令公交牙峪口。楊七郎攢箭身亡。老令公撞碑而死。楊六郎告訴衷腸。開朝命欲行大赦。寇萊公心上參詳。虧了某略施小計。斬三人首級該償。正赦着犯人楊景。排筵宴滿捧瑤觴。萬萬載皇基永固。一齊的拜謝吾皇。

題目 楊六郎報讐雪冤恨

正名 八大王開詔救忠臣

開詔救忠穿關

頭折

韓延壽 狐帽 膝襴曳撒 帶劍 三髯髯 番卒子 練垂帽 虎兒斑丟袖 刀 土金宿 練垂帽 皮

皮條茄 刀 殿頭官 兔兒角幘頭 補子 八大王 兔兒角幘頭 補子 圓領 卒子 紅碗子盔 青布釘兒甲

褶膊 劍 潘太師 多簷帽 蟒衣曳撒 袍 項帕 賀懷簡 皮多簷帽 膝襴曳撒 掩心 劍 劉

君期 皮盔 膝襴曳撒 掩心甲 劍 陳林 柴敢 贊頂 藍曳撒 項 卒子 同呼延贊 鐵幘

蟒衣曳撒 袍 項帕 直纏 楊令公 多簷帽 蟒衣曳撒 袍 項帕 正末楊景 三山

褶膊 帶 猛髯 竹節鞭 楊令公 直纏 蟒衣曳撒 帶 帶劍 蒼白髯 正末楊景 帽

第二折

土金宿 番卒子 同 正末楊景 楊令公 七郎 卒子 土金宿 番卒子 同 土金宿 又

上 正末楊景 七郎 又 上前

楔子

楊令公正末楊景楊七郎同前潘太師賀懷簡劉君期陳林柴敢楊七郎又上

同前正末楊景又上楊七郎又上楊令公又上同前韓延壽韓延壽又上正末楊

景又上同前

第三折

潘太師賀懷簡劉君期卒子同前党彥進鐵幘頭 膝襴曳撒 袍 項帕 長老 僧帽

數珠潘太師賀懷簡劉君期又上同前正末寇萊公同前殿長老又上陳林柴敢

同前

第四折


八大王卒子正末楊景正末楊景又上同前劉達攢頂 圍領 祇候 同前劉達又

上同前江廉孟德同前潘仁美小帽 手帕 藍曳撒 綿 賀懷簡 手帕 青直身 劉

劉達 布氈 三髯髯 帶刑法 綿布氈 帶刑法 劉

君期紗包頭
綿布冠藍直身帶刑法正末楊景劉達殿頭官祇候八大王又上前

乙卯七月十一日校內本清常道人



焦光贊活拏蕭天佑

闕名

頭折

〔冲末扮韓延壽領卒子上〕〔云〕敢勇番官勝虎彪。黃金甲襯錦貂裘。皂鵬旗抹排成陣。隊隊軍行似水流。某乃番將韓延壽是也。生居塞北。長在番邦。駝馬成羣。牛羊遍野。某手下兒郎百萬。番將千員。人人擐甲相持。箇箇排兵列陣。方今大宋國朝。名將極多。惟有六郎楊景。驍勇難敵。英雄好漢。鎮守着瓦橋三關。他手下人強馬壯。俺這裡有一人。是賀驢兒。改名是王欽若。入中原爲細作。若是得志。裏應外合。務要收伏了中原。誰想此人到於大宋。果然得志。官拜樞密之職。貪戀中華富貴。忘却契丹之恩。更待干罷。我如今差細作持書。直至京師。見王樞密去。看他有何機見。某隨後差小番下將戰書去。單搦名將出馬。必然是楊景領兵。來與某交戰。把楊景賺入三關。調百萬番兵。困在垓心。必然擒拏了楊景。方稱某之願矣。番兵百萬統貔貅。兒郎奮勇敢爭籌。交鋒此陣擒楊景。大宋疆封一鼓收。〔外扮八大王領卒子上〕〔云〕兩朵肩花擎日月。一雙袍袖整乾坤。世間誰是王都管。半由天子半由臣。某乃八大王是也。方今大宋疆封。聖人治世。文武忠良。赤心報國。今有塞北韓延壽。下將戰書來。單搦大宋國名將出馬。某奉聖人的命。選將興兵。某今在此。

相府中。請衆官來商議。小校喚將寇萊公來者。〔卒子云〕理會的。寇萊公大人安在。〔外扮寇萊公上〕〔云〕曾受寒窗十載勞。烏紗象簡紫羅袍。身榮顯耀居官位。報國堅心立聖朝。老夫姓寇名準字平仲。幼習儒業。頗看詩書。一舉狀元及第。隨朝數載。頗有政聲。謝聖恩可憐。加老夫萊國公之職。令人來報八大王呼喚。不知有甚事。須索走一遭去。可早來到也。小校報復去。道有寇萊公來了也。〔卒子云〕理會的。喏。報的大王得知。有寇萊公來了也。〔八大王云〕道有請。〔卒子云〕理會的。有請。〔做見科〕〔寇萊公云〕大王呼喚寇準。有何事也。〔八大王云〕寇萊公。請你來有事商議。小校與我請將王樞密來者。〔卒子云〕理會的。王樞密大人安在。〔淨扮王樞密上〕〔云〕我做樞密諸般妙。通曉六韜并三略。平生諂佞逞奸滑。則我是瞞心昧己王欽若。小官乃王欽若是也。官拜樞密之職。這裡也無人。我原本是北番韓延壽麾下人。我自幼小讀書。口能舌辯。入京師爲細作。臨行之時。曾有誓願。我若得志。裏應外合。必然要取了京師。誰想楊六郎一家兒好漢。十分英雄。人強馬壯。鎮守着瓦橋三關。如今下將戰書來。單搦名將出馬。他又差細作人怪將來。爭奈沒計可施。八大王着令人來呼喚。須索走一遭去。可早來到也。小校報復去。道有王樞密來了也。〔卒子云〕理會的。喏。報的大王得知。有王樞密來了也。〔八大王云〕道有請。〔卒子云〕理會的。有請。〔做見科〕〔王樞密云〕大王呼喚王樞密有何事。〔八大王云〕王樞密。請你來有軍情事商

議。小校請將太尉党彥進來者。〔卒子云〕理會的。党太尉大人安在。〔正末扮党彥進上〕〔云〕某乃党彥進是也。官封太尉之職。正在演武場中。操兵練士。有八大王呼喚。不知有甚事。須索走一遭去。想俺宋朝聖祖。立起錦片江山。非同小可也呵。〔唱〕

〔仙呂點絳脣〕想着俺聖祖開基。統軍出力。到陳橋驛。兵變心機。那其間一統歸仁德。

〔混江龍〕賢臣每輔安天地。堅心竭力志金石。一來是吾皇仁聖。則俺這文武忠直。都則爲納表稱臣能遜禮。稱尊道寡善垂衣。見如今四海民歡會。則願的八方無事。更和那萬國來儀。〔云〕可早來到也。小校報復去。道有党彥進來了也。〔卒子云〕理會的。喏。報的大王得知。有党彥進來了也。〔八大王云〕道有請。〔卒子云〕理會的。有請。〔見科〕〔正末云〕大王今日呼喚某有何事。〔八大王云〕党彥進。喚你來不爲別。今有北番韓延壽。下將戰書來。單搦宋朝名將出馬。今請將您衆將來商議。便整搦軍馬。征伐賊寇。走一遭去。〔正末云〕大王。便好道軍來將敵。水來土堰。當以興兵征伐賊寇也。〔寇萊公云〕党彥進說的是。論此匈奴。好生無禮也。〔正末唱〕

〔油葫蘆〕見如今賊寇臨邊尋對壘。喏須索親戰敵。那厮也欺天罔上用心機。

〔八大王云〕這番兵浩大。好生勇猛也。〔正末唱〕也須是鼠竊狗盜成何濟。怎如俺攀鱗附翼英雄輩。〔八大王云〕北番軍馬浩大。十分英雄難敵也。〔正末唱〕者莫他軍校多將帥威。俺這裡英雄將虎多才智。怕甚麼賊寇犯邊陲。〔王樞密云〕大王在上。我王樞密不敢多言。論行兵有甚麼好處。但行兵便是損兵折將。不如講和爲上。我是忠言。若說差了。我喫蜜蜂兒屎。〔寇萊公云〕王樞密。你說差了。賊寇犯邊。當以與他拒敵。俺爲臣子。竭力盡忠。焉得坐觀成敗也。〔正末唱〕

〔天下樂〕俺怎做的避箭畏刀。趨是非。見吃着堂也波食。啗須索出些氣力。〔王樞密云〕我說的忠直言語。怕我有甚麼歹心。〔正末背科〕〔唱〕你是箇欺心壞法。陋面賊。〔王樞密云〕論我的文武本事。輔安宋朝。那箇似的我。〔正末唱〕你文不能立宋朝。武不能安社稷。怎知道輔安天地理。〔八大王云〕寇萊公。可選那一員將軍。與韓延壽交戰去。〔寇萊公云〕大王。這一場征戰。則除是楊景。可與韓延壽拒敵。必然取勝也。〔八大王云〕楊景在於何處。〔寇萊公云〕楊景在於瓦橋三關鎮守哩。〔八大王云〕便差人直至三關。取將楊景來。征伐賊寇。〔王樞密云〕大王。不可以去。想韓延壽好生英勇。兵多將廣。量那楊景。到的那裡。則怕損兵折將。枉教北番韓延壽笑話。你這幾箇奸佞之人壞事。豈是忠臣也。〔正末云〕王樞密。你說的差

了也。〔王樞密云〕我怎麼說差了也。〔正末唱〕

〔那吒令〕憑着這党彥進安邦定國。若論着這寇萊公據誠盡禮。〔王樞密云〕量那楊景。怎麼贏的韓延壽也。〔正末唱〕則這箇楊郡馬觀妖氛淨洗。〔王樞密云〕我不是騙你老子驢嘴。我的忠心。誰人似的我也。〔正末唱〕誰不知諂佞人是你一箇王樞密。你如今扭是爲非。〔王樞密云〕阿彌陀佛。我若扭是爲非。我家養着好驢好馬哩。〔正末唱〕

〔鵲踏枝〕你從來不真實。負心賊。〔王樞密云〕罵我是負心賊。桂英是王魁負了心來。你怎麼賴我。〔正末唱〕你這般昧地瞞天。諂佞奸僻。〔八大王云〕某則今日奏知聖人。遣寇萊公直至瓦橋三關上。取楊景回朝。領兵收捕番賊也。〔寇萊公云〕老夫不避驅馳。親上瓦橋三關。走一遭去。〔正末唱〕你如今上三關傳宣奉勅。不枉了盡忠心變理鹽梅。〔王樞密云〕便好道忠言逆耳。你若有些差遲。休道我不曾勸你。〔八大王云〕寇萊公。某則今日奏知聖人。你便上三關。着楊景征伐賊寇去。不可遲慢也。〔寇萊公云〕老夫理會的。〔正末唱〕

〔寄生草〕你如今傳宣命莫怠遲。你端的忠肝義膽施仁義。更那堪堅剛節操無私弊。眞乃是存誠守分將江山立。你是那調和鼎鼐廟堂臣。扶危救困安邦器。〔八大王云〕您衆臣宰。則今日跟着某。見聖人走一遭去。〔正末云〕俺衆將跟隨大王。走一遭去。

〔王樞密云〕大王不必取楊景。枉自損兵折將。不如和議爲上。免惹刀兵。〔八大王云〕噯。王樞密靠後。勿得多言。〔王樞密云〕誰曾開口來。〔寇萊公云〕大王奏知聖人。老夫便到瓦橋三關。取楊景統領本部下人馬。征伐賊寇。未爲晚矣。〔正末唱〕

〔尾聲〕你如今親上瓦橋關。你可也不索心遲滯。你可也無明夜登山渡水。〔寇萊公云〕楊景憑手下將士。馬到成功。觀賊兵一鼓而下也。〔正末唱〕則這箇楊郡馬英雄奪第一。端的是四海無及。俺如今託皇威洪福天齊。則他這楊景英名天下知。馬到處賊兵頓息。死無那葬身之地。則要你鞭敲金鐙早些回。〔下〕〔八大王云〕寇萊公。你不避驅馳。便索長行。直至瓦橋三關。傳與楊景。着他掛印爲帥。若破了番兵。自有封官賜賞。〔寇萊公云〕理會的。則今日辭別了大王。便索長行。我出的這門來。不敢久停久住。便索上瓦橋三關。取楊景走一遭去。休把山遙取次看。迢迢豈避受風寒。不分星夜登途路。親身直至瓦橋關。〔下〕〔八大王云〕寇萊公去了也。您衆官員跟着某。回聖人話。走一遭去。醜虜侵邊。統士卒。驅兵選將出皇都。與師掛印擒番將。除非楊景破匈奴。〔同下〕

第二折

〔外扮楊景領卒子上〕〔云〕勇鎮三關顯志酬。遼兵不敢犯白溝。父兄因爲行忠孝。勅賜清風無

佞樓。某姓楊名景字彥朗。父乃金刀教首楊令公。所生俺弟兄七人。乃是平定光輝。昭朗。父子八人。弟兄七箇。於國盡忠。赤心報國。俺父親征伐韓延壽。被番兵賺入兩狼山虎口交牙峪。不能得脫。撞李陵碑身亡。某統雄兵數萬。鎮守瓦橋三關。殺番兵不敢正目而視之。某手下有二十四箇指揮使。威鎮邊關。聽知的韓延壽下將戰書來。單搦大宋名將出馬。某欲待統兵征伐。未得聖命。不敢自尊。某差排軍岳勝巡邊境去了。不見回還。小校轅門首覲者。若有軍情事。報復某知道。〔卒子云〕理會的。〔寇萊公上〕〔云〕老夫寇萊公是也。自離了京師。可早來到瓦橋三關也。小校報復去。道有寇萊公奉聖人命至此也。〔卒子云〕理會的。喏。報的元帥得知。有寇萊公奉命至此也。〔楊景云〕小校裝香來。某接待大人去者。〔做見科〕〔楊景云〕大人有請。有請。〔寇萊公云〕楊景望闕跪者。聽聖人的命。〔楊景做跪科〕〔寇萊公云〕楊景。今有塞北韓延壽下將戰書來。單搦大宋名將出馬。衆官員舉薦你統兵征伐。掛印爲帥。若破了番兵。自有封官賜賞。望闕謝了恩者。〔楊景云〕感謝聖恩。令人一壁廂臥番羊安排筵會。大人。楊景手下有數員名將。可同某征伐賊兵。大人意下如何。〔寇萊公云〕可矣可矣。請衆位將軍來相見者。〔楊景云〕理會的。小校喚李瑜來者。〔卒子云〕理會的。李將軍安在。〔外扮李瑜上〕〔云〕虎略龍韜氣象新。征袍籠罩虎軀身。扶持社稷忠良將。安邦定國大將軍。某乃李瑜是也。佐於六郎楊景麾下爲將。小校來報。說有寇萊

公大人到此。今有六郎哥哥呼喚。不知有甚事。須索走一遭去。可早來到也。小校報復去。道有李
瑜來了也。〔卒子云〕理會的。喏。報的元帥得知。有李瑜來了也。〔楊景云〕着他過來。〔卒子云〕理會
的。過去。〔李瑜見科〕〔云〕哥也。喚您兄弟有何將令。〔楊景云〕且一壁有者。小校喚張蓋來者。
〔卒子云〕理會的。張蓋安在。〔外扮張蓋上〕〔云〕久鎮邊關。氣勢雄。人人敢勇逞威風。臨軍顯耀
施英勇。廝殺相持建大功。某乃張蓋是也。在此瓦橋三關爲指揮使。今佐於楊六郎哥哥麾下。爲
將。正在演武場中。小校來報。六郎哥哥呼喚。不知有甚事。須索走一遭去。可早來到也。小校報復
去。道有張蓋來了也。〔卒子云〕理會的。報的元帥得知。有張蓋來了也。〔楊景云〕着他過來。〔卒子
云〕理會的。過去。〔張蓋見科〕〔云〕哥喚您兄弟有何將令。〔楊景云〕且一壁有者。小校喚將孟
良來者。〔卒子云〕理會的。孟良安在。〔外扮孟良上〕〔云〕心粗膽大。世無雙。旗開出馬敢承當。
手持月樣宣花斧。敢戰番兵號孟良。某乃孟良是也。幼小間武藝滑熟。使一柄宣花斧。萬夫不當
之勇。正在教場中操兵練士。小校來報。六郎哥哥呼喚。說有使命大人至此也。不知有甚事。須索
走一遭去。可早來到也。小校報復去。道有孟良來了也。〔卒子云〕理會的。喏。報的元帥得知。有孟
良來了也。〔楊景云〕着他過來。〔卒子云〕理會的。過去。〔孟良見科〕〔云〕哥喚您兄弟有何將令。
〔楊景云〕孟良。喚你來有軍情事。且一壁有者。小校喚焦贊來者。〔卒子云〕理會的。焦贊將軍安

在〔正末扮焦贊上〕〔云〕某乃魚眼司公焦贊是也。恰纔巡邊境已回。有楊景哥呼喚。不知有甚事。須索走一遭去。想俺這弟兄每。在此操軍練士。鎮守邊關。非同容易也呵。〔唱〕

〔正宮端正好〕每日家練士卒驅軍校。想着俺弟兄情結義英豪。俺端的相持厮殺偏能好。一箇箇武藝天生妙。

〔滾綉毬〕俺如今鎮三關在瓦橋。立功勳扶宋朝。誰敢道半星兒違拗。俺端的無明夜掙劍磨刀。出來的壯氣雄武藝高。真乃是定邊塵那些兒不到。則我這性剛強不採分毫。我可也殺人放火偏能慣。拽象拖犀氣力高。端的是英勇難學。〔云〕可早來到也。小校報復去。道有焦贊來了也。〔卒子云〕理會的。喏。報的元帥得知。有焦贊來了也。〔楊景云〕着他過來。〔卒子云〕理會的。過去。〔正末見科〕〔云〕哥也。喚焦贊來那廂使用。

〔寇萊公云〕楊郡馬。看了焦贊是一員好將軍也。〔正末云〕哥那裡征伐。您兄弟走一遭去。〔楊景云〕焦贊。你近前來。今有北番韓延壽。統領大兵。單搦宋朝名將出馬。今寇萊公大人。奉聖人的命。着俺衆將。征伐韓延壽去。喚您衆將來商議。〔正末云〕這番賊好是無禮也。〔唱〕

〔倘秀才〕那厮他施僥倖堅心兒戰討。你看我憑武藝將賊兵盡剿。我可也頗奈匈奴膽氣高。我和他纔相見怎耽饒。我則待施逞些躁暴。〔楊景云〕衆兄弟。俺若

統兵與他拒敵。你可是敢去麼。〔正末云〕哥哥。你說的差了也。憑着俺衆將。量那番賊到的那裡也。〔唱〕

〔呆骨朵〕則我這性剛強引鬪的心生躁。甚的是善與人交。將那厮活捉活拏。也是他合當命夭。將我這大桿刀頭上劈。更和這夾鋼斧身邊落。着那厮滾殘生。目下亡。我教他片時間怎地逃。〔孟良云〕哥哥放心。俺弟兄每各領人馬。跟隨哥哥擒拏

韓延壽去。有何難哉。〔楊景云〕到來日調遣三軍。同共擒拏匈奴。有何不可也。〔寇萊公云〕衆位將軍。那塞北韓延壽。有雄兵百萬。戰將千員。此人好生英勇也。〔正末云〕大人。憑俺哥哥楊景智謀。衆將英勇。量那番賊到的那裡也。〔唱〕

〔脫布衫〕則我這旗開處戰馬咆哮。韓延壽膽喪魂消。憑智謀威伏四海。仗英雄力誅邪虐。

〔小梁州〕我和那胡虜賊兵相陣交。登時間命喪荒郊。〔楊景云〕焦贊。那番賊侵犯邊境。更待干罷也。〔正末唱〕惱的我心中有似熱油澆。恨那厮多姦盜。你看我施展虎狼腰。〔張蓋云〕俺衆將跟隨哥哥。與賊將交戰。必然得勝也。〔正末唱〕

〔么篇〕他是箇無端疥犬何須道。欺負俺宋朝家將老。兵驕。也不誇焦贊能。且

休說番兵弱。俺若是軍分五哨。敢教他一戰命難逃。〔楊景云〕焦贊。你不必遲慢。便去點就精兵。跟某征伐韓延壽。走一遭去。則要你竭力建功也。〔正末云〕哥哥但放心也。〔唱〕

〔尾聲〕則這箇英雄焦贊。天生惡。我觀那草寇賊徒怎的饒。我直着殺氣騰騰。暗碧霄。秋水鑼鳴不住敲。試看英雄膽氣高。我教那醜虜腥羶命怎熬。我直殺的頓首投降未爲了。〔下〕〔寇萊公云〕楊將軍。老夫不敢久留於此。便索回聖人話去也。〔楊

景云〕大人喫了筵席去。〔寇萊公云〕將軍不必喫筵席了。便索酌別。令人將馬來。某不敢久停久住。則今日回京。同八大王見聖人。走一遭去。速離三關疾便行。驛路緊驟盼神京。楊景驅兵擒虜寇。親身赴命便回程。〔下〕〔楊景云〕大人去了也。李瑜。你領本部下人馬。左哨行軍。小心在意者。〔李瑜云〕得令。則今日點就本部下人馬。擒拏番賊。走一遭去。疾忙傳令踐塵埃。軍馬成行應翅排。擒拏番將韓延壽。放心不殺賊兵誓不來。〔下〕〔楊景云〕張蓋。你領本部下人馬。右哨行軍。小心在意者。〔張蓋云〕得令。不敢久停久住。統領本部下人馬。右哨行兵。與韓延壽交兵。走一遭去。前排軍校列雄兵。劍戟槍刀擺數層。全憑智勇施三略。馬踐番賊如土平。〔下〕〔楊景云〕孟良。你領本部下人馬。爲前部先鋒。擒拏番將。則待你得勝而回。小心在意者。〔孟良云〕得令。奉哥哥將令。統領人馬。爲前部先鋒。擒拏番賊。走一遭去。聽言說罷氣昂昂。孟良今日顯高強。休誇大將

韓延壽難比坡前楚霸王。〔下〕〔楊景云〕衆將去了也。某統領大兵。則今日拔寨起營。擒拏韓延壽。走一遭去。對陣排兵列戰場。番兵箇箇盡皆亡。統領雄師擒虜寇。堅心報國鎮邊疆。〔下〕

第三折

〔韓延壽領卒子上〕〔云〕某乃大將韓延壽是也。自從下將戰書去。單搦大宋名將出馬。果然是楊景領兵前來。量他到的那裡。小番與我喚將耶律灰來者。〔卒子云〕理會的。耶律灰安在。〔淨扮耶律灰上〕〔云〕我做將軍曉戰討。不好騎馬則是跑。一年四季不害眼。六月裏不曾脫皮襖。某乃番將耶律灰是也。今佐於韓延壽麾下爲將。我正在帳房裏咽骨頭。小番來報。元帥呼喚。不知有甚事。須索走一遭去。可早來到也。小番報復去。道有耶律灰來了也。〔番卒子云〕理會的。報的元帥得知。有耶律灰來了也。〔韓延壽云〕着他過來。〔番卒子云〕理會的。着過去。〔做見科〕〔耶律灰云〕元帥呼喚耶律灰那廂使用。〔韓延壽云〕且一壁有者。小番喚將耶律馬來者。〔番卒子云〕理會的。耶律馬安在。〔淨扮耶律馬上〕〔云〕我乃大將耶律馬。廝殺相持則當耍。若還大宋拏住我。不是踢來就是打。某乃韓延壽手下大將耶律馬是也。正在帳房背後踢飛脚。小番來報。元帥呼喚。不知有甚麼勾當。須索走一遭去。可早來到也。小番報復去。道有耶律馬來了也。〔番卒子云〕理會的。報的元帥得知。有耶律馬來了也。〔韓延壽云〕着他過來。〔番卒子云〕理會

的過去。〔做見科〕〔耶律馬云〕那顏喚我來。那廂使用。〔韓延壽云〕你且一壁有者。小番喚將蕭天佑來者。〔番卒子云〕理會的。蕭天佑安在。〔外扮蕭天佑上〕〔云〕虎將雄威列戰場。雕弓短箭共刀槍。元帥中軍傳將令。帳下兒郎箇箇強。某乃番邦大將蕭天佑是也。十八般武藝。無有不拈。無有不會。騎的劣馬。拽的硬弓。某正在山坡直下操練兒郎。打圍獵射。小番來報。元帥呼喚。須索走一遭去。可早來到也。小番報復去。道有蕭天佑來了也。〔番卒子云〕理會的。報的元帥得知。有蕭天佑來了也。〔韓延壽云〕着他過來。〔番卒子云〕理會的。過去。〔做見科〕〔蕭天佑云〕元帥呼喚蕭天佑。有何將令。〔韓延壽云〕喚您衆將來別無甚事。我差小番下將戰書去。單搦大宋名將出馬。如今楊六兒領兵前來。與俺相持。量他何須道哉。蕭天佑。撥與你三萬人馬。你爲前部先鋒。耶律灰耶律馬爲左右二哨。各人領一萬人馬。此一去。則要您得勝回還。小心在意。若是擒拿了楊六兒。重賞封官。你衆將不可延遲。則今日便索長行。〔蕭天佑云〕得令。奉元帥將令。統領三萬人馬。與楊六兒交鋒。走一遭去。大小番兵。聽吾將令。三通鼓罷。拔寨起營。但犯違令者。必當斬首。大小兒郎。箇箇強。鋼叉鉞斧共刀槍。番兵敢勇如熊虎。活拏三關楊六郎。〔下〕〔韓延壽云〕耶律灰。你便索領兵長行。則要你小心在意者。〔耶律灰云〕得令。則今日統領番兵。擒拏楊六兒。走一遭去。也不索顯耀機謀。安排着弩門速門。楊六兒若還來趕。跟着我准備牙不。〔下〕〔韓延壽云〕

耶律馬。你不可久停久住。便索領兵長行。若擒拏了楊六兒。自有重賞封官。〔耶律馬云〕得令。則今日統領番兵。擒拏楊六兒。走一遭去。若論我排軍布陣。我和他當面言定。兩陣上若有高低。楊六兒替我償命。〔下〕〔韓延壽云〕衆將去了也。憑着俺番兵勢大。必然擒拏了楊六兒。方稱某平生之願也。雄赳赳數員番將。一箇箇英雄膽量。楊六郎命在邊巡。若拏住決無輕放。〔下〕〔正末扮焦贊同楊景孟良領卒子踰馬兒上〕〔楊景云〕大小三軍。擺開陣勢者。〔正末云〕看了俺這三軍。端的是英雄也呵。〔唱〕

〔越調鬪鶴鶉〕俺這裡將勇兵強。真乃是爬山越嶺。一箇箇掛劍懸鞭。都待要安邊定境。你看這旗幟飄揚。我將這戈矛再整。俺這裡將士雄武。藝能明晃晃。鎧甲千層。光輝輝寒波萬頃。〔楊景云〕你看那騰騰殺氣。瀟瀟征雲。俺衆將端的是好英雄也。〔正末唱〕

〔紫花兒序〕昏鄧鄧一天殺氣。冷颼颼滿目寒風。鬧垓垓將士猙獰。則我這精神抖擻。膽氣英能。更和這武藝精通。你看這虎士雄兵前後擁。我教那韓延壽立如癡掙。則我這虎將威風。膽氣偏增。〔孟良云〕大小三軍。擺開陣勢。兀那遠遠的不是番兵來了也。〔楊景云〕三軍擺布的嚴整者。〔蕭天佑同耶律馬領卒子踰馬兒上〕〔蕭

天佑云：大小三軍擺開陣勢。兀的不是宋朝人馬來也。〔楊景云：兀那來的番賊。你何不通名顯姓。〕蕭天佑云：某乃北番大將蕭天佑是也。這兩箇是耶律灰耶律馬。你道三箇是誰。〔楊景云：某乃大宋名將楊景是也。這兩箇將軍是孟良焦贊。〕〔耶律灰云：老子也。怎麼走將他三箇來了。我則心跳上來了。〕蕭天佑云：兀那楊景。量你到的那裡。怎敢與某拒敵。〔孟良云：這野奴好生無禮也。〕〔正末云：想這匈奴好是無禮也。〕〔唱〕

〔金蕉葉〕我見他氣昂昂威風自逞。雄赳赳施逞些氣性。使不着你叫吖吖尋蹤覓影。你看我兩陣前生情見景。〔耶律馬云：你敢與我相持麼。〕〔楊景云：三軍擺布的嚴整着。〕〔正末云：小校操鼓來。〕蕭天佑云：量你到的那裡也。〔混戰科〕〔正末唱〕

〔調笑令〕征鼙又亂鳴不絕聲。我這裡縱馬橫槍膽氣生。料應來我手裏難逃命。片時間魄散魂驚。量這箇腥羶虜賊尋鬪爭。命懸似風裏殘燈。〔楊景云：着這野奴吃吾一槍。〕〔做槍刺耶律灰科〕〔耶律灰云：我死也。〕〔下〕〔蕭天佑云：被楊景一槍刺死耶律灰也。可怎了。〕〔耶律馬云：眼見的尋着我也。〕〔楊景云：休教走了番賊也。〕〔孟良云：得令。大小三軍圍住者。〕〔正末唱〕

〔禿厮兒〕施逞起威風氣性。刀過處一片寒冰。我觀這無徒逆賊似水上萍。蕭

天佑命將傾。送了這殘生。〔做活拏蕭天佑科〕「云」小校執縛住者。〔做綁科〕「蕭天佑云」怎了也。〔耶律馬云〕則剩下一箇。眼見的也是死數也。〔正末唱〕

「聖樂王」這厮他兵法輕。力不成。我這裡刀橫秋水晃人明。他那裡魂魄消。無路生。則見他倒戈卸甲命難存。這厮他無翅怎飛騰。〔耶律馬云〕則剩我一箇。不如走了罷。〔下科〕「李瑜張蓋領卒子跣馬兒冲上」〔李瑜云〕三軍圍住。休教走了這匈奴。〔耶律馬云〕眼見的我無那活的人了。〔張蓋云〕某拏住這厮了也。〔楊景云〕衆將。把這匈奴執縛定。到於三關上寫表申朝。獻功去來。〔李瑜云〕得令。將這匈奴執縛了也。〔孟良云〕這一遭征伐賊寇。皆是哥哥威武。衆將之能也。〔楊景云〕多虧了衆兄弟汗馬之勞也。便索鳴金。收兵罷戰。回於三關去來。〔正末唱〕

「尾聲」憑着俺英雄威武除姦佞。剿滅了腥羶太平。擒拏住潑匈奴罪難逃。恁時節省。〔同下〕

第四折

「外扮岳勝領卒子上」〔云〕習演兵書武共文。三關久鎮立功勳。番兵箇箇聞吾怕。綽名花面岳排軍。某乃花面岳勝是也。今佐於楊景麾下爲將。久鎮在瓦橋三關。殺番兵不敢侵犯界境。頗奈

韓延壽無禮。下將戰書來。單搦大宋名將出馬。奉聖人的命。着俺楊景哥哥。掛印爲帥。統兵數萬。征伐番兵去了。飛報前來。衆將得勝班師。小校遠遠的望者。六郎哥哥來時。報復我知道。〔卒子云〕理會的。〔正末同楊景孟良李瑜張蓋擎蕭天佑耶律馬上〕〔楊景云〕俺衆將今日得勝班師。將這匈奴擎上三關去來。〔正末云〕大小三軍行動些。哥哥。想俺衆將這一場征戰。非同容易也呵。〔唱〕

〔雙調新水令〕今日箇戰賊兵得勝恰還鄉。鬧垓垓將凱歌齊唱。番兵皆頓首。賊寇盡歸降。殺的他無地潛藏。他每都逃性命五魂喪。〔楊景云〕可早來到也。小校報復去。道有某同衆將得勝班師也。〔卒子云〕理會的。喏。報的將軍得知。有元帥同衆將得勝班師也。〔岳勝云〕呀呀呀。元帥來了也。道有請。〔卒子云〕理會的。元帥有請。〔正末同衆將見科〕〔岳勝云〕哥哥。衆將鞍馬上勞神也。〔楊景云〕兄弟守關口不易也。〔岳勝云〕想這匈奴奸生無禮。無事與兵。侵犯俺大宋邊境。欺凌上國。罪已難容也。〔正末云〕量這腥羶醜虜。到的那裡也。〔唱〕

〔駐馬聽〕俺這裡將士忠良。耀武揚威立紀綱。我觀那匈奴奸黨。恰便似湯澆瑞雪一時亡。〔李瑜云〕俺雖行兵得勝。皆託聖人洪福齊天也。〔正末唱〕託賴着吾皇寬厚。

勝堯湯。這的是妖氛一戰。魂飄蕩。普天下名贊揚。則願的兵戈永息。皆歡暢。〔岳

勝云〕哥哥。那匈奴賊寇被哥哥生擒在於何處也。〔楊景云〕小校與某拏過那兩箇番賊來者。

〔卒子云〕理會的。〔做拏二番賊上〕〔見跪科〕〔楊景云〕兀那匈奴。你爲何心生叛逆。反亂宋朝。

今日被某擒拏。有何話說。〔蕭天佑云〕這的是韓延壽用機謀妄行侵擾。非是某之罪也。〔耶律

馬云〕我沒有道箇心。都是韓延壽蕭天佑帶累我來。怎生饒我這遭。我送幾箇駱駝與你耍子。

〔正末云〕想這匈奴不遵上命。難以輕饒也。〔耶律馬云〕你若放了我。送狐羆皮與你做披肩戴。

〔正末唱〕

〔川撥棹〕你今日犯邊疆。統賊兵起戰場。擺列着戈戟刀槍。英勇兒郎。改不了

醜虜腥羶氣象。發妖氛有甚強。〔岳勝云〕您衆將觀這匈奴。有何當緊也。〔正末唱〕

〔七弟兄〕俺這裡勢況怎當。他可也不隄防。撲刺刺縱馬垓心撞。仗神威英勇

不非常。發匈奴怎敢心欺誑。

〔梅花酒〕俺在這兩陣上。旗幟飄揚。鼓震穹蒼。顯耀英昂。實不丕人中槍。登時

間馬着傷。他可也力怎當。宋朝家顯高强。北番家痛遭殃。

〔收江南〕呀。皆因是當今天子重賢良。今日箇削除殘害定家邦。黎民道泰盡


榮昌一齊的受享。則願的千邦萬國永伏降。〔楊景云〕小校遠遠的望者。看有甚麼人來。報復我知道。〔卒子云〕理會的。〔寇萊公上〕〔云〕老夫寇萊公是也。因爲楊六郎殺壞番兵。擒拿了蕭天佑等衆將。得勝班師。老夫奉聖人的命。直至瓦橋三關。封官賜賞。走一遭去。可早來到也。小校報復去。道有寇萊公。特來封官賜賞。〔卒子云〕理會的。喏。報的元帥得知。有寇萊公特來封官賜賞下馬也。〔楊景云〕裝香來。道有請。俺衆將接待大人去來。〔做見科〕〔寇萊公云〕楊景。您衆將望闕跪者。聽聖人的命。〔衆做跪科〕〔寇萊公云〕韓延壽不義懷奸。逞兇頑侵害中原。楊六郎施逞勇躍。統雄兵賭關爭先。耶律灰長槍刺死。蕭天佑活捉軍前。耶律馬身遭刑憲。受擒縛罪。犯無邊。將二賊關前斬首。一箇箇命掩黃泉。您衆將建功效力。都教您重職陞遷。手下軍論功行賞。賜金帛犒勞開筵。今日箇封官賜賞。賀皇朝萬載千年。

題目

楊六郎槍刺耶律灰

正名

焦光贊活拏蕭天佑



楊六郎調兵破天陣

闕名

楔子

〔冲末扮寇萊公領卒子上〕〔云〕少年錦帶掛吳鉤。鐵馬西風塞草秋。全憑匣中三尺劍。坐中往往覓封侯。老夫姓寇名準字平仲。幼習儒業。頗看詩書。自中甲第以來。累蒙擢用。隨朝數載。謝聖人可憐。官拜萊國公之職。今因北番韓延壽領兵侵犯邊境。奉聖人的命。着老夫領兵直至銅臺。與番兵交戰。不想韓延壽連夜將銅臺城困住。裏無糧草。外無救軍。聖人夜作一夢。夢見與番兵交戰。正行之際。前至一道河。河中一隻船。船頭上立着一箇美色的女人。戴着滿頭花。那女人言稱道。我主。此處有保駕將軍在此。聖人言道。在那裡。則見那船倉裏面。跳出一隻大羊來。那羊躡身跳在岸上。將番兵趕退了。撒然驚覺。可是南柯一夢。聖人着小官喚將陰陽臺官苗士安來。圓此一夢。小校與我喚將陰陽臺官苗士安來者。〔卒子云〕理會的。苗士安安在。〔正末扮苗士安上〕〔云〕小官乃陰陽臺官苗士安是也。因爲韓延壽侵犯邊境。俺寇萊公統領軍馬。直至銅臺。不想番兵知道。連夜困了銅臺。今日寇萊公呼喚。不知有甚事。須索走一遭去。可早來到也。小校報復去。道有苗士安來了也。〔卒子云〕理會的。喏。報的大人得知。有苗士安來了也。〔寇萊公云〕

道有請。〔卒子云〕理會的。有請。〔做見科〕〔正末云〕大人呼喚小官。有何事也。〔寇萊公云〕苗士安。喚你來別無甚事。今有聖人。夜作一夢。夢見與番兵交戰。正行之際。前至一道河。河中一隻船。船頭上立着一箇美色女人。戴着滿頭花。那女人言稱道。我主。此處有保駕將軍在此。聖人言道。在那裡。則見那船倉裏面。跳出一隻大羊來。那羊躡身跳在岸上。將那番兵趕退。撒然驚覺。可是南柯一夢。今奉聖人的命。着你圓這一夢。是主何吉凶。〔正末云〕大人。這箇夢不主凶。單主吉。〔寇萊公云〕怎生不主凶。單主吉。〔正末云〕大人。這箇夢單主着吉。有箇應夢的將軍來。救銅臺之困也。〔寇萊公云〕這應夢的將軍。在何處也。〔正末云〕大人。這一道河。可不包含着箇水字。這箇女人。這箇三點水着女字。可不是箇汝字也。這船者。乃是州也。大人。這箇應夢的將軍。姓名顯然。這船裏面跳出一隻大羊來。這箇人姓楊。那女人頭上戴着花。乃是景也。這箇應夢將軍。乃是楊景。在汝州哩。〔寇萊公云〕住住住。這楊景爲他私下三關。貶在汝州。說他攷了。又剽將他首級來。再那裡得箇楊景來。〔正末云〕大人。這楊景是一員名將。怎生便攷了。小官夜觀乾象。見楊景將星。緊伏在那雙魚宮。此人還有哩。〔寇萊公云〕若是如此。怎生得這楊景來。〔正末云〕如今便差能事之人。打出陣去。連夜速至汝州。若有了楊景呵。擒那北番韓延壽。有如翻掌相似也。〔寇萊公云〕苗士安。若有了楊景。圓了此夢。乃先生所算之神妙也。〔正末唱〕

〔賞花時〕見如今番將臨城將陣勢擺。我將這應夢的將軍名姓解。俺見如今疾差遣。快安排。若得那英雄可便到來。〔云〕此一去若有了楊景呵。〔唱〕穩情取平番寇。可兀的救銅臺。〔下〕〔寇萊公云〕苗士安去了也。我如今可着誰去。則除是殿前太尉呼延贊之子呼延必顯。他可以取楊景去。小校與我喚將呼延必顯來者。〔卒子云〕理會得。呼延必顯安在。〔呼延必顯上〕〔云〕幼習兵書戰策通。安營下寨貫奇通。疑安邦定國扶王業。馬到旗開顯姓名。某乃殿前太尉呼延贊之子呼延必顯是也。今因韓延壽侵犯邊境。寇萊公領兵來至銅臺。不想番兵連夜將銅臺困住。今日寇萊公呼喚。不知有甚事。須索走一遭去。可早來到也。小校報復去。道有呼延必顯來了也。〔卒子云〕理會得。報的大人得知。有呼延必顯來了也。〔寇萊公云〕着他過來。〔卒子云〕理會的。過去。〔做見科〕呼延必顯云。大人呼喚呼延必顯。有何事也。〔寇萊公云〕呼延必顯。喚你來別無甚事。因為陰陽官苗士安。與聖人圓夢。言說有一箇應夢的將軍。乃是楊景。見在汝州。你如今打出陣去。到汝州取楊景去。〔呼延必顯云〕大人則一件。楊景在汝州歿了也。那裡再得楊景來。〔寇萊公云〕呼延必顯。你不知道。有陰陽官苗士安。說楊景的將星。分明的顯着哩。你如今若到汝州。則問胡祥太守要。若有了楊景時。將他那私下三關罪犯。盡皆饒免了罷。若他退了番兵。那其間另有加官賜賞。你小心在意。疾去早來。〔呼延必顯云〕得令。

則今日打出陣去。直到汝州。取楊景。走一遭去。將又英雄馬又韋。槍刀滾滾賽兵山。密排隊伍分前後。穩取今朝得勝還。〔下〕〔寇萊公云〕呼延必顯去了也。若取將楊景來。愁甚麼番兵不破。若退了韓延壽。某奏知聖人。自有加官賜賞。忙差必顯取六郎。打陣衝軍武藝強。若到汝州見楊景。銅臺城下戰一場。〔下〕

頭折

〔韓延壽領番卒子上〕〔云〕番番番。地惡人毒。騎寶馬。坐雕鞍。飛鷹走犬。野水荒山。渴飲羊酥酒。饑餐鹿脯乾。鳳翎箭手中施展。寶雕弓背上斜彎。筵前酒闌。胡旋舞丹青寫入畫圖間。某乃六邦教首韓延壽是也。某知天文。曉地理。觀氣色。辨風雲。知黃公三略法。習呂望六韜書。我手下有番兵百萬。戰將千員。有蕭天佐。蕭天佑。土金宿。耶律灰。都骨林。忽里歹。又有軍師顏洞賓。我常有取東京之意。奪汴梁之心。爭奈大宋家有楊六兒。把住瓦橋等三關。我差人打聽去來。說無了楊六兒也。我如今聚俺番將。統領十萬番兵。先取銅臺。後取汴梁。方稱我平生之願。小番與我喚將衆將來者。〔番卒子云〕理會的。衆將安在。〔一將扮都骨林同耶律灰上〕〔都骨林云〕我做元帥實聰明。相持廝殺都不通。下寨則在中軍要。常被天兵劫了營。某乃韓延壽手下番將都骨林是也。這箇是我姪兒耶律灰。俺正在帳房裏喫燒酒耍子。元帥呼喚。不知有甚事。須索走一遭去。可

早來到也。小番報復去。道有都骨林同耶律灰來了也。〔番卒子云〕理會的。報的元帥得知。有都骨林耶律灰來了也。〔韓延壽云〕着他過來。〔番卒子云〕理會的。過去。〔做見科〕〔都骨林云〕阿的元帥。呼喚俺二將來。那廂使用。〔韓延壽云〕且一壁有者。〔二淨扮忽里歹同土金宿上〕〔忽里歹云〕我做番將。實是能。但凡上陣逞英雄。到的陣前都不怕。上的馬去。吊了魂。某乃韓延壽手下番將。忽里歹是也。這箇是土金宿。俺正在後山打圍場中。喫答刺孫米罕耍子。有元帥呼喚。不知有甚事。俺見元帥去來。〔土金宿云〕元帥呼喚。更無別事。則是見今日天晴日暖。與俺打圍獵射。再無別的勾當。論俺番將。不好步走。則騎抹隣。但凡無事。山上胡行。跌將下來。撞破頂門。正要喫耍。元帥呼喚。須索走一遭去。可早來到也。小番報復去。道有忽里歹土金宿來了也。〔番卒子云〕理會的。報的元帥得知。有忽里歹土金宿來了者。〔韓延壽云〕着他過來。〔番卒子云〕理會的。過去。〔做見科〕〔忽里歹云〕阿的元帥。喚俺二將。那裡耍去。〔韓延壽云〕一壁有者。〔二淨蕭天佑同蕭天佑上〕〔蕭天佑云〕我做番將。委實好。不騎抹隣。則是跑。爲甚常川不害眼。夏天不會脫皮襖。某乃蕭天佑是也。這箇蕭天佑。是俺兄弟。同在韓延壽麾下爲將。俺這北番地面。並無莎草斑斑。盡都是平沙漠漠。俺正在帳房喫了些米罕。往後山中打筋陡耍子去。元帥呼喚。不知有甚事。須索見他去。〔蕭天佑云〕哥也。無甚勾當。一定則是喚俺喫答刺孫倒刺着。

耍子。俺跑一遭。可早來到也。小番報復去。道有蕭天佐。蕭天佑來了也。〔番卒子云〕理會的。報的元帥得知。有蕭天佐。蕭天佑來了也。〔韓延壽云〕着他過來。〔番卒子云〕理會的。過去。〔做見科〕
〔蕭天佐云〕阿的元帥。喚俺二將。那廂使用。〔韓延壽云〕您且一壁有者。〔二淨扮蕭虎同蕭彪上〕〔蕭虎云〕我是番將。喚蕭虎。不慣廝殺。會擂鼓。若被南朝捉了去。耍了撒。一世苦。某乃韓延壽手下番將。蕭虎是也。這箇是我兄弟蕭彪。俺二人正在打圍場。喫乾糧。妳子。有元帥呼喚。必然有事計較。〔蕭彪云〕哥。俺須索走一遭去。可早來到也。小番報復去。道有蕭虎。蕭彪兩箇大叔來了者。〔番卒子云〕理會的。報的元帥得知。有蕭虎。蕭彪來了者。〔韓延壽云〕着他過來。〔番卒子云〕理會的。過去。〔做見科〕〔蕭虎云〕阿的元帥。喚俺二將。那廂使用。〔韓延壽云〕您衆將都來了。喚您來。別無甚事。您都賀萬千之喜。我差人去南朝家打聽去來。說無了楊六兒也。我如今領一百萬番兵。先取銅臺。後取汴梁。您衆將意下何如。〔衆番將同云〕都依隨元帥調遣也。〔韓延壽云〕既然如此。同心合意。小番請將軍。顏洞賓來也。〔番卒子云〕理會的。軍師安在。〔淨扮顏洞賓上〕〔云〕髮垂雙練。狗皮袍。脚穿兀刺忒清標。昨日敲冰去飲馬。不防着水走了。硝。貧道姓顏名雙梅。道號洞賓。佐於韓延壽麾下。爲軍師之職。貧道望塵知敵數。嗅土職兵機。俺奉道坐靜。遊方尋仙。餐松啖柏。飯水遊山。黃冠鶴氅。息氣養神。導嘯還丹。飲風淩露。晨參暮禮。打

漁鼓簡板。綰髮髻。懸織袋。誦黃庭。尊太上。講道德。說真言。書符呪水。實怕鬼。跨鳳乘鸞。跌破頭。倒
大來無榮無辱。無拘繫。我是箇怕當差役的狗骨頭。貧道顏洞賓是也。今日元帥請我。不知有甚
事。須索走一遭去。可早來到也。小番報復去。道有軍師顏洞賓來了也。〔番卒子云〕理會的。報的
元帥得知。有軍師顏洞賓來了也。〔原作又趙校刪今改也〕〔韓延壽云〕道有請。〔番卒子云〕理會的。有請。〔做見
科〕〔顏洞賓云〕阿的元帥。請貧道有何事商議。〔韓延壽云〕軍師。請你來別無甚事。我打聽的
南朝家無了楊六兒。今日是吉日良辰。我統領十萬番兵。大小番將。先取銅臺。後取汴梁東京。則
怕南朝家有能文會武的人。倘或還有楊六兒呵。如之奈何。〔顏洞賓云〕阿的元帥。當初無有貧
道。便怕甚麼楊六兒。今日既有了貧道。休道是一箇楊六兒。便是十箇楊六兒。我也不怕他。〔韓
延壽云〕軍師。你有何妙策。調度番將。支撥番兵。與南朝家相持廝殺去。〔顏洞賓云〕貧道也不和
他相持廝殺。對壘迎敵。明日我擺一箇陣勢。他若識的我這陣勢。咱便與他伏降。他若不識我的
陣勢。着他讓與俺雲應等十六州東京城池。與俺歇馬着。元帥道。量這一箇陣勢。怎生着他與俺
城池。我這陣勢。也不在黃公三略法。也不在呂望六韜書。也不在兵書之內。按三卷天書裏面。取
一箇天陣。這天陣裏。則不一箇天陣。按着東南西北。前有朱雀。後有玄武。左有青龍。右有白虎。這
四陣外。又擺八卦陣。乾坎艮震巽離坤兌。這八卦陣。又按八門陣。是休生傷度景死驚開。這八門

陣外。又有二十八陣。按着二十八宿。角亢氐房心尾箕。斗牛女虛危室畢。奎婁胃昂壁鴛參。井鬼柳星張翼轸。這角亢房中有參辰陣。乃是都救應長川不住。又有十二陣。按着十二宮辰。是寶瓶宮人馬宮磨蝎宮天蝎宮天秤宮雙女宮獅子宮巨蟹宮金牛宮白羊宮雙魚宮陰陽宮。這十二陣。按十二時。是子丑寅卯辰巳午未申酉戌亥。十二時按着十八陣。十八陣按着三十六陣。元帥坐在中軍。按於中央。周迴有陣。按着九曜。是一羅喉二土星三金星四水星五太陽六火星七計都八太陰九木星。這九陣外有四斗陣。東斗着一十三將。按着東斗一十三星。西斗一十四將。按西斗一十四星。南斗六將。按南斗六星。北斗七將。按北斗七星。這四斗陣前。又有五陣。按着金木水火土。外有天河陣。相連黃河九曲陣。內有二暗陣。是羅喉計都。又是左輔右弼。這銅臺是一座龜城。元帥按北方北斗玄武七星陣。下了天關地軸陣。東陣高聳打紅旗紅幟。乃是太陽朝闕陣。西一陣乃是太陰元鐵陣。正名曰是周天二十八宿陣。聚而爲一。散則計數。總一百四十二陣。俺這陣前排朱雀扶五方。後有玄武列天罡。又有八卦乾坤陣。二十八宿按陰陽。四斗九曜臨軍陣。更有黃河九曲長。他那裡軍馬便有千千隊。我教他打陣之時箇箇亡。〔韓延壽云〕既然軍師有這等妙策神機。善能擺陣。則今日某親領大勢番兵。擒拏楊六兒去者。〔顏洞賓云〕元帥說的是。若是這等。貧道支撥他衆將。各擺陣勢。務要擒拏了楊六兒。〔韓延壽云〕軍師。你若擺陣

拏了楊六兒呵。更加封你大大的官職者。〔顏洞賓云〕元帥你還不認我哩。我非凡人。若不是你這等的撒因。答刺孫米罕管待我呵。我怎肯替你擒拏楊六兒。少時駕祥雲騎着水牛上天。去了多時也。元帥慢在。貧道先回帳下去也。說罷也欲待騰空。我歸去駕起青雲。你問我仙鄉何處。說起來說了三魂。栽花時。則在頃刻。韓湘子和我關親。王祖師是我舅舅。馬丹陽與我緊隣。張四郎釣魚我喫。張果老是我阿公。我則是藍彩和身上的跳蚤。則我是漢鍾離脚上的蟻蟲。〔下〕〔韓延壽云〕軍師去了也。大小番官。則今日跟某統領大勢番兵。與南朝相持廝殺。走一遭去。統軍校莫得消停。拔營寨即便登程。皂鵬旗勝似雜彩。寒北軍猛如黑熊。衆兒郎人人敢勇。沙塞子箇箇猙獰。馬到處鼓旗相望。臨軍陣要見輸贏。〔下〕〔胡祥領祇候上〕〔云〕經史留心曉夜攻。鰲頭獨占享崢嶸。當初不盡芸窗苦。豈得佳名字宙中。小官乃胡祥是也。幼習儒業。頗覽經書。自中甲第以來。累蒙擢用。謝聖恩可憐。所除汝州太守之職。自莅任以來。頗得民心。今有楊景私下三關。殺謝金吾一事。將楊景貶在汝州。有奸臣王欽若。詐傳聖命。差軍校前來剽取楊景首級。小官度量楊景。乃是國家一員虎將。久後定有重用之日。我將牢中重囚一人。與楊景面貌相同。代伊身死。將他隱藏在我後花園中。茶糜架後。太湖石邊。挖一土窖。着他隱姓埋名。至晚間擊柝木蓋。他便出來。與小官飲酒談話。今聽的醜虜契丹。大奮猖獗。侵邊犯境。圍取銅臺。事在緊急。小官

想來。若是楊景出師。掃蕩羣胡。萬里清平。當時若聽王欽若之奸。是悖天之道也。今日無甚事。於後堂中看理文卷。祇候門首覲者。但有軍情事。報復我知道。〔祇候云〕理會的。〔呼延必顯上〕
〔云〕親承聖勅離京國。特取安邦定亂人。某乃呼延必顯是也。被某打出陣來。星夜到汝州。則這裡便是胡祥太守任所。左右報復去。道有使命至此也。〔祇候云〕理會的。報的太守得知。有使命到此也。〔胡祥慌科〕〔云〕使命到此。小官親自接他去。〔見科〕〔云〕使命大人。有失迎接也。〔呼延必顯云〕胡太守你聽者。聖人的命。爲因楊六郎私下三關。殺了謝金吾全家老小之罪。盡皆饒免。如今用人之際。可將楊景獻出來。着他復還舊職。前去剿殺番兵。朝廷自有加官賜賞。着他出來。你謝了恩者。〔胡祥云〕使命大人。楊景已殺了多時也。〔呼延必顯云〕見今楊景的將星。緊伏在雙魚宮。這人有哩。你及早獻出他來。〔胡祥云〕使命大人。小官並不敢隱諱也。〔呼延必顯云〕真箇無了。我回去也。〔胡祥云〕大人喫了筵席去。〔呼延必顯云〕不必筵席。大人。這隔壁是何處所。〔胡祥云〕是一座古剎佛寺。〔呼延必顯云〕我且在這寺中安歇一宿。明日早行。〔下〕〔胡祥云〕使命去了也。這一樁事。未審真假。等待至晚。與楊將軍說知。再做計較。小官且回後堂中去也。〔下〕〔呼延必顯上〕〔云〕某乃呼延必顯是也。奉聖人勅命。到此汝州。行取楊景。銅臺救駕。有太守胡祥。言說楊景已歿了。言語之中雖強。顏面慌悚。其間必有暗昧。〔舊校改味爲謎似未合〕我詢

問寺中僧人。這寺後牆相連胡太守花園。今夜對此好天良夜。月白風清。不免跳過這牆去。潛花園中。探聽他箇虛實。便知詳細。〔做跳牆科〕〔云〕阿可綽我跳過這牆來了也。是好花園也。趁此月明如水。萬籟無聲。我行至這太湖石邊背陰之處。暫且潛踪躡足。我試聽者。〔正末扮楊景上〕〔云〕某乃楊景是也。爲某累建奇功。謝聖恩可憐。加某爲鎮守三關經略使。因爲某私下三關。殺了謝金吾家一十七口。本該死罪。聖人憐某有功。以此教我在汝州爲酒醋都管。自到此處。不想奸臣王欽若。詐傳聖旨。差官前來剿某首級。多虧了胡祥太守。將牢中該死重囚一人。與某面貌相似。替了某罪。救某不死之恩。就在此太守後花園中。挖一土窖。隱姓埋名。可是爲何。想俺父子八人都陣亡了。則剩下楊景一人。想某與國家累立戰功。剿除胡虜也呵。〔唱〕

〔仙呂點絳脣〕想當初久鎮邊庭。曾將那佞臣掃淨。咱平定練士操兵。我也曾封官爵。蒙君命。

〔混江龍〕俺也曾旗開得勝。若論着挾人捉將慣曾經。雖不學七擒七縱。常則是千戰千贏。我擒虜寇火燒了搭鼓寨。我也曾破匈奴砲打碎了那樺皮城。嗔忿忿臨敵敢勇氣昂昂下寨安營。則爲我領雄兵一陣定了輸贏。掃妖氛萬里知咱名姓。〔云〕往常我與番兵交戰呵。〔唱〕殺的那韓延壽北走。他可也不敢南行。

〔云〕想楊景也曾東蕩西除。南征北討。困來馬上眠。渴飲刀頭血。立下蓋世功勳。不想今日埋名隱跡。何日是我那崢嶸顯耀時節也。〔唱〕

〔油葫蘆〕則我這一世功勳有那萬代名。我則待保山河社稷興。後來在臣僚班裏列簪纓。指望待子孫後代襲封贈。不能設麒麟閣上圖形影。〔云〕不是楊景說大言。〔唱〕我做班超平西戎。鎮玉關。學馬援定南蠻。銅柱境。似這等盡忠的。和那報國的。則是從天命。博一箇青史內去標名。〔呼延必顯做聽科〕〔正末唱〕

〔天下樂〕則俺這爲子爲臣的要志誠。我可便叮也波寧。心間可便仔細評。我如今埋名隱跡遠利名。想當初攝梯航萬國朝。撫偏邦四海清。託賴着聖明君治太平。〔呼延必顯背科〕〔云〕皇天加祐。乃宋朝社稷幸甚。天下生靈幸甚。果然楊景還有哩。〔做

看科〕〔云〕他在地窖中說話。可不知門戶在於何處。我再聽者。〔正末云〕楊景也。幾時是那崢嶸顯耀的時節也。我白日裏點上一盞燈。看兵書戰策。到晚來有人敲響這木蓋三下。我便出來與太守共話飲酒。遣早晚則怕太守來請我也。〔呼延必顯云〕這楊景在地窖中說。有人敲響這木蓋三下。他便出來與太守共話。我試敲響這木蓋者。〔做敲科〕〔云〕一二三。〔正末云〕天色晚了也。敢是太守敲這木蓋。我開了這櫃兒。我與你托起這木蓋者。〔呼延必顯見正

末拖住科」〔云〕呀呀呀。楊將軍。你原來在這裡。可不道你殺了也。〔正末慌科〕〔云〕可怎了也。〔呼延必顯云〕你出來。我和你說話。楊將軍。你的罪過非輕。小官非奉私來。奉聖人的命。今有北番韓延壽。困住銅臺。着小官星夜來取你。胡太守說你殺了。你可躲在這土窖中。〔正末云〕將軍。因楊景多得罪犯。〔呼延必顯云〕楊將軍。你望闕跪者。聖人將你那私下三關罪犯。都饒免了。今有北番韓延壽。領番兵圍了銅臺。你若殺退番兵。復還你舊職。再有加官賜賞。謝了聖恩者。〔正末云〕感謝聖恩。將軍鞍馬上勞神也。〔呼延必顯云〕救國家危困。豈憚驅馳也。〔正末云〕將軍。若存的楊景在呵。量那虜寇。何足道哉。這廝好是無禮也。〔呼延必顯云〕將軍。見如今醜虜猖獗。圍了銅臺。他有軍師顏洞賓。善能排兵布陣。你怎生迎敵他也。〔正末唱〕

〔後庭花〕聽說罷骨碌碌怪眼睜。惡眼眼殺氣生。不是這顏洞賓能排陣。單註着韓延壽。他送那百萬兵。你看我。我便顯功能。我可便一言爲定。〔云〕將軍放心也。

〔唱〕我可敢半合兒着那廝刮土平。〔呼延必顯云〕將軍。韓延壽領番兵圍了銅臺。聖人着小官來取你。破韓延壽去。將軍。你怎生鋪謀定計。破這番兵也。〔正末云〕將軍放心也。〔唱〕

〔金盞兒〕憑着我善排兵。惡相爭。我將龍韜虎略。我端的能施逞。你看我擒賊斬寇定邊城。〔呼延必顯云〕將軍臨陣。可是如何。〔正末云〕我若是臨陣呵。〔唱〕直殺的城河

鮮血滾。遍地死屍橫。〔呼延必顯云〕將軍。見如今韓延壽領番兵侵邊犯境也。〔正末唱〕那裡是那韓延壽來犯境。他則是特地送殘生。〔呼延必顯云〕將軍。俺且閑共話。看有甚麼人來。〔胡祥上〕〔云〕小官胡祥是也。今日早間。有朝中差遣使命來取楊景。未保真假。小官堅執回言。楊景歿了。那使命不肯在公館中安下。在這州衙側近寺中歇息去了。天色晚了。不免說與楊將軍。着他小心隄備。可早來後花園中也。〔看科〕〔云〕呀。可怎生這土窖的木蓋掀着。我試近前去看者。〔做見科〕〔呼延必顯云〕呀呀呀。胡太守來了也。可不道楊將軍歿了也。〔胡祥跪科〕〔云〕使命大人。小官胡祥。誠恐有詐。不合隱匿楊景。罪惡彌天。望大人寬恕者。〔呼延必顯云〕太守請起。見如今世態紛紛。安危未保。此等所爲。足見太守愛君憂國之忠也。但勿掛懷。既今日有了楊景也。將你那罪犯盡皆饒免也。〔胡祥云〕左右即便安排果卓。與二位將軍餞行送路也。〔正末云〕多蒙太守管顧。此恩異日必當重報也。〔呼延必顯云〕天色明了也。便索長行。〔正末云〕小官獨力難行。我如今同將軍先到鄭州。收了焦贊。就着焦贊持着我的書呈。直至太行山。招安我那二十四箇指揮使。俺衆弟兄每見了我的手字。他必然來也。某與將軍在瓦橋等三關駐紮。待弟兄衆每領兵來全了時。擒拏韓延壽。未爲遲也。〔唱〕

〔尾聲〕我如今疾便的救銅臺。連夜的臨邊境。先到那太行山把英雄帥領。〔呼

延必顯云。楊將軍。韓延壽非能。他手下有箇那軍師。乃是顏洞賓。此人知天文。曉地理。善能排兵布陣。好生高強也。〔正末云〕將軍。你道的差了也。〔唱〕休誇那能擺陣的軍師顏洞賓。這英雄說着無憑。若是那兩下裡陣相迎。殺氣騰騰。我着那十萬賊兵。無一箇性命。〔云〕若是擒拿了韓延壽和顏洞賓呵。〔唱〕恁時節。跣跣馬蹄兒慢行。〔云〕我若是得勝呵。〔唱〕響璫璫鞭敲金鐙。〔云〕憑着我坐下馬。手中槍。有萬夫不當之勇。不是楊景說大言。〔唱〕你看我便笑吟吟齊和凱歌聲。〔同下〕

第二折

〔岳勝領僮僕上〕〔云〕武藝精熟。智量能。曾習呂望六韜文。久鎮三關。番兵怕。則我是敢戰迎敵。岳排軍。某乃花面獸岳勝是也。今因俺拒敵北番。多有功勳。官封俺做指揮使。則不某一人。有孟良。焦贊。李瑜。張蓋等二十四員。俺跟着哥哥楊景。手下爲將。久鎮這瓦橋等三關。爲因哥哥與焦贊私下三關。殺了謝金吾一十七口家屬。將楊景貶在汝州。焦贊發去鄭州爲民。不想哥哥到於汝州。亡逝已過了。某想俺這二十四員指揮。多虧了六郎楊景。今日哥哥歿了。焦贊又在鄭州風魔了。俺衆將搬了三關。領軍來到這太行山。落草爲寇。俺每日在此飲酒快樂。今日孟良兄弟巡山寨去了。安排下酒殺。這早晚兄弟敢待來也。〔焦贊上〕〔云〕鎮守三關爲好漢。殺的番兵紛紛

散軍前陣後敢當先。則我是魚眼思公焦光贊。某乃焦光贊是也。爲因某私下三關。殺了謝金吾一十七口家屬。發我去鄭州爲民。聽知的楊景哥哥歿了。我在鄭州假妝風魔。不想楊景哥哥不曾死。親身來到鄭州。見了我。言說有聖人的命。爲北番韓延壽困住銅臺。今差呼延必顯來。將俺四箇的罪犯。盡皆饒免。着俺去收捕韓延壽。若殺退了番兵。復還俺舊職。不想岳勝衆將。離了三關。都在太行山落草爲寇。某如今持着楊景哥哥的書呈。前去太行山。招安岳勝哥哥。走一遭去。可早來到也。小僕僮報復去。道有焦贊特來拜見。〔僕僮云〕理會的。喏。報的哥哥得知。有焦贊特來拜見。〔岳勝云〕焦贊他在鄭州風魔了。他可怎生得到這裡。着他過來。〔僕僮云〕理會的。過去。〔做見科〕〔岳勝云〕焦贊兄弟。你在鄭州風魔了。怎生得好了來也。〔焦贊云〕哥哥。我非是風魔。聽知的楊景哥哥歿了。我假妝風魔。誰想俺楊景哥哥。不會死。親身到鄭州。見了您兄弟。說有北番韓延壽。領番兵圍了銅臺。今差呼延必顯來。將俺的罪犯盡皆饒免了。着俺收捕韓延壽。若退了番兵。復還俺舊職。有哥哥修的書呈在此。您試看者。〔岳勝云〕將書來看我。〔做看科〕〔云〕眞箇是俺哥哥的手字。俺衆將則今日便往銅臺去。〔焦贊云〕可怎生不見孟良。〔岳勝云〕孟良兄弟巡山寨去了。這早晚敢待來也。〔孟良上〕〔云〕智懷韜略習黃公。驅兵領將顯英雄。官軍捕盜聞吾怕。則我是足智多謀孟火星。某乃孟良是也。自與哥哥楊景。在於瓦橋等三關約

別俺哥哥因爲私下三關。貶在汝州。不想楊景哥哥歿了也。俺衆兄弟。聽知哥哥歿了。撇了三關。都在這太行山。不得已落草爲寇。俺衆兄弟。讓岳勝哥哥爲頭領。某今日巡山寨已回。不曾見一箇侵邊犯境的人。俺見哥哥。走一遭去。小僕僮報復去。道有孟良來了也。〔僕僮云〕理會的。報的哥哥得知。有孟良來了也。〔岳勝云〕焦贊兄弟。你且趕在一壁。等孟良來時。你與他所見。着他過來。〔僕僮云〕理會的。過去。〔做見科〕〔岳勝云〕兄弟。你喜歡者。俺楊景哥哥不曾死。如今見有哩。〔孟良云〕哥哥。是誰說來。〔岳勝云〕兄弟。見有寄書的在此。你與他所見者。〔孟良見焦贊科〕〔云〕兀的不是焦贊哥哥。說你在鄭州風魔了。怎生得好。來了來。〔焦贊云〕兄弟。不知說俺楊景哥哥歿了也。我就在鄭州假推風魔。如今楊景哥哥有了。見在三關等候。俺衆將便往三關上見了楊景哥哥。一同破韓延壽去。〔孟良云〕既是這等。俺如今撇了山寨。領兵見哥哥去來。〔岳勝云〕則今日點就軍校。破韓延壽。走一遭去。英雄將志氣高強。驟征驍即回故鄉。破番兵忘生捨死。看這箇岳排軍展土開疆。〔寇萊公領卒子上〕〔云〕老夫寇萊公是也。今因韓延壽困住銅臺。聖人着苗士安圓夢一事。說楊景見在汝州。我差呼延必顯。打出陣去。直至汝州。問胡祥太守。要勤王保駕將軍。去了許多時。不見回來。小校城頭上望者。若有救軍來時。報復我知道。〔卒子云〕理會的。〔正末領岳勝焦贊孟良李瑜張蓋楊宗保呼延必顯卒子上〕〔正末云〕兄弟。每俺今日

來到銅臺兀的不望見番兵了也。〔岳勝云〕哥哥放心。憑着俺衆將英雄。務要擒拏了韓延壽也。

〔正末云〕兄弟每也。忠心效力者。憑着俺弟兄每威嚴英勇。量那番寇。何足道哉也。〔唱〕

〔中呂粉蝶兒〕看今日領將驅卒。我將那北番兵片時收捕。憑着我八門陣遁甲之書。〔岳勝云〕哥哥。憑着俺衆將武藝高強。務要擒拏了韓延壽。三軍擺佈的嚴整者。〔正末唱〕者莫他列着旌旗安營壘。〔云〕哎。兄弟也。〔唱〕者莫他四圍堅固。萬隊軍卒。我今日箇仗雄才運籌調督。〔岳勝云〕哥哥。憑着您兄弟岳勝焦贊孟良李瑜張蓋等衆將每。必
要成功也。〔正末云〕兄弟。你道的是。眞乃是英雄之將也。〔唱〕

〔醉春風〕則俺這焦光贊他可也志豪雄。更和俺這孟火星他可也膽氣籠。〔岳勝云〕憑着您兄弟這般英勇。我務要擒拏了韓延壽也。〔正末唱〕則俺這英雄敢戰的岳將軍。兄弟也我端的便許許。則我這心秉忠良。胸藏韜略。我則待法行軍律。〔淨都骨林領番卒子上〕〔云〕某乃番將都骨林是也。大小番兵。今日圍住銅臺。兀那塵土起處。必然有軍馬來了也。〔正末云〕兄弟。兀的不是番兵來了也。〔岳勝云〕哥哥。俺與他交鋒去來。〔正末云〕兀的番將。來者何人。〔都骨林云〕某乃韓延壽手下大將都骨林是也。來者何人。〔正末云〕你認的某麼。〔都骨林云〕你是誰。〔正末云〕則我便是楊六郎。〔都骨林云〕說楊六郎殺

了。那裡再得箇楊六郎來。這廝假名託姓。你敢廝殺麼。〔正末云〕兀那無名的番將。你敢和某交鋒麼。〔都骨林云〕量你到的那裡。操鼓來。〔做戰科〕〔正末唱〕

〔迎仙客〕四周圍擺着士馬。〔云〕岳勝。你小心在意者。〔唱〕四下裡調上軍卒。〔云〕衆將跟着我去來。〔唱〕則聽的高阜處一聲一聲家兀那信砲舉。吳鉤槍似火光飛。坐下馬似追電出。直殺的他陣亂賊輸。也顯出我那破賊寇的這威風處。〔都骨林云〕大小番兵。某近不的他。走走走。〔下〕〔正末云〕衆兄弟每。俺衝開這番兵。入的這城來。小校報復去。道有楊景同衆將來了也。〔卒子云〕理會的。喏。報的大人得知。有楊景同衆將都來了也。〔寇萊公云〕道有請。〔卒子云〕理會的。有請。〔正末云〕衆兄弟。俺見大人去來。〔做見科〕〔寇萊公云〕楊將軍。可不道你殺了也。〔正末云〕大人。楊景與衆將來了也。〔寇萊公云〕楊將軍。見如今韓延壽困了銅臺。着呼延必顯取將你來。着你救銅臺之困。韓延壽不強。他手下有一箇軍師。乃是顏洞賓。此人知天文。曉地理。能布陣。善排兵。你有甚計策。破他那陣勢也。〔正末云〕大人但放心。憑着楊景與衆將。必要退了番兵也。〔寇萊公云〕既然如此。你退了番兵。聖人另有加官賜賞也。〔韓延壽同淨顏洞賓都骨林忽里歹耶律灰蕭虎蕭彪蕭天佐蕭天佑土金宿領番卒子上〕〔韓延壽云〕軍師圍住銅臺也。我與他答話。兀那城上的軍校。教你那名將出馬。弱

者休來與俺答話也。〔卒子云〕理會的。喏。報的大人得知。有番兵來至城下。要與名將答話哩。
〔寇萊公云〕楊將軍。您衆將與番兵答話哩。〔正末云〕大人放心。我和他答話去。〔正末做見科〕
〔云〕兀那無名的番將。你認的甚麼。〔韓延壽云〕你是誰。〔正末云〕則我便是楊六郎。〔韓延壽云〕你是那楊六郎。我如今大勢番兵圍了銅臺。你及早投降。憑着俺大勢番兵。軍師顏洞賓。不和你廝殺。俺軍師擺下箇陣勢。你若破的我這箇陣勢。將雲應等十六州。我便與你。若破不的這箇陣勢呵。將你那東京汴梁。趁早獻與我者。〔正末云〕你如今不和俺交鋒。要擺陣勢。着你那軍師來。與俺答話。〔韓延壽云〕軍師。楊六郎要與你答話哩。〔顏洞賓云〕元帥你過來。貧道與他答話。兀那楊六郎。你聽者。貧道是顏洞賓。我如今圍住您這城池。我待和你廝殺來。量你有多少軍馬。我今擺箇陣勢。你若識得我這陣勢。我便伏降你。若不識我這陣勢。將您這東京汴梁。獻與俺。意下如何。〔正末云〕兀那番將。你擺陣勢我看。〔顏洞賓云〕大小番兵。擺開陣勢。你認我這陣勢。是甚麼陣。〔寇萊公云〕楊將軍。你識他這箇陣勢。端的是甚麼陣。〔正末云〕他這箇陣。也不是黃公三略法。也不是呂望六韜書。乃是天書裏擇出來的。兀那番將。此陣是周天八卦陣。是也不是。〔顏洞賓云〕他怎生知道這箇陣勢。既然你知道。你打我這箇陣勢。〔正末云〕兀那番將。今日俺且小歇小歇。我來日打這箇陣。〔顏洞賓云〕休道是一日。便與你三日。你也打不的我這

陣勢。元帥既是這般。俺領軍馬。且退一射之地。〔韓延壽云〕大小番兵。退一射之地。明日擺陣。務要擒拏了楊六兒。俺且回營去來。〔同衆下〕〔寇萊公云〕楊將軍。怎生打這箇陣。〔正末云〕大人。這箇陣。乃是周天八卦陣。某今日支撥軍馬。大小衆將近前來。聽某調遣。聽令而行。今日支撥軍馬。來日打陣。則要您衆將齊心奮力者。〔岳勝云〕俺衆將近前來聽令者。〔正末唱〕

〔上小樓〕岳排軍聽的囑付。孟火星依咱調度。你那裡槍舞梨花。馬驟狻猊。你端的可便劍擊銀鍔。先打那左青龍右白虎。更和那黃河九曲。你後打他那朱雀陣。再攻玄武。〔云〕岳勝撥與你三千軍馬。打這青龍陣去。則要你成功而回也。〔岳勝云〕得令。某領三千軍馬。打青龍陣。走一遭去。俺去那青龍陣裏統千戈。來朝對陣戰千合。時間略展英雄手。不着番兵一箇活。〔下〕〔正末云〕孟良近前來。撥與你三千軍馬。你打白虎陣去。小心在意者。〔孟良云〕得令。奉着元帥將令。統領三千軍馬。打白虎陣。走一遭去。手擎關山金蘸斧。敵軍陣裏顯功能。無名番寇聞吾怕。着他認的英雄孟火星。〔下〕〔正末云〕李瑜。撥與你三千軍馬。你打朱雀陣去。則要你成功而回也。〔李瑜云〕得令。領三千軍馬。打朱雀陣。走一遭去。奉令驅兵出禁城。朱雀陣裏逞英雄。全憑武略安天下。管取狼煙萬里平。〔正末云〕焦贊近前來。撥與你三千軍馬。你打這玄武陣去。小心在意者。〔焦贊云〕得令。領三千軍馬。打玄武陣。走一遭去。統雄兵

去打玄武。衆軍校開弓蹬弩。穩情取一戰成功。掃蕩了北番醜虜。〔下〕〔正末云〕張蓋近前來。撥與你三千軍馬。你打日精月華陣去。小心在意者。〔張蓋云〕得令。領三千軍馬。打日精月華陣去。走一遭。奉將令親領雄兵。打陣勢敢逞功能。殺匈奴亡魂喪膽。保家邦萬載咸寧。〔下〕〔正末云〕呼延必顯近前來。撥與你三千軍馬。你打黃河九曲陣去。則要你成功而回也。〔呼延必顯云〕得令。領三千軍馬。打黃河九曲陣。走一遭去。戈甲層層軍士排。將軍年少顯英才。休言九曲黃河陣。鐵壁銀山也撞開。〔下〕〔正末云〕大人。這青龍白虎陣。朱雀玄武陣。日精月華陣。二十八宿陣。黃河九曲陣。可也不打緊。〔寇萊公云〕楊將軍。全在你今日支撥了軍馬。來日打陣。大小衆將。聽楊將軍調遣。聽令而行也。〔正末云〕您衆將。誰敢打這天門陣去也。〔楊宗保云〕父親。您孩兒打這天門陣去。〔正末云〕楊宗保。憑着你甚麼武藝。你敢打那天門陣去。〔楊宗保云〕父親。憑着您孩兒身材凜凜。志氣昂昂。敢與番兵打陣交戰去也。〔正末唱〕

〔上小樓〕他氣昂昂的揚威耀武。他威凜凜的戎裝結束。〔楊宗保云〕您孩兒仗父親妙策神謀。您孩兒千戰千贏也。〔正末唱〕憑着你那千戰千贏。百戰百勝。妙策神謀。〔楊宗保云〕父親。憑着您孩兒手中定淮刀。敢當番兵也。〔正末唱〕則你那定淮刀。衝陣馬。把賊兵當住。直殺的些箇敗殘軍可也。亂逃無數。〔云〕楊宗保。撥與你三千軍馬。則要你

小心在意。成功而回也。〔楊宗保云〕得令。奉父親將令。領三千軍馬。打天門陣。走一遭去。雄兵率領出銅臺。猖獗匈奴犯境來。揮刀奮勇施威武。我着他遍山堆起虜屍骸。〔下〕〔寇萊公云〕楊將軍。這衆將怎生調遣來。〔正末云〕大人。楊景支撥了衆將也。〔寇萊公云〕將軍打陣。衆將都支撥了。索是費心也。〔正末云〕大人。還有二十八宿陣勢哩。〔寇萊公云〕將軍。這二十八宿陣勢。可差何人去也。〔正末云〕某領三千軍馬。親自打這陣去。〔寇萊公云〕憑將軍智中謀略。敢勇當先。量那虜酋到的那裡也。〔正末云〕非是楊景之能。皆賴聖人洪福也。〔唱〕

〔耍孩兒〕託賴聖明萬壽吾皇福。則俺這大將軍揚威耀武。〔寇萊公云〕楊將軍。你憑甚麼威武。掃除羣胡也。〔正末唱〕憑着我運籌決勝顯英雄。看今番破天陣。剿捕匈奴。俺這裡馬如北海金精獸。一箇箇人似南山他這箇白額虎。我直着寫滿了功勞簿。試看這一場交戰。不弱如那十面埋伏。〔寇萊公云〕楊將軍。你同衆將與北番打陣交鋒。我專聽凱旋報捷。得勝回京也。〔正末唱〕

〔二煞〕看招颺領隊的旗。聽撲簌簌催陣鼓。喝一聲陣門開。統長槍直殺入中軍去。那的是那顏洞賓來日排天陣。合該那韓延壽明朝可兀的歸地府。我去那四下裡邀截住咽喉路。我直殺的高阜處骨碌碌人頭亂滾。低窪處骨突突

鮮血模糊。〔寇萊公云〕楊將軍。如今聖人招賢納士。豁達大度。正用你股肱之臣。則要你用心竭

力也。〔正末唱〕

〔尾聲〕整朝綱須用您文。定邊疆當用武。那的是俺這大將軍端的是英雄處。託賴着洪福齊天聖明主。〔下〕〔寇萊公云〕楊將軍支撥了軍將也。這一去必然打破此陣。成功而回也。俺這裡人又英雄馬又奔。堅心竭力展江山。楊家父子忠良將。不殺番兵誓不還。〔下〕

第三折

〔韓延壽同淨顏洞賓都骨林忽里歹耶律灰土金宿蕭天佑蕭虎蕭彪躍馬兒領番卒子上〕〔韓延壽云〕全憑軍師排陣勢。定捉南朝楊六郎。某乃韓延壽是也。統領大勢番兵。困住銅臺軍師。今日楊六兒要來打陣。你與衆將說知。着他各守其位。用心擺陣者。〔顏洞賓云〕元帥放心。我擺這陣勢與元帥看。大小番將。各依着陣勢。都骨林。你在青龍陣。土金宿。你在白虎陣。蕭天佑。你在朱雀陣。蕭天佑。你在玄武陣。忽里歹。你在天門陣。耶律灰。你在九曲黃河陣。蕭虎蕭彪。你二人在日精月華陣。您知道了陣勢。各人用心。務要擒拏了楊六郎者。〔韓延壽云〕大小番兵。擺開陣勢。務要擒拏了楊六兒。兀那塵土起處。楊六兒敢待來也。〔正末同岳勝焦贊孟良張蓋李瑜楊宗保呼延必顯躍馬兒領卒子上〕〔正末云〕衆將各自用心。大小三軍。擺佈的嚴

整者〔唱〕

〔雙調新水令〕見騰騰殺氣可使暗青霄。我則見蕩征塵軍行五哨。則聽的震天金鼓響。捲霧繡旗搖。明晃晃劍戟槍刀。我看見堂堂陣列着軍校。〔云〕兀那番將。我如今打你那陣勢來也。〔顏洞賓云〕忽里歹。擺布的嚴整者。着他打俺這陣者。〔忽里歹云〕得令。〔擺陣科〕〔正末唱〕

〔快活三〕惡眼眼門旗前答話了。鬧垓垓陣勢裏喊聲高。響瑤瑤喧天聒耳戰。鑼鼓忽刺刺助殺氣催軍砲。〔云〕楊宗保打那天門陣去。〔楊宗保云〕得令。〔打陣科〕〔云〕打了天門陣也。〔韓延壽云〕軍師打了天門陣也。〔顏洞賓云〕不妨事。還有二十八宿陣哩。擺開青龍白虎陣者。〔都骨林士金宿云〕得令。〔擺陣科〕〔正末唱〕

〔鮑老兒〕喊一聲撲入垓心兩陣交。左右肋追風道。〔云〕岳勝孟良。你與我打這青龍白虎陣去。〔岳勝孟良同云〕得令。〔打陣科〕〔孟良云〕打了青龍白虎陣也。〔韓延壽云〕軍師。又打了青龍白虎陣了也。〔顏洞賓云〕不妨事。還有二十八宿陣哩。朱雀玄武陣擺開者。〔蕭天佐蕭天佑同云〕得令。〔擺陣科〕〔正末唱〕山頂上招呼旗磨着。接應起東西哨。有英雄虎將。開弓蹬弩。擐甲披袍。見馬軍步軍。鳴鑼擊鼓。舞劍輪刀。〔云〕李瑜焦贊。打朱雀玄武陣去。

〔李瑜焦贊同云〕得令。〔打陣科〕〔焦贊云〕打了朱雀玄武陣也。〔韓延壽云〕軍師打了朱雀玄武陣也。〔顏洞賓云〕不妨事。還有二十八宿陣哩。擺開黃河九曲陣。日精月華陣者。〔耶律灰蕭虎蕭彪同云〕得令。〔擺陣科〕〔正末唱〕

〔柳青娘〕一隊隊衝開陣角。人劣蹶馬咆哮。一行行英雄躁暴。仗兵器逞龍豪。從來不似這場惡戰討。〔云〕張蓋呼延必顯。您這二將打這黃河九曲陣。日精月華陣去。〔張蓋呼延必顯同云〕得令。〔打陣科〕〔張蓋云〕打了黃河九曲日精月華陣也。〔正末云〕好將軍也。〔唱〕四壁下軍圍數遭。料賊兵難走難逃。則見馬着槍人中箭。人中箭哭嚎啕。〔韓延壽云〕軍師又打了黃河九曲日精月華陣也。〔顏洞賓云〕不妨事。還有二十八宿陣哩。〔正末云〕衆將跟我打這二十八宿陣去來。〔衆將混戰科〕〔唱〕

〔道合〕殺氣冲霄。鏐鏐箭響似風雹。覷分毫擒草寇顯功勞。仗雄威憑謀略。施埋伏排軍校。四圍四圍聽咱調。撻鼓撻鼓奪旗號。那四圍四圍聽咱調。戰鼓戰鼓連天操。輕展猿猱。覷準低高。則見那紫金鉗三思臺。穿透了箭翎稍。〔顏洞賓云〕不想被他打破了我這陣也。不中。逃命。走走走。〔同韓延壽等慌敗下〕〔正末云〕俺今日破了他陣勢。大敗而走。更待干罷。便差四將岳勝焦贊孟良楊宗保。您衆將務要趕殺番兵。將顏洞

賓執縛定。丞相府中獻功去來。〔岳勝云〕得令俺趕殺番兵去來。〔正末云〕誰想有今日也。〔唱〕
〔尾聲〕將顏洞賓活捉拏。把韓延壽首級剝。班師得勝人歡樂。三軍踴躍。恁時
節封官賜賞論功勞。〔同衆將下〕

第四折

〔寇萊公領卒子上〕〔云〕全憑智勇安天下。忠心輔佐聖明君。老夫寇萊公是也。有楊景領衆將
破番兵去。捷音來報。得勝還營也。早間奏過聖人。就着老夫在帥府中安排筵宴。慶賞衆將。犒勞
三軍。小校門首覷者。若楊景等衆將來時。報復我知道。〔卒子云〕理會的。〔正末同岳勝焦贊孟
良張蓋李瑜呼延必顯楊宗保上〕〔正末云〕兄弟每。嚙去元帥府獻功去來。便好道大丈夫奮
發有時。誰想有今日也呵。〔唱〕

〔正宮端正好〕俺得勝也齊唱着那凱歌回。喜孜孜敲金鐙敢可兀的還營寨。
單注着韓延壽月直年災。這一夥兇徒惡黨他可也今朝敗。顏洞賓也你可也
把名聲壞。〔云〕這一場厮殺也呵。〔唱〕

〔滾繡毬〕不弱如韓元帥領雄兵在九里山。那一場大會垓。勝如那班超般。鎮
邊關那手策。〔云〕兄弟也。非俺衆將之能。〔唱〕也則是託賴着聖明君百靈助。齊天

福大方顯俺大將軍用機謀。施展我這雄才。〔岳勝云〕哥哥俺這等盡忠竭力。可望甚麼那。〔正末云〕兄弟也。俺這等盡忠竭力呵。〔唱〕我則待播清風着萬古揚。留名譽在青史載。俺只願的社稷安寧。我保山河永泰。怎時節受皇宣畫戟門排。俺則待忠心竭力把皇恩報。想古人言則俺那白屋寒門。咬出這將相才。我今日箇步上金階。〔岳勝云〕可早來到也。哥哥俺見大人去來。〔正末云〕小校報復去。道有楊景衆將得勝還營也。〔卒子云〕理會的。喏。報的大人得知。有楊景等衆將得勝還營也。〔寇萊公云〕道有請。〔卒子云〕理會的。有請。〔正末同衆見科〕〔寇萊公云〕楊將軍征討匈奴。掃蕩醜虜。鞍馬驅馳也。〔正末云〕大人坐帥府不易也。〔寇萊公云〕楊將軍老夫奉聖人的命。因爲你破虜擒胡。保安黎庶。在此帥府安排筵宴。慶功行賞。小校擡上果卓來者。〔卒子云〕理會的。〔擡果卓上科〕〔寇萊公把盞科〕〔云〕將酒來。楊將軍滿飲此杯。〔正末云〕大人先請。〔寇萊公云〕將軍請。〔正末做飲料〕〔寇萊公云〕將軍真乃英雄之將。誰想番兵侵犯邊境。將軍統領軍校。殺退番兵。兩陣之間。怎生施謀用智。你說一遍。老夫試聽者。〔正末云〕那番寇曾把天門陣勢排。施逞巧計戰銅臺。俺這裡真天子百靈成助。方顯俺大將軍施展雄才。〔唱〕

〔倘秀才〕殺的箇韓延壽顏洞賓失魂喪魄。單注着十萬賊年值月災。他可也

曾把天門陣勢排。俺得勝也。花腔邊鼓播。將雜彩繡旗開。越顯出俺英雄的氣槩。〔寇萊公云〕楊景。您衆將望闕跪者。聽聖人的命。大小衆將。一箇箇論功行賞。封官定爵。岳勝。威勇破寇。所向無敵。封你爲鎮守瓦橋等三關節度使。焦贊。雄威能戰。敢勇當先。封你爲鎮守代州節度使。孟良。驍勇過人。定邊無賽。封你爲鎮守忻州節度使。張蓋。深知謀略。廣運機籌。封你爲鎮守汾州節度使。李瑜。諫諍竭忠。邊關出衆。封你爲鎮守嵐州節度使。呼延必顯。爲你出陣有功。奮身不顧。封你爲鎮守銅臺節度使。楊宗保。打陣破敵。精曉兵法。與同楊景總鎮邊關。提督軍將。都招討衆將。都封了官職。您謝了恩者。〔正末同衆云〕感謝聖恩。〔寇萊公云〕楊將軍。那北番虜寇。怎生布陣排兵。你可怎生命將破陣。試說一遍者。〔正末唱〕

〔脫布衫〕則爲這顏洞賓將天陣齊排。領番將困住銅臺。我施展這神機妙策。說的他魂飛在九霄雲外。〔寇萊公云〕楊將軍。此一場平虜安邊。一託聖主洪福天威。二賴將軍英勇才智也。〔正末唱〕

〔小梁州〕也是俺聖主能差將相才。今日箇顯耀胸懷。也是他番賊福謝一齊來。我摺住他腰間帶。我將他活挾過馬鞍來。

〔么篇〕韓延壽逃生縱馬離營外。我可便急慌忙去扯銅胎。喝一聲休要走。他

回首忙遮蓋。我這裡弓開箭去。吉玎璫正中三思臺。（寇萊公云）今日定功行賞。筵宴已畢。您聽者。韓延壽悖逆侵邊。楊六郎掃滅狼煙。顏洞賓詭計排兵。岳勝等奮勇當先。今日箇論功行賞。在帥府大設華筵。仗天威平胡破虜。一齊的拜謝天顏。

題目

韓延壽索戰賭三籌

正名

楊六郎調兵破天陣

破天陣穿關

楔子

寇萊公兔兒角幘頭 補子卒子紅碗子盔 青布釘正末苗士安一字巾 補子圓

呼延必顯鐵幘頭 蟒衣曳撒 袍 項帕

頭折

韓延壽狐帽 膝欄曳撒 毛襖番卒子練垂帽 虎兒班丟袖都骨林練垂狐帽 皮

條茄袋耶律灰 練垂狐帽 毛襖忽里歹練垂狐帽 皮襖土金宿練垂狐

襖戰裙 皮蕭天佐練垂狐帽 皮襖戰蕭天佑 練垂狐帽 毛襖戰蕭虎 練垂

毛襖戰裙 皮蕭彪練垂狐帽 毛襖戰顏洞賓 散巾 皮胡祥一字巾 補子圓

候攢頂 圓領呼延必顯同呼延必顯又上 同正末楊景攢頂 玉色曳撒 項

第二折

岳勝萬字巾 膝欄曳撒 項帕 直 倭羅 萬字巾 錦襖 項帕 法 焦贊 鬚髮陀頭抹

撒皂袍 項帕 直 孟良 萬字巾 膝欄曳撒 項帕 直 寇萊公 卒子 同 正末 楊

景三山帽 玉色蟒衣 玉色袍 項帕 岳勝 鳳翅盔 膝欄曳撒 袍 項帕 焦贊 同

孟良四縫笠子盔 膝欄曳撒 紅袍 項帕 火葫蘆 李瑜 鳳翅盔 膝欄曳撒 袍 項帕 張

蓋鳳翅盔 膝欄曳撒 袍 項帕 楊宗保 鳳翅盔 膝欄曳撒 袍 項帕 呼延必

顯卒子 同 都骨林 番 卒子 同 韓延壽 顏洞賓 都骨林 忽里歹 耶律灰 蕭虎 蕭

彪 蕭天佑 蕭天佑 土金宿 番 卒子 同

第三折

韓延壽 顏洞賓 都骨林 忽里歹 耶律灰 土金宿 蕭天佑 蕭天佐 蕭虎 蕭彪 番

卒子同前 正末 楊景 岳勝 焦贊 孟良 張蓋 李瑜 楊宗保 呼延必 顯 卒子同前

兒 馬


第四折

寇萊公卒子

同前

正末楊景岳勝焦贊孟良張蓋李瑜呼延必顯楊宗保

同前



十樣錦諸葛論功

闕名

頭折

〔沖末扮李昉領張千上〕〔云〕開寶之年歷上科。懸頭刺股受奔波。一朝得志爲卿相。名入三公着紫羅。小官姓李名昉字明遠。深州饒陽人也。幼習先王典教。涉獵孔孟之書。一舉進士出身。宰相薦某可爲大用。拜中書舍人。後除翰林學士。宋太宗卽位。加某爲戶部侍郎。從征太原。奉駕次常山。此昉之故里。因上賜羊酒。人以爲榮。師還。拜中書侍郎。當今聖人治世。四海晏然。八方寧謐。所有大聖文宣王立廟於大漢之時。至今春秋享祭。有光先聖之德。聖人想歷代建功立國之將。盡忠竭力於國。上古至今。並不曾立廟享祭。忠臣良將之心。無顯後世。今奉聖人命。教吏部侍郎張齊賢爲編修官。將古之忠臣良將。可論功入廟。受國家春秋二祭。一顯武臣之能。二顯國家敬賢之意。小官不敢自專。須索令人請張齊賢大人來。同共商議。有何不可。〔張千云〕理會的。張齊賢大人安在。〔正末扮張齊賢上〕〔云〕小官姓張名齊賢。字師亮。曹州冤句人也。因兵亂徙家洛陽。先祖幸西都。小官布衣獻策馬前。詔某至行宮。某以手畫地。條陳十事。至先帝時擢進士。以某爲大理評事。通判衡州。淳化二年。改拜吏部侍郎。小官正在衙門中閑坐。大人呼喚。須索走一遭。

去想着先帝以來。收復四海。端的是君聖臣賢。官清法正也呵。〔唱〕

〔仙呂點絳脣〕祖舜宗堯。太平之兆。民安樂。道泰歌謠。尊舊典依公道。

〔混江龍〕見如今大開學校。文修武備。顯英豪。見如今八方無事。五穀豐饒。東夷西戎皆納土。南蠻北塞盡來朝。見如今車書一統。民安樂。託賴着明君治世。宰臣每鼎鼐和調。〔云〕可早來到也。令人報復去。道有小官來了也。〔張千云〕理會的。報的

大人得知。有張齊賢大人來了也。〔李昉云〕道有請。〔張千云〕理會的。有請。〔正末做見科〕〔云〕大人呼喚小官。有何事也。〔李昉云〕學士。請你來別無甚事。今奉聖人的命。爲因文武二廟。文廟已建完了也。則有武廟。未曾蓋起。將自古以來忠臣良將。有一十三箇。入廟陞堂之時。又有七十二郎將。雖然如此。爭奈這座位不定。我如今請將你來。商議座次。學士。座次你可編排。廟完自有加官賜賞也。〔正末云〕當今聖人大開學校。光顯俺文武臣僚。眞所謂勸賞黜陟之明也。〔唱〕

〔油葫蘆〕則爲這上古英雄運六韜。端的是輔聖朝。他每都是立綱陳紀美臣僚。都因這聖明君有德興王道。教這等忠直臣開國陞廊廟。〔李昉云〕武廟十三位中間。頭一位是誰。學士索要定奪也。〔正末唱〕中間裡是立周朝的姜子牙。論着他那妙策高。他可使鬢斑白纔得封官爵。他可使束帶立於朝。

〔天下樂〕他將這八百載江山平定了。想俺先朝洪福高。〔李昉云〕想俺先祖聖人陳橋兵變。立起錦片也似江山。南收李主。西擒薛王。平定了天下也。不讓姜子牙之謀也。〔正末唱〕他也曾單刀匹馬將賊寇勦。到南唐擒李朝。晉州將劉薛招。〔云〕俺聖主仁慈。〔唱〕眞箇是賽唐虞過舜堯。〔李昉云〕學士小官奉聖人的命。爲你編修武臣百將之官。選十三人入廟升堂。又有七十二郎將。就着學士監造廟宇。如廟完之時。就定座次。勿得有差。恐防後人議論也。〔正末云〕大人小官學問淺薄。難以克當。望大人別選有學之士。編排衆將座位。小官則管監造廟宇也。〔李昉云〕此事出於上命。小官不敢違背。望學士你仔細編排也。〔正末唱〕

〔後庭花〕則將那古賢臣姓字標。一箇箇播清名將勲業褒。他每可便於國行忠孝。一箇箇忘生曾戰討。今日箇要論功勞。教他陞堂入廟。在生時入凌煙名姓考。享榮華職位高。坐都堂請重爵。

〔柳葉兒〕呀。今日箇崢嶸顯耀。秉忠直保祚皇朝。將前賢座次依公道。今日箇持宣詔。都待要論功勞。端的是知重俺文武臣僚。〔李昉云〕聖人的命。你若定了座位。自有加官賜賞也。〔正末云〕大人小官論功定位。走一遭去也。〔唱〕

〔尾聲〕疾便去建祠堂。將廟宇從頭造。將十三箇忠臣像貌。依次第功勲分派。

着誰敢道差遲了分毫。自量度索論箇低高。疾便親身可便走一遭。見如今千
邦進表。萬民歡樂。則願的永綿綿萬載聖明朝。〔下〕〔李昉云〕學士此一去。必然論功
定位。監造祠堂完備了呵。聖人另有加官賜賞。皆因是當今大國用賢良。武將文臣入廟堂。聖德
巍巍過堯舜。無疆仰賀帝圖昌。〔同下〕

第二折

〔外扮增福神領鬼力上〕〔云〕不孝謾燒千束紙。虧心枉燕萬爐香。神靈本是正直做。不受人間
枉法賊。吾神乃上界增福神是也。爲因下方建立武廟。將自古歷代功臣。功大者入廟而坐。功小
者兩廊配享。今武廟蓋造已完。玉帝勅令。着吾神與十三箇功臣。只今去下方。着他各人定奪座
次完備。就受其國家享祭人間香火。吾今差一黃巾使者。說與姜太公。只今下方自定座位已完。
着吾神親臨下方。與聖朝增延降福。走一遭去。特奉天符玉帝差。爲興武廟重賢才。各人定奪功
勞位。那其間丹書飛下九天來。〔下〕〔姜太公領二鬼力上〕〔云〕先祖嘗爲四嶽封。東夷之地呂
爲宗。文王出獵同車載。滅紂興周姜太公。老夫太公望呂尚是也。祖居東海。其先祖嘗爲四嶽。封
於呂。姓姜氏。從其封姓。故曰呂尚。窮困年老。以漁釣于周。西伯將出獵。卜曰。所獲非龍非虎。非熊。
文王出獵渭水。遇某於磻溪。同車載歸。立某爲師。文王崩。武王卽位。東伐紂主。左仗黃鉞。右擁白

旄軍至孟津。戊午日兵臨孟水。甲子日血沒朝歌。立周朝三十六王。享國祚八百六十七載。封某於齊地。至今三千餘載。某死後英靈不散。正直爲神。方今宋朝。聖人卽位。四海晏然。八方寧靜。風調雨順。五穀豐登。大開學校。選用忠良。今要蓋造武廟。選前朝後代有功立國十三人入廟。塑像座次。兩廊七十二郎將。一顯武臣盡忠之心。二顯國家敬賢之意。如無上帝勅令。老夫並不敢陞堂入廟。雲中有一黃巾使者。飛騎而來。必是勅令。老夫接待。走一遭去。〔正末扮黃巾使者上〕

〔云〕吾神玉帝殿前黃巾使者是也。今奉上帝勅令。爲因當今聖主蓋造武廟。有十三人開國功臣。可以入廟陞堂。則有這座次未定。上帝勅命。着吾神說與姜太公。走一遭去。〔唱〕

〔南呂一枝花〕恰離了紫霄宮玉殿前。我與你卽便的傳宣勅。建祠堂立廟宇。標名姓塑容儀。誰敢延遲。則爲那十三人有尊卑。因此上惹一場閑是非。且休論前後高低。我別辨箇從頭至尾。

〔梁州〕見如今聖明主仁慈大德。因此上普天下進貢在丹墀。崇儒重道無爲治。千邦歡慶。四海雍熙。田蠶百倍。麥秀雙垂。罷干戈不動征旗。官廉清路不拾遺。我我我。正遇着聖明君。尙武崇文。是是是。則因他盡忠心。扶持社稷。呀呀呀。一箇箇施謀略。妙算神機。齊家治國。教他每自排座次。封官位。誰敢道停時霎。

暫遲滯。說與那昭烈成王心內知。教他便別辨箇高低。〔做見科〕〔正末云〕太公接

玉帝勅命。〔姜太公云〕有何聖語。〔正末云〕今奉玉帝勅命。爲因當今聖朝。蓋造武廟。選用十三人陞堂入廟。兩廊七十二郎將。都要封官賜位。受國家萬年香火也。〔姜太公云〕想當今聖人建起武廟。選用古之名將。入廟陞堂。有光武臣之節也。〔正末唱〕

〔牧羊關〕託賴着聖明主施仁政。用忠良作柱石。活時節坐都堂廕子封妻。一箇箇戶列簪纓。一箇箇門排畫戟。今日箇墓頂上封官位。建神廟。塑容儀。則您這英勇千年在。清名萬古知。〔姜太公云〕當今聖主。爲何則用十三人入廟。不知主何意也。〔正末云〕自古賢才難得。當今聖人。見您扶立前朝。累建功勳。因此上選用十三人入廟陞堂也。

〔唱〕

〔四塊玉〕則因你有平定功。顯志節把江山立。十三人入廟陞堂豎碣碑。見如今吾皇寬厚行仁義。因爲您盡忠心輔聖朝。顯英豪扶社稷。今日箇分尊卑排座位。〔姜太公云〕想老夫年登八十遇文王。有何開國之功。敢陞武廟。有玷武臣之名也。〔正末云〕

太公。自開基以來。只因你立周朝三十六主。建國號八百六十七年。多曾與國建功。無過於汝。奉上帝勅命。先傳帝勅與你。將十三人請在一處。同說功勞。各陞座位也。〔姜太公云〕老夫有何立

國之功。敢陞武廟。難以克當也。〔正末唱〕

〔罵玉郎〕你多曾與兵領將施謀智。您也曾平了東魯。定了南陲。想當初非熊入兆風雲會。周文王因採獵出禁城來尋那應夢人。不知道居何地。

〔感皇恩〕正見你垂釣在磻溪。穩坐灘磯。您可便意相投心相愛。他將你載同歸。你扶周朝八百。立帝號三十。先擒了崇侯虎。後收了墓內人。你與他定了華夷。

〔採茶歌〕則爲你顯雄威吐虹霓。你在那白旗上斬妲姬。戊午日孟水兵臨擒紂主。甲子日朝歌血浸似潢池。〔姜太公云〕老臣不敢有違。奉上帝勅命。便同十三人。與七

十二郎將。便入武廟。論功陞座去也。
〔正末云〕你若定了座位。可來回上帝命也。
〔唱〕

〔尾聲〕你則索依功封賞安官位。我則索緊駕祥雲將帝勅回。我怎敢暫時俄延。略遲滯。讚吾皇聖德。祝吾皇聖威。仰賴着一統乾坤萬萬紀。〔下〕
〔姜太公云〕天

使去了也。老夫不敢怠慢。便索請衆將入廟。令人請去了。這早晚敢待來也。
〔范蠡上〕
〔云〕輔

國安邦爲上卿。全身遠害有聲名。苧蘿山下西施女。一笑傾吳勝萬兵。某乃越國范蠡是也。某生前佐於越國。拜爲上卿之職。因與吳國夫差交鋒。累諫不從。勾踐會稽遭囚。食茹嘗膽。得脫還鄉。

某常懷主公之恨。獻西施與夫差。後傾越兵。一鼓而下。吳國已爲丘墟。某死歸冥路。正直爲神。聞知聖人要與俺立廟陞堂。今有太公老將軍有請。須索走一遭去。可早來到也。鬼力報復去。道有范蠡來了也。〔鬼力云〕理會的。報的上聖得知。有范蠡來了也。〔姜太公云〕道有請。〔鬼力云〕理會的。有請。〔做見科〕太公喚俺衆功臣。有何事。〔姜太公云〕老宰輔少待。等別的功臣每來時商議。〔張良上〕〔云〕八卦隱士按陰陽。扶持社稷定邊疆。當初不進圯橋履。怎得妙策立高皇。某乃韓國人也。姓張名良字子房。某少年逃難於下邳。遇黃石公得素書之略。累解沛公危難。嚇項伯成親。連雲棧一火興劉。鴻門會設計救主。作謠言散了楚兵。立國安邦。累建奇功。今已正直爲神。有姜太公有請。不知有何事。須索走一遭去。可早來到也。鬼力報復去。道有張良來了也。〔鬼力云〕理會的。報的上聖得知。有張良來了也。〔姜太公云〕道有請。〔鬼力云〕理會的。有請。〔做見科〕〔云〕太公張良來了也。〔姜太公云〕子房等衆將來全。有事商議。〔孫武子上〕〔云〕五申三令號嚴明。戰國春秋顯姓名。暗思自古安邦將。誰似吾嘗教女兵。某乃齊國人也。姓孫名武子。以兵法佐於吳王闔廬。某自造兵書。親修戰策。後吳國拜太師之職。治應兵書一十三篇。教吳姬三千女兵書。嚇秦齊威懾楚晉。累建大功。今有太公有請。須索走一遭去。可早來到也。鬼力報復去。道有孫武子來了也。〔鬼力云〕理會的。報的上聖得知。有孫武子來了也。〔姜太公云〕道有

請〔鬼力云〕理會的。有請〔做見科〕〔云〕太公某來了也。〔姜太公云〕先生來了。且少待。等衆將來全時。有事商議。〔田穰苴上〕〔云〕文能撫衆武能威。欲問三軍斬將機。離城一舍誅莊賈。勇退雄兵百萬回。某乃司馬田穰苴是也。田完之苗裔。齊景公時。晉伐阿甄。而燕河上。齊師敗績。景公患之。晏嬰薦曰。文能撫衆。武能威敵。景公召某。爲將統兵。某言曰。臣素鄙賤。願得君之大臣以監軍。景公使莊賈監軍。某與約曰。旦日中會於軍門。莊賈素倚驕貴。不甚爲意。親戚左右留飲。多時乃至。某言曰。爲將受命之日。則忘其家。臨軍約束。則忘其親。聞枹鼓之急。則忘其身。今敵國深侵。邦內騷動。士卒暴露於境。君寢不安席。某召軍正問曰。軍法期而後至者何罪。軍正言曰。當斬。某於是遂斬莊賈以徇。三軍士卒次舍井竈飲食間疾醫藥。自拊循之。三日而後勒兵。士卒爭奮。晉師聞之。罷兵。燕師聞之。渡水而解。某統軍追襲。遂退所亡邦內故境。諸侯朝齊。皆某之功也。今司馬兵法。聲傳天下。今正直爲神。姜太公老將軍有請。須索走一遭去。可早來到也。鬼力報復去。道有穰苴來了也。〔鬼力云〕理會的。報的上聖得知。有穰苴來了也。〔姜太公云〕道有請。〔鬼力云〕理會的。有請。〔做見科〕〔云〕老將軍某來了也。〔姜太公云〕將軍且一壁有者。看有那位將軍來。〔樂毅上〕〔云〕忘生捨死三千陣。機變收軍七十城。試問七國春秋帥。獨占諸侯第一名。某乃樂羊子之後。樂毅是也。封某爲昌國君。某受陰書三卷。曾拜某爲破齊大帥。威懾羣雄。兵欺外

國取齊城七十二座。戰諸侯三千餘陣。累建功勳。今有老將軍姜太公有請。須索走一遭去。可早來到也。鬼力報復去。道有樂毅來了也。〔鬼力云〕理會的。報的上聖得知。有樂毅來了也。〔姜太公云〕道有請。〔鬼力云〕理會的。有請。〔做見科〕〔云〕太公衆公卿。恕罪。某來遲也。〔姜太公云〕將軍來了也。等衆將來全。有事商議。〔白起上〕〔云〕雄威戰將佐強秦。後破長平百萬兵。雖然坑卒。天有報。昭公封某武安君。某乃秦白起是也。乃咸陽人氏。某佐於強秦爲大將軍。廣看兵書。多知戰策。長昭公之節概。捉廉頗於陣前。名鎮七雄。千戰千贏。數敵皆勝。有姜呂望老將軍有請。須索走一遭去。可早來到也。鬼力報復去。道有白起來了也。〔鬼力云〕理會的。報的上聖得知。有白起來了也。〔姜太公云〕道有請。〔鬼力云〕理會的。有請。〔做見科〕〔云〕太公衆將軍勿罪。某來遲也。〔姜太公云〕將軍略等片時。還有不曾來的將軍哩。等衆將來全時。有事商議。〔外扮李靖上〕〔云〕併國相吞事可圖。扶持社稷古今無。殺盡虜寇猶未捨。陰山七騎戰匈奴。某姓李名靖。字藥師。京兆三原人也。拜文中子爲師。曾與母舅韓擒虎。常論韜略兵書。立大唐之國。變晝爲夜。撒豆成兵。揮劍成河。呼風喚雨。回風擒褚亮。喚月斬唐弼。立唐以來。累建大功。今正直爲神。有太公老將軍有請。須索走一遭去。可早來到也。鬼力報復去。道有李靖來了也。〔鬼力云〕理會的。報的上聖得知。有李靖來了也。〔姜太公云〕道有請。〔鬼力云〕理會的。有請。〔做見科〕〔云〕太公

衆宰輔。恕小官來遲也。〔姜太公云〕將軍少待。等衆將來全商議。〔管仲上〕〔云〕忘生捨死統
戈矛。能文會武運機籌。試看前後安邦策。天下英傑我爲頭。某乃齊國齊城人也。姓管名仲字夷
吾。某有分金之義。先曾定國安邦。平生勇烈。威鎮諸侯。撫安社稷。名傳外國。九合諸侯。一匡天下。
今以正直爲神。老將軍姜太公有請。須索走一遭去。可早來到也。鬼力報復去。道有管仲來了也。
〔鬼力云〕理會的。報的上聖得知。有管仲來了也。〔姜太公云〕道有請。〔鬼力云〕理會的。有請。
〔做見科〕〔云〕太公衆將勿罪。某來遲也。〔姜太公云〕將軍少待。衆將來全。有事商議。〔李勣上〕
〔云〕隋末羣雄逞威風。能文能武有誰同。青史標名凌煙內。官封唐朝英國公。小官姓徐名勣字
懋功。御賜姓李。祖居曹州離狐縣人也。初從李密混唐。後佐於大唐。建業安邦。關西救應。美良川。
遭危困難。救應榆科園之苦。雖爲竭力興邦。感聖人龍鬚調藥。官拜英公之職。自立唐以來。建立
功勳。名標青史。今有姜太公老將軍有請。須索走一遭去。可早來到也。鬼力報復去。道有李勣來
了也。〔鬼力云〕理會的。報的上聖得知。有李勣來了也。〔姜太公云〕道有請。〔鬼力云〕理會的。有
請。〔做見科〕〔云〕太公衆將勿罪。小官來遲也。〔姜太公云〕懋功來了也。等衆將來全時。有事計
議。〔郭子儀上〕〔云〕中興唐室集英賢。立國安邦二十年。只因立國興兵戰。托住東南半壁天。某
乃華州人也。姓郭雙名子儀。某破維兵。北番歸朝。邀主西川。還國漁陽。戰退安祿山。幽州活捉史

思明殺胡人不敢正目而視之。於大唐多立功勳。今以正直爲神。姜太公老將軍有請。須索走一遭去。可早來到也。鬼力報復去。道有郭子儀來了也。〔鬼力云〕理會的。報的上聖得知。有郭子儀來了也。〔姜太公云〕道有請。〔鬼力云〕理會的。有請。〔做見科〕〔云〕太公衆將恕罪。某來了也。〔姜太公云〕將軍且一壁有者。兀的又有一位將軍來也。〔諸葛亮上〕〔云〕隱居南陽習兵文。扶持先主立乾坤。錦繡江山十萬里。茅廬一論定三分。貧道覆姓諸葛名亮字孔明。道號臥龍先生。某佐於劉先主麾下。拜爲軍師。我未出茅廬。鼎足三分天下。博望燒屯。赤壁鏖兵。六出祁山。石伏陸遜。七擒七縱。屍戰仲達。與先主建立蓋世功勳。今有姜太公老將軍有請。須索走一遭去。可早來到也。鬼力報復去。道有諸葛亮來了也。〔鬼力云〕理會的。報的上聖得知。有諸葛亮來了也。〔姜太公云〕道有請。〔鬼力云〕理會的。有請。〔做見科〕〔云〕太公衆宰輔恕罪。貧道來遲也。〔姜太公云〕孔明來了也。少誰哩。〔張良云〕則少韓元帥未來哩。〔姜太公云〕等來時同共商議。〔韓信上〕〔云〕幼習呂望六韜文。亡秦滅楚建功勳。曾懸大楚三齊印。扶立劉朝四百春。某姓韓名信。生前淮陰下湘人也。幼而習文。長而習武。先佐項羽。手下爲執戟郎之職。後歸於漢。拜某爲治粟都尉。得蕭何三薦登壇。破楚之後。拜某爲三齊王。死歸冥路。正直爲神。今爲下方聖朝建立武廟。有俺這十三箇當以入廟功臣之將。上帝明降未臨下方。今有姜太公請俺衆將。須索走一

遭去可早來到也。鬼力報復去。道有韓信來了也。〔鬼力云〕理會的，報的上聖得知。有韓信來了也。〔姜太公云〕道有請。〔鬼力云〕理會的。有請。〔做見科〕〔云〕太公。韓信來遲勿罪也。〔姜太公云〕您衆功臣每都來全了也。我非私來。奉玉帝勅令。爲因當今聖人崇儒重道。選用忠良。蓋造武廟。將俺前朝將帥。論功陞座。有光武將之能也。今奉勅命。着俺十三箇功臣到下方定座位。若完備了。就受其祭享。衆將不必久停。同入廟論功陞座。走一遭去。聖主崇文重賢良。修營武廟盡陞堂。九原共得霑禮祀。方顯忠良有大光。〔同下〕〔淨扮夏侯惇上〕〔云〕三分大將夏侯惇。家住廬州老兒村。若還上陣看不見。兩箇眼兒一箇昏。某乃大將夏侯惇的便是。佐曹孟德手下。多曾建功。官拜蓼兒凹巡檢之職。真箇是旗開不勝。馬到常輸。因某生前搦奸把猾。死後永做餓鬼。雖然如此。一靈真性不散。聽的當今聖人建立武廟。選用古今十三人陞堂。兩邊列七十二郎將。我想來這武廟中誰人敢去。料想十三人中。必有我的座位。墜落雲頭。武廟中走一遭去。遠遠的雲頭起處。敢是那一位將軍來也。〔淨扮張士貴上〕〔云〕幼小曾將武藝攻。南征北討不曾贏。英雄趕趕無人賽。柴米油鹽醬醋葱。某乃大將張士貴是也。佐於大唐爲帥。世不成功。坐下好騎一匹鴨脚匾胖驢狗。手中持着蘆葦穠棍。甘蔗槍。自家不濟。常是賴功。官拜總管之職。皆因我生前扭曲作直。死之後東也不管。西也不收。今聞知宋朝建立武廟。將自古功臣選用入廟陞堂。雖然

我生前無功。也是我武臣之職。我今日也到武廟。冲他一砲。占的箇座位。永遠得喫三牲。強如做箇餓鬼無塚墓。到處裡打遊飛。兀那將軍。你來者何人。〔夏侯惇云〕某乃三分大將夏侯惇是也。你是何人。〔張士貴云〕某乃唐將張士貴是也。〔夏侯惇云〕將軍何往。〔張士貴云〕聽知的建立武廟。選用忠臣良將。陞堂入廟。我看我的座位去也。將軍何往。〔夏侯惇云〕我也去武廟中弄一手。占箇座位去。〔張士貴云〕將軍。你乃無名小將。有何功勞。怎生入的武廟也。〔夏侯惇云〕放你娘臭屁。我的功勞。倒不如你。想我年紀小時。南討北征。西除東蕩。鞍不離將身。甲不離馬背。多曾建功來。你有何功勞。敢入武廟。〔張士貴云〕你正是不識你娘羞哩。我若說起我功來。說的你一步八跌。〔夏侯惇云〕你有甚麼功勞。〔張士貴云〕我這裡不和你說。我到武廟中。自有箇分曉。嚙兩箇駕起雲頭。往武廟中去來。〔同夏侯惇下〕

第三折

〔正末上〕〔云〕小官翰林學士張齊賢是也。今奉聖人的命。爲因起造武廟。選用上古立國安邦武臣十三人。入廟陞堂。兩邊塑七十二郎將。聖人的命。教小官定座位。小官這一遭用心。非同小可也。想爲臣者盡忠竭力。輔佐朝綱。國家必有重用也呵。〔唱〕

〔雙調新水令〕今日箇論功列位入祠堂。都是些三定江山武臣良將。則爲您施

謀扶社稷。用智輔朝綱。保護的國祚延昌。今日箇繪容貌塑形像。〔云〕小官可早

來到廟中。我將這史書觀看者。將這座位來安排也。〔唱〕

〔沉醉東風〕我將這功勞簿從頭細講。武臣書仔細推詳。〔云〕這一位是姜尚。他堪可坐尊。〔唱〕他也曾立周朝八百年。建國號千春旺。他可也戰夷狄拱手歸降。若

論着爲國於家。他可將武廟掌。今日箇受國諡封官賜賞。〔云〕小官恰安排了一位

也。覺一陣昏沉。小官搭伏着卓子。盹睡一覺者。〔做睡科〕〔姜太公同范蠡張良孫武子田穰苴

樂毅白起李靖管仲李勣郭子儀諸葛亮韓信領鬼力上〕〔姜太公云〕自小曾將韜略通。軍分

奇正立成功。蒼顏皓首明軍律。則我是破紂興周姜太公。老夫姜太公是也。今奉玉帝勅令。爲因

立國建功。教俺十三人陞堂入廟。功大者上首而坐。功小者下位而坐。可早來到也。〔做見正末

科〕〔云〕學士〔正末云〕呀呀呀。面前立着十三箇人。不知是何方聖者。甚處靈神。〔姜太公云〕

學士休驚莫怕。俺是十三箇入廟的功臣。俺如今各自定奪這座位。老夫微言出僭。擇其善者而

從之。其不善者而改之。老夫姓姜名尚字子牙。河陽孟津人也。弔民伐罪。磻溪遇文王。尊讓某爲

師。某克日行兵。領三萬三千三百三十單三騎人馬。盡都是白袍白甲白旗白馬。戊午日兵臨孟

水。甲子日血浸朝歌。祭周天七十二位凶神。安周朝八百六十七年天下。扶周朝三十六主。老夫

有詩爲證。西伯文王出獵畋。非熊入兆應高賢。當時不遇磻溪叟。誰立周朝八百年。〔正末云〕原來這十三箇功臣。自來定奪這座次。你看那人人英勇。箇箇威風也。〔唱〕

〔喬牌兒〕我則見衆功臣臨廟堂。〔衆云〕太公當可坐尊位。官封昭烈武成王。〔姜太公云〕老夫德薄。衆將恕罪也。〔正末唱〕我見他行揖禮施謙讓。一箇箇貌威嚴。身凜烈。言詞講。都是些立功勞真棟梁。〔姜太公云〕您衆將各請開談。〔夏侯惇同張士貴上〕〔夏侯惇云〕說話中間。可早來到武廟也。〔張士貴云〕他這衆將。怎麼敢坐。故意等待我二人哩。噤如今行動些。〔做見科〕〔夏侯惇云〕衆將唱喏哩。〔張士貴云〕衆位老大兒。我在下作揖哩。〔姜太公云〕二位將軍何往。〔夏侯惇云〕俺聞知的蓋造的武廟已完。選用古今將帥。入廟陞堂。俺故意的來占座位來。〔姜太公云〕將軍貴姓。〔夏侯惇云〕這老兒怎生不認的我。則我是曹操手下大將夏侯惇。〔姜太公云〕你生前有何功勞汗馬。〔夏侯惇云〕這老兒。你是不知道。我做入時。那其間還不曾生你哩。我說起我那功勞來。說轉了您十三箇人腰子。〔姜太公云〕請將軍說你那功勞。好安座位。〔夏侯惇云〕我也曾水滄下邳。我也曾博望燒屯。我也曾赤壁鏖兵。我也曾怒斬顏良。論此大功。堪可入廟。〔張士貴云〕你看這箇說弟子孩兒。這幾件功勞。都不是你的。都是孔明老大兒的。〔夏侯惇云〕你這廝多嘴。你有甚麼功勞。〔張士貴云〕你瞞我。我瞞的你。好哩。好歹瞞不

過這大衆官人每。我說起我那功勞來。說的您屁撒流星。〔夏侯惇云〕你說你那功勞。〔張士貴云〕我也曾跨海征遼。鴨綠江戰退高麗。將飛刀對箭。殺退摩利支。立起大唐天下。論我功勞。堪可入廟。〔夏侯惇云〕吓。你不羞。你在生時賴功。死了也賴功。都是薛仁貴的功勞。若論我的功勞。則讓的這箇鬍子老兒。第二箇便是我。〔張士貴云〕這老者在生時快釣魚。〔姜太公云〕頗奈二賊無禮。今日學士奉聖人的命。建造武廟。選用功臣。衆將在此。他兩箇無甚功勞汗馬。故意打攪。左右那裡。〔夏侯惇云〕這老兒好歹也胡亂帶攜我兩箇也罷。〔張士貴云〕這老兒落的做好人哩。又不喫了你家的祭物。我兩箇跟着你門背後接坐碗兒喫也能。你怎麼這般分星撥雨。的。〔姜太公云〕將二賊罰入鄴都。永爲餓鬼。〔夏侯惇云〕這老兒好無面情也。想你老婆也是我姐姐。老人家你便是我姐夫哩。〔姜太公云〕搶出二人去。〔一鬼力同云〕理會的。〔做搶〕夏侯惇張士貴科。〔張士貴云〕我去便去。氣出我一箇南曲兒來。〔唱〕

〔鎖南枝〕來武廟。〔夏侯惇唱〕爭坐地。〔張士貴唱〕說我的功勞都是別人的。〔夏侯惇唱〕不能穀祭祀饅頭。倒受了一場氣。〔張士貴唱〕他下的。〔夏侯惇唱〕把俺門外推。〔張士貴唱〕你是餓食牢。〔夏侯惇唱〕你是箇大油嘴。〔夏侯惇云〕罷罷罷。各家自掃門前雪。莫管他人屋上霜。〔同下〕〔范蠡云〕衆將聽我開言。老夫越范蠡是也。佐於

越王手下爲上卿。則爲那會稽遭囚。食茹嘗膽。吞穢噉糞。得脫還鄉。到苧蘿江下館娃宮。教西施歌舞傾吳。來報越國之恥。姑蘇滅吳。此是我之功也。有詩爲證。大軍長水免災危。後報姑蘇勝會稽。驅兵立帝七國戰。乘舟遙望五湖歸。〔正末唱〕

〔落梅風〕這一箇皓首的是姜呂望。這一箇漢留侯本姓張。這一箇教三千女兵郎將。這一箇田穰苴立兵書有智量。這一箇下齊城搗虛批亢。〔姜太公云〕衆將各自獻功。〔張良云〕某姓張名良字子房。韓國人也。圯橋下得了黃公三略法。文武兼濟。後佐於漢主。救沛公之險。嚇項伯成親。鴻門會八字救主。散楚將斬韓生。此是我之功也。有詩爲證。紅日東生作半竿。江山社稷俺曾安。不是子房求英俊。韓侯爭得拜將壇。〔諸葛亮云〕貧道覆姓諸葛名亮字孔明。道號是臥龍先生。上有太公在此。衆將都有。貧道佐於先主麾下。運籌帷幄之中。決勝千里之外。我功勞最大。有八句詩爲證。修真隱跡住南陽。蜀王三請出茅堂。吞吳三氣周公瑾。平蠻七縱孟獲王。散關八陣施謀略。茅廬一論定興亡。自從死却南陽叟。更無人守臥龍岡。〔姜太公云〕論諸葛之功。可與孫武子對坐。〔諸葛亮云〕既有太公之命。貧道當坐。〔韓信云〕諸葛武侯無禮也。衆公卿在此。想韓信文通三略。武解六韜。輔佐沛公。掃蕩羣雄。蕭何三薦。印掛元戎。築壇拜將。捧轂推輪。三載亡秦。五年滅楚。一匡天下。席捲三秦。九里山前十面埋伏。逼霸主烏

江自刎。立漢朝四百年天下。此是某之功也。恐君不信。有詩爲證。氣沖牛斗貫凌雲。能與前賢自出羣。皇朝曾掛三齊印。青史名標八舜臣。謀略諸侯千條計。掌握英雄百萬兵。高賢屈指從頭數。似我登壇有幾人。〔諸葛亮云〕韓信。你出言忒大了也。〔韓信云〕我豈大言。非自誇也。〔諸葛亮云〕韓信你聽者。我有詩爲證。你時來豐沛勸高皇。運去遭誅死未央。韓信休誇施英勇。吓當初何作假齊王。〔韓信云〕住者。我也有詩爲證。我貧窮守志不狂圖。身富當年掛虎符。十大功勞傳天下。方表劉朝真丈夫。〔諸葛亮云〕韓信。你是前漢的人。我是後漢的人。我須知你前漢的事。你須不知我後漢的事。你豈不知我前知五百年。中知五百年。後知五百年。共計一千五百年。你說你有十件功勞。我一件功勞對你一件。你明修棧道。我立取金牛。你暗度陳倉。我六出祁山。你席捲三秦。我龐掠四郡。你擒夏侯斬張全。我斬張郃收王雙。你弔燈毬斬龍苴。我舉夜火燒韓全。你涉西河虜魏豹。遣金收趙。我石伏陸遜逼司馬走三千三百里。你廣武山小會垓。九里山大會垓。我趕曹操於渭水。收西川智取漢中。此乃我之功也。有詩爲證。張良扶漢日東生。日當卓午嚴子陵。紅輪本義西山墜。被這臥龍托住不教行。〔正末唱〕

〔沽美酒〕這一箇憑英雄輔漢王。這一箇用機謀立襄王。韓元帥捧轂推輪顯紀綱。這一箇胸襟膽量。三請下臥龍岡。

〔太平令〕這修棧道明施智量。他也曾領雄兵暗度陳倉。這一箇博望屯火焚了曹將。夏侯惇軍亡兵喪。我這裡自想忖量。非是他自獎。都是立功勳的忠臣良將。〔韓信云〕聖明天子百靈扶。奸臣賊子俺平除。軍前則用名帥首。何用南陽一野夫。〔諸葛亮

云〕兀那韓信。你聽者。你雖扶立高皇。不如我功勞大也。我再數幾件功勞你聽。我不出茅廬。鼎足三分天下。博望燒屯。九敗夏侯惇。隔江關智。赤壁鏖兵。三氣周瑜。黃鶴樓八字救主。與孫劉結親。教張飛義釋了嚴顏。禮伏了龐統。使張飛取了葭萌關。遣黃忠復奪了昇仙橋。取了劍關。收了散關。奪了巴閬郡。收了蜀錦江。霸西川五十四州。涉大水。渡長江。殺劉璋。破曹仁。屍戰仲達。逼吳魏兩不和。操琴曾飛三尺雪。彈劍復凍五湖冰。八蠻拱手。孟獲王七擒七縱。此乃是我之功也。有史官詩爲證。紅輪西墜漸西遷。復立劉朝四十年。輕舒一隻擎雲手。托住三分鼎足天。〔韓信云〕諸葛亮。你雖有功。不如我用兵英雄。我也曾調百萬大兵在九里山。令子房鐵笛吹楚歌。散楚軍八千。嚇虞姬請劍而亡。逼霸王烏江自刎。立此大漢天下。皆是我之功也。有詩爲證。立國安邦百戰雄。陸堂入廟果存忠。莫言武將千條計。不及韓侯十大功。〔正末唱〕

〔川撥棹〕我見他說行藏。他當時惡狠狠忿氣夯。這一箇狀貌堂堂。那一箇志氣昂昂。他道是領雄兵扶立起漢王強。推翻了楚霸王。〔諸葛亮云〕韓信。則知你有

十件大功。不知你有十件大罪。你聽者。灤水河不救主。罪之一也。你常有挾天子之威。罪之二也。反間計信蒯通烹了酈食其。罪之三也。你鎮淮楚三宜不至。罪之四也。三敗魏豹不斬。罪之五也。不由主自稱三齊王。罪之六也。不殺趙臣李左車。罪之七也。滎陽不救漢王。罪之八也。暗藏鍾離昧。罪之九也。鴈門關搬調陳豨反。罪之十也。韓信你聽者。生居村野。長在農桑。非出世之英雄。乃一代之匹夫。不遇時受惡少年之胯下。事不成盜蕭何之瓜馬。怕你不信。亦有詩爲證。立漢非爲韓信能。垓前全仗子房公。成功早不休官去。死在陰人掌握中。韓信你無功。我還有功哩。有詩爲證。蜀王三請出茅廬。賢者自賢愚者愚。休笑南陽耕種叟。壓盡淮陰胯下夫。〔正末唱〕

〔七弟兄〕擺列着櫓檣下江戰殺場。東吳公瑾當名望。苦肉計黃蓋一身當。曹孟德軍馬合當喪。

〔梅花酒〕呀。戰船上列萬糧。張翼德火箭如飛蝗。大砲振穹蒼。燒敵軍着忙。那曹兵多半來火內焚。少一半水中亡。滿江中盡火光。火纏風勢偏張。風橫火越顛狂。

〔喜江南〕呀。死屍骸泊滿了夏三江。旗旛順水亂漂揚。且休說三秦席捲顯高強。九里山那場。不如他七擒七縱孟獲王。〔周瑜上〕〔云〕某乃周瑜是也。今日定功臣座。

位。來到廟中。衆將恕罪也。〔韓信云〕兀那諸葛。想隔江鬪智。不是你之功。多虧這周瑜也。〔諸葛亮云〕周瑜小子。如何出的貧道穀中。我也曾隔江鬪智。三氣周瑜。皆是我之功也。〔周瑜云〕頗奈諸葛無禮。你和韓信爭座位。須不干我事。你怎生對軍師面前。言說隔江鬪智。三氣周瑜。豈不聞閻王注定黃昏死。不敢留人到五更。諸葛你雖然有功。不如我一件功勞。有詩爲證。吾使心機勝孔明。三江夏口記成功。當初不是周郎火。誰破曹軍百萬兵。〔諸葛亮云〕周瑜。你道三江夏口。火燒曹操八十萬大兵。片甲不歸。是你之功。我有詩爲證。開國周郎不是雄。西焚魏帝武侯功。破曹夏口三江火。吓不說東南一陣風。〔周瑜云〕我與諸葛論功。出不得諸葛之手也。〔周瑜怒科〕〔云〕這一場不干別人事。都是學士張齊賢之過。我拔劍在手。教他喫我一劍。休推睡裏夢裏。〔姜太公云〕噤衆將回上帝話去來。〔同衆下〕〔正末做驚覺科〕〔云〕兀的不誑殺小官也。恰纔睡夢中。分明見十三人入廟論功。休道陽世之人不爭氣。十三人死魂爲箇座位。尙然論功。既然功位已定。小官回奏聖人。走一遭去。呂望。鵬夷子房功。穰苴。孫武計謀同。白起。樂毅臨黃閣。夷吾。李靖播清風。子儀。李勣爭戰策。諸葛。韓侯論奇功。十三武廟安邦將。盡在南柯一夢中。〔唱〕

〔尾聲〕我見他仗雙鋒。忿怒回頭望。驚的我手慌張。魄散魂飛蕩。須索急急奏。吾皇。我只教萬載千年將他這姓名講。〔下〕

第四折

〔李昉領張千上〕〔云〕常懷經濟居廊廟。每獻謀猷贊化機。小官李昉是也。奉聖人的命。因爲武廟完備。着張齊賢學士安排功臣座次去了。若安排停當。着小官在此準備重賞張齊賢學士。令人看者。這早晚敢待來也。〔正末扮張齊賢上〕〔云〕小官張齊賢是也。奉聖人的命。着小官定奪十三箇功臣座位。今日事完。見大人走一遭去。〔唱〕

〔正宮端正好〕奉聖勅建祠堂。繼往事。思前代。論功勳。將座次安排。則爲那股肱臣扶社稷。可便功勞大。因此上入廟將清名載。

〔滾繡毬〕想英雄百戰功。救顛危憑手策。掃寰區肅清邊塞。一箇箇受封官顯耀奇才。在生時輔明君爵位高。今日箇得陞堂時。將名姓載。與他那武將每又添風采。則他那行善惡的他可便兩下裏安排。行忠孝的生榮死貴千年表。行佞惡的到後來滅族遭刑見報來。這的是天數合該。〔云〕可早來到也。報復去。道張齊賢來了也。〔張千云〕理會的。喏。報的大人得知。有張齊賢大人來了也。〔李昉云〕道有請。〔張千云〕理會的。有請。〔正末做見科〕〔云〕大人。小官來了也。〔李昉云〕學士。那十三位功臣座次安定也不曾。〔正末云〕大人。那十三箇功臣座次。都安排了也。那七十二郎將。在兩廊各依次序。都

安排了也。〔李昉云〕好好好。學士小官奉聖人的命。着小官在此丞相府等學士那。別的七十二郎將由閑可。則有這十三箇入廟陞堂的功臣。各有前朝後代。亦有功勞大小不等。學士可怎生分派座次。這一場索是用心也。〔正末云〕大人非小官之能。皆託聖人洪福。這一場非人力所爲也。〔李昉云〕學士試說一遍者。〔正末唱〕

〔倘秀才〕奉聖勅君王點差。將武廟一齊的起蓋。則爲歷代功臣座次排。若論功勞呵。差着前後。屈着英才。可着我難做一箇剖劃。〔李昉云〕這十三箇裏面。或有功勞大小。或有前朝後代。似此事實難定奪也。〔正末云〕小官正憂悶之間。忽覺一陣昏沉。我搭扶着書卓兒。權時歇息着。不想一夢中見十三箇臣宰。到的廟中。當先一老宰輔。自言他姓姜名尙字子牙。乃是姜太公。他那出身入仕。說了一遍。衆人一齊儘讓。那太公中間裏剛坐下。那衆人可早一箇箇開談也。〔李昉云〕那原來學士睡着。那十三箇功臣都到廟中。各言其志。可是誰先啓口。慢慢的說一遍者。〔正末唱〕

〔脫布衫〕那太公笑吟吟胸捲江淮。把從前一箇箇言開。他道若不是姜呂尙除危去害。怎能設安周朝八百餘載。〔李昉云〕學士。那太公坐了尊席。衆位功臣心中。可是如何也。〔正末唱〕

〔小梁州〕可着他頭位尊席正可該衆功臣喜笑盈腮。越王范蠡棟梁才。依節次都分派。則見那諸葛亮將大言開。〔云〕則見那頭一位太公坐。第二箇是范蠡。第三箇田穰苴。第四箇樂毅。第五箇孫武子。第六箇是諸葛亮。恰纔說罷。方欲待坐。則見一人厲聲高叫諸葛亮未該你坐。這人是誰那。〔唱〕

〔么篇〕則見那淮陰韓信爭前代。〔云〕他道你怎敢坐吾肩。上。諸葛道。你有何功勞。那韓信說。我有十大功勞。諸葛道。我也有十大功勞。諸葛說的韓信閉口無言。則見殿堦下怒了一人。〔唱〕見周瑜仗龍泉走上瑤階。將我這午夢驚。覺來時都分派。這的也非干人力。都是這天地巧安排。〔李昉云〕張齊賢。你望闕跪着。聽聖人的命。如今當今聖主重賢臣。明君聖德過堯舜。崇文重武定乾坤。萬國衣冠仰至尊。爲談武將前賢德。陸堂入廟塑儀容。蒙差學士排資次。一夢之間遇鬼神。各人身序尊卑坐。誰薄誰淺謾評論。覺來座次安排定。回奏天顏喜笑生。賜你香酒百瓶銀千兩。加你吏部尙書更修文。今日箇加官賜賞丹墀內。祝願皇圖萬萬春。〔增福神上〕〔做在雲端顯化科〕〔云〕您衆文武羣臣休驚莫怕。我非奉私來。我親奉着玉帝天符。爲朝廷重武崇儒。思前代忠臣良將。建武廟塑像裝圖。顯忠良扶持社稷。表丹誠掃蕩寰區。千千載光輝榮耀。萬萬年永固皇圖。〔正末云〕何方聖者。甚處靈神。通名顯姓者。〔唱〕

〔呆骨朶〕感神明聖德洪威大。荷天恩拜舞在金堦。聖明君溥濟千邦。見如今
威伏四海。今日箇君聖臣賢治。化育的歲稔年豐快。一齊的謝神天來降福。則
願你保家邦千萬載。〔增福神云〕則爲你文官把筆安天下。武將提刀定太平。今日箇天神享

福興王業。永保皇圖萬萬齡。

題目

八府相齊賢定座

正名

十樣錦諸葛論功

關雲長大破蚩尤

闕名

頭折

〔冲末范仲淹領張千上〕〔云〕王法條條誅濫官。刑名款款理無端。官清法正天心喜。作宰爲臣民意歡。老夫姓范名仲淹字希文。祖居乃吳郡蘇州人氏。幼習儒業。頗看詩書。自中甲第以來。累蒙擢用。頗有政聲。今謝聖恩可憐。爲老夫廉能清正。節操堅剛。奉公守法。處事和平。今加老夫爲天章閣大學士之職。今奉聖人的命。爲因山間林下。多有懷才抱德。賢良方正。隱跡埋名。不肯爲官。着老夫差寇萊公。直至五南採訪賢士。若有呵。着此人保到朝中。量才擢用。聖人云。舉善薦賢。必有安身之法。說與寇萊公。着他用心採訪。疾便長行。奉命親差不暫停。緊馳驛馬出神京。五南採訪賢良士。宣入朝中作宰臣。〔下〕〔外扮呂夷簡領張千上〕〔云〕幼習詩書曉夜攻。吾家三輩正儒風。調和鼎鼐名臣子。累代官居八府中。小官姓呂名夷簡字坦夫。祖乃龜祥。父乃蒙亨。叔乃蒙正。小官幼承父母遺訓。頗涉經史。以科第任用。官拜中書平章領省之職。小官每舉賢才。任用者乃范仲淹文彥博曾公亮陳堯佐等。皆小官所薦也。今蒙聖人可憐。見小官擢用良才。銓衡人物。褒貶必當。激濁揚清。御書方正忠良四字賜之。又勅賜懷忠之碑。方今禮樂興行。肅清海內。托賴

聖明洪福齊天。今奉聖人的命。差寇萊公前去五南採訪賢士。就修理軒轅廟。不知完備也不會。小官着人請去了。張千門首觀者。若來時。報復我知道。〔張千云〕理會的。〔正末扮寇準上〕〔云〕老夫姓寇名準字平仲。官封萊公之職。今奉聖人的命。差老夫去五南採訪。就修理軒轅廟。今因解州經過。不知是何妖孽。將鹽池枯乾了。小官不敢隱諱。須索報與大人去。想俺爲人臣者。則要盡忠報國。輔助朝政也呵。〔唱〕

〔仙呂點絳脣〕見如今四海寧康。太平有望。無偏黨。我如今鬢髮如霜。官封到頭廳相。

〔混江龍〕見如今蒲州神壯。枯乾了日收萬貫解鹽場。東連着濱洛。西接定穹蒼。百姓每喫了那一箇月連漿酸水飯。四十日無鹽淡泥湯。則我這眼前所見渾天象。我可便身耽着利害。我則索奏與君王。〔云〕可早來到也。令人報復去。道有寇萊公來了也。〔張千云〕理會的。〔做報科〕〔云〕報的大人得知。有寇萊公在於門首。〔呂夷簡云〕道有請。〔張千云〕理會的。有請。〔正末做見科〕〔呂夷簡云〕老丞相鞍馬上驅馳。小官奉聖人的命。因老丞相五南採訪。可有何賢士。各處百姓如何。老丞相說一遍者。〔正末云〕相公。老夫奉聖人的命。五南採訪。各處百姓。托賴着明君治世。四海晏然。百姓每好生的快活。老夫因打解州經

過不知有何妖邪。將鹽池枯乾了。惟有解州百姓每。好生艱難也。〔呂夷簡云〕似這等邪神。吸乾了鹽池。更待干罷。老丞相想開關已來。曾有鹽池枯乾了不會。老丞相略談一遍者。〔正末唱〕

〔油葫蘆〕想當時混沌初分有解良。我幾曾經這一場。則他那富豪民喫不得淡泥漿。盼些箇苦甜水有似天收醬。盼着些衝清泥渾似天波浪。百姓每不恁般慌。不恁般忙。投至得鬧垓垓屯滿了鹽池上。九千箇蠶老麥焦黃。〔呂夷簡云〕丞相鹽者乃珍饈之內百味之主也。能殺飲食中諸毒惡氣。世人若無此鹽。焉能壯其筋力也。〔正末唱〕

〔天下樂〕便做的美味珍饈怎的嘗。常好是荒也波荒。一地方。百姓每便會調羹湯。怎能穀啓味香。俺宰臣每理四時輔萬方。我則索一星星奏帝王。〔呂夷簡云〕丞相不知是何邪神。將這鹽池枯乾了。似此呵。如之奈何也。〔正末云〕相公俺是凡人。如何知道。如今有信州龍虎山張天師。他道法精嚴。可差人去請天師下山來。便知道是邪魔外道。若天師來呵。那其間再做箇商量。〔呂夷簡云〕丞相言者當也。則今日小官去奏知聖人。便差人往信州龍虎山。請張天師去也。〔正末唱〕

〔後庭花〕你與我躬身在香案傍。休道是祭神靈謹上香。奉聖旨忙差遣。使命

官降御香。略則索禱穹蒼。我想這蒲州神壯。觀絕了那般景像。百姓每荒上荒。

〔呂夷簡云〕若不是丞相主張。此事可怎了也。〔正末云〕我若不對着大人說呵。〔唱〕

〔青哥兒〕呀。俺須是頭廳頭廳宰相。我這裡疾便的奏與奏與君王。無幾日把鹽池做了戰場。便和那文武商量。整點軍裝。將枯乾了日收萬斛解鹽場。敢這禍事從天降。〔呂夷簡云〕老丞相。你且請回。小官見了聖人。便差使命往信州龍虎山。請張天師去。他若來呵。自有箇主意也。〔正末云〕相公。此事不可遲慢也。〔唱〕

〔尾聲〕火速的問天師。不住的宣仙長。盡法兒叮嚀問。當則爲鹽池遭禍殃。都道是祭神靈治國安邦。〔呂夷簡云〕未知此人道法如何。〔正末唱〕休把他覷尋常。便賜與他羅錦千箱。〔呂夷簡云〕我若奏知聖人。便差使命去也。〔正末唱〕疾便的宣來特賜賞。領金冠鶴氅。賜與他安車一輛。消的他駕白雲。飛過漢陽江。〔下〕〔呂夷簡云〕寇萊公去了也。某則今日奏過聖人。便差使命。命至信州龍虎山。請張真人去。他若來呵。小官自有主意。遣宣命勿得延俄。休辭憚途路奔波。憑天師拏雲手段。剿除了外道邪魔。〔下〕

楔子

〔正末扮張天師領淨道童上〕〔正末云〕貧道姓張名乾耀。道號澄素。我祖傳道法。戒律精嚴。三

十二代。輩輩留傳。貧道在這信州龍虎山居住。每日修行辦道。貧道正坐之間。一陣香風過。必有使命至此也。道童門首覷者。若使命來時。報復我知道。〔道童云〕這箇師父不知人辛苦。我小道昨日喫了兩碗燒酒。今日害酒。正要打箇盹。可又使我也罷。我去我去。〔做出門科〕〔云〕道可道。非常道。名可名。非常名。趙錢孫李。周吳鄭王。馮陳褚衛。扭股兒麻糖。看有什麼人來。〔使命躍馬兒領張千上〕〔云〕雷霆驅號令。星斗煥文章。小官天朝使命是也。今奉聖人的命。着〔小官〕直至信州龍虎山。請虛靜天師。〔小官〕乘騎驛馬。不分星夜。可早來到也。下的這馬來。庵門首有一道童。我試叫他一聲。兀那道童。〔道童云〕稽首。老官兒是何人也。〔使命云〕小官天朝使命是也。奉聖人的命。請你那師父來。〔道童云〕老官兒。你來的好。我們師父正悶坐來。你則在這裡。可不要去了。我報復去。〔報科〕〔云〕報的師父得知。有天朝使命。在於門首。〔正末云〕道有請。〔道童云〕理會的。有請。〔使命做見科〕〔正末云〕使命大人。鞍馬上勞神。此一來有何貴幹也。〔使命云〕師父。小官奉聖人的命。着〔小官〕乘騎驛馬。一徑的來請師父。則爲解州枯乾了鹽池一事。請師父下山。不可有違聖命。收拾行裝。便索長行也。〔正末云〕比及使臣至。貧道已自知道了也。道童收拾行裝。則今日往京師見聖人。走一遭去。〔道童云〕師父。別的不打緊。於路上多帶些那紫皮青蒜。好喫打刺孫。走困了解渴。我若喫醉了。管情累你一路。〔使命云〕師父。我想您出家人兒。修真養性。

煉藥燒丹。遠離塵世。隱避山林。到大來耳根清靜也。〔正末唱〕

〔賞花時〕每日家演教修真煉大丹。猛然間天使飛臨龍虎山。不知是何孽畜逞兇頑。攝的那鹽池來便盡乾。〔使命云〕聖人的命。着你星夜臨朝。不可遲慢也。〔正末唱〕我須索朝帝闕。可兀的奏天顏。〔下〕〔使命云〕小官不敢久停久住。左右將馬來。回聖人話。走一遭去。今朝特奉聖人宣。宗風演教玉真仙。遠離山色登途路。親臨丹陛面天顏。〔下〕〔道童云〕師父先去了也。這一去見了聖人。一定有加官賜賞。憑着我小道。有撲蒼蠅的手段。捉虱子的機謀。到那裡我若施展起來。一定也着我做箇真人。則今日與師父收拾信香寶劍法衣等件。我如今鞍上驢。騎着駱駝。牽着細狗。跟着師父。跑一遭去。則今日登山涉水。這一去苦了我兩條大腿。俺師父到那裡有喫有穿。我少不的跟着他抹箇油嘴。〔下〕

第二折

〔蚩尤神領鬼力上〕〔云〕扶持炎帝立三皇。名號蚩尤本姓姜。自從涿鹿身亡後。久葬鹽池占解良。吾神乃蚩尤神是也。姓姜名號蚩尤。乃炎帝之苗裔。吾聚英傑浩大。軒轅兵來。吾在涿鹿交戰。吾大敗虧輸。將吾遂擒殺之。將屍骸撇在鹽池之中。吾一靈不散。今千百餘年。久占此池。聚山精海獸。外道邪魔。三千餘鬼。十萬妖兵。因吾神通廣大。變化多端。號爲蚩尤神是也。今普天下修蓋

聖祖三皇之廟。吾與軒轅有山海之誓。不能得報。吾在鹽池之中。日出萬貫。黎民百姓。皆餐此池中之鹽。此吾之功也。倒不與吾立廟。吾今將鹽池之水。拘攝枯乾。教民間百姓。無鹽食之。若聖人得知。必與吾神立廟。那其間風調雨順。黎民樂業。若不與吾神立廟。我着風雹亂下。損壞田苗。方稱吾平生願足。當日箇共軒轅交戰。涿鹿。將吾神損壞身軀。若與吾陞堂立廟。我着這鹽池水依舊如初。〔下〕呂夷簡領張千上。〔云〕竭力忠心扶社稷。虔誠至意立家邦。小官呂夷簡是也。今奉聖人的命。爲鹽池一事。今差使命。直至信州龍虎山。宣張真人去了。小官在此等候。這早晚敢待來也。〔正末扮天師同使命領淨道童上〕〔正末云〕貧道乃天師張真人是也。今有使命。宣貧道下山。可早來到京師也。〔使命云〕師父。行了箇月期程。可早來到京師也。〔道童云〕師父聊住片時。你也等我一等。老山裏着我獨自箇走。不想撞着箇兔子。險些兒拖了我去了。師父道服寶劍。我都收拾將來了也。〔正末唱〕

〔南呂一枝花〕背着這七星寶劍匣。我受的是九曜課經錄。繫着這三清六配裙。我這裡穿八卦錦襴服。煉的我輕健身軀。如意冠。渾金鑄。自存心。拘着禮數。我雖只在龍虎山居。則我這同道友難爲做觀主。

〔梁州〕極少有三千處臨壇會首。更少有九千場受天心正法門徒。七星環列。

爲先主。四值天聖。四大神殊。你看我踏罡步斗。似用功夫。我可便追攝的神魂。賓服。定睛觀天地蓬壺。我我我仗神鋒斷怪除妖。是是是憑道法驅邪斬虎。來來來試看我顯神通。呪水書符。〔使命云〕這的是祖宗傳受道法。也非同小可也。〔正末唱〕奉祖宗傳授道術。我虔心祈禱呼雷雨。將妖怪收捕。外道邪魔拱手伏。不比其餘。〔使命云〕師父俺來到也。略等片時。小官先過去。令人報復去。道有使命請的張真人來了也。〔張

千云〕理會的。〔報科〕〔云〕報的大人得知。有使命請的張真人來了也。〔呂夷簡云〕師父來了也。道有請。〔張千云〕理會的。有請。〔使命同正末見科〕〔使命云〕大人。小官奉聖人的命。前去龍虎山。宣召的張真人來了也。〔正末云〕大人喚貧道來。有何事幹也。〔呂夷簡云〕今請師父來。別無甚事。有這解州鹽池。不知是何邪神。將這鹽池攝的枯乾了。今奉聖人的命。着小官遣差使命。特請師父下山來。一看是何妖邪也。〔正末云〕比及大人問呵。貧道已知道了也。〔呂夷簡云〕師父既然知道了呵。可是甚麼邪神。〔正末云〕大人。此乃是蚩尤神作亂也。〔呂夷簡云〕師父比先上古之時。蚩尤作亂。有軒轅氏破了蚩尤。嗣在解州。到今有千百餘年也。不想此邪神又作亂。似此可怎了也。〔正末云〕大人。此非人力能除。可得一員神將。方破的蚩尤神也。〔呂夷簡云〕師父。可不知那一位神祇。近的他也。〔正末云〕大人。則除是這一員神將。方可破的蚩尤。〔呂夷簡云〕

可是那一員神將。他生居何處也。〔正末唱〕

〔哭皇天〕那位神何鄉故。〔呂夷簡云〕此神在那裡爲理。〔正末唱〕他住在解州城主地土。那陀兒排陣角。那陀兒暗埋伏。專聽着催軍畫鼓。你與我疾差一箇使命。我速遣一箇天神。好大駝細馬。金紙銀錢。苦苦的玉泉山那裡禱告去。〔呂夷簡云〕到那裡可禱告那一位神祇也。〔正末唱〕那位神愛騎的捲毛赤兔。他生的九尺二虎軀。〔呂夷簡云〕這位神祇。他那秉性如何也。〔正末唱〕

〔烏夜啼〕他古城中尋問他哥哥去。將春秋左傳曾讀。報曹公恩念施威武。不戀金珠。不羨嬌姝。可是他封金棄印有誰如。則爲他生前正直無私曲。據慷慨多稱許。死歸於正道。立廟身居。〔呂夷簡云〕師父。這一位神將。端的是何人。〔正末云〕大人。這一位神將。姓關名羽字雲長。今爲玉泉山都土地。則他便破的蚩尤。〔呂夷簡云〕哦。原來是二將軍關雲長。爭奈他是一員神將。怎生得見他也。〔正末云〕大人。別人去也不濟。你親自到玉泉山。你則尋玉泉長老。便見關將也。〔呂夷簡云〕師父。則要此言有准者。〔正末唱〕

〔尾聲〕想當初一世辭辛苦。今日無毒不丈夫。那漢武忠直忒忿怒。有膽量有智謀。則他那三停刀。今古皆無。那其間掃滅了那邪神。到大來是福。〔下〕〔呂夷簡云〕

簡云「使命。你則今日還送真人回龍虎山去。」使命云「小官理會的。」呂夷簡云「小官不敢久停久住。則今日直至玉泉山。訪問玉泉長老。走一遭去。承差奉命跨雕鞍。只爲鹽池近日乾。訪問長老的實事。星飛直至玉泉山。」下「使命云」道童。你師父去了。你有什麼手段。」道童云「使命。你休小覷我。我師父的法籙。都傳授了我。我如今喝聲疾。我就去也。」使命云「你那裡去。」道童云「我那裡去。我管上天去也。」使命云「你上天去也。沒奈何。你有靈丹。與我一丸。」道童云「我說罷也。欲待空飛。不想他扯住我法衣。你心中要傳些道法。你問我要討些東西。我與你這瓣信香。用時節口中嚼碎。我與你這口寶劍。端的是吹毛剗水。你得了劍心中歡喜。」使命云「可知歡喜哩。」道童云「你休歡喜。左右是木頭做的。」下「使命云」則今日將着賞賜之物。送真人回龍虎山。走一遭去。不辭憚水遠山重。驟驂驢此日登程。張真人除邪歸正。親送到龍虎山中。」下

第三折

「長老領淨行者上。」長老云「明心不把幽花撚。見性何須貝葉傳。出日冰消原是水。回光月落不離天。貧僧是這玉泉山住持長老是也。自幼出家。金刀落髮之後。經文佛法。無不通曉。此寺中有百十衆僧。貧僧做着箇長老。今有二將軍雲長。在此寺中爲土地。常去朝玉皇。七日走一遭。但回來和老僧閑攀話。行者門首觀者。看有什麼人來。」行者云「理會的。」呂夷簡驢馬兒上。」云

小官呂夷簡是也。今奉聖人的命。着小官直至玉泉山。訪問玉泉長老。走一遭去。前行數日。可早來到玉泉山寺門首也。左右接了馬者。〔見行者科〕云兀那行者。你長老在寺中麼。〔行者云〕在寺中喫狗肉哩。〔呂夷簡云〕你看這禿子胡說。你報復去。道有呂夷簡特來相訪。〔行者云〕理會的。〔報科〕云報的師父得知。有呂夷簡下馬也。〔長老云〕道有請。〔行者云〕理會的。有請。做見科。〔長老云〕大人。此一來有何事也。〔呂夷簡云〕長老。此一來別無甚事。我奉聖人的命。爲因解州鹽池枯乾。乃是蚩尤神作亂。有張真人曾言。則除是神將。方可破敵。今有二將軍雲長。在此玉泉山爲土地。道常與長老攀話。今奉聖人的命。着長老怎生與關將說一聲。則除是他。方可以破的蚩尤。若破的蚩尤。救了生靈之難。聖人與他重修廟宇。再蓋祠堂。長老意下如何。〔長老云〕大人。他是神將。你是凡人。怎生問他。他若來時。你在这屏風後邊趨着。我喚着你。你便出來。〔呂夷簡云〕我知道。等來時。我趨在一壁。〔長老云〕行者。一壁看茶湯來者。〔行者云〕理會的。看茶看茶。茶裏頭着上兩箇螃蟹。〔正末扮關將上〕云吾神姓關名羽字雲長。爲某生前正直忠良。死歸冥路。今奉玉帝勅令。着某爲玉泉山都土地。每日無甚事。與這玉泉山長老閑談話。今日因朝玉帝已回。還於本處去。想吾神生前盡忠報國。掃除賊寇。多曾有功勞汗馬也呵。〔唱〕

〔正宮端正好〕斬四寇破黃巾。赤壁下東風順。燒曹操八十萬帶甲的精兵。想

他那少年用智的這周公瑾。諸葛亮妙策神謀運。

〔滾繡毬〕我想着這晉宋齊梁楚陳。他每都各安其分。鬧垓垓四海征塵。想唐室終五代興。天降下掌萬幾治安仁聖。見如今一統乾坤。則這君王有德。可便過湯武。則他這文武賢良社稷臣。因此上五穀豐登。〔長老云〕兀的一陣香風過處。敢是二將軍雲長來了也。相公。你且迴避者。〔呂夷簡云〕理會的。我且趨在這屏風後面者。〔做趨科〕〔長老見正末接科〕〔云〕尊神有請。〔正末云〕師父。我去了七日光景。不會見師父也。〔長老云〕尊神請坐。老僧與尊神閑口論閑話。想將軍在生時。生的容貌端然。今日正直爲神。可塑的如此惡像。可是爲何也。〔正末云〕長老不知。不干別人事。都是這塑的待詔功德主。他的不是了也。〔唱〕

〔倘秀才〕頗恨那愚濁下民。他塑畫的我不依本分。我在生時誰曾道。每日朝朝無是狼塑的我。披着副黃金鎧。可帶一頂滲青巾。他將咱來祭敬。〔長老云〕二將軍。因你正直爲神。別的神祇。一年享祭一遍。惟尊神一年享祭三遍。是四月八日。五月十三日。九月十三日。因尊神靈感所祐。百姓享祭也。〔正末云〕師父。且休說。四月八日。九月十三日。〔唱〕〔么篇〕則說五月十三日早晨。至少呵有一千箇罪人。我是這大祠堂玉泉山。

一箇土地神。他每唱罷三聲喏。鬧炒炒衆黎民。不一時將我來擡出這廟門。〔長老云〕把尊神擡出廟門。可往那裡去也。〔正末唱〕

〔滾繡毬〕他擡的我望前去走似雲。往後來躡倒人。不知那打傘的在那陀兒裡尋趁。都是那四箇繫花腿。擡轎子的喬人。晌午間熱氣薰。看看的使斷那厮筋。那時節眼暈。掂的我腦悶頭昏。我在那五雲轎子三千點。〔長老云〕因爲尊神靈感。如此享祭也。〔正末唱〕我爲這一炷明香。可着我到處巡。枉費了我些精神。〔長老云〕尊神。今有聖人的命。差呂夷簡來說有一蜚尤神作亂。將鹽池枯乾了。今請二將軍去破這蜚尤神。若破了蜚尤神。聖人的命。就封上聖崇寧真君。尊神主意如何。〔正末云〕這邪神敢如此無禮。長老。你着呂夷簡回聖人的話去。吾神領本部下神兵。去破這蜚尤神去。解救州一郡黎民之難也。〔長老云〕憑神靈勇烈過人。這一去必然破了蜚尤也。〔正末唱〕

〔伴讀書〕我將聖旨都聽盡。惱的我不鄧鄧。嗔忿忿。則他那作業蜚尤把鹽池混。他怎敢和軒轅聖帝懷讎恨。打磨那明如秋水青龍刃。更有那合死的冤魂。〔笑歌賞〕一騎馬刺顏良趕路塵。三停刀誅文醜報讎恨。數搥鼓斬蔡陽登時分。在生時有政聲。死之後便爲神。來來來則今朝破蜚尤。不索掛黃金印。〔長老云〕

云〕如今聖人便差使命。往解州與尊神立廟去也。〔正末唱〕

〔二煞〕快打磨伏紅纓青龍偃月刀頭刃。教關平拂綽了綠絨擗鎖子黃金甲上塵。把赤兔馬忙牽。鳳翅盔緊按。勒甲縵牢拴。斬將刀輕輪。朝元處躬身。着箇禮數。坐廟處威壓着山林。喫齋處講論些經文。則把箇佛家的弟子。生扭做了殺邪的惡魔君。〔云〕吾神則今日奏知上帝。着天曹官助其神兵。便擒拏蚩尤去也。〔長老云〕尊神這一去。必然破了蚩尤也。〔正末唱〕

〔尾聲〕好共歹今日排軍陣。多和少臨時助大兵。上祝天下祝人。領神兵疾便行。拏住邪神救萬民。你看我收伏蚩尤。我直教證了本。〔下〕〔長老云〕關將去了也。請相公出來。〔呂夷簡見科〕〔云〕長老如何。〔長老云〕相公賀萬千之喜。關將聽得貧僧說了。欣然許諾。就去奏知上帝。便破蚩尤去。這一去必然成功也。〔呂夷簡云〕多虧了長老。到朝中奏知聖人。便差人往解州。與關將立廟去。小官不敢久停久住。左右那裡。將馬來。回聖人話。走一遭去。爲蚩尤作亂生殃。因關將秉性忠良。破此神與民除害。在解州立廟陞堂。〔下〕〔長老云〕不想關將去破蚩尤去了。這一去必然成功。貧僧無甚事。且回方丈中去也。眼觀旌捷旗。耳聽好消息。

〔下〕

楔子

〔蚩尤神領鬼兵打旗號上〕〔云〕滿腔怨氣何時退。一怒鹽池水盡乾。吾神乃蚩尤神是也。自從將鹽池拘攝枯乾。有大宋聖人。召張天師朝見。命玉泉山關將與吾神拒敵。吾想來。關將乃後漢昭烈之良臣。豈曉上古軒轅之大事。量此神何足道哉。吾今率領山精海獸。魍魎邪魔。數百餘萬。單等關將鬪勝。走一遭去。我離鹽池親出波浪。顯猙獰神威本像。統山魃十萬妖兵。仗威風千般膽量。擺列着魍魎山精。屯排着戈矛儀仗。惡眼睜瞪弩開弓。氣昂昂神強馬壯。密匝匝海獸邪魔。鬧垓垓妖氛鬼將。撲瑟瑟戰鼓雷鳴。齊臻臻槍刀曜日。氣沉沉冷霧朦朧。黑洞洞妖雲遮障。戰關將瑞雪湯澆。破神兵魂亡膽喪。總饒你關將英雄。怎如這蚩尤勇壯。若拏住義勇雲長。報冤讐決無輕放。〔下〕〔正末躍馬兒領關平周倉天丁神兵打旗號吹畫角上〕〔正末云〕吾神乃玉泉山都土地關將是也。奉宋天子之命。着吾神去破蚩尤。吾神奏知玉帝。統五嶽四瀆之神兵。救鹽池久遠之枯竭。大小神兵。擺布的嚴整者。〔關平云〕得令。那狂風起處。蚩尤神敢待來也。〔蚩尤神騎猛獸領鬼兵上〕〔云〕吾神乃蚩尤神是也。今與關將鬪勝。大小鬼兵。擺開陣勢者。〔鬼力云〕得令。〔蚩尤云〕來者何神。〔正末云〕吾神關將是也。爾乃何神。〔蚩尤云〕吾神乃蚩尤神是也。我與軒轅有讐。以此枯乾了鹽池。干你甚事。你領兵來爲何。〔正末云〕吾神奉宋天子之命。特來擒

拏你箇潑邪神。〔蚩尤云〕我天也不怕。地也不怕。三界神祇不敢近傍。量你箇紅臉漢。則是箇土地之神。有何神通法力。敢與吾神鬪勝也。〔正末云〕兀那潑邪神。你聽者。我雖是玉泉山土地。因我平生精忠報國。感動上天。今宋天子勅封爲崇寧真君。更有玉帝勅令。率領五嶽四瀆之兵。吾坐中軍。特來掃蕩。及早歸降。〔蚩尤云〕量你何足道哉。鬼力操鼓來。〔鬼力云〕得令。〔正末云〕關平壓着陣。兀那蚩尤神。鬪勝來。〔做戰科〕〔唱〕

〔賞花時〕我與你緊驟胭脂赤兔馬。撲刺刺嘶喊咆哮衝陣踏。〔蚩尤云〕我舉起這鉞斧來。滿面的劈將去。〔正末唱〕你那裡輪鉞斧。賣熟滑。我將這青龍刀架。〔蚩尤云〕你將青龍刀架住我開山斧。你敢再戰麼。〔正末唱〕敢着你一命染黃沙。〔蚩尤云〕吾神不用開山斧。我綽起這狼牙棒來。和你決戰九千合。〔正末取鞭科〕〔唱〕

〔么篇〕你可也莫把狼牙鐵棒誇。我舉起鋼鞭劈面打。〔帶云〕着去。〔蚩尤掉下猛獸科〕〔唱〕我見他魂魄散遠天涯。〔衆神兵拏住蚩尤神科〕〔云〕上聖。俺活拏住蚩尤神也。〔正末云〕鎖定蚩尤。跟着我夢境中見范舉士去來。〔神兵云〕得令。〔正末唱〕將蚩尤護押。〔帶云〕衆神兵跟我來。〔唱〕我與你託夢去赴京華。〔同下〕

第四折

〔范仲淹領張千上〕〔云〕忠肝義膽扶王業。竭力存忠輔聖朝。老夫范仲淹是也。今聖人差呂夷簡往玉泉山請關將去。不想關將到解州。破了蚩尤平定了也。一郡百姓各安其業。今奉聖人的命。着老夫往解州。與關將立廟去。不敢久停久住。則今日往解州立廟。走一遭去。奉勅命登途踐道。因關將堅持節操。差老夫不避驅馳。至解州興工立廟。〔同下〕〔外扮老人同莊客淨社長上〕〔老人云〕米麥盈倉民樂業。太平盛世廣收成。老漢是這解州的老人。爲因這裡鹽池枯乾了。俺這一郡百姓。好生艱難。不想近日間這鹽池邊。忽然有風雹驟雨。風過處不想鹽池復舊如初。俺一郡百姓。每都皆歡喜。焚香拜謝天地。不知怎生寧靜了。聽的說有天朝使命來到也。俺老人每在此等候。說道今日下馬。這早晚敢待來也。〔范仲淹領張千上〕〔云〕老夫范學士是也。自離京師。早到解州也。兀的老人家。您是什麼人。〔老人云〕俺是這解州的老人。〔范仲淹云〕您這裡百姓如何。〔老人云〕大人。俺這裡爲因鹽池枯乾了。俺這一郡百姓。好生艱難。近日間風雨過處。這鹽池復舊如初。百姓每每日焚香拜謝天地。不知怎麼來。俺聽的大人來到。俺衆老人在此接待大人來。〔范仲淹云〕您老人起來。您領着俺同到鹽池所在。〔老人領科〕〔云〕大人。則這裡便是。〔范仲淹云〕您衆老人每聽者。爲因您這鹽池枯乾了。一郡黎民受苦。聖人間張真人言說是蚩尤神作亂。除是神將可破。聖人差呂夷簡。直至玉泉山請土地神。此神乃漢壽亭侯。如今破了蚩

尤神也。聖人的命。着老夫到此。與關將立廟。一壁廂人夫木料。都準備下也。您衆多老人。去安排祭祀物件。等安排的完備了時。俺先祭祀了。後起蓋廟宇。老夫一路鞍馬上困倦。我在此權暫且歇息。有了祭物。可來報復我知道。〔范仲淹做睡科〕〔老人云〕理會的。大人歇息。俺辦祭物去來。
〔下〕〔正末領鬼力上〕〔云〕吾神乃玉泉山土地關將是也。奉玉帝勅令。破了蚩尤。宋朝天子與吾立廟。與范學士夢境中說其詳細。走一遭去。〔唱〕

〔雙調新水令〕仗天兵驅神鬼下丹霄。今日箇救蒼生除邪祟。萬民安樂。震天轟霹靂。捲地起風濤。金鼓鏖鏖。剿除盡那虛耗。〔見范仲淹科〕〔云〕兀那范學士。你認的吾神麼。〔范仲淹做驚科〕〔云〕尊神何方聖者。通名顯姓者。〔正末云〕我則是玉泉土地。生前的。乃蜀將漢壽亭侯也。〔范仲淹云〕尊神。小官奉聖人的命。爲因尊神戰退了蚩尤。救了一郡黎民之難。着小官在此。與尊神立廟來也。〔正末云〕吾神非私來。奉玉帝勅令。與您說知也。〔范仲淹云〕尊神。怎生戰退了蚩尤神也。與小官說一遍。好奏與聖人知也。〔正末云〕聽吾神說一遍者。

〔唱〕

〔沉醉東風〕則爲那殘穢兇神暴虐。把鹽池吸的乾焦。害黎民無限苦。吾神奉勅令親來到。統神兵展些英豪。將那久敗蚩尤戰退了。把孽畜除根翦草。〔范仲

淹云〕上聖奏知天庭。統領神兵。怎生戰敗蚩尤來。〔正末唱〕

〔沽美酒〕我啓天庭親上表。因此上差神兵命天曹。〔范仲淹云〕尊神。如今那蚩尤。可在那裡也。〔正末唱〕我將那造業蚩尤拏住了。〔帶云〕你要見那蚩尤麼。〔范仲淹云〕可知要見哩。〔正末云〕鬼力。與我拏過那孽畜來者。〔天丁拏蚩尤上〕〔天丁云〕則這箇便是蚩尤。〔范仲淹云〕上聖。小官見了也。〔正末唱〕這的是害生靈的果報。將孽畜緊拴縛了。

〔太平令〕則今日一郡黎民安樂。四時和雨順風調。〔范仲淹云〕喜遇着明君治世。德過堯舜。感得神人護佑。俺文武羣臣。仰告天神。永保國祚。救濟黎民也。〔正末唱〕武將每忠直踴躍。文官每依公合道。他那裡跪着禱告。保護着聖朝。則願的萬萬載磐石宗廟。〔驅邪院主領執旗捧劍上〕〔云〕兀那范學士。你見了麼。〔范仲淹云〕上聖。小官見了也。〔院主云〕時遇着治世明君。天差下輔弼忠臣。解州池蚩尤作亂。害生靈苦虐黎民。張真人從實分說。玉泉山哀告靈神。看上帝好生之德。寫青詞直奏天庭。便差遣天曹助陣。則一陣擒了邪神。兀那蚩尤。你若肯歸於正道。免着你天獄遭刑。關將。加你爲武安王。神威義勇。再封爲破蚩尤崇寧真君。你疾便去解州立廟。則今日同奏朝廷。衆神將各還本位。今日箇清寧了萬里乾坤。

題目 解州地鹽池作亂

正名

關雲長大破蚩尤

大破蚩尤穿關

頭折

范仲淹

兔兒角幘頭
圓領帶

蒼白髯

張千

撥頂

圓領
搭膊

呂夷簡

兔兒角幘頭
圓領帶

三髯

張千

同前

正末寇準

同前范仲淹扮式

楔子

正末張天師

雷巾道衣
兒三髯

道童

雙髻髻髮陀頭
邊欄道袍

使命

一字巾

補子圓領

張

千同前

第二折

蚩尤神

披厦冠
直纏

紅髮陀頭

抹額
帶劍

錦襖

袍

項帕

如意裙

紅髯

鬼力

鬼頭

錦襖

項

呂夷簡

張千同前

正末天師使命道童

同前

第三折

長老僧帽袈裟數珠行者僧陀頭僧衣呂夷簡同前正末關將滲青巾蟒衣曳撒紅

帶帶劍
三髭髯

楔子

蚩尤神鬼兵同前正末關將同前關平三山帽膝襴曳撒袍項帕周

倉四縫笠子盔錦襖皂袍項帕如意裙直天丁鐵幘頭膝襴曳撒袍項帕

背勅神兵披廈冠紅髮陀頭抹額錦襖項帕法蚩尤神鬼力同前騎猛獸

第四折


范仲淹張千同前老人攢頂茶褐直身莊客雙簷氈帽綿布襖綿社長雙

氈帽綿布直身范仲淹張千又上同前正末關將鬼力同前天丁擎蚩尤同驅邪

院主撒髮陀頭鶴氅牌子玎執旗披廈冠束髮陀頭膝襴曳撒皂袍捧劍秦

邊欄道
袍
繼兒

萬曆四十三年歲次乙卯孟秋之月二十有二日大雨中校內本清
常道人



認金梳孤兒尋母

闕名

楔子

〔沖末淨扮陳都知上〕〔云〕家中頗有千間屋。安歇經商客旅人。打聽若有金共寶。圖財謀死命難存。小人乃和州人氏。姓陳。是陳雄。乃國舅陳勉之姪。我是那權豪勢要之家。打死人又不償命。小人在和州城開着一座招商店。但有南來北往經商客旅。都在我這店中安歇。近新來有箇秀才。乃是安英。領着箇渾家。在我這東邊閣子裏安下。我一日往那東邊閣遊。猛見那箇女人。生的十分標致。長的可喜。我暗想一箇窮秀才。倒有這等一箇老婆。我是箇勢要之家。倒沒有這等一箇老婆。我尋思了一會。則除是這般。使令一人。將那秀才領到後園中。將酒灌醉了。勒死了。丟在井裏。他便已死了。我將他的渾家就要了。可早半年多光景也。有誰人知道。此婦人到我跟前時。有五箇月身孕。如今待分娩了也。若是箇女兒。我還有箇主意。若是箇男子呵。我怎肯容他。前日分付了嬖嬖言語。這小廝死在須臾。剪除了安家後代。方稱我平生愿足。〔下〕〔旦兒抱孩兒上〕分付了嬖嬖言語。這小廝死在須臾。剪除了安家後代。方稱我平生愿足。〔下〕〔旦兒抱孩兒上〕

〔云〕悶似湘江水。淹淹不斷流。兒夫遭謀害。何日報冤讎。妾身姓李。小字淑蘭。乃四川府尹李瓊

之女。自幼聘字與安英秀才爲妻。兒夫學成滿腹文章。上朝取應去。與妾同行。來到這和州城店中安歇。有店主人是陳都知。他是權豪勢要之家。一日陳都知閑遊。打這店門首過。猛見妾身生的有些顏色。他心生巧計。將夫主安英秀才。請到後園中飲酒灌醉。將他謀殺了。強要了我爲妻。妾身欲待不從。尋箇自縊。爭奈腹懷有孕。妾身暗思。若是有一男半女。還不滅了安英家後代。因此從之。自到於賊漢家中。可早半年有餘。生下這箇小的來。不免與他說知。兒也。未知你是福也是禍。怎沒的一箇人來。可好悶也。〔嬌嬌上〕〔云〕平生作福天加善。行短天教一世貧。但若心上無諸惡。狼虎叢中也立身。自家是陳都知家的箇嬌嬌。奉都知小哥的言語。着我往後房中新夫人行。問生的是兒也是女。若是箇女兒呵。都知道還有箇主意。若是箇兒孩兒呵。着我抱着。或是河裏。或是井裏。着我丟了這小的。小哥也。你好狠也。我去見夫人去。〔做見科〕〔云〕夫人。你添了箇甚末。〔旦兒云〕嬌嬌。我正等你來哩。我添了箇兒子。你與我報知陳都知。〔嬌嬌云〕夫人不必報去。都知他說來。若是箇女兒。便還有箇主意。若是兒子呵。着我或是丟在井裏。或是丟在河裏。夫人不必說去。你怎生做箇主意。〔旦兒云〕都知也。你好下的也。〔做跪科〕〔云〕嬌嬌。你怎生可憐見。救孩兒者。〔嬌嬌云〕夫人請起。〔旦兒云〕則是可憐見。〔嬌嬌做沉吟科〕〔云〕罷罷罷。可不道天上人間。方便第一。夫人勿憂。我搭救這孩兒。〔旦兒做謝科〕〔云〕嬌嬌之恩。高如西岳。深若

東海。此恩不淺。〔做取科〕〔云〕無物可奉。這金簪二根。玉梳一把。權爲恩養之物。莫嫌輕微。〔嬖嬖云〕夫人都在我身上。久已後我則着你子母每相見。則便了也。〔旦兒做遞條兒與嬖嬖科〕〔云〕嬖嬖。此言有準着。〔嬖嬖云〕豈有虛詐。將孩兒來。我安付的停當了。回你的話。則怕都知小。哥撞將來。這孩兒我救出地網與天羅。這的是仇人相見。競偏多。小哥你害別人榮自己。假若是神天害你。卻如何。〔抱條兒下〕〔旦兒云〕嬖嬖去了也。兒也。兀的不疼殺我也。夫主遭謀喪九泉。嬌兒參差一命懸。若不是施恩嬖嬖親搭救。不知道子母相逢是何年。〔下〕〔嬖嬖抱條兒上〕〔云〕我來到這和州城外也。這裡有我箇姪女兒。嫁與霍榮爲妻。在這城河邊居住。其家巨富。夫主驕奢。將家私都貳騰了。霍榮又亡化過了。止有他獨自箇過其日月。寸男尺女皆無。我將這小的送與他。未知如何。我不免叫他一聲者。霍大嫂在家末。〔正旦扮王素雲上〕〔云〕妾身姓王。小字素雲。夫主霍榮。早年下逝。正在家中悶坐。門外有人喚我。不知是誰。〔嬖嬖云〕素雲。是我叫你來。〔正旦云〕我道是誰。元來是姑娘。那裡去來。〔嬖嬖云〕我一逕望你來。〔正旦云〕姑娘請家裏坐。〔嬖嬖云〕素雲。我有一件事。與你商議。〔正旦云〕姑娘有何事。與我商議。〔嬖嬖云〕你見我抱的這箇小的末。〔正旦云〕是姑娘的兒子。〔嬖嬖云〕素雲。你不知。我說與你。這箇小的。是一箇秀才的兒子。姓安。是安英兩口兒。上朝求官去。來到和州城中。在陳都知店中安下。陳都知見這女

人生的有些顏色。要圖謀他。將那安秀才請到後園中飲酒。灌醉了勒殺了。那安秀才丟在井裏。將他渾家強要了。這女人身懷着五箇月孕。到陳都知家中。無半年光景。生下這箇小的來。都知着我或是丟在井裏。或是丟在河裏。這小的母親百般哀告。我將孩兒留着。我想來送與你做兒子。你意下如何。〔正旦云〕姑娘。可知好哩。有誰人知道。與我做箇伴兒。就頂霍家的門戶。久以後也不忘姑娘之恩也。〔嬖嬖云〕既是這等呵。〔做取科〕〔云〕就是這孩兒的母親與我的恩養錢。就與你爲表記。赤金簪二根。玉梳一把。素雲。莫泄於外也。〔正旦云〕兒也。你好有福也。若不是姑娘救出你來呵。你怎生得到我家裏也。〔唱〕

〔賞花時〕這孩兒跳出天羅地網中。〔嬖嬖云〕若不是我救了呵。安得性命也。〔正旦唱〕險被兇徒將命傾。〔嬖嬖云〕陳都知又害了他爺。又要將他害了。天也不容也。〔正旦唱〕送的他一家兒各西東。這的是青天不容。哎。你箇老人家敢也救了這箇小頑童。〔抱僚兒下〕〔嬖嬖云〕我不免回小哥的話。走一遭去。〔下〕

第一折

〔末僚兒上〕〔云〕萬卷詩書腹內知。嬰童舉子占鄉魁。金鑾獻策諸儒退。博取芳名史記題。小生姓霍名安禮。乃和州人氏。父親早年下亡。母親在堂。治家嚴切。訓子有法。小生習其儒業。博覽詩

書。鄉人舉薦中嬰童舉子。獨占鄉魁。小生昨朝與同堂舉子飲酒。會席之間。言語麁疎。被此人恥辱了一場。甚是惶愧。道我不是霍榮之子。假名而已。小生因此回於書舍。悶悶而坐。欲待問其母親之故。倘若如此呵。可不失了人子之道也。小生也不去講書去。這一會覺身子有些困倦。我搭伏着這書案。我試歇息者。〔做睡科〕〔城隍領鬼力上〕〔云〕在生正直無私曲。死後爲神立廟堂。鑒察善惡分明報。吾神一日三朝奏玉皇。吾神乃當境城隍是也。生前乃安國傑。在生之時。處事端正。無曲無私。死歸冥路。玉皇勅令。知吾屈死。封爲當境城隍。吾神在生之時。學成滿腹文章。欲求取應。將帶妻兒。路打和州城過。天色已晚。在這陳都知店中安下。陳都知見吾神之妻。有些顏色。請我到後花園中飲酒灌醉。將我勒死。丟在井中。強要了吾妻。吾妻欲待不從來。況有五箇月身孕。到於陳都知家。半年多光景。生下箇孩兒。不想陳都知使嬖嬖又來謀害這小的。被吾妻百般哀告了嬖嬖。將這小的。送到這和州城外霍家恩養。此子長立成人。聰明智慧。丰姿典雅。中其鄉魁。吾神奏知了玉帝。說與此子箇詳細。與吾神報仇。作善者增添福祿。作惡者減算除年。這的是善有善報。惡有惡報。不是不報。時辰未到。吾神來到此子書舍正睡哩。〔做推開云〕吾之嬌兒。你推睡裏夢裏。〔未做醒慌科〕〔云〕上聖上聖。是何方聖者。甚處神靈。小生有何觸犯着尊神來。〔城隍云〕你聽者。休驚莫怕。吾神是汝之父。乃安國傑是也。同你母親李氏淑蘭。上朝求官去。路

打和州城中過。天色將晚。在陳都知店中安下。被陳都知將我勒殺了。丟在井裏。強要了你母親爲妻。我死之後。玉帝知我屈死。封我爲當境城隍。我奏知了玉帝。說你箇詳細。與我報仇。有恩的報恩。有仇的報仇。疾忙與我整理此事。休言吾神指與你。切莫泄漏天機。這的是善惡到頭終有報。只爭來早共來遲。〔同下〕〔末〕倌兒做醒科〔云〕可是南柯一夢。哎。約兀的不痛殺小生也。恰才神道分明。說是我的父親安國傑。被陳都知謀死。又要了我母親李氏淑蘭爲妻。父親爲了神。着我報仇。休要言此事。恐泄了天機。我今也不題此事。請出養母來。好歹問他箇端的。養母這早晚敢待來也。〔正旦上〕〔云〕老身王氏。孩兒霍安禮。夫主霍榮。不幸亡化過了。孩兒霍安禮。學成滿腹文章。中其鄉魁。想夫主在時。潑天也般家私。都忒騰了。今日受此窘迫。何日是了也呵。〔唱〕
〔仙呂點絳脣〕一會家感嘆傷嗟。老如花謝。心悲切。幼年間夫主驕奢。忒騰了多家業。

〔混江龍〕似這等貧窮日月。看何年甚日得休徹。恩養的他人之子。訓蒙的經史奇絕。恰正青春十五歲。不知道是人是鬼。將我便葬入墳穴。〔云〕我爲他呵。〔唱〕移屋居村舍。〔云〕想陳都知好是無禮也。〔唱〕則他那權豪倚勢。因此上不辨龍蛇。

〔做見倌兒科〕〔云〕孩兒。今日怎生不講書去。〔倌兒做哭科〕〔正旦唱〕

〔油葫蘆〕可怎半晌癡呆。可使無句話說。撲簌簌的淚不絕。〔云〕孩兒你怎的。〔傑兒云〕我不是你的兒。我如今可省事了。不比幼時節。我是鄉魁嬰童舉子。母親老實說。我不是你的兒。〔正旦云〕好傷感人也。〔唱〕你道你今年不比幼時節。你是一箇鄉魁第一嬰童舍。做甚末焦焦撇撇行乖劣。〔傑兒云〕母親請坐。聽你兒說。昨日在講書堂飲酒。同席舉人言道。我不是你的兒。說我無爺無娘。假名而已。母親。我這爺在那裡。〔正旦云〕孩兒你不知。等我說與你聽。〔唱〕你在襁褓中險說殺你娘。〔傑兒云〕我那爺哩。〔正旦唱〕懷胎着你亡化了爺。若不救的你呵。險把我這家門滅。你刻的可信着人遞唇舌。〔傑兒云〕母親。你若不說呵。我就尋箇自盡也。〔正旦云〕兒也。你快休。兀的不痛殺我也。〔唱〕

〔天下樂〕則我這兩鬢斑白髮似雪。你可甚末爲人波。〔傑兒云〕我爲人怎地。〔正旦唱〕你爲人可使忠孝也。〔傑兒云〕爲人豈無有忠孝。我不是你的兒。〔正旦唱〕我聽言罷。心如刀攪傷懷結。結原作悅今改〔云〕兒也。可不道養子防老。積穀防飢。擡舉的你成人長大。刻的說這等言語那。〔唱〕常言道積穀可使防備飢。養子要防老也。〔云〕罷罷罷。兒也。我說則說。你可休忘了我也。〔唱〕我可便委實的。可也難割捨。〔傑兒云〕母親你說。您孩兒怎敢忘了母親也。〔正旦云〕兒也。我說也。〔傑兒云〕母親可憐見。說了罷末。〔正旦唱〕

〔金盞兒〕我說則說。這關節。〔倭兒云〕母親說了罷。〔正末唱〕待不說。怎攔遮。說則說。兇徒一命可兀的合該滅。〔倭兒云〕母親。怎麼兇徒合滅。〔正旦唱〕我說則說。心中悲切痛傷嗟。〔倭兒云〕母親。你可悲傷爲何。〔正旦唱〕說則說。我孤寒無靠倚。說則說。兒可也莫要心別。〔倭兒云〕我怎敢心別。〔正旦唱〕說則說。這人心毒害。他將你子母暗摧折。〔倭兒云〕母親可憐見。與您孩兒說了罷。〔正旦云〕兒也。我說則說。你可休忘了我。可憐見我無主無依。鰥寡孤獨。全靠着。你今日認了親母。可那裡發付我也。兀的不痛殺我也。〔倭兒云〕母親。你兒不是那般人。若替我亡父報了冤讎。救了我母親一處同居。你兒若得一官半職。與養母共享富貴。怎敢忘其大恩。若忘了養母大恩。與禽獸何別也。〔正旦云〕你則道定者。〔倭兒云〕養母放心。你兒不是那般人。〔正旦云〕罷罷罷。我說與你。你聽者。〔倭兒云〕你兒理會的。〔正旦唱〕

〔後庭花〕我則將那往日事從頭兒說。則要你箇歹孩兒牢記者。〔倭兒云〕我父親是誰。名喚做甚末。〔正旦唱〕你父親是一代文章士。〔倭兒云〕可姓甚末。〔正旦唱〕他可敢姓安名國傑。〔倭兒云〕我母親喚做甚末。〔正旦唱〕李淑蘭是名也。〔倭兒云〕到那裡着人謀了我的爺。圖了我娘來。〔正旦唱〕兩口兒到陳都知邸舍。〔倭兒云〕是城裏開客店的陳

都知他怎的〔正旦唱〕他謀害了你父爺。將親娘故賺。〔徠兒云〕可我在那裡來。〔正旦唱〕你當初在懷抱也。到他家十箇月。生下來半日也。陳都知心如鐵。使嬖嬖向河中撇。〔徠兒云〕我可怎得到養母家來。〔正旦唱〕肯分的見老妾。他交付與我恩養者。我擡舉的成人也。到如今與你說。你休要將我來撇。我和你同去也。認親娘有義節。休辭憚途路涉。〔徠兒云〕當初有甚末爲記來。〔正旦做取金梳科〕〔唱〕

〔青歌兒〕當初將一把金梳金梳爲表謝。我可便子細子細收者。你如今長立成人問這事節。想着你難母亡爺。猶如那虎遭坑跌。更如那驟雨將花折。陳都知狠如蛇蝎。〔徠兒云〕養娘要和我去。可是爲何。〔正旦唱〕我和你尋着娘認着母報父讐。同商量到官中。官中負屈唧冤。插狀行詞。告那奸邪。你那其間子母每纔能覓得歡悅。〔徠兒做跪科〕〔云〕養母若不說。我怎生知道。陳都知也。你好狠也。養娘可憐我。和你兒認我這母親去。〔正旦云〕兒也。你起來。階南箇到明日。裝扮做叫化的。到陳都知家。則推叫化。見了你母親。將金梳拿出來。若認了金梳。便是認了你一般兒也。你則休忘了我的恩。罷罷罷。

〔唱〕

〔賺煞〕我可便說破了這消息。須索離了村社。〔徠兒云〕天道暄熱。養母怎當。〔正旦

唱「怕甚麼炎天暑熱。你若得報了仇。可是必休將我來撇。」（俵兒云）一路上則是母親辛苦。（正旦唱）我豈避那路途奔涉。哎。兒也。和我也傷嗟。你若得見了你親娘。莫漏泄。休將我恩斷意絕。可憐我無家無業。（云）兒也。你若忘了我呵。（唱）可憐見的着誰人葬我入墳穴。（同下）

第二折

（旦兒同嬖嬖上）（云）心間無限傷心事。終日思量不展眉。妾身李淑蘭。自到陳都知家。可早十五年光景也。嬖嬖。不知我孩兒有也無。（嬖嬖云）這箇夫人放心。孩兒有。（旦兒云）謝了嬖嬖。（嬖嬖云）老妾該死。（旦兒云）嬖嬖。陳都知今日不在家。俺往大門首看一看。散心耍子。有何不可。（嬖嬖云）夫人說的是。俺去來。（旦兒云）好是熱鬧也。你看那做買賣的。挑籠擔擔的。好熱鬧也。（嬖嬖云）夫人。咱慢慢的散心耍子。看有甚末人來。（正旦同俵薄襪上）（正旦云）妾身王素雲。孩兒霍安禮。俺裝扮做叫化的。與同孩兒尋母親去。王素雲也。題起來好煩惱人也呵。（俵兒云）養母休要煩惱。您兒不是那般人也。（正旦唱）

（中呂粉蝶兒）題起來感嘆傷悲。悶懨懨似癡如醉。我指望你將我來送入墳園。不承望棄咱恩尋母親。便是那鐵石人也流淚。俺裝扮做乞兒沿路求食。大

古來則着您這子母兒每相會。〔傑兒云〕養母。今日若見了我親娘呵。那時不忘養母之恩也。〔正旦唱〕

〔醉春風〕你如今獨步占鄉魁。羣儒爲第一。你如今沿門乞化。有如那日轉千階。端的是喜喜。〔傑兒云〕中了鄉魁有何喜。則尋見母親呵。纔是喜也。〔正旦唱〕你正是一喜一悲。來到這和州城內。將您這母親來尋覓。〔云〕孩兒。來到這城中也。兀的大街西。不是陳都知的私宅。俺到他那門首去者。〔傑兒云〕養母子細着。〔正旦云〕不妨事。〔正旦同傑兒叫科〕〔云〕叫化些。叫化些。〔旦兒云〕嬖嬖。你看兩箇叫化的。你看那箇年小的。好似我那安英秀才也。〔嬖嬖云〕夫人。那箇女人。好似那我姪女兒王素雲也。〔旦兒云〕那箇王素雲。〔嬖嬖云〕可是我那時小廝兒與他養活的王素雲。〔旦兒云〕好是奇怪也。〔正旦云〕孩兒。兀那門首立着的。那箇便是我的姑娘。那箇敢是你的母親。俺向前去來。〔傑兒云〕理會的。〔做見科〕〔正旦云〕叫化些兒。〔旦兒云〕好是疑怪。不由我心中悲切。我試問他。兀那叫化的。你是娘兒兩箇。〔正旦云〕奶奶。俺兩箇是娘兒兩箇。叫化些兒。〔旦兒云〕嬖嬖。與他些東西者。〔嬖嬖做背問科〕〔云〕兀那叫化的。你不是王素雲也。〔正旦云〕姑娘。可不是。陳都知在家末。〔嬖嬖云〕不在家了。這箇敢是我與你的兒子。〔正旦云〕正是。〔唱〕

〔紅綉鞋〕不承望十五載今朝相會。〔嬌嬌云〕您怎末叫化也。〔正旦云〕俺故意來也。〔唱〕他特地來探訪他親闈。〔云〕姑娘。〔唱〕則你那山海恩義有誰知。〔云〕孩兒。你過來拜。〔傑兒云〕這箇是母親。〔正旦云〕不是也是你的恩人。你拜。〔做拜科〕〔傑兒云〕養母。這箇是誰。〔正旦唱〕他是你的救命主。你休問他便是阿誰。他在那襁褓中。可便搭救了你。〔傑兒云〕小生殺身難報也。〔嬌嬌云〕您兩箇且在一壁等。我與夫人說去。〔傑兒云〕我知道。〔做見旦科〕〔云〕夫人賀萬千之喜。〔旦兒云〕嬌嬌有何喜事。〔嬌嬌云〕恰纔那兩箇叫化的。可是你十五年前的兒。今日來尋你來。〔旦兒云〕是真箇。謝天地。妾身有主也。着他過來。〔嬌嬌云〕您兩箇過來見夫人。〔做見科〕〔嬌嬌云〕這箇便是養母。這箇便是你的孩兒。〔旦兒哭科〕〔云〕兒也。兀的不痛殺我也。嬌嬌。則怕都知家來也。〔嬌嬌云〕他直到晚纔來也。〔旦兒云〕多謝了養母也。生死難忘大恩也。〔正旦云〕不敢。〔傑兒云〕母親也。則被你閃殺我也。〔正旦取金簪玉梳科〕〔云〕夫人。這箇是你的不是。〔旦兒云〕這箇是與孩兒做恩養之資。可怎生不使了也。〔正旦云〕倘若使了呵。將何爲記也。〔唱〕

〔上小樓〕想着這金簪一對。又有玉梳爲記。〔旦兒云〕與孩兒做恩養之資。〔正旦唱〕你道是恩養之資。我緊緊的收留用意收拾。〔旦兒云〕虧養母怎生擡舉的他這般大來。

〔正旦唱〕我與人家便縫破綻。洗舊衣。將他來養濟。因此上便擡舉的他頂天立地。〔僚兒云〕母親養母之恩。您兒怎敢有忘也。〔旦兒云〕兒也。你的是也。孩兒讀書不曾。〔正旦云〕

夫人聽我說者。〔唱〕

〔么篇〕他七歲上曾看書。九歲上知文理。他如今獨占鄉魁。嬰童及第。寰海名知。〔旦兒云〕孩兒若爲了官呵。怎肯忘了養母之恩也。〔正旦云〕他如今不爭認了你呵。〔唱〕閃的我便無所歸。無挨倚。他若是無恩無義。好教我便哭啼啼。怎生理會。〔嬷嬷云〕則有我着。不妨事。〔旦兒云〕孩兒也。如今怎生計較我也。〔僚兒云〕母親。您兒明日告他。纔能殺教的母親也。〔正旦云〕孩兒也。你子細着。他是權豪勢要之家。不到大處。告他不得也。〔僚兒云〕母親放心也。〔正旦云〕夫人不妨事。你的兒子。也不是無用的人也。〔唱〕

〔滿庭芳〕則爲他。他無甚道理。把平人謀害。强要人妻。〔旦兒云〕他倚仗着他是權豪勢要之家也。〔正旦唱〕堪恨這挾權倚勢的兒曹輩。亂作胡爲。他覷着他如黃金玉石。他覷別人可便似土如泥。〔旦兒云〕孩兒也。你則子細着。〔僚兒云〕母親。您兒知道。〔正旦唱〕俺先定下這牢籠計。到官中若問理。〔云〕陳都知也。〔唱〕敢着你得便宜。翻了落便宜。〔旦兒云〕養母。多生受你也。孩兒務要到大處告他也。你着他知道了。子細着。〔僚兒

云「母親放心。你兒豈肯輕放了他也。」〔正旦云〕霍安禮。休要這般說。〔唱〕

〔耍孩兒〕陳都知犯下彌天罪。他倚仗着權豪勢力。心生毒害。把人欺。豈不聞天網恢恢。你將他一家父子都謀害。早是我保守的孤兒得全美。他報父恨在今日。這冤讐一還一報。只爭箇來早來遲。〔旦兒云〕養母。天色晚了。則怕那賊漢來家。孩兒。你同養母還家去。我則等你告他。纔得俺母子每團圓也。〔俵兒云〕母親。您兒則今日就上東京。告御狀去也。〔旦兒云〕孩兒。則是小心者。〔正旦云〕夫人放心。則有我着。〔唱〕

〔尾聲〕到來日上東京告御狀。〔云〕姑娘。〔嬖嫌云〕怎末說。孩兒。〔正旦唱〕這樁事全在於你。〔嬖嫌云〕不妨事。不妨事。做證見。則管理告去。〔正旦唱〕你可便今朝子母兒每重相會。〔云〕霍安禮。〔唱〕你若是報了父母冤讐。〔云〕着人道王素雲那箇婦人。將別人的兒擡舉成人長大。與父母報了讐。又着他母子每團圓也。〔唱〕哎。天也。天也。可這的是我落來的。〔下〕〔旦兒云〕嬖嫌。妾身生死難忘你的恩了。異日事到官呵。萬望嬖嫌可憐見。與我做主也。〔嬖嫌云〕這箇夫人都在老妾身上。不必憂念也。〔旦兒云〕謝了嬖嫌。俺回繡房中去來。則想養兒一場空。不料今朝又相逢。多謝嬖嫌施惻隱。果然搭救了小頑童。〔下〕

楔子

〔包待制領張千上〕〔包待制云〕數載居官有政聲。全憑文翰理刑名。與民除害無私弊。方顯爲官表志誠。老夫姓包名拯字希仁。乃廬州金斗郡四望鄉老兒村人氏。幼承父訓。頗看經書。自中甲第以來。累蒙擢用。官拜龍圖閣大學士之職。因老夫耿直無私。不懼權要。着老夫兼領開封府事。老夫奉聖人的命。有一嬰童舉子。姓霍雙名安禮。上東京告御狀。言他父親安英。被陳都知謀死。圖謀他母親爲妻。又險將他害來。此事其中暗昧。聖人着老夫決斷此事。老夫到此察院內。今日陞廳。張千與我喚將那人來。老夫親身問理明白。〔張千云〕理會的。兀那人。俺大人坐衙喚您哩。〔俵兒同正旦上〕〔俵兒云〕養母大人喚俺過去。見去來。〔正旦云〕孩兒。俺見去來。〔做見科〕

〔張千云〕當面。〔待制云〕兀那霍安禮。我問你其中有詐。你告着陳都知謀殺了你父親安英。圖謀了你母親李氏。你可怎生又姓霍。這箇女子又姓王。其中有詐。從實的說將來。我試聽者。〔俵兒云〕大人不知。聽小生從頭至尾。告訴與大人聽者。小生父親原是四川人。學成滿腹文章。帶領妻兒李氏。上國求官。路打這和州城過。天色將晚。在於陳都知店裏安下。不想陳都知是權豪勢要之家。見我母親生的有些顏色。將我父親勒死。丟在井裏。圖謀了我母親爲妻。我母親身懷有孕。到於陳都知家。半年光景。生下小生來。陳都知又要害了我。被他家箇嬖嬖不忍。將我送到這城外人家。送與這王氏。多虧養母擡舉的我成人長大。年方十五。中了鄉魁。小生正盹睡着。有

我父親安英。爲了當坊城隍。在於夢中說我端的。小生因此得知。尋見親母。遂與同養母上東京來告狀。我說兀的做甚。則爲這陳都知意狠心毒。仗權豪欺壓寒儒。將母親圖謀爲妻。把父親勒死身軀。襁褓中又將我害。多虧了年高的嬷嬷。就將我送這王氏。擡舉我知禮知書。在夢境中纔就裏。俺父親細說從初。似這等有勢力將人陷害。着俺這無爺兒怎生擺布。假饒他人心似鐵。豈不聞官法如爐。告他箇清耿耿無私曲廉能的大人。與俺這苦哀哀無挨倚窮民做主。〔待制云〕噯。有此不良之人。陷害他人。兀那王氏。這嬷嬷可有未。〔正旦云〕大人有。是妾的姑娘。見在陳都知家裏。〔待制云〕舉子。老夫奉聖人的命。與你決斷此事。你同養母回去。老夫隨後便來察聽此事。休要與人說也。〔俵兒云〕大人。小生怎肯與人說。〔正旦云〕孩兒。俺兩箇先回去來。〔唱〕

〔賞花時〕則您這父母的冤讐恨未消。也是我擡舉的你成人有下梢。〔俵兒云〕則望大人。與小生斷此一莊事也。〔正旦唱〕大人清耿耿掌王條。端的是絲毫也那不錯。〔云〕陳都知也。〔唱〕可兀的還報也在今朝。〔待制云〕此人去了。老夫不避驅馳。奉聖人的命。親往和州。走一遭去。馳驛馬豈敢消停。將此事須察分明。陳都知果有毒害。我着他大市街赴法遭刑。〔下〕

第三折

〔張千上〕〔云〕曉行狼虎路。夜伴死屍眠。自家張千的便是。奉包待制大人的言語。我到陳都知宅上。一來打聽此一莊事。二來着我就請他到通關驛赴席。小人不免走一遭去。〔淨引僕從上〕〔云〕自家陳都知是也。生不怕英雄漢。大家小戶有我的錢。我自得了這箇夫人。好心中歡喜也。可早十五年光景也。誰敢近我。我是權豪勢要之人。我打殺人不償命。今日無甚事。在此前廳上坐着。看有甚麼人來。〔張千上〕〔云〕可早來到也。門人報伏一聲。你道有包待制大人。令一人請都知大人到通關驛赴席。〔僕從云〕你則在這裡。我報伏去。報的小哥得知。門首有甚末包待制大人。請你到通關驛赴席。〔淨云〕我兒也。我這兩日有些眼跳。敢不好末。料着不妨事。我是權豪勢要之家。他敢把我怎末的。着他過來。〔做見科〕〔淨云〕那裡來的。〔張千云〕小人是包待制大人使來的。請大人到通關驛赴席。〔淨云〕請我赴席。這老包待制的名。我從那裡聽的來也。兀那人。你先去。我便來也。〔張千云〕小的同大人去。〔淨云〕既是這等。家下小的每。收拾衣服鞍馬。跟我赴席。走一遭去。〔下〕〔包待制領李萬上〕〔云〕老夫包拯是也。在此通關驛安歇了數日。體察此事。果然如是。似此權豪之家。不可力取。只可智取。兀那李萬。安排下酒果等。陳都知敢待來也。〔淨同張千上〕〔淨云〕自家陳雄。今有包大人請我赴席。可早來到也。張千。你報伏去。道我來了也。〔張千見科〕〔云〕大人。陳都知大人來了也。〔待制云〕呀呀。大人有請。老夫久聞大人尊名。

如雷灌耳。今日面觀三生有幸也。〔淨云〕老大人也。你也知道我的名。我是權豪勢要之家也。〔待制云〕是老夫知道。大人請坐。張千擺果卓來。〔做擺卓科〕〔待制云〕張千。叫箇行首來伏侍大人。〔張千云〕便來也。〔正旦倒扮韓玉英上〕〔云〕妾身韓玉英是也。當着這上廳行首。今有大
人呼喚。須索走一遭去。想俺這爲娼的人呵。〔唱〕

〔正宮端正好〕每日家步香堦。穿芳徑。蹙金蓮。豈敢消停。上司差遣非由命。
〔云〕若叫我去呵。〔唱〕端的便助詩酒。酬佳興。

〔滾綉毬〕我舉紅牙搗玉筍。按宮商音律清。則爲這官身呵。弄的我一身病症。
又着我送行人在十里長亭。我怎看那路傍景。我則索徐步行。〔云〕大人每喚了
咱去呵。〔唱〕酒席間過臺添興。我到的來至門程。〔張千云〕韓玉英走動些。大人等着哩。
〔正旦唱〕則見那多人每都立在廳堦下。他可使箇箇相呼韓玉英。我則索便急
急相迎。〔云〕哥哥。玉英來了也。〔張千云〕大人等着你哩。我報伏去。〔報科〕〔云〕行首韓玉英來了

也。〔待制云〕着他過來。與大人遞酒。〔做見科〕〔正旦云〕大人。韓玉英來了也。〔待制云〕韓
玉英。我今日略排蔬酌。與都知大人盤桓一日。你與我筵前奉酒呈歌。〔正旦云〕小的知道。〔淨
云〕大人。量在下老陳。有何德能。着大人用心。姐姐。你與我遞酒。就是馬溺。我也喫一鍾。〔正旦

做遞酒科〔云〕都知大人滿飲此盃。〔淨云〕姐姐你唱箇曲兒。我喫酒。〔正旦云〕理會的。〔唱〕
〔倘秀才〕我舉酒到大人行奉呈。〔淨云〕姐姐你唱箇曲兒。我喫。〔正旦唱〕我唱一曲
大人你開懷的盡情。〔淨云〕老大人請。我無不盡情也。〔待制云〕蔬食薄味。不堪供奉。〔淨云〕
不敢也。〔正旦唱〕我與你親捧瑤觴酒滿傾。今日箇堪賞玩在公廳。休辜負良宵
好景。〔待制云〕都知小官久聞清名。在此開一座店招客。誠有田文之比。〔淨云〕惶愧惶愧。大人。我
在下老陳。則問這歌妓韓玉英。看我在下爲人末。〔待制云〕韓玉英。你是此處行首。必曉的大人
行事。你說一遍者。〔正旦背云〕好教我兩難也。待說都知好來。可那裡有那好處。待說都知歹來。
可又不敢說。好難也。大人聽賤妾說一遍。俺這都知大人。〔唱〕

〔呆骨朵〕他可使施仁義。俺這黎民怕人欽敬。〔待制云〕大人的名。誰人不怕也。〔淨
云〕你則問他。〔正旦唱〕端的便無半點兒虛情。〔淨云〕你說我的行止與大人聽。〔正旦云〕
妾身知道。〔唱〕大人是閥閱之家。簪纓俊英。〔待制云〕大人是國朝之戚。勢要之家。食皇家
俸祿。坐國家神堂。要衣有羅錦千箱。要食有珍羞百味。〔正旦云〕俺都知大人但飲酒呵。〔唱〕兩邊
廂列金釵十二箇。送詩酒添歡慶。〔待制云〕兀那行首。都知大人醉了。可如何。〔正旦云〕老
大人俺都知大人。則這一件。〔唱〕他若是酒半酣在馬上歸。說的那衆人每心內驚。〔淨

云「我是歹人不成。」〔正旦云〕大人是好人。〔待制云〕都知再飲幾盃。〔淨云〕我喫不的了。〔待制云〕既然這等呵。下次小的每收了果卓。老夫與都知大人略談一會適興者。〔淨云〕我醉了。則打磚。不料鐺。〔待制云〕都知是醉了也。大人請坐。聽老夫告訴一遍。都知大人聽者。〔淨云〕我說老兒你休慢我也。我是勢要之家。誰不敬我。誰不怕我。〔待制云〕都知聽我告訴你一莊事。〔淨云〕那箇聽你說也。我家去也。〔待制云〕都知老夫是國家宰臣。聞都知大名。聊陳蔬酌。與都知共談。何以將言輕慢老夫。〔淨云〕你強殺則是白衣出身。我是累輩國戚子。量你何足道哉。斗筭之器。糞土之牆。朽木之才。精狗兒之人。〔待制做拍卓科〕〔云〕好無禮也。你毀罵老夫。其罪非輕。〔淨云〕我就罵了你何罪。我打死人。又不償命。希罕你箇老匹夫。〔待制云〕你說你是勢要之家。打死人不償命。兀那張千李萬。何不下手。等甚末。〔張千李萬做揪都知科〕〔云〕兀那厮。下來。你還不知死哩。〔待制云〕與我挪了者。〔淨云〕老兒也。你休作耍也。你拿便拿。我看你怎未放我。〔待制云〕你知罪末。〔淨云〕我有何罪。你這老頭兒。再不中結交。你頭裏怎生安排酒兒待我。如今惱了你些兒。就是我有罪。一了疑是亦要二字之誤拿賊見賊。殺人驗傷。我有何罪也。〔待制云〕我且不和你说。兀那行首。收拾了家去罷。〔正旦云〕小的每知道也。好是怕人也呵。〔唱〕

〔尾聲〕諛的我顛兢兢不敢高答應。急慌忙離驛亭。則爲筵前語話爭。把一箇

兇暴的都知身鎖定。這一箇年老的官人怒氣生。那一火狼虎般弓兵甚情興。此事今番必不輕。我與你急急抽身躡足行。則俺那白髮親娘將我來這其間等。〔下〕〔淨云〕我倒好笑。你請我來喫酒來。一言半語。差了些兒。將我鎖在這裡。我想起你來。好大膽也。〔待制云〕是你大膽。你那罪過如丘山。〔淨云〕我是勢要門楣之子。你將我拿了。可也與我一款罪過。罪若當刑。死而無怨也。〔待制云〕我說與你那罪過。十五年前。曾有一箇安英秀才。帶領妻兒李氏。在你店中安下。將他謀害了。圖謀了他妻。又將他子要害。今此子長立成人。與他父報讐。是你來末。〔淨云〕我死也。你這老頭兒。只恁般能。十五年的事。今日箇察出來了。罷罷罷。你正是箇老粉嘴。沒的說。就是我害了人命。謀了人妻。可也有箇見證。則憑着人告將來。就要我與人償命。我是勢要之家。打死人如房上揭一塊瓦相似。終不我與他償命。〔待制云〕我看該你償命。今不償命。則管裡和他說甚末。兀那張千李萬。與我下在死牢中去。老夫到明日奏與聖人。自有處治。因公幹來到和州。陳都知專弄權謀。虧人命圖妻爲妾。看老夫與平人雪報冤讐。〔下〕〔張千云〕跟我牢中去。去。〔淨云〕我兒也。你也欺負我。你還不知我是甚末人哩。他有一日朝廷知道您將我這等苦打呵。你曉的那滾湯潑老鼠。我着你一窩兒都死。罷罷罷。我也強不去。跟你去者。〔張千云〕你還便宜。來到獄中。兀那獄子。好生收人。是包待制大人的事。您仔細着。我分付

了你也。李萬。俺兩箇回大人話去來。〔同下〕

第四折

〔包待制領張千李萬上〕〔待制云〕法正天心順。官清民自安。妻賢夫禍少。子孝父心寬。老夫包拯是也。誰想陳都知如此兇暴。倚勢欺人。老夫將此人都擒在獄中。兀那張千。將察院打掃乾淨。拿出陳都知來。老夫親身問理者。〔張千云〕理會的。兀那陳都知出來。大人喚哩。〔淨帶枷鎖外郎押上見科〕〔淨云〕好老包也。我不知是甚末人。將我這等苦拷。我看怎生放我。〔待制云〕陳都知。你說這等話哩。〔淨云〕我可有何罪也。〔待制云〕你不知。我說與你聽。有一嬰童舉子。上東京告御狀。言你害了他父親。謀圖了母親爲妾。聖人差老夫來。一逕的推勘此事。老夫到你這和州。打聽果然。你行此不端之事。今拿捉到官。有何理說。〔淨云〕你看你葫蘆提。有人告我。也有箇名字也。〔待制云〕你可也說的是。張千。察院門首。與我喚將那告御狀秀才來。〔張千云〕理會的。我出的這察院門來。那箇是那告御狀的秀才。大人喚哩。〔俚兒同旦兒正旦嬖嬖上〕〔俚兒云〕小生霍安禮。到於東京。告下狀來。聖人着包龍圖在此察院。體勘此事。母親。大人喚俺哩。俺須索見去。〔旦兒云〕孩兒。俺一同見去。〔正旦云〕夫人。你同嬖嬖且休要去。我與秀才先見去。〔俚兒云〕養母說的是。俺先過去。〔正旦云〕兒也。你這一去。大人必然着您母子每團圓也。做下我這

老年人看誰人覷也。兀的不痛殺我也。〔傑兒云〕養母休要煩惱。小生不是那忘恩的人。〔正旦云〕霍榮也。兀的不痛殺我也。〔唱〕

〔雙調新水令〕則我這眼中流淚痛情時。這是我養孤兒閃的一身獨自。〔帶云〕霍榮也。〔唱〕則你那墓頂上誰與我留錢紙。我可便身死後誰與葬埋屍。好着我挹淚揉眵。誰承望却絕嗣。〔傑兒云〕養母大人等着哩。〔正旦云〕孩兒。俺見大人去來。〔做見科〕〔張千云〕喚將那告御狀的來了也。〔待制云〕兀那秀才。你告甚末人。〔傑兒云〕大人可憐見。小生告陳都知。十五年前。將我父親安英謀害了。將我母親圖謀爲妾。俺母親到陳都知家時。有半年身孕。到他家半年光景。生下小生來。他使他家嬖嬖。又要害了我。多虧嬖嬖將我與了這王氏。擡舉的我成人長大。俺父親爲了神夢。境中說與我詳細。着我報讐。我說兀的做甚末。大人。你心內參詳。俺父親上國觀光。因天晚尋店投宿。陳都知狼狠心腸。將父親謀害身死。他嫉妬圖謀親娘。將小生又行所害。有嬖嬖不忍悲傷。送與了王氏爲兒。擡舉的我幼習文章。夢境中得遇親父。與小生細說行藏。感聖君與咱雪恨。這的是有青天報應昭彰。〔待制云〕兀那秀才。則他便〔傑兒云〕是陳都知。〔傑兒云〕陳都知也。你好狠也。〔淨云〕我和你有甚冤讐。你告我。我不知道。〔待制云〕你還不認哩。張千與我打着者。〔張千打科〕〔云〕招招招招。〔正旦云〕大人。與窮民做主也。〔唱〕

〔鴈兒落〕大人你清廉不受私。滿朝內治國皆無二。與俺這小書生親做主。分理冤屈事。〔淨云〕那裡的婦人。在這裡又嘴又舌的也。〔正旦云〕陳都知。〔唱〕

〔德勝令〕不似你節外更生枝。你可便心內不仁慈。〔淨云〕我心不慈怎末的人來。

〔正旦唱〕你故把他親爺害。又將他險害死。〔淨云〕我倒笑了。于你甚末事。你與我對證。我若是往日的姪兒。我就打死你這潑婦。〔正旦唱〕你說甚末言詞。自做下虧心事。你自尋思。今番不似舊時。〔淨云〕你這老兒。沒分曉。那裡尋將這兩箇人來害我。你說我圖謀他娘在那

裡。又說我害這小廝。多虧嬖嬖救了。這嬖嬖在那裡。歪廝纏我。頭上有青天看着哩。〔待制云〕你

要這兩箇人。張千。與我喚將李氏和嬖嬖來者。〔張千云〕兀那李氏嬖嬖。大人喚您哩。〔旦兒云〕

嬖嬖。大人喚哩。俺見去來。〔做見科〕〔張千云〕當面。〔待制云〕兀那陳都知。這兩箇人是誰。〔淨

云〕好夫人也。我和你好夫妻。你今日弄出這等的勾當來。好嬖嬖也。你也害我。由他。我慢慢的

和你說話。〔旦兒云〕陳都知。你忒狠心腸。今日也有天理也。〔嬖嬖云〕都知。你怎說我害你。你將

他父子每都害了。圖謀了他人婦爲妻。你今日事發。不道你害別人猶自可。這的是神天害你。你

如何。〔淨云〕我把你箇老狗戛頭。你放心等了着。〔正旦云〕大人可憐。妾身擡舉的他成人長大。

學成錦繡文章。中了嬰童舉子。今日與他父報警。認了親母。妾身獨自一箇。可怎了也。〔唱〕

〔落梅風〕則爲俺家無後。絕子嗣。我怎生用心兒把他來養視。他今日認了親娘。把咱來沒亂死。〔待制云〕兀那王氏。他是孔子門徒。如何肯忘了你的恩也。〔傑兒云〕養母。你則放心。〔正旦唱〕我則怕你把好恩情翻成做歹事。〔旦兒云〕養母放心。則有我着。〔待制云〕陳都知你說。不冤枉你來。〔淨云〕我說甚末罷。我就認了。料着你也不敢殺了我。〔待制云〕好波。則要你這等道者。此事老夫盡知也。一行人聽我下斷。則爲這陳都知無義無仁。生毒狠謀殺他人。奪人妻強納爲妻。將人子險送魂靈。多虧了嬖嬖搭救。與王氏擡舉成人。看經史儒書。須記中鄉魁出衆超羣。有父親死於冥路。夢境中言他爲神。將往事從頭細說。告御狀搭救母親。陳都知因此故殺。依律令赴法遭刑。將恩人嬖嬖王氏。與母親同侍昏晨。霍安禮跟隨我入朝勾當。聖明君自有加陞。二恩人扶危救困。入書中萬載傳聞。今日箇恩讐分明。一家兒拜謝皇恩。〔傑兒云〕母親。俺謝大人者。〔做拜科〕〔云〕若不是大人呵。怎能殺俺母子相見也。〔待制云〕秀才休謝我。謝這箇恩人。這一箇搭救了你全其身。這一箇擡舉你成人。今日箇全其孝。勿忘此二人之恩也。〔傑兒云〕小生怎肯忘恩。〔正旦云〕多謝了老大人也。〔唱〕

〔殿前歡〕我今日箇便保孤兒擡舉的知書知禮。看文詞占鄉魁第一。冲天志。則爲他課賦吟詩。向蟾宮折了一枝。金榜上標了名字。與父母便報了冤讐事。

則要你便知恩報德。〔帶云〕兒也。想着我擡舉的你成人長大。去從師攻書。今中了鄉魁。又與父母報了讐呵。〔唱〕你休忘我訓汝從師。〔待制云〕此事恩讐分明也。這的是一統乾坤禮樂興。萬里山河拱大明。八方共樂昇平世。四海民安享太平。

題目

陳都知犯法遭刑

正名

認金梳孤兒尋母

于小谷本

張于湖誤宿女真觀

闕名

楔子

〔正旦道服引小旦上開〕小道姓陳。法名妙常。本貫建康府昇平橋下陳頭巾的女兒。自幼十歲時。父母將我捨身。在通江橋女真觀中出家。俺觀主師父姓潘名法誠。是箇有道行的道姑。我到此觀中。又早十年。無事不出中堂。每日侵晨。諷誦諸品仙經。閑暇兼攻書史。博覽古今。頗事吟咏。且好絲桐。每值良辰美景。清風明月之下。焚一炷香。操一曲琴。便是俺出家人消磨日月。得其快樂。這一箇小女童。法名道清。俗姓張氏。年方一十四歲。他與俺做伴兒。早晚與我燒香撥火。搗琴煮茶。且是得人意。今日天清氣朗。道清你與我叫門公王安。打掃涼棚下乾淨。我操琴則箇。〔道清云〕理會的。〔做叫科〕門公王安。師父叫你打掃涼棚乾淨者。〔淨上〕云。小子生來姓王。少年曾見風光。如今老矣無歸着。雇與僧尼化月糧。人笑我無錢斷酒。臨老修行。小子姓王名安字好閑。在教坊司門首居住。自幼也曾風花雪月。今年六十餘歲。老無所歸。專去菴觀寺院打些勤勞。念幾聲佛過日子。如今在這女真觀看守大門。且是自在清閑。每日在這通江橋下。朝着揚子江。則唱曲兒。〔外問云〕你唱甚麼曲兒。唱箇我聽。〔淨唱〕

〔柳葉兒〕每日在通津橋下。拿着拐棒。招着數珠。來來往往行踏。自在清閑快活殺。直走到樊山下。看了些浪翻花。江邊頭扒着一箇大。〔做噤聲科〕〔外問云〕看見箇甚麼大。〔淨唱〕大王八。〔淨云〕適間張道清叫我。我須索走一遭。〔做見科〕〔二云〕提點尋我。有甚事幹。〔道清云〕俺師父教你打掃涼棚乾淨。操琴閑適。就要同衆姑姑賞此中秋明月。你預備些茶果者。〔淨云〕理會的。〔下〕〔旦同衆姑姑上〕〔旦云〕是好月色也呵。道清。你與我焚一炷香。待我操一曲雅調。以遣道情。庶不辜負良宵也。〔道清云〕香已燒上。茶果在此。衆師父請些。師父。今夜中秋令節。露冷風寒。月明雲斂。一林紅葉。滿院天香。淡波輕霧。遠漢疎星。是好淒涼景致也呵。〔旦云〕是好秋景也呵。〔唱〕

〔賞花時〕玉露凋傷楓樹林。冷雨催開桂子金。烟慘淡。氣蕭森。殘霞散錦。皓魄上遙岑。〔道清云〕師父。去歲中秋不曾見月。今歲中秋天色清明。是好月光也呵。〔旦唱〕

〔么〕月呵。則被那苦雨酸風歲歲侵。因此上碧海青天夜夜心。將此恨付瑤琴。月呵。今宵對您方便是知音。〔同下〕

第一折

〔孤官扮上〕〔二云〕小官姓張名孝祥字安國。道號于湖居士。本貫溧陽人也。大宋孝宗朝。賜進士

出身除授長沙太守。考滿來京。路經金陵。泊舟於通津橋下。今日是中秋節令。看了這江南佳麗地。金陵帝王州。山明水秀。乃百二山河最勝之處也。聞的這山下有一座女真觀。信步行游一遭去來。〔做行到門見淨〕〔云〕門公作揖。〔淨云〕敢問相公從何處來。〔孤云〕小官長沙太守。經過此地。阻風在此。久聞仙境清幽。特來閑玩。〔淨云〕待小子報的觀主知道。〔孤云〕休去報知。我只在此閑玩一回。〔孤壁上題詩科〕〔念云〕宦游清興滿江關。金碧樓臺接遠山。隔岸秋歸千里外。倚闌人在畫圖看。月生海嶠雲初斂。風撼林梢鳥倦還。認爲西峯多爽氣。筆端詩思不容慳。〔旦上〕〔云〕衆師兄先回去了。道清你添上香。我操一曲琴則箇。〔道清云〕理會的。〔添香科〕〔旦撫琴科〕〔孤做行近涼棚見旦〕〔云〕呀。元來是道姑在此撫琴。〔做聽科〕〔云〕這女子約有二十餘歲。真乃冰雪之姿。有仙風道骨。不在於飛瓊雙成之下。莫非是嫦娥降臨凡世。我就在此粉壁上再題詩一首。詩曰。理罷仙容樂未休。開琴對月小軒幽。冰絃細寫羽衣曲。桂魄淨涵林壑秋。流水高山知己盡。廣寒宮殿許神游。良宵共擬鍾期榻。洗耳憑消萬古愁。又詩曰。幽居長夜興如何。玩月絃琴樂更多。靜把芳心傳綠綺。故邀皓月注金波。坐間無客知鍾子。牆外有人瞻素娥。曲罷定飛魂夢去。廣寒宮裏聽雲和。〔淨云〕相公你拿着管筆。着處胡題亂寫。明日觀主看見。罵小人也。今夜已晚了。山下有虎。去不的。官人且在門房裏權宿一宵。明日再來看罷。〔孤云〕我且

問你這箇彈琴的姑姑。姓甚名誰。誰家女子。幾歲出家。〔淨云〕它是建康府昇平橋下陳頭巾的女兒。十歲出家。來此十三年了。法名妙常。官人休打攪它操琴。它埋怨我也。〔孤云〕等我聽它彈則箇。〔旦唱〕

〔仙呂點絳脣〕鵲鵲風清。鳳臺人靜。秋光瑩。江闊潮生。兀良玉宇懸明鏡。

〔混江龍〕香焚寶鼎。一方明月可中亭。金徽有韻。銀漢無聲。志在高山流水趣。曲終風雨鬼神驚。看了那紛紛薄利。細細虛名。百年身世。半霎春醒。爭如俺一爐香。一口劍。一張琴。消磨了百年事。萬古恨。千般興。得乾坤二氣。惟琴月雙清。

〔彈琴科〕〔道清云〕師父今夜霧氣重。琴絃不響。〔旦唱〕

〔油葫蘆〕適趣何勞絃上聲。〔道清云〕師父迴廊下有箇穿白的走響。〔旦唱〕你試聽。莫不是山人去後野猿驚。莫不是黃蘆岸孤鴈棲不定。莫不是碧梧桐落葉飄金井。莫不是翠岩前山溜冷。莫不是蒼松上鶴夢醒。莫不是戰西風鐵馬兒窗前競。却元來迴廊下有人行。〔云〕道清你與我叫門公王安來。我問他。〔唱〕

〔天下樂〕急喚門公問此情。〔道清云〕門公王安。師父叫你哩。〔淨上〕〔見科〕〔旦云〕那壁廂是甚麼人。〔淨云〕他是箇經過官人。在此游玩。天晚去不的。〔旦唱〕原來是書生夤夜行。又

不是窮途阮籍哭未省。莫不是赴臨川雙縣令。爲多情蘇小卿。莫不是趕茶船迷了路程。〔云〕他端的是箇甚麼人。王安。你與我問箇仔細來說。〔淨問科〕〔云〕官人。俺提點教我問你端的是甚人。〔孤云〕我實說與你。我與陳妙常是親戚。我有一封書。你替我送去與他。〔淨接書科〕〔見旦云〕我才問那官人。他說是師父的親戚。見有一封書寄與你。〔旦接書〕
〔唱〕

〔那吒令〕我又不曾識荆。題着我姓名。〔淨云〕他說是師父家親戚。〔旦唱〕憑誰家的面情。有甚麼照證。〔淨云〕着我送書來。〔旦唱〕依着他使令。將書緘謹呈。〔看書云〕元來是一首臨江仙詞。詞曰。悞入蓬萊仙境。松風十里淒涼。衆中仙子淡梳妝。瑤琴橫膝上。一曲泛宮商。獨步寂寥歸去睡。月華冷淡高堂。覺來猶惜有餘香。有心歸洛浦。無計夢襄王。〔旦云〕這箇秀才好無禮也。襄王雲雨之事比我。〔唱〕撞入這道院中。錯認做蓬萊境。受松風十里多清。

〔鵲踏枝〕見了俺衆娉婷。貌輕盈。我無那洛浦容顏。他無宋玉才能。便指望巫娥女來臨夢境。悞了你楚襄王一世前程。〔云〕道清。將紙筆來也。回他兩句。打發他去了罷。〔旦寫付王安將去科〕〔淨送至孤接念〕原來是一首楊柳枝詞。詞云。襄王夢裏雨雲期。兩心知。子羔無意戀瓊姬。漫心癡。吾心恰似絮沾泥。不狂飛。任把楊枝作柳枝。枉挨尸。〔云〕好箇聰明。

姐姐想殺我也就今日不睡也罷。直和它做到天明。我再寫一首詞送與它。〔淨接東遞與旦科〕
〔旦念云〕碧玉冠簪金縷衣。雪如肌。從今休去說西施。怎如伊。杏臉桃腮不傅粉。貌相宜。好對眉兒共眼兒。覷人遲。〔唱〕

〔寄生草〕你道我碧玉冠霞光燦。金縷衣雲霧輕。你說咱雪肌花貌常清淨。桃腮杏臉行端正。月眉星眼天然性。誦的是黃庭道德蕊珠經。怎比那嘲風咏月淫詞令。〔云〕我再寫一柬。門公。你將與那秀才。打發它就去門房裏打箇草鋪。教它睡了罷。再不要來也。觀主知道不好。〔旦寫東與淨科〕〔淨送與孤念云〕清淨堂前不捲簾。景幽然。閑花野草漫連天。莫胡言。獨坐洞房誰是伴。一爐烟。閑來窗下理冰絃。小神仙。〔孤云〕門公。你與我上復陳妙常。教它記着。清淨堂前不捲簾。七箇字。我暫宿一宵。明日早行了。〔孤淨俱下〕〔旦唱〕

〔么〕這其間銀河瀉。玉露澄。則俺那六銖衣風透。鮫綃冷。七皇冠日轉芙蓉影。八踏〔即吹〕鞦韆露濕凌波映。我向那蒲團上且下死工夫。秀才也你去那草窩中權害一夜相思病。〔云〕道清。移過坐兒來。我玩月者。〔道清云〕師父。這月色是甚麼物。有時圓。有時缺。有時明。有時黑。是如何說。〔旦云〕你聽我說。〔唱〕

〔後庭花〕它是箇六丁中太乙精。它是箇五行內金水英。照耀着山河象。消磨

盡今古情。搗藥的兔長生。爲甚麼循環不定。初二三不見形。初三四方見影。初七八弦上平。十五光滿盈。十六七陰魄生。二十二三一半傾。二十八九無了半星。

〔青哥兒〕呀。一月一箇晦明尅應。一月一箇長落虧盈。萬古千秋不世情。也不分金屋銀屏。草舍茅亭。孤苦門楹歡家庭。遮莫是長江大海與溝坑。都一般清光瑩。〔道清云〕師父三更了也。候了功課。收拾房裏去了罷。〔旦唱〕

〔賺煞〕殿角斗梢橫。簾內燈光映。熱盡龍涎鳳餅。紙帳梅花夢不成。近中庭夜氣淒清。銀燭秋光冷畫屏。煉真元氣形。謝黃婆媒聘。身中自有一陽生。〔下〕

第二折

〔旦引道清上〕〔云〕自昨夜見那書生詞。好放心不下。道清。你與我叫門公來。我問它。〔道清叫云〕門公何在。師父叫你哩。〔淨上〕〔見科〕〔旦云〕夜來那箇人。實是那裡來的。〔淨云〕它說是做官的。此處經過。來此閑玩。因見師父在涼棚下彈琴。聽了一會。它問我那彈琴的姑姑。是何處人氏。幾歲在此出家。這等聰明。我對它說師父的貫址來歷。它就說是師父的親戚。寫了一箇柬兒送與你。你又回了它一束。因此上兩次三番。做了箇不了。師父說怕觀主知道。着你門房裏歇去。它

說道上復陳妙常。教它記着清淨堂前不捲簾七箇字。次日早行了。再沒甚話說。〔旦云〕既如此。你看門去罷。〔淨下〕〔旦云〕道清。我昨夜被那箇聽琴的秀才。做那詩詞來戲我。我初然不以爲事。後來想過來。惱的我半夜睡不着。今日意思恍惚。如有所失。看它詞句才調。是一箇聰明特達的人。但不知它容貌如何。臨去時又交教我記着清淨堂前不捲簾七箇字。料想他必然有箇好意思在我身上。自恨我一時無見識。不曾請它喫盃茶。未知何日再得會也。〔唱〕

〔正宮端正好〕本是箇冰雪女真堂。錯認做風月天台洞。又不曾約佳期在月下桑中。它將那情詞數闋相譏諷。引的我一點芳心動。

〔滾繡毬〕昨夜箇理瑤琴曲未終。熱龍涎香正融。則聽的畫樓間有人吟咏。我只索按冰絃急喚門公。它說道咱家俗眷中。音信通。它那將那一緘書往來傳送。獎芳姿任意過從。花箋激灩書金縷。又不曾綵袖殷勤捧玉鍾。有甚麼情濃。
〔道清云〕師父。昨日留下那先生。敍敍也能來。〔旦唱〕

〔倘秀才〕昨夜箇愁沒亂。更長漏永。今日箇神恍惚。心勞意冗。幾時得山屐相逢滿徑踪。空留下千古恨。遙望一江風。都做了連連原作兼今改天的浪湧。〔道清云〕師父且牢守規戒。不宜如此。〔旦唱〕

〔滾繡毬〕想當初守清規習祖風。煉真茅養正宗。咱去那有用用中行用。向無功功裏施功。疎散的體態慵。折倒的鬢髮蓬。煉真元固求鉛汞。望長生啖柏餐松。往常時身無綵鳳雙飛翼。今日箇心有靈犀一點通。憔悴了嬌容。〔道清云〕師父。你不曾面會那生。怎生便這等留心也。〔旦唱〕

〔倘秀才〕都只爲不識面清詞一封。倒惹的凝望眼相思萬種。仙境那能得再逢。滿懷心腹事。盡在不言中。到做了色即是空。〔云〕道清。你關上這門。我且回經堂中去者。〔同下〕〔卜扮觀主上開〕老身女真觀觀主潘法誠是也。自幼十三歲。來這女真觀出家。經今五十餘年。惟以清規律己。守道修真。因此上衆姑姑尊我師長。每日家上殿。領衆焚修。祝延聖壽。演誦經文。觀中徒弟二十餘人。這一箇小女童沈道寧。小心謹慎。早晚與我做伴兒。道寧。你與我說與門公王安。這觀中一應閑雜人等。不許放入。但有人來往。都要報的我知道。〔道寧云〕理會得了。〔外引琴童上開〕小生姓潘名必正。本貫和州溧陽人也。平生以儒爲業。螢窗苦志。雪案勞心。學成滿腹文章。爭奈時乖運蹇。舊歲大開南省。小生應舉京師。不料染病。悞了科場。一向游學。羞歸故里。我有一箇親姑娘。在這通江橋下女真觀出家。俺那姑娘。是箇有綱紀的人。今日特來探望它一遭。就依棲着它。溫習半載。以待來年下科赴試。有何不可。行說着話。又早來到也。不

知姑娘在否。琴童。你問那門公。〔琴童云〕門公。觀主在家麼。官人來訪。〔淨見外科〕〔外云〕你去報知觀主。說有姪兒潘必正。特來拜望。〔淨報云〕師父。外邊有你姪兒潘必正來拜望哩。〔卜云〕快請它進來。〔外見卜云〕姑娘。受您孩兒兩拜。〔卜云〕孩兒長偌大了。你怎生許多年不來看我。〔外云〕上告姑娘。恕姪兒之罪。姪兒自拜別姑娘之後。一向習學舉業。舊歲科場。不料染病京師。悞了進場。因此上羞歸故里。游學四方。想念姑娘。久失問安。特來拜望。勿以怠慢見責。〔卜云〕我今日見姪兒這等俊秀。喜不自勝。想你父親往日做官。積下陰騭。你可上緊攻書。不要墮落了你先人的志氣。你坐着。我叫徒弟來拜你。沈道寧。你來拜了您哥哥。一壁廂安排些酒來。與你哥哥接風。門公王安。快收拾了西邊方丈。與你哥哥安頓行李。孩兒。我這裡則是箇出家清淨去處。無可口的飲食管待。你若不棄嫌。就此讀些詩書。以待來年應舉。可不好也。〔外云〕多蒙姑娘雅意。它日倘得寸進。必當厚報。〔卜指琴童云〕這小的將着這一張古琴。想必你會彈。〔外云〕孩兒頗曉一二曲。〔卜云〕我這觀裏。有箇徒弟陳妙常。也能操幾曲。又通詩詞。着沈道寧叫來。彈一曲你聽。〔道寧云〕陳妙常。師父請你哩。〔旦上〕〔云〕小道陳妙常。適聞師父呼喚。須索見者。〔做見科〕〔卜云〕這箇是我姪兒。數年不見。今日特來望我。因見它帶着這古琴。請你來與它一會。妙常。你年紀小似它。你先拜它爲兄。〔旦外相見科〕〔卜云〕將酒來。妙常替哥哥奉一盃。〔旦云〕理會的。

〔遞酒科〕〔飲科〕〔旦云〕道寧。擡過卓兒來。焚上香。請哥哥先彈一曲。與我聽者。〔外云〕小生久在困中。功名不遂。久矣不彈。指法荒疎。但恐污耳。望勿見笑。請師兄先彈。〔旦云〕願聞雅操。請發柔指。何勞太謙。〔外彈科〕〔彈畢〕〔卜云〕陳妙常。你也彈一曲。〔旦云〕先生江海之學。小道是井底之蛙。焉敢於班門弄斧。〔卜云〕你也少謙。出家人操的不好。也罷了。〔旦彈科〕〔淨云〕這先生彈一會。陳師父彈一會。幾時是了。站的我腿脰骨疼。老師父請回方丈。先生也辛苦了。也去歇一歇。大家散罷。〔卜云〕也說的是。娃兒。你歇去罷。〔並下〕〔旦復上〕〔云〕好是怪哉也。事有可疑。前日平白地。走將一箇過路官人來。臨晚與我吟詩作賦。兩回三次。引的心中百沒是處的。悔當初不會見它一面。昨日又是箇師父的娃兒。請我出來。與它拜爲兄妹。彼各彈了一曲琴。我見它眉清目秀。動靜語默。是箇非常的人。莫不有些蹊蹺。道清。我今年喜事動了。我還俗了。嫁了這秀才罷。正是無心理經懺。有意害相思。〔外上〕〔云〕小生來望姑娘。想不到此遇見陳妙常。這段好姻緣。真所謂絕代有佳人。幽居在空谷。看了這女子言詞動靜。誠所謂淑女可以配君子。天那。潘必正若得此女子爲妻呵。方稱了平生之願。今日去探望它一遭去來。〔外做到科〕〔云〕無人通報。我嗽上一聲。〔道清看云〕那秀才來了。〔旦出迎云〕誠的我來。原來是哥哥。哥哥請坐。〔外云〕小子夜來輕薄。琴調不正。有污清耳。望勿見笑。〔旦云〕哥哥返說污耳。小道孤陋寡聞。疎慵愚鈍。哥

哥不棄下顧。見教爲幸。〔外云〕小生游覽江湖。未嘗見師兄這等聰明人物。正是自然富貴出天姿。不待金盤薦華屋。借紙筆來。略有小詞。不足爲贈。〔做寫科〕〔旦接念云〕詞寄楊柳枝。傍觀仙子過茅屋。驚人目。星冠珠履。逍遙服。能妝束。弄玉儀容。瓊姬態。傾人國。雅淡全無半點俗。荆山玉。謝哥哥珠玉之才。小道方外鄙人。何以克當。小妹也有一首小詞獻醜。〔做寫科〕〔外接念云〕青玉案。茅屋藏身隨所寓。冷淡清虛。正是修真處。默誦黃庭香一炷。四時節序不關心。自有逍遙趣。重門盡日無人過。只有營巢燕來去。放入雙雙梁上住。簾幙空懸貯。〔外云〕師兄才調敏捷。學生何敢望回。古人文君蔡琰。猶且不及。學生願得聽教。正是共君一席話。勝讀十年書。小生且告退。再來拜望。〔旦云〕先生不棄。閑來告茶。〔外辭下〕〔旦云〕道清這箇秀才。深有眷戀之心。我一定嫁了他罷。〔唱〕

〔呆骨朵〕莫不是黃婆勾引的婚姻動。莫不是紅鸞和天喜相衝。我是箇山野疎慵。怎配得文章鉅公。若能敲春宵抵萬金。不枉了夜月琴三弄。也是我淒涼小運終。多管是風流大限通。〔外上〕〔云〕我纔別了陳妙常。回到館舍中。好生悶倦。且將這琴彈一曲。以寄情興者。〔做彈科〕〔旦云〕這秀才彈的是鳳求凰。道清今夜教我怎生睡的着也。

〔唱〕

〔叨叨令〕莫不是劉晨誤入天台洞。多應是雍伯曾把瓊瑤種。裴航相約雲英共。蕭郎同跨綠山鳳。兀的不想殺人也麼哥。想殺人也麼哥。則被那漢相如暗挑的琴心動。〔云〕昨夜聽的那秀才彈那鳳求凰之曲。引的我一夜春心無柰。道清將紙筆來。我寫一首詞。以寓悶懷。〔做寫科〕〔念云〕西江月。松舍清燈閃閃。雲堂鐘鼓沈沈。黃昏獨自展孤衾。未睡先愁不穩。一念靜中思動。徧身慾火難禁。強將津液嚥凡心。爭奈凡心轉甚。〔云〕道清將這詞兒壓在硯匣底下。〔道清放科〕〔沈道寧上〕〔云〕小道沈道寧是也。奉觀主師父法旨。着我請陳妙常來到這裡。無人報伏。我自過去。〔做見云〕師父稽首。潘老師父請師兄說話。〔旦俱下〕〔外上〕〔云〕小生夜來去望陳妙常。蒙他作詞一首。付與小生。深有過愛相招之意。我今日再去望他。看他有甚麼話說。〔做行到科〕〔云〕道清。你師父何往。〔道清云〕適間潘老師父請去說話。不久便來也。請坐告茶。〔外云〕不勞不勞。〔外在硯匣底見詞念了〕〔藏入袖云〕我也就紙筆作一西江月。〔寫科〕〔云〕玉貌何須傅粉。仙花豈類凡花。終朝只去煉黃芽。不顧星前月下。冠上星簪北斗。杖頭經掛南華。未知何日到仙家。曾許綵鸞同跨。〔旦上〕〔云〕適間潘老師父叫去。說話回來。不想哥哥在此。有失迎迓。勿罪勿罪。道清看茶來。〔做見詞念科〕〔怒云〕先生。我師父因你是姪兒。念斯文分上。留你在此讀書。着我與你敘兄妹之禮。豈知你這等無狀。寫這等淫詞調戲。

我。誰曾許你綵鸞同跨來。〔外云〕師父請息怒。你若不先有心嘲我。我豈敢如此。〔旦云〕我那裡嘲你來。〔外出詞云〕這強將津液嚙凡心。是誰做的。我拿去姑娘前出首去。〔旦慌陪笑云〕哥哥。我哄你哩。〔外云〕我也誆你哩。〔旦云〕既先生不棄陋拙。略備蔬酌。今夜成其伉儷。〔外跪云〕師兄肯如此過愛。小生當犬馬之報。〔旦云〕非是我荒淫犯戒。因見先生外貌謙恭。內才樸實。表裏相稱。況又是師父的姪兒。因此成就這段姻緣。道清。你快收拾花燭酒果。天色將晚也。〔外云〕日色已沉。林光漸暝。點燈者。〔旦唱〕

〔脫布衫〕轉銀籌漏滴銅龍。靄雕盤香裊金蟲。燃絳蠟光搖蠅。照紗窗月華澄瑩。

〔小梁州〕春滿蘭房喜氣濃。簾幙重重。幾回魂夢與君同。誰想今宵共。咫尺到巫峯。〔外旦交盃科〕〔旦唱〕

〔么〕輕憐痛惜嬌搏弄。結同心誓飲金鍾。志已從。情偏重。隻鸞孤鳳。天與配雌雄。〔外云〕夜深了。咱就枕罷。〔旦云〕非是妾荒淫。因見先生才貌非凡。日後必有榮顯。以此違了三寶。犯了清規。破了十戒。將千金之軀。付與先生。只恐足下久後負了我。〔外云〕師兄有如此般恩愛。日後潘必正。但忘了師兄之恩。永墮阿鼻地獄。〔外看手帕科〕〔旦唱〕

〔醉太平〕羞占着粉容。半掩着酥胸。香羅手帕點猩紅。嬌怯怯的怕恐。稱聲俏俏蛾眉縱。弓鞋窄窄纖腰送。元精耿耿貫當中。儘今生愛寵。

〔三煞〕從今後巫娥不作游仙夢。准備着蕭史同登玉女峯。我是箇嫩蕊嬌花。不比那殘花敗柳。將咱蘭蕙芳心。休看做桃李春風。污平生冰清玉潔。儘今宵搓粉搗朱。恐明朝怨紫啼紅。山盟海誓。彼各在心胸。

〔二煞〕今宵箇鮫綃被底鴛鴦共。煞強如烏鵲橋邊夫婦通。休題那拜月瞻星。踏罡步斗。陽火陰符。暮鼓晨鐘。似這嬌鶯乳燕。倒鳳顛鸞。索強如伏虎降龍。一任的梅花紙帳。翻騰做褥隱繡芙蓉。

〔煞尾〕從今後知其白。守其黑。五千道德無心誦。准備着朝行雲。暮行雨。十二巫峯有路通。服氣餐霞總是空。導引勞形枉費功。坎離交馳火不烘。卯酉分差水不烹。龜吐醞醐味正濃。鳳飲刀圭樂未窮。想當日玄默今無守靜功。總與金丹不是同。則今日眞水眞鉛結眞汞。眞鼎眞爐遇眞種。〔外旦俱下〕

第三折

〔外同旦上〕〔旦云〕先生。想我與你成其夫婦。不覺半載餘矣。奈我身懷六甲。身體恹恹。看看出

懷。倘有外人知覺。怎生是好。老師父又是箇嚴切急性的人。咱如何受的他氣。不如你且離了這
裡。上京應舉去。等我慢慢處置。〔外云〕小生春闈側近。正欲去長安就試。只因師兄有些喜事。小
生放心不下。故此淹留。倘姑娘知覺見責。小生在此。終有骨肉之情。不肯凌辱。若就肯主張。成了
姻緣。十分之好。再待三年科舉。未爲晚矣。師兄且自寬心保重。調護貴體。〔旦云〕先生只是俺出
家人。幹這等事。不甚好看。一會家思想起來。好是愁悶人也呵。〔唱〕

〔商調集賢賓〕春愁滿懷。何處着歡娛。罷轉心焦。道可道。憑誰可道。學難學。對
衆難學。我將那玄牝之門。到三更離坎相交。近來自知學問飽。每日價把嬰兒
搜抱。何時分子母。甚日脫胎胞。〔外云〕何不告謝天地衆神。許些願心。保護你身輕體健也。
好。我見師兄這些時。真箇氣粗身大了些。〔旦唱〕

〔逍遙樂〕我暗暗將老君禱告。只願的子結金蓮。長生不老。散澹逍遙。舞蹁躑
躑。遶麻袍。緊緊定腰間紫綵絲。任從他腹大胸高。不能殼騰雲駕霧。服氣冲霄。
跨鳳騎鶴。〔外云〕我與你前生有緣。今世得成姻眷。非同小可也。不必怨悔。〔旦唱〕

〔醋葫蘆〕這些時轉河車氣不調。步虛聲不甚巧。半年來信斷海門潮。春酥暗
添惟自覺。幾曾敢街前行跳。腆着脯只恐怕外人罵。〔外云〕師兄。今早姑娘使人來請

喫晚飯。只恐來遲。望勿見責。〔旦云〕先生是必早些來。不要似前日來的晚了。着我等候。〔唱〕

〔么〕幾番價經堂中來的較早。手支頤簾下托。直等的剔團欒。明月上花梢。入門來畫堂春自好。緊緊的將咱倚靠。那溫存那顧惜。那些劬勞。〔外云〕小生暫別師兄。休得懸念。〔下〕〔旦云〕道清。你哥哥今夜老師父請喫飯。一定來遲。你與我泡下苦茶等他。只怕酒醉了。〔道清云〕師父。如今已是夜深了。則怕他不來了。〔旦云〕道清。你聽四更動了。將次撞鐘。他已是不來了。你將紙筆來。我寫一首詞。你明日早送與他看。詞寄楊柳枝。昨宵腸斷黃昏約。人寂寞。洞房獨對燈花落。無歸着。紗窗幾陣東風惡。羅衣薄。今宵何事青鸞邈。肌如削。〔道清接簡云〕理會的。〔俱下〕〔道清上〕〔云〕昨日晚間奉師父命。送這東帖與潘秀才。來到這書房門首。不免進去叫一聲。先生先生。〔外上〕〔見科〕〔道清云〕俺師父着我送這東帖與先生。〔外接念科〕〔云〕這小生夜來貪盃失約。師兄怪的是。道清少待片時。我寫一回東謝罪。詞寄楊柳枝。尊姑久矣情疎闊。呼酬酢。留連盃酒燈前酌。身如縛。歸來殘月窺窗角。星初落。幾回欲把朱扉啄。人知覺。〔做遞與道清科〕〔云〕上覆師兄。今夜自當謝罪。〔道清下〕〔外云〕天色還早哩。我街上散心一會去。琴童好生看家則箇。〔卜上〕〔云〕小道潘法誠。見爲女真觀主。我這觀中二十餘人。止有陳妙常聰明伶俐。詩詞歌賦。琴棋書畫。無所不能。這些時我見他乳大胸高。不似那女子。

形容這觀中又無閑人往來。止有我姪兒潘必正。在此讀書。半載餘矣。我夜來叫他喫晚飯。因說科場在邇。可早早收拾去。他全不說起身之事。我心中有些猜疑。今早我上殿回來。又見張道清從他書房出來。不知有甚麼事。我只裝不知。我去書房中看看姪兒。試看他怎麼說。〔做行到云〕琴童。你哥哥那去了。〔琴童云〕俺哥哥心上悶倦。上街閑行去了。〔卜於卓上見東〕〔念云〕詞寄楊柳枝。昨宵腸斷黃昏約。人寂寞。洞房獨對燈花落。無歸着。紗窗幾陣東風惡。羅衣薄。今宵何事青鸞遞。肌如削。呀。這是陳妙常親筆寫的。只因昨夜一宵不到。有許多話說。看起來這事也不止一日了。沈道寧。你與我叫陳妙常來。〔道寧叫云〕陳妙常。師父叫你哩。〔旦內應云〕上復師父。我這兩日有些不好。去不的。〔道寧云〕師父。陳妙常有病。來不的。〔卜怒云〕叫門公王安來。我問他。〔道寧叫科〕〔淨上〕〔見云〕老師父叫王安有何事。〔卜云〕我見陳妙常這些時面色改變。乳大胸高。這觀中有甚麼人來往。〔淨云〕蒙老師父法旨。這觀中一應閑雜人等。不敢擅入。我小人又年紀大不濟事。〔卜云〕敢有我姪兒潘必正。〔淨云〕鄰家不見了雞。都在我肚裏。我去叫他來。一頓打。怕他不認。〔淨叫科〕〔云〕陳妙常。老師父要下手你哩。快來快來。仔細仔細。〔旦上〕〔見云〕師父稽首。叫我有何法旨。〔卜云〕我兩次三番叫你。如何不來。〔旦云〕我身子有些不好。睡着來。〔卜云〕敢是害哩。〔旦云〕害甚麼。〔卜云〕害娃娃哩。我見你這些時乳大胸高。你敢有些不巧的。

勾當。有甚麼人往來。你快說。(旦唱)

〔梧葉兒〕每日價參玄妙。無甚麼閑事擾。(卜云)無閑事。你那門半夜價不關。做甚麼來。
〔旦唱〕將門戶緊關着。悶把瑤琴操。閑將經卷學。又沒箇外人瞧。師父。哎。您徒弟怎肯把清規壞了。(卜云)你這些時。怎麼把模樣改變了。(旦唱)

〔醋葫蘆〕我身軀兒瘦似柴。面皮兒黃似瓢。喘吁吁。回不過小蠻腰。諸般飲食。怕待要嚼。看看羸弱。若非中滿。恐成癆。(卜罵云)癆。甚麼癆。是色癆。酒癆。沈道寧。與我將他腰解開看。若乳大便是胎。乳小便是癆。(道寧上前)(旦不容科)(卜云)王安。拿繩子來。細了。你好好的對我實說。與甚麼人往來。便能。若不說。我直打死你這箇賤人。(旦云)天呵。羞死我也。休打我。我說了罷。是你姪兒潘必正來。(卜云)它是箇讀書的秀才。你是箇出家的人。怎生便惹上。它便大膽。它做這等勾當。你從頭招說。(旦唱)

〔么〕自從那初相見。那一朝。我見它逞風流模樣標。怎禁它鳳求凰。良夜把琴調。咏月嘲風詩句挑。引的人神魂顛倒。因此上兩情恩愛。漆投膠。(卜云)我昨夜叫他喫些晚飯。它連連告辭起身。我苦留住它。你今日清早。可寫了一箇詞兒。與它。引的它晝夜無心攻書。街上走去了。你倒說它咏月嘲風詩句挑你。這不是你寫的東兒。你看。(旦唱)

〔么〕每夜價等雲堂法鼓敲。聽鐘聲響殿角。捲珠簾推把夜香燒。直等的露冷風寒人靜悄。昨宵不到。特書小柬敬相邀。〔卜云〕你這賤人。他只一夜不來。就有許多

話說。你是箇修行辦道的人。守清貧纔好。你一夜也守不的。你出甚麼家。你當初只嫁人也罷了。

〔旦云〕情是人間何物。慾心一動。禁持不住。我有做的一篇詞。訴與師父聽。寂寂雲堂斗帳閑。爐香消盡燕沉烟。烘却布衾圖睡煖。轉生寒。霏霏細雨穿窗濕。颯颯西風透枕珊。此際道心禁不得。

故思凡。〔卜云〕你父母十歲上捨你出家修行。今有二十三歲了。這裡許多人出家。偏你禁不的。

故思凡。〔旦唱〕

〔么〕怎當他雪紛紛窗外飄。風颭颭林下掃。砧聲兒纔住。鴈聲嘹。雨淋鈴响當當。當簷外鐸。幾般兒終年家聒噪。你便是鐵石人對此也難熬。〔卜云〕你就實說。你兩

箇偷期多少時了。〔旦唱〕

〔么〕自中秋玩蟾光夜睡的遲。到清明惜花心春起的早。過了些擔驚受怕。雨雲宵。街上金鷄剛報曉。猝然驚覺。並香肩攜手下庭臯。〔卜屈指數科〕〔云〕八月中秋。到今清明之時。已是八箇月了。我看你這身孕。那裡發落。我觀中清淨的法門。許你生男生女。

那裡尋穩婆去。〔旦唱〕

〔么〕我請幾箇老師兄。斯守着生。衆高徒來抱腰。哎。你箇親姑娘合與俺做三朝。待孩兒滿月將他頭剃了。請師父合家歡樂。我拚着兩糖三果大烹烹。〔卜云〕你到說的好也。我這觀裏與你生兒長女。做三朝滿月。兩糖三果做筵席。〔淨云〕我與你請和寧院裏香兒來彈唱。他也是還俗的尼姑。就叫幾箇末尼來。做箇尼姑還俗的雜劇。也帶攜我吃些酒。不枉了替你看門子。〔旦唱〕

〔么〕既不沙。呵。暫將菴觀離。且將那經卷拋。效文君司馬過仙橋。你權做箇撮合山主親的月下老。俺兩箇銜環之報。成就了碧桃花下鳳鸞交。〔卜云〕好好。你與潘必正。走去他鄉外府去了。你家裏問我要人。我那裡尋你去。我只送你到建康府。當官叫你父母領去。大家散火。我這觀中却不乾淨。〔旦唱〕

〔後庭花〕哎。你箇歹姑娘心性惡。將他那賢姪兒看待的喬。他母親與你是親嫂。他先尊與你共一胞。暢好是忒情薄。可憐見諸人哀告。衆街坊跪膝着。撲簌簌雨淚拋。他飄零身無歸落。倚門親年紀老。受螢窗書案勞。望鵬程釣巨鰲。權寧這一遭。百般的不肯饒。越哀告。越着惱。

〔青哥兒〕呀。有一日將龍門龍門飛躍。那時節虎榜虎榜上名標。象簡烏靴錦

綉袍。得了一品二職官僚。三簷四馬。乘着五府六部權豪。七元八愷功勞。九年十載陞擢。那時節加着官。進着祿。封着妻。蔭着子。軒軒昂昂。氣揚揚束帶立於朝。師父哎。將你那恩情報。〔外上〕云。姑娘。暫息雷霆之怒。聽學生告稟。這事不干師兄事。自

那日姑娘請師兄。與小生拜爲兄妹。彼各彈了一曲琴。我見他眉清目秀。動靜幽雅。引動了學生的心。因此上不告而娶。私自與他成其伉儷。一來學生無妻室。二來又是箇無家室的女子。望姑娘篤念骨肉之親。將我二人成其夫婦。就做了主親。成了此事。豈不美乎。免去經官動府。玷辱山門。有辱姑娘清規。〔卜怒云〕賊醜生。枉着你讀幾行書。怎生這般沒志氣。却不道書中有女顏如玉。如何戀這等臭肉。他父母捨他在此出家。不曾着我把他改嫁與姪兒做媳婦。他家倘去府中告狀。我那裡尋他去。我這觀中。二十餘箇姑姑。都似他要嫁人。我都與他尋箇漢子。我也不是箇觀主。我到是箇媒婆。我今後怎生鉗束下人。〔淨云〕我與師父尋箇天妃宮老道士罷。我老小人那裡發落。我面上饒了他罷。〔旦唱〕

〔醋葫蘆〕他睜着眼不順情。咬着牙不放脚。誰知道吃齋人笑裏暗藏刀。將咱二人口詞實串了招。若到官司中陳告。羞答答怎過北門橋。〔卜云〕門公。將陳妙常氅衣道冠都收起。玷辱我這道門。〔淨做脫衣科〕〔旦唱〕

〔挂金索〕脫了我的鶴氅雲巾。我將那不救苦的天尊來叫。摘了我的鳳髻星冠。恰便似不自在。觀音貌。穿着這納襖油裙。將我做不謹慎的婆娘笑。看了我這垢面蓬頭。惹的些不曉事的兒童鬧。〔下云〕王安將繩子來。把他兩箇都縛着。送去建康府。當官發落他。各自歸宗去。〔旦唱〕

〔醋葫蘆〕也不索白麻繩項上縛。也不索黃桑棒身上拷。到官司自認了犯奸條。願大人可憐見。將完娶了。前程難料。師父也。你這箇主家不正罪難逃。〔下云〕你兩箇一條繩拴着。你羞不羞。好秀才。好道姑。惶恐不惶恐。〔旦唱〕

〔浪裏來煞〕我如今夫婦雙修抵多少。共乘鸞飛入縵山廟。我當初尋火棗。遇仙桃。隱身在蓬萊三島。得手便玄關一竅。煞強如將心猿意馬拴牢。〔下領旦外一行同下〕

第四折

〔下領旦外一行人上〕〔旦唱〕

〔雙調新水令〕我誓今生不入禁城門。打開了死生關了生死命。修持真道本。誰想業障又纏身。本是箇林下的閑人。幾時得半仙分。

〔駐馬聽〕看了這碧蘚鄰鄰。雨洗殘碑五代文。青山隱隱。烟迷荒草六朝墳。世間爭說古時秦。山中豈料今爲晉。宋梁陳。英雄一去繁華盡。

〔喬牌兒〕我想那臨春閣望禍門。玉樹曲送亡的音韻。隔江聽唱猶遺恨。只與那漁樵家作話哂。〔外云〕師兄。都是我玷辱你。我一日崢嶸發達時節。怎敢忘了今日的辛苦。

〔旦唱〕

〔鴈兒落〕恨多情過一春。春一過情多恨。悶無心我負人。人負我心無悶。眞成假。假成眞。恩生害。害生恩。人幾有清閑論。論清閑有幾人。辛勤。貧不富時交運。勤辛。運交時富不貧。〔下〕〔孤上〕〔云〕爾俸爾祿。民膏民脂。下民易虐。上天難欺。小官姓張名

孝祥。字安國。道號于湖居士。和州溧陽縣人也。先任長沙太守。蒙朝廷旌異。改除金陵建康府尹。古人云。法正天心順。官清民自安。到任已來。並無差科擾擾良民。民安物阜。各縣豐稔。安家樂業。人民富庶。並無詞訟。以此清閑。大開着府門。無一箇告狀的人來。左右掛起告牌。但有告狀的。着他進來。〔卒子云〕理會的。〔做叫科〕掛起這告牌。但是一應人等。都來陳告。〔卜領一行上〕〔云〕來到這府門前。早隸大哥。通報一聲。道有告狀的來見官。〔卒子入報云〕稟的老爹知道。外面有箇老姑。拴着一箇秀才。一箇小道姑。來告狀。〔孤云〕着他進來。〔卒子云〕告狀人進去。〔衆

進走科〔旦唱〕

〔水仙子〕我低頭曲脊入公門。抵多少懺罪禳災告北辰。恰便似踏罡步斗。難趨見□神州新大尹。他便是九幽拔罪天尊。則爲淨功不淨。可憐見身中有身。願大人仁者安人。〔衆一行跪科〕〔孤云〕那老道姑告甚麼事。〔卜云〕貧道乃通江橋女真觀觀主潘法誠是也。今有本觀道姑陳妙常。與這箇小秀才。通姦往來。玷辱法門清規。〔孤云〕那秀才那裡人氏。與這女姑通奸。〔外云〕小生溧陽縣人氏。因舊歲赴京科舉。染病京師。悞了科場。羞歸故里。特來依棲着姑娘潘法誠。留我在本觀讀書。俺姑娘着陳妙常出來。拜我爲兄。日往月來。遂成夫婦。此是實情。望大人可憐見。看斯文的面。乞賜寬恕。〔孤云〕潘法誠。他是你親姪兒。你只合送他去別處居住。不合留在觀中。一處相會。嘲風咏月。使怨女曠夫。眉來眼去。人非草木。觸目動情。淫心一舉。安能寂寞。這是你主家不正。你們都有罪。你可兩頭尋他父母來。兩相情願。配合成婚。一來免的出醜。二來不失了骨肉之情。三來省這場官司。可不美哉。〔卜云〕告的老爹知道。此事只憑老爹施行。〔孤云〕陳妙常。你是那裡人氏。〔旦唱〕

〔折桂令〕我是建康城有籍良民。爲雙親兒女難存。恰十歲父母離身。徑入青山。相依綠水。跳出紅塵。名妙常俗家姓陳。昇平橋發賣頭巾。告大人。願改嫁良

民。去秋闈悞了鵬程。待春闈難跳龍門。〔孤云〕陳妙常。你記的那清淨堂前不捲簾。閑來

棚下理冰絃。小神仙。你今日却是小神仙了。〔淨做認科〕〔云〕呀呀呀。這老官我認的你了。你記的一箇草鋪與你通脚睡了一夜。第二日五更裏悄悄的去。了好極也。你當初央及我。我到作成你做娘子也罷了。〔旦唱〕

〔沽美酒〕當夜箇月初圓。秋色分。雲散綺。露花勻。玄晏先生夜扣門。他道是與咱舊親。又未知主何因。

〔太平令〕他將那簡帖兒傳消寄信。詞章兒撥雨撩雲。兩三次聯詩押韻。引的我常懷憂悶。我呵。心兒裏暗忖。未准。却元來是君。今日箇見面有故人情分。〔孤云〕你兩人都該杖八十罪。〔外云〕望大人可憐見。方便學生。〔孤云〕潘法誠。你這箇徒弟。也不是出家的人。到與你姪兒完娶了罷。〔卜云〕若如此。老爺斷判十分好。老身無知。當初只怕他領在別處去了。陳妙常家問我要人。連累着我。今日既蒙完娶。您二人過來。拜謝老爹者。〔外旦拜科〕〔淨云〕老官。當初你早寄箇信來。我把陳妙常只作成嫁你。却不好。〔旦唱〕

〔川撥棹〕當初自別了君。魚不知鴈不聞。空着我目斷行雲。路阻風塵。怎得漁郎來問津。意懸懸未得申。〔孤云〕後來幾時遇着潘秀才。〔旦唱〕

〔七弟兄〕後因幾句又逢了新。我見他溫柔典典原誤點趙改開非雅龐兒俊。憐香惜玉意兒勤。因此上委身失節心兒順。

〔梅花酒〕也是愿允自配了新婚。暗結佳姻。法鼓三鑿斟合卺。道香一炷接冰人。今日是窘。我怎肯朝私遁。莫私奔。甘辛苦。受辛勤。他清俊。我青春。情如海。敬如賓。明人理。正人倫。

〔收江南〕呀。想當初修真是假假修真。今日箇母能生子子生孫。效孟光舉案樂清貧。學那姓桓的少君。與漢鮑宣共挽鹿車輪。〔孤云〕潘必正。他也是和州溧陽人。我與你同鄉共井。我今日與你完娶了這段好姻緣。你二人各做一篇詞。我看。〔外云〕謹遵台旨。

〔做寫科〕〔遞上科〕〔孤念云〕羽翼將成。功名未遂。偶然撞入鴛鴦會。當初望折桂枝香。不期又作桃源媚。月下幽歡。星前伉儷。分明犯了風流罪。大開羅網選英賢。佇看鵲立丹墀內。〔孤云〕陳妙常。你也快寫來。〔旦寫遞上科〕〔孤念云〕相府潭潭數十重。入門馬上氣如虹。儼然端坐黃堂上。憂國憂民俯仰中。蒙下顧。謝姑容。仙禽從此脫樊籠。當初只說常清淨。羞對先生滿面紅。〔孤云〕潘必正做了一篇踏莎行。陳妙常做了一篇鷓鴣天。你二人正是一對。我也做一篇詞。送你二人。詞寄鷓鴣天。脫却麻衣換綉裙。仙凡從此兩俱分。蛾眉再畫當時柳。蟬髻仍梳舊日雲。施玉

粉點朱唇。星冠不戴貌超羣。枕邊一任潘郎愛。再也無心戀老君。你二人近前來。我今日判斷。成此一段姻緣。我贊助你三箇月俸錢。明日是箇青龍黃道日期。上京取應去。你二人路上慢慢的行去者。若得了時。休忘了今日。潘法誠。你領二人回去。收拾了起身。〔一行拜謝科〕〔旦唱〕

〔離亭宴帶歇指煞〕我命裏有貴星主。照師尼運。又沒那助夫的人才。走入臨官印。一步步青雲路穩。我將那幻生身。着綉衣。本來面。施朱粉。有烏髮。鋪雲鬢。往常時帶星冠。道骨輕。今日箇整霞佩。腰肢全。不是我還俗的太狠。往日的貪嗔滅。戒五葷。定智慧。開三昧。生老病。縈方寸。無饑餐蔬食緣。有坐享堂食的分。精氣神三般爲本。報你箇歸根復命有恩人。〔孤云〕是誰。〔旦唱〕是建康新大尹。〔孤云〕天下喜事。無過夫婦團圓。殺羊宰馬。快做慶喜的筵席者。〔下〕

題目

俏書生暗結鴛鴦伴

歹姑娘分破鸞鳳段

正名

陳妙常巧遇好姻緣

張于湖誤入女真觀

乙卯四月初七日校抄于小谷本清常道人記

女學士明講春秋

闕名

第一折

〔外扮葛懷敏上〕〔云〕凜凜朔風紫塞寒。雄兵赳赳鎮延安。數年掃蕩邊塵靜。一帶旌旗列數關。某姓葛名希字懷敏。正授鎮西帥府監軍之職。守把着西延路黃河塞邊。統領將士軍校。報國忠心智勇。四鎮着犬戎北狄。今爲邊關軍務事。若有逃竄老弱等項。一一盡行補替。查得兗州曲阜縣軍籍一名鄭忭。係軍伍應勾人數。今差旗校前去勾補。則要正身。不許脫放。係是邊庭緊急之事。不可遲延怠慢也。將士邊關要整齊。英雄威武鎮河西。增添軍伍能精銳。勾補依文有限期。〔下〕〔鄭末同正旦上〕〔云〕心頭一點痛。起坐要人扶。小生姓鄭名忭字子雍。幼年頗習儒業。嫡親的三口兒家屬。渾家孟氏。女孩兒祿英。長年十七歲也。祖貫兗州府曲阜縣人氏。小生學成文武之藝。爭奈時運未遂。家中貧窘。度日艱難。大嫂這般窮苦。皆是我之命也。你休怨恨小生也。〔正旦云〕鄭生。如何說此等語。聖人云。富與貴。是人之所欲也。不以其道得之。不處也。〔唱〕

〔仙呂點絳脣〕雖然咱家道衰微。運行顛沛。無生意。止不過書卷文籍。因此上惟樂學詩禮。〔鄭末云〕大嫂。小生常則是燈窗之下。讀幾行詩書。因此感寒而成疾也。〔正旦云〕

鄭生。你這症候爲何。〔唱〕

〔混江龍〕常則是夜間無寐。看文書。觀經典。費心機。染了這天行病患。風濕災危。恰便似原憲常憂無喜悅。伯牛空嘆有斯疾。財不及景公千駟。富不及管氏三歸。賢過如顏回簞食。孝過如閔損單衣。雖然耐貧窮。遭苦困。受飢寒。怎如你秉中和。存志節。行仁義。更那堪循良敦厚。學取箇朴素誠實。〔鄭末云〕大嫂。小生空學得修身齊家之法。時運未濟。所事無成也。〔正旦云〕鄭生。自古及今。則不你一人受窘。〔唱〕

〔油葫蘆〕人秉綱常遵道德。你身可修家可齊。似你這般博學經史世間稀。你正是懷才隱秀多聰慧。因此上韜光晦跡絕名利。〔帶云〕鄭生。你聽者。〔唱〕命不通。且待時。運不來。守限期。你如今有軒昂爭奈無存濟。直恁的心急馬行遲。〔鄭末云〕大嫂。小生窮苦之極。何年遂志也。〔正旦唱〕

〔天下樂〕常則是積雪囊螢守困危。時也波習。〔云〕鄭生。〔唱〕你學在己。內參通。講明天地理。便有那七步才。休開口誇。五言詩。休信手題。則不如在其中。且樂矣。〔淨扮勾軍卒子上〕〔云〕累累朔方建大功。批文差遣任縱橫。補添精壯齊軍伍。今日來勾鄭子雍。小人蒙延安邊塞葛監軍大人差遣。至兗州曲阜縣。勾補軍役鄭子雍。月餘之間。行程到此。問

了鄉人。則這的便是。鄭子雍在家麼。〔鄭末出門科〕〔云〕甚末人。〔見科〕〔鄭末云〕軍士哥哥。從何而來。尋問小生。未知有何事幹。〔淨云〕我乃是延安邊塞上葛監軍大人批差。坐名勾你當軍。〔鄭末云〕哥哥請家裏來。哥哥請坐。〔做哭科〕〔云〕小生原祖係邊上軍籍。豈敢隱諱。則是小人家貧。無甚盤纏。怎生去得。〔淨云〕你這般鄉土人家。就裏富貴受用。怎生無有盤纏當軍。你休這般說。我不準你。便索收拾行程當軍去。〔正旦云〕哥哥。你說的是也。〔唱〕

〔那吒令〕覷着俺富貴呵。苦茅茨蓬華。覷着俺受用呵。坐蒲團竹几。覷着俺豪氣呵。在簞瓢陋室。止不過傍着的是石硯臺。使的是松煙墨。更有這紫霜毫箋紙相偎。〔淨云〕我也不問你有盤纏無盤纏。我則知道軍是民之本。這軍之例。是你祖上正軍。當在

民籍勾取。休聽妻兒之言。收拾行程。不可遲慢也。〔正旦云〕軍士哥哥。你說的是。〔唱〕

〔鵲踏枝〕俺縣衙有軍籍。邊庭上有身役。怎敢聽婦女閑言。俺正是男子當爲。〔帶云〕鄭生你聽者。〔唱〕你更須演武士鎗刀劍戟。便休題做儒人書畫琴棋。〔淨云〕大人鈞旨。不可久停。你也無物與我做鞋腳錢。即便登程。當你那軍去。〔鄭末云〕我一身當軍。乃是祖上門戶。則是撇下家小。無人養濟也。〔正旦云〕鄭生。你去當軍去。不須憂念。你放心的去。〔鄭末云〕大嫂。我去則去。則是放心不下。〔正旦云〕鄭生你聽者。〔唱〕

〔寄生草〕我則索對書策常關戶。展經綸靜掩扉。憑着你能習武藝。習文藝。善學才智學謀智。你如今休愁家計學兵計。則你那父施陰騭子施功。少不的夫榮受爵妻榮貴。〔鄭末云〕軍士哥哥。權且寧耐。小生已是當軍去。爭奈家下無存濟。小生寫一封書。有一知交。乃是范仲淹。可去投託他。我便去呵。可也放心得下。將過紙墨筆硯來。〔做寫科〕

〔云〕大嫂寫就了也。你收拾了者。〔正旦接書科〕〔悲科〕〔唱〕

〔後庭花〕你如今盡忠誠當報國。你着我投交游去乞食。放心波懷勇略英雄漢。〔做悲科〕〔云〕鄭生也。〔唱〕你休戀我這耐清貧守志的妻。你可也莫徘徊不索你索心勞意。你耀龍韜用武威。我對鷄窗攻墨跡。你顯英豪世上魁。我論文章天下奇。〔鄭末云〕大嫂。我去則去。只恐你子母二人無處所存濟。〔正旦云〕鄭生。你放心的去。休顧

俺子母二人。〔唱〕

〔柳葉兒〕你休戀這今生佳配。一心去志操金石。則要忠肝義膽偏精銳。也則是憑天意。仗天威。〔云〕鄭生也。〔唱〕少不的富貴還鄉衣錦而回。〔淨云〕誰管你妻子難過。你這般捨不得。〔鄭末云〕大嫂。你引着孩兒。持着這封書。直至汴京。尋問范仲淹處投託。此人是小生知交之友。大德之人也。〔正旦云〕鄭生。你放心。我將着書呈。直至汴京。尋見范仲淹。妾

身自有箇道理。〔鄭末云〕大嫂。皆因小生出於無奈也。〔正旦做悲科〕〔唱〕

〔賺煞〕今日箇增添上腹中愁。好着我閣不住腮邊淚。眼見的眉南面北。俺正是夫成蕭關妾在北。引着這女孩兒訪見相知。意遲遲動步難移。呀。今夜裏烏鳥辭巢各自棲。少不的登山渡水。只願的託天謝地。〔云〕鄭生也。〔唱〕怎生的生圪支夫婦兩分離。〔下〕〔淨云〕你妻兒去了也。再無甚囑付的話。我也捨不的我渾家。世上不會見你箇假妻靠婦的人也。〔鄭末云〕大嫂去了也。小生怎敢有違。與哥哥便行也。少年學武更學文。今被儒冠誤我身。妻子持書投契友。小生千里應當邊塞軍。〔下〕〔淨云〕別箇貧時猶較可。此人亦手又空拳。這廝酸寒檻樓貧苦。着甚賣發鞋腳錢。〔下〕

第二折

〔外扮范學士引夫人上〕〔云〕天章閣下英雄美。文苑叢中翰墨香。一門長幼全忠孝。老夫齊家治國理綱常。老夫姓范名仲淹字希文。先祖汾州人氏。後來移徙蘇州。吳縣人也。自幼頗習儒業。舉進士及第。感蒙聖恩。先任廣德司理參軍。蘇州大水。民田不耕。老夫疏吳淞河。導太湖注之於海。爲老夫累有大功。官拜天章閣待制兼學士之職。夫人若非老夫爲人敦行仁義。焉能得此福祿豐盈也。家童門首覷着。若有客至。報伏我知道。〔家童云〕理會得。〔正旦引小旦兒上〕〔云〕妾

身孟氏。夫主鄭子雍當軍去了。妾身持書。前赴汴京。謁訪契友范仲淹。可早淹流月久也。鄭生也。

〔唱〕

〔正宮端正好〕你是箇塞上的鐵衣郎。我是一箇野外荆釵婦。持着這託相知一紙家書。引着這忍寒受餒嬰孩女。我則索謁訪登途路。

〔滾綉毬〕則爲俺苦慊慊家業虛。痛哀哀活計疎。因此上去他方遠離鄉故。投託那范希文世上名儒。他庫中有助窘錢。倉內有濟貧粟。尙寬洪義和忠恕。更有那大賢心不慙。慙堯夫。他如今施恩累行人間少。端的是積福存仁天下無。則他那道正非俗。〔云〕恰才問人來。這宅門是范仲淹大人家。妾身敢去也不敢去。實到這裡也。

則索問候一聲。家童哥哥。范大人在家末。〔家童云〕您問他怎末。〔正旦云〕報伏去。有親眷在門首。〔家童云〕俺家有這等窮窘的親眷。雖然他貧則貧。倒有些禮數。我報伏去。〔做報科〕〔云〕報的大人得知。有箇親眷在於門首。〔范末云〕既是親眷。教他過來。〔家童云〕大人着你過去。〔正旦拜見科〕大人萬福。夫人萬福。〔范末云〕你從何而來。〔正旦云〕有書呈在此。〔范末云〕將書來我看。〔做遞書科〕〔家童接書科〕〔范末開書科〕〔范背云〕你則看麼。好是奇怪也。書封皮上寫着兖州曲阜縣丞末鄭忬拜絨。端肅書奉契友范希文閣下開拆。書裏卻原來一張白紙。我想

來白者素也。紙者居也。我與他素不相識。有何話說。老夫已知也。〔范末向旦云〕你起來。是老夫多年間同學故友。他是我之弟。賢妹也。鄭汴在於何處也。〔正旦唱〕

〔呆骨朵〕他在延安塞上當軍去。妾身持着這託仁兄故友音書。則今日箇遠赴京師。我可便前來你這貴府。爲家窮登士途。爲家窘離鄉土。謁訪你箇范天章可敬賢。勝似那趙平原能濟苦。〔范末云〕鄭子雍延安當軍去了。夫人便收拾幽靜書房。着嬌子兒住坐。等巡邊的若到此處。我修一封書到邊庭。見了鄭子雍。着他建立大功。赴京陞用也。夫人。你和嬌子慢慢的說話。老夫回後堂中去也。會友親朋以敬賢。運來發憤可陞遷。建功舉薦朝金闕。保全夫婦再團圓。〔下〕〔夫人云〕嬌子請坐。鄭子雍是我老相公同堂故友。嬌子兒。你本身姓甚。住居何處鄉土也。〔正旦唱〕

〔滾綉毬〕妾身幼年生在鄒。芳年聘於魯。住宅莊種田。儒戶俺平生止好詩書。鄭家是夫壻的宗。孟軻是妾身的祖。除此外更無族故。十年清淡貧居。他從軍報國臨邊塞。我訪友持書赴帝都。便是俺根本源初。〔夫人云〕嬌子乃是先賢大儒之後。若不問候。焉能知道。家童一壁廂安排茶飯。將過那書畫琴棋。與嫂孺子閑中談話者。〔家童取書畫琴棋科〕〔夫人云〕嬌子。這書箱始初源流。乃何人所制也。〔正旦云〕赤肇因書字上迷。文

章滿腹散華夷。江淹云。筆因書悞。夢畫天關未肯歸。上古之世。結繩而治。蒼頡此類象形。後來聖聖相傳。以成文籍也。夫人不嫌絮煩。聽妾身說一遍。〔唱〕

〔脫布衫〕伏羲氏河出圖。大禹氏洛出龜書。分天下八方奇偶。立皇極九疇源數。〔夫人云〕這畫圖本始。何代傳流所制也。〔正旦云〕夫人。上古牙倉精作易。無字但畫其形。世本神皇作圖。以爲物象也。詩曰。巧筆丹青色色描。瀟湘八景有誰學。畫成海馬長嘶喊。描就鸞鳳跨九霄。〔唱〕

〔小梁州〕畫本軒轅定始初。後來呵移寫傳模。疎明潤色淡清虛。聖賢人物。曾下死工夫。〔夫人云〕這琴呵。是何聖所造也。〔正旦云〕這琴非同容易也。詩曰。琴按中央戊己星。操成一弄鬼神驚。輕輕撥動金徽軫。韻引停鸞未肯成。〔唱〕

〔么〕這琴神農制造。削桐木秉中和。意美情舒。按正聲分音律。琴中佳趣。這的是清致樂閑居。〔夫人云〕這碁勢局路。方圓動靜。可得聞乎。〔正旦云〕這碁。聖人云。飽食終日。無所用心。不有博弈者乎。詩曰。地作碁盤子。按天陰陽造化展心猿。有人知道碁中意。一指王喬天道仙。〔唱〕

〔醉太平〕碁分着面局。子辨着親疎。帝堯當日教丹朱。下先從四隅。圓如天象。

分躔度。方如地理行生路。動如兵勢運機謀。靜安閑自足。〔夫人云〕嬌子兒有如此聰明才調。不枉了先賢之後。老身明日安置書房。建一學堂。着嬌子將五經書意。開講數篇。闡揚聖賢之教。清名一世。嬌子且回靜室安閑。明日老身自有箇主意。〔正旦云〕謝了夫人。〔唱〕

〔尾聲〕今日箇東君厚德垂恩顧。這的是拙婦求生家慶餘。久隱明珠顯汚渠。受暗良金離山谷。騏驎在淤泥貧困途。玉在頑石得分取。今日箇才知重區區異鄉旅。〔下〕〔夫人云〕鄭子雍非與俺老相公契交。則爲他遠遠來投。當以親賓相待。誰想此女子乃孟子之後也。便收拾學堂。教幾箇女童讀書寫字。老身閑暇之間。謹問周禮春秋之事。斯文之家。其中樂矣。立教崇文依聖謨。一門清福樂詩書。閑談古典明儒教。積善之家慶有餘。〔下〕

第三折

〔正旦領細旦淨旦上〕〔云〕妾身感蒙范學士家照顧。如同骨肉之親。大人上延安巡邊去了。夫人收拾一座學堂。着妾身訓女學讀書。到大來清閑樂矣也呵。〔唱〕

〔中呂粉蝶兒〕嗟嘆這世務紛紜。苦哀哀向誰投奔。望天涯滾滾紅塵。今日箇遇高賢逢大德。真乃是言而有信。雖然是結義相親。端的是喜孜孜一門和順。〔醉春風〕我想這得失共榮枯。更和那盈虛并益損。榮衰成敗是前因。我想來

乾受了那窘。今日箇背井離鄉。棄家拋業。來尋這契交投奔。〔云〕學生每近前來讀

書。〔細旦云〕學而時習之。不亦悅乎。有朋自遠方來。不亦樂乎。人不知而不愠。不亦君子乎。〔淨旦云〕學而時習之。我年幼小。學喫飯不能便使筋。當用匙喫之。日間戲耍。不亦悅乎。有箇大鵬金翅鵬。自遠方來。高飛九萬里。不亦樂乎。人皆不知。小兒無志氣。不能倚仗君子之乎也。〔正旦云〕休胡念。學生每好生讀書。勿得苟且。〔夫人云〕不想嬌子兒。乃孟子之後。家間開座女學堂。今日老身親自至學談話。不覺早至也。〔做見科〕〔正旦云〕呀呀呀。夫人來了也。老夫人請坐。將茶湯來。〔夫人云〕今日閑暇無甚事。講論些小書語。我想混沌之初。太極之先。未知有衣冠禮樂否。〔正旦云〕混沌者。未分天地之時。而有太極元氣。函三爲一。而生兩儀。兩儀生四象。四象生八卦。動靜陰陽。五行順氣。萬物化生。變化無窮。天地生成。形如雞子。盤古在其中。一萬八千歲。一日九變。其神如天。其聖如地。乃天數極高。地數極深。盤古極長。一變於九。故天地九萬里也。

〔唱〕

〔紅綉鞋〕自從那天地人三才承運。嗒人這性情心一氣初分。那其間道理綱常秉彝倫。衣冠從濟濟。禮樂自恂恂。因此上教相傳。皆務本。〔夫人云〕既然盤古初分之後。有天皇氏地皇氏人皇氏。各壽一萬八千歲。分九州。合四方。至伏羲而有女媧氏煉石補

天至無懷氏一十五代。乃爲神農而有天下。嘗百草。命岐伯定醫書。至榆罔氏六七代。乃有軒轅。命羲和探五行之情狀。始作甲子。易上三皇。後有堯舜禹湯。可得聞也。〔正旦云〕夫三皇者。乃伏羲神農黃帝歷代傳統也。後有少昊氏顓頊氏高辛氏唐堯氏有虞氏。乃爲五帝也。繼世與大禹夏后氏殷湯以來。古公積德。文王修政。尊呂望爲太公。武王伐紂定天下。封七十一七十一趙國尊校改周爲大邦也。〔唱〕

〔石榴花〕想當日周朝文武聖明君。一覺的安社稷。定乾坤。削平暴虐立功勳。將諸方界分。四海來賓。這的是巍巍大國承天運。爲家邦定亂十人。分茅列土成忠信。因此上天子重賢臣。〔夫人云〕文王修德化民。武王以安天下。周有定亂十人。平寧宇宙。輔佐朝綱。法治中土。有大功勳。後來封爲異姓之國。天下尊周。禮樂綱常備矣。〔正旦云〕自武王封賢聖之後。周公制禮作樂。用九府圓法以爲民便。成康之間。天下來朝。諸侯率服。三綱五常。周禮之法。盡皆備矣。〔唱〕

〔鬪鶴鶉〕一箇箇修德行仁。一箇箇存誠報本。他每都法制中和。權衡權衡定准。禮義君臣父子親。畏天命。以定民。別夫婦道理婚姻。序長幼交朋信敏。〔夫人云〕周禮綱常。君臣有義。父子相親。夫婦有別。長幼有序。朋友有信。乃大道之行也。人倫之正也。

後來春秋之事。齊魯之論。可得聞乎。〔正旦云〕夫春秋者。乃魯史記之名也。魯國者。乃周公之子伯禽之後也。齊國者。乃太公呂望姜氏之後也。聖人生於魯國。作齊論魯論二書。後作春秋之傳。乃周朝之遺制。實聖人之宣明之受教。聖人云。吾志在春秋。行在孝經也。〔唱〕

〔上小樓〕魯國正賢君敬允。齊邦正名王聲振。他正是周室之裔。子牙之後。二國爲尊。那其間天道成。地道平。人倫美順。遠和諧近之謙遜。〔夫人云〕書云。道千乘之國。敬事而信。節用而愛人。使民以時。因而聖人觀滄海之橫流。喟然嘆曰。文王既沒。文不在茲乎。武王之政。周公之德。舊章之典。傳於後世。思之深遠。又云。齊一變至於魯。魯一變至於道。其語極妙。可得聞乎。〔正旦云〕春秋者。周平王東周之始也。魯隱公。讓國之賢君也。遵崇禮樂。猶存周公之制法。齊桓公之霸。尚功利之治。太公之遺法。變易盡矣。二國之政。美惡不同也。〔唱〕

〔么〕齊一變不可言。魯一變何足論。想起那河漢遊龍。洛水行龜。郊野生麟。那其間放鄭聲。遠佞人。存忠守信。端的是可修身正其方寸。〔夫人云〕春秋之書。皆東遷之史。三代之英。傳世遠矣。後來魯隱公攝位之間。體元居正。繼天奉承。養萬物。遠近莫不正也。又有齊侯鄭伯盟於石門。會於齊地。乃非常之語。可得聞乎。〔正旦云〕周平王四十九年。乃魯隱公元年。聖人作魯史春秋。元年者。明人君之用也。乾元資始。天之用也。坤元資生。地之用也。成位

在其中。二年公會于潛。內正中國。外併四夷。各安其所也。三年冬十有二月。齊侯鄭伯盟于石門。會合盟會。乃信約之常事。春秋之始終也。此五伯消長之機。不在茲乎。〔唱〕

〔滿庭芳〕則他那先王典文。齊侯鄭伯盟會石門。君誠久矣。民皆信。望天朝。如日如雲。三代興宗周至尊。五世希執國陪臣。傳心印。從根至本。明聖意。論賢人。〔夫人云〕〔書云〕殷因於夏禮。所損益可知也。周因於殷禮。所損益可知也。其或繼周者。雖百世可知也。〔正旦云〕春秋者。以正王道。輕重之權衡。曲直之繩墨。窮理之要樞。褒善貶惡。以謹其禮。以著其義。以施其仁。以考其信。畏天命。畏大人。畏遠人。不服。則修文德以來之。春秋已成其傳也。〔夫人云〕收拾了學堂。放女子歸家。今日請嬌子於老身後庭。當以飲饌相酬。可以敬爾傳流先聖先賢之意也。〔正旦云〕妾身在夫人之處。閑樂足矣。何勞夫人酒饌相待。這先聖先賢。理當明也。〔唱〕

〔尾聲〕夏殷周百世師。孔曾顏三聖人。孟子道見諸侯。言必稱堯舜。我將這魯史春秋證了本。〔下〕〔夫人云〕回去後庭開筵酬賀去來。范氏一門廣敬賢。立學興教以流傳。誰知婦女通經典。當可酬勞置酒筵。〔下〕

第四折

〔葛懷敏上〕〔云〕久鎮延安兵勢雄。勦除北虜捕西戎。相持顯耀施英勇。對壘爭先建大功。某乃葛監軍是也。久鎮邊疆軍兵整搦威嚴。前者有范天章學士巡點邊界。言談之間。說本處軍人鄭忭。乃范學士之故友也。說此人文武兼濟。欲要着此人作前部先鋒建功。今有河西軍馬侵邊界。便差此人領兵對敵。若有功勞。着此人赴京陞用。某且回後帳。明日再行定奪。武略文韜將士多。無人舉薦受奔波。美玉長在頑石內。今日時來遇卞和。〔下〕〔淨扮河西上〕〔云〕雲滿疎林雪滿山。西風塞上一天寒。戰馬咆哮人威猛。國號河西近土番。某乃河西上將土魯鐵木兒是也。俺這本國金頭王子。銀頭王子。銅頭王子。鐵頭王子。錫頭王子。別的箇較性兒善馴。則有這錫頭王子。最堅最硬。他那頭上。一半兒是錫。一半兒是鉛。若見箭來呵。便縮在衣領裏去。是俺靠山占水。倚草附木。或散狂性雄心。某今點就軍兵。前去與葛監軍交鋒。若贏了呵。搶些財物回國。若輸了呵。憑着俺這好馬。逃命便走。大小三軍。聽吾將令。頭頂銀盔簪絳纓。錦鞍飛韉馬蹄輕。弓開齊射雕翎箭。交鋒一陣見輸贏。〔下〕〔鄭末結束引卒子上〕〔云〕幼習文學以娛身。邊關繼祖願當軍。今朝爭的先鋒印。平勦河西報國恩。某乃鄭子雍是也。昔年赴邊塞繼當正軍。經今十載餘矣。久蒙范天章學士對帥府葛監軍舉薦小生。有文韜武略之才。今元帥着小生爲前部先鋒。探聽知的。有河西家領兵犯界。某領官軍前去迎敵。今日當用智謀機變。差人埋伏已定。大小三軍。聽吾將

令。鋒利槍刀戈甲堅。人人奮勇驟征驍。交鋒勦捕河西國。贏得功勳玉闕宣。〔下〕〔淨〕河西將士魯鐵木兒調兵上。〔淨云〕大小三軍擺開隊伍。若天兵來呵。不要懼怕。不許一箇先走了。若還有犯此劍爲令。〔鄭末領兵上〕〔云〕大小三軍。與我擺開陣勢。休教走了這大賊寇。〔淨云〕來將何人。〔鄭末云〕吾乃先鋒將鄭子雍是也。你是何人。〔淨云〕我乃河西土魯鐵木兒是也。今日與你交鋒。〔做交鋒科〕〔淨做輸科〕〔下〕〔鄭末趕科〕〔云〕這厮走了也。前有埋伏的軍馬。俺後邊追趕。務要將這賊衆拿住了。請功受賞去也。今朝掛印做先鋒。猛士雄卒當盡忠。前有埋伏後追趕。擒住河西建大功。〔下〕〔外扮韓稚圭上〕〔云〕五味調和鼎鼎新。陰陽幹運辨鴻鈞。英才輔弼山河宰。報國忠良社稷臣。老夫姓韓名琦字稚圭。相州安陽人也。年當弱冠之時。舉及第第二名。方唱名之際。太史官奏曰。下生五色祥雲。衆官賀之。因此頗有政聲。貴登高選。老夫明其德義。正其綱紀。命爲陝西安撫使。後除秦鳳經略招討。老夫與范仲淹在兵間久矣。名在當時。朝廷倚以爲重。故天下稱爲韓范。息平羣盜。善戰能守。又賑活飢民數百萬。開闢田疇萬餘頃。後拜中書門下平章事。老夫多有功勳。感蒙聖恩。封老夫爲右僕射魏公之職。今有邊塞延安河西犯邊。被先鋒將鄭子雍領兵殺賊寇。敗羌戎。擒捉賊衆。此鄭子雍。乃是范仲淹同學故友。奉聖人命召赴京闕。陸用。又有一婦女孟氏。文學才能。作萬言長策。乃是鄭子雍之妻。范仲淹舉薦其才。老夫奉聖

人命。去天章閣下封官賜賞。走一遭去。夫賢能略智才能。婦德文學表志誠。夫婦共發冲天志。受享恩榮兩立名。〔下〕〔范末上〕〔云〕天章閣下正威嚴。翰苑文淵清更廉。武略文學當舉薦。受爵方知范仲淹。老夫范仲淹。掌天章閣學士之職。昔年有一人鄭子雍。令妻持書前來。此人與老夫素無相識。皆爲託妻寄子。鄭子雍之妻。乃孟子之後。本宅立一女學堂。教訓女童。與夫人講解書意。老夫奉聖人的命。前至邊塞。見了鄭子雍。此人果有文武才能。央浼葛監軍差遣照顧。不想鄭子雍與河西對敵有功。奉命宣赴京闕陞賞。左右門首覲者。若鄭子雍來時。着報我知道。〔鄭子雍結束上〕〔云〕棄文就武立功勳。擐甲披袍百戰身。帝闕城中榮貴顯。天章閣下報深恩。小生鄭子雍是也。昔日上邊塞當軍之時。妻子無以存濟。小生寫一封書。着妻投託范仲淹學士。小生本無相識。封皮上寫着名姓。書裏面一張白紙。與妻前去。不想范仲淹大德大行。將妻女收宅中養濟。又上邊庭舉薦小生文武才能。蒙大人可憐。小生爲前部先鋒。殺敗河西羌戎。擒捉賊衆。有大功勞。蒙宣赴京。小生想范大人恩。難以答報。今日前來天章閣下拜謝大人。不覺早至也。報伏去。有鄭子雍來見。〔報科〕〔做見拜科〕〔范末云〕鄭子雍賢弟。果有大志。威武成功。不落老夫之保。〔鄭末云〕大人厚恩。小生死生難忘。有妻在宅養濟。小人將甚答報。〔范末云〕鄭子雍。你妻乃孟子之後。在我家間立一女學堂。訓教有法。每朝與我夫人講解春秋書意。又作萬言長策。你

妻之才。天下罕矣。今日奉聖人命宣來陞賞。你今夫婦團圓也。左右門首覲者。孟氏才女來時。報伏我知道。〔正旦上〕〔云〕妾身孟氏。久蒙范學士家中老夫人厚意。在於宅上。建立女學堂。與夫人同講書意。不想今日蒙恩宣喚。若不講書呵。焉能深入內苑也。〔唱〕

〔雙調新水令〕今日箇步青霄直至九重天。我則見玉爐熱壽香寶篆。氣氤氳生瑞靄。香馥馥散輕烟。慶賀豐年。祥光映。慶雲現。〔云〕報伏去。有孟氏來了也。〔報科〕〔范末云〕有請。〔正旦拜科〕〔云〕多蒙大人恩顧。將何報答。〔范末云〕孟氏。爲你作萬言長策講春秋。蒙恩宣賜也。〔正旦唱〕

〔沉醉東風〕則爲我萬言策金鑾中選。一封書玉闕親宣。爲曾講解齊魯論春秋。傳操金石志節心堅。〔范末云〕爲你深通儒教。大聖之才。可以加官賜賞也。〔正旦唱〕本是箇婦女如何稱大賢。怎消的受爵祿恩榮貴顯。〔范末云〕孟氏。你看那壁廂頂盔擐甲的將軍。你認的他麼。〔正旦云〕妾身不認的。〔鄭末云〕孟氏。我乃鄭子雍是也。〔正旦唱〕

〔鴈兒落〕我則爲道你棄文在塞邊。却原來就武能雄辯。則爲你一心兒有盡忠。因此上四體無窮倦。

〔得勝令〕呀。豁達豁略有威權。憑着你智勇敢當先。全無那懼怯隨軍後。則待

要縱橫在陣前。〔鄭末云〕爲我苦征惡戰。方纔有功赴京也。〔正旦唱〕晝夜裏無眠。那其間當對壘頻交戰。你文武雙全。今日箇得功名赴帝輦。〔韓末上〕〔云〕小官乃右僕射魏公韓琦是也。今奉聖人的命。至天章閣下封官賜賞。走一遭去。可早來到也。左右報伏去。道有韓琦至此。〔報科〕〔范末云〕道有請。〔見科〕〔范末云〕大人。想小官在於邊庭。與大人平息戎寇。兵間久矣。〔韓末云〕學士。爲你舉薦鄭子雍文武才奇。果然建功。其妻孟氏。作萬言長策。廣有文才。今奉聖人的命。加官賜賞。鄭子雍望闕跪者。聽聖人命。葛懷敏添兵補役。鄭子雍繼祖當軍。一封書託妻寄子。別鄉里遠道投親。范仲淹舉賢薦德。老夫人立學慇懃。爲武士心懷知勇。戰河西建立功勳。做文女通經明意。正春秋講典論文。一箇封武狀元當朝宰輔。一箇封女學士才德夫人。奉上命加官賜賞。你兩箇一齊的望闕謝恩。〔正旦云〕感謝聖恩。〔范末云〕鄭子雍孟氏。你二人可拜韓魏公大人。〔正旦做拜科〕〔云〕多謝大人。〔韓末云〕你夫婦文武雙全。世之罕矣。〔正旦唱〕

〔沽美酒〕俺夫主補軍籍上邊塞。使妾身持簡赴梁園。尋着這大德恩人。幸遇緣。我做了儒學解元。鄭生也。你在那武臣中祿高遷。

〔太平令〕若不是老相公垂恩舉薦。怎能穀享榮華夫婦團圓。我受五花誥龍

文錦篆。你做了八位相丹書鐵券。謝聖恩可憐。敬賢。遙望着御前。俺拜金鑾躬身朝元。


題目

范仲淹舉薦賢德 葛懷敏用武施謀

正名

鄭子雍素書寄契 女學士明講春秋

于小谷本錄校此必村學究之筆也無足取可去四十年五月十四日清常道人



女姑姑說法陞堂記

闕名

楔子

〔冲末官人引張千上〕〔官人云〕存誠秉正盡忠良。恭謹廉能黎庶康。歲稔豐年民快樂。調和鼎鼐理綱常。老夫姓鄭名廉字全忠。幼習儒業。頗看詩書。自中甲第以來。累蒙擢用。隨朝數載。謝聖恩可憐。加老夫開封府府尹之職。自到任以來。頗有政聲。喜遇昇平之世。府州縣各得民心安樂。路不拾遺。門不夜掩。尊庠序。立學校。老夫常則是奉公守法。束杖理民。古語云。法正天心順。官清民自安。信不虛矣。老夫家眷五十餘口。至親者三人。夫人張氏。小女瓊梅。年方一十八歲。未曾許聘他人。老夫今日衙門中去。有幾莊公事未完。老夫親自判斷。走一遭去。左右將馬來。輔安黎庶。要公勤。酬報皇家祿養恩。傘蓋高擎乘駿馬。親至公衙理庶民。〔下〕〔外扮張端甫薄檻上〕〔云〕野草難肥胎瘦馬。橫財不富骨中貧。腹中曉盡世間事。命裏不如天下人。小生姓張雙名端甫。祖居洛陽人氏。幼習儒業。苦志寒窗。學成滿腹文章。爭奈一貧如洗。小生每日在街頭賣詩。搦筆爲生。小生在此閑行。今來到這州橋左側。看有甚麼人來。〔官人引張千上〕〔云〕山城無事早休衙。閑逐東風看落花。行處不教高喝道。恐驚林外野人家。小官鄭府尹是也。衙門中而回。來到這州

橋左側。可怎生一簇人圍着看。張千你看去。爲甚麼。〔張千云〕理會的。〔看科〕〔云〕原來是箇秀才。提筆賣詩哩。我回相公話去。〔做回見科〕〔云〕老相公。原來是箇秀才。在那裡賣詩。且是寫的好。〔官人云〕原來是箇秀才賣詩。你喚他來我跟前。我試問他者。〔張千云〕理會的。兀那秀才。我們相公喚你哩。〔張端甫云〕既然你相公喚我呵。小生見相公去。〔見科〕〔云〕大人。學生支揖。〔官人云〕是好一箇秀才。我試問他者。秀才。你那裡人氏。姓甚名誰。因何在此也。〔張端甫云〕大人。小生洛陽人氏。姓張雙名端甫。頗讀些孔聖詩書。爭奈時運未通。每日賣詩爲生。〔官人云〕看了此人。也不是箇受貧的人。兀那秀才。你或詩或詞。作一首來我看。〔張端甫云〕大人指甚爲題。〔官人云〕單指着你。便是題目。〔張端甫云〕小生理會的。刷刷刷。刷刷刷。來刷刷刷。大人。小生詩就了也。大人試看者。〔官人云〕將來我看。是好寫染也。今世孤寒貧賤身。遠離鄉里近無親。得遇田文能養士。結草啣環報重恩。好高才也。兀那秀才。比及你在此賣詩呵。你肯去老夫家中做箇門館先生。你喫穿老夫盡管。你意下如何。〔張端甫云〕若不棄嫌呵。小生情願與大人做箇門館先生去。〔官人云〕既然如此。老夫不是別人。是本處鄭府尹。你跟到我家中。老夫自有箇主意。張千。領着張端甫。到老夫私宅中去。將馬來。〔張千云〕理會的。〔官人云〕老夫深得民心喜。路上行人道太平。〔同衆下〕〔夫人同淨梅香上〕〔云〕花有重開日。人無再少年。休道黃金貴。安樂最值

錢。老身張氏。夫主姓鄭。乃本處鄭府尹是也。家眷五十餘口。嫡親的三口兒家屬。老身所生一女。小字瓊梅。年方一十八歲。未曾許聘他人。這孩兒生的有西子之容。文君之貌。天生聰慧。古聖經書。詩詞歌賦。無不通曉。今日老相公衙門中去了。這早晚敢待來也。〔官人引張千上〕〔云〕小官來到這私宅門首也。令人接了馬者。我見夫人去。〔見科〕〔云〕夫人。老夫衙門中回來了。〔夫人云〕相公來了也。衙門中有甚事。〔官人云〕小官衙門中無事而回。到於州橋左側。見一箇秀才賣詩。我看了此人。也不是箇受貧的人。老夫心下。要着他做箇門館先生。不知夫人意下如何。〔夫人云〕相公主的事。老身怎敢不依允。那秀才安在。〔官人云〕既然如此。張千喚的張端甫過來。〔張千云〕理會的。秀才有請。〔張端甫上〕〔云〕小生張端甫是也。老相公呼喚。須索走一遭去。〔見科〕〔云〕老相公。小生來了也。〔官人云〕秀才。你拜見老夫人者。〔張端甫云〕理會的。老夫人。受小生一拜者。〔拜科〕〔官人云〕老夫人。則這箇便是張端甫。〔夫人云〕是好箇秀才也。看了他這箇動靜。也不是箇受貧的人。相公。我心中有句話。可是敢說麼。〔官人云〕老夫人有話。但說不妨。〔夫人云〕相公。老身姓張。這秀才也姓張。我有心要認這秀才做箇姪兒。不知老相公意下如何。〔官人云〕夫人主則便了也。張端甫。你聽的麼。俺夫人認你做箇姪兒。你意下如何。〔張端甫云〕相公休關小生要。〔官人云〕我不關你要。〔張端甫云〕休說是做姪兒。任教小生做甚麼。願

隨鞭鐙。〔官人云〕既然如此。張千着梅香轉報繡房中。請出瓊梅小姐來。與他哥哥相見。早晚家中。可也好行走也。〔夫人云〕老相公說的是。請出小姐來。〔梅香云〕理會的。小姐有請。〔正旦上〕〔云〕妾身姓鄭。小字瓊梅。年長一十八歲。未曾許聘他人。俺父親在前廳上呼喚。不知有甚事。須索走一遭去。可早來到也。梅香。你先報復去。道妾身來了也。〔梅香云〕理會的。報的老夫人知道。有小姐來了也。〔夫人云〕着孩兒過來。〔梅香云〕理會的。小姐。着你過去哩。〔正旦見科〕〔云〕爹爹萬福。母親萬福。呼喚您孩兒出來。有何事也。〔官人云〕孩兒也。無事也不喚你出來。有你母親認了箇姪兒。便是你哥哥哩。小姐。你近前來。拜您哥哥者。〔正旦云〕您孩兒理會的。〔官人云〕秀才與小姐相見者。〔張端甫云〕小生理會的。〔正旦云〕哥哥萬福。〔張端甫云〕小姐支揖。〔張端甫背云〕看了這小姐這般模樣。如花似玉。是好動情也。〔官人云〕孩兒也。你去書房中換衣服去。〔張端甫云〕理會的。小生換衣服去也。〔下〕〔正旦背云〕看了這生容貌非常。是好端莊也。我問梅香者。梅香。我曾在那裡會見這哥哥來。〔梅香云〕小姐不知。這箇秀才。是老夫人認義的姪兒。因此與小姐排行做哥哥。〔正旦云〕是這等一箇好秀才也。〔唱〕

〔正宮端正好〕他生的貌似潘。顏如宋。想必他能吟詠。性格兒聰明。〔梅香云〕看了這秀才。一表非俗。姐姐這麼萬般嬌媚。可也堪做的箇兄妹也。〔正旦唱〕若能穀做夫妻。勝

似爲昆仲。俺可便雙美學鸞鳳。〔梅香云〕姐姐。這秀才與姐姐初相見。拜爲兄妹之禮。這秀才可也有福也。〔正旦唱〕

〔么篇〕引的我急煎煎一點春心動。我恰纔施禮罷。星眼朦朧。〔梅香云〕今日老夫人着他與小姐做哥哥。可也不枉了一對兒好兄妹也。〔正旦唱〕則他這錦堂誰肯連枝種。好着我情默默。意匆匆。添想念。長愁容。我低粉頸。蹙眉峯。難相見。索西東。都做了虛飄飄。送雲雨的合歡頌。〔同梅香下〕〔官人云〕老夫人小姐回繡房中去了也。老夫無甚事。嚙後堂中飲酒去來。〔同夫人下〕

頭折

〔外扮張端甫上〕〔云〕只因擲筆題詩句。幸做鄭公門下生。小生張端甫。自從到鄭相公家中數月光景。多蒙老相公可憐。如親姪一般相待。不想他家小姐瓊梅。一見小生之後。我與他四目相顧。兩意相投。他有願盼小生之心。我有留戀小姐之意。常令梅香往來寄簡。傳言送語。小生怕不有此心。爭奈老相公恩的我太重。未敢爲此一件事。今日天色晚也。小生無甚事。書房中閑坐。看有甚麼人來。〔梅香上〕〔云〕我做梅香標致。六幅羅裙拖地。人前調嘴調舌。說話不如放屁。自家梅香的便是。小名兒喚做嫩之秀。每日扶持着瓊梅小姐。自從與那酸條認做兄妹之禮。誰想他

兩箇各有春心之意。看了那秀才一表人物。內才外才相稱。休說姐姐動心。這幾日我梅香也睡不着。今日姐姐着我書房中送箇簡帖兒去。上頭不知訴着甚麼寒溫。想必是那話兒了。我將着這簡帖兒去書房中走一遭去。行說着嘴。可早來到書房門首也。無人報復。我自過去。〔見科〕

〔云〕秀才哥哥萬福。梅香來了也。〔張端甫云〕小娘子來了也。此一來有何事。〔梅香云〕哥哥。梅香無事也不來。俺姐姐着我將着這箇簡帖兒。一逕的送將來與哥哥。你試看者。〔張端甫云〕將簡帖兒來。我試看者。其中的意。約我今晚赴期。既然小姐有如此般好心。天色晚了也。梅香姐姐。我跟着你同見小姐去來。〔同下〕

〔正旦上〕

〔云〕妾身鄭瓊梅是也。自從見了張端甫。妾身與他四目相顧。兩情暗許。默含其意。爭奈母親嚴切。不能說話。中間裡多虧了梅香往來寄簡。今夜晚間。我約張端甫赴期。梅香將着簡帖兒去了。怎生這早晚不見來回話也呵。〔唱〕

〔仙呂點絳脣〕則這庭樹棲鴉。篆消金鴨。聞簷馬。心緒交雜。則被這鬼病禁持煞。

〔混江龍〕不付能今宵約下。片時間雲雨會巫峽。不由我鬢鬟重掠。臙粉添搽。小可可淡注櫻唇輝絳蠟。曲彎彎淡掃蛾眉對菱花。早辰俺佳期頃刻。雲雨須臾。忙離畫閣。急出蘭堂。我這裡上危樓無撚指梳粧罷。可怎生全無箇動靜。別

有箇爭差。〔云〕可怎生這早晚不見梅香來那〔唱〕

〔村里逐鼓〕這早晚盼他不見。好着我放心不下。我這裡親身覷罷。却怎生無消耗。將人驚唬。聽波。譙樓上禁鼓催。一壁廂畫角品。蕭寺裏鐘聲纔罷。〔張端甫同梅香上〕〔張端甫云〕小生張端甫。來到這後花園牆邊也。〔梅香云〕我先見俺姐姐去也。〔做跳牆科〕〔云〕我跳過這牆來。〔張端甫云〕我也須是跳過這牆去。〔跳科〕〔云〕我一隻手揪住這苦牆的柳枝。一隻腳踏住這缺牆。阿各綽。我跳過這粉牆來。〔正旦云〕兀的不有人來了也。〔唱〕我見他騰的便跳過粉牆。淹的早穿過芳徑。忽的便對着月華。〔張端甫云〕兀的不是小姐。〔正旦唱〕呀。唬的我羞臉兒紅如絳紗。〔張端甫云〕呀呀呀。小姐恕小生來遲。勿罪也。〔正旦唱〕

〔元和令〕我可便未相逢作念他。及相見却無話。〔張端甫云〕量小生有何德能。有勞小姐掛意也。〔正旦唱〕他那裡躬身叉手禮謙洽。我羞答答。難對答。我須是深宅大院好人家。誰當的他厮禁持。厮打罵。〔張端甫云〕多謝小姐。使梅香來約小生赴期。量小生有何德能也。〔正旦唱〕

〔上馬嬌〕梅香你近這廂。你着他靠那下。他元來不怯衆。忒撐達。〔張端甫云〕多

虧小姐惜念。小生將何補報也。〔正旦唱〕你不真實就裡衡虛詐。不當箇滑。怎知你這早晚却來那。〔云〕梅香。你看茶去。〔梅香云〕理會的。〔下〕〔張端甫云〕小姐請穩便。受小生兩拜者。〔正旦唱〕

〔遊四門〕他那裡膝行肘步哀告者。〔張端甫云〕小生來的遲了也。望小姐寬恕者。〔正旦唱〕不由我歡喜笑容加。〔張端甫云〕小生寒門之下。有何德也。〔正旦唱〕他口聲聲道微賤寒門下。窮無種。富無芽。呀。他則管裡絮答答。〔張端甫云〕小生一介寒儒。怎消的

小姐掛念也。〔正旦唱〕

〔勝葫蘆〕你也可不道誰是常貧久富家。到春來那一箇樹無花。你那裡休講休謙在明月下。不甫能相逢相見。則管裡閑談閑話。可不道是良夜苦無加。〔云〕張端甫。你敢學相如麼。〔張端甫云〕小姐。想昔日卓文君。受五花官話。駟馬高車。爲夫人縣君。小生難比相如。小姐不在文君之下。〔正旦云〕張端甫。俺五更時分。我收拾一包袱金銀頭面。穿兩套儒衣。嚙兩箇私奔。你意下如何。〔張端甫云〕小生願隨鞭鐙。〔正旦云〕秀才。你則休負了心也。〔張端甫云〕小生怎敢負了小姐之心。但爲了官呵。小姐便是夫人縣君也。〔正旦唱〕

〔尾聲〕恨不的題柱過橋的心。且說此滌器當壇話。〔張端甫云〕小姐思念。將何以報。

小生一日崢嶸。你便是夫人縣君也。〔正旦唱〕若是俺命裏有時。當來奮發。這一箇不得已文君。怕甚麼人笑話。赤緊的漢相如志氣增加。你久以後享榮華。擺列着傘蓋頭搭。恁時節不比尋常賣酒家。〔張端甫云〕相如曰。不乘駟馬車。不復過此橋。後來果然乘車而過。小生之心亦然有也。〔正旦唱〕有一日車乘駟馬。或是你官封五霸。你纔與那卓王孫。能穀做一箇對門家。〔同下〕

第二折

〔官人同夫人引張千上〕〔官人云〕訟簡詞無公廨靜。堦下長閑百姓歡。老夫鄭府尹是也。自從認義了張端甫做姪兒。可早數月有餘也。俺兩口兒甚是歡喜。此人是箇有禮的。老夫這兩日公家事忙。未曾與張端甫閑談的言語。今日無甚事。令人書房中。請將張端甫來者。〔張千云〕理會的。張端甫。相公有請。〔梅香慌上〕〔云〕有事不敢不報。無事怎敢亂言。報的相公和夫人知道。有小姐跟的張端甫走了也。〔官人云〕怎生小姐跟的張端甫走了也。呀。兀的不做做出來了也。不是老夫起風波。情理難容怎奈何。不爭留在家中住。引的狼來屋裏窩。〔夫人云〕老相公。當初你的不是了也。〔官人云〕噤聲。好夫人也。管的好家私裏外。這妮子好大膽也。全不學九烈三貞。三從四德。針指女功。刺繡補綴。奉公姑。和六親。他不遵父母之命。不憑媒妁之言。偷期暗約。自

意私奔。如此狂爲。皆是爲母之過也。老夫管其外。爲母者治其內。三重門外是俺男子管。三重門裏是您婦女人管。可知可知你今日管出這等好勾當來。一箇親生女。跟的人私奔走了。你可甚治家有法。便好道栽葫蘆傍牆。養女兒似娘。知他你那年小時。瞞了我多多少少也。俺四人有箇比喻。張端甫大古里是那掃雪烹茶宋陶穀。俺那妮子可似那哭倒長城的孟姜女。老夫也不似那治家私的姜太公。吓。你羞殺我也。你也不是那教子三移的老孟母。左右那裡。喚的王懷來者。

〔張千云〕理會的。〔叫科〕〔云〕王懷安在。〔外扮王懷上〕〔云〕小人是王懷。當着虞候差。忽聽相公喚。謹謹至廳堦。小人王懷是也。相公呼喚。不知有何事。須索走一遭去。可早來到也。不必報復。自己過去。〔見科〕〔云〕相公。呼喚王懷有何事。〔官人云〕王懷你來了。有瓊梅小姐走了也。你與我趕上勒死了者。〔王懷云〕相公爲何勒死小姐。〔官人云〕你則依着我勒死了者。重重的賞你。〔王懷云〕告相公知道。也要乞箇罪名。〔官人云〕你近前來。可是恁的。〔打耳暗科〕〔王懷云〕理會的。〔官人云〕你手裏則要死的。不要活的。我爲甚潑殺祿廟火。吹散楚臺雲。走了漢司馬。你與我勒死卓文君。〔下〕〔夫人云〕王懷。我分付你者。若是趕上小姐。你要勒殺了。放他逃性命走了罷。你回來。我重重的相謝你。我與你些碎銀兩做盤纏。你是必休害了他性命。休要與老相公說兀的氣殺我也。〔下〕〔王懷云〕你放心去。都在小人身上。不敢久停久住。趕小姐走一遭去。爲私

情一念差錯。把相公心情激惱。到前途趕上瓊梅。那其間自有分曉。〔下〕〔外扮李老兒上〕〔云〕月過十五光明少。人到中年萬事休。老漢姓王。婆婆姓李。俺是莊戶人家。自耕自種。頗穀過活。嫡親的四口兒家屬。我有箇兒孩兒是伴哥。有箇女孩兒是伴姑兒。老漢念罷經。在這莊兒上閑坐。看有甚麼人來。〔正旦穿儒衣同張端甫上〕〔正旦云〕走走走。好是驚恐人也。張端甫。我這般打扮。可是如何也。〔張端甫云〕小姐。若是有人支揖呵。我與你箇暗號兒。我便道小解元。你便道小生不敢。你可休要女婦人家拜。俺演習一遍者。小解元。〔正旦云〕小生不敢。〔張端甫云〕你可牢牢的記者。〔正旦云〕我記的也。張端甫。俺行動些兒也。〔唱〕

〔越調鬪鶴鶯〕俺待要應舉求官。陳言獻策。暮踐紅塵。朝登紫陌。做出那男子胸襟。全不見佳人體態。我則怕人背後瞧。暗暗的猜。我改變做箇儒人。假裝做箇秀才。

〔紫花兒序〕顯不出嬌滴滴風流旖旎。顧不的小可可襪窄鞋弓。顯不的軟怯怯力困身揣。〔張端甫云〕爲小生。着小姐受如此般驅馳。〔正旦云〕張端甫。休這般說。〔唱〕待圖那夫榮婦貴。有一日苦盡甘來。我心內量猜。棄了父母。隨着才郎。奔於鄉外。啗兩箇把心且柰。我待學那九烈三貞。你把甚做六禮三財。〔云〕張端甫。我行不動也。

這會兒好是飢渴也。你那裡尋一口涼漿來。與我喫者。〔張端甫云〕好好好。兀那裡是箇莊院兒。俺去覓些涼漿與你喫。莊院裏有人麼。開門來。開門來。〔李老兒云〕是甚麼人叫門。我開開這門。〔見科〕〔張端甫云〕支揖。〔正旦拜科〕〔云〕萬福。〔李老兒云〕這秀才怎麼學婦女人拜。〔張端甫云〕小解元好耍笑。小解元。〔正旦云〕小生不敢。〔張端甫云〕這的休怪他。小解元平昔好耍笑。〔正旦唱〕

〔調笑令〕喚多時。恰纔你可便把門開。呀。把兩箇萬福字。爭些兒道出來。分毫間顯出那佳人拜。方信道脫空的須敗。你恕生面少罪。休怪責俺。也是踏踏您那大院深宅。〔張端甫云〕老者。特來覓一口涼漿兒。與這小秀才食用。〔李老兒云〕有有有。家裏來。秀才怕不棄嫌呵。可村酒兒秀才喫些兒如何。〔張端甫云〕則是打攪老人家。〔李老兒分付討酒科〕〔云〕下次小的每。將的一瓶兒酒來。〔外做擎酒上〕〔李老兒把盞科〕〔云〕二位秀才解渴消倦。〔張端甫同正旦飲科〕〔正旦云〕好箇有道理的老的也。〔唱〕

〔鬼三台〕想必他年高邁。難掙鬪。慇懃煞。俺可便深蒙管待。他口聲聲村酒快將來。〔李老兒云〕小解元飲一盃。〔正旦唱〕小生可便量窄。〔李老兒云〕小解元。當日李太白酒一斗。詩百篇。〔正旦唱〕俺本是讀書一經窮秀才。怎比那吟詩百篇李太白。早是

俺膽大如天。誰及你酒腸似海。〔李老兒云〕解元。我有一間書舍兒。我釘了一箇牌額兒。煩你寫守分二字。〔張端甫云〕小生去寫。〔正旦云〕張端甫。你休去。則怕有人趕上俺。可怎了。〔張端甫云〕不妨事。我寫了便來。〔正旦云〕你去則去。早些兒來。休着我憂心。〔張端甫云〕我知道。老者。俺寫牌額去來。〔同李老兒下〕〔禾旦上〕〔云〕奴奴生的醜。臉粉搽了二三斗。驢見驚。馬見走。駱駝看見翻筋斗。昨日王婆婆家去搗火。哎。嚇娘。誰殺他家一窩愁頭狗。自家伴姑兒的便是。採桑回來。家裏喫飯去。〔見科〕〔云〕好箇俊秀才。你在這裡做甚麼。〔正旦云〕小生覓口涼漿喫來。〔禾旦云〕秀才。我這裡有。與你喫。你與我做箇老公。可不好。〔正旦云〕如之奈何也。〔唱〕

〔金蕉葉〕覷了他虛飄飄。輕狂賤才。說的我戰兢兢。亡魂喪魄。〔禾旦云〕秀才秀才。和你和諧。你若不肯。我踢出你屁來。〔正旦唱〕他待要實吓吓。和諧美愛。可着我急穰穰。如何掙鬪。〔禾旦云〕兀那厮。你道我生的醜。一了說花對花。柳對柳。破囊箕尋着爛筍簪。你與我做箇丈夫罷。〔正旦唱〕

〔寨兒令〕告你箇小姝姝。休則管裡放狂乖。倘或間有人走到來。可着我怎的支割。撻耳揉腮。羞答答的半晌。怎把頭擡。〔禾旦云〕你這厮。似那切刀劈柴。你精是箇薄福頭。我這等一箇人物。你說我無有外才。可有內才。我無有日容。可有夜容。燈下你若見了我呵。就說

的你七八跌。你過來。你又青春。我又年少。則除是天知地知。你知我知。嚙兩箇好歹要成了這親事罷。

〔正旦唱〕天生的楚陽臺。霧鎖雲埋。哎。你箇莽巫娥。休放狂乖。母宋玉全不睬。您村廝每若拿來。楚陽臺敢翻做了望鄉臺。〔禾旦云〕秀才。我與你做箇渾家。我也不玷辱了你。我又不喫了你的。我關上這門。好共歹與你做箇渾家。〔正旦云〕可怎生是好。又不見張端甫來。這事怎了也。〔伴哥上〕〔云〕自家王伴哥的便是。放牛回來。家裏喫飯去。可怎生關着門。開門來。〔禾旦云〕俺伴哥來了也。我開開這門。〔見科〕〔伴哥云〕這廝是甚麼人。〔禾旦云〕這廝來覓涼漿喫。他調戲我。這箇使的使不的。叫老的出來打他。老的。你出來。〔伴哥云〕你怎麼調戲我妹子。更待干罷也。〔正旦唱〕

〔麻郎兒〕告哥哥聽言皂白。你妹妹共我和諧。是哥哥從門入來。說的他無言落色。我這裡想來。頗奈賤才。便是那釋迦佛惱下蓮臺。被別人并賊捉獲。翻合口不伏燒埋。〔禾旦云〕你又要我做渾家。你倒說我不伏燒埋。〔正旦唱〕

〔絡絲娘〕則他那羞臉兒無處剗割。〔禾旦云〕是他調戲我來。你還說嘴哩。〔正旦唱〕好也囉。把一箇惡名兒揣將過來。〔李老兒同張端甫上〕〔張端甫云〕自家張端甫的便是。我寫了牌額也。不免見小解元去。〔見科〕〔云〕你爲甚麼來。〔正旦唱〕早離了莊兒有何礙。百忙

裏寫甚麼牌額。〔伴哥云〕是他調戲我妹子來。〔李老兒云〕兀那秀才。你怎麼調戲我女孩兒。與我吊將起他來。〔做吊起正旦科〕〔張端甫云〕怎了也。〔王懷上〕〔云〕心慌來路遠。事急出家門。自家王懷的便是。奉着老相公的鈞旨。着我趕小姐去。趕不上來到莊兒上。一簇人鬧。我試看者。〔見科〕〔王懷云〕兀那老的。這秀才爲甚麼吊着他。〔李老兒云〕你不知道。他來我莊兒上討水喫。我又管待他酒兒。他調戲我女孩兒。我因此上吊着他打。〔王懷云〕你休要鬧。我解放將下來。〔做解放科〕〔云〕脫了他這儒衣。兀那老的。你看他是男子也是女人。〔李老兒云〕嗨。元來是箇女婦人。休打他。罷罷罷。放了去。離了俺門。孩兒每俺家去來。女人身扮做儒人。在路途便利行程。若不是哥哥來到。險把他打做姦情。〔同禾旦伴哥下〕〔王懷云〕小姐走走走。到這半途。老相公言語。着我趕上你放了秀才。着我勒殺你哩。〔張端甫同正旦跪科〕〔云〕哥哥可憐見。饒性命者。〔正旦云〕王懷哥哥。俺父親一時間着惱。着你勒殺了我。俺父親年紀高大。則有我一箇。不爭你勒殺我。久以後俺父親可着誰人侍養也。〔王懷云〕罷罷罷。那裡不是積福處。一來有老夫人言語。我饒了你。你則這般和秀才走呵。也不中。我有箇姐姐。在這大清庵出家。我問他借一套道服與你穿。路途間無人疑猜。〔做取道服科〕〔云〕我取將這道服來。小姐穿上。你久以後休忘了王懷也。〔正旦穿道服科〕〔云〕王懷哥哥。你休這般說。放心。此恩必當重報。謝了哥哥也。

〔王懷云〕秀才。你久以後也休忘了王懷也。〔張端甫云〕感謝厚恩。豈敢有忘。便死於九泉。作馬爲牛。報你大恩。〔正旦唱〕

〔尾聲〕則爲這祝英臺。送了這梁山伯。但若是張端甫爲官作宰。俺兩箇得命也逃生。俺可便不死團圓大喝采。〔張端甫同下〕〔王懷云〕小姐和秀才去了也。小人不耐久停久住。走到半途。則說趕上小姐勒死了。回相公話。走一遭去。雖有相公鈞令。怎肯害人一命。常將好事於人。自有龍天作證。〔下〕

楔子

〔女姑帖上〕〔云〕皇圖永固。帝道遐昌。佛日光輝。法輪常轉。貧僧乃善喜寺女僧法圓是也。自幼捨俗出家。常以清淨爲本。方便爲門。雖爲比丘尼。修持不二法門。參禮如來正法。頓悟佛祖無爭。三昧真如之境。妙絕梯航。無去無來。眞所謂大乘祕密三藏。此乃佛祖之妙旨。大梵之心印也。貧僧遠離貪嗔癡惡。朝參暮禮。上報四重恩。下資三塗苦。惟願大衆檀那。早登彼岸。方纔誦經。在禪床閑坐。看有甚麼人來。〔張端甫同正旦上〕〔云〕張端甫。俺行動些。〔張端甫云〕小姐。俺兩箇多虧了王懷。借了這件道服。他又饒俺性命。你也行動者。〔正旦云〕張端甫。俺來到這半途也。覓些水漿食用。〔張端甫云〕小姐。兀那裡不是箇寺。俺去那寺裏覓些涼漿喫者。〔正旦云〕俺去來。可

早來到也。〔同見科〕〔云〕姑姑支揖。俺二人飢渴之際。特來覓些涼漿兒解渴。〔姑姑云〕有有有。官人暫且停止者。〔張端甫云〕小姐。爭奈俺路途遙遠。怎生是了。我是箇秀才。可領着一道姑走。可也不雅相。〔正旦云〕秀才。你寧可將我留在這寺中。你上朝求官應舉去。得一官半職。改換家門。可不好。〔張端甫云〕小姐。不爭將你留落在這寺中。小生也放心不下。〔正旦云〕張端甫。你放心去。我這裡有一副金頭面。你將去做盤纏。留下兩三件。我在這寺中與姑姑使用等你。我與姑姑添香點燭。伏侍姑姑。你得官不得官。頻頻的捎一箇書信兒來與我。你則休負了心也。〔做見姑姑科〕〔云〕姑姑。小道有這幾件金頭面與姑姑。小道在此少住數月。夫主回來。重重相謝。〔姑姑云〕出家人方便爲門。你又是箇女人。怕做甚麼。你同貧僧在此。粗茶淡飯。隨喜住着。〔正旦云〕姑姑如此依允了也。你則是休負了心。你安心的去。〔張端甫云〕小姐。你但放心。我若爲官呵。你便是夫人縣君。此一離別。兀的不痛殺我也。〔正旦唱〕

〔賞花時〕我先受了烏帽白襴途路苦。又着我簪戴環絛穿道服。我依舊的一身孤。我着你求官應舉。且休看經卷藥葫蘆。〔同姑姑下〕〔張端甫云〕小生不敢久停久住。上朝求官。進取功名。走一遭去。小姐也。則被你痛殺我也。〔下〕

第三折

〔官人引張千上〕〔云〕韶光似箭催人老。日月如梭趲少年。名利奔馳無盡日。人生何得暫時閑。老夫鄭府尹。自從教王懷勒殺瓊梅小姐。可早十年光景也。王懷也就不曾回來。小姐也不知音信。老夫眼睛一對。臂膊一雙。則覷着瓊梅小姐。自別之後。憂愁的鬢髮斑白。啼哭的我眼也昏花。每日則是思想我那瓊梅孩兒。謝聖恩可憐。爲老夫廉能清幹。節操堅剛。今除老夫幽州節度使之職。自到任以來。頗得民心。老夫一喜一悲。喜來呵累次遷官。悲來呵思想我那瓊梅孩兒。不知所在。未知有也是無。這幽州城外有一寺。是報國寺。有一箇女僧。說道好生的深通經典。佛法精嚴。老夫親身直至報國寺。探望那女僧。走一遭去。就替那瓊梅小姐做齋。超度孩兒。老夫孤獨年邁。痛哀憐。私奔幼女我無緣。親身相探臨禪院。做齋超度女生天。〔下〕〔正旦領淨行童上〕〔云〕貧僧鄭瓊梅。自從與張端甫私奔出來。離我父母。今經可早十年光景也。多虧了王懷放了我。張端甫上朝求官應舉去了。並無音信。我無計所奈。就在善喜寺捨俗出家。一應經文佛法。盡皆通曉。師父歸空。衆女僧拜我做長老。俺都遊方。到這幽州報國寺。五年不下禪床。到大來幽哉也。平生得失。豈在安排。人情棄絕。世事何來。灰寒瓦鼎。土暗塵埋。飯飽睡足。幽哉幽哉。〔淨云〕師父每日家喫齋把素。看經念佛。打坐參禪。五年不下禪床。功行非同容易也。〔正旦唱〕

〔雙調新水令〕則我這出家心。識破是和非。我可便守伽藍不同容易。〔淨云〕終

朝看經念佛。至心修持也。〔正旦唱〕終朝掐數珠。每日念阿彌。苦志修持。〔淨云〕師父必然登佛位也。〔正旦唱〕若是得登佛位。不容易。〔云〕行童。三門前看着。若有賓客至。着我知道。〔淨云〕理會的。我三門前看着。若有甚麼施主來時。便來報知師父。看有甚麼人來。〔官人上〕〔云〕烏紗巾上是青天。檢束那知四十年。誰料當時臂鷹手。挑燈自送佛前錢。老夫鄭康是也。這是報國寺。可早來到門首也。左右接了馬者。寺門首立着箇行童。兀那行童。你師父方丈裏有麼。〔淨云〕師父在方丈裏。〔官人云〕報復去。有本處節度使。特來相訪。有兩句言語說將去。報國寺尼僧安在。節度使親臨門外。〔淨報科〕〔云〕報的師父得知。有本處節度使來探望。有兩句言語說將進來。〔正旦云〕他說甚麼來。〔淨云〕他說報國寺尼僧安在。節度使親臨門外。〔正旦云〕你說去。問尊長有何貴幹。相迎遲權時休怪。〔淨云〕師父說的是。偏他會說。師父也答他兩句。〔見官人云〕我說老官兒。我恰纔對我師父說了。我師父也有兩句。說將出來了。問尊長有何貴幹。相迎遲權時休怪。〔官人云〕你說去。你喫的是幽州水土。何不出三門慇懃接待。〔淨云〕你又說這兩句。我說去。〔見旦科〕〔云〕師父。那官人又有兩句話。說將來了。可不干你徒弟事。可是他說來。你喫的是幽州水土。何不出三門慇懃接待。〔正旦云〕你說去。念佛心把素持齋。不食葷菜松喫柏。〔淨出門云〕說的正是。這等回他。〔見官人科〕〔云〕老官兒。我們師父又有兩句說將來。我們

師父說道。念佛心把素持齋。不食葷菜松楸柏。〔官人云〕你說去。你不知禮往自持齋。忒迂闊十分分外。〔淨云〕我說老官兒。兩頭回來。着我說到幾時。〔見正旦科〕〔云〕師父。那官人又說了兩句。不干您徒弟事。他說來。你不知禮往自持齋。忒迂闊十分分外。〔正旦云〕比及着往來人口內傳言。則不如我下禪床有何妨礙。我索親身接待相公去。〔淨云〕我師父五年不下這匣床來了。哦。是禪床。〔正旦唱〕

〔駐馬聽〕既佛道皈依。先合差人到方丈裏。〔云〕相公有請。〔官人云〕姑姑。莫不迴避老夫麼。〔正旦唱〕非敢迴避。〔官人云〕爲何接待老夫遲慢。〔正旦唱〕則這箇行童纔報與小僧知。〔官人云〕你因何見老夫不下禮。則打箇問訊。〔正旦唱〕我上不參父母共親戚。下不拜朋友和隣里。誰會講尊卑。〔官人云〕姑姑可是爲何。〔正旦唱〕怕失其應接禮數。權休罪。〔云〕相公請坐。行童烹茶來。〔淨云〕理會的。茶湯來。裏面着上幾箇蒜瓣兒。〔官人云〕姑姑。老夫是本處節度使。一逕的來相訪。消不的你安排筵席。管待老夫。可怎生則茶禮管待。〔正旦云〕相公。俺這出家兒人見客來。並無那殺羊造酒筵席的禮。則是茶禮待之。〔唱〕

〔步步嬌〕休笑俺僧家貧活計。早難道水陸皆俱備。〔官人云〕我一逕的來相訪。怎生則是茶禮相待。〔正旦唱〕見客來。烹玉藥。〔官人云〕便安排筵席。管待老夫。有何妨礙。〔正旦唱〕

則俺這兔毛盞。清高似恁鳳凰盃。這茶能明目省昏迷。〔云〕相公用了茶呵。〔唱〕啜罷也衝回味。〔云〕相公請茶。〔淨云〕相公你喫茶。我看齋去。〔下〕〔正旦做認科〕〔背云〕這老相公不是俺父親。我則推不認的。看他說甚麼。敢問相公何往。〔官人云〕老夫一逕的來做箇齋。〔正旦云〕敢問做的是願心齋。可是報答齋。〔官人云〕也不是願心齋。也不是報答齋。做箇追薦亡靈齋。〔正旦云〕亡過的是男子也是女人。〔官人云〕追薦的是我女孩兒。〔正旦云〕你那女孩兒在外身故。可是染病身亡了。〔官人云〕姑姑。你直這般問的仔細那。〔正旦云〕俺出家兒是這般問。〔官人做認科〕〔云〕這不是瓊梅小姐麼。〔正旦做應科〕〔云〕有誰喚瓊梅。〔官人云〕孩兒也。我喚你哩。當初是我的不是了也。你認了我罷。〔正旦云〕我不喚做瓊梅。〔唱〕

〔風入松〕我見他萬千勞攘意遲遲。可着我冷笑微微。〔官人云〕姑姑。你認了我者。〔正旦唱〕可是他兩三番向前挨着禪衣。〔官人扯着衣服科〕〔云〕姑姑。你正是我的孩兒。你認了我者。〔正旦唱〕我見他汨漫漫扯住我這僧衣。請官人再觀箇容儀。認眉眼口和鼻。〔官人云〕姑姑。認了我者。〔正旦云〕老相公。你那女孩兒。爲甚麼身故了來。〔官人云〕我不瞞你說。我那女孩兒。做了些不廉的事。跟的人私奔走了。我着人勒殺了來。〔正旦云〕相公。你說的差了。便好道人亡如燈滅。幽幽魂魄絕。欲待再重活。則除是水底撈明月。〔官人云〕你正是我

的女孩兒瓊梅。你認了我者。〔正旦唱〕

〔攪箏琶〕老官人你沒巴鼻做的箇要偏宜。你可便大話欺誰。〔官人云〕孩兒也。你認了我者。〔做扯正旦衣服科〕〔正旦唱〕放手。你可便把袈裟放起。〔云〕你女孩兒姓甚麼。

〔官人云〕我女孩兒姓鄭。喚做瓊梅。〔正旦唱〕我身姓李。喚做江梅。〔官人云〕你多大年紀出家來。〔正旦唱〕我自小裡爲尼。〔云〕你那女孩兒多大年紀也。〔官人云〕俺女孩兒去時十八歲。

去了十年。如今二十八歲也。〔正旦唱〕我如今年紀兒整整的三十。〔官人云〕這等呵。是老夫錯認了也。〔正旦唱〕多管是你鞍馬上困倦。一路上驅馳。年紀兒昏晦。眼力難加。

加富是濟字之誤

〔云〕相公尋思波。〔唱〕則他這普天下少甚麼厮似的。空教我冷笑微微。〔官

人云〕便好道時間風火性。燒卻歲寒心。我恰纔訴實情盡說緣因。傷心泪摯閣不住。你自做的出乖弄醜。在家中難以停住。爲情人恣意私奔。瞞雙親私離門戶。我眼前面無一箇親人。則看着瓊梅幼女。不爭你背井離鄉。全不想年高父母。女也知他你在世爲人。知他你身歸地府。知他你富貴榮華。知他你遭驅被虜。我意遲遲不住的思量。泪漫漫放聲啼哭。今日箇白頭爺苦痛哀哉。瓊梅兒也。哎。你箇青春女何方受苦。〔正旦云〕你煩惱做甚麼。你當初休着人勒死他。可不好來。〔背云〕我待不煩惱來。想着俺父母偌大年紀。則覷着我一箇女孩兒。久以後誰是他親人拜掃。

〔做嘆氣科〕〔官人云〕孩兒也。誰說你不是我的女孩兒。恰纔我煩惱爲你。你爲甚麼長吁嘆息。
〔正旦唱〕

〔鴈兒落〕我可便傷心不爲你。我則是嘆浮生絕興廢。老官人多背晦。偏忍不
的我長吁氣。〔官人云〕孩兒也。你認了我。與你下禮陪話者。〔正旦云〕拜袈裟。看佛面相公。你則
管問齋一事。沒來由節外生枝做甚麼。〔官人哭科〕〔云〕孩兒。我不合着人勒殺你。是我的不是
了也。〔正旦唱〕

〔得勝令〕你正是佯孝順。假慈悲。則你那閑話兒便休題。你當日心狠着我歸
陰府。險將我路途中一命虧。我和你分離。今日我得到這高僧位。要脫這輪迴。
我怎肯再還俗惹是非。〔官人云〕孩兒也。想老夫怎生擡舉的你偌大的。怎下的不認我那。我
便歹殺波。想你那母親怎生般假乾就濕。十月懷胎。三年乳哺。想你母親的恩念呵。你也認了我
也。〔正旦唱〕

〔尾聲〕你着我離佛休想念。再還俗無此理。你那老夫妻。兩口兒垂雙泪。〔官人
云〕孩兒。你若認了我回家去。我與你下拜。〔正旦唱〕你可便拜告殺貧僧。我其實去不的。
〔下〕〔官人云〕着意栽花花不活。等閑插柳柳成林。老夫本來做一齋。不想正遇着瓊梅小姐。他

想着那十年前。我着人勒死他的讐氣。他不肯認我。這的是天指引俺父子相逢。我如今到的家中。對夫人說知。俺同來請女孩兒回家去。未爲晚矣。左右那裡。將馬來。老夫回私宅家中去。〔下〕

〔夫人上〕〔云〕庭前喜鵲喳喳噪。昨夜燈花特地開。怪底連宵有好夢。今朝定有好音來。老相公報國寺裏去了。這早晚不見來。下次小的每。門首覷者。相公敢待來也。〔官人同張千上〕〔云〕可早來到門首也。左右接了馬者。不必報復。我自己過去。夫人。你歡喜者。〔夫人云〕老相公。有甚麼歡喜。〔官人云〕俺瓊梅小姐還有哩。〔夫人云〕孩兒在那裡。〔官人云〕見在報國寺裏出家哩。孩兒堅意不肯認俺。〔夫人云〕既是如此。俺明日一同到報國寺認孩兒。走一遭去。〔官人云〕夫人說的是。今有新州尹下馬。他必然來拜見老夫。令人望着。若來時。報復我知道。〔張千云〕理會的。〔張端甫扮官人引從人上〕〔云〕去日曾攜一束書。歸來玉帶掛金魚。文章未必能如此。多是雙親積慶餘。小官張端甫。自到帝都闕下。一舉狀元及第。除授幽州州尹之職。今日來到。參見節度使大人。走一遭去。可早來到也。令人報復去。道有新州尹。特來拜見大人。〔張千云〕理會的。報的老相公得知。有本處州尹。特來拜見。〔官人云〕有請。〔張千云〕理會的。有請。〔見科〕〔官人云〕兀的不是張端甫。我的小姐呢。〔張端甫云〕不瞞老相公說。自從與小姐私奔出來。小姐染病身亡了。我泥箇墓兒光光的。〔官人云〕我的小姐呢。〔張端甫云〕我纔不說來。小姐染病身亡了。我泥

箇墓兒光光的。〔官人云〕張端甫。你休慌。小姐還有哩。見在報國寺出家哩。到明日俺認孩兒去來。〔祇候擊王懷上〕〔云〕報的大人得知。擊住一箇私度關津的。〔官人云〕擊過來。〔擊見科〕〔官人云〕兀的不是王懷。你這十年在那裡來。我的小姐呢。〔王懷云〕我死也。相公可憐見。當日老相公。着王懷趕上小姐和秀才。我不曾勒死他。放他兩箇走了也。〔官人云〕孩兒你休慌。這箇不是張端甫。小姐見在報國寺出家哩。有人說孩兒明日陸堂說法哩。俺領着張端甫并王懷。一同至報國寺認孩兒。走一遭去。王懷端甫用心机。老夫悔罪緊相隨。夫人親至報國寺。歡歡喜喜認瓊梅。〔同衆下〕

第四折

〔外扮闍黎引淨沙彌四人同上〕〔闍黎云〕一切有爲法。如夢幻泡影。如露亦如電。應作如是觀。貧僧是這本寺闍黎。今有長老陸堂誦經。沙彌。〔淨沙彌云〕小僧有。〔闍黎云〕點上燭。焚上香。動着法器。請長老陸堂。〔淨沙彌云〕知道。知道。點上燭。焚上香。〔做念科〕〔云〕光光乍。光光乍。光光乍來光光乍。〔動法器科〕〔闍黎云〕請長老陸堂。〔闍黎淨沙彌四人動法器接科〕〔正旦引淨行童上〕〔正旦云〕此一炷香願皇圖永固。聖壽永安。佛日光輝。法輪常轉。如來弘誓願。廣度潤含靈。我今皈命禮。依法度羣生。〔搖鈴子云〕奉請十方世界四府靈聰等衆悉聞知已。大乘三寶

加持力。此日今時來赴會。祝願中華。大地山河壯。一統乾坤。浩浩慈風蕩。文武公卿。輔佐江山掌。
祝讚吾皇。萬歲當今上。當今聖壽與天高。裕達寬仁過舜堯。一統華夷磐石穩。祝讚的皇圖永固。
聖明朝。〔唱〕

〔中呂粉蝶兒〕自從入大道禪門。謹參修自然精進。我可便下工夫終日慇懃。
我如今悟禪機。知妙理。志誠發憤。投至的內外成眞。因此上識空花照開五蘊。
〔醉春風〕見放着明鏡性圓通。則他這靈臺心務本。則爲那千門萬法路頭難。
誰肯將人來引。引獨步高超。一身跳躍。則是那半生時運。〔云〕法座下有甚釘嘴鐵
舌。銅頭鐵額。與吾問禪。請推下問。〔淨云〕兀那兩廊僧衆。師父法語。有甚麼釘嘴鐵舌。銅頭鐵額。
不能了達。師父與你抽釘拔楔。都來問禪。〔官人同夫人王懷張端甫領張千上〕〔官人云〕來到
這法座下。看他說甚麼。〔淨云〕小僧特來禪一禪。〔正旦云〕問將來。〔淨云〕小僧從來快喫肉。喫
了肥肉則是瘦。〔正旦云〕迷惑錯認幻軀身。不肯將身去塵垢。〔淨云〕貧僧從來快喫酒。喫了十
瓶張不開口。〔正旦云〕顛狂緊閉是非門。若海無邊回頭走。〔淨云〕好喫蘿蔔好喫葱。一會辣的
好心疼。〔正旦云〕咬的菜根知滋味。便是金剛不壞身。〔淨云〕小僧從來快喫飯。走在鍋中盛不
滿。〔正旦云〕終朝填滿臭皮囊。何日超凡登彼岸。〔夫人云〕一切皆因父母錯。上告姑姑且耽饒。

〔正旦云〕當初蓋下三間舍。今日難忘十月勞。〔夫人云〕既你難忘十月勞。因何不報母劬勞。
〔正旦云〕異日我成佛道去。自然親母上金橋。〔夫人云〕鴉鵲尚然來接噪。爲尼爭忍不行孝。
〔正旦云〕他先無有父子情。管甚慈烏不反哺。〔官人云〕甚麼好高僧。善世佛法問禪。正是公
雞不鳴草雞鳴。〔正旦云〕鳳凰展翅三千里。公雞也是草雞生。〔官人云〕可憐萬事能千變。姑姑
認取休埋怨。〔正旦云〕當初義斷與恩絕。有何面目來相見。〔官人云〕我一發說他幾句。怕做甚
麼。你會辱祖暗私奔。今日何勞怨二親。〔正旦云〕卓氏臨邛遇司馬。至今賢婦說文君。〔官人云〕
儘我心酸和眉結。誰似禪師那忤逆。〔正旦云〕比如你閑打悲呵。把使當初休勒死。〔唱〕

〔紅繡鞋〕想當日酷刑害逢危。遭困。您那一日便逼的我有屈無伸。那其間險
着我便一命可也在逡巡。誰想我得逃生。離了苦楚。飛騰的跳出沉淪。敢也我
今日便願脩行甘受窘。〔張端甫云〕端端正正好師尼。金縷袈裟交結披。放着斷腸人不顧。更
將何處覓慈悲。〔正旦云〕禮則禮。拜則拜。莫學窮兒思舊債。〔張端甫云〕你待散時我不散。前世
姻緣休怠慢。〔正旦云〕我如今脫殼化金蟬。肯學蜣螂推糞彈。〔張端甫云〕見今冠珮奉知音。好
住蘭堂畫閣深。〔正旦云〕我還共你效雲雨。可不枉念彌陀色是空。〔張端甫云〕心意兩情正可
可。共宿蘭堂畫閣。〔正旦云〕我不爭棄卻佛門。怕明月清風笑我。行童喊點湯。〔行童云〕點湯點

湯〔官人云〕點湯是遺客。他既不認我呵。罷。王懷將交床來。〔王懷云〕喏。大人交床在此。〔正旦云〕誰是王懷。〔王懷云〕則我便是王懷。〔正旦見王懷下法座科〕〔云〕王懷哥哥。見別無恙也。

〔唱〕

〔十二月〕我猛見這王懷的故人。我可便禮拜在塔痕。他可便饒了我這性命。他可便放我得逃生。我脫塵寰脩種善根。我今日得道高僧。〔官人云〕我是你父親。你倒不拜我。一箇祇從人。可倒下拜。你是何相待。〔正旦云〕你當日着他勒死我。多虧王懷哥哥放了我走了。若不是王懷。我豈有今日。我因此上拜他。〔官人云〕原來是這等。王懷。我着你勒死他。你可放了他走了。今日不認我。原來都是你。令人將王懷吊起來打着者。〔張千做吊起王懷打科〕〔王懷云〕小姐。你救我者。〔正旦慌科〕〔正旦唱〕

〔堯民歌〕呀。我則索救王懷禮拜俺雙親。呀。我這裡望尊顏饒過俺這大恩人。〔官人云〕你則說法去。管他做甚麼。〔正旦唱〕本待要脫凡塵還自落得凡塵。免出家依舊進家門。再結這婚姻。當年比翼分。今日俺從投順。〔云〕饒了王懷者。〔官人云〕難以饒他。打着者。〔正旦云〕父親母親。饒了他者。〔官人云〕必然不饒他。與我打死了者。〔正旦跪科〕〔云〕父親母親。可憐見饒了他者。〔官人云〕既然你着我饒他。你若認了俺還了俗。兀的不是張

端甫。你依舊結爲夫婦。我便饒了他。〔張端甫云〕瓊梅。你好狠也。〔正旦云〕罷罷罷。依着您。我認了父母和夫主。你可喜歡麼。〔官人云〕既然瓊梅孩兒認了也。俺家去來。安排筵席。就與張端甫成其夫婦。則是這王懷情理難容。〔夫人云〕老相公。不干王懷事。你分付他着勒死小姐。我暗暗的與了王懷一錠銀子。若趕上孩兒時。不要害他性命。着他逃命走了去。相公要怪。則怪老身。不關王懷事。〔官人云〕原來是恁的。放了王懷者。您聽者。張端甫我見你一貧如洗。教你做門館先生。你則合溫良儉讓。一剷的賣弄風情。好人家閨門女子。引逗的敗壞家門。半夜裏私奔逃去。差王懷追趕相跟。要把女將繩勒死。要絕了醜惡之名。老夫人念其親女。與王懷一錠花銀。到前途放他奔走。投寺院棄俗爲僧。天使俺合該聚會。張端甫做了官人。女孩兒還俗回家。舊婚姻結做新婚。王懷照舊管領家計。將家私一半平分。成就了一場美事。則要您知恩報恩。

題目

鄭節度夫婦同問禪

正名

女姑姑說法陞堂記

女姑姑穿關

楔子

官人

一字巾領帶

補子圓蒼白髯

張千

攢頂項帕

圓領搭膊

張端甫

一字巾

補納直身三髯

官人張千又

上前

夫人

場頭手帕襖兒裙兒

眉額

布襪補子鞋

梅香

髻髻籠兒裙兒

比甲襖兒布襪鞋

官人張千又上張

端甫又上

同前

正旦鄭瓊梅

花箍裙兒

補子襖兒布襪鞋

頭折

張端甫

一字巾

圓領三髯

梅香

正旦鄭瓊梅

張端甫

梅香又上

同前

第二折

官人

夫人張千

梅香

同前

王懷

攢頂項帕

圓領搭膊

李老兒

攢頂兒

茶褐直身蒼白髯拄杖

正旦鄭

瓊梅

一字巾

圓領

張端甫

同前

禾旦

髻髻籠兒

比甲襖兒

伴哥

雙簷氈帽布冠

花手巾綿布襖綿鞋

張端甫

李老兒又上

王懷又上

同前

楔子

女姑姑

僧帽僧衣數珠

正旦鄭瓊梅

全真冠 腦搭兒 邊欄道袍 繖兒

張端甫同前

第三折

官人張千

同前

正旦鄭瓊梅

僧帽僧衣數珠

行童

僧陀頭僧衣

官人又上夫人官人張千

又上前張端甫

一字巾領帶

補子圓三髭髯

祇從

攢頂項帕

圓領袷膊

祇從拏王懷同前

第四折

閑黎

僧陀頭僧衣數珠

女僧四人

僧帽僧衣

正旦

僧帽袈裟

僧衣數珠


行童同前

官人夫人王懷張

端甫張千

同前

內本校過乙卯三月初二日清常記



宋大將岳飛精忠

闕名

頭折

〔沖末扮金兀朮領番卒子上〕〔兀朮云〕沙漠風寒草又黃。滿川金菊噴鼻香。李陵臺上長射鴈。蘇武坡前每放羊。常擺百員金甲將。密排千隊鐵衣郎。日永晝長乘興樂。黑松林畔列圍場。某乃完顏女直人氏。四太子兀朮是也。因始祖分其七姓。霸住封疆三千餘里。鐵甲兵二百萬。驍勇將一千員。虎視天下英雄。大宋家不敢加兵於某。見今郎主阿骨打稱帝。生而有異志。身長八尺。顏貌雄威。善能用人。某國地產黃金。故曰國號大金。某兵書廣看。武藝精熟。東征西討。累經百餘戰。未嘗有敗。見今百萬兵權。盡屬某管。自靖康二年。某虜宋朝一人。乃是秦檜。舉家數口。在某營中四年。某待他甚厚。秦檜言稱道。若放我歸宋朝。必封我爲官。我願爲大金細作。某依其言。放秦檜歸宋。果然封他爲大夫的官位。某所懼者。宋朝有一員名將。乃是岳飛。某難以拒敵。今與秦檜裏應外合。復取淮陽之地。某麾下兩箇前部先鋒。乃是粘罕鐵罕。我喚他來商議。有何不可。小番與我喚將粘罕鐵罕來者。〔番卒子云〕理會的。粘罕鐵罕安在。元帥呼喚。〔二淨扮粘罕鐵罕上〕〔粘罕云〕將駃騠鞍馬掛袍。若還沒馬就騎貓。放起轡頭跑不動。跌下貓來閃了腰。自家乃

前部先鋒粘罕是也。這箇將軍是副先鋒鐵罕是也。俺兩箇兵書不會。弓箭不熟。跟着元帥。專弄虛頭。若還擺酒。則喫大甌。聽的上陣。誆的碎屁兒直流。〔鐵罕云〕不要失了銳氣。小軍兒們聽着哩。不瞞哥說。您兄弟不會甚麼武藝。早晚也則是趁打哄耍子罷了。一了說過的。一日是兩晌。這箇時景。認甚麼真。認真連涼水也沒的喫了。你我兩箇一對油嘴。專一則是說法安身罷了。〔粘罕云〕好兒說的是。俺見元帥去來。可早來到也。小番報復去。道俺兩箇油嘴粘罕鐵罕來了也。〔番卒子云〕理會的。報的元帥得知。有兩箇將軍來了也。〔兀朮云〕着他過來。〔番卒子云〕理會的。着過去。〔做見科〕〔粘罕云〕劍甲在身。不能打腿。〔鐵罕云〕區區唱喏。不必還禮。元帥喚俺有何事。〔兀朮云〕喚您二將來。別無甚事。我今與秦檜裏應外合。要復取淮陽之地。撥與你二將四十萬雄兵。與大宋家交戰。得勝成功。自有加官賜賞。〔粘罕云〕得令。則今日領四十萬雄兵。與大宋家相持廝殺。跑一遭去。大小三軍。聽吾將令。三通鼓罷。拔寨起營。但犯違令者。必當斬首。大小三軍上抹鄰。不披鎧甲不遮身。人人頭上頂碓嘴。沒有傍牌使車輪。未會上陣先喝酒。打刺孫喫的醉醺醺。上的馬去就打盹。聽的砲響。唬了魂。滴溜品碰吊下來。管情一命見閻君。〔下〕〔鐵罕云〕某同粘罕與大宋家交戰。走一遭去。大小衆番軍。今朝便起營。頭戴爛氈帽。皮襖煆殺人。終日打練垂。又不包網巾。弩門并速門。撒袋緊隨身。番官聽發放。頭目聽點名。那顏瘸着腿。小

番耳又聾。下兒赤一隻眼。兀刺赤豁着唇。皮紋裏盛酥酪。帳房裏藏着俊哈敦。喫的醉了胡厮鬧。大家睡到天色明。倘若官軍來劫寨。捨着丟了腦袋做不的人。(下)(兀朮云)二將這一去。必然成功也。某隨後接應。走一遭去。軍馬踏損淮陽地。馬鞭填滿漢陽江。休誇大宋軍兵勇。試看交兵這一場。顯耀英雄驅士馬。施逞驍勇列刀槍。兵臨宋國交鋒處。一戰須教拱手降。(下)(外扮李綱領卒子上)(云)名標虎榜占前魁。自小曾將儒業習。兩眉常鎖乾坤恨。一心輔佐宋華夷。小官姓李名綱字伯紀。祖居邵武人也。登政和二年進士及第。官至起居郎。後爲太常卿。金人渝盟。小官上禦戎五策。欽宗卽位。金將幹離不渡河。宰臣議請上暫避敵鋒。小官固報不可。加小官爲尙書右丞。東京留守。親征行營使。與金人議和。謂所需金帛千萬。揭天下太原中山河南三鎮。屏蔽割之。何以立國。某言道宰相當征。親王不當征。與宰執議不合。小官求去。遂罷官。高宗卽位。拜尙書右僕射兼中書侍郎。今有番將兀朮。命將領大兵四十萬。侵犯俺南宋邊境。虜掠人民。砍伐桑棗。今奉聖人的命。在於樞密院。與衆官商議。要與金兵對敵。未知衆官若何。左右那裡。請將秦檜岳飛衆將來者。(卒子云)理會的。衆將安在。(秦檜上)(云)毒如雙尾蝎。狠似兩頭蛇。讒言誅烈士。惡意害英傑。小官姓秦名檜字會之。江寧人也。登政和五年進士及第。補密州教授。屢遷至御史中丞。在汴京失守。被番將兀朮。將某與妻及婢僕。虜在番將兀朮營中數載。某想番將兀

尤待小官甚厚。小官言稱道。若放某歸本國。我到南朝。見了聖人。必加某官位。我知番將所懼者。是岳飛父子三人。我則不要他領兵前來征您北番。則推講和。您這裡起大勢軍馬。直取俺南宋。我裏應外合。您北番必然取勝。兀朮不信吾言。着某對天盟誓。兀朮纔放我回南宋。我見了聖人。則言殺番人監己者。奔走而來。聖人見喜。拜小官爲觀文殿大學士。今有樞密院總兵。欲要行兵。與北番交鋒。想小官在番將營中。口許講和。纔放小官回國。我豈肯失信。今日到樞密院。好歹主張不要行兵。專取議和。不失前盟。說話中間。可早來到也。小校報復去。道有秦檜來了也。〔卒子云〕理會的。喏。報的大人得知。有秦大人來了也。〔李綱云〕道有請。〔卒子云〕理會的。有請。〔秦檜見科〕〔云〕小官來了也。〔李綱云〕秦大人請坐。等岳飛并衆將來商議。〔正末扮岳飛同韓世忠張俊劉光世上〕〔正末云〕某姓岳名飛字鵬舉。相州湯陰人也。少時家貧。宣和四年。破賊陶俊賈進。累戰立功。遷某爲秉義郎。後隸宗澤。擒番將耶烏輪。單騎待丈八鐵槍。刺殺黑風大王。授英州刺史。這位將軍是延安府人。姓韓名世忠字良臣。這位將軍是鳳翔府成紀縣人。姓張名俊字伯英。這位將軍是保安人。姓劉名光世字平叔。今有番將兀朮。領兵一百萬。來取淮陽之地。今有樞密院總兵大人呼喚小官同三位將軍。須索走一遭去。〔韓世忠云〕可早來到也。小校報復去。道有岳飛等衆將在於門首。〔卒子云〕理會的。喏。報的大人得知。有岳飛等衆將在於門首。〔李

綱云〕道有請。〔卒子云〕理會的。有請。〔見科〕〔正末云〕元帥呼喚俺衆將。有何事商議。〔李綱云〕請衆位將軍來。有國事商議。〔正末云〕有何國事也。〔李綱云〕今有番將兀朮。領兵四十萬。來侵邊境。今奉命會同您衆官商議。〔韓世忠云〕衆位將軍在上。想番將兀朮。好生無禮。累次侵犯邊境。今又領大兵前來。虜掠百姓。俺如今出兵。復取河南東西二京。以雪國恥。一立大宋宗社。二救百姓塗炭。此爲上計也。〔秦檜云〕將軍難以行兵。想番將兀朮。知天文。曉地理。辨風雲。識氣色。強兵百萬。戰將千員。但若迎敵。必然不利。不如和議爲上。〔張俊云〕大人言之差矣。想番將無禮。侵犯邊境。今又領兵。倚仗他人強馬壯。欺凌大國。破殘宋朝宗廟。驅二帝北行。逐康王南渡。驅黎民於塗炭。使百姓之倒懸。今又縱兵侵凌淮泗。強占封疆。依某等衆將。領兵復奪舊境。一雪國恥。二救黎民。此爲上計也。〔秦檜云〕將軍言者不當。不可與大金交鋒。可以和議爲上。想徽欽二帝。驅向北地。不能回國。若是行兵。二帝越法難能回國。今且和議。待二主回國。那時舉兵。與他交鋒。未爲晚矣。此爲上計也。〔劉光世云〕秦大人言者不當。想番將內狠而外柔。狼子野心。欺凌大國。亂我江山。驅二帝北行。豈有南還之意。趁他領兵到我隣境。四出強兵。一託聖主洪福。二託衆將之勇。擒番將於頃刻。定安危於片時。一立宗廟。二救黎民。但若興師。必成大功。此爲立國之上計也。〔秦檜云〕衆位將軍。此言無益於國家。有害於朝廷。番兵人人英勇。箇箇威風。封疆

有三千餘里。大軍有一百餘萬。北有居庸之險。南有河洛之阻。見擒三帝於沙漠。今領大兵於淮地。實有併吞大國之志。我國兵不滿萬。將不滿千。倘若行兵。於國不利。悔之晚矣。依我之言。不如和議爲上。〔正末云〕秦學士出言。無忠孝之心。有懷賣國之意。想大宋江山。非同小可。太祖聖人。南征北討。東蕩西除。鞍不離馬背。甲不離將身。捨死忘生。立起這等江山。非同容易也呵。〔唱〕

〔仙呂點絳脣〕想當日兵變陳橋。衆多軍校。知先兆。旗扯爲袍。因此上居寶位。稱尊號。

〔混江龍〕輔安宗廟。多虧了賢臣宰相衆英豪。石守信凌煙圖寫。王審琦青史名標。趙光普麟閣鸞臺曾顯姓。曹國華虎符金印久懸腰。纔治的河清海晏。雨順風調。軍無征戰。民免差徭。託賴着一人有慶。普天下道泰歌謠。見如今百姓安業。軍民樂。〔云〕可憐也。〔唱〕不覺的龍歸滄海。鳳返丹霄。〔李綱云〕衆位將軍。今奉聖人的命。會您衆官商議。欲要行兵。與番兵交鋒。想兀兀好生無禮。領兵侵犯邊境。虜掠人民。今若行兵。覲番兵一鼓而下。秦大人因何不肯也。〔秦檜云〕自古道兵者凶事也。番將人強馬壯。兵統百萬。將領千員。倘若與他交鋒。於軍不利。不如和議。練士操兵。待豐富之年。那時行兵。未爲晚矣。〔正末云〕大人想宋朝江山。非同小可。一旦佞言阻其干戈。番兵乘勢。要我和你爲臣者何用。此

言不可也。〔唱〕

〔油葫蘆〕將一箇大宋江山你傾送了。我則待將諸處草寇剿。〔云〕大宋聖人。怎生立起這箇江山來。〔唱〕威伏的南唐吳越盡來朝。託賴着聖天子有德行王道。倚仗着大將軍扶立施謀略。至南唐擒李王。到晉州將繼業招。這的是天教有道伐無道。因此上天下盡來朝。〔李綱云〕岳將軍此言。深有意也。〔正末唱〕

〔天下樂〕見如今百姓安閑差役少。朝野裏官也波僚。坐三司分六曹。他每都赤心報國不憚勞。他每扶持的社稷寧。輔安的邊靜悄。普天下樂雍熙享快樂。

〔李綱云〕四位將軍。可以行兵復取東西二京。一雪國家之恥。二報二帝北行之苦也。〔秦檜云〕大人差矣。難與他交鋒。番將兀朮。行兵如神。你四位將軍。難比兀朮英雄也。〔正末云〕秦學士長別人威風。減自己志氣。料番將兀朮。豈成大事。論俺朝中四將。四路行兵。擒番將如同兒戲。何足道哉。〔秦檜云〕俺朝中可是那四員將軍。〔正末云〕見在此處。是俺同韓世忠張伯英劉光世。

〔秦檜云〕韓將軍行兵如何。〔正末唱〕

〔那吒令〕韓世忠英勇呵勝三分馬超。〔秦檜云〕張將軍兵法如何。〔正末唱〕張俊他便用兵呵過唐時李翱。〔秦檜云〕劉將軍臨陣如何。〔正末唱〕劉光世慷慨呵觀金兵。

芥草〔秦檜云〕再有何奇能。〔正末唱〕憑着俺四將能。統領着諸軍校。殺金兵魄散魂消。〔秦檜云〕岳將軍。則怕你敵不的那金將。枉惹刀兵。不如講和爲上。我豈肯差了也。〔正末唱〕

〔鵲踏枝〕你每索自評跋。自量度。俺怎肯和議匈奴。阻當兵刀。俺若是統三軍與金兵戰討。我直殺的大金兵鬼哭神嚎。〔秦檜云〕四位將軍。你也閑爭氣。如今咱官居

一品祿享千鍾。兩陣上槍刀無眼。倘有些好歹。可不乾丟了你許大官職。倒不如咱坐觀成敗。你四將便成功。則多的些俸祿賞賜。依着我講和了罷。一了說禮之用和爲貴。〔正末云〕學士出言賣國。豈不聞養軍千日。用在一朝。爲臣死忠。爲子死孝。刻的說這等言語也。〔唱〕

〔寄生草〕你不肯把朝綱立。你則圖官位高。大金家倚仗他人強。馬壯將中原鬧。欺負俺兵微將寡先鋒老。倚仗他弓勁劍利多糧草。堪恨這腥羶醜陋契丹人。〔云〕我若領三千鐵騎。學前朝一箇古人。〔秦檜云〕你學那一箇古人。〔正末唱〕我學取那管夷吾直殺過陰山道。〔李綱云〕將軍言者當也。想國家堂食御酒。優賜文武。一定邊疆。二扶社稷。今被外邦侵境。安忍坐觀成敗。將軍若領雄兵。必擒金將於馬下。量他到的那裡也。〔秦檜云〕衆將軍休小覷金將兀朮。真箇行兵如神。不如和議爲上。〔正末云〕秦學士。想金將兀朮。欺凌大國。有吞併之心。難以講和也。〔唱〕

〔醉中天〕金兀朮行兇惡。他每專虜掠逞龐豪。〔秦檜云〕金將兀朮。真箇是文欺班馬。學勝顏曾。我則不敢主張興兵也。〔正末唱〕他幾曾把恭儉溫良禮義學。〔秦檜云〕金將兀朮。深通六甲。善知三略也。〔正末唱〕他可便知甚六甲。通甚三略。〔秦檜云〕那金兀朮。六韜書軍中常看。真箇是欺孫臏勝姜太公。〔正末唱〕他曉的甚麼姜子牙文韜武韜。你將他多誇獎。不怕傍人笑。〔秦檜云〕衆位將軍在此。奉命議此一莊事。可行則行。可止則止。衆位宰臣。都無言語。岳將軍。你乃軍中一小將。出言冒瀆。將俺在朝學士。全無敬重之心。務要行兵。倘或虧輸。折軍損將。於國不利。便議行軍。論你的行藏。乃馬前一小卒。難爲先鋒。怎敢將我藐視。是何道理也。〔正末云〕學士。你一心順金。並無輔國之心。專主和議。賣國專權。豈不聞賢臣擇主而佐。良禽相木而棲。爲臣者坐國家琴堂。食君王俸祿。全無盡忠之心。盡懷反叛之意。故將官位欺人。是何道理也。〔秦檜云〕文臣不愛錢。武將不怕死。此乃便是忠臣。我拿着大權。好歹官高似你。你怎生小看我也。〔正末唱〕

〔金盞兒〕我比你有何低。你比我有何高。〔秦檜云〕我乃宋國忠臣。豈有順金之意也。〔正末唱〕你一箇奸臣賊子無忠孝。〔秦檜云〕我乃安邦定國之臣。你怎敢毀罵我也。〔正末唱〕你可甚安邦定國建功勞。〔秦檜云〕我論文呵。背講衆求。甚麼不如那一箇。〔正末唱〕

你可也文不及唐李杜。〔秦檜云〕論我立國。那裡數那蕭何曹參也。〔正末唱〕你辱沒殺漢蕭曹。〔秦檜云〕我的功勞。久以後名標青史。姓入凌煙也。〔正末唱〕久以後名書奸佞典。不能殺青史內把名標。〔秦檜云〕也不在你多言。還有衆位將軍哩。〔李綱云〕衆位宰臣。想金將太重。〔疑〕俺當可行兵。與他交鋒。四位將軍。但若行兵。復取二京。有何難哉。〔韓世忠云〕大人此言極當。〔秦檜云〕既然如此。我也攔不住。則要您見功。倘有輸了。並不干我事。〔李綱云〕岳將軍爲帥。領兵十萬。此一去。小心在意者。〔正末云〕大人放心也。〔唱〕

〔尾聲〕我統一旅鐵衣兵。領百紙徵賢詔。真殺的他拱手伏低做小。劍戟橫空殺氣高。觀的這大金兵似鼠如貓。憑着我馬咆哮。直殺的他痛哭嚎咷。我着他回不的國。歸不的鄉。到不的朝。展旗旛衝開陣角。〔云〕岳雲張憲。〔唱〕你與我領後軍前哨。〔云〕俺四將若領兵。與金將交鋒。殺的高阜處人頭亂滾。低窪處血水成河。〔唱〕我直殺的金兵百萬望風逃。〔下〕〔李綱云〕岳元帥教場中點軍去了也。韓世忠。您三位將軍。各統雄兵。與元帥共殺金兵。小心在意者。〔韓世忠云〕某則今日統領雄兵。共破金寇。走一遭去。顯耀雄威武藝能。被袍掛甲統雄兵。殺敗金兵寧士馬。永保山河賀太平。〔下〕〔張俊云〕韓世忠去了也。某統領雄兵。擒擎兀朮。走一遭去。點就英才十萬兵。今朝四將便登程。全憑忠義安天下。萬古

千秋播姓名。〔下〕〔劉光世云〕張俊去了也。某統領雄兵。擒拿兀朮。走一遭去。四將合兵擊大金。全憑報國盡忠心。剷除賊寇安邊境。留原作撥趙校改 留似當作傳取芳名貫古今。〔下〕〔李綱云〕四將統兵征伐大金去了也。某不敢久停久住。回聖人話。走一遭去。命將興師出帝都。鳴金凱鼓震天隅。殺敗兀朮清四海。着那大金拱手納降書。〔下〕〔秦檜云〕我倒笑了。岳飛同這三箇夾腦。一心要與大金廝殺。又有這李綱水性。也助着岳飛。看起來止有我是一箇不盡忠的人。兀朮又怪我食了前言。則除是這般。我如今在聖人跟前。多說岳飛些是非。不可行兵。則可講和。他就見了功。這岳飛的性命。也落在我手裏。憑着我這片好心。天也與我半碗飯喫。岳飛真箇弄輕狂。赤心報國盡忠良。饒你功勞賽韓信。久以後我手裏須教一命亡。〔下〕

第二折

〔正末扮岳飛同韓世忠張俊劉光世岳雲張憲領卒子上〕〔正末云〕某乃大將岳飛是也。頗奈兀朮無禮。命將犯邊。聖人的命。拜某爲帥。征伐金寇。衆將今日會兵。在某大營共議。擒捉金將。如何調度也。〔劉光世云〕元帥。俺今日會兵在此。專聽號令。共擊大金。憑着俺衆將英雄。量那金兵何足道哉也。〔正末唱〕

〔南呂一枝花〕且休說在朝天子宣。試看俺闔外將軍令。鴉雀不啁噪。人馬豈

喧驚。我領着十萬精兵。一箇箇捨死忘其命。都待要顯英雄立大功。一箇箇性勇躍勝涿郡張飛。一箇箇志慷慨似常山趙雲。〔張俊云〕俺這營中立此五方旗號。是

好威風也。〔正末唱〕

〔梁州〕立五方旗旛颯颯。整三軍金鼓鑿鑿。今日箇安營下寨傳軍令。俺都待提人頭厮摔。噙熱血相噴。鞍不離馬背。甲不離人身。俺這裡一箇箇千戰千贏。都待要捨殘生補報朝廷。俺俺俺直殺的潑匈奴鬼哭神嚎。大金家人亡馬薨。契丹軍喪膽亡魂。把沙漠肅清。重將大宋江山整。雪前恥報冤恨。憑着我敢勇當先四將。能扶持的大宋中興。〔韓世忠云〕元帥。俺今日安營下寨。傳了軍令。來日剿捕醜

虜也。〔正末云〕某自有箇主意。小校轅門首看有甚麼人來。〔卒子云〕理會的。〔外扮番卒子上〕

〔云〕我做番將無能。下書直到南京。若還見了岳飛。一准送了我魂靈。我是大金元帥手下通子骨的便是。我奉着元帥台旨。差我下戰書去。可早來到也。報復去。有大金將士。差我下戰書來。

〔卒子云〕則這裡有者。〔做報科〕〔云〕喏。報的元帥得知。有大金家差一人下戰書來。〔劉光世云〕將軍。今日匈奴搦俺相持。是好大膽也。〔正末云〕頗奈匈奴無禮。怎敢搦吾對敵。着那厮過來。〔卒子云〕理會的。着過去。〔番卒子見科〕〔正末云〕那裡來的。〔番卒子云〕我是大金元帥

手下小卒是也。教我持一封戰書在此。〔正末云〕將來我看。〔正末看科〕〔云〕某來日交鋒。與我搶出去。〔番卒子云〕我出的這門來。看了這等的英雄。番將也。我替你愁哩。正是無來由。下書惹場愁。早是說過了。不是屯了頭。〔下〕〔正末云〕衆將近前。聽吾將令。〔韓世忠云〕喚某那裡使用。〔正末云〕你領五千軍馬爲左哨。看計行兵。〔韓世忠云〕得令。〔正末唱〕

〔牧羊關〕領五千英雄漢。則如今便起營。暗埋伏休得消停。不要你高打旗旛。則要你潛踪趨影。由他軍屯三四里。甲士排數十層。直殺的屍垛如山岳。血流似渭涇。〔韓世忠云〕得令。左哨行兵。走一遭去。奮勇官軍膽氣雄。彎弧挾矢勝喪門。一箇箇赤心報國安天下。捨死忘生建大功。〔下〕〔正末云〕張伯英安在。〔張俊云〕有。喚某那廂使用。〔正末云〕你領五千軍馬爲右哨。看計行兵。〔張俊云〕得令。〔正末唱〕

〔隔尾〕驅兵領將迎前陣。右哨埋伏敢勇軍。馬擡嘴。人含枚。各寧靜。將行着號令。軍聽着砲聲。你則在高阜處埋伏慢慢等。〔張俊云〕得令。右哨行兵。走一遭去。旗旛招颭蔽三光。金鼓纔鳴振四方。坐下征驍龍出海。陣前猛將虎離岡。前隊密排方天戟。後軍衝擺點鋼槍。這一陣過如皇甫擒張角。勝似雲長斬蔡陽。〔下〕〔正末云〕劉光世安在。〔劉光世云〕有。喚某那廂使用。〔正末云〕你領五千軍馬爲後哨。看計行兵。〔劉光世云〕得令。〔正末唱〕

〔賀新郎〕由他那番兵插翅怎飛騰。設若他勇賽周瑜。智如子敬。者莫他機謀戰策。過如韓信。他便是那孟獲王難出孔明。他是箇安漢公不識嚴陵。休言番將勇。莫說契丹能。憑着我手中兵器如鋒刃。我可也刀劈開銅腦袋。搥打碎鐵天靈。〔劉光世云〕得令。某領五千軍馬後哨行兵。走一遭去。雄赳赳領將驅兵。惡狠狠蹬弩開弓。真

天子百靈咸助。大將軍八面威風。〔下〕〔正末云〕岳雲張憲安在。〔岳雲云〕有。父親喚俺那廂使。用。〔正末云〕你領五千軍馬。在門旗畔吶喊搖旗。篩鑼擂鼓。看某親與番將交鋒也。〔唱〕

〔牧羊關〕您兩箇助陣在門旗畔。頻將那金鼓鳴。岳雲您爲合後張憲先鋒。則要你將鎧甲重披。金盔再整。你若肯忠心扶聖主。臨陣捨殘生。自古誰無死。留取這丹心照汗青。〔岳雲云〕衆將埋伏已定。到來日必然成功也。〔張憲云〕父親。聞知兀朮遣將犯境侵邊。他豈知父親的神機妙策。父親。他若鋪謀設計。俺可怎生拒敵。〔正末云〕孩兒。您則放心也。〔唱〕

〔尾聲〕由他每拐子馬鐵桶排軍陣。俺這裡步卒使麻扎刀。教他那馬怎行。休說他機謀多。人馬雄。我殺的他回不的鄉。到不的境。我教他槍頭上滴溜着他殘生。我直教重安定錦華夷享太平。〔下〕〔岳雲云〕父親去了也。俺則今日統領本部人馬。

爲前部先鋒。走一遭去。領將驅兵驍駿。彎弓掛劍更懸鞭。剿除金將安邊境。永保華夷萬萬年。
〔下〕〔張憲云〕哥哥去了也。某統領軍兵。親爲合後。走一遭去。披甲持槍領大軍。鳴金擊鼓震乾坤。陣上生擒活斬首。方知立國大將軍。〔下〕

楔子

〔淨粘罕鐵罕驢馬兒領番卒子上〕〔粘罕云〕某乃粘罕鐵罕是也。奉元帥將令。統領着四十萬軍馬。與大宋家要子。不知是那箇合死的桃疙疸出馬。我就馬上活挾過他來。〔鐵罕云〕休說桃疙疸。就是陶阿媽。拏住也哈刺。贏了的賞。輸了的罰。一人一雙歪兀刺。老子當甲首。姑夫做總甲。叔叔是慶頭。姑子是歪刺。嬌子是脚稍。梅香是野鴨。大疙疸。小疙疸。老的少的是一家。趨奸避懶怕廝殺。大傻瓜。小傻瓜。好喫川炒獺蝦鱔。臨上陣不披甲。精脊梁去廝殺。得了勝的着他帥府裏就掛元帥印。輸了的都罰去史家齣衙喫把把。〔番卒子云〕得也麼。一刻滾說。〔粘罕云〕這狗骨頭。說謊語哩。大小把都兒。擺開陣勢。塵土起處。不知是那一個狗骨頭來也。〔正末驢馬兒同岳雲張憲領卒子上〕〔正末云〕某乃岳飛是也。大小三軍。擺開陣勢者。〔粘罕云〕來者何人。〔正末云〕某乃大將岳飛是也。你來者何人。〔粘罕云〕我乃兀朮手下心愛的前部先鋒。姓粘名罕。字得中。這一箇是我的姪兒。姓鐵名罕。字疙疸。〔番卒子云〕得也麼。〔鐵罕云〕小粘兒。你不

要說嘴。看你老叔挾他過來。兀那宋將岳疙疸。我兩箇是天下無對手。見世的傻兒。你敢和俺厮殺麼。〔正末云〕頗奈這兩箇匈奴無禮。怎敢與吾交戰。〔岳雲云〕兀那二將。量你是小邦之徒。焉能侵大國封疆。若不下馬受降。你見我這手中的鐵鎚麼。〔粘罕云〕你這兩箇鐵鎚。是金箔鋪裏不見了的。至今捉拏不着賊。原來是你偷將來了。你還說嘴哩。〔鐵罕云〕來來來。你這兩箇鐵鎚。拏着也沒用。及早丟下。我要一把捶肥皂。我姪兒要一把換糖喫。饒了你不厮殺。你跑了罷。〔張憲云〕兀那番奴。我與你決戰九千合。〔粘罕云〕這虎剌孩說大言。九千合。九千合。我若半合兒贏的你。我老子就是癩頭鼉的孩兒。〔鐵罕云〕俺這裡馬壯人強。不要怕他。操鼓來。〔做戰科〕〔正末唱〕

〔賞花時〕賣弄你馬壯人強。侵宋境。今日箇領將驅兵定太平。你可在手內怎施呈。〔鐵罕云〕這夥虎剌孩好英雄也。殺的我碎屁兒直流。〔正末唱〕你便有拔山舉鼎。〔粘罕輪科〕〔云〕老子也。我則成不的。虛劈一刀。撥回抹鄰。跑跑跑。〔二淨同下〕〔岳雲云〕父親。這番賊四十萬人馬。無片時折損太半。都敗走了也。〔正末唱〕今日箇故意送殘生。〔同下〕

第三折

〔番將兀朮領番卒子上〕〔兀朮云〕某乃大將兀朮是也。自從拜粘罕鐵罕二將爲先鋒。領四十

萬番兵。與岳飛交戰去也。未知輸贏勝敗。小番門首看者。若來時。報復我知道。〔番卒子云〕理會的。〔二淨粘罕鐵罕慌上〕〔粘罕云〕噲兩箇。爭些兒不着岳飛殺了。折了他四十萬大軍。到的元帥府裏。怎麼回話。〔鐵罕云〕油嘴。你還說哩。你則依着我。噲見了元帥。不要說折了四十萬軍馬。則說道噲兩箇正和岳飛廝殺裡。俺便殺的他去了。四十萬軍馬。一時想家。都去家裏望他姑娘去了。〔粘罕云〕好兒說的是。可早來到府門首也。小番報復去。道有俺兩箇前部先鋒。得勝還營。〔番卒子云〕理會的。報的元帥得知。有兩箇先鋒下馬也。〔兀朮云〕教他過來。〔番卒子云〕理會的。着過去。〔淨慌見科〕〔兀朮云〕兩箇先鋒勝敗如何。〔粘罕云〕又說勝敗哩。我在兩陣之間。把岳飛活挾下馬來。着皮條拴着。望這裡拽着就走。誰想那岳飛氣力大。掙斷了皮條。跑的家去了。氣的我兩手冷汗。元帥。你若不信。你摸我這手。〔兀朮云〕我這四十萬人馬呢。〔鐵罕云〕我們正廝殺着。那四十萬人馬害熱。脫了衣甲。在野地裏歇了會涼。齊了心。都望家裏洗澡去了。我兩箇沿門子一家一家點名。誰想四十萬人馬。合了夥一似。今日箇都會茶去了。因此上我兩箇先來了。〔兀朮云〕頗奈岳飛無禮。將我四十萬人馬。殺的片甲不回。刀斧手。將二將與我搶出去。我則今日親自爲帥。率領一百萬雄兵。復與岳飛交戰。走一遭去。大小三軍。聽吾將令。三通鼓罷。拔寨起營。一看番兵結束。二看駿馬征駝。三軍戰襖錦沿邊。四縫皮靴紅抹口。雲肩五色纓枝花。

六鈞弓硬彎羊角。七星旗上皂雕飛。八楞棍懸酸棗木。久原作九沙陀久趙校改鎮北番雄。馬壯人強十倍勇。青氍笠子上面更有珍珠砌。紵絲襖子可身裁。渾似滿川荷葉弄風輕。鐵打兜鍪。有如那萬頃汪洋臨日動。刀橫真木杵。槍似黑松林。左哨左賢王。右哨右賢王。身穿無縫錦貂裘。戴一頂黑山銀鼠帽。察里總都橫擔着丈二出白槍。虎赤里教頭皮五脂腕懸着八楞棍。晃晃盞盞天銀鏡。層層甲壓地銀山。天晴雲淨。去那李陵臺畔射雙雕。風冷霜寒。蘇武坡前射塞鴈。羊角弓彎青塚月。皂鵑旗映黑山雲。人人當先。列三百面鼙鼓。陣後兒郎。列五萬面遮天皂鵑旗。魚鱗般列開北番兵。鴈翅般擺開諸路將。軍前品兩管悠悠咽咽鷓鴣笛。當先列一面錦絡臂銀戰桿。青心雀角繡藍旗。上寫識天文。曉地理。辨風雲。識氣色。英雄敢勇大金將。統領百萬雄兵。千員虎將。占盡了沙漠地面。好威風也。軍屯百萬雄如虎。將擺千員猛似彪。人如北山烏獬豸。馬勝南海赤蛟虬。甲掛九秋三尺雪。袍披十月錦貂裘。幾隊能征沙塞子。這一去不報冤讐誓不休。〔下〕〔粘罕云〕油嘴。如今元帥領一百萬人馬。親自報讐去了。他若得了勝回營呵。可不殺壞了你我。倒不如跳了井罷。〔鐵罕云〕傻子。不要胡說。我們還統領本部下人馬。截殺宋兵。弄箇虛頭。不強如尋死了井罷。〔粘罕云〕好兒有理有理又有理。截殺宋兵誰似你。大家又去弄虛頭。丟了撒婁休後悔。〔同下〕
〔兀朮躍馬兒同拐子馬領番卒子各持兵器打旗號鳴鑼鼓上〕〔兀朮云〕某乃兀朮是也。今日

大率一百萬雄兵。密排拐子馬。身披重鎧。一人奮勇。三將齊攻。此陣名爲拐子馬。乃衝圍破陣第一之奇術也。休說是大宋之兵。就是太行山。也衝開一半。量岳飛焉能拒敵。今來到此金沙灘。大小三軍。擺開陣勢者。〔番卒子云〕理會的。〔兀朮云〕塵土起處。宋兵敢待來了。〔正末同岳雲張憲韓世忠劉光世張俊驪馬兒領卒子上〕〔正末云〕某乃岳飛是也。兀朮四十萬人馬。被我殺的他大敗。今聞知大率金兵。與某拒敵。俺衆將來到此金沙灘。三軍擺布的齊整者。〔韓世忠云〕元帥看俺這宋兵。歡聲捲地。殺氣排雲。旗旛映日。劍戟橫空。是好威風也。〔正末唱〕

〔越調鬪鶴鶉〕憑着我展土開疆。安邦定國。捉將挾人。機謀見識。者莫他將擺千層軍屯萬里。也不索槍斃刺箭斃射。他小可似那蜀將張飛。唐朝敬德。〔劉光世云〕元帥當日張翼德拒水斷橋。尉遲恭單鞭奪槊。古之大將。與今之名將相同。量那金兀朮焉敢比古之大將也。〔正末唱〕

〔紫花兒序〕者莫他智如馮異。雄勝岑彭。勇似鮑期。〔岳雲云〕金虜乃野奴無姓。何足道哉。憑着衆將英雄。父親的謀略。聖人的洪福。量那金將何愁不破也。〔正末云〕倚賴衆將英雄。〔唱〕憑着我岳雲張憲。他兩箇武藝誰及。難敵殺的他歸不的鄉。回不的家。到不的國。不是我自誇膂力。到那裡也不用闊劍長槍。鞭簡搥鎚。〔兀朮云〕來者何人。〔正

末云「某乃大將岳飛是也。你乃何人。」元朮云「某乃四太子元朮是也。我這裡百萬雄兵。千員猛將。趁早下馬受降。」正末云「頗奈野奴無禮。怎敢誇大言也。」唱「

〔金蕉葉〕休得要氣昂昂羊質虎皮。雄赳赳狐假虎威。」元朮云「兀那岳飛。我寸鐵在手。有萬夫不當之勇。我單搦你出馬。與吾交鋒。」韓世忠云「元帥。他既然誇口。單搦元帥出馬。俺衆將都在門旗下壓着陣。看元帥與此賊交戰。俺衆將催兵掩殺。務要擒捉了元朮也。」元朮云「大小三軍。擺開拐子馬者。」擺拐子馬科「正末唱」賣弄甚拐子馬槍刀劍戟。我直教半合兒把您這胡塵淨洗。」元朮云「別的宋將不要出來。我就贏了您。我也不是好漢。我單搦岳飛臨陣。今日箇基逢對手。將遇作家。憑着拐子馬。我與你大戰一場。決箇勝敗。」正末云「這厮好無禮也。岳雲張憲。你二將當先。三軍後隨。右手持麻扎刀。左手擎着獸蠻牌。三軍仰視者。就斬於陣前。則要您齊心奮勇。用刀削其馬足。一馬中傷。三馬臥地。金兵必亂也。」岳雲云「得令。」元朮云「交馬來。」張憲云「麻扎刀入陣。」卒子十人擎麻扎刀上「混戰科」正末唱「

〔調笑令〕這厮每恁的太無知。殺的您馬死人亡悔後遲。我直教片時間血染沙陀地。我這裡列軍卒吶喊搖旗。殺的他胡兵不能回故里。俺四將都待要各爭功耀武揚威。」元朮云「誰想拐子馬大亂。岳飛這虎刺孩。好是英雄。我這一百萬雄兵。折其太

半。我近不的他。虛劈一刀。走走走。〔敗下〕〔張伯英云〕賊兵折其大半。敗走了也。元帥。俺追趕去來。〔正末云〕這厮走了也。更待干罷。我與你趕將去。〔衆將同趕下〕〔二淨粘罕鐵罕同上〕〔粘罕云〕小將生的美。行兵快。搗鬼。厮殺全無用。則憑一張嘴。某乃粘罕。兄弟鐵罕。俺自從折了那四十萬人馬。至今心裏還害怕哩。〔鐵罕云〕傻厮。好釀燒酒。喝上幾瓢壓壓驚。就不怕了。〔粘罕云〕你這箇油嘴。正是箇酒頭。如今兀朮元帥。因我們輸了。他親自領兵一百萬。與岳飛復帳去了。我纔聽的敗殘軍說。俺元帥折其大半。落荒的逃命走了。我們如今還領着本部下人馬。在這半路上接着元帥。合兵一處。再與岳飛交戰。拚着丟了這腦袋罷。〔鐵罕云〕一了說成。則楊六郎。不成賣麻糖。來到這黑松林。看那塵土起處。不有人馬至近也。〔兀朮帶箭慌領卒子上〕〔云〕好岳飛。好岳飛。這虎刺孩是利害。我和他單戰。他那一條槍。翻江攪海。殺的我兵折大半。我逃命敗走。來到這黑松林。又不見首將來接應。前面來的。是那裡人馬。〔粘罕云〕兀的不是俺元帥。我的伯伯也。你怎麼也輸了。俺兩箇來接你來。〔兀朮云〕既然接應。大小三軍。紮住營。後回軍馬趕將來也。〔鐵罕云〕不妨事。元帥替我準備着繩子。我若活挾了岳飛。就細將來。〔粘罕云〕兄弟說的是。細他鼻塌嘴歪。纔是狗喫粽子。就不解了。〔正末領岳雲張憲同卒子上〕〔正末云〕某乃岳飛是也。緊趕着這兀朮。他往這黑松林去了。大小三軍。圍了這山峪者。〔兀朮云〕兀那岳

將軍。你也忒利害。你直趕到我這黑松林。你豈知我的救兵來接應。我這裡有兩箇大將。共我三人。我你決戰九千合。〔正末云〕兩箇孩兒且壓陣。我獨戰三將。交馬來。〔混戰科〕〔鐵罕云〕準備着繩子。〔正末唱〕

〔禿厮兒〕交戰處。征塵蕩起。四匹馬來往奔馳。則我這槍頭搠成宋社稷。潑無徒怎當敵。料你將危。〔兀朮云〕這虎刺孩越英雄了。俺三箇人敵不住他一箇。可怎了。〔鐵罕云〕元帥準備着繩子。〔正末唱〕

〔聖藥王〕皆因他命運低。死限催。拋戈卸甲倒征旗。我由你堅似鐵。硬似石。〔兀朮云〕我用兵二十餘年。臨敵三百餘陣。未有一敗。今日不能取勝。兩員首將。您緊跟着我者。〔鐵罕云〕元帥不要慌。備着繩子。〔正末唱〕一任你脅生雙翅。怎能飛。飛不出八面虎狼威。〔粘罕云〕好老子。我則不濟了。大家跑了罷。〔兀朮云〕我這人馬。看看的又折了大半。俺望這峪口裏撞出陣去。走了罷。〔鐵罕云〕不要走。準備繩子。〔粘罕云〕百忙裏有甚麼繩子。走走走。〔韓世忠張俊劉光世冲上〕〔韓世忠云〕賊將那裡去。有吾等多時。〔粘罕云〕罷了罷了。怎麼又鑽將這一夥惡香火來。我們似那滾湯潑老鼠。一窩都是死。〔鐵罕云〕則有繩子着。〔兀朮云〕我再和他死戰者。〔衆戰科〕〔正末唱〕

〔鬼三合〕不是我誇強會。款展開猿猱臂。緊拊住腰間帶圍。我這裡揪捧住錦征衣。諕的他如呆似痴。登時間殺的您一命虧。這番兵怎敢無道理。不能穀青史標名。則落得黃泉下做鬼。〔元戎云〕我近不的他。命字疑今走了罷。〔正末云〕衆將與我拏住者。〔衆云〕拏住了也。〔元戎走科〕〔鐵罕云〕準備繩子。〔粘罕云〕傻子。倒綁了俺也。〔正末云〕小校。與我將此賊執縛定。押赴京師。朝見聖人去來。〔卒子云〕得令。〔正末唱〕

〔尾聲〕韓世忠將虎符金印腰懸繫。張伯英穩情取封官進職。劉光世官上更加官。岳鵬舉四將中興落得的。〔下〕〔韓世忠云〕俺衆將班師。同元帥朝見聖人去來。金元戎顯耀英豪。百萬兵瓦解冰消。岳鵬舉世之虎將。保華夷萬載名標。〔同下〕

第四折

〔李綱領卒子上〕〔李綱云〕報捷文書到。天兵得勝回。小官李綱是也。今有飛報前來。岳飛功勞蓋世。掃蕩賊兵。今日班師回程。小官奉聖人的命。在此元帥府。大設筵宴。加官賜賞。令人門首觀者。衆將下馬時。報復我知道。〔卒子云〕理會的。〔正末同衆將上〕〔韓世忠云〕某乃韓世忠是也。俺三將同岳元帥大破金兵。今日班師。俺元帥府見大人去來。〔正末云〕誰想有今日也呵。
〔唱〕

〔雙調新水令〕領着這數千員敢戰鐵衣郎。一箇箇盡忠心將虜塵掃蕩。袍披十月雪。甲掛九秋霜。明晃晃劍戟刀槍。可端的是殺氣擁千丈。〔劉光世云〕元帥想

俺爲臣。忠於君王。孝於父母。愛民養士。正直公勤。博一箇萬萬載青史標名也。〔正末唱〕

〔駐馬聽〕俺都要立國安邦。整亂除危。定四方。併除奸黨。只殺的腥羶醜虜盡伏降。英雄天下把名揚。風雲豪氣三千丈。都是些擎天柱。架海梁。立功勳姓顯在凌煙上。〔云〕可早來到帥府門首也。祇從人報復去。有岳元帥並衆將得勝班師也。〔卒子云〕

理會的。喏。報復大人得知。有岳元帥等衆將下馬也。〔李綱云〕道有請。〔卒子云〕理會的。有請。

〔見科〕〔李綱云〕元帥鞍馬上勞神也。〔正末云〕大人治國事不易也。〔李綱云〕元帥與衆將立國安邦。不弱如立漢朝九里山大會垓之功也。〔正末唱〕

〔鴈兒落〕雖不及韓元帥九里山擺戰場。〔李綱云〕更不弱立蜀帝諸葛武侯之能也。

〔正末唱〕須不似七擒縱諸葛亮。〔李綱云〕想漢朝中一員大將。乃是衛青。趕胡人三百餘里。

得首級生擒八千餘人。據元帥衆將之功。不在衛青之下也。〔正末唱〕雖不及滅胡塵漢衛青。

〔李綱云〕論將軍謀略。過如樂毅收齊城七十餘座。〔正末唱〕我怎學下齊城燕樂毅英雄

將。〔李綱云〕元帥之能。豈在陳湯之下也。〔正末唱〕

〔得勝令〕想當日破單于漢陳湯。他也曾施謀略定邊疆。〔李綱云〕四位將軍赤心報國。展土開疆。掃除邪佞。平定華夷。萬萬載青史標名也。〔正末唱〕今日箇掃蕩煙塵靜。俺扶持的社稷昌。〔李綱云〕皆是衆將之英勇也。〔正末唱〕託賴着萬萬歲君王。今日箇選用俺這忠良將。殺的他拱手都伏降。今日箇掃蠻夷定四方。〔李綱云〕論衆將英雄。不弱如關雲長斬蔡陽之勇也。〔正末唱〕

〔沽美酒〕怎學那關雲長斬蔡陽。〔李綱云〕此一戰過如昆陽之戰也。〔正末唱〕漢光武戰昆陽。〔李綱云〕四箇將軍。乃擎天玉柱。架海金梁。永安社稷。威鎮邊疆。保皇圖萬萬年。地久天長也。〔正末唱〕都是些立國安邦真棟梁。託賴着當今聖上。俺端的志勇烈。氣昂昂。〔韓世忠云〕大人想爲人者上忠於君王。下敬於父母。攝夷狄。威四海。整道理。正三綱。方可爲國家之臣子也。〔李綱云〕將軍言者當也。久後麒麟閣上標名。青史中顯姓也。〔正末唱〕

〔太平令〕怎消的麟閣標名圖像。〔李綱云〕聖人的命。着您官居極品。一箇箇衣錦還鄉。〔正末唱〕誰敢想喜孜孜衣錦還鄉。〔李綱云〕四位將軍。英雄蓋世。名播乾坤。殺金虜望風而敗也。〔正末唱〕俺怎比勤北虜金湯保障。〔李綱云〕論四員大將之功。興戰之策。不在孫臏張良之後。真箇有周齊呂望之能也。〔正末唱〕怎敢比孫臏張良呂望。俺齊祝讚聖皇帝王。

壽長端的是普天下軍民仰望。〔劉光世云〕大人想徽欽二帝靖康之恥。俺務要報了此讐。

重安宗廟。靜掃狼煙也。〔李綱云〕四箇將軍。眞乃柱石之臣。股肱之將也。〔正末唱〕

〔甜水令〕怎比先賢股肱之士。安邦之將。今古廣傳揚。俺則待破虜敵金。剿除殘暴。扶持衝撞。錦華夷載亨昌。〔李綱云〕將軍賊將安在。〔正末云〕見在轅門首。〔李綱云〕

擎將過來。〔卒子云〕理會的。〔擎粘罕鐵罕上科。〕〔李綱云〕兀那賊將。是你侵犯邊境來麼。

〔粘罕鐵罕云〕是我來。〔李綱云〕刀斧手。推轉殺壞了者。〔卒子云〕理會的。〔李綱云〕衆將望闕跪者。聽聖人的命。大宋朝太祖開基。託賢臣文武扶持。傳位至徽欽二主。被金兵撥亂華夷。兀朮賊連年侵侮。多虧了衆將岳飛。率兵剿百十餘戰。與皇家堪爲柱石。韓世忠伯英等將。功勳大天下稱奇。破金寇生擒賊首。安宗廟穩勝磐石。岳飛爲開國侯。總都大帥。懸金印威鎮邊陲。劉光世張伯英官封一品。韓世忠坐都堂。磨子封妻。望金闕揚塵舞蹈。齊祝讚聖明朝洪福天齊。

題目 金兀朮侵犯邊境

正名 宋大將岳飛精忠

岳飛精忠穿關

頭折

金兀朮

狐帽 蟒衣曳撒 毛襖 撒袋弓箭

三髯髯 番卒子

練垂帽 虎兒斑丟袖 貼裏 皮條茄袋 刀粘罕 鐵罕 練

秦檜 同前 正末

秦檜 同前 正末

秦檜 同前 正末

秦檜 同前 正末

秦檜 同前 正末

狐帽 皮襖

戰裙 李綱 兔兒角幘頭

補子 卒子 紅碗子盔

青布釘 秦檜 同前 正末

秦檜 同前 正末

秦檜 同前 正末

秦檜 同前 正末

秦檜 同前 正末

秦檜 同前 正末

秦檜 同前 正末

岳飛

直縷 襜褕 帶劍 三髯髯

韓世忠 張俊 劉光世

項帕 直縷 襜褕

項帕 直縷 襜褕

項帕 直縷 襜褕

項帕 直縷 襜褕

項帕 直縷 襜褕

項帕 直縷 襜褕

項帕 直縷 襜褕

項帕 直縷 襜褕

帶劍 三髯髯

第二折

正末岳飛 韓世忠 張俊 劉光世 卒子

同前 岳雲 世忠

同前 岳雲 世忠

同前 岳雲 世忠

同前 岳雲 世忠

同前 岳雲 世忠

同前 岳雲 世忠

楔子

粘罕 番卒子

同前 躍馬兒

同前 躍馬兒

同前 躍馬兒

同前 躍馬兒

同前 躍馬兒

同前 躍馬兒

同前 躍馬兒

同前 躍馬兒

同前 躍馬兒

第三折

兀朮番卒子粘罕鐵罕

同前

兀朮番卒子又上

同前

拐子馬旗號鑼鼓

正末岳飛岳雲

張憲韓世忠劉光世張俊卒子

同前

卒子十人

同前

麻扎刀

粘罕鐵罕又上

同前

兀朮番卒子又上

同前

正末岳飛岳雲

張憲卒子又上

同前

韓世忠張俊劉光世

同前

又上

同前

第四折

李綱卒子正末岳飛衆將

同前

卒子拏粘罕鐵罕

同前

萬曆四十三年六月初五日校內本清常道人

梁山五虎大劫牢

關名

頭折

〔冲末宋江同吳學究領僮僕上〕〔宋江云〕寨名水滸住梁山。好漢英雄透膽寒。四面方圓八百里。三十六水面蓼花灘。某姓宋名江字公明。綽名順天呼保義。曾爲鄆州鄆城縣把筆司吏。因與閻婆惜作伴。有梁山上托塔天王晁蓋寫書來招安某上山。某當夜酒醉睡着。閻婆惜盜了書呈。某覺來尋書不見。以知是閻婆惜。恐怕人知。被某殺了閻婆惜。脚踢翻蠟燭臺。沿燒了官房。官軍捕盜將某拏住。送赴本縣。本是致傷人命。多虧了刑房司吏。出脫某殺人之罪。改做誤傷人命。杖了八十。迭配江州牢城營。路打梁山過。多虧晁蓋哥哥。教某上山。讓某第二把交椅坐。晁蓋因三打祝家莊身亡。衆弟兄每拜某爲頭領。聚三十六大夥。七十二小夥。半坡來小僮僕嘯聚梁山。學究哥。我有一件事。與哥哥商議。〔吳學究云〕哥哥不知有何事也。〔宋江云〕我打聽的潯州有一人是韓伯龍。此人其家巨富。文武兼濟。使一條鐵棒。打天下無對。我有心招安此人上山。學究哥意下如何。〔吳學究云〕哥哥。似此英雄好漢。正可招安上山也。〔宋江云〕哥哥。我如今差點撲天鵬李應。此人年小聰俊。着他下山。招安韓伯龍。走一遭去。有何不可。小僮僕喚的李應來者。

〔僕僮云〕理會的。撲天鵬李應安在。〔正末扮李應上〕云某乃撲天鵬李應是也。在於宋江哥手下爲頭領。正在寨中。宋江哥呼喚。須索走一遭去也呵。〔唱〕

〔仙呂點絳脣〕則爲我智勇剛強。少年雄壯。多才量。憑着這闊劍長鎗。豪氣三千丈。

〔混江龍〕我端的言無虛誑。我也曾戰官軍迭併數千場。愛的是忠臣孝子。敬的是德行賢良。害的是倚勢挾權豪貴客。救的是無挨困苦受孤孀。端的是誰敢相侵傍。俺可便威名廣大。四海傳揚。云可早來到也。小僕僮報復去。道有李應來了也。〔僕僮云〕理會的。喏。報的哥哥得知。有李應在於寨門首。〔宋江云〕着他過來。〔僕僮云〕理會的。過去。〔正末見科〕云哥。您兄弟來了也。喚我有何事。〔宋江云〕某今喚你來。有一件事用你。未知你心下如何。你試猜者。〔正末云〕您兄弟試猜者。〔唱〕

〔油葫蘆〕莫不是濫吏賊官將民業攘。〔宋江云〕不是。〔正末唱〕莫不是姦盜廣。〔宋江云〕也不是。〔正末唱〕莫不是近梁山逆子毀爺娘。〔宋江云〕也不是。〔正末唱〕莫不是弟兄不肯行謙讓。〔宋江云〕衆弟兄尊某爲兄。坐頭一位。誰敢不敬某。也不是。〔正末唱〕莫不是競田宅無倚投詞狀。〔宋江云〕也不是。〔正末唱〕莫不是山寨中倉廩乏。〔宋江云〕

不是〔正末唱〕莫不是權豪將民庶傷。〔宋江云〕也不是。〔正末唱〕莫不是蓼兒窪地業新開。〔宋江云〕也不是。〔正末唱〕莫不是賊寇損農桑。〔宋江云〕也不是。你都猜不着。〔正

末云〕好是奇怪也。〔唱〕

〔天下樂〕空教我腹內尋思論短長。思也波量。多半晌。好教我意躊躇悶懷難對當。你這般心慮多。我這裡無伎倆。你與我訴實情。空妄想。〔云〕哥有甚麼事。與您弟兄說者。〔吳學究云〕哥哥。明白說與李應。怕做甚麼。〔宋江云〕兄弟也。我爲甚麼教你猜。則怕你不曾幹事。某打聽的灤州有一人。是韓伯龍。此人其家巨富。更文武兼濟。使一條鐵棒。打天下無對。我有心招安此人上山。某今差你下山。招安一遭。你意下如何。〔正末云〕哥。您兄弟去則便了也。〔唱〕

〔醉扶歸〕你道他文武多才量。英勇世無雙。〔宋江云〕兄弟。俺正意的則是着您招安他去也。〔正末唱〕你教我特意招安到遠方。我可也怎敢道是相違抗。不是我誇稱自獎。穩情取我手裏到梁山上。〔宋江云〕兄弟也。你年紀幼小聰俊。此一去必然成功也。辭別了某。便索長行也。〔正末云〕哥。您兄弟辭別了。便索下山去也。〔唱〕

〔後庭花〕你可也莫憂愁。自忖量。〔宋江云〕兄弟。你若到灤州。見了韓伯龍。務要招安他上

山來。〔正末唱〕我端的便到灤州有義方。我是箇出水金精獸。穩情取擎天架海梁。〔宋江云〕說此人使一條鐵棒。好生英勇也。〔正末唱〕你道他不尋常。使一條齊眉鐵棒。善威風。有膽量。能忠義。有主張。普天下人讚揚。〔宋江云〕兄弟。此一去則要你着志者。

〔正末唱〕

〔柳葉兒〕也不索心懷悒悒。何須的說短論長。〔宋江云〕兄弟。你下山去。則要你幹事的當也。〔正末唱〕我端的平生幹事能的當。這一去心舒暢。那其間却還鄉。休承望心意行唐。〔宋江云〕兄弟。此一去。小心在意者。〔正末云〕哥哥放心也。〔唱〕

〔尾聲〕今日箇辭却宋公明。我又索行色添悽愴。何須要分星擘雨。則我這自己誇談都是枉。何須要說短論長。莫荒唐。憑着我志氣軒昂。也不索晝夜思量。心內想。也不索掂斤播兩。顯耀我這英雄猛將。恁時節喜孜孜。將士肯伏降。〔下〕〔宋江云〕李應去了也。此一去。韓伯龍必然歸伏俺梁山也。李應今日逞英雄。特下梁山見伯龍。全憑智勇施藝業。恁時方表見頭功。〔下〕

第二折

〔外扮韓伯龍同旦兒領俵兒淨與兒上〕〔韓伯龍云〕弓馬熟閑自幼習。能爭好鬪把名馳。頂天

立地英雄漢。博取聲名四海知。小可灤州人氏。姓韓。雙名伯龍。嫡親的三口兒家屬。渾家陳氏。所生一子。喚做京住。這箇小的是俺家孩兒。喚做興兒。家中頗有資財。是這灤州數一數二的財主。我平昔好弓馬武藝。四方往來好漢。我多曾與他比試。無有不伏。爲人在世。空學成十八般武藝。熟閑。爭奈不能立身。皆造物所係也。時遇冬暮間。天道紛紛揚揚。下着國家祥瑞。風又大。雪又緊。在此看街樓上。何不賞雪飲酒。興兒看酒殺來。〔旦兒云〕興兒看熱酒來。這般偌大的風雪。正好飲幾杯。〔興兒云〕理會的。酒在此。妳妳先遞一杯。興兒執壺。〔旦兒做遞酒科〕〔云〕韓伯龍。你滿飲一杯。〔韓伯龍云〕興兒將酒來。大嫂。你也飲一杯。〔旦兒做飲酒科〕〔韓伯龍云〕慢慢的飲酒。樓下望者。看有甚麼人來。〔淨店小二上〕〔云〕買賣歸來。汗未消。上床猶自想來朝。爲甚麼家頭先白。曉夜思量計萬條。自家店小二的便是。我這店裏。下着一箇客人。害了一場天行證候。房宿飯錢都少下。大主人家埋怨我。着我遣他出去。他又不肯出來。下着這般的大雪。怎麼得賺他出去。可也好也。則除是這般兀那君子。門首有人尋你哩。你出來答應他去。〔正末扮李應上〕〔云〕哥也。偌大的風雪。你喚我做甚麼。〔店小二云〕門首有兩箇人尋你。等着你哩。你見他去。〔正末云〕哥休關小人耍。〔店小二云〕我不關你耍。你看去。這不是。〔正末云〕是真箇。我出的這門來。〔店小二云〕出去。我關上這門。凍死餓死。不干我事。我則家去也。〔下〕〔正末云〕哥也。開門。

來。偌大的風雪。着我往那裡去的是。他關上這門。可怎生是好。這裡也無人。自家李應的便是。自從離了梁山。來到這店肆中。染了一場天行的證候。將次痊可。少下店小二的房宿飯錢。將我遣趕離門。時遇冬天。下着這般大雪。身上無衣。肚裏無食。可怎了也呵。〔唱〕

〔中呂粉蝶兒〕我則見瑞雪紛紛。剪鵝毛片時成陣。你看這應天關密布彤雲。起寒風飄玉粉。却又早秋霜兩鬢。瑞氣氤氲。恰便似糝瓊花片時掃盡。

〔醉春風〕我則見淅淅雪飄疾。颼颼風越緊。似這般風吹雪緊凍難移。怎生教我忍。忍看別人畫閣重關。翠樓深掩。輪到我有誰瞅問。〔云〕來到這家兒門首高房子。必然是一箇財主人家。我無計所奈。唱些兒蓮花落者。〔唱科〕一年家春盡一年家春。天轉地轉。倒也倒也。〔做倒科〕〔韓伯龍云〕興兒。甚麼人門首炒鬧。你試看去者。〔興兒云〕理會的。可不早說。俺家門首凍倒一箇人也。〔韓伯龍云〕興兒扶上樓來。〔興兒云〕理會的。兀那君子。你有福上樓來。上樓來。〔做扶正末上樓科〕〔韓伯龍云〕興兒。生些炭火。着他靠煖處些。可憐人也。將熱酒來。與他喫者。〔興兒云〕理會的。你喫些熱酒兒。〔正末做喫酒科〕〔韓伯龍云〕兀那君子。你這一會兒覺如何。〔正末云〕這一會兒身上和煖了也。〔唱〕

〔紅繡鞋〕若不是乞賜與金波九醞。險些做了北邙山無主孤魂。你這般濟救。

顛危助窮民。更那堪心寬大。端的是善爲仁。可憐見這小乞兒常受窘。〔韓伯龍

云〕一箇好年小聰俊的後生也。兀那後生。你那裡人氏。姓甚名誰。因甚麼餓倒在這大雪裏來。

〔正末云〕不瞞長者說。小人乃東平府人氏。來到這灤州。做些買賣。不想染了這場天行證候。本利傷折。將次痊可。少下店小二房宿飯錢。將我遣趕出來。時遇冬天。紛紛揚揚下着這般大雪。肯分的凍倒在長者門首。若不是那壁長者救了。小人那裡得我這性命來。〔韓伯龍云〕好可憐也。大嫂。我有心要認義兄弟。結拜他。你意下如何。〔旦兒云〕韓伯龍。隨你主意也。〔韓伯龍云〕不妨事。兀那君子。我有心認義你做箇兄弟。你意下如何。〔興兒云〕長者。未知是好人歹人。你省的捍麵杖壓簍兒。你處操。〔正末云〕長者休關小人要。〔韓伯龍云〕我不關你要。從今後則在我家裏住。〔正末云〕索是謝了哥哥嫂嫂。李應也。這的是睡裏夢裏也。〔唱〕

〔石榴花〕若不是富家郎德厚惜孤貧。這其間何處得安身。感謝這吾兄寬大志常存。比當時禹鈞。勝似純仁。似這般恤孤念寡憐危困。更那堪布德施恩。寬洪海量行忠信。你端的四海總爲人。〔韓伯龍云〕兀那君子。看了你這般動靜。也不是受貧的人。〔正末唱〕

〔鬪鷄鶉〕似這般性烈忠直。廉能敬謹。小人也乞化終朝。避不的避不的笑哂。

這的是半世飄零不進身。今日箇幸遇親。從今日吐膽傾心。我與你從根至本。

〔韓伯龍云〕兄弟也。從今已後。則在我家中住也。〔正末云〕多謝了哥哥嫂嫂也。〔唱〕

〔十二月〕你將我看承做上賓。險些兒命在逡巡。我做了乞食的劍客。你做了箇慷慨的田文。謝你箇有德行哥哥愛憫。這其間無處安身。

〔堯民歌〕呀。送的我孤身不離了瓦窰門。遠街蹺戶怎安存。今日箇崢嶸得志假成真。得時須報大恩人。慙也波慙。忠心報主恩。則在人方寸。〔旦兒云〕興兒收拾了這酒果者。〔興兒云〕理會的。〔韓伯龍云〕兄弟。你回後堂中更換衣服去。〔正末云〕您兄弟理會的。〔唱〕

〔尾聲〕謝尊兄德性寬。你爲人絕比倫。則這箇結昆朋。纔把親兄認。你看我扶助的哥哥。我可也證了本。〔下〕〔韓伯龍云〕大嫂。誰想今日認着了箇兄弟。我心中好生喜歡。天色晚了也。且回後堂中去來。今朝結義爲兄弟。異日須知有報時。〔下〕

第三折

〔宋江同吳學究領僕僮上〕〔宋江云〕某乃宋江是也。自從差李應下山。招安韓伯龍去了。可早半載光景。音信皆無。着某懸懸在心。學究哥。我如今再差頭領下山接應李應去。哥哥意下如何。

〔吳學究云〕哥哥說的是。正當差人接應去也。〔宋江云〕小僮僕喚將魯智深來者。〔僮僕云〕理會的。魯智深安在。〔魯智深上〕〔云〕敢戰官軍膽氣。經文佛法半星無。袈裟影裏真男子。削髮叢中大丈夫。某乃魯智深是也。佐於宋江哥麾下爲頭領。小僮僕來報。宋江哥呼喚。不知有甚事。須索走一遭去。可早來到也。小僮僕報復去。道有魯智深來了也。〔僮僕云〕理會的。喏。報的哥哥得知。有魯智深來了也。〔宋江云〕着他過來。〔僮僕云〕理會的。過去。〔做見科〕〔魯智深云〕喏。哥。您兄弟來了也。〔宋江云〕你且一壁有者。小僮僕喚的武松來者。〔僮僕云〕理會的。武松安在。〔武松上〕〔云〕性惡虯疎敢自當。梁山寨上顯高強。幼年勇躍能敵對。雙拳打虎景陽岡。某乃武松是也。佐於梁山宋公明麾下爲頭領。正在後山演習武藝。小僮僕來報。宋江哥呼喚。不知有甚事。須索走一遭去。可早來到也。小僮僕報復去。道有武松來了也。〔僮僕云〕理會的。喏。報的哥哥得知。有武松來了也。〔宋江云〕着他過來。〔僮僕云〕理會的。過去。〔做見科〕〔武松云〕喏。哥。您兄弟來了也。〔宋江云〕魯智深武松。喚您二人。別無他事。因爲濰州有一人。是韓伯龍。此人弓馬熟閑。英雄好漢。我着撲天鵬李應下山。招安韓伯龍。去了半載光景。不見上山。不知爲何。則怕李應着絆。您二人則今日下山。接應李應。招安韓伯龍。走一遭去。則要您小心在意者。〔魯智深云〕得令。則今日辭別了哥哥。便索下山。接應李應。走一遭去。蒙將令不須停撓。宋公明仁慈寬大。到濰

州打探實情。俺二人同回山寨。〔下〕〔武松云〕則今日辭別了哥哥。便索下山。接應李應。招安韓伯龍。走一遭去。武松不避路迢遙。今朝豈怕受劬勞。李應不知音信杳。親身接應撲天鵬。〔下〕〔宋江云〕魯智深。武松去了也。學究哥。我再差二人。隨後接應。有何不可。〔學究云〕哥哥說的是。〔宋江云〕小僮僮。喚將劉唐來者。〔僮僮云〕理會的。劉唐安在。〔劉唐云〕慣戰交兵誰可比。廝殺相持能對壘。梁山好漢有聲名。本姓劉唐赤髮鬼。某乃赤髮鬼劉唐是也。正在後山演習武藝。小僮僮來報。宋江哥呼喚。不知有甚事。須索走一遭去。可早來到也。小僮僮報復去。道有劉唐來了也。〔僮僮云〕理會的。喏。報的哥哥得知。有劉唐來了也。〔宋江云〕着他過來。〔僮僮云〕理會的。過去。〔做見科〕〔劉唐云〕喏。哥。您兄弟來了也。〔宋江云〕劉唐且一壁有者。小僮僮喚將阮小五來者。〔僮僮云〕理會的。阮小五安在。〔阮小五上〕〔云〕騙馬輪刀斧共鎗。人人英勇貌堂堂。捉虎擒蛟真壯士。好漢聲名播四方。某乃阮小五是也。在此梁山宋公明麾下爲頭領。小僮僮來報。宋江哥呼喚。不知有甚事。須索走一遭去。可早來到也。小僮僮報復去。道有阮小五來了也。〔僮僮云〕理會的。喏。報的哥哥得知。有阮小五來了也。〔宋江云〕着他過來。〔僮僮云〕理會的。過去。〔做見科〕〔阮小五云〕喏。哥。您兄弟來了也。〔宋江云〕喚您二人來不爲別。因爲濰州有一人。是韓伯龍。此人英雄好漢。我着李應下山。招安去了。不覺半載光景。不見上山。我着魯智深并武松接應。

去了。則怕有失。您二人則今日下山接應。走一遭去。則要您小心在意者。〔劉唐云〕得令。則今日奉哥哥將令。下山寨接應。走一遭去。疾忙前去不停留。吾兄心下莫憂愁。速離寨棚登途路。親身接應到灤州。〔下〕〔阮小五云〕則今日辭別了哥哥。接應衆將。走一遭去。蒙差遣豈敢消停。宋公明囑付叮嚀。阮小五忙離山寨。下梁山便索登程。〔下〕〔宋江云〕衆將去了也。學究哥無甚事。隨後山中飲酒去來。今日親將頭領差。登山驀嶺踐塵埃。若見李應疾回報。四人絕早上山來。〔同下〕〔正末扮李應上〕〔云〕自家李應的便是。自下梁山。不想得了一場天行證候。肯分的凍倒在韓伯龍門首。認義爲兄弟。雖然在此受用。宋江哥好是憂心也呵。〔唱〕

〔正宮端正好〕蒙大德受深恩。謝兄長行寬恕。我如今到家中半載有餘。樂醕醕每日無憂慮。端的是共飲相歡聚。

〔滾繡毬〕謝仁兄德不孤。將貧困來扶。他有那孟嘗君般心肚。不爭你受榮華。心意狂圖。惹的這吳學究心內焦。宋公明眉不舒。這其間望佳音旦夕朝暮。好教我急煎煎短嘆長吁。幾時得功成名就還山寨。這的是君子無毒不丈夫。心下躊躇。〔云〕我在家中悶坐。看有甚麼人來。〔魯智深扮和尚同武松扮行者上〕〔魯智深云〕某魯智深是也。這一位乃是武松。奉着宋江哥的將令。到此灤州。接應李應兄弟。聞人來。道是韓伯

龍家門裏有人麼。〔正末云〕甚麼人喚門。我試看者。〔見科〕〔正末云〕兀的不是魯智深和武松哥。〔武松云〕不要大驚小怪的。〔正末云〕您家裏來。〔魯智深云〕韓伯龍在家麼。〔正末云〕不在家。你二人則推在此化齋。〔武松云〕你說的是。〔正末云〕下次小的每看齋來。〔唱〕

〔倚秀才〕我敬的是蓮座上如來佛祖。我情願助道糧持齋施主。你可甚麼德重須教龍虎伏。則你那瞞天智語無虛。你是這當途臥虎。〔魯智深云〕這種也別無人。宋江哥久等多時也。〔正末云〕哥不是您兄弟害了一場天行證候。這其間到梁山久矣也。

〔武松云〕你怎生得這病來。〔正末唱〕

〔呆骨朵〕則爲我命將危。折倒的身無措。感謝這韓伯龍救困扶危。〔魯智深云〕你怎生到這裡來。〔正末唱〕我將他認義爲兄。他觀我似同胞共乳。〔武松云〕你戀韓伯龍富貴。忘了宋公明。不肯還於山寨也。〔正末唱〕非是我忘恩義。我可也豈戀家豪富。則這箇有仁心韓伯龍。比着我那宋公明不待古。〔魯智深云〕兄弟。論你心下如何。〔正末云〕二位哥不知。明日是清明節屆。韓伯龍往郊外踏青。你二人扮作師徒。與他戰鬪。引他上梁山。我後邊放火。燒了他房舍。他必然歸降俺也。〔武松云〕此計大妙。你則小心在意者。〔正末云〕哥哥。此人好生英勇也。〔唱〕

〔伴讀書〕不是我生奸慮。除此外別無故。你與我鬪打相爭行跋扈。俺端的殺人放火爲活路。你是必遮截架解勞防禦。休看的似有如無。

〔笑歌賞〕他他他論英雄有智謀。是是是鐵棒起難敵拒。敢敢敢但犯着無輕恕。你你你自暗伏。我我我話從初。來來來勾引上梁山去。〔魯智深云〕到來日某扮

做化緣和尚。武松爲行者。將韓伯龍好共歹勾引上梁山去也。〔正末云〕你二人小心在意者。

〔武松云〕你放心也。〔正末唱〕

〔尾聲〕尋思計策擒彪虎。准備機關打鳳雛。魯智深你英雄世上無。韓伯龍威風武藝熟。宋公明英才有計術。吳學究當權智有餘。俺端的名播清風萬萬古。〔同下〕

第四折

〔韓伯龍同正末淨興兒挑擔兒上〕〔韓伯龍云〕但將酩酊酬佳節。何用登臨怨落暉。自家韓伯龍便是。自從認義了兄弟李應。可早半載光景也。過日月好疾也。一箇好兄弟。幹家做活。吃辛苦。時遇清明節令。家家上墳拜掃。興兒將着春盛擔子。紅乾臘肉。俺弟兄二人。到於郊外踏青賞翫。兄弟是好節令也。〔正末云〕哥哥看了這桃紅柳綠。仕女鞦韆。香車寶馬。燒錢烈紙。來往交雜。

是好清明節令也呵。(唱)

〔越調鬬鵲〕試看這柳綠桃紅。佳人羅綺。更和這紫陌紅塵。青山綠水。寶馬香車。遊人共喜。紅杏邊。綠柳堤。共賞春光。香浮綠蟻。

〔紫花兒序〕綠茸茸芳茵繡草。高聳聳仕女鞦韆。錦重重紅杏疎籬。我則見一川景物。四壁屏圍。堪詠堪題。一段春光錦繡堆。眞乃是繁華之地。驀聽的一派笙歌。絃管聲齊。(韓伯龍云)來到這荒郊野外柳陰直下。與兒看酒食來。我與兄弟橫飲數杯。(興

兒云)這裡正好喫酒。打將這野草來。打着這火石。燒着這草。釀的這酒熱。二叔。你遞一杯。(正末云)興兒將酒來。我與哥哥遞一杯酒。哥哥滿飲此杯。(韓伯龍云)兄弟先請。(正末唱)

〔小桃紅〕我這裡高擎佳釀捧金杯。慶賞春光媚。百載光陰拚沉醉。莫呆癡。人生能幾皆相會。則俺這青春遲日。趁着這年華榮貴。我則怕白髮故人稀。(興兒云)你看那家至戶到。燒錢烈紙。啼天哭地。不由的我也煩惱了。我那兒也。(韓伯龍云)兄弟也。你看那大男小女。燒錢烈紙。苦痛哀憐。是好傷感也。(正末云)哥哥。想人生會少離多。爭長競短。你死我活。便好道三寸氣在千般用。一日無常萬事休也。(唱)

〔調笑令〕趁風光物美且銜杯。見如今古往今來放過誰。啗人這離多會少空

勞力。電光般兔走鳥飛。則啗這樽中有酒且莫推。轉頭空百事休題。〔興兒云〕二叔好熱酒兒。你再遞一杯。〔正末云〕哥哥滿飲一杯。〔韓伯龍云〕將酒來。我再飲一杯。〔正末云〕哥哥。俺怕不在此飲酒。俺偌大的箇家當。止有嫂嫂和姪兒在家。恐有疎失。可怎了也。哥哥。你慢慢的來。您兄弟先回家中去也。〔韓伯龍云〕兄弟。你說的是。俺怕不賞春飲酒。家中別無人。止有你嫂嫂和姪兒。無人看管。兄弟。你先回去罷。〔正末云〕理會的。興兒好生看哥哥。我先回去也。
〔下〕
〔韓伯龍云〕兄弟去了也。興兒。俺在此慢慢的飲幾杯酒。看有甚麼人來。〔興兒云〕天色還早哩。好熱酒兒。再飲幾杯。嚕家去。〔魯智深同武松擊禪杖上〕
〔魯智深云〕某乃魯智深是也。武松。俺打扮做出家兒僧人。則說是師徒二人。來到這郊外也。問人來。兀那柳陰直下飲酒的。他便是韓伯龍。武松。俺向前拖逗他去來。〔武松云〕哥。看了此人中珠模樣。是一箇英雄好漢也。俺拖逗他者。
〔做見科〕
〔魯智深云〕問訊。貧僧是行路的師徒二人。饑渴之際。一逕的問長者抄化些酒肉食用。
〔韓伯龍云〕好和尚也。那箇出家兒的和尚。吃酒肉來。
〔魯智深云〕長者。酒肉穿腸過。佛在心頭坐。這酒肉你吃的。我也吃的。
〔武松云〕和他說什麼。你姓甚名誰。
〔韓伯龍云〕兀那和尚。你不認的我。則我便是韓伯龍。
〔武松云〕你便是韓伯龍。敢和那厮打麼。
〔韓伯龍云〕量你到那裡。少走。
〔做掣鎗子打科〕
〔交關三科〕
〔魯智深云〕俺走走走。
〔二人同下〕
〔韓伯龍云〕這

厮走了也。走到天涯。趕到海嶠。不問那裡。趕將去。〔下〕〔興兒慌云〕天也。甚麼勾當。平白地走將這兩箇和尚來。就打將起來了。把匾擔奪將去。怎了。丟下許多家活。着我獨自一箇。怎麼將的去。天也。天也。〔做跌脚打滾起身科〕〔云〕都去了。我也家去。〔下〕〔旦兒同僚兒上〕〔云〕妾身陳氏。俺夫主是韓伯龍。和小叔郊外踏青去了。可怎生還早晚不見來家。〔正末上〕〔云〕被我三言兩句話。支過了韓伯龍。我回家中。放一把火去。可早來到也。我與你暗暗的放火者。〔做放火科〕〔旦兒同僚兒慌科〕〔旦兒云〕韓伯龍不在家。不知怎生火起。兀的不誑殺我也。〔官軍上〕〔云〕救火也。救火也。〔正末唱〕

〔禿厮兒〕烈焰生紅光迸起。照天關電走虹霓。我則見官軍左右前後圍。〔旦兒云〕可怎了也。韓伯龍又不在家。兀的不痛殺我也。〔正末唱〕他那裡痛傷悲。可使悲啼。〔官軍云〕是韓伯龍家火起。將他渾家并孩兒。拏的見官去來。〔拏旦兒僚兒科〕〔旦兒悲科〕〔云〕兀的痛殺我也。〔同下〕〔正末云〕我與你走也。〔唱〕

〔聖藥王〕我這裡行步疾。走似飛。忘生拚命莫延遲。常言道。人自欺。天不虧。則爲他才高智勇善勦敵。今日箇獨自一箇落便宜。〔云〕某不敢久停。回梁山去也。〔唱〕〔尾聲〕則這箇英雄漢。若肯向梁山內。衆弟兄齊聲賀喜。成就了宋公明。韓伯

龍低首無言。恁時節悔。〔下〕

第五折

〔宋江同吳學究領僮僕上〕〔宋江云〕自從差將離山寨。招集英雄久未回。某乃宋江是也。自從差魯智深武松劉唐阮小五四將。下山接應李應。招安韓伯龍去了。不見上山回報。小僮僕踏著山崗望者。若四將來時。報復某知道。〔僮僕云〕理會的。〔魯智深武松劉唐阮小五拏韓伯龍同上〕〔魯智深云〕某乃魯智深是也。俺弟兄四人。拏住韓伯龍。上梁山見宋江哥去。可早來到也。小僮僕報去。道有魯智深等四人。拏將韓伯龍來了也。〔僮僕云〕理會的。喏。報的哥哥得知。今有魯智深等。拏將韓伯龍來了也。〔宋江云〕學究哥。果然拏將韓伯龍來了也。着他過來。〔僮僕云〕理會的。過去。〔衆做見科〕〔韓伯龍做跪科〕〔魯智深云〕哥也。您兄弟拏將韓伯龍來了也。〔宋江云〕釋了縛者。韓伯龍。我聞知你是英雄好漢。故意的着衆將招安你上山。就爲頭領。你意下如何。〔韓伯龍云〕太保。韓伯龍怕不待投於麾下。爭奈妻子牽掛。潑天也似家緣家計。急難棄捨也。〔宋江云〕你若肯佐於某麾下。不在他人之右。必當重用也。〔韓伯龍云〕太保。小人嬌妻幼子。無所歸著。太保可憐見。放小人回還也。〔宋江云〕既然堅意不肯。且放你下山去。你若無是無非。亦無話說。若是有危有難。我着衆頭領搭救你上山。後會有期也。〔韓伯龍云〕謝了太保。不敢久

停久住。離了梁山。回我那濰州去也。〔下〕〔魯智深云〕哥。俺衆將拏他來。可怎生又放回去了。〔宋江云〕衆弟兄。您那裡知道。我自有主意。安排酒殺。後山中與兄弟慶功飲酒去來。〔同下〕

〔韓伯龍上〕〔云〕某乃韓伯龍是也。多蒙宋江可憐。將某放下山來。回我那濰州去。可早來到本鄉中也。我慢慢的行。〔外扮官軍二人上〕〔云〕自家官軍的便是。今有韓伯龍火燒了房舍。結交梁山泊裏好漢。他走了也。如今捉拏他來。到這長街市上。凡的不是韓伯龍。拏住者。〔做拏住科〕

〔韓伯龍云〕哥哥爲何拏我。〔官軍云〕爲你火燒了房舍。結交梁山泊裏好漢。拏住你也。下在死囚牢裏去來。〔韓伯龍哭科〕〔云〕天那。怎生是好也。可着誰人救我也。〔同拏下〕

〔宋江同魯智深武松劉唐阮小五上〕〔宋江云〕某乃宋江是也。自從放韓伯龍回去。他到於濰州。被官軍拏住。不合結交梁山泊好漢。如今下在死囚牢中。魯智深武松劉唐阮小五同李應。您弟兄五人。同下山劫牢。走一遭去。務要搭救韓伯龍上山。則要您幹事成功者。〔魯智深云〕哥。你但放心。俺弟兄五箇。則今日去濰州劫牢。走一遭去。人人奮怒逞英豪。官軍捕盜不相饒。俺便似吊客喪門和太歲。試看這梁山五虎大劫牢。〔同下〕

〔宋江云〕衆將去了也。此一去必然救了韓伯龍也。五員虎將顯英才。好漢遭逢羅網災。繫獄之囚休心困。便是虎窟龍潭救出來。〔下〕

〔張千上〕〔云〕手執無情棒。懷揣滴淚錢。曉行狼虎路。夜伴死屍眠。自家五衙內都首領張千的便是。如今有韓

伯龍結交梁山泊裏好漢。三口兒都下在牢中。今日該我當直。弟兄每把那韓伯龍掙出來。〔祇候枷韓伯龍同旦兒傑兒上〕〔韓伯龍云〕哥哥可憐見。小人也是出於無奈也。〔張千云〕兀那韓伯龍犯法身無主。天色晚了也。上了刑法。休要大呼小叫的。則怕提牢官來。〔正末同武松魯智深阮小五劉唐上〕〔魯智深云〕天色晚也。俺弟兄每劫牢去來。〔正末云〕俺行動些也。〔唱〕

〔雙調新水令〕則聽的畫樓中禁鼓。可便恰初交。你看這五員將施逞勇躍。威雄如跳澗虎。勢猛似出波蛟。一箇箇豪氣冲霄。則他這冤讎恨眼前報。〔武松云〕來到也。這早晚夜深也。俺五將正好劫牢。救韓伯龍也。〔魯智深云〕兄弟你說的是。俺五虎將跳過這牆來。我與你打開這牢門。衆人吶喊者。〔衆人喊叫科〕〔張千云〕不好了。有劫牢的也。俺逃命走走。〔下〕〔劉唐云〕俺將這一牢的人都放了。韓伯龍。你三口跟着俺逃命去來。〔正末云〕兀那弓兵休來趕。但來趕呵。人人皆死。箇箇身亡。韓伯龍哥哥嫂嫂孩兒。跟着俺逃命走走。〔韓伯龍云〕多謝衆太保可憐見。救俺三口兒之難也。〔正末唱〕

〔鴈兒落〕俺這裡人人施勇驍。箇箇通謀略。存心救濟人。惻隱行公道。

〔得勝令〕呀。我與你衝破虎狼巢。險些兒失散了鳳鸞交。今日箇父子重完聚。則俺這恩情不憚勞。顯耀些英豪。我這裡勇鬪驅殘暴。怎肯道耽饒。試看俺威

風膽氣高。〔魯智深云〕將一牢人都放了也。俺五虎將。保着韓伯龍三口兒。親上梁山。見宋江哥哥去來。〔同下〕〔宋江同吳學究領僮僕上〕〔宋江云〕某乃宋江是也。我差五員虎將。將劫牢去了。不見來。小僮僕踏着山崗望者。若來時。報復某知道。〔僮僕云〕理會的。〔正末同魯智深武松劉唐阮小五韓伯龍旦兒領條兒上〕〔正末云〕哥哥。疾快行動些。〔韓伯龍云〕若不是衆位太保。可怎了也。〔魯智深云〕兄弟。可早來到也。小僮僕報復去。道有俺五虎將同韓伯龍來了也。〔僮僕云〕理會的。喏。報的哥哥得知。今有五虎將同韓伯龍來了也。〔宋江云〕着過來。〔僮僕云〕理會的。過去。〔正末同衆見科〕〔云〕哥哥。俺五虎將劫牢。救將韓伯龍來了也。〔宋江云〕好兄弟。不枉了也。〔魯智深云〕俺兄弟五人。將牢打開。一牢人都救出來了也。〔宋江云〕韓伯龍。你今日歸於梁山也。〔韓伯龍云〕若不是哥哥遣五虎將劫牢搭救俺呵。豈有今日也。〔宋江云〕某怎肯教兄弟陷於不義也。李應。你五虎將怎生劫牢來。你慢慢的說一遍者。〔正末云〕聽李應慢慢的說一遍者。〔唱〕

〔川撥棹〕當日我逞龍豪。遇官軍惡戰討。一箇箇舞劍輪刀。忠義堅牢。者其他四壁下官軍列繞。我仗威風逞躁暴。〔武松云〕憑俺弟兄英勇。量那官軍。到的那裡也。〔正末唱〕

〔七弟兄〕俺可使智略藝高。則聽的鬧鑊鐸劍離匣。扯出沙魚鞘。仗威風英猛。立功勞。殺人放火除姦盜。〔宋江云〕兄弟。憑着您衆頭領的勇智。量那官軍。到的那裡也。〔正

末唱〕

〔梅花酒〕呀。一箇箇顯六韜。武勝文高。膽量誰學。貫滿皇朝。天罡星臨世間。施仁義建功勞。我可便奮氣惡。除奸佞斬兒曹。平生志不虛囂。〔宋江云〕您五虎將劫了牢。救了韓伯龍。又將一牢罪囚。盡皆放了。皆是衆兄弟之能也。〔正末唱〕

〔收江南〕呀。我將這獄囚人扶策的上青霄。則我這弟兄恩義有誰學。宋公明今日稱心苗。願天長地老。俺須索敲牛慶喜宴佳殺。〔宋江云〕因爲韓伯龍文武兼備。不期陷於牢獄之中。某遣魯智深李應武松阮小五劉唐五虎將下山劫牢。救韓伯龍上山。今日俺敲牛宰馬。殺羊造酒。做一箇慶喜的筵席。久鎮梁山顯姓名。體天行道有功能。拔刀相助扶危困。驟馬逢迎敢戰爭。忠義堂前英勇將。扶持寨主宋公明。點差李應離山寨。親去招安韓伯龍。李應放火燒房舍。武松四將逞威風。今日飲罷慶功酒。永息干戈享太平。

題目 李應酬恩韓伯龍

正名 梁山五虎大劫牢

大劫牢穿關

頭折

宋江記字巾蟒衣曳撒 項帕 直 吳學究 唐巾 補子圓領 樓羅記字巾法墨趂 直纏 搭膊 帶 帶劍 三髭髯

搭膊 劍 正末李應記字巾膝欄曳撒 項帕 直 纏 搭膊 帶 帶劍 三髭髯

第二折

韓伯龍攢頂藍直身 項 旦兒場頭手帕襖兒 俵兒銀錠青衣紗包頭青帕 搭膊 三髭髯

店小二雙簷氈帽綿布襖 綿 正末李應攢頂手帕 補納直布趂 花手巾 襪鞋 身 項帕 三髭髯

第三折

宋江 吳學究 樓羅同魯智深僧陀頭僧衣 錦襖 項帕 法墨趂 武松鬚髮陀頭直纏 搭膊 行纏 布襪 八答鞋 皂補納

錦襖 項帕 法墨趂 劉唐 阮小五記字巾膝欄曳撒 項帕 直 正末李應同魯直纏 搭膊 帶 帶劍 三髭髯

智深僧帽武松僧帽衣 數珠 僧衣

第四折

韓伯龍正末李應興兒

挑擔兒

魯智深武松

同前拏禪杖

旦兒俵兒正末李應又上同

官軍

黑氈大帽青衣戰裙手索

第五折

宋江吳學究

同前

魯智深武松劉唐阮小五拏韓伯龍

同前

官軍二人宋江

魯智深武松劉唐阮小五又上

同前

張千祇候

攢頂項帕

圓領襖膊

韓伯龍旦兒俵兒又

上

同前帶枷

正末李應武松魯智深阮小五劉唐

同前


宋江吳學究

同前

末李應魯智深武松劉唐阮小五韓伯龍旦兒俵兒又上

同前

乙卯孟夏三之日校內本清常記



梁山七虎鬧銅臺

闕名

楔子

〔冲末扮宋江領僮僮上〕〔宋江云〕英雄貫滿東京府。曾理兵書習六韜。報國赤心如皎月。傑士叢中把姓標。某姓宋名江字公明。祖居鄆城縣人氏。幼而頗習文業。在本縣中當着箇把筆司吏。爲因些過犯在身。投奔梁山入夥。衆弟兄立吾爲首領。建忠義堂。插黃旗一面。上寫着替天行道。俺不奪孤兒寡婦之財。不截經商客旅之物。專一招聚英雄豪傑。今日陞帳。不見兄弟每來。小僮僮門首望者。若有人來時。報復我知道。〔僮僮云〕理會的。〔外扮蕭讓上〕〔云〕幼而從習聖賢書。今來山內且潛居。執掌錢糧爲都管。聖手書生天下知。某蕭讓是也。今在梁山執掌糧草。人皆稱吾做勝手書生。今往忠義堂見俺宋江哥去。可早來到也。兀那小僮僮。報復去。道有蕭讓來了也。〔僮僮云〕理會的。〔做報科〕〔云〕喏。有蕭讓來了也。〔宋江云〕着他過來。〔僮僮云〕過去。〔見科〕〔蕭讓云〕宋江哥。喏。您兄弟來了也。〔宋江云〕且一壁有者。等衆弟兄每來時。有事計議。〔外扮林冲上〕〔云〕從在東京爲教首。今來山內度時光。銀甲金盔光閃爍。青驄戰馬紫絲韁。某林冲是也。今往忠義堂。見俺宋江哥去。可早來到也。兀那僮僮。報復去。道有林冲來了也。〔僮僮云〕理

會的〔報科〕〔云〕喏。有林冲來了也。〔宋江云〕着他過來。〔僕僮云〕過去。〔見科〕〔林冲云〕宋江哥。衆弟兄每。喏。您兄弟來了也。〔宋江云〕林冲你來了。如何不見張順來。〔林冲云〕張順這早晚敢待來也。〔正末扮張順上〕〔云〕某張順是也。恰纔打水寨來。今往忠義堂見俺宋江哥去。可早來到也。兀那小僕僮。報復去。道有張順來了也。〔僕僮云〕理會的。〔報科〕〔云〕喏。有張順來了也。〔宋江云〕着他過來。〔僕僮云〕過去。〔見科〕〔正末云〕宋江哥。喏。衆弟兄每。喏。您兄弟來了也。〔宋江云〕兄弟每都來了也。蕭讓。我有一事問你。俺這倉廩糧料。還有多少也。〔蕭讓云〕草料儘有。則是糧食缺欠。稟的大哥知道。〔宋江云〕既然如此。如今誰敢下山。往銅臺城內。打聽米價。走一遭去。〔正末云〕您兄弟願往。〔宋江云〕既然你要去。路上休欺負那孝子順孫。只除害那不忠不義。小心仔細者。〔正末云〕宋江哥。你則放心也。〔唱〕

〔賞花時〕則今日辭別尊兄疾去忙。改姓更名離水鄉。把朴刀暗中藏。打疊起金銀數兩。〔云〕宋江哥。衆弟兄每。您兄弟去也。〔唱〕今日箇離忠義下山崗。〔下〕〔宋江云〕張順下山打聽米價去了也。小僕僮收拾帳房。俺山後飲酒去來。今差張順下山崗。只爲山中缺少糧。倉廩虛兮難度日。不消旬日便回鄉。〔同衆下〕

頭折

〔淨扮監倉官領弓兵上〕〔監倉官云〕開倉糴米依時價。拔濟民間行德化。升斗上面尅除糧。一心瞞上不瞞下。小官姓臧名軟字皮混。做着這廣府監倉官是也。今奉上司明文。着我開放義倉。救濟民間。我雖是爲官。幾時得摸的着這一場買賣。今日開倉放米。若有使用到的。我早散與他。但是不與我錢的。遲遲的打發他。當斛一石。則是九斗。我也似不的那懸魚留犢。學不的包拯方謙。弓兵把倉開了者。〔弓兵云〕理會的。〔正末上〕〔云〕某張順是也。自從離了梁山。前來到廣府。下山來時。宋江哥曾說。休惹那孝子順孫。除害不忠不義。今打聽的開放義倉。不免街市上看一遭去來。〔唱〕

〔仙呂點絳脣〕信步閑行。遠街穿逕。英雄性。前來到倉廩之中。我可便舉目瞻觀定。〔監倉官云〕兀那弓兵。有那話兒的。便先打發他糧。無有那話的。且着他靠後。〔正末唱〕

〔混江龍〕忽聽的監倉官弊政。弓兵排列勢爭。他說道有錢的先放。無鈔的您且消停。猛然聽的他言語。我這裡心中惡怒怎施呈。卻不道扶危濟困行公正。他把那上司瞞昧。他一迷裡專把人坑。〔見科〕〔弓兵云〕你這人是買米的。〔正末云〕我是買米的。〔弓兵云〕既是買米的。每十石米。除一兩銀子。與俺大人。做使用錢。〔正末云〕這廝說話好無禮也。上司着你濟困扶危。救拔百姓。怎許你要錢也。〔監倉官云〕還箇刁民大膽。你倒

挾制我。左右與我拏了者。〔正末做拏刀科〕〔云〕我把你這無知賊官。你認的我麼。〔監倉官云〕我不認的你。你是誰。〔正末云〕行不更名。坐不改姓。我便是梁山泊宋江手下浪裏白跳頭領張順。因見你不肯替天行道。特差我來殺你這賊官也。〔監倉官云〕哎。約。你原來是梁山泊的賊。左右與我拏了這賊者。〔正末唱〕

〔油葫蘆〕則我這梁山泊英雄不隱名。咱怎肯把姓更。事君之道必忠誠。事親之禮相恭敬。守官之道法清正。此三事爲典謀。此三事爲準繩。誰似你瞞官作弊。施讒佞。怎如俺濟貧老。助朝廷。〔監倉官云〕弓兵齊下手。好歹拏住這賊。休教走了他。〔弓兵云〕理會的。〔正末走科〕〔云〕我頭裡看見。則五六箇弓兵。如今一發多了。若不是走的緊。定遭他人之手。兀的前面一道大河。不如且跳入這水中去者。〔唱〕

〔天下樂〕則聽的捉拏吾當一片聲。不由咱心也波驚。心驚我便深自警。則我這單身。怎肯敵衆人。見河中水泛濤。我則索獨自省。不免的入河中。保性命。〔虛下〕〔弓兵云〕這賊漢下水去了。不免回報大人去。〔見科〕〔云〕大人。趕的那賊漢跳下河裏去了。〔監倉官云〕既然他跳下水去了。分付四門上仔細者。梁山賊漢合成夥。說的小子無處趕。不是弓兵謹從嚴。險些着他殺了我。〔同下〕〔正末再上〕〔云〕某張順是也。恰纔弓兵趕的我急。

了。我跳入水中。誰想浮到人家後花園中。金魚池邊。這天氣看有一更之分。將這衣服脫將下來。晾一晾穿了。上梁山去也。(唱)

〔鵲踏枝〕看天氣有初更。不覺的滿天星。潛伏在太湖石邊。佇立空庭。忽聽的人言一聲。猛可裡把我心驚。(淨旦兒上)(云)妾身盧俊義之妻賈氏是也。我家中有箇李固。我背着俺夫主。早晚與他私通。若是俺員外早早的死了。我與李固白頭相守。便是我平生願足。今晚約下他在這花園中燒香。李固這早晚敢待來也。(淨李固上)(云)我在盧家度朝夕。惟恐傍人說是非。多虧嫂子可憐見。此情只有老天知。小子李固是也。是這盧俊義家的箇義兄弟。早晚多虧員外照顧。不瞞人說。我背着員外。與俺嫂子有些不明白的事。忙裏偷閑。耍笑一會。今晚說定。同嫂子在後花園內取齊。可早來到了也。(見科)(李固云)嫂子。你倒先來了。(旦兒云)着我等了這一會。你纔來。俺上香去來。(李固云)你先上香。(旦兒上香)(云)賈氏焚香。神明照鑒。則願的員外早早急病身死。我與李固相守偕老。許清醮三百六十分。你上香。(李固云)神天聽着。則願的員外重風不語死了。俺兩箇自在歡樂到老。就齋三百六十箇僧也罷。(正末云)此處原來有這等奸夫淫婦。正當殺他兩箇也。(唱)

〔寄生草〕李固他無天理。此淫婦不志誠。卻不道三從四德存貞性。將他那色

心一片專偏倖。我將這朴刀出鞘傾他命。不由我急慌忙轉過太湖石。卻與那盧員外除了傷身病。〔云〕兀那奸夫潑婦。您說甚麼哩。我來殺您也。〔李固同旦兒慌走科〕

〔旦兒叫科〕〔云〕燕青那裡有賊了。有賊了。〔燕青擎弩弓上〕〔云〕平生好使三石弩。從在江邊射二鵬。廣府城內稱浪子。員外家中顯英豪。某燕青是也。平生善射弩弓。在這盧員外家結爲兄弟。人皆稱我做浪子燕青。正在房中閑坐。忽聽的嫂孃喚我。不免見他去。〔見科〕〔云〕嫂孃。叫燕青有何事。〔旦兒云〕後園中有賊。我叫你出來。〔燕青云〕賊在那裡。〔李固云〕在太湖石邊哩。〔燕青云〕等我射他去。〔正末云〕聞說燕青能射。原來在此處。明槍易越。暗箭難防。不如跳入水內浮出去罷。〔唱〕

〔么篇〕我本待將他害。誰想他有救星。一箇他欺心悖逆無仁政。一箇他瞞夫作弊無忠鯁。我則待誅殘滅暴把綱常正。聞說道燕青硬弩射雙鵬。我則怕暗箭惟恐傷咱命。〔虛下〕〔燕青尋科了云〕這嫂孃子虛驚。那裡有賊。俺且回各各房中去也。〔下〕

〔旦兒云〕李固。俺也回房中去來。妾身險些被賊傷。多謝燕青義不忘。分付家童前後照。總然無賊也隄防。〔同下〕〔宋江同雷橫領僮僕上〕〔宋江云〕自從張順離山寨。一去句朝無信音。某宋江是也。自從張順下山。打聽米價去了。未見回來。僮僕門首看者。若來時報復我知道。〔僮僕云〕

理會的。〔正末再上〕〔云〕某張順是也。奉宋江哥將令。我下山打聽米價。惹了一場禍。今日上山去。可早來到忠義堂門首也。兀那僂儂。報復去。道有張順來了也。〔僂儂云〕理會的。〔做報科〕〔云〕喏。有張順來了也。〔宋江云〕着他過來。〔僂儂云〕理會的。着過去。〔見科〕〔正末云〕宋江哥。喏。衆弟兄每。喏。您兄弟來了也。〔宋江云〕張順。你下山打聽的米價如何。〔正末云〕宋江哥。聽您兄弟告訴一遍者。〔唱〕

〔金盞兒〕我那日離山營。到銅城。見倉官壞法胡行徑。專瞞天昧地不公平。舉刀要去砍。別立正公明。豈想他弓兵人數廣。教我跳入在浪波汀。〔宋江云〕你跳入水去。可浮到那裡來。〔正末云〕不想浮到盧俊義家花園內金魚池邊太湖石畔。那時天氣。約有一更時分。見一佳人。自言賈氏。與同義兄弟李固私通。夜晚焚香。要害他親夫。被我要殺他。有他家中人。叫做浪子燕青。擎着弩弓。要來射我。着我跳入水中走了也。〔宋江云〕着你下山打聽米價。你卻這等惹禍也。〔正末唱〕

〔尾聲〕我則待盡忠誠。切不敢違軍令。驅將校威嚴再整。我教他污吏賊官心內驚。咱不怕禍起傷生。都則要顯英名天下知聞。潑婦奸夫心自省。非是我仗哥哥的英勇。只因他心中不正。得殺了這潑無徒。方顯我名聲。〔下〕〔宋江云〕張順

去了也。聞說廣府盧俊義是箇好漢。他的異名叫做玉麒麟。又一箇叫做浪子燕青。能使三石弩弓。俺怎得他二人來。做箇頭領也。〔雷橫云〕宋江哥。這盧俊義委實是箇好漢。寸鐵在手。有萬夫不當之勇。我如今傳着哥哥將令。着吳學究賺他上山。除是他便去的。未知哥哥意下如何。〔宋江云〕既然如此。得學究下山。方得成就此事。雷橫。你即令傳我的將令。分付吳用。着他疾便下山。智賺盧俊義。小心在意者。〔雷橫云〕兄弟知道。便分付吳學究。教他即時下山。智賺盧俊義。燕青去。管教他廣府城內難存住。忠義堂前立姓名。計就水鄉添浪子。鋪謀去賺玉麒麟。〔下〕〔宋江云〕雷橫去了也。他分付吳學究下山賺盧俊義去了。我且回後帳去來。銅臺去賺高門客。學究神機智略通。分付僂僂山下望。準備鞍馬接英雄。〔同下〕

第二折

〔外扮盧俊義上〕〔云〕廣府城中爲富室。從小生來不怕人。自家喚做盧俊義。綽名叫做玉麒麟。某盧俊義是也。綽號叫做玉麒麟。在這廣府居住。別無家屬。的親者止有妻賈氏一人。有認義的兩箇兄弟。一箇是燕青。一箇是李固。早晚在家照顧。因爲前者後園中有賊。我如今叫他每過來。分付他。燕青那裡。〔燕青上〕〔云〕某燕青是也。只聽的員外呼喚。須索過去見員外去。〔見科〕〔云〕員外支揖。喚燕青那裡使用。〔盧俊義云〕你且一壁有者。李固怎生不來。〔燕青云〕李固。員

外喚你哩。〔淨李固上〕〔云〕小子李固是也。前日與娘子後園中燒香。險些兒不弄下了。今日員外叫我。不免見他去。〔做見科〕〔云〕員外。喚李固那裡使用。〔盧俊義云〕您兩箇兄弟。前者後園中有賊。兄弟每早晚仔細照管前後。李固門首看者。有人來時。報復我知道。〔李固云〕理會的。〔正末扮吳用裝先生領道童上〕〔云〕某吳用是也。奉哥哥將令。智賺盧俊義燕青去。自從離了梁山。可早來到廣府城中。我如今裝做箇貨卜的先生。若還見他。我自有分曉。盧員外。你怎識我這梁山壯士也。〔唱〕

〔中呂粉蝶兒〕滾滾征塵。早來到銅臺城郡。本是箇英雄士伶俐之人。若還是過高門。見員外。就將那語言動問。莫得因循。用機謀運籌方寸。

〔醉春風〕若將他五行四柱。細參詳論。幾句禍福言。着他心內忖。我則要梁山又聚一英豪。我道的準準。我如今裝醉如癡。推聾做啞。待時守分。〔云〕可早來到也。我恰纔問人來。言說此處。就是盧員外家門首。〔正末做哭三聲笑三聲科〕〔云〕盧員外哀哉也。〔李固云〕你這箇先生。好是奇怪也。你哭了三聲。笑了三聲。你不風了也。〔正末云〕你這醜生。聽我說與你也。〔唱〕

〔紅繡鞋〕哭了笑其中難信。更不曉玄奧真形。只因你宅上有災迤。一逕來除

禍患報復與你主家人。我是箇出家兒。真道本。〔李固云〕你則在門首休要去了。等我與員外說去。〔正末云〕我不去。你與員外說去。〔李固報科〕〔云〕員外門首有一箇先生。望着門裏。哭了三聲。笑了三聲。又說俺家有災星哩。〔盧俊義云〕你請他過來。〔李固云〕先生。俺員外請你過去哩。〔正末做見科〕〔云〕員外稽首。〔盧俊義云〕先生請坐。你到我們首。哭者何也。笑者何也。〔正末云〕我笑你萬貫家財。絕其嗣。我哭你眼下有一百日大災。則怕你身家不保也。〔盧俊義云〕先生。這災可趨的也趨不的。〔正末云〕此災要趨。方免無憂也。〔盧俊義云〕左右。擎十兩銀子。奉與先生者。〔正末云〕員外。我是箇雲遊道人。則要去採訪洞府真仙。要你這銀子何用。你記者。逢危時有四句詩。則要你勞記心中者。蘆花蕩內一扁舟。俊義身危可去遊。若肯山中尋保義。那時方斬逆賊頭。〔盧俊義云〕先生言語。我怎肯忘了也。〔正末唱〕

〔滿庭芳〕心中自警。卽裝行李。便離家庭。你休要淹纏。留戀無忠信。禍奔臨身。據相貌必然有損。你聽直言。莫得生嗔。〔盧俊義云〕先生。那一方是吉地也。〔正末唱〕甲乙地宜前進。只今便行。管汝笑欣欣。〔下〕〔盧俊義云〕那先生去了也。我思量起來。真箇奇怪。李固。你卽便收拾行李。跟我去。燕青在家照顧家事也。〔李固云〕着燕青跟員外去。留小子在家中。扶持嫂嫂。照顧家中罷。〔盧俊義云〕燕青有武藝。着他看家。你跟我去。收拾行李。明日早

行也。先生說罷我心驚。今去山東避災星。百日之中無橫禍。那時方顯老先生。〔同下〕〔宋江同李逵雷橫張橫領僮僕上〕〔宋江云〕梁山泊爲首領。南北東西顯姓名。某宋江是也。自從吳學究下山。智賺盧俊義去了。怎生不見回來也。〔李逵云〕宋江哥寬心。學究哥敢待來也。〔宋江云〕小僮僕門首看者。若來時報復我知道。〔僮僕云〕理會的。〔正末上〕〔云〕某吳用是也。自從到廣府。果然賺的盧俊義往梁山上來了。我今先往梁山上。回報俺保義哥去。可早來到也。兀那僮僕報復去。道有吳用來了也。〔僮僕云〕理會的。〔報科〕〔云〕喏。有吳學究來了也。〔宋江云〕道有請。〔僮僕云〕理會的。有請。〔見科〕〔宋江云〕學究。一路上辛苦也。〔正末云〕爲朋友有甚麼辛苦來。〔宋江云〕學究。可見盧員外也不會。〔正末唱〕

〔上小樓〕一到的銅臺郡中。賺的他何當謙遜。止用了些小機謀。說的他手脚慌張。進退無門。咱逕來報與兄。非咱謀論。託賴着衆豪傑弟兄相趁。〔宋江云〕好也。賺的他往山東地界來了。學究。怎生做箇擺布。收伏盧俊義。此功非小也。〔正末唱〕

〔么篇〕非是咱機變能。妙用神。也只要扶助英豪。梁山寨內。聚義慇懃。非是咱下狠心。無情短幸。則是要忠義堂更添發憤。〔宋江云〕既是這等。怎生得盧俊義上俺梁山來也。〔正末云〕如今等我支派人馬下山截他去。李逵安在。〔李逵云〕您兄弟有。〔正末云〕你

領三百僂僂。在南山大路。等盧俊義來時。你與他相持逗引。賺他往梁山泊來。〔李逵云〕謹遵學究哥的將令。下山截殺盧俊義。走一遭去。金盔銀甲絳毛纓。統領精兵出泊中。若還相遇盧員外。活捉將來見老兄。〔下〕〔正末云〕李逵去了也。雷橫安在。〔雷橫云〕小弟有。〔正末云〕你領三百僂僂下山去。等盧俊義趕李逵之時。你便引僂僂。搶劫了他行李車輛。〔雷橫云〕謹遵學究哥將令。下山走一遭去。埋伏人馬等他來。謹奉公明學究差。引領僂僂三百整。征旗一展下山崖。〔下〕〔正末云〕張橫安在。〔張橫云〕小弟有。〔正末云〕你便駕一隻船。在蘆花蕩內。等盧員外在岸邊。就賺他上船。拏了他者。〔張橫云〕謹遵學究哥將令。駕船走一遭去。平生則會棹孤舟。每日乘船浪內遊。若還遇着盧員外。上船與他做敵頭。〔下〕〔宋江云〕學究此一場擺布。一定賺的他來了也。〔正末云〕哥也。不愁不上山來。〔唱〕

〔脫布衫〕此機謀莫漏風聲。四下裡羅網鋪陳。他若肯投咱入夥。輔皇朝替天發憤。〔宋江云〕說盧員外寸鐵在手。有萬夫不當之勇。着兄弟每仔細者。〔正末云〕哥也。則管寬心。不妨事。〔唱〕

〔小梁州〕你說他武藝精熟有似神。俺可也布陣排軍。旌旗耀日氣超羣。雷震軍威將勇。一箇箇顯精神。〔下〕〔宋江云〕學究同衆兄弟去了也。我且回後帳中去。劍戟

光輝武藝精。學究今去顯英名。不消旬日期程內。山中又聚一英雄。（同下）〔李逵領僮僕上〕
〔李逵云〕某乃李逵是也。奉吳學究哥的將令。着我領僮僕截殺盧俊義去。某在此大路上等候着。這早晚敢待來也。〔雷橫領僮僕上〕〔雷橫云〕某雷橫是也。奉吳學究將令。着我領僮僕等待盧俊義。與李逵相持時。就搶他行李車輛。某在此等候着。這早晚敢待來也。〔張橫駕船上〕〔云〕某張橫是也。奉吳學究將令。着我駕着船。在蘆花蕩內。等盧俊義到岸邊時。就賺他上船。某在此等候。這早晚敢待來也。〔正末上〕〔云〕某吳用是也。算定今日。盧俊義到此也。某接應衆兄弟。走一遭去。（唱）

〔么篇〕我如今排兵設下瞞天陣。不由我喜笑欣欣。非是我用意真。英雄奮教他有家難奔。無計轉歸門。〔盧俊義領淨李固擔行李上〕〔盧俊義云〕只因八字多乖。且往東南避禍災。某盧俊義是也。自因那先生說我有百日之災。今往山東去。一來趨災。二來做些買賣。可早來到金沙灘路上了。李固將車輛行李仔細者。〔李固云〕員外。則怕梁山泊有賊漢下來。怎了也。〔盧俊義云〕不妨事。我如今寫一面旗。打將起來。寫着道。單捉梁山吳學究。生擒鄆縣宋公明。掃除水泊如翻掌。那時方顯玉麒麟。將披掛來我披。〔李固云〕理會的。披掛在此。〔盧俊義做披掛科〕〔李逵云〕兀那來的車輛。一定是盧俊義的。都與我留下。你聽者。有人若過金沙岸。

十擔行李留九擔。如有一擔不肯留。一斧過去休抱怨。兀那來的人。快將行李留下者。〔喝科〕
〔盧俊義云〕兀那賊漢。休走。你認的我麼。〔正末云〕李逵休走。我來助你來也。〔唱〕

〔十二月〕盧俊義聽咱事因。我今日纔辯箇清渾。不怕你英昂似虎。我教你入地無門。你那裡持槍來趕。〔盧俊義云〕兀那賊漢。喫吾一槍。〔做戰科〕〔李逵云〕我及不過你。走走走。〔下〕〔正末唱〕我這裡撥馬回奔。〔盧俊義云〕李固看着車輛。等我趕這賊漢去。〔正

末云〕休要來趕。我及不過你也。走走走。〔下〕〔盧俊義做趕科〕〔云〕饒你脚下會騰雲。吾當跨馬也趕上。〔下〕〔雷橫云〕果中了俺學究之計也。僕儼每與我搶搶搶。兀那跟盧員外的人。你員外上梁山入夥去了。你都回去罷。俺將他這車輛行李。送上山去來。果然學究賽先賢。妙策神機不可言。貨物車輛歸水泊。旌旗回轉奔梁山。〔下〕〔李固云〕誰想員外往梁山入夥去了。我回家與嫂子計較一箇長使的法子。送了員外。我同嫂子。早起晚夕。快活耍笑。天也。誰想今日稱了我的心願也。步疾如飛。心內想。行行沉沉多半晌。就去報與上司官。萬貫家財我執掌。〔下〕〔盧俊義再上〕〔云〕誰想梁山賊漢。有這許多的。着我趕的他都不見了。不覺天色晚了。又不知去路。四下裡俱是蘆花水泊。怎生是了。則見前面一隻船。我須投於船上去。兀那撐船的。撐過船來者。〔張橫云〕果然中了學究之計也。你是甚麼人。〔盧俊義云〕我是盧俊義。被賊漢將我行李都搶

去了。我是好人。〔張橫云〕你是好人。那箇是賊。你上船來。〔盧俊義上船科〕〔正末再上〕〔云〕兀的不是盧員外上船去了。我念在前那四句詩者。蘆花蕩內一扁舟。俊義身危可去遊。若肯山中尋保義。那時方斬逆賊頭。〔盧俊義云〕好是奇怪也。這首詩是在家時那先生與我的來。可是甚麼人念也。〔盧俊義云〕不好了。不好了。這船兒見的漏了也。〔盧俊義云〕可怎生是好也。〔張橫做翻船科〕〔盧俊義下水科〕〔張橫抱住科〕〔正末云〕張橫擎上岸來者。員外。你認的我麼。〔盧俊義云〕你不是算命的先生也。〔正末云〕員外。我本不是算命的先生。則我是梁山泊吳學究。俺宋保義請你。故賺到此。員外。俺上山去來。〔盧俊義云〕太保。小人家業重大。入不的夥也。〔正末云〕員外。俺同見宋江哥哥去來。〔唱〕

〔堯民歌〕呀。俺則要忠心爲國報君恩。並不去鼠竊狗盜費精神。則是要招聚豪傑立功勳。施謀設智細鋪陳。尊也麼兄。今朝到此中。暫且權安分。〔同盧俊義張橫下〕〔宋江領僮僮上〕〔宋江云〕某宋江是也。自從衆兄弟下山。迎接盧俊義去了。未見回來。僮僮門首看者。若來時。報復我知道。〔僮僮云〕理會的。〔正末同盧俊義上〕〔正末云〕盧員外。俺說着話。可早來到也。兀那小僮僮。報復去。道有某來了也。〔僮僮云〕理會的。〔做報科〕〔云〕喏。有吳學究來了也。〔宋江云〕道有請。〔僮僮云〕有請。〔做見科〕〔正末云〕宋江哥。您兄弟請將盧

員外來了也。〔宋江云〕盧員外。小寨低微。難藏虎體。左右安排酒果來者。〔盧俊義云〕多蒙太保顧愛。小人家業素重。則是可憐見。放我下山去。若是太保不肯。我就在此尋箇無常也。〔正末云〕盧員外。你聽我說與你者。〔唱〕

〔耍孩兒〕只因俺梁山缺米差張順。因到你廣府銅城住存。打聽你家中素日歹風聲。非是咱謬語胡云。有那賈氏李固私配偶。後花園中害你身。賺你到梁山境。與保義盡忠輔國。行天道保障黎民。〔盧俊義云〕告太保則是可憐見。放我下山去罷。〔宋江云〕既是這等。左右將鞍馬來。打發員外下山去。〔正末云〕員外。你若家去。但恐有禍臨身。不如且在此處罷。你堅意要去。休道我每不會留你也。〔唱〕

〔二煞〕你若是到家中禍到身。把家財四散分。那時有路難回奔。不如早早存山寨。也得芳名天下聞。不把我言來信。倘若身遭羅網。俺這裡就統三軍。〔盧俊義云〕則今辭別衆太保。小人下山去也。今日辭別忠義堂。衆兄情分非敢忘。一朝若到銅臺郡。傳與鄉中把姓揚。〔下〕〔宋江云〕學究。他百般的不肯入夥。下山去了。俺可怎生做箇計較。〔正末云〕哥則管寬心。不愁他不來入夥。此去必然他有大難。俺須索救他去也。〔唱〕

〔尾聲〕宋保義你放心。我將他明賺引。此去一定遭危困。俺可便搭救仁兄意。

當謹〔同衆下〕

第三折

〔淨旦兒同燕青上〕〔旦兒云〕自從夫主逃災去。曉夜心慌意不寧。妾身盧員外妻賈氏是也。自從夫主與李固往山東做買賣。去了多時。可怎生不見回來也。〔燕青云〕嫂嫂不妨事。有我在家照顧。則放寬心也。〔淨李固上〕〔云〕自家李固是也。正是那將計就計。到家中就告與上司知道。俺盧員外結交了梁山賊漢。今已入夥去了也。就來家命也不保。等我到家中。與嫂子商量者。可早到了家也。不免過去。〔做見科〕〔燕青云〕李固來了也。〔李固云〕嫂子在那裡。〔燕青云〕嫂子在房裏。〔李固云〕我見嫂子去。你休來。〔見科〕〔旦兒云〕李固來了也。〔李固云〕嫂子。且喜俺兩箇好了也。員外原來結交了梁山賊漢。俺如今瞞着燕青。將計就計。廣府上首告去來。〔旦兒云〕是真箇。〔李固云〕我怎肯哄你。嫂子不知我的心。明日清晨把狀行。且去安排三杯酒。今晚與我洗風塵。〔同下〕〔燕青云〕嗨。誰想李固與嫂子有這等事。恰纔背着我。他兩箇商議。要害員外。倘若他首告在官。連我也不保。員外若來。一定遭他毒手。我不如逕投梁山去。報與宋江。教他準備救俺員外。也是燕青好心也。賊子無知敗壞家。思量情理淚如麻。若還說與梁山將。怎肯輕輕放過他。〔下〕〔盧俊義上〕〔云〕某盧俊義是也。誰想梁山賊子。智賺我到山東。着我入夥。被我再三

不肯入夥。星夜下山來了。可早來到家門首。我試看者。可怎生不見一人。李固燕青都在那裡也。
〔淨旦兒同淨李固上〕〔李固云〕在下李固。正與嫂子房中敘話。只聽的人叫。我自己看去。
〔見科〕〔云〕好也。你結交了梁山賊。你帶累我們。你又來家。嫂子。俺拏住者。往上司首告去來。
〔盧俊義云〕似此怎了也。
〔李固云〕你還強嘴哩。你在梁山假撇清。吾今與你到公廳。反賊休想存留命。准定今朝不得生。
〔同旦兒盧俊義下〕〔淨王太守領弓兵上〕〔王太守云〕胷中皎潔如渾酒。腹內明白似麵湯。掌管黎民除殘害。可作擎天一棟梁。小官王太守是也。奉命除授在這廣府中掌管人民。與梁中書一同管事。今日開放早衙。弓兵門首看者。倘有告狀的人。報復我知道。
〔弓兵云〕理會的。
〔淨李固同淨旦兒拏盧俊義上〕〔李固云〕可早來到府門首也。兀那弓兵哥。報復一聲。道有人來告狀。
〔弓兵云〕您且一壁有者。等我報復者。
〔做報科〕〔云〕喏。有人在府門首來告狀。
〔王太守云〕着他過來。
〔弓兵云〕着過去。
〔李固同旦兒盧俊義做跪科〕〔王太守云〕拏的是甚麼人。
〔李固云〕是盧俊義。他結交梁山強盜。恐怕他帶累俺一家。今來首告也。
〔王太守云〕是實麼。
〔李固云〕是實媽兒哩。
〔盧俊義云〕大人。小人並無此事。他冤枉我哩。望大人察情也。
〔李固做與太守打耳暗科〕〔云〕大人。若把他打的招承了。我在下送白馬一匹。銀一百兩與大人。
〔王太守云〕你休要哄我也。
〔李固云〕小人要說謊。就是癩象的兒子。並不敢哄大人。

〔王太守云〕你去你去。我知道了。說的那話兒。早早的送將來。〔李固云〕嫂子。俺家去來。〔旦兒云〕今日箇纔稱了我的願也。結交賊盜累我身。大人在意用慫慂。不是心毒行無道。我則怕造反之人滅九親。〔同下〕〔王太守云〕也不管他青紅皂白。左右。且拏一面大枷來。把他枷着。送在牢中。再做計較。〔弓兵做枷盧俊義科〕〔云〕牢裏收人。〔盧俊義下〕〔王太守云〕無甚事。且回後堂中飲酒去來。此等之人豈得容。項帶沉枷且受刑。饒君就有通天策。難出法司囹圄中。〔同下〕

〔宋江領僮僮上〕〔宋江云〕某乃宋江是也。前者學究。果然賺的盧俊義上山來了。百般的不肯入夥。又放他下山去了。學究不見來。僮僮門首看者。若來時報復我知道。〔僮僮云〕理會的。〔正末上〕〔云〕某吳用是也。我想盧員外一節事。宋公明仁德慈心。放他回家去了。某今往忠義堂見宋江哥。走一遭去。〔正末唱〕

〔正宮端正好〕雖住在野山岡。一心把忠誠辦。會英傑聚友偏難。只因那玉麒麟一片心腸板。全不把俺英雄讚。〔云〕可早來到忠義堂也。兀那僮僮報復去。道有某來了也。〔僮僮云〕理會的。〔報科〕〔云〕喏。有吳學究來了也。〔宋江云〕道有請。〔僮僮云〕理會的。有請。〔見科〕〔宋江云〕學究。前者鞍馬上勞神也。〔正末唱〕

〔滾繡毬〕何必說馬與鞍。此勲勞莫要言。俺則要會英豪勝如親眷。盧俊義莫

得傷殘。他爲家中心內懸。待朋情意兒懶。就着他掌梁山。委實勇悍。更不知妻妾無端。有一日醜名傳與銅臺郡。羞死英雄一面顏。膽戰心寒。〔燕青上〕「云」某乃燕青是也。誰想嫂孃子與李固私通。將員外首告在官。說與梁山結義。王太守受賊。將員外下在牢中。我今往梁山報與宋江去。可早來到也。僕僮休放冷箭。報復去。有箇燕青來見。〔僕僮云〕「理會的。」〔做報科〕「云」喏。有箇燕青來見。〔宋江云〕着他過來。〔僕僮云〕「理會的。」着過去。〔見科〕
〔宋江云〕那裡來的。〔燕青云〕小人是盧俊義兄弟燕青是也。〔宋江云〕盧員外好麼。〔燕青云〕自從員外下山去。到的家中。有嫂孃子賈氏。與李固私通。將員外首告於本府。王太守受賊。將俺員外身帶重刑。因此小人上山報與太保知道。可救俺員外一救也。〔正末云〕這廝好無禮也。〔唱〕
「叨叨令」攬絨繩寶鞘。扯純鋼劍。他百般的不聽我公明勸。回家去豈想他身遭患。眼睜睜受苦難。何人見兀的。可不苦殺人也波哥。兀的。可不苦殺人也波哥。倒被他姦夫賊子。將身坑陷。〔宋江云〕學究。似這等如之奈何也。〔正末云〕須索調人馬下山救他去也。〔宋江云〕學究說的是。〔正末云〕徐寧安在。〔徐寧上〕「云」金花斜插帽簷傍。繡襖盤花繫鬧妝。官宦名門爲教首。禁軍總管使金槍。某徐寧是也。學究哥呼喚。不知有甚事。須索走一遭去。〔做見科〕「云」宋江哥。喏。學究哥。喏。喚徐寧那廝使用。〔正末云〕你今領三千人馬。下

山救盧俊義去。倘到銅臺。小心在意。聽我分付你者。(唱)

〔倘秀才〕你近前來聽咱事端。選精兵三千調遣。遠遠埋伏兩道邊。等他來廝趕。便去搶橋關。你休着他支轉。(徐寧云)謹遵將令。卽今就領人馬下山。走一遭去。埋伏銅

臺大道中。鋪謀設智建功勳。軍師賺動他人馬。就奪銅臺一座城。(下)(正末云)雷橫秦明安在。

〔雷橫秦明上〕(雷橫云)明盔鐵甲絳毛纓。坐下驍騎疾似風。忽聽忠義堂前喚。二人參見宋公明。某雷橫是也。這箇是秦明。學究呼喚。不知有甚事。須索走一遭去。(見科)(秦明云)宋江哥。學究哥。喚俺二人。那廂使用。(正末云)您二將近前來。今差您往銅臺救盧俊義去。您二人先入城。等俺人馬到時。就要接應。聽我分付你者。(唱)

〔么篇〕你兩箇先入城潛身莫言。專聽我將軍兵催遣。裏應相合奪禁關。市前爲戰地。街道往盤桓。都不要意懶。(雷橫云)謹奉學究的令。先往銅臺郡救盧俊義。走一遭去。學究神機有大才。二人先去入銅臺。打聽城邊人馬到。仗劍橫衝殺出來。(同秦明下)(正末云)小傀儡。與我喚將朱仝來者。(傀儡云)理會的。朱仝安在。(朱仝上)(云)曾在鄆縣爲捷機。今歸山內度時光。一朝聖主招安去。可作擎天架海梁。某乃朱仝是也。今有學究哥哥呼喚。不知有甚事。須索走一遭去。(見科)(朱仝云)宋江哥。學究哥。喚朱仝來。那廂使用。(正末云)朱

全。你便與燕青領三千人馬。等廣府城開了。入牢救盧俊義去。聽我分付你者。(唱)

〔么篇〕你如今領人馬即便下山。到銅臺休得意闌。救出英雄即便還。此事都在你。莫當等閑看。你切休要怠慢。(朱全云)得令。則今日同燕青就點人馬下山。走一遭去。旌旗閃閃馬如龍。銀甲金盔晃日明。大喊一聲離水泊。二人去救一英雄。(同燕青下)〔正末云〕李逵安在。(李逵上)〔云〕天性忠直不怕人。一生慷慨逞英雄。鎮守梁山爲好漢。異名叫做黑旋風。某乃李逵是也。學究呼喚。不知有甚事。須索走一遭去。(做見科)〔云〕宋江哥。學究哥。喚李逵那廂使用。(正末云)李逵。你領三千人馬。跟我下山。走一遭去。(李逵云)得令。則今日領三千人馬。同學究哥救盧員外去。烏龍馬跨繡雕鞍。鐵甲明盔晃日寒。交鋒輪動夾鋼斧。忿怒劈倒太行山。(下)〔宋江云〕學究。今領李逵等到銅臺。小心在意者。(正末云)宋保義不消囑付。俺則今日就領人馬下山。走一遭去。(唱)

〔尾聲〕則今日梁山七虎將銅臺盼。捨死忘生一陣間。非擾黎民將百姓殘。只爲英雄心內煩。統領雄兵早下山。教他那污吏賊官心膽寒。俺可也共保那華夷將俺這姓名罕。(下)〔宋江云〕衆兄弟每下山救盧員外去了。此一去必然得勝而回。無甚事。且回後寨中去來。弟兄七箇下山川。擊鼓鳴鑼振動天。救得英雄歸水泊。爲友名揚宇宙間。

〔同下〕

第四折

〔淨王太守領弓兵上〕〔王太守云〕受人之託總成非。接受賊錢不好題。事務到今無奈何。捨着性命往前爲。小官王太守是也。前者盧俊義妻賈氏。同李固首告他夫主盧俊義。結交梁山泊賊漢宋江。那李固送了我些銀兩馬匹。着我將盧俊義苦打承招。下在死囚牢中。則等典刑。若得了當了他。也是箇清潔。這兩日我有些眼跳的緊。不知主何吉凶。弓兵那裡。〔弓兵應科〕〔云〕有。〔王太守云〕你衙門首看者。有人來報復我知道。〔弓兵云〕理會的。〔鋪兵慌上〕〔云〕鑼鼓喧天。喊殺聲。旌旗招颭鬼神驚。銅臺有甚虧公事。梁山人馬下山中。小人乃是廣府中箇鋪兵是也。急遞鋪報帖前來。說道梁山泊宋江。調人馬下山來救盧俊義。我如今去報與本府王太守知道。說話中間。可早來到也。弓兵報復去。你道有箇鋪兵來稟事。〔弓兵云〕理會的。〔做報科〕〔云〕喏。有箇鋪兵來稟事。〔王太守云〕着他過來。〔弓兵云〕理會的。過去。〔見科〕〔王太守云〕兀那鋪兵。你有甚麼事。〔鋪兵云〕今有梁山人馬下來救盧俊義。稟的大人知道。〔王太守云〕可怎生是了也。左右跟我點人馬去。將四門關了者。慌忙急去點軍兵。明朝就去出城中。若還得見無徒子。拏來府內盡抽筋。〔同下〕〔徐寧驪馬兒領僮僕上〕〔徐寧云〕某徐寧是也。奉學究哥的令。領人馬離

銅臺五里田地埋伏。我且在此等候也。〔朱全同燕青上〕〔朱全云〕某朱全是也。奉學究哥的令。着我與燕青領人馬等城門開時。逕往牢中救盧俊義去。俺且在此等候者。〔正末同李達驪馬兒領僕僮上〕〔正末云〕某吳用是也。與李達同去救盧俊義。可早來到銅臺地方也。李達當先。您衆人仔細者。〔李達云〕學究哥你放心。不妨事。〔正末云〕兀的不是衆兄弟人馬都來了也。〔淨王太守驪馬兒領卒子上〕〔王太守云〕小官王太守是也。今點就人馬出城。捉拏梁山賊漢去。你這軍卒每聽我將令。人要喫飯馬喫草。上陣各要識起倒。當中留條寬寬路。倘若敗了我好跑。兀那陣面上賊漢聽着。強漢出馬。弱者休來。〔見科〕〔正末云〕我曉的你是王太守。三軍操鼓來。〔做戰科〕〔唱〕

〔南呂一枝花〕雷戰鼓鳴。耀日旌旗動。堂堂人似虎。箇箇馬如龍。蓋世英雄。不怕你軍兵衆。俺軍卒惡勢猛。〔李達云〕大小僕僮。與我用力殺進去。〔做趕殺科〕〔正末唱〕俺李達砌龍麟甲掛秋霜。飛虎豹揚威耀勇。

〔梁州〕戰馬交升回斗轉。戰塵飛霧鎖雲籠。刀疾斧快全無空。殺的他難分上下。不辨西東。屍山血海。馬倒人橫。更有金槍將教首徐寧。又有那霹靂火猛烈旋風。怒騰騰軍發喊振動天宮。惡叉叉雄赳赳兵威將猛。一會兒倒干戈敗軍。

馬滅跡潛踪。〔王太守云〕我及不過你也。〔正末唱〕見他大恐着槍中箭身痛。尋走路似飛迸。急急奔馳有似風。智淺機窮。〔王太守云〕我及不過你也。梁山賊漢似虎豹。雖然斫殺眼皮跳。盧棚一槍逃命走。留着撒腰戴紗帽。大小三軍跟着我。走走走。〔同卒子下〕〔雷橫秦明上〕〔雷橫云〕某雷橫是也。這位是秦明。奉學究哥的令。着俺先到城中。待俺梁山上人馬來時殺出去。今日人馬到了。俺打開城門。殺出去來。〔正末云〕兀的不城門開了也。大小頭領。將盧俊義房子圍了。打開門者。〔唱〕

〔隔尾〕謹將房屋相圍定。休要教他逃性命。無大小。無輕重。衆人要急攻。切莫要放鬆。殺的他棄甲拋戈。教他自心恐。〔朱全云〕燕青。俺往牢中救盧俊義去來。〔同燕青下〕〔淨李固同淨旦兒上〕〔李固云〕小人李固是也。這箇是盧俊義的渾家。我和他有些不伶俐的勾當。如今惹下禍了。梁山上好漢殺將來了。嫂子往那裡趨去是好。〔李逵云〕兀那賈氏。李固。你那裡走。〔雷橫秦明徐寧李逵做拏住李固賈氏科〕〔李固云〕衆老叔可憐見。饒了俺兩箇。明日買羊頭烙鐵餅請你罷。〔正末唱〕

〔罵玉郎〕則因你姦夫淫婦傾人命。因此上下水泊。救他身。今朝休想得活命。你卻又耳不聾。眼不盲。你怎生心狂縱。〔朱全同燕青盧俊義上〕〔朱全云〕某朱全是也。

我同燕青救出盧俊義來了。俺見學究去來。〔見科〕〔朱仝云〕喏。報的學究哥知道。俺救的盧俊義來了也。〔正末云〕盧員外索是驚恐也。〔盧俊義云〕小弟盧俊義。悔不聽學究哥之言。果遭縲紲之苦。若不是衆頭領下山相救。險不性命難保也。〔正末云〕盧員外爲你領人馬下山。此一場好相持也。〔唱〕

〔感皇恩〕呀。殺的他力盡途窮。水斷山空。散軍兵無歸路。血光紅。只因你運拙惡曜當逢。你當初莫胡爲。多思慮。豈遭凶。〔盧俊義云〕悔不聽學究之言。今朝有此惶愧之事。李大哥將過那斧來者。〔李逵做遞斧科〕〔云〕斧在此。那廂使用也。〔盧俊義云〕賈氏。我萬貫家財。着你執掌。今日箇和李固做下這等勾當。玷辱夫名。難以干罷。姦夫淫婦太不仁。險把吾身一命傾。宣花斧過紅光染。碎爍屍骸方稱心。〔旦兒同李固做死科〕〔下〕〔正末唱〕

〔採茶歌〕只因他怎相容。俺可便遠來攻。因此上銅臺境內亂縱橫。似這等橫禍非災難報怨。他今日天誅地滅理難從。〔云〕衆頭領分付僂儷。不許深擾城內軍民之家。如有違令者。必當斬首。〔李逵同衆云〕謹遵學究的令也。〔正末云〕把員外家中財物。盡搬上梁山去。吶喊三聲。俺見宋江哥去來。〔唱〕

〔尾聲〕班師回轉雄兵擁。搭救英雄有始終。一應家財山中送。壯士每立功。弟

兄每奮勇。把一箇合死的姦夫滅除了種。〔同衆下〕

第五折

〔宋江領僮僮上〕〔宋江云〕一心翦除不仁事。舉意削平不義情。某宋江是也。自從衆兄弟每下山救盧俊義去了。未見回還。聞知學究同衆兄弟得勝。小僮僮門首看者。若來時報復我知道。〔僮僮云〕理會的。〔正末同徐寧朱全燕青李逵雷橫秦明林冲盧俊義上〕〔正末云〕某吳用是也。誰想俺則一陣破了銅臺。救了盧俊義。今上山見宋江哥去。我想俺這一起人。英雄並轡。衆虎同心。好一班人物也呵。〔唱〕

〔雙調新水令〕一箇箇能文能武有龍韜。衆豪傑搗搜容貌。秉心行正直。替天輔皇朝。不覺的轉過山腰。遙望見忠義堂早來到。〔李逵云〕學究哥。俺到了寨門首也。〔正末云〕兀那僮僮報復去。道有某等來了也。〔僮僮云〕喏。有學究同衆頭領來了也。〔宋江云〕等某接去。〔見科〕〔宋江云〕學究。衆兄弟每鞍馬上勞神也。〔正末云〕宋江哥。守寨不易也。盧員外。你與宋江哥厮見也。〔盧俊義做拜科〕〔云〕多蒙保護。哥相救。若不是學究同弟兄每下山去。豈有盧俊義之命也。〔宋江云〕盧員外。既然到此。今日你就掌梁山之事也。〔正末唱〕

〔鴈兒落〕今日箇盧員外爲故交。掌管俺梁山道。〔盧俊義云〕小弟多感活命之恩。怎

敢掌梁山之事也。〔正末唱〕你休得要謙遜言。聽保義從頭告。〔宋江云〕學究。此事都要依某也。〔正末云〕左右將酒來。〔唱〕

〔得勝令〕呀。高擎着玉盞泛葡萄。淹濕絳征袍。盧員外可掌梁山事。只爲你胸中武藝高。俺一夥英豪。秉忠正。行天道。倘身到皇朝。那其間凌煙把姓標。〔盧俊義云〕小弟斷然不敢掌梁山之事。情願聽從使令也。〔正末云〕既然盧俊義不肯掌管。宋江哥還掌梁山之事。盧員外坐第二把交椅。餘者照舊而坐也。〔徐寧同衆云〕學究所言。深有理也。〔正末云〕將酒來。俺今日喜得又添了員外。衆弟兄都要開懷歡飲。盡醉方歸也。〔唱〕

〔水仙子〕今朝又聚一英豪。水泊威風膽氣高。秉心正直行公道。將無徒須盡剿。一箇箇文武才高。有一日聖明主招安去。掃蠻夷輔聖朝。麒麟閣都把名標。〔宋江云〕你衆弟兄每聽者。既將奸夫惡婦俱殺壞了。報了冤讐。又救的盧員外上山來。今在一處。結爲刎頸之交。同心合意。生死相護。俺衆頭領做箇慶喜的筵席。都要開懷而飲。盡醉方歸。則俺這梁山豪傑。顯高強。仗義疎財心氣剛。一箇箇論文過如曹子建。一箇箇論武賽過楚霸王。安邦護國稱保義。替天行道顯忠良。一朝聖主招安去。永保華夷萬載昌。

題目

廣府壯士遭圍圍

正名 梁山七虎鬧銅臺

孤本元明雜劇 鬧銅臺

五

涵芬樓藏版

鬧銅臺穿關

楔子

宋江

記字巾 蟒衣曳撒 項帕 直 儂儂 記字巾 直纏 錦襖 項帕 蕭讓 記字巾 膝襪曳

帶劍

三髭髯 林冲 記字巾 膝襪曳撒 項帕 直 正末張順 記字巾 皂補納 綿襖

布襖

藍絹褲 腿細護膝 八答鞋 帶劍 三髭髯

頭折

監倉官

紗帽 圓 弓兵 氈帽 青 正末張順 攢頂 藍直身 項 正末張順 又上 同

旦兒

髮髻手帕 比甲襖兒 李固 氈帽 綿布 燕青 攢頂 藍直身 項帕 宋江 儂儂

同雷橫

記字巾 膝襪曳撒 項帕 直 正末張順 又上 同

第二折

盧俊義

一字巾 圓領 鈎 燕青 同 李固 同 正末吳用 散巾 邊欄道袍 緋 道童 雙

子因帶

三髭髯

燕青

同

李固

同

正末

吳用

散巾

邊欄道袍

緋

道童

雙

髻髮陀頭 邊 宋江 雷橫 僂儼 同 李逵 同 皂補納 錦襖 項帕 法墨道 直

猛髻 張橫 同 字巾 膝欄曳撒 項帕 直 正末吳用 又上 同 李逵 僂儼 又上 同 雷橫 同

僂儼 又上 同 張橫 又上 同 斗笠 簑衣 正末吳用 又上 同 盧俊義 李固 又上 同 前 李

盧俊義 又上 同 正末吳用 又上 同 宋江 僂儼 又上 同 正末吳用 盧俊義 又上 同

第三折

旦兒 燕青 同 李固 同 盧俊義 同 旦兒 李固 又上 同 王太守 領 紗帽 圓 弓兵 同 旦兒

李固 拏 盧俊義 同 宋江 僂儼 同 正末吳用 同 唐巾 補子圓領 燕青 又上 同 徐寧 同

巾 膝欄曳撒 項帕 直 雷橫 同 秦明 同 字巾 膝欄曳撒 項帕 直 朱仝 同 字巾

曳撒 項帕 直 李逵 同 膊 帶 帶劍 三髯 李逵 同

第四折

王太守 弓兵 同 鋪兵 紅氍帽 青衣 棍 徐寧 僂儼 同 前 朱仝 同 燕青 同 字巾 膝欄

直裰 搭膊 帶 正末吳用李逵 僂儼 同前 王太守 同前 卒子 紅碗子盔 青布 帶劍 三髯髯 躍馬兒 釘兒甲 搭膊

劍 雷橫 秦明 同 李固 旦兒 同 朱仝 燕青 盧俊義 同前

第五折

宋江 僂儼 同 正末吳用 徐寧 朱仝 燕青 李逵 雷橫 秦明 林冲 盧俊義 同前

萬曆四十三年乙卯正月十八日三鼓校內本清常記

王矮虎大鬧東平府

關名

頭折

〔沖末扮宋江同吳學究領小儂僮上〕〔宋江云〕當年把筆爲司吏。奔上梁山集衆多。信義兼行人懼怕。智謀壓倒漢蕭何。某姓宋名江字公明。先爲把筆司吏。緣事而奔上梁山。集聚到半坡小儂僮。三十六大夥。七十二小夥。威鎮這梁山。要不義之財。釋有仁之士。時逢正月元宵。俺在梁山縱橫自在。酒筵受用。所事皆有。止少的是幾盞兒花燈。帳前搥動聚將鼓。喚那衆頭領來。看那箇敢下山。去東平府城中買燈去。搥動聚將鼓者。〔小儂僮搥鼓科〕〔外扮關勝呼延綽武松上〕〔關勝云〕風高敢把高牆跳。月黑提刀去殺人。某乃大刀關勝是也。這兩箇兄弟。乃是呼延綽武松。俺都是宋江哥哥手下頭領。搥響聚將鼓也。不知爲何。俺見哥哥去來。可早來到也。小儂僮報復去。道有俺三人來了也。〔小儂僮云〕理會的。喏。報的哥哥得知。有關勝等三人來了也。〔宋江云〕着他過來。〔小儂僮云〕理會的。過去。〔做見科〕〔宋江云〕三箇兄弟來了也。〔關勝云〕俺來了也。那廂使用。〔吳學究云〕等衆兄弟都來到時。俺與他每說此事也。〔宋江云〕哥哥說的是。〔外扮李逵張青華榮上〕〔李逵云〕某乃李逵是也。這兩箇是張青華榮。同去帳前。聽哥哥將令。

去來。可早來到也。小僂儻報復去道有俺三人來了也。〔小僂儻云〕理會的。喏。報的哥哥得知。有李逵等三人來了也。〔宋江云〕着他過來。〔小僂儻云〕理會的。過去。〔做見科〕〔李逵云〕哥哥。俺來了也。〔宋江云〕李逵。您且一壁有者。衆頭領每敢待來也。〔外扮張順燕青徐寧上〕〔張順云〕某乃張順是也。同燕青徐寧。俺哥哥帳前聽令去。可早來到也。小僂儻報復去。道有俺三人來了也。〔小僂儻云〕理會的。喏。報的哥哥得知。有張順等三人來了也。〔宋江云〕着他過來。〔小僂儻云〕理會的。過去。〔做見科〕〔宋江云〕張順。您來了也。〔張順云〕哥哥。聞的聚將鼓響。俺都來聽令也。〔宋江云〕您且一壁有者。尚有幾箇頭領未到哩。待來全時。某一一分付您也。〔正末扮王矮虎同一丈青上〕〔正末云〕某乃王矮虎是也。這的是渾家一丈青。向山寨中昨夜多飲了幾杯酒。起遲了些兒。哥哥帳前播動聚將鼓。兀的衆頭領每都上山去了。一丈青。走走走。不知有甚麼急事。遠遠的看者。誰似俺哥哥的號令也呵。〔唱〕

〔仙呂點絳脣〕我這裡破步撩衣。山前竚立。張旗幟。端的是號令嚴齊。則聽的戰鼓鑿鑿播。

〔混江龍〕俺哥哥才兼武備。鎮梁山件件虎狼威。端的他心行仁義。不是強賊。每日家糯酒佳釀。連夜飲歌兒舞女列筵席。少甚麼爲官意。到大來無憂少慮。

起早眠遲。〔一丈青云〕王矮虎來到帳前也。俺見哥哥去來。〔王矮虎云〕小僕僮報復去。道有某來了也。〔小僕僮云〕理會的。喏。報的哥哥得知。有王矮虎來了也。〔宋江云〕着他過來。〔小僕僮云〕理會的。過去。〔做見科〕〔宋江云〕您二人來了也。別的頭領都有差使。止有這大刀關勝等在此。如今節遇元宵。俺這寨中。所事皆有。則少幾盞兒花燈。誰敢下山。去東平府內。買取幾盞花燈上山來。以應良辰也。〔正末云〕哥哥。除是王矮虎敢去。〔關勝云〕則怕你去不的麼。〔正末唱〕

〔油葫蘆〕慶賞元宵山寨裏。端的是少甚的。酒傾東海泛玻璃。殺陳着美味山堆集。齊歌着妙曲歡聲起。少花燈十數盞。應良辰所事宜。我與你穩拍拍直至東平地。管取教買的異燈回。〔吳學究云〕你去則怕買不的燈來麼。〔正末唱〕

〔天下樂〕也知道王矮虎英雄天下奇。智量誰及。心細微。者莫待論文論武到那裡。論文呵舌似槍。論武呵拳脚疾。因此上強承頭不暫推。〔一丈青云〕夫主也。你則怕失了事。累及妾身。你不要去。着別的箇頭領哥哥去罷。〔正末云〕噤聲。〔唱〕

〔那吒令〕男兒家出一言怎生道退悔。婦人家助一言休道是信你。哥哥他發一言似泰山不移。怎肯教失了事情。並不教遲了節日。罪有當歸。

〔鵲踏枝〕哎。你箇大賢妻少支持。直着那功顯元宵。慶賞佳期。說起來心兒中暗喜。定着您賞花燈元夜遊嬉。〔吳學究云〕你去自去。到城中休顯出是梁山上的來。〔正

末云〕某知道了。哥哥。您兄弟去也。〔宋江云〕住住住。你去呵。則怕一時間失下事。無人搭救。再有誰敢同他去。〔徐寧云〕哥哥。徐寧同他去。〔正末云〕也能也罷。俺兩箇去來。〔唱〕

〔寄生草〕着徐寧爲幫手。入城中不可遲。這其間歡喜殺英雄輩。到其間施展胸中計。那其間方顯多才藝。者莫是東平府裏有英豪。直着他一箇箇見俺天靈碎。〔宋江云〕則要你買上燈來。不許你與人爭鬪。若是犯了。決不輕饒。〔正末云〕俺知道。俺知道。

辭別了哥哥。俺去也。〔二人拜科〕〔正末唱〕

〔尾聲〕拜辭了二仁兄。〔宋江云〕若悞了限次。決然斬首。〔正末唱〕再不必言詳細。直走向東平府裏。買取花燈急急回。哎。徐寧緊緊相隨。生怕俺不遵依。向城中惹事招非。假若是悞了期程招罪累。扮做箇鄉村中庶黎。不與人鬪爭閑氣。直着那滿城人不識是山賊。〔同徐寧下〕〔宋江云〕王矮虎徐寧去了也。安排酒殺。大設筵席。到十五日元宵。待他買的燈來。啣慢慢的慶賞。水滸寨中同宴飲。梁山頂上慶元宵。〔同下〕

〔外扮社頭上〕〔云〕謝天謝地好收成。大男小女笑欣欣。共樂良辰因歲稔。同酬元夜爲時登。自家是這東平府中一箇社頭。如今年豐歲稔。時遇元宵。家家點放花燈。於此節慶賞三日。在於這大街前鼓樓下。聚會天下好漢。爭籌打擂。今有關西一箇偌大漢。名是呂彥彪。世之無敵。他爲首領。要與人打擂。自家安排下銀碗花紅綵段。若有搥翻了的。這銀碗花紅。就是他的。無甚事。請鄉人每走一遭去。〔下〕〔外扮店主引淨店小二上〕〔店主云〕門外大書天下館。家中安歇四方人。自家是這東平府大街西張員外是也。開着一座酒食店。更安歇往來客人。小二哥打掃了閣子者。看有甚麼人來。〔店小二云〕老的。昨日土地託夢與我來。說今日有一箇人來哩。〔店主云〕你看這廝。那裡有這箇話說也。〔正末同徐寧上〕〔正末云〕某乃王矮虎是也。同着兄弟徐寧。走走。走入的城來。好是鬧嚷也呵。〔唱〕

〔中呂粉蝶兒〕端的是鬧嚷人稠。走的人汗浸浸布衣濕透。比俺那鄉村中事。事皆優。則見酒樓高街市闊。委實是無出其右。袖手抽頭。休違了俺哥哥學究。〔醉春風〕本是箇山寨上打截人。扮做箇村莊裏買辦叟。待要那花燈數盡慶元宵。他這裡有。有做的是走獸飛禽。神仙人物。描金綵繡。〔徐寧云〕哥哥仔細着。不要與人爭鬪。忍辱些兒者。〔正末云〕我知道。兄弟。腹中有些兒饑餒。往兀那酒食店中。買些酒飯。

兒喫。怕做甚麼。〔徐寧云〕哥哥。咱是買些酒飯兒喫。來到店中也。〔做見科〕〔店主云〕請請請。兩箇鄉里上來的人。〔正末背與徐寧云〕休顯出來。〔徐寧云〕你休分付我。俺索做小伏低者。〔正末云〕我知道。兀那老的。看酒來與俺喫。〔店主云〕有有有。小二哥。便盪酒與兩箇哥哥喫者。〔店小二云〕來也來也。〔做擎上酒科〕〔正末與徐寧笑科〕〔正末云〕好酒也。〔唱〕

〔紅繡鞋〕正是嗜饑渴時候。香噴噴酒勝清油。〔帶云〕店小二。將大鍾子來者。〔唱〕這時乘興兩三甌。〔徐寧云〕哥哥又怎的。〔正末唱〕須臾間心性起。〔店小二云〕與您甌子。不許撒酒風。我就打死您。〔正末唱〕我這裡索央求。休怪俺不達時野外叟。〔云〕店主人。這城中有些甚麼稀奇的事。〔店主云〕俺這城中。來日是十四日。鼓樓之下。有箇關西哨子呂彥彪。要與人爭籌打擺哩。俺都去看去也。〔正末云〕是誰。〔店主云〕是呂彥彪。〔正末云〕我和他比手。見箇高低。怕做甚麼。〔店主云〕哥哥。你留着你性命罷。惹不的他。〔店小二云〕量你這麼一箇腌形像。怎生近的他也。〔正末唱〕

〔普天樂〕惱的我眼圓睜。神眉皺。長別人志氣。滅自己風流。〔店小二云〕哥哥。你倒好拽耙扶犁。怎生打的他也。〔正末唱〕看的人似等閑。我端的無紕繆。〔徐寧云〕哥哥。俺不要管他這麼閑事也。〔正末唱〕不忿之私難禁受。我和他做一箇敵頭。〔店主云〕你恰好

不知呂彥彪之名也。〔正末唱〕者莫是英雄彥彪。威風赳赳。爭似我氣勇食牛。〔店主

云〕你可是甚麼人。敢和他爭鬪也。〔正末云〕您可也是不知道俺也。〔唱〕

〔快活三〕俺家居城外頭。喜元夜景風流。俺特來買燈城內不停留。〔店小二云〕你如今要怎的。〔正末唱〕待和他尋敵鬪。〔店主云〕哥哥。買了燈回去罷。〔正末唱〕

〔朝天子〕老兄也。你莫愁。者莫他是教首。看這扶犁叟。多村胃。紛紛怒氣怎生收。〔徐寧云〕哥哥。你又怎的。〔正末背唱科〕這會兒忘了爲山寇。〔帶云〕店主。我打了他。則要

你請我一席好酒。〔唱〕則要你重擺佳筵。不把你那金銀接受。打的他死臨侵無處走。〔徐寧云〕哥哥。俺來買燈來那。厮打來那。〔正末唱〕俺如今暫留店中住一宿。這的是

好事偏能轉。〔云〕我務要和他打擂。〔徐寧與正末背題科〕〔云〕哥哥。不爭你打擂。則怕悞了哥

哥。山上賞翫的花燈也。〔正末云〕不得悞了。明日纔十四日也。不悞了。十五日上去罷。〔店主云〕

哥哥。你依着我不要去打擂。你打不倒他。〔正末云〕老的也。你休焦躁。俺在這店中歇一夜。到來

日晚間。你看我打那哨子。〔店主云〕既是這等呵。打掃閣子。留他兩箇宿歇一夜。到來日單看你

哩。〔正末唱〕

〔耍孩兒〕今日箇特來攪擾多生受。單看咱來朝和他比手。者莫他拳疾脚快

性狂乖。怎敵這村莊家猛烈搗搜。拳着管取天靈碎。脚踢定教鮮血流。難喫受。便是他人中少有。我做的世上爲頭。〔店小二云〕你來納命來。也罷也罷。天晚了也。來這閣子上安歇。明日看你哩。〔徐寧云〕俺睡去來。〔正末唱〕

〔尾聲〕我須是今朝口應心。來朝心應口。到其間誰把他搭救。〔云〕我若是打倒他呵呢。〔店主云〕情願安排酒請您。〔正末唱〕來赴您賭勝筵席賽輪酒。〔同徐寧下〕〔店主云〕天晚了也。收拾了酒店。關上門戶。到來日看這兩箇莊家。與那呂彥彪打擂。若打翻了呵。安排酒果花紅禮。迎取鄉人壯士回。〔同下〕

第三折

〔宋江同吳學究領小僮僮上〕〔宋江云〕就枕方寧息。眠床夢寐營。五更天未曉。日出事還生。某乃宋江是也。爲因時遇元宵節令。差王矮虎同徐寧下山。置買花燈去。怎生還不見回來。〔吳學究云〕王矮虎關西人倔強。則他能遊戲惹事。公明可做箇計較也。〔宋江云〕學究。如今差兩箇頭領。領些人馬接應他去。可着誰去也。〔吳學究云〕任從哥哥將令。〔宋江云〕小僮僮。便喚關勝呼延綽來。〔小僮僮云〕得令。關勝呼延綽安在。〔關勝同呼延綽上〕〔關勝云〕每日寨前聽號令。人人有勇顯猙獰。得名頭領三十六。不怕能強百萬兵。某乃大刀關勝是也。這箇是呼延綽。

宋江哥哥呼喚。不知有甚事。須索走一遭去。可早來到帳前也。不索報復。俺自過去。(做見科)
(云)喏。喚關勝呼延綽。那廂使用。(宋江云)您二人領五十騎人馬。輕弓短箭。曉夜前去東平府。接應王矮虎徐寧。他去置買花燈。連日不見上山。恐有疎失。疾去早來。休得生事。損害良民也。
(呼延綽云)奉哥哥將令。將人馬埋伏於東平府城外。俺二人隨路打聽。接應他去。(關勝云)不敢久停。引領着五十騎人馬好漢。徑奔東平府。路上接應那。走一遭去。倚仗哥哥威福。大管取教他無事回。(同下)(宋江云)分付殺羊造酒。安排元宵賞燈筵會。(吳學究云)筵會酒果。都已安排停當也。(宋江云)着他二人去。某已放心了。無甚事。且回山寨中去來。安排佳宴梁山上。準備元宵慶賞燈。(同下)(外扮社頭同淨里長沙三牛表王留伴哥旦兒伴姑打鑼鼓上)(社頭云)時逢稔歲樂陶陶。呵。(衆云)呵呵。官清法正少差徭。呵。(衆云)呵呵。民安國泰絕征討。呵。(衆云)呵呵。大家歡樂鬧元宵。呵。(衆云)呵呵。自家東平府在城社頭。時逢稔歲。節遇上元。在城內鼓樓下作一箇元宵社會。數日前出了花招告示。俺這社會。端的有馳名的散樂。善舞的歌工。做幾段笑樂院本。搬演些節義戲文。更有那魚躍于淵的筋斗。驚眼驚心的百戲。更有一班兒打搗教首。跌打班頭。內有一人呂彥彪。乃是河東鄭州人。天生下箇偌大漢。打天下有名教首。今日正月十四日。頭場社會。先看打搗。後演古今。你看城裏城外。四村上下。老小男女。都來看社。好是快樂也。

播動鑼鼓。教首這早晚敢待來也。〔外扮呂彥彪同大趕力小趕力各執槍棒上〕〔呂彥彪云〕行拳走踢我爲頭。膽氣剛強力敵牛。全憑拳脚爲活計。打遍南州共北州。洒家河東邾州人氏。姓呂名彥彪。三輩兒行教。跌打絕倫。拳法無對。相邀了這各處教首。都是好漢。拜義洒家爲師。聞的東平府一帶有能跌打的好漢。社頭請洒家打擂。衆徒弟俺走一遭去來。〔衆云〕俺去來。〔呂彥彪云〕可早來到也。好熱鬧的社會也。衆徒弟跟我上露臺來。〔做見科〕〔社頭云〕呂教首來了也。俺這裡集聚下大衆。久等多時也。單看你那英豪壯氣哩。〔呂彥彪云〕四面看社君子。有好漢出來。爭籌打擂。〔社頭云〕大衆數內。四方君子。我備下銀碗花紅酒禮。打擂勝者相贈。有好漢出來。〔做叫三科了〕〔社頭云〕呂教首。聞你的名。誰敢來賭賽。你師徒搽兩路。熱鬧社會也。〔呂彥彪云〕也罷也罷。既無人敢承頭。俺師徒搽兩路。〔呂彥彪同衆做搽拳科〕〔社頭同衆喝采科〕〔云〕好教首。名不虛傳也。〔打住〕〔呂彥彪云〕四方君子出來。略搽兩路。以見高低。〔社頭云〕已是無人敢與你打擂了。露臺下安排下酒飯。衆位暫時小歇。用些酒飯者。〔呂彥彪云〕索是動勞社頭。衆徒弟跟洒家喫酒飯去來。〔衆下〕〔正末同徐寧領小僕僮孺各樣花燈上〕〔正末云〕自家是這東平府城南蓼兒凹東莊裏人。同這箇徐大戶。來城中置買幾盞兒花燈。將去俺村裏應節耍子。〔背與徐寧云〕哥哥。你看那鼓樓下敢是做社處麼。〔徐寧云〕可知

是哩。〔正末云〕俺則說看社。看那呂彥彪如何。好是熱鬧的社會也呵。〔唱〕

〔越調鬬鵲〕則聽的鑼鼓喧天。人稠物穰。又則見老小爭馳。填滿了前街後巷。正值着春首時光。慶賞那太平景象。我如今變了姓名。改了穿張。俺莊家乍入城池。改不了村沙的勢樣。〔徐寧云〕兄弟。你顯出來。惹哥哥罪俺也。〔正末唱〕

〔紫花兒序〕告尊兄再休閑絮。您小弟把捉軀老。常則是忍耐心腸。自生身偏爭好鬪。便死呵。個儻。徜徉。休慌。看一箇高低。觀箇穩當。早難道將他輕放。我怎肯失了俺的機關。折了俺的剛強。〔徐寧云〕兄弟休言語。俺則看社會耍子罷。〔正末做看

科〕〔云〕分開人。老哥哥。小哥哥。放開路兒。着俺鄉下人靠前看一會兒。休擠了俺的花燈也。〔淨

扮楊衙內領從人冲上〕〔從人云〕小來疑是心字下路。〔衙內云〕某乃楊衙內是也。鼓樓前看社會。可

早來到也。怎生這般冷靜。〔社頭做見科〕〔云〕衙內爹爹來了也。〔衙內云〕怎生不見作戲打搯

的。〔社頭云〕恰纔打搯的下去喫酒飯。去了便來也。打搯教首上露臺來。衙內爹爹喚您打搯哩。

〔呂彥彪同衆上〕〔云〕來也來也。喫了酒飯。上的露臺來。〔做見科〕〔社頭云〕恰纔衙內爹爹喚

您呈幾解耍子哩。〔呂彥彪云〕俺呈解有甚稀罕。四圍圍有好漢出來。贏了酒家的。得銀碗花紅。

輸了的當露臺拜我八拜。〔正末云〕哥哥。你聽的麼。〔唱〕

〔金蕉葉〕開大言全然不想。他教人八拜。他花紅受賞。惱的我心勞心嚷。〔徐寧云〕兄弟按納性子者。〔正末唱〕着這箇同伴人。咕嚕的我氣夯。〔呂彥彪云〕衙內爹爹。無人敢出來承頭。〔做打飛脚支架科〕〔云〕好漢出來。〔正末做脫剝小打扮上露臺〕〔云〕有有有。我和你比試打擂。社頭銀碗花紅道定者。〔呂彥彪云〕入來。〔正末做搦拳科〕〔正末唱〕

〔調笑令〕也不索用槍大疑是使字棒。我與你戰一場。看我這脚快拳疾難堵當。擎着拳托塔天王。像翻身輪杵金剛。我見他拳來架住兩壁廂。脚起處背脊着傷。〔呂

彥彪做跌倒科〕〔正末唱〕

〔禿厮兒〕仰刺杈堦前直倚。〔呂彥彪起身搥科〕〔云〕不怕你。不怕你。〔正末唱〕藝低微口兒裏能強。出山饑虎逢着壯羊。〔做搥彥彪一掌科〕〔呂彥彪云〕哎約。着重也。〔正末唱〕攔一掌中胸膛。〔呂彥彪吐科〕〔云〕傷了心也。吐血來了。〔正末唱〕你便休慌。

〔聖藥王〕他早則手脚忙。沒主張。〔呂彥彪云〕住者。洒家輸了也。〔正末唱〕你不好教人八拜你跟廂。〔云〕你跪下。我饒你命。〔呂彥彪跪下科〕〔云〕好漢好漢。〔正末唱〕我權時擔待。你須信我情性莽。若不是當着社會受伏降。我這其間着你去見閻王。〔云〕

徐大戶。將着花燈。俺去來。〔做問呂彥彪借槍云〕我饒你性命。借你那槍來。我要一路槍。與大衆

看〔呂彥彪做問大趕力手中取槍與正末科〕〔正末接科〕〔社頭云〕壯士。銀碗花紅你收了者。安排酒來。〔正末云〕收了銀碗花紅。不用你酒了。悞了我家裏花燈。〔社頭云〕你姓甚名誰也。〔正末同徐寧小僮離走科〕〔正末云〕將着這桿槍。殺出社會來了。您聽者。元宵作社爭籌賭。打倒關西身受苦。社頭要知名和姓。則我是梁山好漢王矮虎。走走走。打開人去來。〔同徐寧下〕〔衙內云〕好也。原來是梁山上王矮虎。說與知府。點人馬趕了去。〔社頭云〕我去告知府大人去也。〔同衆下〕〔關勝呼延綽領小僮離躍馬兒冲上〕〔關勝云〕某乃關勝是也。同呼延綽來到這東平府南關外。將半坡人馬。遠遠的專等兄弟王矮虎徐寧。二人敢待來也。〔正末同徐寧領小僮離擎花燈上〕〔正末云〕遠遠的不是關勝呼延綽兩箇哥哥。小僮離行動些。則怕官軍趕將來。〔做見科〕〔關勝云〕兄弟也。悞了假限也。你在那裡來。〔徐寧云〕且不說哩。整擱人馬。則怕官軍趕將來。〔關勝云〕小僮離牽馬來。與兩箇兄弟騎上者。〔正末云〕將馬來。上的馬。俺慢慢的行。〔同衆虛下〕〔知府同衙內里長社頭領卒子躍馬兒上〕〔知府云〕某乃東平府知府是也。元宵做社。誰想梁山好漢王矮虎。直入城中。爭籌打擂。奪一根槍在手。於大衆中殺將去。更待干罷。領着人馬。同衙內務要趕上也。〔衙內云〕正要拏他哩。我圖陞箇大官。知府大人。把這功次讓與我罷。〔知府云〕讓與衙內。走走走。往正南上趕將去來。〔同衆虛下〕〔正末同關勝呼延綽徐

寧領小僮僮躍馬兒冲上。〔正末云〕哥哥。你看後面不是官軍來了也。〔知府同里長衙內社頭躍馬兒領卒子冲上。〕〔知府云〕山賊少走。〔正末云〕你快回去。不與你爭鬪。誤了我假限也。〔衙內云〕這厮開大言。〔做戰科。〕〔關勝云〕量你到的那裡。〔知府云〕敵不住他。走了罷。〔正末云〕那裡去。小僮僮都與我捉將來。〔做拏住知府衙內里長社頭科。〕〔知府云〕太保饒命。〔正末云〕綁縛了上梁山。見哥哥去來。〔唱〕

〔尾聲〕俺跟前施展你那英雄壯。你正是自撞入天羅地網。〔知府云〕放了小官罷。〔衙內云〕饒了小人罷。〔正末唱〕我如今也不殺你。不饒他。見了俺保義的哥哥。慢慢的講。〔同下〕

第四折

〔宋江同吳學究領小僮僮上。〕〔宋江云〕節近元宵最可誇。東風吹暖入梅花。梁山快樂開佳宴。自在縱橫第一家。某乃宋江是也。學究哥哥。〔吳學究云〕不敢。〔宋江云〕今日是元宵節令。怎生王矮虎同衆頭領。尚不會見來。可是爲何。〔吳學究云〕花燈是晚間用的物。他每必然不敢有悞也。〔宋江云〕可也過了限期。使某心中憂疑。小僮僮去請山寨衆頭領。若有差下山不在者。便罷。見在山寨頭領。都請來赴會。以樂元宵佳節也。〔小僮僮云〕理會的。出的門來。大小僮僮各

分頭向。去請見在頭領赴元宵筵宴也。〔外應科〕〔小僮僮云〕衆頭領有請。赴元宵會也。〔李達同張青華榮張順燕青武松一丈青上〕〔李達云〕某乃李達是也。同衆頭領每寨中赴宴去來。說話中間。可早來到也。不索報復。俺自過去。〔做見科〕〔宋江云〕衆兄弟每。您都來了也。你看俺那酒宴。都皆停當了。則是不見王矮虎買的燈來。某更差的人接應他去了。這早晚也不見箇來的。莫非有些疎失麼。〔一丈青云〕哥哥不妨事。料他每怎肯失下事。小僮僮山寨前看者。衆弟兄每。這其間敢待來也。〔正末同徐寧挑花燈關勝呼延綽領小僮僮縛楊衙內里長社頭上〕〔正末云〕走走走。早是不悞了哥哥的花燈。小僮僮拏的他每牢着。誰想在城中打輸了呂彥彪。他後來知俺是梁山上好漢。楊衙內同府官相領着人馬追趕出城。不想哥哥差關勝呼延綽領小僮僮接應將上來。把他每登時就戰退。又擒捉了這楊衙內里長社頭。拏的他上山見哥哥去來。好好好。天晚了。點着這花燈。兀的不開宴飲酒哩也。〔唱〕

〔雙調新水令〕買花燈山上慶元宵。恰今朝轉回來。則見他弟兄每排宴飲。山寨裏按笙簫。心下量度。誰似俺這榮耀。〔徐寧云〕且休題此事。則怕哥哥見責麼。〔正末云〕不妨事。〔衙內云〕太保饒性命。休殺了俺。寧可與你驢馬糞罷。〔關勝云〕休言語。王矮虎徐寧哥哥。您二人先見哥哥去。〔正末云〕說的是。徐寧。俺兩箇先見去。小僮僮報復去。道有王

矮虎等來了也。〔小僂僂云〕理會的。啫。報的哥哥得知。有王矮虎等來了也。〔宋江云〕着他過來。〔小僂僂云〕理會的。過去。〔做見科〕〔宋江云〕您可來了也。好也。怎生去了兩三日。方纔回來。說的有理呵。將您輕饒。若無理呵。決然斬首。〔徐寧云〕王矮虎不說呵。等甚麼。〔宋江云〕你說你說。

〔正末唱〕

〔駐馬聽〕頭領聽着。故向城中顯氣豪。有一箇關西要操。〔吳學究云〕他要操怎的。

〔正末唱〕當場鬪打在昨朝。也是我胸懷不忿小兒曹。我去那露臺前親把他贏了。〔宋江云〕哦。你可與人鬪爭來。於理可也難饒。〔正末跪科〕〔唱〕須告饒。〔帶云〕非您兄弟惹事。

〔唱〕也則是故將山上英雄表。〔吳學究云〕你可有甚執照那。關勝與呼延綽都在何處。〔正

末喚科〕〔云〕關勝都與我拏過他每來者。〔關勝云〕小僂僂拏過來者。〔小僂僂拏衆做見科〕

〔衙內同衆跪科〕〔云〕饒性命。〔里長云〕宋老官兒。我是王里長。我出城來趁打哄耍子兒。他就拏將我來了。〔宋江云〕關勝。他每端實是怎的。〔關勝云〕奉哥哥言語。着俺去接應他二人去。到於東平府城外。則見他二人將着兩盞花燈。後面這楊衙內。領着人馬趕將來。俺與他當時打退。就擒了他每來。以爲執照。〔宋江云〕嚶。兀那衙內是此情麼。〔衙內云〕太保。並不虛矣。則是饒命。家中有八十歲老母。則是可憐見者。〔吳學究云〕恁的呵。哥哥可也當饒王矮虎和徐寧也。

〔正末唱〕

〔喬牌兒〕謝哥哥相薦保。非因俺故違拗。可恨這府官特地將兵調。我和他惡狠狠齊併捉。〔衙內云〕太保。俺今日方知您是英雄好漢。你看那奢華富貴。端的是舉世無如也。

〔吳學究云〕您今日方知俺之富貴也。〔宋江云〕你這兩盞花燈。可是那裡得來。〔正末云〕哥哥是不知道。〔唱〕

〔甜水令〕這花燈人手奪來。當場打倒。不消錢鈔。今日應點慶元宵。說的他那城市居民。癡呆立掙。無着無落。哎。哥哥不必心焦。〔宋江云〕這兩盞花燈。也是人手裏奪來的。〔衙內云〕宋大叔。就是我的伴當手裏奪來的。〔宋江云〕兀那衙內。爾等聽者。某雖爲寇。替天行道。不殺無義。專害奸邪。您一行雖犯在俺手。奈你家有八旬老母。其中頗有義理。俺今不殺您。都放您回去。王矮虎兄弟。你這兩盞花燈。於萬人叢中奪來。又將呂彥彪打退。後於城外又擒伏得他衆人上梁山。兄弟。你委果好漢。今日箇正是元宵之夜。斟酒來。俺弟兄每橫飲幾杯者。

〔正末唱〕

〔沉醉東風〕筵席上歡聲不少。弟兄每慶賞在今朝。酒裏斟香糯。浮痛飲後同舒笑。醉醺醺慢敘知交。不受拘鈐胸次高。〔帶云〕將酒來。〔唱〕一任教酩酊醉倒。

〔吳學究云〕哥哥。既是他每見了俺這般受用快活呵。他每既無罪責。怎生看我面。饒放起來者。
〔一丈青云〕不要饒他每。都殺了罷。他當時怎麼要拏我丈夫來。〔宋江云〕既然學究哥哥說
呵。都與我解了繩子者。〔小僮僮云〕理會的。〔做解科〕〔里長云〕老子也。你纔是箇人也。〔衙內
謝科〕〔云〕謝了太保。寬仁厚德也。〔宋江云〕若無您來呵。某可也不饒這王矮虎徐寧。〔正末
云〕一丈青將酒來。我與哥哥把一盞者。〔正末把盞科〕〔衙內云〕宋公明。我不家去了。留下我
我也做賊罷。這裡倒好耍子哩。〔宋江飲酒科〕〔云〕酒殺了。好快樂也。衙內社頭里長。都饒您性
命。與我下山去者。〔衙內同衆謝科〕〔云〕謝了太保也。〔正末唱〕

〔鴈兒落〕俺將他喜歡都放却。則落的箇入城裏人稱道。雖是俺爲賊在山澤
中。倒強似您仕宦聞邊報。

〔得勝令〕呀。憑哥哥信義結英豪。也得的敬重似同胞。不爭我東平府裏施英
勇。顯的這梁山上志氣高。把歲月淹消。到得長安樂。謝哥哥耽饒。拚着箇醉而
醒。鬧到曉。〔宋江云〕衙內等您聽者。俺梁山五夜排尊俎。買花燈親自聽吾語。到城中奮氣露臺

前。打倒人又把花燈取。您趕他特地向城東。憑接應捉獲難飛舉。仗仁義不殺放回歸。到今朝方
識吾豪富。今日箇慶賞喜無邊。把清風永播千千古。這的是呂彥彪打搗元宵節。結末了王矮虎

大鬧東平府。

題目

呂彥彪打擂元宵節

正名

王矮虎大鬧東平府

東平府穿關

頭折

宋江

萬字巾 蟒衣曳撒 項帕 直 吳學究 唐巾 補子圓領 小儂羅 萬字巾 錦襖

戴

直纏 關勝 萬字巾 膝欄曳撒 項帕 直 呼延綽 萬字巾 膝欄曳撒 項帕 直

武松

鬍髮陀頭 皂補納 錦襖 項帕 李逵 萬字巾 皂補納 錦襖 項帕 張青 華

榮張順燕青徐寧

萬字巾 膝欄曳撒 項帕 直 正末王矮虎 萬字巾 皂補納 錦襖 項帕 法墨

戴

直纏 膝欄 腿綳 一丈青 手帕 結彩襖 膝襖 布襪 八答鞋 猛髻 布襪 鞋

第二折

社頭

攢頂 圓領 項帕 店主 攢頂 茶褐直身 店小二 雙簷氍帽 綿布襖 綿 正末

王矮虎

攢頂 藍直身 項 徐寧 攢頂 玉色直身 項

第三折

宋江吳學究小僕羅關勝呼延綽社頭同前里長方巾直身綳布沙三氈帽綳布襖

手巾牛表紗包頭綳布襖綳鞋王留氈帽綳布襖綳鞋伴哥紗包頭綳布襖綳鞋

旦兒場頭手帕襖兒綳鞋伴姑髮髻比甲襖呂彥彪白氈大帽銀錠補納直

肱直纒大趕小趕小帽膝欄貼裡正末王矮虎徐寧小僕羅同前各樣花燈楊衙

內撒比甲帶帶從人項帕圓領呂彥彪衆又上同前關勝呼延綽小僕羅

又上同前正末王矮虎徐寧小僕羅又上同前知府一字巾補子圓領衙

內里長社頭同前卒子紅碗子盔青布釘正末王矮虎關勝呼延綽徐寧小僕羅

同前知府里長衙內社頭卒子又上同前

第四折

宋江吳學究小僕羅同前李逵張青燕青張順華榮武松一丈青同前正末王矮

虎徐寧挑花燈關勝呼延綽小僕羅綁縛楊衙內里長社頭知府同前

乙卯三月十二日校內本清常記

宋公明排九宮八卦陣

闕名

頭折

〔沖末扮兀顏統軍領番卒子上〕〔統軍云〕久鎮遼邦統大軍。六韜三略顯英雄。四州總領爲頭將。独占番夷百座城。某乃大遼國兀顏統軍是也。爲某文通三略。武解六韜。領大小軍卒。所管各州將校。能知呂望兵文。深曉孫吳戰策。善能排兵布陣。久鎮着北地四州。是澶州順州霸州涿州所屬之地。今聞知宋朝新收了梁山泊宋江等爲將。某想來。這一夥人。在梁山之時。某要去收伏。今降了宋國。正好擒拏他去。我有一子。乃是兀顏受。此子善曉兵文。多習戰策。某教他排兵布陣。依諸葛武侯之書。好生英雄。某喚他來計議此事。小番與我喚將兀顏受來者。〔番卒子云〕理會的小將軍安在。〔外扮兀顏受上〕〔云〕善曉黃公三略文。祖居遼國顯威名。統兵數萬侵州縣。敢勇相持建大功。某乃兀顏統軍大的箇孩兒。兀顏受是也。自小在父親跟前。學成兵書戰策。善能排兵布陣。統領各處軍馬。正在教場中操練軍士。今父親呼喚。不知有甚事。須索走一遭去。可早來到也。小番報復去。道有兀顏受來了也。〔番卒子云〕理會的。報的元帥得知。有小將軍來了也。〔統軍云〕着他過來。〔番卒子云〕理會的。過去。〔兀顏受見科〕〔云〕父親喚您孩兒來。那

廂使用〔統軍云〕孩兒也。某喚你來不爲別。今聞知的大宋收了梁山宋江等。我今要統兵與他交戰去。與你商議此事如何。〔兀顏受云〕父親。割雞焉用牛刀。量這一夥無名之將。何須父親去。您孩兒去走一遭去。與他交戰去。將這一夥人生擒活拏將來也。〔統軍云〕你用多少人馬。我再着那幾員上將跟你去。〔兀顏受云〕父親不用別的。您兒部下有兩員上將。一箇是李金吾。一箇是戴真慶。着他同您孩兒去。俺三將足已殺了也。〔統軍云〕既然這等。小番與我喚李金吾戴真慶來者。〔番卒子云〕理會的。李將軍戴將軍安在。〔淨扮李金吾戴真慶上〕〔李金吾云〕我做將軍全不知。鐵刀劍戟拏的稀。閑來所事都不做。帳房後頭打牌殖。某乃統軍手下李金吾是也。這箇兄弟是戴真慶。俺兩箇平昔一對。所事不通。諸般不會。〔戴真慶云〕哥哥。憑着俺二人的武藝。若論廝殺。一准不濟。今日元帥喚俺。須索走一遭去。可早來到也。小番報復去。道有俺兩箇來了也。〔番卒子云〕理會的。報的元帥得知。有李金吾戴真慶來了也。〔統軍云〕着他過來。〔番卒子云〕理會的。過去。〔二淨做見科〕〔李金吾云〕元帥俺來了也。那裡使用。〔統軍云〕您兩箇近前來。你今日同小將軍去薊州割營。問大宋索宋江等。則要您成功者。〔兀顏受云〕李金吾戴真慶。某舉您同俺一處索戰。你先去。某隨後便來也。〔戴真慶云〕李將軍。俺兩箇則今日先去割營。走一遭去。軍卒將士兩邊排。離了營中定有災。若還撞見梁山將。一准連命不回來。〔同下〕

〔兀顏受云〕父親。您孩兒則今日統領人馬。先去薊州城下割營。單搦宋江交戰。走一遭去。習黃公妙策高強。顯武藝久鎮遼邦。憑陣勢施威定計。某務要活捉宋江。〔下〕〔統軍云〕孩兒去了也。此一去憑他的手策。定要成功。某去操練下軍馬。預備接應孩兒。走一遭去。大遼勢曠占州城。保助山河帝業興。吾兒此去排兵隊。軍前一陣立成功。〔下〕〔宿太尉領卒子上〕〔云〕保助江山顯志能。虔心輔佐定邊庭。調和鼎鼐爲臣子。扶立乾坤大宋興。小官姓宿雙名元景。幼習儒業。頗看詩書。方今大宋聖人在位。四海晏然。八方寧靜。今爲梁山泊宋公明等歸順宋朝之後。今有大遼國兀顏統軍。獨占北地四州。着他孩兒兀顏受來索戰。單搦宋江等。今奉聖人的命。着宋江爲帥。就領本部人馬。征進大遼。着人呼喚宋江盧俊義吳用公孫勝。有頭領四人楊志等。叫他一人前來聽命。着人喚去了。這早晚宋江等敢待來也。〔外扮宋江同盧俊義楊志上〕〔宋江云〕梁山聚義某爲魁。獨占山東顯雄威。收伏水泊歸眞主。赤心輔佐宋華夷。某姓宋名江字公明。綽名順天呼保義。原是鄆州典吏。犯罪趨上梁山去。聚義招軍。替天行道。有宿太尉頒恩降詔。招安俺衆頭領歸宋。今日宿太尉在帥府中呼喚。不知有甚事。盧俊義俺走一遭去也。〔盧俊義云〕哥哥俺自離梁山。歸降宋國。俺一百單八人發願同心。共扶眞主。豈有怠慢也。〔楊志云〕二位哥哥。雖然離了梁山。到於宋國。未曾有宅舍安下。今日有太尉呼喚。俺走一遭去。〔宋江云〕小校報復去。

道有宋江盧俊義楊志來見。〔卒子云〕理會的。喏。報的太尉得知。有宋江盧俊義楊志來見。〔宿太尉云〕道有請。〔卒子云〕理會的。有請。〔宋江等做見科〕〔宋江云〕太尉。宋江盧俊義楊志。俺三人特來拜見。〔宿太尉云〕宋將軍衆位將軍少待。有聖人的命在此。還有吳用公孫勝。他二人未來哩。小校望者。他二人敢待來也。〔吳用同公孫勝上〕〔吳用云〕幼看兵書六甲文。梁山結義衆羣英。今歸宋國扶眞主。保護乾坤宇宙寧。某姓吳名用字加亮。本貫鄆州東溪村人氏。自同宋公明梁山聚義。則爲俺三人敗高太尉之後。有宿元景在大宋聖人跟前舉薦歸宋朝。俺未曾定體。各家老小未曾安頓。今有太尉喚俺衆將。不知有甚事。須索走一遭去。〔公孫勝云〕兄長。今降宋國以來。俺弟兄每非比梁山放蕩也。今日太尉呼喚。俺須索走一遭去。可早來到也。小校報復去。道有吳用公孫勝來了也。〔卒子云〕理會的。喏。報的太尉得知。有吳用公孫勝來了也。〔宿太尉云〕道有請。〔卒子云〕理會的。有請。〔吳用公孫勝見科〕〔吳用云〕太尉。俺二人來了也。有何事商議也。〔宿太尉云〕宋公明。您衆頭領都來了。聽聖人的命。爲因大遼國兀顏統軍。久占北地。攪亂州城。着他孩兒兀顏受。統兵來單搦你交戰。着宋江爲征北總兵。盧俊義副總兵。吳用公孫勝爲軍師。楊志爲副將。止少一箇前部先鋒。誰人堪可也。〔吳用云〕宿太尉。遣先鋒非比其餘。要逢山開道。遇水疊橋。不是吳用僭言自主。論俺梁山衆將。惟有楊志英雄。可做前部先鋒也。

〔宿太尉云〕既軍師主張。楊志。你就爲前部先鋒。同宋公明征大遼。選日行兵。噤慢慢的議事。看有甚麼人來。〔正末扮李逵上〕云某山兒李逵是也。自隨着宋江哥降了大宋。主人着俺在驛亭中居止。今日哥哥往帥府中見大人去了。某須索走一遭去。自離了梁山。來至京師。好是悶倦人也。〔唱〕

〔仙呂點絳脣〕自從俺離了梁山。弟兄每五零星散。忠心殫。受了有多少艱難。我可便勞力曾經慣。

〔混江龍〕若論這英雄好漢。除了俺梁山頭領。忒兇頑。這些時人閑罷戰。馬臥除鞍。則我這鎧甲繩鬆都解散。夾鋼斧上上成斑。這些時更改了喬妝扮。往常我縱橫自在。今日箇身受拘拴。〔云〕可早來到也。小校報復去。道有李逵來了也。〔卒子云〕理會的。喏。報的大人得知。有李逵來了也。〔宿太尉云〕宋公明。這李逵來有何事也。〔宋江云〕大人。他見俺來了。他有些悶倦。以此自家走將來了也。〔宿太尉云〕着他過來。〔卒子云〕理會的。過去。〔做見科〕〔宋江云〕李逵兄弟。你來爲何。〔正末云〕哥也。我半日不見哥哥。特來看哥哥來。你都在這裡做甚麼哩。〔宿太尉云〕李逵。你不知道。有兀顏受作亂。奉聖人的命。着宋公明前去征討。如今着楊志做先鋒。李逵。你也走一遭去。〔正末云〕既着李逵去。我要做先鋒。〔楊志云〕李逵。

你有何強。要做先鋒。〔正末云〕哥也。今日你不用李逵也。〔唱〕

〔油葫蘆〕想着俺同上梁山聚會難。到今日無甚罕。我也曾苦爭惡戰數千番。但行處忘生捨死何曾慢。我也曾排兵布陣軍前趨。〔宋江云〕兄弟也。如今由不的我。也上放着大人哩。你休要多言。〔正末唱〕既然你難主張。不如俺及早還。〔吳用云〕兄弟也。既降了大宋。你又往那裡去也。〔正末唱〕倒不如歸山且去閑消散。又無那怒氣惱心煩。〔宋江云〕李逵。你的性兒全然不曾改了也。〔正末唱〕

〔天下樂〕我從來劣性忠直無甚彎。哥哥你便心也波煩。將我來忒外看。〔宋江云〕李逵兄弟若有此心。您當初不尊敬我也。〔正末唱〕倒着箇楊志掛印爲將班。〔楊志云〕李逵。俺都是山寨上弟兄。何必論你強我弱也。〔正末唱〕非是我比弱強。這言詞都是閑。〔帶云〕哥也。我不管您。〔唱〕者莫您上天去。我隨後趕。〔宿太尉云〕宋公明。您休要嚷。如今着李逵也做先鋒。但是你手下軍將都跟你去也。〔宋江云〕大人。宋江知道了也。〔宿太尉云〕李逵。你敢與兀顏受交鋒麼。則怕你近不過他也。〔正末云〕大人。你放心也。〔唱〕

〔後庭花〕我將那潑無徒忒小看。到來日當先將軍士趨。我從來好鬪偏爭氣。則我這斧常在手內挽。兩下裡擺旗旛槍刀光燦。觀的他似等閑。馬到處誰當

攔敗殘軍前後趕。敗殘軍前後趕。〔公孫勝云〕李逵兄弟也。則要你着志者。〔正末唱〕

〔柳葉兒〕呀。我是那梁山泊好漢。受盡那多少風儻。者莫他雄兵猛將屯千萬。你看我成功幹。得勝也便回還。俺則待扶持着宋室江山。〔宿太尉云〕不枉了英雄好漢。宋公明。你明日辭了朝。同您弟兄每便索長行也。〔宋江云〕大人。某知道。李逵兄弟。你先收拾器械去也。〔正末云〕大人勿罪。某先行也。〔唱〕

〔尾聲〕憑着我敢相持敵軍慣。也不用鋼鞭鐵鎗。則我這雙斧輕輪雪刃寒。者莫去募水登山。俺哥哥左遮攔。則怕我歪語胡纏。須看明朝陣前罕。施展我開滄州手眼。我着那大營前齊讚。你看我平除奸黨勝回還。〔下〕〔宿太尉云〕李逵去

了也。楊志。既然你相讓這先鋒印與李逵掛了。此是您梁山弟兄每和氣也。宋公明吳學究盧俊義公孫勝。您大小衆將。統兵征大遼去。在陳橋驛取齊。來日行程。您小心在意者。〔宋江云〕太尉放心。宋江不才。託賴衆將之力。今征遼國。定要成功也。〔宿太尉云〕既您授了宣命。便索行兵。小官回話。走一遭去。梁山將顯耀英豪。大宋國忠正明朝。收衆將赤心輔佐。則一陣定破番遼。〔下〕〔楊志云〕哥哥。宿太尉去了也。恰纔李逵要做先鋒。某不讓他。恐失了俺梁山銳氣。某讓他爲先鋒。某先去陳橋驛安營。來日行兵征大遼。走一遭去。俺梁山志氣多雄。奉君命誰敢消停。宿太尉

願恩降詔。讓李達做了先鋒。〔下〕〔公孫勝云〕哥哥。既然今日奉命征遼國。俺梁山將士。誰敢有違。貧道先去陳橋驛大營中聚下衆將。等哥哥來征遼。走一遭去。因遼邦興起士馬。梁山將披袍擐甲。幼年學萬卷經書。全然按五雷正法。〔下〕〔吳用云〕哥哥今日奉命。吳用不敢延遲。某則今日先去陳橋驛營中聚下衆將。來日行兵。哥哥慢來。某先到大營中。走一遭去。梁山聚百萬征夫。讀經典者也之乎。征遼邦吳用先去。全憑某足智多謀。〔下〕〔盧俊義云〕哥哥。恰纔太尉降詔。着俺弟兄兩箇。封爲征北總管。我先去陳橋驛大營整點軍士。等哥哥來征遼。走一遭去。梁山頭領施謀計。輔佐宋朝皆出力。英雄戰退大遼兵。方顯北京盧俊義。〔下〕〔宋江云〕衆將去了也。某便索起兵。征伐大遼。破兀顏受。取北地州城。走一遭去。百員虎將敢相爭。獨鎮梁山有大功。今日歸宋征遼國。方顯豪傑宋公明。〔下〕

第二折

〔兀顏受同淨李金吾戴眞慶上〕〔兀顏受云〕他年曾習孫吳策。今日與師敵宋兵。某兀顏受是也。奉俺父親的將令。同李金吾戴眞慶二位將軍。迎敵宋兵。投到某來。宋江軍馬。不匡就到霸州等處。某今來到這涿州。屯住軍馬。李金吾。瞻明日怎生與宋江交戰也。〔戴眞慶云〕小將軍。俺明日軍分在三下裡。你在中軍。俺兩箇在左右。若是他殺將來。俺兩箇隔斜裡走了。也不是人。〔兀

顏受云：「你看他。俺如今軍分三路。某在中軍。你兩箇爲左右救應使先行。明日合兵。小心在意者。」
〔李金吾云〕：「俺知道了。戴真慶。俺兩箇依着他先去來。」
〔戴真慶云〕：「你說的是。俺領兵先去左右安營。走一遭去。」
金吾快戰雄赳赳。我的武藝諸般有。若還撞見宋兵來。放心也各自逃生則願走。
〔同下〕
〔兀顏受云〕：「他兩箇去了也。某然後起兵。並爲一處。來日與宋江交戰。走一遭去。」
槍刀晃晃列征旗。遼國英雄占地基。明日若遇梁山將。不拏無徒誓不回。
〔下〕
〔外扮羅真人領淨道童上〕
〔云〕：「養道修真天地清。任從寒暑轉西東。陰陽造化居其性。龍虎同宮煉卻形。貧道性羅道號靜一真人。居於此薊州南宮縣山中虛靜庵修行辦道。貧道所受天心法律。太上真文。驅邪斷祟。斬怪除妖。救天下世人之疾病。貧道有一徒弟。乃是公孫勝。此人非凡。上按天罡星。同梁山宋公明等。今歸大宋。親征大遼。到此薊州山下。說道今日要來拜見貧道。此人若來時。我自有一番道理也。」
道童云：「師父。徒弟有。叫我做甚麼。」
羅真人云：「你庵門首望者。若有一切事。報復我知道。」
〔道童云〕：「理會的。我這師父。平日不這等。今日有些瑣碎。我依着他。道可道。非常道。名可名。非常名。看有甚麼人來。」
〔公孫勝上〕
〔云〕：「幼年學道離鄉去。今日回家拜本師。貧道覆姓公孫名勝。道號一清。本貫薊州人氏。因上梁山。同宋公明哥哥聚義之後。貧道爲破高雲離家。今歸大宋。奉命征遼。俺梁山頭領成功。取了三處大郡。今到本鄉薊州家中。拜了老母。上山就拜師父羅

真人去。可早來到也。道童。師父在庵中麼。〔道童云〕師父多時不見。你師父在庵中。纔說罷。我報復去。報的師父得知。有公孫勝來了也。〔羅真人云〕着他過來。〔道童云〕理會的。過去。〔公孫勝見科〕〔云〕師父。徒弟離家許久。爲因山寨事冗。今日回鄉。特來拜見師父也。〔羅真人云〕公孫勝。你去之後。你母親我着人侍養。你功業將滿也。宋公明如何。〔公孫勝云〕宋江哥哥。今日要來參見師父哩。敢待來也。〔羅真人云〕道童庵門首望者。若來時。報復我知道。〔道童云〕理會的。〔宋江同吳用戴宗上〕〔宋江云〕常懷忠孝志。今日順天朝。某宋公明是也。這箇是學究先生。這箇是神行太保戴宗。俺今歸宋朝。奉命征遼。自那日陳橋驛起兵。託聖人洪福齊天。賴衆弟兄之力。累建大功。取了三處大郡。今到薊州。聞知羅真人師父在此虛靜庵。學究俺見師父去來。〔吳用云〕哥哥。久聞羅真人大名。說他知過去未來之事。俺見了他。問幾句話。可也放心也。〔戴宗云〕二位哥哥。您可不會見這羅真人。您兄弟曾來走了一遭。就是一箇活神仙相似。兩箇哥哥。跟着您兄弟去來。〔做走科〕〔宋江云〕戴宗兄弟。這裡敢是麼。〔戴宗云〕這箇便是虛靜庵。〔宋江云〕門首一箇道童。道童報復去。說有宋江吳用戴宗。特來拜見師父。〔道童云〕理會的。報的師父得知。有宋江吳用戴宗。特來拜見。〔羅真人云〕道有請。〔道童云〕理會的。有請。〔衆見科〕〔宋江云〕師父。宋江久聞大名。今日奉命征遼。敬來上山拜見。得見尊顏。實乃宋江之幸也。〔羅真人

云「將軍是上界列宿。下方乃國家公卿。貧道山野村叟。何敢當此也。」（吳用云）「師父的清名。俺聞知久矣。也則是無緣。今日得見師父。也則是俺有緣也。」（羅真人云）「學究先生。貧道久聞大名久矣。徒弟公孫勝多說也。請坐。」（宋江云）「師父。某此一來。知師父曉未來之事。宋江一點忠義之心。未知久後如何。」（羅真人云）「將軍不棄貧道愚言。久後好處甚多。得意濃時。便當退步。勿得久戀也。」（宋江云）「富貴非宋江之願。只得弟兄常常完聚也。」（羅真人云）「大限到來。豈容汝留。將軍且請坐。道童看齋食來。」（道童云）「理會的。」（羅真人云）「俺慢慢的說話。看有甚麼人來。」（正末上）「（云）某李逵是也。自降了大宋聖人。今有大遼兀顏統軍。見俺新降了宋朝。他來單搦俺梁山。上名將出馬。我昨日掛了先鋒印。見今大兵至薊州。宋江哥。喘着某參拜羅真人去了。我隨後跟將去。看他說甚麼。來至這二仙山也。離他庵中不遠。時遇着秋天。是好景致也呵。」（唱）

〔正宮端正好〕引動我故鄉情。感起我這梁山意。你看那帶霜的紅葉紛飛。冷颼颼一陣西風起。香噴噴數畝黃花地。

〔滾繡毬〕雖是俺梁山上。有是非。一箇箇隨心兒。任意爲無事。也則去那後山中大醉。今日箇守王條。怎敢那移。秉忠心保宋朝。掌三軍施虎威。一心待治家邦。盡心竭力。經了那幾千場廝殺相持。想着俺梁山自在。憂愁少。今日在宋國

慇懃心不灰。保助着皇基。〔云〕可早來到他這庵門首也。我不過去聽他每說甚麼。〔羅真人云〕宋將軍。你如今再往何處去。〔宋江云〕師父。俺奉聖命。前征兀顏受。就問師父求智來。俺弟兄雖是英雄。還得師父用神機妙策。方纔勝的兀顏受也。〔羅真人云〕宋將軍。這箇不打緊。則是你弟兄每都好。止有李逵不可用他。〔宋江云〕師父。李逵雖是愚魯。處處當先成功也。〔羅真人云〕依着貧道。不可用他。〔正末云〕這懶夫好無禮也。〔唱〕

〔倚秀才〕我這裡低着頭聽沉了一會。則俺這衆弟兄則多着李逵。哎。你箇能避懶的村夫。有甚見識。不是我忒輕微。問他箇就裏。〔云〕我明破這懶夫去。且住者。這先生他有手段。在前弄了我一遭。我如今見他。自有箇主意。〔做見科〕〔云〕羅真人。你與俺哥哥計議的好也。〔宋江云〕李逵。你來爲何。〔戴宗云〕李逵兄弟。俺與師父計議大事。你又來打攪也。〔正末云〕戴宗哥哥。俺在梁山無有羅真人。怎生也成功來。今日則有羅真人。無有俺弟兄每的情也。〔唱〕

〔脫布衫〕他無那諸葛亮妙策神機。〔宋江云〕兄弟也。我的言語你不聽那。〔正末唱〕你不似劉玄德結義爲魁。你則待躬着身依他所爲。有甚麼動天驚地。〔羅真人云〕李逵。您弟兄每是仁義之人。惟有你不得道理也。〔正末唱〕

〔小梁州〕你則會不出茅庵趨是非。倒說我不識尊卑。衆人心下自猜疑。您都是英雄輩。好做小。要伏低。〔吳用云〕李逵。休你攪了俺大事也。
〔正末唱〕

〔么篇〕到來日陣前軍馬相敵對。殺的他四散分離。羅真人有甚強。不如俺驅兵隊。不知您是何主意。我村性不依隨。〔宋江云〕李逵。你是前部先鋒。不去整點人馬。來這裡攪擾俺衆將計議。你若不回去。必當斬首也。
〔公孫勝云〕李逵兄弟。你先行。俺隨後便來。休教哥哥動意也。
〔正末云〕隨您這裡攪。我領兵先行也。
〔唱〕

〔尾聲〕憑着我手中板斧雙輪起。腹內忠心敢去敵。這村夫有甚奇。他將咱忒量欺。到來朝忿怒起。你看我掃滅了狼煙。教你在陣前喜。〔下〕
〔羅真人云〕宋將軍。李逵去了也。我與你說。明日兀顏受統軍必來。我傳與你一陣。此陣你須得知。未及貧道之傳授。名喚做九宮八卦陣。你九宮上安九箇大將。八卦上安八箇英雄。公孫勝。貧道另有祕法。傳與您此陣變法。將軍。你近前來。
〔做打耳暗科了〕
〔公孫勝云〕貧道得了法旨也。
〔羅真人云〕宋將軍如何。
〔宋江云〕師父。宋江謹依尊命也。若是兀顏受來。此陣必定破了他也。則是一件。頭裏師父要說幾句話。久後宋江等結末之事。望師父垂訓者。
〔羅真人云〕將軍既然堅意問。貧道未來之事。我寫八句詩與你牢收者。久後有用他處也。
〔做寫科〕
〔云〕將軍你聽者。忠心者少。義氣

者稀。幽燕功畢。明月輝輝。始遇冬暮。鴻雁分飛。吳頭楚尾。巨緣同回。此八句詩。久後句句有用也。衆將軍恕罪。貧道回後庵中去也。宋公明實意心堅。征草寇發願當先。明指與忠言大道。久以後必應吾言。〔同道重下〕「公孫勝云」哥哥。師父回後庵中去了也。貧道再問師父幾句祕法。哥哥。你先回本營中去。貧道明日來陣前相會。我回後庵中走一遭去。訪仙師授教威名。羅真人後事皆通。傳與俺排兵布陣。到來日都要成功。〔下〕「宋江云」學究先生。他每去了也。這羅真人的八句詩。不知怎生着哩。〔吳用云〕哥哥休作疑惑。俺既歸大宋。盡心報國。明日陣前。必然成功也。〔宋江云〕學究。既然這等將着這詩收牢者。俺同共回營中去來。離梁山衆將恭心。奉聖命勦捕賊兵。排陣勢施謀定計。定宋朝天下太平。〔同下〕

第三折

〔外扮朱武領卒子上〕〔原作諸趙校改下同〕武領卒子上。〔云〕廣看孫吳戰策書。深習經典數年餘。梁山久結英雄輩。今日歸降宋國君。某神機軍師朱武是也。同宋公明聚義。替天行道。以忠正爲念。有宿元景頗恩。詔俺同共降宋朝。聖人的命。着俺衆將前征大遼國。俺累建大功。某深識陣勢。通曉兵文。今收三處大郡。屯軍於涿州境外。與兀顏受交戰。今日陞帳。宋公明哥哥與衆將。敢待來也。〔宋江吳用公孫勝同上〕「宋江云」功與宋業江山定。保助家邦統大軍。某乃宋公明是也。這兩位是吳學

究公孫勝先生。自降宋朝以來。奉命征遼。累累成功。〔吳用云〕哥哥今日陞帳。聚俺衆弟兄每來。把羅真人的祕訣施展。決破遼兵也。〔公孫勝云〕哥哥。師父是再來的活神仙。哥哥依着他的言語。貧道另有驅兵之法。可早來到也。小校報復去。道有俺三人來了也。〔卒子云〕理會的。喏。報的將軍得知。有宋公明哥哥。同學究公孫勝來了也。〔朱武云〕某接待哥哥去。〔做見科〕〔云〕哥哥來了也。請坐。〔宋江云〕朱武軍師。今日聚將。要排一陣。大破遼兵。軍師某與你計議。擺一箇九宮八卦陣如何。〔朱武云〕哥哥此陣最高。九宮分九九八十一宮。八卦分八八六十四卦。〔公孫勝云〕軍師說的是。此陣又有變法。是天地風雲龍虎鳥蛇。堪可破遼兵也。〔吳用云〕既然議定。着聚將鼓響。這早晚大小衆將。敢待來也。〔外扮韓滔彭起上〕〔韓滔云〕久住梁山好戰爭。盔纓滾滾照天紅。新降宋國誅遼寇。定亂除危百戰功。某乃天目將韓滔是也。兄弟是百勝將彭起。俺今降大宋。累建其功也。〔彭起云〕將軍。俺今屯兵於涿州境外。要與兀顏受交戰。今日哥哥陞帳。俺見哥哥去來。可早來到也。小校報復去。道有韓滔彭起來了也。〔卒子云〕理會的。喏。報的元帥得知。有韓滔彭起來了也。〔宋江云〕道有請。〔卒子云〕理會的。有請。〔韓滔彭起見科〕〔韓滔云〕哥哥衆將軍。某韓滔彭起來了也。〔宋江云〕二位將軍且少待。等衆將來全時。自有主意。這早晚敢待來也。〔外扮秦明索超上〕〔秦明云〕保助華夷歸宋都。梁山頭領顯機謀。狼牙棒舉。

誅賊寇。報國忠勤大丈夫。某霹靂火秦明是也。這位將軍是急旋風索超。俺同宋公明梁山聚義。今歸大宋。奉命征遼。累建大功也。〔索超云〕將軍。今日俺兵屯涿州地方。與遼兵交戰。今日哥哥陞帳。俺須索走一遭去。可早來到也。小校報復去。道有秦明索超來了也。〔卒子云〕理會的。喏。報的元帥得知。有秦明索超來了也。〔宋江云〕道有請。〔卒子云〕理會的。有請。〔秦明索超見科〕

〔秦明云〕哥哥衆弟兄。秦明索超來了也。〔宋江云〕二位將軍來了。等衆將來時。有事商議。這早晚敢待來也。〔外扮朱仝雷橫上〕〔朱仝云〕獨霸豪傑武藝通。殺場征戰顯英雄。濟州都領無人對。梁山綽號美髯公。某美髯公朱仝是也。兄弟是插翅虎雷橫。俺二人同鄉同里。結交梁山宋公明。自降宋朝之後。奉命征遼。立下大功數件也。〔雷橫云〕哥哥。俺梁山壯士。共義同心。觀大遼草寇。一鼓而下。哥哥今日陞帳。可早來到也。小校報復去。道有朱仝雷橫來了也。〔卒子云〕理會的。喏。報的元帥得知。有朱仝雷橫來了也。〔宋江云〕道有請。〔卒子云〕理會的。有請。〔朱仝雷橫見科〕〔朱仝云〕哥哥。衆弟兄每。恕罪。朱仝雷橫來了也。〔宋江云〕二位將軍。等衆將來全時。有事商議。這早晚敢待來也。〔盧俊義上〕〔云〕幼年富貴忒奢豪。因上梁山名曰高。敢戰敵兵坐下馬。天下無對鴈翎刀。某乃玉麒麟盧俊義是也。今歸大宋。封某爲副帥。征遼總兵。與宋公明哥哥累建其功。今日陞帳。須索走一遭去。可早來到也。小校報復去。道有盧俊義來了也。〔卒子云〕

理會的。喏。報的元帥得知。有盧俊義來了也。〔宋江云〕道有請。〔卒子云〕理會的。有請。〔盧俊義見科〕〔云〕宋公明哥哥。學究先生。朱武軍師。某來遲也。〔宋江云〕哥哥請坐。且少待。衆將敢待來也。〔外扮陳達同楊志上〕〔陳達云〕雄鎮梁山施英武。上陣奪旗能搥鼓。今歸大宋定華夷。綽號威名跳澗虎。某乃跳澗虎陳達是也。這位將軍是征遼先鋒青面獸楊志是也。〔楊志云〕陳達。俺自離梁山。今歸大宋。不負我先祖餘廕。我祖公公。乃是金刀教首楊令公。某原爲宋將京都御林指揮使。今日還歸宋朝。非同容易也。〔陳達云〕將軍的遠祖。某已得知。今日征遼。哥哥陞帳。須索走一遭去。可早來到也。小校報復去。道有楊志陳達來了也。〔卒子云〕理會的。喏。報的元帥得知。有楊志陳達來了也。〔宋江云〕道有請。〔卒子云〕理會的。有請。〔陳達楊志見科〕〔楊志云〕哥哥。衆弟兄每。某同陳達來了也。〔宋江云〕二位將軍。等衆將來全時。有事商議也。〔外扮杜千宋萬上〕〔杜千云〕威風赳赳敢當先。耀武揚威武藝全。梁山頭領英雄將。綽號英名摸着天。某乃摸着天杜千是也。這位將軍是雲裏金剛宋萬。俺在梁山聚義。今歸大宋。共破遼兵也。〔宋萬云〕將軍。俺梁山將校。都有功勞。今日哥哥陞帳。俺須索走一遭去。可早來到也。小校報復去。道有杜千宋萬來了也。〔卒子云〕理會的。喏。報的元帥得知。有杜千宋萬來了也。〔宋江云〕道有請。〔卒子云〕理會的。有請。〔杜千宋萬見科〕〔杜千云〕哥哥衆弟兄。杜千宋萬來了也。〔宋江

云〕將軍少待。衆將敢待來也。〔解珍解寶同上〕〔解珍云〕昔年獵射打山獐。弩箭倭弓謹謹防。梁山結義豪傑輩。今爲宋國報君王。某乃兩頭蛇解珍是也。兄弟是雙尾蝎解寶。俺祖貫青州獵戶。自上梁山結義。今歸宋國也。〔解寶云〕哥哥。俺今到宋朝。奉命征遼。非同容易也。〔解珍云〕兄弟說的是。今日俺見哥哥去。可早來到也。小校報復去。道有解珍解寶來了也。〔卒子云〕理會的。喏。報的元帥得知。有解珍解寶來了也。〔宋江云〕道有請。〔卒子云〕理會的。有請。〔解珍解寶見科〕〔解珍云〕哥哥。俺弟兄兩箇來了也。〔宋江云〕二位將軍。待衆將來全。有事商議也。〔外扮薛永施恩同上〕〔薛永云〕梁山猛將好相持。今扶宋國列征旗。同心協力征遼寇。捨死忘生敢戰敵。某乃病大蟲薛永是也。這箇是金眼彪施恩。俺同在梁山聚義。今降大宋。奉命征遼國也。〔施恩云〕哥哥。俺梁山衆將。箇箇英雄。累累得勝也。今日哥哥陞帳。俺須索走一遭去。可早來到也。小校報復去。道有薛永施恩來了也。〔卒子云〕理會的。喏。報的元帥得知。有薛永施恩來了也。〔宋江云〕道有請。〔卒子云〕理會的。有請。〔薛永施恩見科〕〔薛永云〕哥哥。薛永施恩來了也。〔宋江云〕二位將軍少待。衆將來全時。有事商議也。〔外扮鄭天壽王矮虎同上〕〔鄭天壽云〕鎧甲征袍金介冑。英雄不落他人後。梁山出衆有威名。則某是白面郎君鄭天壽。某乃鄭天壽是也。這箇將軍是王矮虎。俺今歸大宋。奉命征遼也。〔王矮虎云〕將軍。今日哥哥陞帳。俺見哥哥去。

來。可早來到也。小校報復去。道有鄭天壽王矮虎來了也。〔卒子云〕理會的。喏。報的元帥得知。有鄭天壽王矮虎來了也。〔宋江云〕道有請。〔卒子云〕理會的。有請。〔做見科〕〔王矮虎云〕哥哥。俺二將來了也。〔宋江云〕衆將都在此。某奉命征遼。蒙恩非淺。某今要排一陣。是九宮八卦陣。要拏番將。八卦上八員大將。九宮上九箇英雄。衆將都來全了麼。〔卒子云〕止。少李逵未來哩。〔宋江云〕學究哥哥。你看李逵波。他是先鋒。聚將來遲。更待干罷。小校望者。若李逵來時。報復某知道。〔卒子云〕理會的。〔正末上〕〔云〕某李逵是也。同宋江哥征兀顏受去。昨日在二仙山受了羅真人一場氣。今往營中見宋江哥。走一遭去也。〔唱〕

〔中呂粉蝶兒〕自從我離了山岡。辦着片盡忠心共扶皇上。捨殘生安定邊疆。今日箇領雄兵。排戈甲。西除東蕩。我量那兀顏受有甚高強。試看這李山兒再施勇壯。

〔醉春風〕憑着我雙斧敢迎敵。單身自去當。覷他那大遼人馬似微塵。不怕他來攘攘。到來日兩陣之間。三軍擺住。我着他萬夫難傍。〔云〕可早來到也。小校報復云。道有李逵來了也。〔卒子云〕理會的。喏。報的元帥得知。有李先鋒來了也。〔宋江云〕着他過來。〔卒子云〕理會的。過去。〔做見科〕〔宋江云〕李逵。你是先鋒。怎生這早晚纔來。〔正末云〕哥也。你

兄弟巡營去來。〔宋江云〕李逵。俺如今降了宋朝。你還似梁山上的性兒。我不看着結義的情。定不饒你也。〔正末云〕我那裡受的這等氣也。〔唱〕

〔迎仙客〕你道是歸宋朝。不似俺在山場。受不的忒拘束。忒拘束的我心內痒。〔吳用云〕兄弟也。這國朝的軍令。難同俺山寨上的號令。俺須隨時而行也。〔正末唱〕你則待要趁時行。全無那當日強。我這裡仔細思量。〔帶云〕自從降了宋呵。〔唱〕無一日心舒暢。〔宋江云〕李逵。我且不用你哩。靠後。學究哥。衆將都全了。怎計較。〔吳用云〕朱武軍師。俺恰纔說

的那九宮八卦陣。軍師支撥衆將者。〔朱武云〕學究哥。我怎敢支撥衆將也。〔盧俊義云〕軍師雖然用智。還是宋江哥支撥衆將也。〔朱武云〕言者當也。宋江哥。某有幾箇紙帖兒與哥。一卦上一箇。一宮上一箇。散與衆將者。〔宋江云〕衆將近前來。韓滔彭起。〔韓滔云〕有。那廂使用。〔宋江云〕您二將近前來。一人與您箇紙帖兒。韓滔守坎卦。彭起守艮卦。您各領人馬。看計行兵。〔彭起云〕得令。〔正末云〕你且住。哥。我守此卦去。〔宋江云〕李逵。你是箇勇夫。壞了我的大事。你去不的也。〔正末云〕我既是前部先鋒。怎生不要我去。〔唱〕

〔紅繡鞋〕你將我再三阻當。惱的我氣夯胸堂。便教我守着八卦有何妨。不要我當先去。又不曾犯商量。您則待要顯英才論智廣。〔宋江云〕李逵。我不用你。靠後。您

二將即便長行也。〔韓滔云〕俺整點人馬便行也。〔彭起云〕則今日守卦排兵。走一遭去。豪傑聚會梁山。今扶宋主圖名望。韓滔彭起去排兵。纔顯英雄百勝將。〔同下〕〔宋江云〕朱仝索超近前來。一人與你一箇紙帖兒。朱仝守震卦。索超守巽卦。小心在意。看計行兵。〔正末云〕今番我可走一遭去。〔宋江云〕且住。你去不的。誤了軍情事也。〔正末云〕兀的不氣殺我也。〔唱〕

〔滿庭芳〕我當初梁山要強。受不的閑言刺語。數短論長。到今日將我貳欺誑。不由我腹熱腸狂。我也曾戰滄州平除逆黨。殺的那高太尉三敗着慌。本是一箇英雄將。〔宋江云〕你也近不過那兀顏受也。〔正末唱〕我觀那兀顏受小量。我着目下一身亡。〔宋江云〕你且靠後。您二將即便行也。〔朱仝云〕得令。俺去整點軍馬。便索前行也。〔索超云〕朱仝哥。俺去來。巽震卦上俺排兵。刀劍叢中顯智能。今番不破大遼國。陣內誰知急旋風。〔同下〕〔宋江云〕二將去了也。雷橫秦明。一人與您箇紙帖兒。雷橫守離卦。秦明守坤卦。您兩箇看計行兵。〔秦明云〕得令。俺領兵守卦。排陣去來。〔雷橫云〕大小三軍。跟俺排陣。走一遭去。敢戰相持施英武。平生慷慨隨衙府。坤離位上整軍兵。試看這霹靂火同插翅虎。〔同下〕〔吳用云〕哥哥。李逵一時性勇。着哥哥勸念。他今日做箇先鋒。看俺衆將之面。怎生用他一遭。可不好也。〔宋江云〕學究哥。我本不用李逵。看您衆弟兄面皮。李逵。你近前來。〔正末云〕哥也。你不用我。叫我

做甚麼。〔宋江云〕李逵我看學究哥衆將的面皮。用你走一遭去。如今守乾地排兵。則你手裏要擒兀顏受也。〔盧俊義云〕兄弟着意者。〔正末云〕哥你教放心也。〔唱〕

〔十二月〕聽說罷心中氣爽。你看我施展些箇剛強。俺哥哥先前可便間阻。可怎生用我承當。你看我今番這場。定着他箇箇遭亡。〔宋江云〕李逵若不是學究勸諫。我定不用你也。〔正末唱〕

〔堯民歌〕呀。你恰纔衷心不用鐵衣郎。倒將這李逵名將暗埋藏。我將這如風霜斧更添鋼。我着那逆黨遼兵盡着慌。度也波量。看着乾地上那一箇合死的先來撞。〔宋江云〕楊志你守兌卦排兵。同李逵便索長行也。〔楊志云〕得令。李逵兄弟俺同去守卦排兵去來。兄弟也。你休賭氣。用心些也。〔正末云〕哥哥我知道了也。〔唱〕

〔尾聲〕乾卦上排戰軍。大營前施會莽。今番一陣煙塵喪。少不的將受高官士卒賞。〔同楊志下〕〔宋江云〕李逵去了也。軍師我恰纔着八員將守把八卦。還有九宮之陣。未曾分

撥軍將哩。〔朱武云〕哥哥這九宮在八卦之內。必須用名將所守也。〔宋江云〕杜千宋萬。您兩箇近前來。〔杜千云〕有。那裡使用。〔宋江云〕您二將領軍。與你這箇紙帖兒。守天稱天蝎二陣。小心在意者。〔杜千云〕得令。宋萬將軍俺去來。〔宋萬云〕則今日俺二將領兵前去守天稱天蝎二陣。

走一遭去。全按兵文八卦同。今降宋主要成功。驅兵領將離營去。把住天蝎天稱宮。〔同下〕
〔宋江云〕他二將去了也。解珍解寶。〔解珍云〕有那裡使用。〔宋江云〕你兄弟二人。與你這箇紙帖兒。領軍去守巨獬獅子宮二陣。小心在意者。〔解珍云〕得令。兄弟。俺去來。〔解寶云〕哥哥。則今日便去守巨獬獅子宮二陣。走一遭去。虜寇起心生忿惡。離梁山歸降及早。奉令守巨獬二宮。方顯俺解珍解寶。〔同下〕
〔宋江云〕他二將去了也。薛永施恩近前來。〔薛永云〕哥哥。俺二將有那裡使用。〔宋江云〕您二將領軍去。與你這箇紙帖兒。守白羊人馬宮二陣。小心在意者。〔薛永云〕得令。將軍。只今便去來。
〔施恩云〕薛永。俺則今日便去守白羊人馬宮二陣。走一遭去。謀略深懷武藝強。梁山將校敢相當。槍刀劍戟離軍陣。人馬宮中戰一場。〔同下〕
〔宋江云〕他二將去了也。鄭天壽王矮虎近前來。〔鄭天壽云〕俺二將有那裡使用。〔宋江云〕你兩箇將軍。與你這箇紙帖兒。領軍去守雙魚雙女宮二陣去。小心在意者。〔鄭天壽云〕得令。將軍。俺去來。務要成功也。
〔王矮虎云〕鄭將軍。俺則今日領兵。去守雙魚雙女二陣。走一遭去。歸降宋國盡其忠。把隘關河大地雄。梁山將校施威武。牢把雙魚雙女宮。〔同下〕
〔宋江云〕他二將去了也。陳達近前來。〔陳達云〕有那裡使用。〔宋江云〕陳達。你領軍去。與你這箇紙帖兒。你守寶瓶宮陣。九陣之首。全在你變。小心在意者。〔陳達云〕得令。則今日領兵守寶瓶陣。走一遭去。報國相持斬將能。梁山諸將各

施功。今朝此去排戈甲。九九宮中一陣贏。〔下〕〔宋江云〕軍師。衆將此去平川坡下擺開此陣。未知遼寇敢來打陣麼。〔公孫勝云〕哥哥。此陣雖然易打。他不知貧道還有變法在內。我先去陣前作法。走一遭去。施神通道法精強。四面排敢戰兒郎。到陣前分兵排陣。放心都着他人馬皆亡。〔下〕〔朱武云〕哥哥。公孫勝師父去了也。某去陣上四面支撥着衆將。休失信地。不要走了賊將也。〔宋江云〕軍師先行。某便至也。〔朱武云〕則今日去陣前調衆將。拏兀顏受。走一遭去。則我這妙策神機不可敵。排兵布隊有誰及。九宮八卦迷魂陣。那其間方知朱武機神疾。〔下〕〔吳用云〕哥哥。俺今日四面分兵排陣。某去陣前等待遼兵。看衆將交戰去也。〔宋江云〕則今日去陣前迎敵遼兵。走一遭去。〔吳用云〕扶眞主四海寧安。用機謀大破遼兵。軍前排九宮八卦。則一陣必定都贏。〔下〕〔宋江云〕盧俊義哥哥。此一陣未知成功否麼。〔盧俊義云〕哥哥。此陣非比尋常。虧兄長記的親切。公孫勝去作法變陣。俺衆將一准成功也。〔宋江云〕盧俊義哥哥。既然這等。俺着人倒襲涿州。俺去那高阜處。看衆將排陣去來。統雄兵箇箇威儀。到陣前捨死相持。若得破遼兵一陣。凱歌聲齊唱方回。〔同下〕

楔子

〔宋江朱武公孫勝驪馬兒領卒子上〕〔宋江云〕某乃宋江是也。今與兀顏受交鋒。排九宮八卦

陣破他。未知若何也。〔朱武云〕哥哥。這兀顏受他也知的幾箇陣勢也。〔公孫勝云〕量他到的那裡。〔宋江云〕等衆將來全。俺擺陣。這早晚敢待來也。〔正末同楊志朱仝雷橫索超秦明韓滔彭起驪馬兒上〕〔正末云〕衆弟兄每。今日宋江哥哥排九宮八卦陣。俺將軍馬擺定也。見哥哥去來。〔楊志云〕軍馬已定。則等宋江哥哥傳令哩。〔做見科〕〔正末云〕哥哥。俺來了也。〔宋江云〕還有九宮上人馬未至哩。等來了俺擺陣也。〔杜千宋萬解珍解寶施恩薛永陳達鄭天壽王矮虎驪馬兒同上〕〔杜千云〕某乃杜千是也。今日宋江哥哥排九宮八卦陣。俺弟兄九箇守九宮。見哥哥去來。〔王矮虎云〕俺將人馬屯住了也。同見宋江哥哥去來。〔做見科〕〔杜千云〕哥哥。俺來了也。〔宋江云〕兄弟每都來了也。您各守宮位。小心在意者。〔朱武云〕弟兄每各領兵依宮卦擺住者。〔公孫勝云〕李逵兄弟。若敵兵來打陣。你則看我手裏的黃旗招動。你向前就拏兀顏受也。〔正末云〕您兄弟知道。遠遠的不是人馬來也。〔兀顏受同淨戴真慶李金吾驪馬兒上〕〔兀顏受云〕某乃兀顏受是也。今統兵與宋江交戰去。大小三軍。擺開陣勢者。〔戴真慶云〕元帥放心。我手裏務要拏了宋江也。〔李金吾云〕元帥。前面敢是宋江的人馬來也。〔做對陣科〕〔宋江云〕來者何人。〔兀顏受云〕某乃大遼國上將兀顏受是也。你是何人。〔宋江云〕某乃新降大宋朝梁山上頭領宋江是也。你來者何人。〔兀顏受云〕宋江。我和你略鬪幾合也。〔朱武云〕兄弟。你

則守着你的地方者。〔兀顏受云〕宋江。你怎麼不出陣來。〔宋江云〕兀顏受。俺衆將若與你戰。量你到的那裡也。我如今擺一箇陣。你若認的。就算你強也。〔兀顏受云〕我看你擺甚麼陣。〔宋江云〕大小三軍。各依方位。勿得有失也。〔衆云〕得令。〔正末云〕哥也。且休擺陣。我先拏了兀顏受罷。〔公孫勝云〕李逵。你守乾位。小心在意。休離左右也。〔衆做排陣科〕〔兀顏受云〕量你這箇陣勢。打甚麼不緊。〔戴眞慶云〕元帥休問他陣勢好不好。俺打去來。〔兀顏受云〕宋江。我來打陣。〔公孫勝云〕李逵。他來打陣也。全在你這乾卦上成功哩。我招動旗。就要變陣也。〔正末云〕您兄弟知道。〔兀顏受云〕您二將左右下攻。某當先去。〔李金吾云〕元帥。俺殺將去來。〔兀顏受李金吾戴眞慶做入陣科〕〔公孫勝搖旗科〕〔正末同衆圍住三人科〕〔兀顏受云〕可怎生東南西北不知了。往那廂出去的是。〔正末云〕兄弟每。休着走了這廝也。〔唱〕

〔賞花時〕今日箇難比交逢單戰爭。則見他來往慌張無處行。你可也難敵俺衆雄兵。你今日身亡在這地境。這一陣衆人驚。〔兀顏受云〕這事不中。我往空便處走走。〔下〕〔衆做拏賊戴眞慶李金吾科〕〔戴眞慶云〕不干俺事。正頭兒走了也。〔正末唱〕

〔么篇〕他可也纔見梁山虎將能。〔宋江云〕倒走了兀顏受也。〔正末唱〕則見那敗走的軍卒尋大營。〔宋江云〕雷橫朱仝。您二將趕兀顏受去。〔雷橫云〕得令。〔正末唱〕您二將便

登程。〔宋江云〕今日得勝也。收軍回營去來。〔正末唱〕俺哥哥威風可使自逞。他可也纔認的這一箇宋公明。〔下〕〔雷橫云〕俺二將趕兀顏受去來。〔朱全云〕大小三軍跟俺去來。領三軍飛電而行。看朱全敢勇多能。兀顏受今番大敗。管教他送了殘生。〔同下〕〔公孫勝云〕俺衆將今日得勝。則走了兀顏受也。〔宋江云〕二將去必然擒了他也。俺回營中去來。奉聖命親征大遼。衆弟兄都見功勞。排九宮八卦陣勢。破敵兵得勝回朝。〔同衆下〕

第四折

〔宿太尉領卒子上〕〔云〕舉薦賢良來輔佐。滅遼興宋定乾坤。小官乃太尉宿元景是也。自因舉薦梁山泊宋公明盧俊義等。歸降宋朝。有大遼兀顏受統軍。興兵犯界。遣他大的箇孩兒兀顏受。李金吾戴真慶領兵來索戰。單搦宋江等交戰。小官奉聖人的命。着他統兵前征。此人盡心報國。取了四州。排了箇九宮八卦陣。破了兀顏受。衆將成功也。聖人大喜。着小官直至宋江營中。與他衆將加官賜賞。走一遭去。梁山義士施謀智。衆將成功皆出力。親持詔命到營中。加官宋江盧俊義。〔下〕〔盧俊義領卒子上〕〔云〕梁山義士遵朝命。大破遼邦一陣功。某乃玉麒麟盧俊義是也。自歸大宋。奉命征遼。俺宋公明哥哥。與某等累累建功。着衆將排一箇九宮八卦陣。衆將成功。某今在大營中。預備下筵席。遣早晚衆將敢待來也。〔宋江同吳用上〕〔宋江云〕學成戰策驅軍隊。

排兵布陣破遼邦。某乃宋公明是也。學究先生。今日俺奉命征遼成了功也。〔吳用云〕哥哥。此一
陣皆是哥哥之能。衆將都同心協力。以此上報國安民也。〔宋江云〕學究。俺到大營中見盧俊義
去來。可早來到也。小校報復去。道有某同學究來了也。〔卒子云〕理會的。喏。報的將軍得知。有宋
元帥吳學究來了也。〔盧俊義云〕某親自接待哥哥去。〔做接科〕〔云〕哥哥。征戰不易也。〔宋江
云〕盧俊義。於國盡忠。豈避艱險也。〔吳用云〕哥哥到營中共話也。〔宋江云〕俺待衆將來全
時共話。這早晚敢待來也。〔公孫勝同朱武上〕〔公孫勝云〕道法精嚴。驅將校。排兵神術。理乾坤。
貧道公孫勝是也。今奉命征遼。陣上施展手策神機。軍師俺哥哥好陣勢也。〔朱武云〕先生。恰纔
陣上衆將。都竭力報國。亦無怠慢之心。俺見哥哥去來。〔公孫勝云〕可早來到也。小校報復去。道
有公孫勝朱武來了也。〔卒子云〕理會的。喏。報的元帥得知。有公孫勝朱武來了也。〔宋江云〕道
有請。〔卒子云〕理會的。有請。〔公孫勝朱武見科〕〔朱武云〕哥哥。俺二人來了。好陣勢也。〔公孫
勝云〕哥哥。遼兵衆將。豈能敵大國之兵也。〔宋江云〕二位先生請坐。待衆將來全時。共同商議。
這早晚敢待來也。〔韓滔彭起上〕〔韓滔云〕坎艮卦上施謀略。擒捉遼兵立大邦。某乃天目將韓
滔是也。這箇是百勝將彭起。奉哥哥將令。排陣成功也。〔彭起云〕將軍。哥哥好陣勢也。方顯俺梁
山英雄。俺見哥哥去來。可早來到也。小校報復去。道有韓滔彭起來了也。〔卒子云〕理會的。喏。報

的元帥得知。有韓滔彭超來了也。〔宋江云〕道有請。〔卒子云〕理會的。有請。〔韓滔彭超見科〕
〔彭超云〕哥哥。俺二將排陣成功也。〔宋江云〕兩箇將軍少待。衆將敢待來也。〔朱仝索超上〕
〔朱仝云〕刀法裏中無對手。排兵震巽顯吾能。某乃美髯公朱仝是也。奉哥哥的將令。排震巽二陣。成功而回也。索超。俺見哥哥去來。〔索超云〕哥哥說的是。俺宋公明哥哥好陣勢也。遼兵就不曾展的手。俺見哥哥去來。可早來到也。小校報復去。道有朱仝索超來了也。〔卒子云〕理會的。報的元帥得知。有朱仝索超來了也。〔宋江云〕道有請。〔卒子云〕理會的。有請。〔朱仝索超見科〕
〔朱仝云〕哥哥。俺二將守把震巽二陣。成功而回也。〔宋江云〕二位將軍少待。衆將敢待來也。〔雷橫秦明上〕〔雷橫云〕曾施手策軍前關。歸順天朝累建功。某乃插翅虎雷橫是也。奉哥哥將令。俺排陣勢。被秦明將軍一棒打死兀顏受也。〔秦明云〕將軍。俺陣上如何走的脫。也是這厮合死也。今日俺成功也。見俺哥哥去來。小校報復去。道有雷橫秦明來了也。〔卒子云〕理會的。報的元帥得知。有雷橫秦明來了也。〔宋江云〕道有請。〔卒子云〕理會的。有請。〔雷橫秦明見科〕
〔雷橫云〕哥哥。俺二將守坤離二陣。秦明打死兀顏受也。〔秦明云〕哥哥。某一狼牙棒成功。打死兀顏受也。〔宋江云〕二位將軍。其功不小也。待衆將來全時。共同商議。這早晚敢待來也。〔杜千宋萬上〕〔宋萬云〕天稱天蝎驅兵隊。顯出梁山捉將能。某乃雲裏金剛宋萬是也。奉哥哥將令。

排九宮八卦陣成功也。杜千俺見哥哥去來。〔杜千云〕將軍俺哥哥好陣勢也。遼兵大一陣皆亡。可早來到也。小校報復去。道有杜千宋萬來了也。〔卒子云〕理會的。喏。報的元帥得知。有杜千宋萬來了也。〔宋江云〕道有請。〔卒子云〕理會的。有請。〔杜千宋萬見科〕〔杜千云〕哥哥俺二將排九宮陣成功而回也。〔宋江云〕二位將軍少待。衆將來全時。一同商議。這早晚敢待來也。〔解珍解寶上〕〔解珍云〕鋼叉無對手。降宋鎮華夷。某乃解珍是也。兄弟解寶。俺弟兄兩箇奉哥哥將令。排陣成功而回也。〔解珍云〕哥哥今日衆將成功也。俺見宋公明哥哥去來。可早來到也。小校報復去。道有解珍解寶來了也。〔卒子云〕理會的。喏。報的元帥得知。有解珍解寶來了也。〔宋江云〕道有請。〔卒子云〕理會的。有請。〔解珍解寶見科〕〔解寶云〕哥哥俺兄弟兩箇排陣成功也。〔宋江云〕兩箇將軍少待。衆將敢待來也。〔施恩薛永陳達同上〕〔施恩云〕平安寨裏爲頭將。綽號英雄金眼彪。某乃金眼彪施恩是也。這二位將軍是病大蟲薛永。跳澗虎陳達。俺三人奉令成功而回也。〔薛永云〕將軍俺宋江哥哥好機謀也。不枉了梁山寨頭一箇英雄也。〔陳達云〕俺陣上殺那邊兵。不曾走了一箇。都皆成功。俺見哥哥去。可早來到也。小校報復去。道有施恩薛永陳達來了也。〔卒子云〕理會的。喏。報的元帥得知。有施恩薛永陳達來了也。〔宋江云〕道有請。〔卒子云〕理會的。有請。〔施恩薛永陳達做見科〕〔施恩云〕哥哥俺三人親奉將令。排九宮八卦陣。

得勝而回也。〔宋江云〕三位將軍少待。衆將來全時。共同商議。衆將敢待來也。〔王矮虎鄭天壽楊志同卒子拏賊戴眞慶上〕〔楊志云〕名傳祖輩無敵將。新佐天朝立國基。某乃青面獸楊志是也。這兩箇將軍。是王矮虎鄭天壽。俺三員大將。奉哥哥將令。排陣成功而回也。〔王矮虎云〕楊將軍。俺哥哥腹內藏着這等機謀的陣勢。量大遠到的那裡也。〔鄭天壽云〕兩箇將軍。恰纔陣上。楊將軍活拏了戴眞慶成功。休滅了俺梁山上志氣也。〔戴眞慶云〕三位老叔。不干我事。都是兀顏受那風弟子孩兒使我來。您饒了我罷。〔楊志云〕小校拏牢着。休教走了這厮。可早來到也。小校報復去。道有俺三將來了也。〔卒子云〕理會的。喏。報的元帥得知。有楊志鄭天壽王矮虎來了也。〔宋江云〕道有請。〔卒子云〕理會的。有請。〔三將做見科〕〔楊志云〕哥哥。俺三將擺陣成功。某活拏將戴眞慶來了也。〔宋江云〕三位將軍成功也。少待片時。將戴眞慶且拏在一壁者。衆將都來了也。還少誰哩。〔卒子云〕則有李逵未曾來哩。〔盧俊義云〕哥哥。您兄弟備辦下筵席。俱各停當。待李逵兄弟來時。一同慶功也。〔宋江云〕小校轅門首望者。若李逵來。報某知道。〔卒子云〕理會的。〔正末領卒子拏李金吾上〕〔云〕某李逵是也。奉宋江哥哥的將令。着我破遼兵。排陣守着乾地。有兀顏受來打陣。被秦明棒打死了兀顏受。有李金吾來打陣。被某一陣。生擒將來了也。〔李金吾云〕將軍。我不曾敢厮殺。我來看排陣耍子兒來。〔正末云〕小校將着這厮。獻功去來。

〔唱〕

〔雙調新水令〕我如今倒干戈得勝報功來。指望待要爭一件紫袍金帶。畢罷了梁山落草心。今日在宋國顯胎孩。受了這軍令親差。則一陣殺的那遼兵敗。

〔云〕可早來到大營也。小校報復去。有李逵得勝回營也。〔卒子云〕理會的。喏。報的元帥得知。有李逵得勝回營也。〔宋江云〕着他過來。〔卒子云〕理會的。過去。〔正末云〕小校。將這厮擎在一壁者。我叫您擎過來。你便擎過來。〔卒子云〕得令。〔正末見科〕〔云〕衆位哥。李逵得勝回營也。〔宋江云〕好兄弟也。我着你守着乾地排兵。您怎生用意成功來。你說一遍。俺衆將聽者。〔正末云〕衆位將軍。聽我說一遍。您試聽者。〔唱〕

〔鴈兒落〕自從將九宮八卦排。他那裡忿怒起離了營寨。就和他到垓心戰了數合。他又早撥轉馬先虧敗。〔楊志云〕李逵兄弟。你與我共做先鋒。你建的功勞在何處也。〔正末云〕小校。將那厮擎過來者。〔卒子云〕理會的。〔卒子擎李金吾見科〕〔宋江云〕這箇是誰。〔李金吾云〕在下是李金吾。〔正末唱〕

〔得勝令〕呀。則他是名將大英才。〔盧俊義云〕你可怎生活擎將來。〔正末唱〕他今日性命也合該。〔吳用云〕你可也英雄也。〔正末唱〕他纔識俺英雄漢。方知是將相才。〔朱武

云〕李達兄弟。我的妙法如何。〔正末唱〕論妙法奇哉。超越出乾坤外。〔公孫勝云〕這場功勞不淺也。〔正末唱〕我心下明白。端的是功勞寬似海。〔宋江云〕兀那李金吾。俺這裡都是天兵在此。你說李達英雄麼。〔李金吾云〕說一箇英雄哩。則一箇九宮八卦陣。把我們些好漢都殺敗了。我就不曾敢強。把我和戴真慶都拏將來了也。〔戴真慶云〕我又不曾動手。〔宋江云〕既是這等。小校將這兩箇賊將殺壞了者。〔李金吾云〕戴真慶。我死也。前日一箇陰陽算我。說今日有些晦氣。〔戴真慶云〕我昨日眼跳了一日也。〔李金吾云〕罷罷罷。死的着也。我做元帥本不濟。跟着別人閑爭氣。今日鋼刀響一聲。罷了。腦袋倒爽利。〔同下〕〔朱武云〕斬了李金吾戴真慶也。〔卒子云〕斬了也。〔朱武云〕李達兄弟。我的這八卦陣如何。〔正末云〕哥哥。好陣勢。好陣勢。聽李達慢慢的說一遍者。〔唱〕

〔川撥棹〕兩壁廂陣初開。則見將軍兵密密擺。俺將這八卦安排。施展雄才。見一箇小將軍冲將陣來。走將來。無處猜。〔宋江云〕我將九宮八卦陣排定了。我到後來變了陣勢。你們敢有些慌麼。〔正末唱〕

〔七弟兄〕陣擺到後來變排。諛的人眼難開。〔朱武云〕你可在那裡來。〔正末唱〕占乾方不敢那一幕。領兒郎則索暗藏埋。斧雙輪舞到有那十餘解。

〔梅花酒〕呀。李金吾猛到來。〔宋江云〕他撞將來。你可怎生敵他來。〔正末唱〕在我行施乖。賣弄他雄才。顯耀些胎孩。〔盧俊義云〕我聞的這李金吾。也是箇英雄好漢也。〔正末唱〕李金吾不算強。呀。敢俺跟前怎寧奈。我將他會剗割。〔盧俊義云〕小校安排筵宴。我與衆將慶功者。〔正末唱〕忙把這玳筵開。今日箇聚英才。拚沉醉。且開懷。拚沉醉。且開懷。〔宋江云〕李逵兄弟也。誰匡今日。俺衆頭領都皆得志。定有加官賜賞也。〔正末唱〕

〔收江南〕呀。指望待居官盡禮受宣差。爲臣作宰轉千階。受皇恩福祿一齊來。願皇圖萬載。則願的天長地久永無災。〔宿太尉上〕〔云〕小官宿太尉是也。奉聖人命。與宋江等加官賜賞。可早來到大營也。小校報復去。道有使命至此也。〔卒子云〕理會的。喏。報的元帥得知。有使命至此也。〔衆做接科〕〔宋江云〕呀呀呀。太尉來了。恕衆將接遲之罪。〔宿太尉云〕您衆將望闕跪者。聽聖人的命。與您加官賜賞。〔衆做跪科〕〔宿太尉云〕爲大遼變亂城都。侵州郡不肯歸伏。宋江等梁山義士。降大宋統領征夫。排九宮八卦之陣。領衆將施展兵符。盧俊義北京總管。有朱武廣設機謀。宋公明滄州節度。因功大破滅無徒。公孫勝一清真人。吳學究廣看兵書。二將軍滄州大尹。理王事皆要無辜。百勝將韓滔彭起。插翅虎秦明心毒。青面獸朱仝索超。黑旋風李逵誰如。摸着天杜千宋萬。鄭天壽快使錐鋸。兩頭蛇解珍解寶。跳潤虎陳達彪。王矮虎

施恩薛永。一箇箇狀貌非俗。殺虜寇望風奔走。平遼國一陣皆除。都封爲指揮僉事。賜百兩寶貝金珠。將醜虜市曹斬首。定太平衆將平胡。聖明君加官賜賞。朝帝闕拜謝鑾輿。

題目

公孫勝展三略六韜書

正名

宋公明排九宮八卦陣

九宮八卦陣穿關

頭折

兀顏統軍

狐帽 蟒衣曳撒 帶劍

毛襖 三髯髯

番卒子

練垂帽 虎兒斑丟袖 貼裏 皮條茄袋 刀

兀顏受

狐帽 膝欄曳

撒

毛襖 帶劍

開妝茄 三髯髯

李金吾

練垂狐帽 皮襖 皮條茄袋 刀

戴眞慶

練垂狐帽 皮襖 皮條茄袋 刀

宿太

尉

一字巾 帶

補子圓 卒子

紅碗子盔 兒甲 襜褕 劍

宋江

麥簷帽 襜褕 蟒衣曳撒 帶劍

項帕 盧

俊義

鳳翅盔 膝欄曳撒 帶劍

項帕 楊志

鳳翅盔 膝欄曳撒 帶劍

項帕 吳用

唐

補子圓領 帶劍

公孫勝

散巾 邊欄道袍 襪兒 三髯髯 裙扇

正末李逵

包巾 皂補納 錦襖 項

腿細護膝 布襪 八答鞋 猛髯 斧

第二折

兀顏受 李金吾 戴眞慶 同 羅眞人

全眞冠

邊欄道袍 執袋

道童

雙髻鬚髮陀頭

兒

公孫勝

同 宋江 吳用

同 戴宗

鳳翅盔 膝欄曳撒 帶劍

項帕

正末李逵

同

第三折

朱武

鳳翅盔 膝欄曳撒 袍 項帕 三髯髯

卒子

同前

宋江 吳用 公孫勝

同前

韓滔 鳳翅盔 膝欄

曳撒

袍 項帕 直纏

彭起

鳳翅盔 膝欄曳撒

袍 項帕 三髯髯

秦明

鳳翅盔 膝欄曳撒

袍 項帕 三髯髯

秦明

鳳翅盔 膝欄曳撒

直纏

膝欄曳撒 帶 索超

鳳翅盔 膝欄曳撒

袍 項帕 三髯髯

朱仝

鳳翅盔 膝欄曳撒

袍 項帕 三髯髯

朱仝

鳳翅盔 膝欄曳撒

袍 項帕 三髯髯

帶

雷橫

鳳翅盔 膝欄曳撒

袍 項帕 三髯髯

盧俊義

同前

陳達

鳳翅盔 膝欄曳撒

袍 項帕 三髯髯

陳達

帶

楊志

鳳翅盔 膝欄曳撒

袍 項帕 三髯髯

杜千

鳳翅盔 膝欄曳撒

袍 項帕 三髯髯

杜千

鳳翅盔 膝欄曳撒

袍 項帕 三髯髯

帶

宋萬

鳳翅盔 膝欄曳撒

袍 項帕 三髯髯

解珍

鳳翅盔 膝欄曳撒

袍 項帕 三髯髯

解珍

鳳翅盔 膝欄曳撒

袍 項帕 三髯髯

帶

寶

鳳翅盔 膝欄曳撒

袍 項帕 三髯髯

薛永

鳳翅盔 膝欄曳撒

袍 項帕 三髯髯

薛永

鳳翅盔 膝欄曳撒

袍 項帕 三髯髯

寶

鳳翅盔 膝欄曳撒

袍 項帕 三髯髯

薛永

鳳翅盔 膝欄曳撒

袍 項帕 三髯髯

薛永

鳳翅盔 膝欄曳撒

袍 項帕 三髯髯

薛永

膝欄曳撒

袍 項帕 直纏

鄭天壽

鳳翅盔 膝欄曳撒

袍 項帕 三髯髯

鄭天壽

鳳翅盔 膝欄曳撒

袍 項帕 三髯髯

鄭天壽

鳳翅盔 膝欄曳撒

帶

項帕

直纏

鄭天壽

鳳翅盔 膝欄曳撒

袍 項帕 三髯髯

鄭天壽

鳳翅盔 膝欄曳撒

袍 項帕 三髯髯

鄭天壽

曳撒

袍 項帕 直纏

正末

李逵

同前

楔子

宋江朱武公孫勝卒子

同前
驪馬兒

正末李逵楊志朱仝雷橫索超秦明韓滔彭

起

同前
驪馬兒

杜千宋萬解珍解寶施恩薛永陳達鄭天壽王矮虎

同前
驪馬兒

兀顏受

戴眞慶李金吾

同前
驪馬兒

第四折

宿太尉卒子

同前

盧俊義卒子

同前

宋江吳用

同前

公孫勝朱武

同前

韓滔彭起

同前

朱仝索超

同前

雷橫秦明

同前

杜千宋萬

同前

解珍解寶

同前

施恩薛永陳達

同前

王

矮虎鄭天壽楊志

卒子拏戴眞慶

同前

正末李逵卒子拏李金吾

同前